


BIBLIA

to je cyłe Swjate pismo stareho a noweho zakonja,

prjedy wot D. Marćina Luthera do němzkeje,

potom wot duchomnych: Jana Langi w Minakale a Mateja Jokiša w
Hbjelzku a Jana Běhmarja w Budeztezach a Jana Wawera w
Bukezach, kaž tež wot Michała Frenzela, duchomneho w Budeztezach
do hornjohŋizkeje serbiskeje ryče ze wšitkej prózu přeložena a
pozdžišo wot druhich ewangeljskich duchomnych wudawana,
nětko pak zaso z nowa a to jidnaty króć swěru přehladana a wudata.

W Budyšinje ćišćana pola E. M. Monzy. 1905.



Creative Commons CC-BY-SA

Wobsah

Stary testament

...

Nowy testament

Sćenje swjateho Mattheja.	5
Sćenje swjateho Marka	65
Sćenje swjateho Lukaša	101
Sćenje swjateho Jana	165
Druhi džěl ewangelija swj. Lukaša, skutki swjatych japoštołow.	213
List swjateho Pawoła na Romskich.	273
Prěni list swjateho Pawoła na Kovrinthizkich.	301
Druhi list swjateho Pawoła na Korintiskich.	327
List swjateho japoštoła Pawoła na Galatizkich.	345
List swj. japoštoła Pawoła na Ephefizkich.	355
List swj. japoštoła Pawoła na Philippizkich.	365
List swj. japoštoła Pawoła na Kolosejzkich.	373

Prěni list swj. japoštoła Pawoła na Thesalonzkich.	379
Druhi list swj. japoštoła Pawoła na Thesalonskich.	385
Prěni list swj. japoštoła Pawoła na Timotheja.	389
Druhi list swj. japoštoła Pawoła na Timoteja.	397
List swj. japoštoła Pawoła na Tita.	403
List swj. japoštoła Pawoła na Philemona.	407
Prěni list swj. japoštoła Pětra.	409
Druhi list swj. japoštoła Pětra.	417
Prěni list swj. japoštoła Jana.	423
Druhi list swjateho Jana.	431
Třeći list swjateho Jana.	433
List na Hebrejskich.	435
List swj. japoštoła Jakuba.	455
List swjateho japoštoła Judaša.	463
Zjewjenje swjateho Jana, wučerja Božeho.	465

Sćenje swjateho Mattheja.

Prěni staw.

Chrystusowa šlachta, podjeće, mjeno a narod.

1. Knihi wot teho naroda Jezom Chrysta, teho syna Dawida, teho syna Abrahama.

2. Abraham je płodźił Izaaka. Jzaak pak je płodźił Jakuba. Jakub pak je płodźił Judu a jeho bratrow. *1 Mójz. 21, 2. 1 Mójz. 25, 26.*

3. Juda pak je płodźił Fareza a Saru z teje Thamary. Farez pak je płodźił Ezroma. Ezrom pak je płodźił Rama.

4. Ram pak je płodźił Aminadaba. Aminadab pak je płodźił Nahasona. Nahason pak je płodźił Salmona.

5. Salmon pak je płodźił Boasa z teje Rahaby. Boas pak je płodźił Obeda z teje Ruthy. Obed pak je płodźił Jese.

6. Jese pak je płodźił Dawida, teho krala. Dawid pak, tón kral, je płodźił Salomona z Uriasowej mandźelzkej.

7. Salomon pak je płodźił Roboama. Roboam pak je płodźił Abiu. Abia pak je płodźił Asu. *1 Kral. 11, 43.*

8. Asa pak je płodźił Jozafata. Jozafat pak je płodźił Jorama. Joram

pak je płodźił Hoziasa. *1 Kral. 15, 24.*

9. Hozias pak je płodźił Joathama. Joatham pak je płodźił Achasa. Achas pak je płodźił Ezechiasa. *2 Kral. 15, 7.*

10. Ezechias pak je płodźił Manasesa. Manases pak je płodźił Amona. Amon pak je płodźił Joziasa. *2 Kral. 20, 21.*

11. Jozias pak je płodźił Jechoniu a jeho bratrow w času Babilonskeho jastwa. *1 Kron. 3, 15.*

12. Dale po Babilonskim jastwje płodźił Jechonias Sealthiela. Sealthiel pak je płodźił Zorobabela. *1 Kron. 3, 17.*

13. Zorobabel pak je płodźił Abiuda. Abiud pak je płodźił Eliakima. Eliakim pak je płodźił Azora.

14. Azor pak je płodźił Zadoka. Zadok pak je płodźił Achima. Achim pak je płodźił Eliuda.

15. Eliud pak je płodźił Eleazara. Eleazar pak je płodźił Matthana. Matthan pak je płodźił Jakuba.

16. Jakub pak je płodźił Jozefa, teho muža Marineho, wot kotrejež so je narodźił Jezus, kiž je mjenowany Chrystus.]

17. Tak wšitkich narodow wot Abrahama hač do Dawida je štyrnaće stawow. A wot Dawida hač do Ba-

bilonskeho jastwa je štyrnaće stawow. A wot Babilonskeho jastwa hač do Chrystusa je tež štyrnaće stawow.

18. Tón narod Jezom Chrysta so pak tak sta. Jako Marja, jeho běše slubjena, a prjedy hdyžli so zeńdžeštaj, namaka so, zo wona z ćežkim životom chodžeše wot swjateho Ducha. *Luk 1, 27. St. 2, 5.*

19. Jozef pak, jeje muž, běše dobry čłowjek a njechaše ju wohanić; mysleše ju pak mjelčo wopuścić.

20. Jako wón sebi pak tak mysleše, hlaj, tuž so jemu jandžel teho Knjeza zjewi wo snje, kotryž džeše: Jozefje, Dawidowy syno, njebój ty so, Marju, swoju mandželsku, k sebi wzać; přetož štož so w njej je narodziło, to je wot swjateho Ducha. *Luk. 1, 35.*

21. Wona budže pak syna porodzić, teho mjeno dyrbiš Jezus narjec. Přetož wón budže swój lud zbóžny sćinić wot jich hrěchow. *Luk. 2, 21. Jap. sk. 4, 12.*

22. To je so pak wšitko stało, zo by dopjelnjene było, štož tón Knjez přez profeta prajił je, kiž praji: *Jez. 7, 14.*

23. Hlaj, knježna budže z ćežkim životom a budže syna porodzić, a woni budža jeho mjenować Immanuel, to budže přeložene: Bóh z nami.

24. Jako pak Jozef ze spanja wotući, činješe wón, kaž jemu teho Knjeza jandžel běše přikazał, a wza swoju mandželsku k sebi;

25. A njepózna ju, hač wona porodži svojeho přenjeho rodzeneho syna; a pomjenowa jeho mjeno Jezus.

2. staw.

*Chrystus w svojich
džěcazych lětach a
horječehnjenju zjewjeny.*

Scénje na třoch kralow.

1. [Hdyž so pak Jezus běše narodził w Betlehemje židowskej zemi, w tym času krala Herodaša, hlaj, tuž přińdžechu či mudri wot ranja do Jerusalema,

2. A džachu: Hdze je tón nowonarodženy kral tych židow? Přetož my smy jeho hwězdu widžili w rańšim kraju a smy přišli, so k njemu modlić.

3. Jako to kral Herodas slyšeše, stróži wón so a z nim cyle Jerusalem;

4. A wón da zhromadzić wšitkich wyšich měšnikow a pismawučenyh bjez ludom a woprašo so pola nich, hdze so Chrystus měł narodzić.

5. Woni pak džachu k njemu: W Betlehemje w židowskim kraju. Přetož tak steji pisane přez profeta:

6. A ty, Betlehem w židowskej zemi, njejsy to najmjeńše bjez židowskimi fěrštami; přetož z tebe budže wuńć tón wodžer, kiž mój Israelski lud pasć budže. *Mich. 5, 2.*

7. Tuž zawoła Herodas tych mudrych skradžu a wobhonjowaše swěru wot nich, w kotrym času so jim ta hwězda běše zjewila;

8. A pósła jich do Betlehema a džeše: Čehńće tam a prašejće so swěru za tym džěcatkom; a hdyž wy jo namakaće, dha powěsće mi zaso, zo bych ja tež přišoł a so k njemu modlił.

9. Jako woni teho krala slyšeli běchu, čehnjechu tam. A hlaj, ta hwězda, kotruž w rańšej zemi widželi běchu, džeše prjedy nich, hač wona dóndže a wosta stejo wyše teho doma, w kotrymž to džěcatko běše.

10. Jako woni pak tu hwězdu widžichu, zwjeselichu so jara wulcy;

11. A džěchu do teho doma a namakachu to džěcatko z Marju, jeho maćerju, a padnywši dele modlachu so k njemu, wočinichu swoje čazy a wobdarichu jo ze zlotom, z woruchom a z maru.

12. A Bóh poruči jim wo snje, zo bychu so k Herodašej njewróćili. A woni čehnjechu po druhim puću zaso do swojeho kraja.

Tekst na njedželu po nowym lěće. III.

13. [Jako woni pak přeč čahnyli běchu, hlaj, tuž zjewi so jandžel teho Knjeza Jozefej wo snje a džeše: Stawaj a wzmi to džěcatko a jeho maćer k sebi a čekni do Egyptowskeje a wostań tam, hač ja ci powěm; přetož na tym je, zo budže Herodas to džěcatko pytać, zo by wón jo skóncował.

14. A wón stanu a wza to džěcatko a jeho maćer k sebi w nocy a wustupi do Egyptowskeje;

15. A wosta tam hač do smjerće Herodašoweje, zo by dopjelnjene było, štož tón Knjez přez profeta prajił je, kotryž rjeknje: Z Egyptowskeje sym ja swojeho Syna powolał. *Hoz. 11,1.*

16. Jako nětk Herodas widžeše, zo wón wot tych mudrych je zjebany, rozhněwa wón so jara a pósła won a da wšitke džěci w Betlehemje morić a na wšitkich jeho mjezach, kiž běchu dwělětne a młódše, wot teho sameho časa, kotryž wón běše wot tych mudrych doprašal.

17. Tehdy je dopjelnjene, štož přez profeta Jeremiasa je prajene, hdyž wón rjeknje: *Jer. 31, 15.*

18. Na horach je hlós slyšany, wjele skórzby, plača a wuća; Rahel plače pře swoje džěci a nochce so dać tróštować; přetož won je z nimi.

19. Jako pak Herodas wumrěł běše, hlaj, tuž zjewi so jandžel teho Knjeza Jozefej wo snje we Egyptowskeje,

20. A džeše: Stawaj a wzmi to džěcatko a jeho maćer k sebi a čěhni do Israelskeho kraja; přetož woni su wumrěli, kiž na žiwjenje teho džěcatka lakachu.

21. A wón staže a wza to džěcatko a jeho maćer k sebi a přińdže do Israelskeho kraja.

22. Jako wón pak slyšeše, zo Archelaus w židowskej zemi z kralom běše na město swojeho nana Herodaša, boješe so wón tam dočahnuć. Ale wo snje bě wón napominany wot Boha a wbroći so na strony Galilejskeje;

23. A přińdže a bydleše w měsće, kotremuž rěkaju Nacaret, zo by dopjelnjene było, štož prajene je přez profetow: Wón budže Nacarenski mjenowany. *5 Mójz. 33, 16. Jez. 11, 1. St. 53, 2.*

3. staw.

Chrystus wot Jana křćeny.

Tekst na 2. njedźelu adwentu. III.

1 [W tym samym času pak přińdže Jan, tón křćenik, a přédowaše w pusćinje teho židowskeho kraja, *Mark. 1, 4. Luk. 3, 3.*

2. A džeše: Čińće pokutu; přetož njebieske kralstwo je so přibližalo.

3. Přetož tón samy je tón, wot kotrehož tón profeta Jezaias prajił je a rjeknył: Předarja hlós je w pusćinje: přihotujće puć temu Knjezež a čińće rune jeho šćežki. *Jez. 40, 3. Mark. 1, 3. Jan. 1, 25.*

4. Wón pak, Jan, měješe drastu wot kamjelskich wlosow a kožany pas na svojich bjedrach a jědžiše skóčki a lěsny měd. *Mark. 1, 6.*

5. Tehdy džěše won k njemu město Jerusalem a cyła židowska zemja a wšitkón wokolny kraj při Jordanje;

6. A dachu so křćić wot njeho we Jordanje a wuznachu swoje hrěchi.

7. Jako wón pak nětk wjele Farizejskich a Sadduzejskich widžeše, zo k jeho křćenicy du, džěše wón k nim: Wy ješćerjowa šlachta, što je wam pokazał, přichodnemu hněwu čeknyć? *Luk. 3, 7.*

8. Teho dla čińće hódne plody teje pokuty. *Luk. 3, 8.*

9. Njepomyslé sebi jeno, zo chcyli wy při sebi rjeknyć. My mamy Abrahama za wótca. Ja pak praju wam: Bóh móže Abrahamej z tych kamjenjow džěci

zbudzić. *Jan. 8, 33. 39. Rom. 4, 12.*

10. Sekera je hižom drjewu k korjenju přiložena. Teho dla, kotrež drjewo do bry plód njeprinjesa, budže porubane a do wohenja čisnjene.] *St. 7, 19. Luk. 3, 9.*

11. Ja was křću z wodu k pokuće; ale tón, kiž po mni přińdže, je móžniši dyžli ja. Ja njejsym dostojny, zo bych ja jeho črije nosyl; tón budže was ze swjatym Duchom a z wohenjom křćić. *Mark. 1, 8. Luk. 3, 16. Jan. 1, 26. Jap. sk. 1, 5. St. 11, 16. St. 13, 24. St. 19, 4.*

12. Wón ma swój wějny lopač w rucy a budže swoje huno wučisćić a swoju přeńcu do bróznje zhromadzić, te pluwy pak z njewuhasniwym wohenjom spalić.

Tekst na 1. njedźelu po třoch kralach. III.

13. [Tehdy přińdže Jezus z Galilejskeje při Jordanje k Janej, zo by so wot njeho křćić dał. *Mark. 1, 9. Luk. 3, 21.*

14. Ale Jan wobaraše jemu a džěše: Mi je trjeba, zo bych ja wot tebe křćeny był, a ty přińdžeš ke mni?

15. Jezus pak wotmołwi a džěše k njemu: Njech so jeno nětk tak stanje; přetož tak nam přisłuša wšitku prawdosć dopjelnić. Tuž wotpušćí jemu. *St. 5, 17.*

16. A jako Jezus křćeny bě, wustupi wón hnydom z wody; a hlaj, njebjesa so wotewrichu nad nim, a Jan widžeše teho Ducha Božeho, jako hołbja, dele lečo a na njeho přińdžo. *Mark. 1, 10. Luk. 3, 21. 22. Jan. 1, 32.*

17. A hlaj, hlós z njebyes džeše: To je tón samy mój luby Syn, na kotrymž ja dobre spodobanje mam.] *Mark. 1, 11.*

4. staw.

Chrystus započa swój předaržki hamt.

Scénje na njedželu Jnvo-cavit.

1. [Tehdy bu Jezus wot teho Ducha do pusćiny wjedzeny, zo by wot čerta spy-towany byl. *Mark. 1, 12. Luk. 4, 1.*

2. A jako wón štyrcyći dnjow a štyrcyći nozow so pozčil běše, bě wón potom hlódny. *2 Mójz. 34, 28.*

3. A tón spytowar džeše přistupiwiši k njemu: Syli Boži Syn, dha rjeknú, zo te kamjenje chlěb budža. *1 Thes. 3, 5.*

4. Wón pak wotmołwi a džeše: Pisane steji: Čłowjek njeje žiwy wot chlěba sameho, ale wot kóždého słowa, kotrež přez Boži ert wuńdže. *5 Mójz. 8, 3. Luk. 4, 4. Kn. mudr. 16, 26.*

5. Tuž wza jeho čert sobu do sw-jateho města a postaji jeho na templowy wjerch, *St. 27, 53.*

6. A džeše k njemu: Syli Boži Syn, dha skoč dele; přetož pisane steji: Wón budže svojim jandželam wo tebe přikazać, a woni budža će na ruko-maj nosyć, zo by swoju nohu wo žadyn kamjeń njestorčil. *Ps. 91, 11.*

7. Tuž džeše Jezus k njemu: Zaso steji pisane: Ty njedyrbiš Boha, swojeho Kn-

jeza, spytować. *5 Mójz. 6, 16.*

8. Wospjet wjedžeše jeho čert sobu na jara wysoku horu a pokaza jemu wšitke swětne kralestwa a jich krasnosť,

9. A džeše k njemu: To wšitko chcu či dać, jeli zo dele padnywši so ke mni modliš. *Luk. 4, 6. 7.*

10. Tuž džeše Jezus k njemu: Zběhnú so wote mnje, zatanje; přetož pisane steji: Ty dyrbiš so k Bohu, swojemu Kn-jezej, modlić a jemu samemu služić. *5 Mójz. 6, 13. Luk. 4, 8.*

11. Tuž wopuści jeho čert, a hlaj, jandželjo přistupichu a služachu jemu.]

12. Jako pak Jezus slyšeše, zo Jan běše podaty do jastwa, wustupi wón do Galilejskeje; *Mark. 1, 14. Luk. 4, 14. Jan. 1, 43.*

13. A wopuści to město Nacaret, přińdže a bydleše w Kapernaumje, kiž leži při morju na mjezach Zabulona a Nefthalima, *Mark. 1, 21. Luk. 4, 31.*

14. Zo by dopjelnjene bylo, štož je prajene přez profeta Jezajasa, kotryž rjeknje: *Jez. 9, 1.*

15. Ta zemja žabulon a ta zemja Nefthalim, při puću teho morja, z tam-neje strony Jordana, a to póhanske Galilea,

16. Tón lud, kotryž w ćmje sedžeše, je widził wulke swětlo, a či, kiž sedžichu w kraju a w chlódku teje smjerće, tym je swětlo zešlo. *Luk. 1, 79.*

17. Wot teho sameho časa poča Jezus předować a prajić: Čińće pokutu; přetož to njebyeske kralestwo je so přibližalo. *Mark. 1, 14. 15. Luk. 4, 15.*

18. Jako pak Jezus při Galilejskim

morju chodžeše, wuhlada wón dweju bratrow, Šimana, kotremuž rěkaju Pětr, a Handrija, jeho bratra; taj puščištaj syć do morja; přetož wonaj běštaj rybakaj.

Mark. 1, 16.

19.

19. A wón džeše k nimaj: Pójtaj za mnu; ja chcu waju k rybakomaj tych čłowjekow sćinić.

Mark. 1, 17.

20. Hnydom wostajišťaj wonaj swoje syće a džěštaj za nim.

St. 19, 27.

21. A jako wón tam dale woteńdže, wuhlada wón dweju druheju bratrow, Jakuba, Zebedeoweho syna, a Jana, jeho bratra, we lódži z jeju nanom Zebedeom, zo swoje syće porjedžeštaj; a wón zawoła jeju.

22. Na měsće wostajišťaj wonaj tu lódž a swojeho nana a džěštaj za nim.

23. A Jezus wobchodži cyłu Galilejsku zemju, wučěše we jich šulach a přédowaše to ewangelion wot kralestwa a hoješe wšelku chorosć a wšelku słabosć w ludu.

Luk. 4, 15. 31.

24. A wot njeho bě słyšane po wšitkim Širiskim kraju. A woni přiwdězechu k njemu wšelkich chorych, kiž běchu ze wšelkimi chorosćemi a čwilemi wobdaći, wobsynjenych, naměsacnych a jichtnych; a wón jich wšitkich zahoji.

25. A wulki lud džeše za nim z Galilejskeje a z tych džesać městow a wot Jerusalema a ze židowskeje zemje a z kraja za Jordanom.

Luk. 6, 17.

5. staw.

Chrystusowe přédowanje na horje wo zbóžnosći kšezćijanow a rozumje zakonja.

Tekst na njedźelu Septuagesima. III.

1. [Jako pak wón tón lud wuhlada, džeše wón na horu. A jako wón so sydnył běše, přistupichu jeho wučomnicy k njemu.

2. A wón wotewri swój ert, wučěše jich a džeše:

3. Zbóžni su ći, kiž duchownje chudzi su; přetož jich je to njebjeske kralestwo.

Luk. 6, 20.

4. Zbóžni su ći zrudni; přetož woni budža troštowani.

Ps. 126, 5.

5. Zbóžni su ći, kiž čicheje mysle su; přetož woni budža zemju wobsynuć.

6. Zbóžni su ći, kiž hlóдни a lačni su po prawdosći; přetož woni budža nasyceni.

Luk. 6, 21 Zjew. 7, 16.

7. Zbóžni su ći smilni; přetož woni budža smilnosć dostać.

Přist. 21, 21.

8. Zbóžni su ći, kiž čisteje wutroby su; přetož woni budža Boha widžeć.

Hebr. 12, 14.

9. Zbóžni su ći měrni; přetož woni budža Bože džěci mjenowani.

10. Zbóžni su ći, kiž prawdosće dla přesčěhani budža, přetož jich je to njebjeske kralestwo.

1 Pětr. 3, 14. Rom. 8, 17.

11. Zbóžni sće wy, hdyž was ludžo moje dla hanja a přesčěhaju a ryča wšo

zle na was, hdyž na tym lžu; 1 *Pětr.* 4, 14.

12. Budźće wjeseli a zradujće so; přetož to budže wam w njebiesach derje zapłaćene. Přetož tak su přesćěhali tych profetow, kiž prjedy was byli su.

13. Wy sće sól teje zemje. Hdyž sól stuchnje, z čím so budže selić? K ničemu so wjazy njehodži, chiba zo so won wusypnje a wot ludži so roztepcje. *Mark.* 9, 50. *Luk.* 14, 34.

14. Wy sće swěto teho swěta. Město, kiž na horje leži, njemóže potajene być. *Phil.* 2, 15.

15. Woni tež njezaswěća swěcu a njes-taja ju pod kórc, ale na swěčnik; dha wona wšak wšitkim swěći, kiž w domje su. *Mark.* 4, 21. *Luk.* 8, 16. *St.* 11, 33.

16. Tak swěć tež waše swěto před ludźimi, zo bychy woni waše dobre skutki widźili a wašeho Wótca w njebiesach česćili. 1 *Pětr.* 2, 12.

Tekst na 18. njedźelu po sw-jatej Trojicy. IV

17. [Wy sebi njetrjebaće pomyslić, zo sym ja přišoł zakon a profetow zaničić. Ja njejsym přišoł zaničić, ale dopjelnić. *Rom.* 3, 31.

18. Přetož zawěrnje, ja praju wam: Dokelž njezańdže njebo a zemja, tež nic jene pismičko, tež nic jedyn punkčik wot zakona njebudže zańć, hač so wšitke wěcy stanu. *Luk* 16,17 *St.* 21, 33.

19. Štóz teho dla jenu wot tych na-jmjeńšich přikaznjow zaniči a wuči ludži tak, tón budže najmjeńši mjenowany w

njebieskim kralestwje; štóz to pak čini a wuči, tón samy budže wulki mjenowany w njebieskim kralestwje.] *Jak.* 2, 10. *Mat.* 18,1. 4.

Scénje na 6. njedźelu po sw-jatej Trojicy.

20. [Přetož ja wam praju: Njebudže-li waša prawdosć lěpša abo poľniša, dyžli tych pismawučenyh a Farizejskich, dha wy njebudžeće do njebieskeho kralestwa přińć. *Luk.* 18, 11. 12.

21. Wy sće slyšeli, zo starym prajene je: Ty njedyrbiš mordować; štóz pak morduje, tón je sudženja hódny. 2 *Móž.* 20, 13.

22. Ja pak praju wam: Štóz so na swogeho bratra hněwa bjez winy, tón je sudženja hódny; štóz pak k swogemu bratrej rjeknje: Racha, tón je rady hódny; štóz pak rjeknje: Ty blaznje, tón je helskeho wohenja hódny. *Ps.* 143, 2.

23. Teho dla, hdyž ty swój dar na woľtar wopruješ a tam so dopomniš, zo twój bratr něšto přećiwo tebi ma;

24. Dha wostaj tam swój dar před woľtarjom a dži a zjednaj so prjedy ze swojim bratrom, a potom přińdž a wopruj swój dar.

25. Budž na měsće dobry swogemu přećiwnikej, dokelž ty hišće z nim na puću sy, zo by će něhdže přećiwnik nje-podał sudnikej, a sudnik će njepodał bërcej, kiž by će do jastwa čisnył. *St.* 6, 14. *St.* 18, 35. *Luk.* 12, 58.

26. Zawěrnje, ja praju či: ty njebudžeš tam wuńć, hač poslenju šerpátku zaplaćiš.] *St.* 18, 34.

27. Wy sće słyšeli, zo starym je prajene: Ty njedyrbiš mandželstwo łamać. *2 Mójz. 20, 14. 3 Mójz. 20, 10.*

28. Ale ja pak wam praju: Štóz na žónsku pohlada, tak zo by sebi tu samu požadał, tón je hižom mandželstwo z njej zlamał w swojej wutrobje. *Hiob. 31, 1. Ps. 119, 37.*

29. Jeli zo će pak twoje prawe woko pohórši, wutorhń jo a čisń jo wot sebje; přetož lěpje ći je, zo jedyn twójch stawow zahinje a nic cyłe čelo do hele čisnjene bylo. *St. 18, 9. Mark. 9, 47.*

30. A jeli zo će twoja prawa ruka pohórši, wotetń ju a čisń ju wot sebje; lěpje tebi je, zo jedyn twójch stawow zahinje a nic cyłe čelo do hele čisnjene bylo. *St. 18, 8. Mark. 9, 43.*

31. Tež je prajene: Štóz swoju mandželsku wot sebje pušći, tón daj ji lóslizt. *5 Mójz. 24, 1. Mat. 19, 7. Mark. 10, 4. 5. Luk. 16, 18. 1 Kor. 7, 10.*

32. Ja pak praju wam: Štóz swoju mandželsku wot sebje pušći (chiba mandželstwo-łamanja dla), tón čini, zo wona mandželstwo łama; a štóz wupušćenu wozmjje, tón mandželstwo łama.

Tekst na 12. njedźelu po sw-jatej Trojicy. IV.

33. [Dale sće wy tež słyšeli, zo starym je prajene: Ty so njedyrbiš njeprawje roćić a dyrbiš Bohu swoju přisahu dźeržeć. *2 Mójz. 20, 7. 3 Mójz. 19, 12.*

34. Ale ja pak wam praju, zo byšće so ničo njeroćili, ani na njebo, přetož

wone je Boží stol; *Jez. 66, 1. Jap. sk. 7, 49. St. 17, 24.*

35. Ani na zemju, přetož wona je jeho nohow podnožk; ani na Jerusalemy, přetož wone je wulkeho krala město.

36. Tež njedyrbiš ty so na swoju hłowu roćić; přetož ty njemóžeš žaneho włosa ani běleho ani čorneho sćinić.

37. Ale waša ryč budź: Haj, haj; ně, ně; štož wyše je, to je wot zleho.] *Jak. 5, 12. 2 Kor. 1, 17.*

38. Wy sće słyšeli, zo je prajene: Woko za woko, zub za zub. *2 Mójz. 21, 23. 24. 3 Mójz. 24, 20.*

39. Ja pak praju wam: Njepřećiróće so zlěmu; ale jeli zo će štó dyri na twoje prawe lico, temu tež to druhe nastaj.

40. A jeli zo štó z tobu prawować chce a twoju suknju tebi wzać, temu tež mantl wostaj. *Luk. 6, 29. 1 Kor. 6, 7.*

41. A jeli zo štó tebje nući jenu milu, dži z nim dvě.

42. Daj temu, kiž će prosy; a njewo-broć so wot teho, kiž ći wotzajimać chce. *Luk. 6, 30. 34.*

43. Wy sće słyšeli, zo je prajene: Ty dyrbiš swjeho bližšeho lubować a swjeho njepřećela hidzić. *3 Mójz. 19, 18.*

Tekst na 6. njedźelu po sw-jatej Trojicy. IV.

44. [Ja pak wam praju: Lubujće wašich njepřećelow; žohnujće tych, kiž was pokleja; činće dobrotu tym, kiž was hidža; prošće za tych, kiž wam škodža a přescěhaju was: *Luk. 23, 34. Jap. sk. 7, 60.*

45. Tak zo byšće wy džěci byli wašeho Wótca w njebjesach, kotryž swojemu slóncu da schadźeć na złych a na dobrych a dawa dešć na prawych a na njeprawych.

46. Přetož hdyž wy lubujetejce tych, kotřiž was lubuja, kajke myto wy změjeće? Nječinja to tež slonicy? *Luk. 6, 32.*

47. A hdyž wy so jeno přećiwo wašim bratram luboznje zadžeržicie, što wy wosebného činiće? Nječinja tež tak slonicy?

48. Teho dla dyrbiće wy dokonjeni być, runje jako tež waš Wótc w njebjesach dokonjany je.] *3 Mójz. 11, 44. St. 19, 2.*

6. staw.

Wo někotrych zwučowanjach bohaborosće.

Tekst na 13. njedźelu po swj. Trojicy. IV.

1. [Mějće kedźbu na wašu jałmožinu, zo byšće wy tu samu njedawali před ludźimi, tak zo byšće byli widženi wot nich; wy njezmějeće žaneho myta pola wašeho Wótca, kiž w njebjesach je.

2. Hdyž ty teho dla jałmožinu dawaš, njedaj přjedy sebje trubić, jako hejchlerjo činja w šulach a na hasach, tak zo bychy wot ludźi byli česćeni. Zawěrnje, ja praju wam: Woni maju swoje myto přeć. *Rom. 12, 8.*

3. Hdyž ty pak jałmožinu dawaš,

njech njewě twoja lěwica, što čini twoja prawica,

4. Zo by twoja jałmožina byla w potajnym, a twój Wótc, kiž do potajneho hlada, budže tebi to zaso zjawnje zaplaćić.

5. A hdyž so modliš, njebudź jako hejchlerjo, kiž stejo radži so modla w šulach a na rózkach tych hasow, tak zo bychy woni wot ludźi byli widženi. Zawěrnje, ja praju wam: Woni maju swoju mzdu přeć.

6. Ale hdyž so ty modliš, zańdź do swojeje komorki a zankń swoje durje a modl so k swojemu Wótcu w potajnym; a twój Wótc, kiž do potajneho hlada, budže tebi to zaplaćić zjawnje. *2 Kral. 4, 33.*

7. A hdyž wy so modliće k Bohu, njebórbotajće jeno wjele, jako póhanjo činja; přetož jim so zda, zo budža wuslyšeni, hdyž wjele słowow činja. *Jez. 1, 15. Sir. 7, 15.*

8. Teho dla njerunajće so jim; přetož waš Wótc wě, čoho wam je trjeba, přjedy dyžli jeho prosyće.] *Št. 32.*

Tekst na njedźelu Rogate. III.

9. [Teho dla wy so tak modlće: Naš Wótc, kiž sy ty w njebjesach. Swjećene budź twoje mjeno. *Luk. 11, 2. 2 Mójz. 20, 7.*

10. Přińdź k nam twoje kralestwo. Twoja wola so stań, kaž na njebju, tak tež na zemi. *Luk. 22, 42.*

11. Naš wšedny chléb daj nam džensa.

12. A wodaj nam naše winy, jako my wodawamy našim winikam.

13. A njewjedź nas do spytowanja, ale wumož nas wot teho zleho. Přetož twoje je to kralestwo a ta móc a ta česć hač do wěčnosće. Hamjeń.] *St. 26, 41.*

14. Přetož hdyž wy ludžom jich hrěchi wodaće, dha budže wam waš njebjeski Wótc tež wodać. *Mark. 11, 25.*

15. Njebudžeće-li wy pak ludžom jich hrěchi wodać, dha wam tež njebudže waš Wótc waše hrěchi wodać.

16. Hdyž wy so pozćiće, njehladajće kisale, jako jebakoj; přetož woni zmoršća swoje wobliča, zo by było ludžomi wědomne, zo so požća. Zawěrnje, ja praju wam: Woni su swoju mzdu dostali. *Jez. 58, 5. 6.*

17. Hdyž ty so pak pozćiš, dha žalbu swoju hłowu a zmyj swoje wobličo,

18. Tak zo by ludžom zjawne njebyło, zo so pozćiš, ale twojemu Wótcu, kiž w potajnym je; a twój Wótc, kiž do potajneho hlada, budže tebi zaplaćić zjawnje.

19. Njenahromadźće sebi čazy na zemi, hdžež mole a zezaw je skaža, a hdžež paduši so za nimi kopaju a je kranja; *St. 19, 21 Hebr. 11, 26. Jak. 5, 1. 2. 3.*

20. Ale zhromadźće sebi čazy w njebjesach, hdžež ani mole ani zezaw te same njeskaža, a hdžež paduši so za nimi njekopaju ani te same njekranja. *Luk. 12, 33. 1 Tim. 6, 6—9.*

21. Přetož hdžež waš šaz je, tam je tež waša wutroba. *Luk. 12, 34.*

22. Woko je teho čěla swěca. Budže-li teho dla twoje woko čiste, dha budže twoje cyłe čělo swětle; *Luk. 11, 34.*

23. Je-li pak twoje woko zle, dha budže twoje cyłe čělo čěmne. Hdyž pak to swětlo, kotrež w tebi je, čma je, kajka dha ta čma sama budže?

Scénje na 15. njedźelu po swjatej Trojicy.

24. [Nichtó njemóže dwěmaj knjezomaj služić; chiba wón budže jeneho hidzić a druheho lubować, abo budže so k jenemu dzeržeć a druheho zacpěć. Wy njemóžeće Bohu služić a mammonej. *Luk. 16, 13 1 Kral. 18, 21.*

25. Teho dla praju ja wam: Njes-tarajće so za waše žiwjenje, što byšće jědli a pili; tež nic za waše čělo, što byšće so woblekli. Njeje žiwjenje wjazy, dyžli jědź? a čělo wjazy dyžli drasta? *Ps. 37, 5. Ps. 55, 23. Přist. 16, 3. Luk. 12, 22. Phil. 4, 6. 1 Tim. 6, 6. 1 Pětr. 5, 7.*

26. Pohladajće na ptaki pod njebjesami; wone njesyja, wone něžnu ani njechowaju do bróznjow; a waš njebjeski Woćež je wšak zežiwi. Njejsće dha wy wjele wjazy dyžli wone? *Luk. 12, 24.*

27. Štó je bjez wami, kiž by swojej dołhosći mohł jedyn loć přistajić, hač by wón so runje wo to starał?

28. A čoho dla so staraće wo drastu? Wohladajće lilije na polu, kak wone rostu; wone njedžělaju, tež njepřadu.

29. Ja praju wam, zo tež Salomon we wšitkej swojej krasnosći njeje tak wuh-

towany był, jako jena tych samych. *1 Kral. 4, 21.*

30. Hdyž teho dla Bóh tu trawu na polu tak wodźewa, kotraž džensa steji a nazajtra do pjecy čisnjena budže, njedyrbał wón to wjele wjazy wam činić? O wy małowěrní! *St. 8, 26.*

31. Teho dla njestarajće so a njeprajće: Što budžemy jěsć? što budžemy pić? što budžemy so woblekać?

32. Přetož za wšitkim tym pytaju so póhanjo; přetož waš njebjeski Woćež wě, zo wy teho wšeho potrjebaće. *Luk. 12, 30.*

33. Pytajće pak najprjedy Bože kralestwo a jeho prawdosć, dha budže wam to wšitko přidate. *1 Kral. 3, 13. Ps. 37, 4.*

34. Teho dla njestarajće so wo jutřiši dzeń; přetož jutřiši dzeń budže so wo to swoje starać. Dosć je, zo ma kóždy dzeń swoju wobćežnosć.]

7. staw.

Wo někotrych zadžěwanjach zbóžnosće.

1. Njesudźće, zo byšće wy njebyli sudženi. *Luk. 6, 37. Rom. 2, 1. 1 Kor. 4, 5.*

2. Přetož z kajkimž sudom wy sudźiće, z tajkim budžeće wy sudženi; a z kajkejž měru wy měriće, z tajkej budže wam zaso měrjene. *Mark. 4, 24. Luk. 6, 37. Rom. 2, 1.*

3. Što pak widžiš ty tu třěsku w swojeho bratra woku, a teje hrjady w swojim woku njepytnejš ty?

4. Abo kak móžeš ty k swojemu bra-trej rjeknyć: Njeh ja tebi tu třěsku z twojeho woka wučahnu? A hlaj, hrjada je w twojim woku.

5. Ty jebako, wučehń přjedy tu hr-jadu ze swojeho woka, a potom dohladaj so, zo by ty tu třěsku ze swojeho bratra woka wučahnył. *Sir. 18, 21. Luk. 6, 42.*

6. Njedawajće psam to swjate, ani waše parole njeciskajće swinjom, tak zo wone ze swojimi nohami je nje-podteptale a so wobročile a was rostorhale.

Tekst na njedželu Rogate. IV.

7. [Prošće, a wam budže date; pytajće, a wy budžeće namakać; klapajće, a wam budže wotewrjene. *Mark. 11, 24. Luk. 11, 9.*

8. Přetož kóždy, kiž prosy, bjerje; a štóž pyta, namaka; a štóž klapa, temu budže wotewrjene. *Přisl. 8, 17.*

9. Štó je bjez wami čłowjekami, hdy by jeho syn jeho prosył pře chléb, zo by wón jemu kamjeń podał?

10. A hdy by wón jeho prosył pře rybu, zo by jemu hada podał?

11. Jeli zo teho dla wy, kiž wy zhi sće, wšak móžeće wašim džěćom dobre dary dawać; wjele skerje waš Woćež, kiž w njebjesach je, budže dobre wěcy dawać tym, kiž jeho proša.] *Luk. 11, 13. Jak. 1, 17.*

12. Wšitko teho dla, štož wy chceće, zo bychy wam ludžo činili, to činće wy jim tež; to je tón zakon a či profetojo.

Luk. 6, 31. Mat. 22, 39. 40.

13. Džiće nutř přez te česne wrota. Přetož te wrota su šěroke a tón puć je rumny, kiž k satamanstwu dele wjedže; a jich je wjele, kotřiž po nim chodža.

Luk. 13, 24.

14. A te wrota su česne a tón puć je wuski, kiž k žiwjenju wjedže; a mało je jich, kiž jón namakaju. *Jap. sk. 14, 22.*

Sćenje na 8. njedźelu po sw-jatej Trojicy.

15. [Hladajće so falšnych profetow, kotřiž we wowčej drasće k wam přindu; ale z nutřkach su woni torhace wjelki. *Jer. 14, 14. St. 23, 16.*

16. Na jich płodach dyrbiće wy jich póznać. Móže tež štó kiće zběrać wot černjow abo figi wot wóstow? *Luk. 6, 43. 44. Jak. 3, 12.*

17. Tak kóždy dobry štom přinjese dobre płody; ale zhnily štom přinjese złe płody.

18. Dobry štom njemóže złe płody přinjesć, a zhnily štom njemóže dobre płody přinjesć. *St. 12, 33.*

19. Kóždy štom, kotryž dobre płody njeprinjese, budže porubany a do wohenja čisnjeny. *St. 3, 10. Luk. 3, 9. Jan. 15, 2. 6.*

20. Teho dla dyrbiće jich na jich płodach póznać.

21. Woni njebudža wšitcy, kiž ke mni rjeknu: Knježe, Knježe, do njebjeskeho kralestwa přinć; ale či, kiž wolu činja

mojeho Wótca w njebjesach. *Rom. 2, 13. Jak. 1, 22. 25.*

22. Jich wjele budže ke mni rjec na tamnym dnju: Knježe, Knježe, njejsmy my w twojim mjenje wěšćili? Njejsmy my w twojim mjenje čertow won honili? Njejsmy my w twojim mjenje wjele skutkow sćinili? *Luk. 6, 46. St. 13, 26. 27.*

23. A tehdy budu ja jim póznać: Ja was nihdy njejsym zeznał; džiće přeč wote mnje wšitcy, wy złoštnicy.] *Ps. 6, 9.*

Tekst na 4. njedźelu po swj. Trojicy. IV.

24. [Teho dla, štož te moje słowa słyši a čini je, teho přirunam ja mudremu mužej, kiž je swój dom na skału wutwaril. *Luk. 6, 17. Jan. 13, 17.*

25. Jako nahły dešć padže a woda přindže a wětry dujachu a na tón dom storkachu, wón wšak njepadže; přetož wón běše na skału stajeny. *St. 16, 18.*

26. A štož te moje słowa słyši a nječini te same, tón je podobny na njemudreho muža, kiž swój dom na pěsk je stajil.

27. Jako nahły dešć padže a woda přindže a wětry dujachu a na tón dom storkachu, tuž wón padže, a běše jeho pad wulki.] *Ez. 13, 11.*

28. A sta so, jako Jezus te same ryče běše dokonjał, dźiwachu so ludžo jara jeho wučbje. *Mark. 1, 22. Luk. 4, 32. Jan. 7, 46.*

29. Přetož wón wučese jich móžnje a nic jako či pismawučeni.

8. staw.

Chrystusowe džiwy, woseb- nje z teje strony morja.

1. Jako wón pak z hory dele džeše, džeše wjele luda za nim.

2. A hlaj, wusadny přińdže, modleše so k njemu a džeše: Knježe, chceš-li, dha móžeš ty mje wučisćić. *Mark. 1, 40. Luk. 5, 12. Mat. 26, 39.*

3. A Jezus přestrě swoju ruku, dótknu so jeho a džeše: Ja chcu, budź wučisćeny. A hnydom bě wón wot swojeho wusada čisty.

4. A Jezus džeše k njemu: Hladaj, zo to nikomu njeprajiš; ale dži a pokaž so měšnikej a wopruj tón dar, kotryž Mójzas přikazał je, jim na swědčenje. *Luk. 17, 14. 3 Mój. 14, 2*

Scénje na 3. njedźelu po třoch kralach.

5. [Jako pak Jezus nutř džeše do Kapernauma, přistupi wojski hejtman k njemu; tón prošeše jeho, *Luk. 7, 2.*

6. A džeše: Knježe, mój wotročk leži domach na jichtnu chorosć a ma wulku bolosć.

7 Jezus džeše k njemu: Ja chcu přińć a jeho wustrowić.

8. Tón hejtman wotmołwi a džeše: Knježe, ja njesym hódny, zo by ty pod moju třěchu šoł; ale praj jenó słowo, dha budže mój wotročk wustrowjeny.

9. Přetož ja tež sym čłowjek pod wyšnosću a mam pod sobu wojakow; ale wšak hdyž k jenemu rjeknu: Dži tam,

dha wón dže; a k druhemu: Přińdź sem, dha wón přińdže; a k mojemu wotročkej: Čiń to, dha wón jo čini.

10. Jako to Jezus slyšeše, džiwaše so a džeše k tym, kotřiž za nim džěchu: Zawěrnje, ja praju wam, tajku wěru njejsym ja tež we Israelu namakał.

11. Ale ja praju wam, zo jich wjele budže přińć wot ranja a wot wječora a z Abrahamom a z Izaakom a z Jakubom w njebjeskim kralestwje za blidom sedzić.

12. Ale džěći teho kralestwa budža wuztorkane do teje najhlubšeje čěmnosće, hdžež budže wuće a zubow křipjenje. *St. 22, 13. St. 25, 30.*

13. A Jezus džeše k wojskemu hejtmanej: Dži, tebi so stań, kaž wěrił sy. A jeho wotročk wočerstwí w tej samej štundže.] *St. 15, 28.*

14. A přisedši Jezus do Pětroweje čěže widžeše, zo jeho přichodna mać ležeše a na zymnu chora běše. *Mark. 1, 29. Luk. 4, 38.*

15. A wón dótknu so jeje ruki, a hnydom wopuści ju ta zymna. A wona postanu a služeše jim. *St. 9, 25.*

16. Jako pak wječor bě, přinjesechu woni wšelakich wobsynjenych k njemu; a wón honješe tych duchow won ze słowami a zahoji wšelkich chorych, *Mark. 1, 32. Luk. 4, 40.*

17. Zo by dopjelnjene było, štož je přez profeta Jezajasa prajene, kotryž rjeknje: Wón je naše słabosće na so wzał, a naše chorosće je wón nješť. *Jez. 53, 4. 5. 1 Pětr. 2, 24.*

18. Jako pak Jezus wjele luda wokoło sebje widžeše, kazaše wón jim na tamnu stronu teho morja so přewjesć.

19. A někajki pismawučeny přistupi a džeše k njemu: Wučerjo, ja póndu za tobu, hdžež ty póndžeš. *Luk. 9, 57.*

20. Jezus džeše k njemu: Liški maju jamy, a ptaki pod njebjesami maju hnězda; ale teho čłowjeka syn nima, hdžež by swoju głowu položil. *2 Kor. 8, 9.*

21. A druhi jeho wučomnikow džeše k njemu: Knježe, wotpušć mi, zo bych ja prjedy wotešoł a pohrjebał swojeho nana. *Luk. 9, 59.*

22. Ale Jezus džeše k njemu: Pój ty za mnu, a njech morwi hrjebu swojich morwych. *1 Tim. 5, 6. Zjew. 3, 1.*

Scénje na 4. njedźelu po třoch kralach.

23. [A wón stupi do łódže, a jeho wučomnicy džěchu za nim. *Mark. 4, 36. Luk. 8, 22.*

24. A hlaj, wulke njewjedro so zběže na morju, tak zo ta łódž ze žołmami bě přikryta; wón pak spaše. *Jon. 1, 4. 5.*

25. A či wučomnicy přistupiwiši k njemu wubudźichu jeho a džachu: Knježe, pomhaj nam; my kónc wozmjemy.

26. A wón džeše k nim: Što so tak jara bojiće, wy małowěrní? Tuž stanu wón a wobhrozy wětram a morju; dha wšitko woćichnu. *St. 6, 30.*

27. Ludžo pak džiwachu so a džachu: Kajki je to muž, zo jemu wětry a morjo poslušne su? *Přisl. 30, 41.*

28. A wón přindže z tamneje strony morja do kraja tych Gergesenow. Tuž běžešaj jemu napřećiwo dwaj wot čerta

wobsynjenaj, taj wuńdžešaj z rowow. Wonaj pak běšaj jara surowaj, tak zo nchtó po tej samej drozy chodźić njesmědžeše. *Mark. 5, 1. Luk. 8, 26.*

29. A hlaj, wonaj wołašaj a džešaj: Ach Jezu, ty Syno Boži, što mamy my z tobu činić? Sy ty sem přišoł prjedy časa nas čwilować? *Luk. 4, 41.*

30. Daloko pak wot nich běše wulke stadło swini, kotrež so pasechu.

31. Tuž prošachu jeho či čerći a džachu: Chceš-li nas wuhnać, dha wotpušć nam hić do teho stadła swini.

32. A wón džeše k nim: Džiće. A woni šedši won woteńdžechu do teho stadła tych swini. A hlaj, to cyle stadło tych swini běžeše jene dobo do morja a tepichu so we wodže. *Luk. 8, 32. 33.*

33. A či pastyrjo čeknychu a přisedši do města připowjedachu wšitko a tež to wot teju wobsynjenaju čłowjekow.

34. A hlaj, to cyle město wuńdže won Jezusej napřećiwo. A jako jeho wuhladachu, prošachu woni jeho, zo by wón z jich mjezow šoł. *Mark. 5, 17. Luk. 8, 37.*

9. staw.

Chrystusowe džiwu po jeho domwróćenju.

Scénje na 19. njedźelu po swj. Trojicy.

1. [A wón stupi do łódže a přewjeze so a přindže do swojeho města.

2. A hlaj, woni přinjesechu k njemu jichtneho na poslešću ležo. Jako pak

Jezus jich wěru widžeše, džeše wón k temu jichtnemu: Dowěr so, syno, twoje hrěchi su tebi wodate. *Mark. 2, 1. Luk. 5, 18.*

3. A hlaj, někotři bjez pis-mawučenymi džachu sami při sebi: Tón leztruje Boha.

4. Jako pak Jezus jich mysle widžeše, džeše wón: Čoho dla myslíce wy sebi tak zle w swojich wutrobach?

5. Kotre je lóžše, prajić: Tebi su twoje hrěchi wodate, abo rjec: Stań horje a chodź wokoło?

6. Zo byšće pak wědzeli, zo čłowski syn móc ma, na zemi hrěchi wodawać, džeše wón k temu jichtnemu: Stań horje, zběhnj swoje poslešćo a dži dom. *Jan. 5, 8. Jap. sk. 9, 34.*

7. A wón stanu horje a džeše dom.

8s. A jako pak lud to widžeše, džiwaše so a chwaleše Boha, kiž tajku móc čłowjekam dał je.]

9. A jako Jezus nimo přeč džeše, widžeše wón čłowjeka na zli sedžo, temu rěkachu Matej. A wón džeše k njemu: Pój za mnu. A wón stanu a džeše za nim.

10. A sta so, jako wón za blidom sedžiše w domje, hlaj, tuž přińdže wjele słonikow a synychu so za blido z Jezusom a z jeho póstami.

11. Jako to ěi Farizejscy widžichu, džachu woni k jeho póstam: Čoho dla jě waš mištr z zlotnikami a z hrěšnikami?

12. Jako to Jezus słyšeše, džeše wón k nim: Strowym njeje trjeba lěkarja, ale chorym. *Luk. 5, 31.*

13. Džiće pak a wukńće, što to je: Mi so smilnosť lubi a nic wopor. Přetož ja

njejsym přišoł prawych k pokuće wołać, ale hrěšnikow. *1 Sam. 15, 22. Hoz. 6, 6. Mat. 12, 7.*

14. Tehdy stupichu k njemu Janowi wučomnicy a džachu: Čoho dla pozćimy so my a Farizejscy tak wjele, a twoji wučomnicy so njepozća? *Mark. 2, 18. Luk. 5, 33.*

15. Jezus džeše k nim: Kak móža kwasni hosćo zrudni być, tak dolho hač je nawoženja při nich? Tón čas pak budže přińć, zo budže nawoženja wot nich wzaty, a tehdy budža woni so posćić.

16. Nichtó njepřišiwu zaplatu wot noweho płata k starej drasće; přetož ta zaplata so wšak na drasće zaso wot-torhnje, a je wjetša džěra. *Mark. 2, 21.*

17. Woni tež njepjelnja mošt do starych sudow; hewak to sudobje so rozsypje a to wino so rozlije a to sudobje so skazy. Ale woni mošt do nowych sudow pjelnja, a budže tak woboje zachowane.

Scénje na 24. njedźelu po swjatej Trojicy.

18. [Jako wón to z nimi rěčeše, hlaj, tuž přińdže (jedin) wyši a padže před nim dele a džeše: Knježe, moja džowka je nětk wumrěla; ale pój a polož swoju ruku na nju, dha budže wona wožiwić. *Mark. 5, 22. Luk. 8, 41.*

19. A Jezus postanywši džeše za nim a jeho pösli.

20. A hlaj, žónska, kiž dwanaće lět tu krwawu chorosć běše měla, přistupi zady

a dótknu so teho wobrubu jeho drasty.

Mark. 5, 25. Luk. 8, 43.

21. Přetož wona při sebi sama džeše: Mohla ja so jeno jeho drasty dótknýt, dha bych strowa byla.

St. 14, 36.

22. Jezus so pak wobroći a wuhlada ju a džeše: Dowěr so, džowka, twoja wěra je tebje wustrowila. A ta žónska bě strowa wot teje sameje štundy.

23. A jako wón do teho wyšeho doma přińdže a widžeše tych, kiž k rowu piskachu, a ropot teho luda, *2 Kron. 35, 25.*

24. Džeše wón k nim: Wustupće; přetož to holčatko njeje wumrjelo, ale spi. A woni so jemu smějachu.

25. Jako pak tón lud bě wuhnaty, džeše wón nutř a zapřija ju za ruku, a to holčatko staže.

26. A ta powěsć bu roznjesena po tej samej cylej zemi.]

Luk. 7, 17.

27. A hdyž Jezus tam přeč woteńdže, džeštaj za nim dwaj slepaj, taj wołaštaj a džeštaj: Ach ty syno Dawidowy, smil so nad namaj!

St. 20, 30.

28. A jako wón dom přińdže, přistupištaj k njemu taj slepaj. A Jezus džeše k nimaj: Wěritaj wój, zo ja wamaj to činić móžu? Wonaj džeštaj k njemu: Haj, Knježe.

29. Tuž dótkny wón so jeju wočow a džeše: Po waju wěrje so wamaj stań. *St. 8, 13.*

30. A jeju woči buštej wotewrjenej. A Jezus jimaj pohrozy a džeše: Hlajtaj, zo wo tym nihtó njezhoni.

31. Ale wonaj šedši won rěčeštaj wot njeho w tym samym cyłym kraju.

32. A jako wonaj wušlaj běštaj, hlaj, tuž přinjesechu woni k njemu čłowjeka, kotryž běše němý a wobsynjeny. *Luk. 11, 14. Mat. 12, 22.*

33. A jako tón čert běše wuhnaty, rěčeše tón němý. A ludžo džiwachu so a džachu: Nihdy so tak njeje stało we Israelskim ludu.

34. Ći Farizejscy pak džachu: Wón honi čertow won přez wyšeho tych čertow. *St. 12, 24. Mark. 3, 22. Luk. 11, 15.*

Tekst na 3. njedźelu po třoch kralach. IV.

35. [A Jezus přechodži wšitke města a městka, wučese we jich šulach a přédowaše to ewangelion wot teho kralestwa a hoješe wšelke chorosće a wšelke slabosće na ludžoch. *St. 4, 23.*

36. Jako wón pak tych ludži wuhlada, běše jemu žel tych samych; přetož woni běchu zawutleni a rozhonjeni, jako wowcy, kiž pastyrja nimaju. *Mark. 6, 34.*

37. Tuž džeše wón k svojim wučomnikam: Te žně su wulke, ale mało je džělačerjow. *Luk. 10, 2.*

38. Prošće pak teho Knjeza tych žnjow, zo by wón džělačerjow do swojich žnjow posłał.] *Mark. 3, 13. 14.*

10. staw.

Wo Chrystusowych dwanaće wučomnikach.

1. A wón zawoła svojich dwanaće wučomnikow k sebi a da jim móc na nječistych duchow, zo bychu jich won honili a zahojili wšelku chorosć a wšelku słabosć. *Mark. 3, 14. 15. St. 6, 7. Luk. 9, 1.*

2. Te mjena pak tych dwanaće japoštołow su te: Tón přeni Šiman, mjenowany Pětr, a Handrij, jeho bratr; Jakub, žebedeowy syn, a Jan, jeho bratr;

3. Philip a Bartholomej; Tomaš a Matej, tón slonik; Jakub, Alpheowy syn, a Lebbeus, z přimjenom Thaddeus;

4. Šiman Kananejsaki a Judaš Jšarioth, kiž jeho přeradži.

5. Tych samych dwanaće pósła Jezus, přikaza jim a džeše: Po pućach tych pohanow njechodźće a do Samariskich městow njezańdźće;

6. Ale dźiće radšo k zhubjenym wowcam teje Israelskeje chěže. *Jap. sk. 13, 46. Mat. 15, 24.*

7. Dźiće pak, předuje a prajće: To njebieske kralstwo je so přibližało. *St. 3, 2. St. 4, 17. Luk. 10, 9.*

8. Zahojće chorych, wučisće wusadnych, zbudźće morwych, hońće čertow won. Darmo sće dóstali, darmo dawajće.

9. Njemějće ani złoto ani slěboro ani pjenjezy we wašich móšnjach; *Luk. 10, 4. Mark. 6, 8. Luk. 9, 3. St. 22, 35.*

10. Ani wačoka na puć ani dvě sukni,

žane črije ani kija; přetož dželačer je swojeho košta hódny. *5 Mójz. 24, 14.*

Luk. 10, 7. 1 Tim. 5, 18.

11. Ale do kotrehož města abo městka wy přińdźeće; wobhońće so, štó by w nim hódny był; a tam pobudźće, hač wy přeč pónďeće. *Mark. 6, 10. Luk. 10, 8.*

12. Hdyž wy pak do chěže přińdźeće, postrowće tu samu (a prajće: Daj Bóh měr tutej chěži). *Luk. 10, 5. 6.*

13. A budźe-li ta chěža teho hódna, dha budźe waš měr na nju přińc. Njebudźe-li pak hódna, dha budźe waš měr zaso k wam so wobroćić.

14. A njebudźe-li was štó horje wzać ani vaše słowo słyšeć; dźiće won z teje sameje chěže abo města a stráscě proch z wašich nohow. *Mark. 6, 11. Luk. 9, 5. Jap. sk. 13, 51. St. 18, 6.*

15. Zawěrnje, ja praju wam, zo lóže budźe Sodomскеj a Gomorsкеj zemi na sudnym dnju, dyžli takjemu městu. *St. 11, 24.*

Tekst na 25. njedźelu po swjatej Trojicy. IV.

16. [Hlaj, ja pósćelu was jako wowcy srjedža bjez wjelki. Teho dla budźće mudri, jako hady, a bjez falša, jako hoľbje. *Luk. 10, 3.*

17. Hladajće so pak před ludźimi; přetož woni budža was podać do radnych chěžow a budža was chostać w swojich šulach. *St. 24, 9. Luk. 21, 12.*

18. A budža was před knjezow a kralow wodzić moje dla, k swědčenju na nich a na pohanow.

19. Hdyž woni pak was podać budža, njestarajće so, kak abo što byšće wy řečeli; přetož w tej samej štundže budže wam date, štož wy řečeć dyrbiće. *Mark. 13, 11 Luk 12, 11. St. 21, 14 15.*

20. Přetož wy njejsće, kiž ryčíte; ale vašeho Wótca Duch je tón samy, kiž přez was řeči. *Am. 4, 13. Rom. 15, 18.*

21. Wón budže pak bratr bratra k smjerći podać, a nan syna; a džěći budža so svojim staršim přećiwić a jim k smjerći pomhać.

22. A budžeće hidženi wot kóždeho mojeho mjena dla. Ale štož do kónca přetraje, tón budže zbóžny.] *Mark. 13, 13.*

23. Hdyž woni was pak we jednym měsće přesćěhaju, čekńće do druhého. Zawěrnje, ja praju wam: Wy njebudžeće te Israelske města přechodźić, hač přińdže čłowjeka syn.

24. Wučomnik njeje přez swojeho mištra ani wotročk přez swojeho knjeza. *Luk. 6, 40. Jan. 13, 16. St. 15, 20.*

25. Dosć je wučomnikej, hdyž wón je jako jeho mištr, a wotročk jako jeho knjez. Hdyž su woni teho hospodarja Beelzebub mjenowali, wjele skerje budža woni jeho domjacych tak mjenować *St. 12, 24.*

26. Teho dla njebójće so jich. Přetož ničo njeje přikryte, kiž by njebyło zjewjene, a njeje ničo potajne, kiž by njedyrbjało wědomne być. *Mark. 4, 22. Luk. 8, 17. St. 12, 2.*

27. Štož ja wam praju po ćmje, to prajće wy na swětłym; a štož wy do wucha słyšíte, to přědujće na třěchach.

28. A njebójće so tych, kiž čělo morja,

dušu pak njemóža morić; ale bójće so skerje teho, kiž móže čělo a dušu w heli skazyć. *Luk. 12, 4.*

29. Njebudžetaj dwaj wroblaj za mały pjenjez kupjenaj? A však tež nic jedyn njepanje na zemju bjez vašeho Wótca.

30. Waše pak tež włosy na hłowje su wšitke rachnowane. *1 Sam. 14, 45.*

31. Teho dla njebójće so; wy sće lěpši dyžli wjele wroblow.

32. Teho dla, štož mje póznaje před ludźimi, teho chcu ja tež póznać před svojim Wótcom, kotryž w njebiesach je;

33. Štož mje pak zapře před ludźimi, teho chcu ja tež zapřeć před svojim Wótcom, kiž w njebiesach je. *2 Tim. 2, 12. Mark. 8, 38. Luk. 9, 26.*

34. Njepomyslće sebi, jako bych ja přišoł měř na zemju pósłać. Ja njejsym přišoł měř pósłać, ale mječ. *Luk. 12, 51.*

35. Přetož ja sym přišoł, zo by so čłowjek zwadził ze svojim nanom a džowka ze swojej maćerju a přichodna džowka ze swojej přichodneje maćerju. *Mich. 7, 6. Luk. 14, 26.*

36. A čłowjeka njepräćeljo budža ći, kiž we jeho domje su.

37. Štož nana abo maćer bóle lubuje dyžli mje, tón njeje mje hódny. A štož syna abo džowku bóle lubuje dyžli mje, tón njeje nje hódny. *Luk. 14, 26. 5 Mójz. 33, 9.*

38. A štož swój križ na so njewozmjje a za mnu njeńdže, tón mje njeje hódny. *St. 16, 24. Mark. 8, 34. Luk. 14, 27.*

39. Štož swoje žiwjenje namaka, tón budže to same zhubić; a štož zhubi swoje

žiwjenje moje dla, tón budže to same namakać. *Luk. 17, 33. Jan. 12, 25.*

40. Štóz was horje wozmje, tón wozmje mje horje; a štóz mje horje wozmje, tón wozmje teho horje, kiž mje pósłał je. *Luk. 10, 16. Jan. 13, 20.*

41. Štóz horje wozmje profeta w profetowym mjenje, tón budže profetowu mzdu dóstać. A štóz horje wozmje praweho w praweho mjenje, tón budže praweho mzdu dóstać.

42. A štóz tych hubjenych tež jeno jeneho z kanku zymneje wody napowa we wučomnika mjenje, zawěrnje, ja praju wam, to jemu njebudže njezapłaćene wostać. *St. 25, 40. Mark. 9, 41. Jan. 13, 20.*

11. staw.

Janowe poselstwo. Chrystusowe wótre hroženje a lubozne wabjenje.

1. A poda so, jako Jezus běše přestał rozkazować swojim dwanaće wučomnikam, džěše wón wotsal přeč, zo by wučil a přědował w jich městach.

Scénje na 3. njedźelu adwentu.

2. [Jako pak Jan we jastwje Chrystusowe skutki słyšeše, pósła wón dweju wot swojich wučomnikow, *Luk. 7, 19.*

3. A da jemu powjedzić: Sy ty tón, kotryž přińc ma, abo dyrbimy na druheho čakać? *5 Mójz. 18, 15. Ps. 40, 8.*

4. Jezus wotmołwi a džeše k nimaj: Džitať a powještať Janej zaso, štož wój słyšitať a widžitať:

5. Slepí widža a chromi chodža, wusadni budža wučisceni a hłuši słyša, morwi horje stawaju a chudym budže ewangelion přědowane. *Jez. 35, 5. Mat. 15, 30. Jej. 61, 1.*

6. A zbóžny je tón, kiž so na mni njepohóršuje. *St. 13, 56. 57.*

7. Jako pak wonaj woteńdžeštať, započa Jezus k ludu rěčeć wot Jana: Što sće wy hladać wušli do pusćiny? Chcyšće wy sćinu wohladać, kotruž wětr tam a sem kablje? *Luk. 7, 24.*

8. Abo što sće wy wušli widžeć? Chcyšće wy čłowjeka w mjehkej drasće widžeć? Hlaj, kotřiž mjehku drastu noša, či su na kralowskich hrodach.

9. Abo što sće wy wušli widžeć? Chcyšće wy profeta widžeć? Haj, ja praju wam, kiž wjazy, je, dyžli profeta.

10. Přetož to je tón, wot kotrehož steji pisane: Hlaj, ja pósćelu swojeho jandžela přjedy tebe, kotryž twój puć přěd tobu přihotować dyrbi.] *Mat. 3, 1.*

11. Zawěrnje, ja praju wam: Bjez wšitkimi, kiž so wot žónskich su narodžili, njeje postanył, kiž by wjetši był, dyžli Jan, tón křćenik. Tón pak, kiž najmjeńši je w njebieskim kralestwje, je wjetši dyžli wón. *Luk. 7, 28.*

12. Ale wot tych dnjow Jana, teho křćenika, hač nětk, ćerpi njebieske kralestwo móc; a kiž móc činja, či tornu jo k sebi. *Luk. 16, 16. Phil. 3, 8. 12.*

13. Přetož wšitcy profetojo a zakoni su wěšćili hač do Jana.

14. A chceće-li to horje wzać, wón je Elias, kiž přińć ma. *Mat. 4, 5. Mat. 17, 12. Mark. 9, 11. 12.*

15. Štóz ma wuši k slyšenju, tón slyš.

Tekst na 14. njedźelu po swjatej Trojicy. IV.

16. [Komu dyrby ja pak tu šlachtu přirunać? Wona je podobna džěćatkam, kotrež na torhošću sedža a wołaju k swojim towaršam, *Luk. 7, 31.*

17. A rjeknu: My smy wam piskali, a wy njejsće rejwali; my smy wam na plač spěwali, a wy njejsće plakali.

18. Přetož Jan je přišoł, njejdźiše a njepiješe, a woni praja, zo ma wón čerta. *St. 3, 4, Luk. 7, 33.*

19. Teho čłowjeka syn je přišoł, jě a pije, a woni praja: Hlaj, kajki žračk je tón a winowy wopілc, slonikow a hrěšnikow towarš! A ta mudrość dyrbi so dać k prawu wodzić wot swojich džěći. *St 9, 10.*

20. Tehdy poča wón swarić te města, hdžež najwjacy jeho skutkow so běše stało a wšak so njeběchu polěpšeli:

21. Běda tebi, Chorazim! Běda tebi, Bethzaida! Hdy bych w Tiru a w Sidonje tajke skutki so stałe, jako pola was so su stałe, woni bych zastarsku w měše a w popjele pokutu činili. *Luk. 10, 13.*

22. Na to praju ja wam: Lóže budže na sudnym dnju Tirej a Sidonej, dyžli wam.

23. A ty, Kapernaum, kiž ty sy pozběhnjene hač do njebies, ty budžeš

hač do hele dele storčene. Přetož hdy byle so w Sodomje te skutki stałe, kiž so pola tebe su stałe, wone hišće by stało do džensnišeho dnja. *Jez. 14, 12.*

24. Na to praju ja wam, zo Sodomskej zemi lóže budže na sudnym dnju, dyžli tebi.] *St. 10, 15.*

Tekst na 16. njedźelu po swj. Trojicy. IV.

25. [W tym samym času wotmołwi Jezus a džeše: Ja će chwalu, Wótče a Knježe njebiesow a zemje, zo ty to před mudrymi a rozomnymi potajil sy a sy jo tym njerozomnym zjewil. *Luk. 10, 21. 1 Kor. 1, 27.*

26. Haj, Wótče, přetož wono je što to je: Ja mam spodobanje na so tebi tak derje spodobało.

27. Wšitke wěcy su mi podate byšće wy tych njewinowatych zawot mojeho Wótca. A niktó njeznaje Syna, chiba Wótč; a niktó njeznaje Wótca, chiba Syn a komuž jo Syn chce zjewiće. *Ps. 8, 7. Mat. 28, 18. Jan. 3, 35. 1 Kor. 15, 27.*

28. Pójće sem ke mni wšitcy, kiž wy sprócni a wobćeženi sće, ja chcu was wokřewić. *Jer. 31, 25.*

29. Wzmiće na so mój spšah a wukńće wote mnje, dokelž ja ćicheje mysle sym a z wutrobu pokorny; dha budžeće wotpočink namakać za swoje duše. *Jer. 6, 16.*

30. Přetož mój spšah je lahodny, a moje břemjo je lóžke.] *1 Jan. 5, 3.*

12. staw.

Chrystusowe zamoŭjenje přećiwo Farizejskim.

1. W tym samym času džěše Jezus na sabat přez žito; jeho wučomnicy pak běchu hlódní a počachu kłosy torhać a jěsć. *Mark. 2, 23. Luk. 6, 1.*

2. Jako to ěi Farizejscy widžichu, džachu woni k njemu: Hlaj, twoji wučomnicy činja to, štož so njěšuša na sabat činić.

3. Wón pak džěše k nim: Njejsće lazowali, što Dawid činješe, jako wón hlódný běše a ěi, kiž z nim běchu? *1 Sam. 21, 6. Luk. 6, 3.*

4. Kak wón do Božeho doma džěše a te prjódkładžene chleby jědžiše, kotrež jemu wšak so njěšušachu jěsć, tež nic tym, kiž z nim běchu, ale měšnikam samym? *2 Mójz. 29, 33. 3 Mójz. 24, 9. Luk. 6, 1.*

5. Abo njejsće wy w zakonju lazowali, kak měšnicy na sabat w templu sabat džělawy džen činja a wšak su bjez winy?

6. Ja pak wam praju, zo tón tudy je, kiž je wjetši, dyžli tón templ.

7. Hdy byšće wy pak wědželi, što to je: Jan mam spodobanje na smilnosći, a nic na woporje; njebyšće wy tych njewinowatych satawali. *St. 9, 13.*

8. Přetož teho čłowjeka syn je Knjez, tež na sabaće.

9. A wón džěše tam wotsal a přińdže do jich šule. *Mark. 3, 1. Luk. 6, 6.*

10. A hlaj, někajki čłowjek běše, tón měješe wuschnjenu ruku. A woni

prašachu jeho a džachu: Je tež prawje na sabat hojić? zo bychy jeho wobskoržili. *Luk. 14, 3.*

11. Ale wón džěše k nim: Štó je bjez wami, kotryž by měł jenu wowcu, a hdy by ta do jamy panuła na sabat, zo by wón ju njedosaŭnuł a njewućahnył?

12. Kak wjele lěpši je pak čłowjek, dyžli wowza? Dha teho dla móže so derje na sabat dobrota činić. *Mark. 3, 4.*

13. Tuž džěše wón k temu čłowjekej: Přestrěj swoju ruku. A wón ju přeztrěj; a wona bu jemu zaso tak čerstwa, jako ta druha.

14. Tuž dđeržachu Farizejscy, šedši won, radu na njeho, kak bychy jeho skóncowali. *Mark. 3, 6. Luk. 6, 11.*

15. Jako pak to Jezus zhoni, wustupi wón tam přec. A wjele ludži džěše za nim; a wón jich wšitkich zahoji,

16. A pohrozy jim, zo bychy jeho zjawneho nječinili; *St. 9, 30.*

17. Tak zo by dopjelnjene bylo, štož je rěčane přez profeta Jezajasa, kotryž praji: *Jez. 42, 1 x.*

18. Hlaj, to je mój wotročk, kotrehož ja sym wuzwolił, a mój najlubši, na kotrymž ma moja duša spodobanje. Ja chcu mojeho Ducha na njeho položiť, a wón ma póhanam sud připowjedzić.

19. Wón so njebudže wadzić ani hawtować, a jeho hlós njebudža woni na hasach słyšeć.

20. Nałamanu sćinu njebudže wón dolemić, a žehliwy sužoh njebudže wón wuhasnyć, hač wón wuwjedže tón sud k dobyću.

21. A póhanjo budža na jeho mjeno nadžiju mčć.

22. Tehdy bu wobsynjeny k njemu přiwjedženy, kiž běše slepy a němý; a wón jeho zahoji, tak zo tón slepy a němý rěčeše a widžeše, *St. 9, 32.*

23. A wšitcy ludžo buchu zatorhnjeni a džachu: Njeje tón Dawidowy syn?

24. Ale ći Farizejscy, jako woni to slyšachu, džachu woni: Wón čertow hinak won njehoni, hač přez Beelzebuba, tych čertow jich wyšeho. *St. 9, 34. Mark. 3, 22. Luk. 11, 15.*

25. Jezus pak zrozumi jich mysle a džeše k nim: Kóžde kralestwo, kiž same bjez sobu njeje přez jene, budže wupuscene; a kóžde město abo chěža, kiž njeje sama bjez sobu přez jene, njemóže wobstać. *Luk. 11, 17.*

26. Hdyž teho dla zatan satana won honi, dha wón sam bjez sobu njeje přez jene; kak dha móže jeho kralestwo wobstać?

27. Hdyž ja pak přez Beelzebuba tych čertow won honju, přez koho dha honja jich waše džěci won? Teho dla budža wone waši sudnicy.

28. Hdyž ja pak čertow přez Božeho Ducha won honju, dha je však Bože kralestwo k wam přišlo. *1 Jan. 3, 8.*

29. Abo kak móže štó do sylneho doma hić a jeho grat jemu pobrać? chiba zo wón prjedy teho sylneho zwježe a potom hakle jeho dom jemu wurubi. *Jez. 49, 24.*

30. Štóz zo mnu njeje, tón je přećiwo mi; a štóz zo mnu njezhromadźuje, tón rozpróši. *Luk. 11, 23.*

31. Teho dla praju ja wam:

Wšitkón hrěch a Bože hanjenje budže čłowjekam wodate; ale Bože hanjenje přećiwo Duchu njebudže čłowjekam wodate. *Mark. 3, 28. 29. Luk. 12, 10. Hebr. 6, 4. 6. St. 10, 26. 27. 1 Jan. 5, 16.*

32. A štóz što rěči přećiwo teho čłowjeka synej, temu budže wone wodate; ale štóz rěči přećiwo swjatemu Duchu, to jemu njebudže wodate ani na tym swěće ani na tamnym.

33. Abo sadźće dobry štom, dha budže plód dobry; abo sadźće zhnily štom, dha budže plód zhnily. Na plódže budže štom póznaty. *Mat. 7, 17. Luk. 6, 44.*

34. Wy ješćerjowa šlachta, kak móžeće wy što dobre rěčeć, dokelž wy zli sće? Čohož wutroba poľna je, to dže přez ert. *Luk. 6, 45.*

35. Dobry čłowjek wudawa dobre ze swojeho dobrego šaza teje wutroby; a zły čłowjek wudawa zle ze swojeho zleho šaza.))

36. Ja praju wam pak, zo dyrbjta ludžo na sudnym dnju wotmołwić za kóžde njewužitne słowo, kotrež woni su rěčeli.

37. Z twójich słowow budžeš ty prawy wostać, a z twójich słowow budžeš ty zatamany. *Hiob. 15, 6.*

38. Tehdy wotmołwichu tych pis-mawučenych a Farizejskich někotři a džachu: Mištrje, my chcyli radži zejch wot tebe wohladać. *Mark. 8, 11.*

39. A wón wotmołwi a džeše k nim: Ta zla a cuzeho loža šlachta zejch požada; ale jej žadyn zejch njebudže daty, chiba to znamjo teho profety Jonasa. *St. 16, 4. Luk. 11,*

29.

40. Přetož runje jako Jonas běše tři dny a tři nocy w mórskeje ryby brjuše, tak budže tež teho čłowjeka syn tři dny a tři nocy srjedža zemje. *Jon. 2, 1. 2.*

41. Ninivitiscy ludžo budža horje stupić na sudny dzeń z tej šlachtu a budža ju zatamać; přetož woni činjachu pokutu na Jonasowe předowanje. A hlaj, tudy je wjazy, dyžli Jonas. *Jon. 3, 5. Luk. 11, 32.*

42. Ta kralowa wot połdnja budže postanyć na sudny dzeń stej šlachtu a budže ju zatamać; přetož wona přinǵdže wot kónca teje zemje, zo by słyšała tu mudrosć teho Salomona. A hlaj, tudy je wjazy, dyžli Salomon. *1, Kral. 10, 1. 2 Kron. 9, 1.*

43. Hdyž pak nječisty duch wot čłowjeka je wušoľ, chodži wón po suchich městach hladawši wotpočinka a njenamaka jón. *Luk. 11, 24.*

44. Tehdy rjeknje wón: Ja chcu so zaso zawróćić do swójeho doma, hdžež ja sym wušoľ. A přisedši namaka wón jón prózdny, zchošćišćemi wumječeny a wučisćeny.

45. Tehdy wón dže a wozmjje k sebi sydom druhich duchow, kiž hórši su, dyžli wón sam; a hdyž woni nutř zańdu, přebywaju woni tam; a budže z tajkim čłowjekom potom hórje, dyžli z přědka běše. Tak so tež tej zlej šlachće pónǵdže. *2 Pětr. 2, 20.*

Tekst na 21. njedželu po swj. Trojicy. IV.

46. [Jako wón pak hišće k ludu tak rěčeše, hlaj, tuž stejachu jeho mać a bratřa wonkach, ěi chcychu z nim poryćeć. *Mark. 3, 31. Luk. 8, 19.*

47. A jedyn džeše k njemu: Hlaj, twoja mać a twoji bratřa steja wonkach a chcedža z tobu poryćeć.

48. Wón wotmoľwi pak a džeše k temu, kiž jemu to běše powěǵil: Štó je moja mać? A kotři su moji bratřa?

49. A wón přestrě swoju ruku na swóich wučomnikow a džeše: Hlajće, ěi su moja mać a moji bratřa.

50. Přetož štóž wolu ěini mojeho Wótca, kiž je w njebjesach, tón je mój bratr, sotra a mać.] *St. 7, 21. Jan. 6, 40.*

13. staw.

Přirunanje wo Chrystu-sowej cyrkwi a mocy jeho słowa.

1. Tón samy dzeń pak wuńǵdže Jezus z chěže a synu so pódla we morja. *Mark. 4, 1. Luk. 8, 4.*

2. A wjele ludži so k njemu zhromadži, tak zo wón do łódže stupi a sedžeše; a wšitkón lud stejješe na brjoze.

3. A wón praješe jim wšelke wěcy w přirunanjach a džeše: Hlaj, syjer wuńǵdže k rozsywanju. *Luk. 8, 4.*

4. A jako wón rozsywaše, padže někotre při puću; a ptaki přilećichu a zežrachu to same.

5. Někotre pak padže na skałojte, hdžež wjele zemje njeměješe, a zeńdže hnydom, teho dla, zo njeběše hluboko w zemi;

6. Jako pak slónco běše zešlo, zwjadny woně; a dokelž korjenja njeměješe, wuschny woně.

7. Někotre pak padže bjez ćernje, a te ćernje rozćichu sobu a zdusychu to same.

8. Někotre pak padže na dobnu zemju a přinjese plody; někotre sto króc, někotre šěsć džesać króc, někotre pak třiceći króc.

9. Štóz ma wuši k słyšenju, tón posluhaj.

10. A ći wučomnicy džachu k njemu přistupiwiši: Čoho dla řečiš ty k nim přez přirunanja? *Mark. 4, 10. Luk. 8, 9.*

11. Wón wotmołwi a džeše k nim: Wam je date, zo byšće wědzeli te potajnosće teho njebjeskeho kralestwa; tym pak njeje date. *St. 11, 25. St. 16, 17.*

12. Přetož štóz ma, temu budže date, zo wón dosć změje; štóz pak nima, wot teho budže tež to wzate, štož wón ma. *St. 25, 29. Mark. 4, 25. Luk. 8, 18.*

13. Teho dla řeču ja k nim přez přirunanja. Přetož z widžacymaj wočomaj woni njewidža, a ze słyšacymaj wušomaj woni njesłyša; přetož woni jo njezrozymja.

14. A nad nimi budže to wěšćenje Jezajasowe dopjelnjene, kotrež praji: Z wušomaj budžeće wy jo słyšeć, a njebudžeće jo zrozumić; a z widžacymaj wočomaj budžeće wy jo widžeć, a njebudžeće jo póznać. *Jez. 6, 9. 10. Luk. 8, 10. Rom. 11, 8.*

15. Přetož teho luda wutroba je stwjerdnjena, a jich wuši zlě słyša, a jich woći drěmaj; zo bychu něhdže z wočomaj njewidželi a z wušomaj njesłyšeli a z wurobu njezrozumili a so njewobročili, a ja jim njepomhał.

16. Ale zbóžne su pak waše woći, zo widža, a waše wuši, zo słyša. *Luk. 10, 23.*

17. Zawěrnje, ja praju wam: Wjele profetow a prawych je požadało, zo bychu widžili, štož wy widźiće, a njejsu jo widžili; a zo bychu słyšeli, štož wy słyšiće, a njejsu jo słyšeli. *Luk. 10, 24.*

18. Poslušajće teho dla wy na to přirunanje teho syjerja. *Mark. 4, 14. Luk. 8, 11.*

19. Hdyž štó to słowo wot kralestwa słyši a jo njezrozymi, tuž tón zły přindže a torhnje jo přeč, štož do jeho wutroby běše wosyty; tón je tón samy, kiž při puću je wosyty.

20. Tón pak, kiž na skałojte je wosyty, to je tón, kiž słowo słyši a to same hnydom z wjesołosću horje wozmje; *Jez. 58, 2.*

21. Ale wón nima w sebi korjenja, ale je počasny; hdyž so horjo a přescěhanje zběhnje słowa dla, wón so hnydom pohórši. *Eph. 3, 17.*

22. Ale tón, kiž bjez ćernje je wosyty, je tón samy, kiž to słowo słyši; ale starosć teho swěta a zjebanje teho bohatstwa zdusy to słowo a njepřinjese plodow.

23. Ale štóz na dobnu zemju je wosyty, tón je tón samy, kiž słyši a zrozumi jo, a wón tež plody přinjese; a přinjese někotry sto króc, někotry

pak šěsćdzesac króc, někotry pak třiceći króc.

Scénje na 5. njedźelu po třoch kralach.

24. [Wón kładžeše jim druhe přirunanje prjódk a džeše: Njebjeske kralestwo je podobne čłowjekej, kiž dobre symjo na swoju rolu syješe.

25. Jako pak ludžo spachu, přindže jeho njepřečel a nasy njerjada bjez přeńcu a woteńdže přeč.

26. Jako pak zelene žito rosćeše a plody přinjese, namaka so tež tón njerjad.

27. Dha přistupichu hospodarjowi wotročcy a džachu k njemu: Knježe, njesy ty dobre symjo na twoje polo wusył? Hdže ha je so tón njerjad wzał?

28. Wón pak džeše k nim: To je njepřečel činil. Tuž džachu či wotročcy k njemu: Chceš dha ty, zo bychmy tam šli a jón wuplěli?

29. Wón džeše: Ně, zo njebyšće něhdže přeńcu sobu wutorhali, hdyž njerjad wuplěje.

30. Njeh woboje hromadže rosće hač do žnjow; a w času tych žnjow chcu ja k žnjeńcam prajić: Wuběrajće najprjedy tón njerjad a zwježće jón do walčkow, zo by so spalił; ale tu přeńcu zhromadźće mi do mojeje bróznje.]

31. Druhe přirunanje kładžeše wón jim prjódk a džeše: To njebjeske kralestwo je podobne žonopowemu zornu, kotrež čłowjek wza a na swoje polo wusy; *Mark. 4, 31. Luk. 13, 19.*

32. Kotrež to najmjeńše je bě wšitkimi symjenjemi; hdyž wone pak narosće, dha je najwjetše bjez zelemi a je štom, tak zo ptaki pod njebjesami přileća a činja sebi hnězda na jeho hałozach.

33. Druhe přirunanje džeše wón k nim: Njebjeske kralestwo je podobne kwasu, kotryž žona wza a rozměša jón bjez tři kórzy muki, hač wšitko zakisa.

Luk. 13, 21.

34. To wšitko rěčeše Jezus přez přirunanja k ludu, a bjez přirunanja wón ničo k nim njerěčeše; *Mark. 4, 33.*

35. Zo by dopjelnjene było, štož je prajene přez profeta, kiž rjeknje: Ja chcu mój ert wotewrić w přirunanjach a chcu wupowědać te potajene wěcy wot spočatka teho swěta. *Ps. 78, 2.*

36. Tehdy rozpušći Jezus tón lud a přindže domoj. A jeho wučomnicy přistupichu k njemu a džachu: Wulož nam to přirunanje wot teho njerjada na polu.

37. Wón pak wotmołwi a džeše k nim: Tón, kiž rozsywa dobre symjo, je teho čłowjeka syn.

38. To polo je swět. To dobre symjo su te džěci teho kralestwa. Tón njerjad pak su te džěci teho zleho. *1 Kor. 3, 9.*

39. Tón njepřečel, kiž je rozsywa, je djaboł. Te žně su to skónčenje teho swěta. Či žnjeńcy pak su jandželjo. *Zjew. 14, 15.*

40. Runje jako pak ludžo njerjad wutorhaju a z wohenjom spala, tak tež budže w skónčenju teho swěta.

41. Přetož teho čłowjeka syn budže svojich jandželow pósłać, a woni

budža wuzběrać z jeho kralestwa wšitko pohóršenje a tych, kiž njeprawje činja;

42. A budža jich do wohenjoweje pjecy ćisnyć; tam budže skiwlenje a zubow křipjenje. *St. 8, 12. St. 22, 13.*

43. Tehdy budža so prawi swěćić jako slóncó w swojeho Wótca kralestwje. Štož ma wuši k słyšenju, tón poslušaj. *Dan. 12, 3. Kn. mudr. 3, 7.*

Tekst na 5. njedźelu po swj. Trojicy. IV.

44. [Wospjet je njebieske kralestwo podobne schowanemu šazej na polu, kotryž ćlowjek namaka a schowa jón; a woteńdže z wjesołóscu, kotruž wón nad nim měješe, a předa wšitko, štož měješe, a kupi sebi to same polo. *St. 16, 24. Phil. 3, 7.*

45. Wospjet je njebieske kralestwo podobne kupcej, kiž dobre parole pytaše.

46. A jako wón jenu jara drohu parlu namaka, džeše wón a předa wšitko, štož měješe, a kupi tu samu.] *Přist. 8, 10. 11.*

Tekst na 26. njedźelu po swj. Trojicy. IV.

47. [Wospjet je njebieske kralestwo podobne syći, kotraž budže do morja pušćena, z kotrejž budža wšelke ryby popanjene.

48. Hdyž wona pak poľna je, wučahnu woni ju na brjóh a zběraju sedžo dobre hromadu do sudobja, ale te zle woni přeć ćiskaju.

49. Tak budže so tež w tym skónčenju teho swěta stać. Jandželjo budža won

hić a budža złych wot prawych džělic; *St. 25, 32.*

50. A budža jich do teje wohenjoweje pjecy ćisnyć; tam budže skiwlenje a zubow křipjenje.]

51. A Jezus džeše k nim: Sće wy to wšitko zrozumili? Woni džachu k njemu: Haj, Knježe.

52. Wón pak džeše k nim: Teho dla kóždy pismawučeny, rozwučeny k njebieskemu kralestwu, je podobny hospodarjej, kiž ze swojeho šaza nowe a stare wondawa.

53. A poda so, jako Jezus te same přirunanja dokonjał běše, zebra wón so tam přeć; *Luk. 4, 16.*

54. A přińdže do swojeho wótcneho kraja a wučěše jich we jich šuli, tak zo so woni nastróžichu a džachu: Z wotkal su so tudy temu tajka mudrosć a skutki dostałe?

55. Njeje tón teho ćěsle syn? Njerěklaju jeho maćeri Marja? A njejsu jeho bratřa Jakub a Jozes a Simon a Judaš? *Luk. 4, 22.*

56. A jeho sotry, njejsu wone wšitke pola nas? Z wotkal je dha so jemu to wšitko dostało? A woni pohóršichu so nad nim.

57. Jezus pak džeše k nim: Profeta nihdže mjenje njeplaći, hač w swojim wótcnym kraju a w swojim domje. *Jan. 4, 44.*

58. A wón nječinjaše tam wjele džiwow jich njewěry dla.

14. staw.

Janej, křćenikej, bu hłowa wotćata. Chrystusowe dźiwne žohnowanje, chód a pomoc.

1. W tym samym času słyšeše tu powěsć wot Jezusa Herodasy, kiž běše jedyn wot tych štyrjoch knjezow tego kraja. *Luk. 9, 7.*

2. A wón džeše k swojim služomnikam: To je Jan, tón křćenik; wón je wot morwych stanył, tego dla čini wón tajke skutki.

3. Přetož Herodas běše Jana přijal a zwjazaneho do jastwa položil, teje Herodiady, swojeho bratra Philippa mandželskeje dla; *Mark. 6, 17. Luk. 3, 19.*

4. Přetož Jan běše k njemu prajił: To so njehodži, zo ty ju maš. *3 Mójz. 18, 16.*

5. A wón chcyše jeho rad morić, boješe so pak před ludom; přetož woni mějachu jeho wšitcy za profeta. *St. 21, 26.*

6. Jako pak Herodas swój narodny dzeń swjećeše, rejwaše teje Herodiady džowka před nimi; a to so Herodašej derje spodobaše.

7. Tego dla wón tež z přisahu slubi, zo jej chce dać, štož by prosyła.

8. A jako wona prjedy wot swojeje maćerje běše rozwučena, džeše wona: Daj mi sem na škli tu hłowu Jana, tego křćenika.

9. A tón kral so zrudži; ale teje přisahi a tych dla, kotřiž z nim za blidom sedžichu, prikaza wón, zo by jej data

była;

10. A wón pósła tam a da Janej we jastwje hłowu wotrubać.

11. A jeho hłowa bu w škli přinjesena a temu holčecu data; a wona přinjese ju swojej maćeri.

12. A jeho wučomnicy přišedši wzachu to čelo přeč a pohrjebachu jo, a šedši připowjedachu to Jezusej.

13. Jako to Jezus pak słyšeše, pušči wón so tam přeč na lódži na puste město, zo by wosebje byl. Ale jako ludžo to slysachu, džěchu woni za nim pěši z tych městow. *Mark. 6, 31.*

14. A Jezus šedši won wuhlada wulki lud; a jemu běše žel tego sameho a zahoji jich chorych. *Jan. 6, 5.*

15. Na wječor pak přistupichu jeho wučomnicy k njemu a džachu: To město je puste, a nóc so přibližuje; rozpušć tych ludži wot sebje, zo bychy sebi cy-robu nakupili šedši do městow.

16. Ale Jezus džeše k nim: Woni njetrjebaju přeč chodzić; dajće wy jim jěsć. *Luk. 9, 13.*

17. Woni džachu pak k njemu: My tudy ničo nimamy, chiba jeno pječ pokrutow chléba a dvě rybje.

18. A wón džeše: Přinjesće mi te same hew.

19. A wón kazaše so tym ludžom na trawu dele zesydać. A wón wza te pječ pokroty a tej dvě rybje, pohlada horje do njeby a džakowaše so; a wón lamaše je a dawaše te chléby tym wučomnikam, wučomnicy pak tym ludžom.

20. A woni jědzichu wšitcy a buchu nasyceni, a zebrachu, štož běše kuskow

zbytknych, dwanaće korbow poľnych.
Mark. 6, 42. 43.)

21. Tych pak, kotřiž běchu jědli, běše pola pječ tawzynt muskich, žónske a džěci njerachnowane.

22. A hnydom čěrješe Jezus swojich wučomnikow, zo bychu do łódže stupili a prjedy njeho na druhu stronu so přewjezli, hač wón tych ludźi by wot sebje pušćil. *Mark. 6, 45. Jan. 6, 17.*

23. A jako tych ludźi běše wot sebje pušćil, džeše wón sam lutki na horu, zo by so k Bohu modlił. A běše wječor tam lutki sam.

24. Ta łódź pak běše hižom srjedza na morju a motaše so wot žolmow; přetož wětr běše jim přeciwny.

25. Při štwórtej nócnej waše pak přińdže Jezus k nim, ducy po morju.

26. A jako jeho ċi wučomnicy widźichu, zo wón po morju chodźi, stróžichu woni so a džachu: To je šerjenje; a woľachu w straše. *Luk. 24, 37.*

27. Ale na měsće rěčeše Jezus k nim a džeše: Budźće dobreje nadźije, ja to sym; njebójće so jeno.

28. Pětr pak wotmołwi jemu a džeše: Knježe, syli ty, dha kaž mi k sebi přińc po wodze.

29. A wón džeše: Přińdź! A Pětr wustupi z łódže a džeše po wodze, zo by přišoľ k Jezusej.

30. Jako wón pak wulki wětr pytze, stróži so wón a poča so ponurić, zawoľa a džeše: Knježe, pomhaj mi!

31. Jezus pak hnydom swoju ruku wupřestrě, zapřija jeho a džeše k njemu: O ty maľowěrný! Čoho dla sy njewobstajny? *St. 6, 30. St. 8, 26. Jak. 1,*

6.

32. A wonaj stupištaj do łódže, a wětr woćichny.

33. A ċi, kiž na łódži běchu, přińdžechu a padžechu před nim dele a džachu: Ty sy woprawdže Boži Syn.

34. A woni so přewjezechu a přińdžechu do kraja Genezareth.

35. A jako ludžo teho sameho města jeho póznachu, pósľachu woni won do teho sameho cyľeho kraja koľo wokoľo a přinjesechu wšelkich njestrowych k njemu;

36. A prošachu jeho, zo bychu so jeno jeho drasty wobrubu dótkli. A wšitcy, kiž so běchu dótkali, wotchorichu. *St. 9, 21.*

15. staw.

Wo ċľowskich wustawkach, Kananejskej žonje a druhich džiwach Chrystusowych.

1. Tehdy přistupichu k Jezusej ċi pis-mawuċeni a Farizejscy z Jerusalema a džachu: *Mark. 7, 5.*

2. Čoho dla přestupja twoji wučomnicy tych staršich wustajenja? Přetož woni swojej rucy njemyja, hdyž chľěb jědza.

3. Wón pak wotmołwi a džeše k nim: Čoho dla dha wy tež Božu kaznju přestupiće wašich wustajenjow dla?

4. Přetož Bóh je přiķazaľ a prajiľ: Ćesć swojeho nana a swoju maćer; šťóz pak nana a maćer swari, tón dyrbi smjerće wumrjeć. *2 Mójz. 20,*

12.

5. Ale wy prajíce: Štož k nanej abo k mačeri rjeknje: Hdyž ja to wopruju, je wone tebi wjele wužitniše; tón čini derje.

6. Na tajke wašnje so stanje, zo žadyn swojeho nana a swoju mačer njebudže česćić; a sće tak Božu prikaznju zběhnuli, zo wjacý ničo njeplaći wašich wustajenjow dla.

7. Wy ludakoj, derje je wot was wěšćil Jezajas a je prajil: *Jez. 29, 13.*

8. Tón lud so ke mni přibližuje ze swojim ertom a česći mje ze swojimaj hubomaj; ale jich wutroba je daleko wote mnje.

9. Ale podarmo woni mi služa, dokelž wuča tajke wučby, kotrež ničó njejsu, chiba čłowske přikaznje.

10. A wón zawoła tón lud k sebi a džeše k nim: Poslušajće a zrozyće!

11. Štož do erta dže, to čłowjeka nječisteho nječini; ale štož ze erta won dže, to čłowjeka nječisteho čini.

12. Tehdy přistupichu jeho wučomnicy a džachu k njemu: Wěš ty tež, zo Farizejscy so pohóršichu, jako woni to słyšachu?

13. Wón pak wotmołwi a džeše: Kóžde šćěpjenje, kotrež mój njebjeski Wótc njeje šćěpil, budže wutorhane.

14. Wostajće so jich; woni su slepi a slepych wodža. Jeli zo pak slepy slepeho powjedže, budžetaj wobaj do jamy padać. *Luk. 6, 39.*

15. Tuž wotmołwi Pětr a džeše k njemu: Wulož nam to přirunanje.

16. A Jezus džeše: Sće dha tež wy hišće njerozumni?

17. Njewustejiće wy so hišće, zo wšitko, štož do erta dže, to dže do brjucha a wučisnje so do wuchoda.

18. Ale štož ze erta wuńdže, to přindže z wutroby, a to čłowjeka nječisteho čini.

19. Přetož z wutroby přindu złe mysle, mordowanje, mandželstwo-lamanje, kurwarstwo, paduchstwo, fašne swědčenje, hanjenje. *1 Móžz. 6, 5. St. 8, 21.*

20. To su te wěcy, kiž čłowjeka nječisteho činja. Ale z njemytymaj rukomaj jěsć, to čłowjeka nječisteho nječini.

Scénje na njedźelu Reminiscere.

21. A Jezus džeše tam přeč a wustupi na Tirowske a Sidonske strony. *Mark. 7, 24.*

22. A hlaj, Kananejska žónska, kotraž z tych samych mjezow přindže, wołaše za nim a džeše: Knježe, ty syno Dawidowy, smil so nade mnu; moja džowka budže wot čerta hubjenje čwilowana.

23. A wón jej słowčko njewotmołwi. A jeho wučomnicy přistupiwi prošachu jeho a džachu: Pušć ju wot sebje; přetož wona woła za nami.

24. Wón pak wotmołwi a džeše: Ja njejsym póslany, chiba jeno k zhubjenym wowcam z Israelskeho doma. *St. 10, 6.*

25. Wona pak přindže a padnywši před nim dele džeše: Knježe, pomhaj mi!

26. Ale wón wotmołwicy džeše: Pěknje njeje, zo so džěcom chłěb wozmjé a čisnje so psam. *Mark. 7, 27.*

27. Wona džeše: Haj, Knježe; dha wšak jědža psyčatka wot tych srjódkow, kiž wot jich knježich blida padaju.

28. Tuž wotmołwi Jezus a džeše k njej: O žónska, twoja wěra je wulka! tebi so stań, kaž chceš. A jeje džowka wočerstwi w tej samej štundže.] *St. 8, 10.*

29. A Jezus woteńdže tam dale a přińdže k Galilejskemu morju a wustupi na horu a synu so tam. *Mark. 7, 31.*

30. A wjele luda přińdže k njemu; či mějachu sobu chromych, slepych, němých, bědných a wjele druhich a kładžechu jich k Jezusowymaj nohomaj, a wón jich zahoji; *St. 11. 5. Jez. 35, 5. Luk. 7, 22.*

31. Tak zo so ludžo dźiwachu, jako woni widžichu, zo němi ryča, chromi su čili, bědni chodža, slepi widža; a chwalachu teho Israelskeho Boha.

32. A Jezus zawoła svojich wučomnikow k sebi a džeše: Mi je žel teho luda; přetož woni hižom na tři dny pola mje su zawostali a nimaju ničo, zo bychu jědli; a ja jich nochcu bjez jědže přeč pušćić, tak zo bychu woni wot mocy njeprišli na puću. *Mark. 8, 1.*

33. A jeho wučomnicy džachu k njemu: Hdže bychmy my tak wjele chłěba wzali w tej pusćinje, zo bychmy telko luda nasyćili?

34. A Jezus džeše k nim: Kak wjele chłěba maće wy? Woni džachu: Sydom a trochu rybičkow.

35. A wón kazaše so temu ludu na zemju dele zesydać.

36. A wza te sydom pokroty a te ryby, džakowaše so, łamaše te same a da je svojim wučomnikam a či wučomnicy temu ludu. ((*Mark. 8, 6.*))

37. A woni jědžichu wšitcy a buchu nasyćeni, a zebrachu te zbytné kruški na sydom poľnych korbow.

38. Tych pak, kiž běchu jědli, běše štyri tawzynt mužow, žony a džěci njeběchu rachnowane.

39. A jako wón tych ludži běše rozpušćil, stupi wón do lódže a přińdže do tych mjezow Magdala.

16. staw.

Wo zejchach Farizejskich a jich kisałym kwasu. Pětrowe póznaće a kluče. Chrystusowe ćerpjenje a křiž tych, kiž jemu přistušeju.

1. Tuž přistupichu Farizejscy a Saduzejzzy; či spytowachu jeho a žadachu, zo by jim dźiw z njebjes pokazał. *Mark. 8, 11.*

2. A wón wotmołwi a džeše k nim: Wy wječor prajiće: Dobře wjedro budže, přetož njebjso so ćerwjeni; *Luk. 12, 54.*

3. A rano wy prajiće: Džensa budže mutne wjedro; přetož njebjso je so začerwjenilo a je mróčno. Wy ludakojo, na njebjesa so wy wustejiće; njemóžeće so dha tež wustać na te znamjenja tych časow? *St. 11, 4.*

4. Ta zła a mandželstwo łamaca šlachta hlada znamjenjow; wono jej pak žane druge znamjo date njebudže, chiba to znamjo teho profety Jonasa. A wón džeše přeč wostajiwši jich. *St. 12, 39. 40. Luk. 11, 29. Jon. 2, 1.*

5. A jako ċi wučomnicy so běchu přewjezli, běchu woni zapomnili chłěba sobu wzać.

6. Jezus pak džeše k nim: Hladajće a zdžeržće so Farizejskeho a Sadduzejskeho kwsa. *Mark. 8, 15. Luk. 12, 1. Gal. 5, 9. 1 Kor. 5, 6.*

7. Tuž woni sebi pomyslichu a džachu: To běše, zo smy sebi chłěba sobu njewzali.

8. Jako to pak Jezus zrozumi džeše wón k nim: Wy małowěrní, što staraće wy so bjez sobu, zo njejsće chłěba sobu wzali? *St. 6, 30.*

9. Njerozumiće wy hišće ničo? Njespominaće wy na te pječ pokroty chłěba, tym pječ tawzynt (muzkim) date, a kak wjele korbow wy tehdy nazběrašće? *St. 14, 17. Jan. 6, 9.*

10. Tež nic na te sydom pokroty chłěba, tym štyri tawzynt date, a kak wjele korbow wy nazběrašće? *St. 15, 34.*

11. Kak dha, zo wy njerozumiće, zo ja wam wot chłěba njepraju, hdyž ja praju: Zdžeržće so Farizejskeho a Sadduzejskeho kwsa?

12. Tehdy zrozumichu woni, zo wón jim njeběše kazał, zo měli so zdžeržec kwsa teho chłěba, ale teje wučby tych Farizejskich a Sadduzejskich. *Gal. 5, 9.*

Tekst na Swjatkowničku. **IV.**

13. [Jako pak Jezus přińdže na mjezy Zezareje Philippoweje, wopraš a wón swojich wučomnikow a džeše: Što praja ludžo wote mnje, teho čłowskeho syna, zo ja sym? *Mark. 8, 27.*

14. Woni džachu: Někotři praja, zo sy Jan, tón křćenik; někotři, zo sy Elias; někotři, zo sy Jeremias abo tych profetow jedyn.

15. Wón džeše k nim: Štoha pak wy prajiće, zo ja sym?

16. Tuž wotmołwi Šiman Pětr a džeše: Ty sy Chrystus, teho žiweho Boha Syn. *Jan. 6, 69. St. 1, 49. Mark. 8, 29.*

17. A Jezus wotmołwi a džeše k njemu: Zbóžny sy ty, Šimanje, Jona-sowy syno; přetož čělo a krej njeje ċi to zjewiło, ale mój Wótc w njebiesach. *1 Kor. 2, 10. Gal. 1, 16.*

18. A ja ċi tež praju: Ty sy Pětr, a na tu skału chcu ja twarić swoju cyrkej, a te helske wrota njedyrbja ju přemóc. *Jan. 1, 42.*

19. A ja chcu ċi teho njebieskeho kralestwa kluče dać. Wšitko, štož ty na zemi zwjazać budžeš, dyrbi tež w njebiesach zwjazane być; a štož ty na zemi wotwjazać budžeš, dyrbi tež w njebiesach wotwjazane być.] *St. 18, 18.*

20. Tehdy zakaza wón swojim wučomnikam, zo bychy nikomu nje-powědzeli, zo wón Jezus, tón Chryst, je.

Tekst na njedźelu Invocavit. 27.
III.

21. [Wot teho sameho časa poča Jezus a zjewi swojim wučomnikam, zo wón ma hić do Jerusalema a wjele ćerpić wot staršich a wyšich měšnikow a pismawučenych, a zo budže morjeny a na třeći dzeń zaso stanuć. *St. 17, 22.*

22. A Pětr wza jeho k sebi, wrěsnu na njeho a džeše: Bóh će zwarnuj; to so či stać njebudže.

23. Ale wón so wobroći a džeše k Pětrej: Dži wote mnje přeč, zatanaso, ty sy mi k pohóršenju; přetož ty njeměniš, štož Bože, ale štož čłowječne je.

24. Tehdy džeše Jezus k swojim wučomnikam: Chce-li štó za mnu přińć, tón sam so zaprěj a wzmi swój křiž na so a pój za mnu.] *Mark. 8, 34. Luk. 9, 23.*

25. Přetož štóž swoje žiwjenje chce zachować, tón budže to same zhubić; štóž pak swoje žiwjenje zhubi moje dla, tón budže to same namakać. *Luk. 17, 33.*

26. Přetož što pomha čłowjekej, hdy by wón runje cyły swět dobył a pak na swojej duši škodował? Abo što móže čłowjek k wumóženju swojeje duše dać? *Mark. 8, 36. Luk. 9, 25.*

27. Přetož wono budže so stać, zo teho čłowjeka syn budže přińć w krasnosći swjateho Wótca ze swojimi jandželemy; a tehdy budže wón kóždemu dać po jeho skutkach. *Rom. 2, 6.*

28. Zawěrnje, ja praju wam: Někotři steja tudy, kiž njebudža smjerće wopytać, hač woni budža teho čłowjeka syna widzieć přińdzo w swojim kralstwje. *Mark. 9, 1. Luk. 9,*

17. staw.

Chrystus bu překrasnjeny, naměsacny zahojeny, dański kroš zaptačeny.

Sćenje na 6. njedźelu po třoch kralach.

1. [A po šesći dnjach wza Jezus k sebi Pětra a Jakuba a Jana, jeho bratra, a wjedžeše jich stronu na wysoku horu. *Mark. 9, 2.*

2. A wón překrasni so před nimi, a jeho wobličo swěćeše so jako slónco; jeho drasta pak bě běla jako swětlo. *2 Pětr. 1, 16. 17.*

3. A hlaj, tam so jim zjewištaj Mójzas a Elias, taj rěčeštaj z nim. *Luk. 9, 31.*

4. Pětr pak wotmołwi a džeše k Jezusej: Knježe, tudy je nam dobre być; chceš-li, dha chcemy tudy tři hěty činić, tebi jenu, Mójzasej jenu a Eliasej jenu.

5. Jako wón hišće rěčeše, hlaj, dha jich swětla mrócel wobchłódkowa. A hlaj, hlós z teje mrócele džeše: To je mój luby Syn, na kotrymž ja mam dobre spodobanje, teho wy poslušajće. *St. 3, 17. 2 Pětr. 1, 17.*

6. Jako to či wučomnicy slyšachu, padžechu woni na swoje wobličo a stróžichu so jara.

7. Ale Jezus přistupiwiši k nim dótknu so jich a džeše: Stańće horje a njebójće so ničeho! *Dan. 8, 18.*

8. Hdyž woni pak swojej woči pozběžechu, njewidžachu nikoho, hač Jezusa sameho.

9. A jako woni z hory dele džěchu, prikaza jim Jezus a džeše: Wy njedyrbiće to widženje nikomu powjedać, hač čłowski syn wot morwych je stanył.]

10. A jeho wučomnicy prašachu jeho a džachu: Štoha pismawučeni praja: Elias dyrbi prjedy přińć? *St. 11, 14. Mal. 4, 5.*

11. Jezus pak wotmołwi a džeše k nim: Elias budže zawěrnje prjedy přińć a wšitko zaso wrócić;

12. Ale ja praju wam: Elias je hižom přišoł, a woni jeho njesu póznali, ale su na nim činili, štož su chcyli; tak budže tež čłowjeka syn dyrbjec ćerpić wot nich. *St. 14, 9.*

13. Tehdy zrozumichu ěi wučomnicy, zo wón wot Jana, teho krćenika, jim běše prajił.

14. A jako woni k ludu přińdžechu, přistupi k njemu někajki čłowjek a padnu jemu k nohomaj, *Mark. 9, 17. Luk. 9, 38.*

15. A džeše: Knježe, smil so na mojim synu, přetož wón je naměsacny a ma zle ćerpjenje; přetož wón panje často do wohenja a často do wody;

16. A ja sym jeho k twojim wučomnikam přiwjedł, a woni njemóžachu jemu pomhać.

17. Jezus pak wotmołwi a džeše: O ty njewěrna a wrótna šlachta! Kak dolho dyrbju ja při was być? Kak dolho dyrbju ja was ćerpić? Přiwjedźće mi sem teho sameho.

18. A Jezus jemu pohrozy, a tón djaboł wuńdže wot njeho; a to hólčo wotchori w tej samej štundže.

19. Tehdy džachu ěi wučomnicy přistupiwši k Jezusej wosebje: Čoho dla smy my njemóhli jeho wuhnać?

20. Jezus pak wotmołwi a džeše k nim: Wašeje njewěry dla. Přetož ja zawěrnje praju wam: Hdyž wy wěru maće, tež jeno tak wulku jako žonopowe zorno, dha móžeće wy k tutej horje rjeknyć: Zběhnú so wot tudy tam, a wona budže so zběhnuć a njebudže wam ničo njemóžne. *St. 21, 21. Luk. 17, 6.*

21. Ale tuta šlachta njewuńdže, chiba přez modlitwu a požćenje.

22. Jako woni pak běchu w Galilejskej, džeše Jezus k nim: Stać so budže, zo čłowjeka syn budže do čłowjeskich rukow podaty; *St. 20, 17. 18. Mark. 9, 31. Luk. 9, 22. St. 18, 31.*

23. A woni budža jeho morić a na třeci džen budže wón horje stanyć. A woni so jara zrudžichu.

24. Jako woni pak do Kapernauma přińdžechu, přistupichu k Pětrej ěi sami, kiž dański kroš bjerichu, a džachu: Njedawa waš wučer teje danje?

25. A wón džeše: Wón dawa. A jako wón běše domoj přišoł, přińdže jemu Jezus z řeču prjedy a džeše: Što so tebi zda, Šimanje? Wot kajkich ludži bjeru kralojo na zemi zło abo dań? Wot swojich džěći abo wot cuzych?

26. Tuž džeše k njemu Pětr: Wot cuzych. Džeše k njemu Jezus: Dha su teho dla džěći swobodne.

27. Ale zo bychmy my jich nje-pohóršili, dži k morju a wućisń wudu,

a tu přenju rybu, kiž spluwnje, wzmi; a hdyž ty jej ert wotewřiš, budžeš ty ztater namakać; tón samy wzmi ty a daj jón jim za mnje a za so.

18. staw.

**Wo pohóršenju, mocy
klučow a bratrowskim wujed-
nanju.**

**Tekst na njedźelu Mizericor-
dias. IV.**

1. [W tej samej štundže přistupichu wučomnicy k Jezusej a džachu: Štó tež je tón najwjětši w njebieskim kralestwje? *Mark. 9, 34. Luk. 9, 46.*

2. A Jezus zawoła džěčo k sebi a postaji jo srjedža bjez nich,

3. A džeše: Zawěrnje, ja praju wam: Jeli zo so njewobroćiće a njebudžeće jako džěći, dha wy njebudžeće do njebieskeho kralestwa přińć. *St. 19, 14. Mark. 10, 15. 1 Kor. 14, 20.*

4. Štóz so teho dla sam poniža, jako to džěčo, tón je najwjětši w njebieskim kralestwje. *1 Pětr. 5, 6.*

5. A štóz jene tajke džěčo horje wozmje w mojim mjenje, tón wozmje mje horje. *St. 10, 40.*

6. Štóz pak pohóršuje jeneho wot tych mólčkich, kiž do mnje wěra, temu by lěpje było, zo by młynski kamjeń na jeho šiju powješeny, a wón potepjeny był w morju, hdžež najhlubše je. *Mark. 9, 42: Luk 17, 1.*

7. Běda swětu pohóršenjow dla! Přetož pohóršenje přińć dyrbi; ale běda temu samemu člowjekej, přez kotrehož pohóršenje přińdže!

8. Jeli zo pak twoja ruka abo twoja noha će pohóršuje, dha wotrubaj ju a čisń ju wot sebje; lěpje či je, zo ty k žiwjenju chromy abo bědny nutř džeš, dyžli zo by ty dvě rucy abo dvě nocy měł a był do wěčneho wohenja čisnjeny.

9. A jeli zo će twoje woko pohórši, wutorhń jo a čisń jo wot sebje; lěpje či je, zo ty z jednym wokom k žiwjenju nutř džeš, dyžli zo by ty wobě woči měł a był do helskeho wohenja čisnjeny.

10. Hlajće, zo byšće tych mólčkich žaneho njezazpili. Přetož ja praju wam: Jich jandželjo w njebiesach widža stajnje to wobličo mojeho Wótca w njebiesach.

11. Přetož čłowski syn je přišoł, to zbóžne činić, štož zhubjene je. *St. 9, 13. Luk. 19, 10. 1 Tim. 1, 15.*

12. Što so wam zda? Hdy by što měł sto wowcow, a jena wot nich so zabłudžiła; njewostaji wón te džewječ a džewječdžesać na horach, dže tam a pyta tu zabłudženu? *Luk. 15. 4. Ez. 34, 11. 12.*

13. A hdyž so stanje, zo wón ju namaka, zawěrnje, praju ja wam, wón so bóle nad njej zwjeseli, dyžli nad tymi džewječ a džewječdžesać, kotrež so njeběchu zabłudžile.

14. Tak tež njeje wola před wašim Wótcom w njebiesach, zo by jedyn wot tych małych zhubjeny był. *2 Pětr. 3, 9.*

15. Jeli zo pak twój bratr přećiwo tebi zhrěši, dži a porokuj jemu to bjez tobu

a bjez nim samym. Słyši wón tebje, dha sy ty swojeho bratra dobył. Ref((3 Mójz. 19, 17. Luk 17, 3.))

16. Nochce-li wón pak tebje słyšeć, dha wzmi hišće jeneho abo dweju k sebi, tak zo by kóžde słowo wobstało we erće dweju abo třoch swědkow. *Hebr. 10, 28.*

17. Jeli zo wón jich pak njeposłucha, powjes gmejnje. A jeli zo wón tež gmejnu njeposłucha, dha dźerž jeho za póhana a za člonika.

18. Zawěrnje, ja praju wam: Štož wy na zemi zwjazac budžeće, to dyrbi tež w njebjesach zwjazane być; a štož wy na zemi rozwježeće, to dyrbi tež w njebjesach rozwjazane być. *Jan. 20, 23.*

19. Dale praju ja wam: Jeli zo dwaj bjez wami přez jene staj na zemi, njech je, štož chce, zo chcetaj prosyć, to dyrbi so jimaj dostać wot mojeho Wótca w njebjesach.

20. Přetož hdžež dwaj abo tři zo zhromadzeni su w mojim mjenje, tam sym ja srjedza bjez nimi.

Sćenje na 22. njedźelu po swj. Trojicy.

21. [Tehdy přistupi Pětr k njemu a džeše: Knježe, kak husto dyrby ja dha mojemu bratřej, kiž na mni zhrěši, wodać? Je dosć sydom króc?

22. Jezus džeše k njemu: Ja tebi njepraju, sydom króc, ale sydom džasac mol sydom króc.

23. Teho dla je njebjeske kralestwo podobne kralej, kiž chcyše rachnowanje dźeržeć ze swojimi wotročkami.

24. A jako wón poča rachnować, přindže jedyn před njeho, kotryž jemu na džasac tawzynt puntow winojty běše.

25. Jako wón pak njeměješe zaplaćić, prikaza tón knjez předać jeho a jeho žonu a jeho džeći a wšitko, štož měješe, a zaplaćić.

26. Tuž padže tón wotročk dele, modleše so k njemu a džeše: Knježe, měj sčerpjenje zo mnu, ja chcu ći wšitko zaplaćić.

27. Temu knjezej pak bě žel teho sameho wotročka a pušći jeho, a tón dołh wón jemu tež spušći.

28. Tuž džeše tón samy wotročk won a nadeńdže swojich towaršow jeneho, kiž jemu sto krošow winojty běše; a wón zapřija jeho a daješe so z nim a džeše: Zaplać mi, štož ty mi winojty sy.

29. Tuž padže jeho towarš jemu k nohomaj, prošeše jeho a džeše: Měj sčerpjenje zo mnu, ja chcu ći wšitko zaplaćić.

30. Wón pak njechaše, ale džeše a čisnu jeho do jastwa, hač zaplaći, štož winojty běše.

31. Jako to pak jeho towaršoj widžichu, zrudžichu so woni jara a přindžo wupowjedachu to wšitko swemu knjezej, štož so stało běše.

32. Tudy zawoła jeho jeho knjez k sebi a džeše k njemu: Ty zły wotročko, wšitkón tón samy dołh sym ja tebi spuščil, dokelž ty mje prošeše;

33. Njedyrbjał dha ty so tež smilić na swojim towaršu, kaž so ja na tebi smilił sym? *refd((Jak. 2, 13.))*

34. A jeho knjez rozhněwa so a poda jeho čwilerjam, hač wón zaplaći wšitko,

štož jemu winojty běše.

35. Tak tež budže wam mój njebieski Wótec činić, jeli zo wy njewodaće kóždy swojemu bratrej z wašich wutrowow jich winy.]

19. staw.

Wo róznodžělenju mandželskich, wo džěchoch a wo bohatstwje.

1. A poda so, jako Jezus te same ryče běše dokonjał, zběhnu wón so z Galilejskeje přeč a přińdže na mjezy teje židowskeje zemje za Jordanom.

2. A wjele ludži džěše za nim, a wón jich tam zahoji.

Tekst na 20. njedźelu po swj. Trojicy. IV.

3. [A ěi Farizejscy přistupichu k njemu, spytowachu jeho a džachu k njemu: Móže tež muž swoju žonu wot sebje pušćić kajkežkuli winy dla?

4. Wón pak wotmołwi a džeše k nim: Njejsće wy lazowali, zo, kotryž w spočatku čłowjeka je stworił, tón je činił, zo dyrbyeše muž a žena być; 1 Mójz. 1, 27.

5. A džeše: Teho dla budže čłowjek nana a maćer wopušćić a so dzeržeć k swojej žonje, a budžetaj taj dwaj jene čělo? 1 Mójz. 2, 24. Mark. 10, 7. 1 Kor 6, 16. Eph. 5, 31.

6. Dha wonaj teho dla njejtaj dwě, ale jene čělo. Štož teho dla Bóh hro-

madu stowaršił to čłowjek rózno njedžěl.

1 Kor. 7, 10.

7. Tuž džachu woni k njemu: Čoho dla dha je Mójzas prikazał lóslizt dać a ju wot sebje pušćić?

8. Wón džeše k nim: Mójzas je wam wotpušćil, waše mandželske wot sebje pušćić wašich wutrowow twjerdosće dla; ale wot spočatka tak njeběše.]

9. Ja praju pak wam: Štóz swoju mandželsku wot so přeč pušći (chiba kurwarstwa dla) a wozmjje sebi druhu, tón mandželstwo łama; a štóz tu wot sebje pušćenu wozmjje, tón tež mandželstwo łama. St. 5, 31. 32. 1 Kor. 7, 10.

10. Džachu k njemu jeho wučomnicy: Zadžerži so ta wěc tak z mužom a z jeho žonu, dha njeje derje so woženić.

11. Wón džeše pak k nim: To słowo so njejima kóžděho, ale komuž je date. 1 Kor. 7, 7. 17.

12. Přetož někotři su wurězani, kotřiž so tak z maćerneho žiwota su narodžili; a su někotři wurězani, kiž wot čłowjeka su wurězani; a su někotři wurězani, kiž so sami su wurězali njebieskeho kralestwa dla. Štóz to přijec móže, tón to přimí.

13. Tehdy buchu džěcatka k njemu přinjesene, zo by wón rucy na nje položil a modlił so k Bohu. Ći wučomnicy pak wrězkachu na nich. Luk. 18, 15.

14. Ale Jezus džeše: Pušćeće te džěcatka a njewobaraće jim ke mni přińć; přetož tajkich je njebieske kralestwo. St. 18, 2.

15. A wón položi rucy na nje a džeše přeč.

Tekst na 15. njedźelu po swj. Trojicy. IV.

Tekst na 15. njedźelu po swj. Trojicy. IV.

16. [A hlaj, jedyn přistupicy džeše k njemu: Dobry wučerjo, što dyrbjú ja dobre činić, zo bych ja to wěčne žiwjenje měl?

Luk. 18, 18.

17. Wón pak džeše k njemu: Što ty mi rěkaš dobry? Nichtó njeje dobry, chiba tón jenički Bóh. Ale chceš-li ty do žiwjenja nutř hić, dha dzerž te kaznje.

18. Wón džeše k njemu: Kotre? Jezus pak džeše: Ty njedyrbiš morić. Ty njedyrbiš mandželstwo lamać. Ty njedyrbiš kranyć. Ty njedyrbiš falšne swědčenje dawać.

19. Česć swojeho nana a maćer. A ty dyrbiš swojeho bližšeho lubować jako sam so.

St. 15, 4.

20. Tón młodźenc džeše k njemu: To wšitko sym ja dzeržał wot mojeje młodosće; što ja hišće potřejam?

21. Jezus džeše k njemu: Chceš-li być dokonjany, dži, předaj, štož ty zamóžeš, a rozdaj to same chudym ludžom, dha budžeš ty měć šaz w njebjesach; a přińdž a pój za mnu. *St 6, 20. Luk. 12, 33.*

22. Jako pak tón młodźenc to słowo słyšeše, woteńdže wón zrudny; přetož wón měješe wjele kubłow.

23. Jezus pak džeše k swojim wučomnikam: Zawěrnje, ja praju wam: Bohaty budže z čězka do njebjeskeho kralestwa přińć.

Mark. 10, 28.

24. A zaso praju ja wam: Lóžše je, zo kamel přez jehline wucho přeńdže, dyžli

zo bohaty do Božeho kralestwa přińdže.]

25. Jako pak to jeho wučomnicy słyšachu, stróžichu woni so jara a džachu: Štóha teho dla budže zbóžny?

26. Jezus pak pohlada na nich a džeše k nim: Pola čłowjekow je to njemóžne; ale pola Boha su wšitke wěcy móžne.

27. Tehdy wotmołwi Pětr a džeše k njemu: Hlaj, my smy wšitko wostajili a za tobu šli; što dha nam za to budže?

Mark. 10, 28. Luk. 18, 28.

28. Jezus pak džeše k nim: Zawěrnje, ja praju wam, zo wy, kiž sće za mnu šli w nowym narodže, hdyž čłowski syn sedzić budže na stole swojeje krasnosće, budžeće wy tež sedzić na dwanaće stolach a sudzić te dwanaće Israelske šlachty.

Kn. mudr. 3, 8.

29. A kóždy, kiž wostaji chěže abo bratrow abo sotry abo nana abo mać abo žonu abo džeći abo pola mojeho mjena dla, tón budže to same sto króc dostać a wěčne žiwjenje herbować.

30. Ale jich wjele, kiž su přeni, budža posleni, a posleni budža přeni. *St. 20, 16. St. 22, 14. Mark. 10, 31. Luk. 13, 30.*

20. staw.

*Wo dželaćerjach winicy,
Chrystusowym ćerpjenju,
wučomnikow hordosći a
dweju slepeju pomocy.*

*Scenje na njedźelu Septu-
agezima.*

1. [Njebjeske kralestwo pak je podobne hospodarjej, kiž hnydom ze switanjom wondžeše, dželaćerjow najeć na swoju winicu. *St. 21, 33.*

2. A jako wón z dželaćerjemi přez jene přińdže wo kroš na dzeń, pósła wón jich na swoju winicu.

3. A džeše won wokoło třećeje štundy a wuhlada druhich na torhošću prózdných stejo,

4. A džeše k nim: Džiće tež wy na winicu; ja chcu wam dać, štož prawe je.

5. A woni woteńdžechu. Zaso wón wuńdže wokoło šesteje a džewjateje štundy a činješe teho runja.

6. Wokoło jědnateje štundy pak džeše wón won a namaka druhich prózdných stejo a džeše k nim: Što stejiće wy tudy cylički dzeń prózdni?

7. Woni džachu k njemu: Wšak nas nichtó njeje najał. Wón džeše k nim: Džiće tež wy tam na winicu; a štož prawe je, dyrbiće dostać.

8. Hdyž pak wječor bu, džeše tón knjez teje winicy k swojemu zastojnikej: Zawołaj dželaćerjow a daj jim tu mzdu; a započ wot poslenich hač do přenich.

9. A jako ěi přińdžechu, kotřiž wokoło jědnateje štundy najeći běchu, dósta

kóždy po krošu.

10. Hdyž pak přeni přińdžechu, měnjachu woni, zo budža wjacj dostać; a woni dostachu tež kóždy po krošu.

11. A jako jón wzachu, morkotachu woni přećiwo hospodarjej,

12. A džachu: Ći posleni su jeno jeničku štundu džělali, a ty sy jich nam runych sćinił, kiž my teho cyłego dnja wobćežnosć a hězu smy njesli.

13. Wón pak wotmołwi a džeše k jenemu bjez nimi: Přecelo, ja ěi kriwdy nječijnju. Njejsy ty zo mnu přez jene přišoł wo kroš?

14. Wzmi, štož twoje je a dži swój puć. Ja chcu pak temu poslenjemu dać runje jako tebi.

15. Abo nimam ja móc činić štož ja chcu, z tym mojim? Hladaš ty teho dla hroznje, zo ja tak dobroćiwý sym? *Rom. 9, 24.*

16. Tak budža posleni přeni a přeni posleni. Přetož wjele je jich powołanych, ale mało je wuzwolených.] *St. 19, 30. St. 22, 14.*

17. A Jezus ćehnješe horje do Jerusalema a wza k sebi tych dwanaće wučomnikow wosebje na puću a džeše k nim: *St. 17, 22.*

18. Hlajće, my ćehnjemy horje do Jerusalema, a čłowjeka syn budže wyšim měšnikam a pismawučeným podaty, a woni budža jeho k smjerći wotsudzić;

19. A budža jeho podać póhanam k směchej, chłostanju a križowanju; a na třeći dzeń budže wón zaso stanuć.

Tekst na 17. njedźelu po swj. Trojicy. IV.

20. [Tehdy přistupi k njemu mać tych džěći Zebedeowych ze swojimaj synomaj a padnywši před nim dele prošeše něšto wot njeho.

21. A wón džeše k njej: Što chceš? Wona džeše k njemu: Přiķaž, zo taj mojej dwaj synaj byštaj sedžila w twojim kralestwje, jedyn na twojej prawicy a druhi na ľěwicy.

22. Ale Jezus wotmołwi a džeše: Wy njewěšće, što wy prosyće; móžeće wy tón kelich pić, kotryž ja pić budu, a so dać křić z tej křćenicu, z kotrejž ja křćeny budu? Woni džachu k njemu: Haj, my móžemy. *Jan. 18, 11.*

23. A wón džeše k nim: Mój kelich dyrbiće wy zwar pić, a z tej křćenicu, z kotrejž ja křćeny budu, dyrbiće wy křćeni być; ale to sedženje na mojej prawicy a ľěwicy dać njesteji při mni, ale kotrymž je přihotowane wot mojeho Wótca.

24. A jako to ċi džesaćo słyšachu, rozhněwachu woni so na teju dweju bratrow. *Mark. 10, 41.*

25. Ale Jezus zawoła jich k sebi a džeše: Wy wěšće, zo fěrštojo tych ludow na nich knježa, a ċi wulcy maju swoju móc na nich.

26. Tak pak njedyrbi bjez wami być; ale chce-li šćó bjez wami mócny być, tón budž waš služomnik.

27. A šćóž bjez wami chce wosebniši być, tón budž waš wotročk.

28. Runje jako ċłowjeka syn njeje

přišoł, zo by sebi dał služić, ale zo by wón služił a dał swoje žiwjenje k wumoženju za jich wjele.] *Phil. 2, 7.*

29. A hdyž woni won ċehnjechu z Jericha, džěše wjele luda za nim.

30. A hlaj, dwaj slepaj sedžeštaj při puću; a jako wonaj słyšeštaj, zo Jezus nimo dže, wołaštaj wonaj a džeštaj: Knježe, ty syno Dawidowy, smil so nad namaž! *Mark. 10, 46.*

31. Ale tón lud pohrozy jimaj, zo byštaj mjelčaloj. Ale wonaj wjele bóle wołaštaj a džeštaj: Knježe, ty syno Dawidowy, smil so nad namaž!

32. A Jezus wosta stejo a zawoła jeju a džeše: Što chcetaj, zo bych ja wamaž ċinił?

33. Wonaj džeštaj k njemu: Knježe, zo byšćej našej woći wotewrjenej bylejš.

34. A Jezusej běše jeju žel a dótknu so jeju woćow; a hnydom jich woći hladachu, a wonaj džěštaj za nim.

21. staw.

Chrystus ċehnje do Jerusalema; jeho pochostanje w templu, ċěkanje, wótre rozryćenje a štrafupřědowanje.

Scénje na 1. njedźelu adwenta.

1. [A jako woni blisko k Jeruzalemu přińdžechu do Bethfage k woli-jowej horje, pósla Jezus dweju wot swojich wućomnikow, *Mark. 11, 1. Luk. 19,*

29. Jan. 12, 12.

2. A džeše k nimaj: Džitaj do teho městka, kiž prjedy waju leži, a hnydom budžetaj wój wóslicu namakać přiwjazanu a młodeho wósła při njej; wotwježtaj a přiwdžetaj jeju ke mni.

3. A budže-li wamaj štó što prajić, dha rjekútaj: Tón Knjez jeju potrjeba; a hnydom budže wón wamaj jeju pušćić.

4. To so pak wšitko sta, zo by dopjelnjene było, štož řečane je přez profeta, kotryž praji:

5. Powěsće džowcy Cionskej: hlaj, twój kral přińdže k tebi z čichej myslu, sedžo na wóslicy a na młodym wósle přiwučeneje wóslicy. *Sach. 9, 9.*

6. Taj wučomnikaj džěštaj a činještaj, kaž jimaj Jezus prikazał běše;

7. A přiwdžěštaj tu wóslicu a młodeho wósła a položistaj swoju drastu na njeju a sadžistaj jeho na njeju.

8. Ale wjele luda přezćěraše swoju drastu na puć; druzy pak rubachu hałozy wot štomow a sćezechu je na puć.

9. Tón lud pak, kiž prjedy a za nim džeše, wolaše a džeše: Hosianna temu synu Dawidowemu! Chwaleny budž, kiž přińdže w mjenje teho Knjeza! Hosianna we wysokosći!] *Ps. 118, 24. 25. Jan. 12, 13.*

10. A jako wón do Jerusalema nutř čehnješe, zběže so to cyłe město a džeše: Štó je tón?

11. Ludžo pak džachu: To je Jezus, tón profeta z Nacareta Galilejskeje zemje. *Jan. 1, 45.*

12. A Jezus zańdže do templu Božeho a wuhna wšitkich, kiž předawachu a

wikowachu w templu, a powróci te blida tych, kiž pjenjezy přeměnjachu, a te stoły tych samych, kiž hołbje předawachu;

13. A džeše k nim: Pisane steji: Moja chěža budže chěža teje modlitwy mjenowana; wy pak sće mordarsku jamu wot njeje sčinili. *Jez. 56, 7. Jer. 7, 11.*

14. A k njemu přistupichu slepi a chromi w templu, a wón jich zahoji.

15. Jako pak wyši měšnicy a pis-mawučeni widžichu te džiwy, kotrež wón džachu: Hosianna temu synu Dawidowemu! rozhněwachu woni so,

16. A džachu k njemu: Słyšiš ty tež, što tući praja? Jezus pak džeše k nim: Haj. Njejsće wy pak nihdy lazowali: Ze erta tych njeryčacych a česnych sy ty chwalbu přihotował? *Ps. 8, 3.*

17. A wostajiwši jich džeše z města won do Bethanije a zawosta tam přez nóc. *Mark. 11, 11.*

18. Jako wón pak rano zaso do města džeše, běše wón hlódný;

19. A wuhladawši při puću jedyn figowy štom, přistupi k njemu a njenamaka ničo na nim, chiba jeno lisće. A wón džeše k njemu: Nihdy do wěčnosće žadyn plód wjazy na tebi njerosć! A tón figowc hnydom wuschnu. *Luk. 13, 6. 7.*

20. A jako to wučomnicy widžichu, džiwachu woni so a džachu: Kak je tón figowc tak skoro wuschnul?

21. Jezus pak wotmołwi a džeše k nim: Zawěrnje, ja praju wam, jeli zo wy wěru maće a njejsće njewěsći, dha budžeće wy nic jeno to, štož z tym figowcom so stało je, činić; ale hdyž wy tež k

tutej horje prajić budžeće: přezběhní so a zwróc so do morja, dha so wone stać budže.

22. A wšitko, štož wy w modlitwje prosyć budžeće, budžeće-li jeno wěrić, dha budžeće wy to same dostać. *Mark.*

11, 24.

23. A jako wón do cyrkwy přińdže, přistupichu k njemu, jako wón wučese, wyši měšnicy a teho luda starši a džachu: Z čejej mocu činiš ty to? a što je tebi tu móc dať?

24. Jezus pak wotmołwi a džeše k nim: A ja chcu was tež jene słowo woprašć; jeli zo wy mi to powěšće, chcu ja wam tež prajić, z kajkej mocu ja to činju.

25. Z wotkal běše Janowa křćenica? Běše wona z njebyes abo wot čłowjekow? A woni sebi mjelčo myslachu a džachu: Prajimy my, zo je z njebyes byla, dha budže wón k nam rjeknyć: Čoho dla dha wy jemu njewěrješće?

26. Prajimy my pak, zo je wot čłowjekow byla, dha my so ludži bojimy; přetož woni dzeržachu wšitcy Jana za profeta. *St. 14, 5.*

27. A woni wotmołwichu Jezusej a džachu: My njewěmy. Tuž tež wón džeše k nim: Dha tež ja wam njepowěm, z čejej mocu ja to činju.

Tekst na 8. njedźelu po swj. Trojicy. IV.

28. [Što so wam pak zda? Muž měješe dweju synow, a wón přistupi k přenjemu a džeše: Mój syno, dži ty, džěłaj džens w mojej winicy.

29. Wón wotmołwi pak a džeše: Ja nochcu. A potom wón so kaješe a woteńdže tam.

30. A wón džeše k temu druhemu a džeše runje tak. Tón pak wotmołwi a džeše: Knježe, haj ja chcu; a njeje šoł.

31. Kotry bjez tymaj dvěmaj je teho nana wolu činił? Woni džachu k njemu: Tón přeni. Džeše Jezus k nim: Zawěrnje, ja praju wam: Čłonicy a kurwy móža derje skerje do Božeho kralestwa přińć, dyžli wy.] *Luk. 3, 12. 13.*

32. Přetož Jan přińdže k wam a wučese was prawy puć, ale wy jemu njewěrješće; čłonicy pak a kurwy jemu wěrjachu. A hać wy to same runje widžišće, dha wy wšak pokutu po tym nječinjašće, zo byšće jemu tež wěрили.

33. Posłuchajće na druhe přirunanje: Jedin hospodar běše, tón plodžeše winicu a wobhrodži ju z płotom a wukopa w njej prasu a natwari tórm; a přenaja ju winicarjam a čehnješe přeč do druhého kraja. *Jez. 5, 1.*

34. Jako so pak tych plodow čas přibliža, pósła wón svojich wotročkow k tym winicarjam, zo bychu jeje plody brali.

35. Či winicarjo pak přijawši jeho wotročkow jeneho wubichu a druhého zabichu, třěčeho pak woni kamjenjowachu. *Jap. sk. 7, 52. 58.*

36. Zaso pósła wón druhich wotročkow, kotrychž wjazy dyžli přěnich běše; a woni jim runje tak činjachu.

37. Najposledk pak pósła wón swo-

jeho syna k nim a džeše: Woni budža so před mojim synom trašić.

38. Ći winicarjo pak, widźiwši teho syna, džachu bjez sobu: To je tón herba; pójmy, skóncujmy jeho a přinjesmy jeho herbstwo na nas. *St. 26, 5. 4.*

39. A woni wzachu jeho, wustorčichu jeho z winicy a zabichu jeho. *Hebr. 13, 12.*

40. Hdyž teho dla tón knjez teje winicy přińć budže, što budže wón tajkim winicarjam činić?

41. Woni džachu k njemu: Wón budže tych złóstonkow hroznje skóncować a swoju winicu druhim winicarjam přenajeć, kotřiž jemu plody w prawym času budža podawać.

42. Jezus džeše k nim: Njejsće wy nihdy lazowali w pismje: Kamjeń, kotryž čėslojo su začisnyli, tón je k różknemu kamjenjej sćinjeny; wot teho Knjeza je so to stało a je dziwne před našimaj wočomaj? *Ps. 118, 22.*

43. Teho dla praju ja wam: Bože kralestwo budže wot was wzate a póhanam date, kotřiž jeho plody přinjesu.

44. A štóz na tón kamjeń panje, tón budže so rozrazyć; a na kohož pak wón panje, teho budže wón rozmjasć.

45. A wyši měšnicy a Farizejscy słyšawši jeho přirunanja zrozumichu, zo wón wot nich rěči.

46. A hač runje woni za tym stejachu, zo bychu jeho přijeli, dha však so ludži bojachu; přetož woni mějachu jeho za profeta.

22. staw.

Wo kralowskim kwasu, dańskim krošu, horjestaću, najwosebnišej kazni a paršonje Chrystusowej.

Tekst na 2. njedźelu po swj. Trojicy. IV.

1. [A Jezus wotmołwi a rěčeše zaso k nim přez přirunanja a džeše:

2. Njebjeske kralestwo je podobne kralej, kiž swojemu synej kwas hotowaše; *Luk. 14, 16.*

3. A pósła svojich wotročkow won, zo bychu tych prošonych hosći na kwas powołali. A woni njechachu přińć.

4. Zaso pósła wón druhich wotročkow won a džeše: Powěsće tym prošonym hosćam: Hlaj, mój wobjed sym ja přihotował, moje woły a mój kormjeny skót je řezany a wšitko hotowe; pójće na kwas.

5. Ale woni zacpěwši to woteńdžechu, jedyn na swoje polo, druhi po svojich wikach.

6. Někotři pak přimachu jeho wotročkow, hanichu a morichu jich.

7. Jako to tón kral słyšeše, rozhněwa wón so a pósła swoje wójsko a skóncowa tych samych mordarjow a zapali jich město.

8. Tehdy džeše wón k svojim wotročkam: Kwas je zwar hotowy, ale hosćo njeběchu teho hódni.

9. Teho dla džiće na rozpuće a prośće na kwas, kohož wy namakaće.

10. A či sami wotročy wuńdžechu na drohi a přiwdžechu hromadu wšitkich, kotrychž namakachu, złych a dobrych; a te kwasne blida buchu wšitke z hosćemi wobsadžene.

11. Tón kral pak džeše nutř, tych hosćow, kiž so za blida běchu zesydali, wohladać; a wuhlada tam čłowjeka, tón njeběše kwasnu drastu wobleženy,

12. A džeše k njemu: Přecelo, kak sy ty sem nutř přišoł a nimaš žaneje kwasneje drasty? Wón so pak wotmjelča.

13. Tuž džeše tón kral k swojim služomnikam: Swježće jemu rucy a nohi a wzmiće a čisńće jeho do najhlubšeje čemnosće won; tam budže wuće a zubow křipjenje. *St. 8, 12. St. 24, 51. St. 25, 30.*

14. Přetož wjele je powołanych, ale mało wuzwolenych.] *St. 19, 30. St. 20, 16.*

Scénje na 23. njedželu po swj. Trojicy.

15. [Tehdy woteńdžechu či Farizejscy a składowachu radu, kak bychu Jezusa w řeči popanuli; *Mark. 12, 13.*

16. A póslachu k njemu svojich wučomnikow z Herodašowymi služomnikami a džachu: Mištrje, my wěmy, zo ty wěrný sy a wučíš Boží puć prawje a njerodžiš wo nikoho; přetož ty njehladaš na čłowjekow paršonu.

17. Teho dla powjes nam: Što so tebi zda? šluša so chěžorej dań dawać abo nic?

18. Jako pak Jezus jich zlósc pózna, džeše wón: Wy přislódnicy, što mje spytujeće?

19. Pokažće mi te dańske pjenjezy. A woni jemu kroš podachu.

20. A wón džeše k nim: Čeje je to znamjo a wopismo?

21. Woni džachu k njemu: Chěžorowe. Tuž džeše wón k nim: Dha dajće chěžorej, štož je chěžorowe, a Bohu, štož je Bože. *Rom. 13, 7.*

22. Jako woni to slyšachu, džiwachu so a wostajiwši jeho džěchu přeč.]

23. W tym samym dnju přistupichu tež k njemu či Sadduzejzzy, kotřiž praja, zo njeje žane wot smjerće stawanje, a woprašachu jeho, *Mark. 12, 18.*

24. A džachu: Mištrje, Mójzas je prajił, hdyž što wumřě, kiž džěči nima, dha dyrbi jeho bratr jeho žonu wzać a swojemu bratřej symjo zbudzić. *5 Mójz. 25, 5. Mark. 12, 19. Luk. 20, 28.*

25. Pola nas su pak sedmjo bratra byli. A tón přeni so wožení a wumřě; a dokelž wón symjenja njeměješe, wostaji wón swojemu bratřej swoju žonu.

26. Teho runja tež tón druhi a tón třěči, hač do sedmeho.

27. Naposledk po wšitkich wumřě tež ta žona.

28. We horjestawanju dha, kotreho žona wona budže bjez tymi sydom bratrami? přetož woni su ju wšitcy měli.

29. Jezus pak wotmołwi a džeše k nim: Wy so bludziće a njewěsće pisma ani móc Božu. *Jan. 20, 9.*

30. Přetož we horjestawanju njebudža woni so ani ženić ani wudawać, ale su jako jandželjo Boží w njebjesach.

31. Njejsće wy pak lazowali wot morych horjestawanja, štož wam prajene je wot Boha, kiž rjeknje:

32. Ja sym tón Bóh Abrahama a tón Bóh Izaaka a tón Bóh Jakuba? Bóh pak njeje tych morwych Bóh, ale tych žiwych. *2 Mój. 3, 6.*

33. A jako ludžo to słyšachu, dźiwachu woni so jeho wučbje.

Sćenje na 18. njedźelu po swj. Trojicy.

34. [Jako pak Farizejscy słyšachu, zo wón běše hubu zatykał Sadduzejzkom, zhromadźichu woni so. *Mark. 12, 28.*

35. A jedyn pismawučeny bjez nimi prašeše jeho spytujcy a džeše: *Mark. 12, 28. Luk. 10, 25.*

36. Mištrje, kotra je ta najwjětša kazń w zakonju?

37. Jezus pak džeše k njemu: Ty dyrbiš Boha, swojeho Knjeza, lubować z cyłej swojej wutrobu, z cyłej swojej dušu a z cyłej swojej myslu; *Mark. 12, 30.*

38. To je přenja a najwjětša kazń.

39. Ta druha pak je tej runa: Ty dyrbiš swojeho bližšeho lubować jako sam so. *Mark. 12, 31.*

40. Na tymaj dvěmaj kaznjomaj wisy cyły zakon a profetojo.

41. Jako so pak Farizejscy běchu zešli, woprašaja jich Jezus,

42. A džeše: Što so wam zda wot Chrystusa? Čeji syn je wón? Woni dźachu: Dawidowy.

43. Wón džeše k nim: Kak dha jeho Dawid w Duchu Knjeza mjenuje, hdyž rjeknje:

44. Tón Knjz je prajił k mojemu Knjezej: Syn so k mojej prawicy, hač ja položu twójch njepřećelow za podnóžki

twójch nohow? *Luk. 20, 42. Jap. sk. 2, 34. 1 Kor. 15, 25. Hebr. 1, 13. Ps. 110, 1.*

45. Hdyž tego dla jeho Dawid Knjeza mjenuje, kaha dha je wón jeho syn?

46. A nchtó njemóžeše jemu słowčka wotmołwić, a njezhrobli so tež žadyn wot tego sameho dnja, jeho wjazy prašeć.] *Luk. 14, 6.*

23. staw.

Jezus wučí, što je dźeržeć wo pismawučenyh a Farizejskich.

1. Tehdy rěčeše Jezus k ludžom a k swojim wučomnikam,

2. A džeše: Na Mójzasowym stole sedža ći pismawučeni a Farizejscy. *Neh. 8, 4.*

3. Wšitko tego dla, štož woni wam praja, zo byšće dźerželi, to dźeržeć a činće; ale po jich skutkach wy nječinće. Přetož woni derje praja, ale pak nječinja. *Mal. 2, 7.*

4. Přetož woni zwježu ćežke a nježnošne brěmjenja a kladu je ludžom na ramjenja; ale sami so jich z porstom dótknyć nochcedža. *Luk. 11, 46.*

5. Wšitke swoje skutki woni pak činja, zo bychu wot ludži byli widženi. Woni rozšěrja swoje napisma, a te wobrubu swojich drastow činja woni wulke. *St. 6, 1. 4 Mójz. 15, 38.*

6. Woni radži wysoko sydaju za blidom a w šulach,

7. A lubi so jim, hdyž na torhošćach budža postrowjeni a wot ludži rabbi

mjenowani.

8. Ale wy pak so njedajće rabbi mjenować; přetož jedyn je waš mištr, Chrystus; wy pak sće wšitcy bratřa. *Jak. 3, 1.*

9. A nikomu wy wótc njerěkajće na zemi; přetož jedyn je waš Wótc, kotryž je w njebjesach. *Mal. 1, 6.*

10. Njedajće sebi tež mištr rěkać; přetož jedyn je waš mištr, Chrystus.

11. Wjetši pak bjez wami dyrbi waš služomnik być. *St. 20, 26. 27.*

12. Přetož štóž so sam powyš, budže poniženy; a štóž so sam ponižuje, tón budže powyšeny. *Hiob. 22, 29. Přisl. 29, 23. Ez. 17, 24. Luk. 14, 11. St. 18, 14. 1 Pětr. 5, 5.))*

13. Běda pak wam pismawučenym a Farizejskim, wy ludakojo, kiž wy njebjeske kralestwo zankaće před čłowjekami; wy do njeho njepřiněžeće, a kotřiž do njeho chcedža, wy njedaće nutř hić. *Luk. 11, 52.*

14. Běda wam pismawučenym a Farizejskim, wy ludakojo, kiž wy wudowow domy zežerjeće a wudawaće so z dołhimi modlitwami; teho dla budžeće wy wjazy zatamanstwa dostać. *Mark. 12, 40. Luk. 20, 47.*

15. Běda wam pismawučenym a Farizejskim, wy ludakojo, kiž wy morjo a zemju wobćeħnjeće, zo byšće jeneho nowotneho žida sćinili; a hdyž je sćinjeny, sćiniće wy wot njeho džěco teje hele dwójcy, dyžli wy sami sće.

16. Běda wam, wy slepi wodžerjo, kiž wy rjeknjeće: Štóž so přisaha při templu, to njeje nič; štóž so pak přisaha při złotym na templu, tón je winojty.

17. Wy blazni a slepi! Kotre je wjetše, to złoto, abo tón templ, kiž to złoto swjeći? *2 Pětr. 1, 9.*

18. A štóž so přisaha při wołtarju, to njeje nič; štóž so pak přisaha při woporje, kotryž na nim je, tón je winojty.

19. Wy blazni a slepi! Kotre je wjetše, wopor, abo wołtar, kiž tón wopor swjeći?

20. Teho dla, štóž so přisaha při wołtarju, tón so přisaha při nim a při wšitkim, štož na nim je.

21. A štóž so přisaha při templu, tón so přisaha při nim a při tym, kiž w nim bydli. *2 Kron. 6, 2.*

22. A štóž so přisaha při njebjesach, tón so přisaha při Božim stole a při tym, kiž na nim sedži.

23. Běda wam pismawučenym a Farizejskim, wy ludakojo, kiž wy džesatk dawaće wot mjetlički, koprika a khumjelzy, a wostajíce to čežše w zakonju, jako sud, smilnosť a wěru. To dyrbjało so činić a to druhe so njewostajić. *Luk. 11, 42.*

24. Wy zaslepjeni wodžerjo, kiž wy kuntwory zydziće a kamjele póžeraće.

25. Běda wam pismawučenym a Farizejskim, wy ludakojo, kiž wy kanki a šklě zwonkach čisćiće, znutřkach pak su wone poħe rubjeństwa a žraća. *Luk. 11, 39.*

26. Ty slepy Farizejski, wučisć najprjedy to znutřkomne teje kanki a šklě, tak zo by tež to zwonkomne čiste bylo. *Tit. 1, 15.*

27. Běda wam pismawučenym a

Farizejskim, wy ludakojo, kiž so runaće kalkowanym rowam, kotrež zwonkach so derje zdadža rjane być, znutřkach pak su wone poľne morwych kosćow a wšitkeje nječistosće.

28. Tak tež wy; zwonkach zdaće so před ludźimi prawi być, ale znutřkach sće wy poľni jebanja a zľósće.

29. Běda wam pismawučenym a Farizejskim, wy ludakojo, kiž wy tych profetow rowy twariće a činiće rjane te rowy tych prawych,

30. A prajiće: Hdy bychmy my byli w času našich wótcow, njebychmy my z nimi chcyli towaršoj być na tych profetow krej.

31. A z tym wy tak sebi samym wobswědčiće, zo wy tych samych džěci sće, kiž su profetow morili. *Jap. sk. 7, 52.*

32. A wy tež napjelniće měru wašich wótcow.

33. Wy hady, wy ješćerjowa šlachta, kak chceće wy so helskemu satamanstwu zmynić?

34. Teho dla hlaj, ja póscelu k wam profetow a mudrych a pismawučenych, a wot tych samych budžeće wy někotrych morić a křižować, a někotrych budžeće wy šwikać we wašich šulach a budžeće jich přescěhać wot jeneho města k druhemu; *Luk. 11, 49. Jap. sk. 5, 40.*

35. Zo by na was přišla wšitka ta prawa krej, kotraž rozlata je na zemi, wot teje krwě praweho Abela hač do teje krwě Sachariasa, Barachiasoweho syna, kotrehož wy sće zabili bjez templom a woľtarjom. *1 Mójs. 4, 8. Luk. 11, 51.*

36. Zawěrnje, ja praju wam, zo to

wšitko na tu šlachtu přińć budže.

37. Jerusale, Jerusale, kiž ty moriš profetow a kamjenjuješ tych, kiž k tebi póslani su! Kak husto sym ja chcył twoje džěci zhromadzić, jako pata zhromadźuje swoje kurjatka pod křidła, a wy sće njechali. *Luk. 13, 34.*

38. Hlaj, waš dom dyrbi wam pustý wostać. *1 Kral. 9, 7.*

39. Přetož ja praju wam: Wy njebudžeće mje wot nětk wjazy widžeć, hač wy rjeknjeće: Chwaleny budź tón, kiž přińdže w mjenje teho Knjeza. *Jan. 12, 13.*

24. staw.

Wo wutupjenju města Jerusalema a kóncu swěta.

1. A Jezus zebra so přeč šedši z templa won, a jeho wučomnicy přistupichu k njemu, zo bychu jemu teho templa twarjenje pokazali. *Mark. 13, 1.*

2. Jezus pak džeše k nim: Widziće wy to wšitko? Zawěrnje, ja praju wam: Tudy njebudže kamjeń na kamjenju wostajeny, kiž by njebył rozlamany.

3. A jako wón na wolijowej horje sedžeše, přistupichu jeho wučomnicy wosebje k njemu a džachu: Powjes nam, hdy budže so to stać? A kotre budže to znamjo twojeho přichoda a teho swěta skónčenja?

4. Jezus pak wotmoľwi a džeše k nim: Hlajće, zo by was nihtó njezawjedł.

5. Přetož wjele jich budže přińc w mojim mjenje a prajić: Ja sym Chrystus; a budža jich wjele zawjesć. *St. 7, 22. Jan. 5, 43.*

6. Wy budžeće slyšeć wójny a kak ludžo budža wot wójnow rěčeć. Hlajće a njestróžeće so; přetož to dyrbi so wšitko prjedy stać; ale tón kónc hnydom njeje.

7. Přetož lud budže přeciwo ludu postanyć a kralestwo přeciwo kralestwu, a budže mór a hlód a zemjerženje tam a sem.

8. To wšitko hakle budže teje nuzy spočatk.

9. A woni budža was tehdy podać do žalósće a budža was moriće; a budžeće hidženi mojeho mjena dla wot wšitkich ludži. *Mark. 13, 9. Luk. 21, 12. Jan. 18, 2.*

10. A tehdy budže so jich wjele pohóršić a bjez sobu so přeradžić a budža so bjez sobu hidzić. *St. 11, 6.*

11. A budže wjele falšnych profetow postanyć a jich wjele zawjesć. *St. 7, 15.*

12. A dokelž ta njeprawda so budže rozsylnić, budže lubosć we jich wjele wustudnyć.

13. Štóz pak hać do kónca přetraje, tón budže zbóžny. *St. 10, 22.*

14. A to ewangelion wot teho kralestwa budže předowane po wšem swěće k wobswědčenju wšitkim ludžom, a tehdy budže tón kónc přińc. *Rom. 10, 18.*

Tekst na 27. njedźelu po swj. Trojicy. IV.

15. [Hdyž wy teho dla widžec budžeće to hrozne a žadlawe wu-

pusćenje, wot kotrehož prajene je přez profeta Daniela, zo steji na swjatym měsće (štóz to lazuje, tón wopomń jo): *Mark. 13, 14. Luk. 21, 20. Dan. 9, 26.*

16. Tehdy njech čěkaju na hory, kotřiž w židowskim kraju su.

17. A štóz na třěše je, tón njelěs dele, zo by sebi něšto ze swojeho doma wzał. *Mark. 13, 15. 16.*

18. A štóz na polu je, tón so njewróćej zaso, zo by swoju drastu zebrał.

19. Ale běda samodruhim a čěšnym w tym samym času.

20. Prošće pak, zo by so waše čekanje njestało w zymje abo na sabat. *2 Mójz. 16, 20.*

21. Přetož tehdy budže wulka žalosć, jako njeje byla wot spočatka teho swěta hać dotal, a tež njebudže.

22. Ale hdy bychy te same dny přiokrótšene njebyle, dha by žadyn čłowjek zbóžny njebył; ale tych wuzwolenych dla budža te same dny přiokrótšene.

23. Budže-li tehdy štó k wam rjeknyć: Hlaj, tudy je Chrystus abo tam, dha jo njedyrbice wěrić. *Mark. 13, 21. Luk. 17, 23. St. 21, 8.*

24. Přetož falšni Chrystojo a falšni profetojo budža stanuć a wulke zejchi a džiwy činić, zo bychy zawjedženi byli do bhuda (hdy by móžno bylo) tež či wuzwoleni. *Mark. 13, 22.*

25. Hlaj, ja sym wam to prjedy prajil.

26. Hdyž teho dla k wam prajić budža: Hlaj, wón je w pusćinje: dha njechodźće won; hlaj, wón je w komorje: dha njewěřće. *5 Mójz. 13, 1. 2. 3.*

27. Přetož kaž blyskanje wuchadža wot slónca schadženja a swěći hač do zachadženja, tak tež budže tón přichod teho čłowskeho syna.

28. Hdžež pak sčerb je, tam zhromadžuja so hodlerje.] *Hiob. 39, 33. Hab. 1, 8. Luk. 17, 37.*

29. Hnydom pak po tej žalosci teho sameho časa budže slónco so začmić a měsac swoje swětło njedać, a hwězdy budža z njebjes padać, a mocy tych njebjesow budža so hibać. *Jez. 13, 10.*

30. A tehdy budže so zjewić to znamjo teho čłowjeka syna. A tehdy budža skiwlić wšitke šlachty na zemi a budža widžeć přińdžo čłowjeka syna w mróčelach tych njebjes z wulkej mocy a krasnosću.

31. A wón budže pósłać svojich jandželow z wulkim hłosom teje truby, a woni budža zhromadzić jeho wuzwolenych wot tych štyrjoch wětrow, wot jeneho kónca tych njebjes hač k druhemu. *1 Thes. 4, 16. 1 Kor. 15, 52.*

32. Na figowcu pak zwukniće přirunanje: Hdyž jeho hałozu nětk wotmlódnje a lisće pušća, rozymiće wy, zo lětny čas blisko je; *Mark. 13, 28. Luk. 21, 29.*

33. Tak tež, hdyž wy to wšitko widziće, dha poznajće, zo wono blisko a před durjemi je. *Jak. 5, 9.*

34. Zawěrnje, ja praju wam: Ta šlachta njebudže zańć, hač so to wšitko stanje. *Luk. 21, 32.*

35. Njebjó a zemja budžetej zahinýć, ale moje słowa njebudža zahinýć.

36. Wot teho dnja pak a wot teje

štundy njewě nichtó, tež jandželjo w njebjesach nic, hač jeno sam mój Wótc.

Scénje na 27. njedželu po swjatej Trojicy.

37. [Ale runje jako běše w času Noacha, tak budže tež tón přichod teho čłowjeka syna. *1 Mójz. 7, 7.*

38. Přetož runje jako woni běchu w tych dnjach před lijeńcu: woni jědžichu a pijachu, ženjachu so a wudawachu so hač do teho sameho dnja, jako Noa do kašća džěše;

39. A woni teho kedžbu njemějachu, hač ta lijeńca přińdže a potepi wšitkich: tak tež budže tón přichod teho čłowjeka syna.

40. Tehdy budžetaj dwaj na polu; jedyn budže horje wzaty, a druhi budže wopušćeny. *Luk. 17, 35. 36.*

41. Dwě budžetej mlěć w młynje; jena budže horje wzata, a druga budže wopušćena.

42. Teho dla wachujće; přetož wy njewěšće, w kotrej štundže waš Knjez přińć budže. *Mark. 13, 33. 35.*

43. To pak poznajće: Hdy by hospodar wědzał, w kotrym času paduch chcył přińć, by wón ždyn wachował a njedał do swjeho doma łamać.

44. Teho dla budžće tež wy hotowi; přetož čłowjeka syn budže přińć, w kotrejž štundže wy so jeho njenadžijeće.

45. Štó je teho dla swěry a rozumny wotročk, kotrehož jeho knjez je postajił na swoju čeledź, zo by jim w prawym času jědž dawał? *Hebr. 3, 5.*

46. Zbóžny je tón samy wotročk, hdyž jeho knjez přišedši jeho namaka, zo wón tak čini.

47. Zawěrnje, ja praju wam: Wón budže jeho na wšitke swoje kubła postajić.

48. Rjeknje-li pak tón samy zły wotročk w swojej wutrobje: Mój knjez so dlěji a njepríndže;

49. A počnje bić svojich towaršow, jě a pije z wopílcami:

50. Tuž budže teho sameho wotročka knjez přinć tón džeń, kotryž wón so nje-nadźije, a w tej štundže, w kotrejž wón sebi njepomysli;

51. A budže jeho rozrubać a jemu jeho mzdu dać z ludakami. Tam budže skiwjenje a zubow křipjenje.] *St. 8, 12. St. 13, 42.*

25. staw.

Wo dźesać knježnach, přiřučenym centnarju a sudnym dnju.

Scénje na 25. njedźelu po swjatej Trojicy.

1. [Tehdy budže to njebieske kralestwo podobne dźesać knježnam, kotrež swoje lampy wzachu a džěchu won nawoženi napřećiwo.

2. Ale pjeć bjez nimi běše mudrych, pjeć pak njemudrych.

3. Te njemudre wzachu swoje lampy, ale wolija wone sobu njewzachu;

4. Te mudre pak wzachu wolija w svojich sudobjach ze svojimi lampami.

5. Jako so pak tón nawoženja pokomdži, buchu wone wšě sparne a wusnuchu.

6. Wo pońocy pak zběže so wołanje: Hlaj, nawoženja dže; dźiće won jemu napřećiwo!

7. Tuž stanychu te same knježny wšitke a wuhotowachu swoje lampy.

8. Te njemudre pak džachu k tym mudrym: Dajće nam wot wašeho wolija, přetož naše lampy zahasnja.

9. Ale te mudre wotmołwichu a džachu: Nic tak, zo by nam a wam nje-pobrachło. Dźiće pak radšo k tym klamarjam a nakupće sebi samym.

10. Jako wone pak kupować džěchu, přinć nawoženja; a kotrež hotowe běchu, džěchu z nim nutř na kwas; a durje buchu zanknjene. *Luk. 13, 25.*

11. Potom pak přinć džěchu tež te druge knježny a džachu: Knježe, Knježe, wotanki nam!

12. Ale wón wotmołwi a džeše: Zawěrnje, ja praju wam, ja was njeznaju. *St. 7, 28. Ps. 1, 6.*

13. Teho dla wachujće; přetož wy ani dnja ani štundy njewěšće, w kotrejž čłowski syn přinć budže.] *St. 24, 42. Mark. 13, 33. Luk. 21, 36.*

Tekst na 26. njedźelu po swjatej Trojicy. IV.

14. [Runje jako čłowjek, kiž do kraja čehnješe, zawoła svojich wotročkow a poda jim swoje kubła. *Luk. 19, 12.*

15. A da jenemu pječ centnarjow, druhemu dwaj, třecemu pak jedyn, kóždemu po jeho zamóženju; a woteńdže hnydom.

16. Tuž džeše tón samy, kiž běše pječ centnarjow dóstał, a wikowaše z nimi a dobu druhe pječ centnarjow.

17. Teho runja tón, kiž běše dwaj dóstał, dobu tež dwaj druhaj.

18. Tón pak, kiž běše jedyn dóstał, sčini šedši přeč jamu do zemje a potaji swojeho knjeza pjenjezy.

19. Po dohim času pak přińdže tych samych wotročkow knjez a dzeržeše rachnowanje z nimi.

20. Tuž tón, kiž běše pječ centnarjow dóstał, přistupiwiš přinjese druhe pječ centnarjow a džeše: Knježe, ty sy mi pječ centnarjow přiřučil; hlaj, ja sym druhe pječ centnarjow z nimi dobył.

21. Jeho knjez džeše pak k njemu: O ty dobry a swěrný wotročko, ty sy nad małym swěrný byl, ja chcu će nad wjele postajić; dži nutř k twojeho knjeza wjeselości. *Št. 23.*

22. Tuž přistupi tež tón, kiž běše dwaj centnarjej dóstał, a džeše: Knježe, ty sy mi dwaj centnarjej přiřučil; hlaj, ja sym druhaj dwaj z nimaj dobył.

23. Jeho knjez džeše k njemu: O ty dobry a swěrný wotročko, ty sy nad małym swěrný byl, ja chcu tebje nad wjele postajić; dži nutř k swojeho knjeza wjeselości.

24. Tuž přistupi pak tež tón, kiž běše jedyn centnar dóstał, a džeše: Knježe, ja će znaju, zo ty twjerdy čłowjek sy; ty žnješ, hdžež njejsy rozsywał, a zběraš, hdžež njejsy rozsypał;

25. Teho dla bojach so ja, džěch a potajich twój centnar do zemje. Hlaj, tu maš to swoje.

26. Jeho knjez pak wotmołwi a džeše k njemu: Ty zły a lěni wotročko, wjedžeše ty, zo ja žnu, hdžež njejsym rozsywał, a zběram, hdžež njejsym rozsypał?

27. Ty by dyrbjał teho dla moje pjenjezy přeměnjorjam dać, a hdy bych ja přišoł, bych ja to moje k sebi wzał z dobytkom.

28. Teho dla wzmiće wot njeho tón centnar a dajće jón temu, kiž ma džesać centnarjow.

29. Přetož kóždemu, kiž ma, temu budže date, zo by dosć měl; štož pak nima, wot teho budže tež to, štož wón ma, wzate. *St. 13, 12. Mark. 4, 25. Luk. 8, 18.*

30. A teho njewužitneho wotročka čisńće do zwonkomneje čěmnošće won; tam budže plać a zubow křipjenje.] *St. 24, 51.*

Scénje na 26. njedźelu po swj. Trojicy.

31. [Hdyž pak čłowski syn přińć budže w swojej krasnoći, a wšitcy swjeći jandželjo z nim; tehdy budže wón sedzić na stole swojeje krasnošće; *St. 16, 27. 1 Thes. 4, 16.*

32. A budža před nim wšitcy ludžo zhromadźeni. A wón budže jich różno rozdźělić, tak jako pastyr wowcy wot kózłow rozrisa; *Rom. 14, 10.*

33. A budže te wowcy k swojej prawicy postajić, te kózły pak k swojej

lěwicy.

34. Tehdy budže tón kral prajić k tym na swojej prawicy: Pójeće sem, wy požohnowani mojeho Wótca, herbujće to kralestwo, kotrež wam přihotowane je wot spočatka teho swěta.

35. Přetož ja sym hlódny był, a wy sće mi jěsć dali. Mi je so pić chcyło, a wy sće mi pić dali. Ja sym hósć był, a wy sće mje hospodowali. *Jez. 58, 7. Ez. 18, 7. Tob. 4, 17.*

36. Ja sym nahi był, a wy sće mje wodźewali. Ja sym chory był, a wy sće ke mni hladali. Ja sym jaty był, a wy sće ke mni přišli. *Sir. 7, 38.*

37. Tehdy budža jemu či prawi wotmołwić a rjeknyć: Knježe, hdy smy će hlódného widźili a smy će nasycili? abo lačného, a smy će napowali?

38. Hdy smy će hosća widźili, a smy će hospodowali? abo naheho, a smy će wodźewali?

39. Hdy smy će choreho abo jateho widźili, a smy k tebi přišli?

40. A tón kral budže wotmołwić a k nim rjeknyć: Zawěrnje, ja praju wam: Štož wy činili sće jenemu bjez tymi mojimi najmjeńšimi bratrami, to sće wy mi činili. *St. 10, 42.*

41. Tehdy budže wón tež prajić k tym na swojej lěwicy: Dźiće přeć wote mnje, wy zakleći, do wěčného wohenja, kotryž přihotowany je čertej a jeho jandželam; *Ps. 6, 9. Mat. 7, 23. Luk. 13, 27.*

42. Přetož ja sym hlódny był, a wy njejsće mi jěsć dali. Mi je so pić chcyło, a wy njejsće mi pić dali.

43. Ja sym hósć był, a wy mje njejsće hospodowali. Ja sym nahi był, a wy mje

njejsće wodźewali. Ja sym chory a jaty był, a wy njejsće ke mni pohladali.

44. Tehdy budža woni tež jemu wotmołwić a prajić: Knježe, hdyha smy će widźili hlódného abo lačného abo hosća abo naheho abo choreho abo jateho, a njejsmy tebi služili?

45. Tuž budže wón jim wotmołwić a prajić: Zawěrnje, ja praju wam: štož wy njejsće činili jenemu bjez tymi najhub-jenišimi, to wy tež mi njejsće činili.

46. A woni pónđza do wěčneje čwile; či prawi pak do wěčného žiwjenja.] *Jan. 5, 29.*

26. staw.

Chrystus žalbowany, bědži so po wustajenju Božeho wotkazanja w zahrodže, bu přeradženy, popan-jeny a před duchowny sud wjedženy.

1. A sta so, jako Jezus wšitke te same ryče běše dokonjał, džeše wón k swojim wučomnikam:

2. Wy wěsće, zo po dwěmaj dnjomaj jutry budža; a čłowjeka syn budže podaty, zo by križowany był.

3. Tehdy zhromadźichu so wyši měšnicy a pismawučeni a teho luda starši na dwór teho wyšeho měšnika, kotremuž rěkachu Kajphas; *Jan. 11, 47.*

4. A zradźowachu so hromadže, zo bychy Jezusa z lesnosću jimali a morili.

5. Woni džachu pak: Nic na tón róčny

čas, zo by so něhdže ropot bjez ludom njezběhnuł. *St. 27, 15.*

6. Jako pak Jezus w Bethanii běše, w domje Šimana, teho wusadneho, *Mark. 14, 3.*

7. Přistupi k njemu žónska; ta měješe škleńcu droheje wody a wula ju na jeho hlówu, jako wón za blidom sedžeše. *Jan. 12, 3.*

8. Jako pak to jeho wučomnicy widźichu, rozhněwachu woni so a džachu: K čomu je tajka škoda?

9. Přetož ta woda mohła droho předata a te pjenjezy chudym ludžom date być.

10. Jako pak Jezus to pózna, džeše wón k nim: Čoho dla rudźiće wy tu žonu? Přetož wona je dobry skutk na mni činiła.

11. Chudych wšak maće wy kóždy čas pola sebje; mje wy pak stajnje nimaće. *5 Mójz. 15, 11. Mark. 14, 7. Jan. 12, 8.*

12. Zo wona tu wodu na mój žiwot je wulała, to je wona k mojemu pohrjebanju sćiniła.

13. Zawěrnje, ja praju wam: Hdžež to ewangelion budže přédowane po wšém swěće, tam budže tež to, štož wona je sćiniła, prajene k jeje wopomnjenju.

14. Tuž woteńdže jedyn tych dwanaće, kotremuž rěkachu Judaš-Jšarioth, k wyším měšnikam,

15. A džeše: Što chceće wy mi dać? dha chcu ja jeho wam přeradžić. A woni slubichu jemu triceći slěbornikow.

16. A wot teje chwile hladaše wón sprawného časa, zo by jeho přeradził.

17. Ale tón přeni džen tych slódkich chlěbow přistupichu ěi wučomnicy k

Jezusej a džachu: Hdže chceš ty, zo bychmy tebi to jutrowne jehnjo k jědźi přihtowali? *Mark. 14, 12.*

18. Wón pak džeše: Dźiće tam do města k jenemu a rjekńiće jemu: Tón mištr da tebi prajić: Mój čas je tudy, ja chcu pola tebe jutry dđeržeć z mojimi wučomnikami.

19. A ěi wučomnicy ěinjachu, kaž jim Jezus běše přikazał, a přihtowachu to jutrowne jehnjo.

20. A na wječor synu wón so k blidu z tymi dwanaćimi. *Mark. 14, 17. 18.*

21. A jako woni jědźichu, džeše wón: Zawěrnje, ja praju wam, jedyn wot was budže mje přeradžić.

22. A woni buchu jara zrudni a počachu kóždy bjez nimi k njemu prajić: Knježe, sym ja?

23. Wón pak wotmołwi a džeše: Tón, kiž z ruku zo mnu w škli mača, tón samy budže mje přeradžić.

24. Čłowjeka syn zwar tam dže, jako wot njeho steji pisane; ale běda temu samemu čłowjekej, přez kotrehož čłowjeka syn budže přeradžený. Lěpje by jemu było, zo by so tón samy čłowjek nihdy njenarodził.

25. Tuž wotmołwi tež Judaš, kiž jeho přeradži, a džeše: Sym ja, rabbi? Džeše k njemu Jezus: Ty to prajiš.

26. Jako woni pak jědźichu, wza Jezus tón chlěb, džakowaše so a lamaše jón a da jón tym wučomnikam a džeše: Wzmiće, jěsće; to je moje ěělo. *Mark. 14, 22. Luk. 22, 19.*

27. A wón wza tón kelich a džakowaše so a da jim tón a džeše: Pijće wšitcy z njeho;

28. Přetož to je moja krej teho noweho zakonja, kotraž přelata budže za jich wjele k wodawanju tych hrěchow.

29. Ja pak praju wam: Ja nje-budu wot nětk wjacy wot teho płoda winoweho pjeńka pić, hač na tón dzeń, hdyž budu pić z wami nowy w mojeho Wótca kralestwje. *Mark. 14, 25.*

30. A jako woni tón chwalobny ķerluš běchu wuspěwali, wuńdžechu woni na wolijowu horu. *Mark. 14, 26.*

31. Tehdy džeše Jezus k nim: W tej nocy budžeće wy so wšitcy nade mnu pohóršić. Přetož pisane stej: Ja budu pastyrja zbić, a wowcy teho stadła budža so rozčěkać. *Zach. 13, 7.*

32. Hdyž ja pak horje stanu, pónđu ja přjedy was do Galilejskeje. *Mark. 16, 7.*

33. Pětr pak wotmołwi a džeše k njemu: Hdy bychy so tež wšitcy na tebi pohóršili, dha však ja so nihdy njebudu pohóršić.

34. Jezus džeše k njemu: Zawěrnje, ja praju ći, zo w tej nocy, přjedy dyžli kapon zaspěwa, budžeš ty mje tři króc zapřěć. *Jan. 13, 38. Mark. 14, 30.*

35. Pětr džeše k njemu: A hdy bych ja z tobu wumrjeć dyrbjał, nochcył ja će zapřěć. Teho runja tež wšitcy wučomnicy džachu.

36. Tehdy přindže Jezus z nimi do dwora, kotremuž rěkachy Gethzemane, a džeše k svojim wučomnikom: Syńće so tudy, hač ja šedši tam swoju modlitwu sym sćinił. *Jan. 18, 1.*

37. A wza k sebi Pětra a teju dweju synow Zebedeowegu, poča so rudzić a styskniwy być.

38. Tuž džeše Jezus k nim: Moja duša je zrudna hač k smjerći; wostańće tudy a wachujće zo mnu.

39. A woteńdže trochu, padže na swoje wobličo, modleše so a džeše: Mój Wótče, jeli móžno, njech tón kelich wote mnje přeč dže; ale však nic kaž ja chcu, ale kaž ty chceš. *Luk. 22, 41.*

40. A wón přindže k svojim wučomnikom a namaka jich spicy a džeše k Pětrej: Njemóžeće dha wy jenu štundu zo mnu wachować?

41. Wachujće a modlće so, tak zo wy do spytowanja njepräindžeće. Duch je hotowy, ale ćelo je slabe.

42. Druhi raz džeše wón zaso tam, modleše so a džeše: Mój Wótče, njeje-li móžno, zo by tón kelich wote mnje šoł, chiba zo ja jón piju, dha stań so twoja wola.

43. A wón přisedši namaka jich zaso spicy a jich woči běchu poľne spanja.

44. A wón wostajiwši jich woteńdže zaso a modleše so k třěćemu a rěčeše te same słowa.

45. Tuž přindže wón k svojim wučomnikom a džeše k nim: Ach chceće wy nětk spać a wotpočować? Hlajće, ta štunda je přišla, zo čłowjeka syn budže do rukow tych hrěšnikow podaty.

46. Stańće, pójmy; hlaj, blisko je, kotryž mje přeradzi.

47. A hdyž wón hišće rěčeše, hlaj, tuž přindže Judaš, jedyn wot tych dwanaće, a z nim wulka črjoda z mječemi a ze žerdžemi wot wyšich měšnikow a staršich teho luda. *Jan. 18, 3.*

48. A jeho přeradnik běše jim zejch dał a prajił: Kotrehož ja budu wokošeć,

tón je, teho přimajće.

49. A hnydom přistupi wón k Jezusej a džeše: Pomhaj Bóh či, rabbi; a wokoša jeho.

2 Sam. 20, 9.

50. Jezus pak džeše k njemu: Mój přecelo, čoho dla sy ty přišoľ? Tuž přistupichu woni a položichu rucy na Jezusa a přijachu jeho.

51. A hlaj, jedyn wot tych, kotřiž z Jezusom běchu, přestřě ruku, wučahnu swój mječ a rubnu na teho wyšeho měšnika wotročka a wotća jemu wucho.

Mark. 14, 47. Luk. 22, 50. Jan. 18, 10.

52. Tuž džeše Jezus k njemu: Tykú twój mječ na swoje město; přetož štóž mječ wozmjě, tón dyrbi přez mječ kónc wzać.

1 Mójz. 9, 6. Zjew. 13, 10.

53. Abo měniš ty, zo njemohľ ja swojeho Wótca prosyc, zo by wón mi pósľaľ wjazy dyžľi dwanaće legionow jandželow?

Dan. 7, 10.

54. Ale kak by pismo byľo dopjelnjene? Wono dyrbi so tak stać.

55. W tej samej štundže džeše Jezus k tej črjódže: Wy sće wušľi, jako na mordarja, z mječemi, ze žerdžemi, mje jimać; wšak sym ja wšědnje syďaľ pola was a sym wučľľ w templu, a wy mje njejsće jimali.

56. Ale to je so wšitko staľo, zo by tych profetow pismo dopjelnjene byľo. Tehdy čeknychu wšitcy wučomnicy wopušćiwšľ jeho.

Šť. 31.

57. Kotřiž pak Jezusa běchu přijeli, wjedžechu jeho k wyšemu měšnikej Kajphasej, hdžež pismawučeni a staršľ so běchu zešľi.

Jan. 18, 13.

58. Pěťr pak džeše za nim nazďala hać do dwora teho wyšeho měšnika; a

zańďže nutř a synu so při služomnikach, zo by wón kónc wšitkeho teho widźiľ.

59. Wyšľ měšnicy pak a staršľ a cyľa rada pytachu faľšne swěďčenje na Jezusa, tak zo bychu jeho morili;

60. A njenamakachu žaneho. A hać runje wjele faľšnych swěďkow přistupi, njenamakachu woni wšak ničö. Na posledku pak přińďžeštaj dwaj faľšnaj swěďkaj,

61. A džeštaj: Wón je prajiľ: Ja móžu tón templ Boží rozľamać a za tři dny jón zaso natwarić.

Jan. 2, 19. 21.

62. A tón wyšľ měšnik postany a džeše k njemu: Njewotmoľwiš ty na te wěcy, kotrež wonaj přeciwo tebi swěďčıtaj?

63. Jezus pak mjelčeše. A wyšľ měšnik wotmoľwi a džeše k njemu: Ja će při tym žiwym Bohu zaroću, zo by nam powěďziľ, hać sy ty Chrystus, tón Syn Boží?

1 Kral. 22, 16.

64. Jezus džeše k njemu: Ty to prajiš. Ale wšak praju ja wam: Wot teho časa budže so stać, zo budžeće wy widžeć čłowjeka syna sedžo na prawicy teje mocy a hdyž wón budže přińć w mróćelach tych njebyes.

Šť. 16, 27. Mark. 14, 62. Ps. 110, 1.

65. Tuž roztorha wyšľ měšnik swoje drasty a džeše: Wón je Boha haniľ; što my dale swěďkow potrebamy? Hľaj, nětk sće wy jeho Bože hanjenje sľyšeli.

66. Što so wam zďa? Woni pak wotmoľwichu a dźachu: Wón je smjerće winojty.

Jer. 26, 11.

67. Tuž plujachu woni jemu bjez woči, bijachu jeho z pjascemi; někotři pak bijachu jeho do wobľiča,

Jez. 50,

6.

68. A džachu: Hódaj, Chryšće, što je, kiž tebje biješe?

69. Pětr pak sedžeše wonkach w dworje. A někajka džowka přistupi k njemu a džeše: A ty běše tež z tym Jezusom z Galilejskeje. *Mark. 14, 66. Luk. 22, 56. Jan. 18, 16.*

70. Wón pak přede wšitkimi zapře a džeše: Ja njewěm, što ty prajiš.

71. Jako wón pak tež z durjemi won džeše, wuhlada jeho druha a džeše k tym, kiž tam běchu: Tón běše tež z Jezusom Nazarenzkim.

72. A wón zaso přeješe a přisahnu so: Ja njeznaju teho čłowjeka.

73. A po malej chwili přistupichu, kotřiž tam stejachu, a džachu k Pětrej: Woprawdže, ty sy tež jedyn wot nich, přetož twoja ryč će přeradží.

74. Tuž poča wón so zakleć a so přisahać: Ja njeznaju teho čłowjeka. A hnydom kapon zaspěwa. *Mark. 14, 71.*

75. A Pětr spomni na Jezusowe słowo, kotrež wón jemu běše prajił: Prjedy dyžli kapon zaspěwa, budžeš ty mje tři króc zapřeć. A wón wuńdže a plakaše žalostnje.

27. staw.

Chrystusowe čerpjenje před swětnym sudom, křižowanje, z dźiwami wobžarowana smjerć a pohrjebanje.

1. Rano pak zradźichu sebi wšitcy wyši měšnicy a starši teho luda na Jezusa, zo

bychu jeho morili. *Mark. 15, 1. Luk. 22, 66. Jan. 18, 28.*

2. A zwjazachu jeho a wědzachu a podachu jeho bohotej Ponciej Pilatej.

3. Jako to Judaš widžeše, kiž jeho přeradžíł běše, zo wón k smjerći wot-sudženy běše, kaješe so wón a přinjese zaso te třiceći slěborniki tym wyšim měšnikam a staršim,

4. A džeše: Ja sym zlě na tym činił, zo ja sym njewinowatu krej přeradžíł. Woni pak džachu: Što to nas nastupa? Hladaj so ty teho.

5. A wón čisnu te slěborniki do templa, zebra so a šedši přeč wobwjesy so. *Jap. sk. 1, 18.*

6. Ale wyši měšnicy wzachu te slěborniki a džachu: Wono so njehodži, zo bychmy je do Božeho kašća položili, přetož to su krawne pjenjezy.

7. A zradźowachu a kupichu za nje hornčerjowu rolu, k pohrjebanju tych cuzomnikow.

8. Teho dla je ta sama rola mjenowana ta krawna rola hač na džensniši džeń. *Jap. sk. 1, 19.*

9. Tehdy je dopjelnjene, štož je prajene přez profeta Jeremiasa, kiž rjeknje: Woni su wzali třiceći slěbornikow, z kotrymiž bu zaplaćeny tón předaty, kotrehož kupichu wot Israelskich džeći; *Jer. 32, 6. Zach. 11, 12. 13.*

10. A su je dali za hornčerjowu rolu, jako mi tón Knjez přikazał je.

11. Jezus pak steješe před bohotom. A tón bohot woprašaja jeho a džeše: Sy ty tych židow kral? Jezus pak džeše k njemu: Ty to prajiš. *Mark. 15, 2. Luk. 23, 3. Jan. 18, 33.*

12. A jako wón wobskorženy bu wot wyšich měšnikow a staršiš, njewotmołwi wón ničo.

13. Tuž džeše Pilatus k njemu: Njeslyšiš ty, kak će twjerdže wobskoržuja?

14. A wón jemu na žane słowo njewotmołwi, tak zo so tež bohot jara džiwaše.

15. Na swjaty čas pak měješe bohot to wašnje, temu ludu jeneho jateho pušćić, kotrehož bychu chcyli. *Mark. 15, 6.*

16. Wón pak měješe w tym času jateho, jeneho wosebneho před druhimi, kotremuž rěkachu Barabbas.

17. A jako woni so běchu zešli, džeše Pilatus k nim: Kotreho chceće wy, zo bych wam pušćil: Barabbasa abo Jezusa, wot kotrehož budže prajene, zo wón je Chrystus?

18. Přetož wón derje wjedžeše, zo woni jeho ze zawisću podali běchu.

19. A jako wón na sudnym stole sedžeše, posła jeho mandželska k njemu a da jemu powjedzić: Njeměj ty ničo činić z tutym prawym; přetož ja sym džensa wo snje jeho dla wjele přečerpila.

20. Ale wyši měšnicy a starši wobryčachu ludźi, zo bychu prosyli pře Barabbasa, Jezusa pak skóncowali. *Mark. 15, 11. Luk. 23, 18. Jan. 18, 40.*

21. Bohot pak wotmołwi a džeše k nim: Kotreho chceće wy bjez tymaj dwěmaj, zo bych wam pušćil? Woni džachu: Barabbasa.

22. Džeše Pilatus k nim: Što dyr-bju ja činić z Jezusom, kotremuž rěkaju Chrystus? Woni džachu wšitcy: Daj jeho křižować!

23. Bohot pak džeše: Što dha je wón zleho činił? Woni pak hišće čím bóle wołachu a džachu: Daj jeho křižować!

Mark. 15, 14.

24. Jako pak Pilatus widžeše, zo ničo njedokonja, ale zo wjetši ropot bu, wza wón wodu a zmy sebi rucy před ludom a džeše: Ja sym bjez winy na tej krej tuteho praweho; hladajće wy so.

25. A cyły lud wotmołwi a džeše: Jeho krej přińdź na nas a na naše džěci.

26. Tehdy pušći wón jim Barabbasa, ale Jezusa da wón šwikać a poda jeho, zo by křižowany był.

27. Tuž wzachu teho bohota wojacy Jezusa k sebi do sudneje chěže a zhromadžichu na njeho tu cyłu syłu; *Mark. 15, 16. Jan. 19, 1.*

28. A wuslečechu jeho a wodžechu jeho z purpurskim mantlom;

29. A naplečechu černjowu krónu, stajichu ju na jeho hłowu a dachu jemu sćinu do jeho praweje ruki. A poklakowachu so před nim a wusmėwachu so jemu a džachu Budź strowy, židowski kralo!

30. A plujachu na njeho a wzachu tu sćinu a bijachu z tej samej na jeho hłowu.

31. A jako woni jeho běchu wuhanili, slečechu woni jemu tón mantl a woblečechu jeho jeho drastu; a wjedžechu jeho přeč, zo bychu jeho křižowali.

32. A ducy won namakachu čłowjeka Cyrenskeho, z mjenom Šimana; teho přinučichu woni, zo by jeho křiž nješ. *Mark. 15, 21. Luk. 23, 26.*

33. A přišedši na město, kotremuž

rěkaju Golgatha, to je přeložene, nopowiščo, *Mark. 15, 22. Luk. 23, 33.*

34. Dachu so jemu kisałego napić, kotrež běše ze žolčom naměšane. A jako jo wopta, njechaše wón jo pić.

35. Jako woni jeho pak běchu křižowali, rozdžělichu woni jeho drastu a losowachu wo nju, tak zo by dopjel-njene bylo, štož je prajene přez profeta: Woni su moju drastu bjez so džělili a su wo moju suknju losowali. *Ps. 22, 19.*

36. A woni tam sedžo jeho wachowachu.

37. A stajichu tež k jeho hłowje tu winu jeho smjerće napisanu: Tón tu je Jezus, tych Židow kral.

38. A tehdy buštaj tež dwaj mordarjej z nim křižowanaj, jedyn k prawicy a druhi k lěwicy. *Luk. 23, 33.*

39. Kotřiž pak nimo džěchu, swarjachu hroznje na njeho a wijachu ze swojimi hłowami, *Mark. 15, 29. Ps. 22, 8.*

40. A džachu: Ty, kiž ty templ rozlamaš a twariš tón samy za tři dny, pomhaj sebi sam. Syli ty Boži Syn, dha stup z křiža dele. *Jan. 2, 19.*

41. Teho runja tež wyši měšnicy wusměwachu so jemu z pismawučenymi a ze staršimi a džachu:

42. Druhim je wón pomhał a njemóže sam sebi pomhać. Jeli wón Israelski kral, njech nětk z křiža dele stupi, dha chcemy my jemu wěrić.

43. Wón je so Bohu dowěrił; njech tón jeho nětk wumóže, jeli zo so jemu lubi. Přetož wón je prajil: Ja sym Boži Syn. *Ps. 22, 9. Kn. mudr. 2, 18.*

44. To same tež taj mordarjej, kotrajž

z nim běštaj křižowanaj, jemu wumjetowaštaj. *Luk. 23, 39.*

45. A wot šesteje štundy bu čma po wšej zemi, hač do džewjateje štundy.

46. A wokoło džewjateje štundy zawoła Jezus z wulkim hłosom a džeše: Eli, Eli, lama zabachthani? To je: Mój Božo! mój Božo! čoho dla sy mje wopušćil? *Ps. 22, 2.*

47. Někotři pak, kiž tam stejachu, jako to slyšachu, džachu: Wón woła Eliasa.

48. A hnydom běžeše jedyn wot nich, wza šwom a napjelni jón z kisałom, tyknu jón na sćinu a poda jemu so napić.

49. Druzy pak džachu: Čakaj, chcemy hladać, hač budže Elias přinć a jemu pomhać.

50. Ale Jezus zawoła zaso z wulkim hłosom a spuści dušu. *Mark. 15, 37.*

51. A hlaj, tón zawišk teho templa roztorže so na dvě polojcy wot wjercha hač dele; a zemja zarža, a skały so rozpukachu, *2 Mójz. 26, 31.*

52. A rowy so wotewrichu, a stažechu wjele ćělow tych swjatyh, kotřiž spachu,

53. A džěchu won z tych rowow po jeho horjestaću a přińdžechu do teho swjateho města a zjewichu so wjele ludžom.

54. Ale tón hejtman a kotřiž při nim běchu a Jezusa wachowachu, jako woni widžichu to zemjerženje a štož so sta, bojachu woni so jara a džachu: Zawěšće, to je Boži Syn był. *Mark. 15, 39.*

55. A wjele žónskich tam běše, kotrež zdala přihladowachu a kiž za Jezusom

běchu přišle z Galilejskeje a běchu jemu služiše;

56. Bjez kotrymiž běše Marja Madlena a Marja, mać Jakubowa a Jozesowa, a mać tych džěci Zebedewych.

57. Na wječor pak přińdže bohaty muž z Arimathije, z mjenom Jozef, kiž tež běše wučomnik Jezusowy; *Mark. 15, 42. Luk. 23, 50. Jan. 19, 38.*

58. Tón samy přišedši k Pilatej prošeše pře Jezusowe čelo. Tuž prikaza Pilatus, zo by jemu to čelo date było.

59. A Jozef wza to čelo a zawali to same do čisteho ruba;

60. A položi jo do swojeho noweho rowa, kotryž wón sebi běše dał do skały wurubać, a wali wulki kamjeń před toho rowa durje a woteńdže přeč.

61. Wonej běštej pak tam Marja Madlena a ta druha Marja; tej so synuštej napřečiwo temu rowu.

62. Nazajtra pak po tym dnju toho přihotowanja zeńdžechu so či wyši měšnicy a Pharizejscy k Pilatej,

63. A džachu: Knježe, my smy so dopomnili, zo tón zawjednik džeše, jako hišće žiwy běše: Ja chcu po třoch dnjach horje stanuć.

64. Teho dla přikaž, zo row wobtwjerdženy budže hač na třěci džen, zo njebychu něhdže jeho wučomnicy přišli w nocy a jeho kranuli a k ludu rjekli: Wón je horje stanył wot morwych; a było tak poslednje zjebanje hórše dyžli přenje.

65. Pilatus džeše k nim: Tu maće wachu; džiće a wobarnujće, kaž wy wěsće.

66. A woni džěchu a wobarnowachu row z wachu a zacyglowachu tón kamjeń.

28. staw.

Chrystusowe horjestaće a poručnosť na svojich wučomnikow.

Tekst na jutrowničku. III.

1. [A jako sobota přeč bě a hižom so zaswitaše na přěni džen teho tydženja, přińdže Marja Madlena a ta druha Marja, zo byštej row wobhladałej. *Mark. 16, 1. Luk. 24, 1. Jan. 20, 1.*

2. A hlaj, wulke zemjerženje so sta; přetož Knjezowy jandžel přińdže z njebjes dele, přistupi tam a wotwali tón kamjeń wot rowowych durjow a syže so na njón.

3. A jeho wobličo běše jako błysk a jeho drasta běla jako sněh. *Mark. 16, 5.*

4. Či wajchtarjo pak nastróžichu so z bojosću a buchu jako morwi.

5. Tón jandžel pak wotmołwi a džeše k tym žónskim: Njebójće wy so; ja wěm, zo wy Jezusa, teho križowaneho, pytaće; *Mark. 16, 6. Luk. 24, 5.*

6. Wón njeje tudy; přetož wón je stanył, kaž wón prajił je. Pójće, wohladajće to město, hdžež tón Knjez je ležał; *St. 12, 40.*

7. A džiće na měsće, powěsće to samo jeho wučomnikam, zo wón je stanył wot morwych. A hlaj, wón prjedy was pónđe do Galilejskeje; tam budžeće wy jeho widžec. Hlaj, ja sym wam to same

prajil.

St. 26, 32.

8. A wone wuńdžechu spěšnje z rowa z bojosću a z wulkej wjesołosću a běžachu, zo bychu to same jeho wučomnikam připowjedale. Hdyž wone pak džěchu, zo bychu to same jeho wučomnikam připowjedale,

Mark. 16, 8.

9. Hlaj, tuž zetka je Jezus, kotryž džeše: Pomhaj Bóh wam. A wone přistupiwši k njemu přijachu so jeho nohow a padžechu před nim dele. *Mark. 16, 9.*

10. Tuž džeše Jezus k nim: Njebójće so; dźiće a připowjedajće to mojim bratram, zo bychu do Galilejskeje šli, tam budža woni mje widzieć.] *Jan. 20, 17.*

11. Jako wone pak běchu wotešle, hlaj, tuž přińdžechu někotři wot wajcharjow do města a připowjedachu tym wyšim měšnikam wšitko, štož so běše stało.

12. A woni so zeńdžechu ze staršimi, zradźowachu sebi a dachu tym wojakam pjenjez dosć,

13. A džachu: Prajće, zo jeho wučomnicy w nocy přišedši jeho kradžechu, hdyž my smy spali;

14. A budže-li wo tym bohot zhonić, dha chcemy my jeho spokojić a tak činić, zo wy bjez starosće budžeće.

15. A woni wzawši te pjenjezy činjachu, kaž běchu nawučeni. A ta sama ryč je roznjesena pola Židow hač do džensnišeho dnja.

16. Či jědnaće wučomnicy pak džěchu do Galilejskeje na tu horu, hdžež běše jich Jezus skazał.

17. A jako jeho widžichu, modlachu woni so k njemu; ale někotři njewěsći

wostachu.

Luk. 24, 52.

Tekst na njedźelu Kantate. III.

18. [A Jezus přistupiwši rěčeše z nimi a džeše: Mi je data wšitka móc w njebjesach a na zemi; *St. 11, 27.*

19. Teho dla dźiće a wučće wšitkich póhanow a křćiće jich w tym mjenje teho Wótca a teho Syna a teho swjateho Ducha; *Mark. 16, 15.*

20. A wučće jich wšitko dzeržeć, štož ja wam přikazał sym. A hlaj, ja sym pola was wšitke dny, hač do skónčenja teho swěta.] (Hamjeń.) *St. 18, 20.*

Sćenje swjateho Marka

Prěni staw

Chrystus, wot Jana křćeny, bu spytany, přěduje, powoła wučomnikow a hoji chorych

1. To je započatk teho ewangeliona wot Jezom Chrysta teho Syna Božeho,

2. Jako pisane steji w profetach: Hlej, ja posćelu swojeho jandžela předy tebe, kotryž by twój puć před tobu přihotował. *Mal. 3, 1.*

3. Předarja hlós je w pusćinje: Přihotujće puć teho Knjeza, činće jeho šćežki rune. *Jez. 40, 3. Mat. 3, 3. Luk: 3, 4. Jan:1,23.*

4. Jan tón běše w pusćinje, křćiše a přědowaše wot křćenicy teje pokuty na wodawanje hrěchow.

5. A k njemu džěše won cyła židowska zemja a Jerusalemjeno, a buchu wšitcy wot njeho kšćeni we Jordanskej rězy a wuznachu swoje hrěchi.

6. Jan pak běše woblečeny z kamjel-skimi włosami a měješe kožany pas na svojich bjedrach a jědžeše skóčki a lěsny měd; *Mat. 3, 4. 3 Mójz. 11, 22.*

7. A přědowaše a džeše: Jedyn dže za mnu, kotryž je sylniši dyžli ja, kotremuž

ja dosć njejsym, zo N. t. bych ja so před nim dele chilał a te rjemjenje jeho črijow rozwjazał; *Mat. 3, 11.*

8. Ja křću was z wodu, ale wón budže was ze swjatym Duchom křćić.

9. A poda so w tym samym času, zo Jezus z Galilejskeje wot Nacareta přińdže a bu křćeny wot Jana we Jordanje. *Mat. 3, 16. Luk. 3, 21.*

10. A hnydom wustupi wón (Jan) z wody a widžeše njebjesa wotewrjene a teho Ducha, jako hołbja, na njeho dele přińdžo. *Jan. 1, 32.*

11. A sta so hlós z njebjes: Ty sy mój luby Syn, na kotrymž ja mam dobre spodobanje. *Mat. 3, 17. Luk. 9, 35.*

12. A hnydom honješe jeho Duch do pusćiny. *Mat. 4, 1. Luk. 4, 1.*

13. A běše tam w tej pusćinje štyrceći dnjow a bě spytany wot satana. A běše pola zwěriny, a jandželjo jemu služachu.

14. Jako pak Jan běše do jastwa podaty, přińdže Jezus do Galilejskeje, přědowaše to ewangelijom wot kralestwa Božeho, *Mat. 4, 17. Luk. 4, 15.*

15. A džeše: Čas je dopjelnjeny, a kralestwo Bože je so přibližilo; činće pokutu wěrcě ewangelionej.

16. Jako wón pak při Galilejskim morju chodžeše, wuhlada wón Šimana a Handrija, jeho bratra, zo wonaj syće do morja čiskaštaj (přetož wonaj běštaj rybakaj). *Mat. 4, 18. 21. Luk. 5, 2.*

17. A Jezus džeše k nimaj: Pójtaj za mnu; ja chcu činić, zo budžetaj čłowjekow rybakaj.

18. A hnydom wopuščištaj wonaj swoje syće a džěštaj za nim.

19. A jako wón běše trochu tam přeč wotešoł, wuhlada wón Jakuba, Zebedeoweho syna, a Jana, jeho bratra, płatajo swoje syće we łódži; *Mat. 4, 21.*

20. A na měsće wón jeju zawoła. A wonaj wopuščištaj swojeho nana Zzebedea we łódži a tych najatych a džěštaj za nim.

21. A woni džěchu do Kapernauma; a hnydom na sabat džěše wón do šule a wučěše.

22. A woni dźiwachu so jara na jeho wučbje; přetož wón wučěše jich móznje a nic jako pismawučeni. *Mat. 7, 28. Luk. 4, 32.*

23. A w jich šuli běše čłowjek z nječistym duchom wobsynjeny, tón wołaše, *Luk. 4, 33.*

24. A džeše: Što mamy my z tobu, Jezu Nacarenski? Sy ty přišoł nas skazyć? Ja wěm, što ty sy, tón swjaty Boži. *St. 5, 7.*

25. A Jezus pohrozy jemu a džeše: Mjelč a wuńdź z teho čłowjeka! *St. 9, 25.*

26. A tón nječisty duch torhaše jeho a wołaše z wulkim hłosom a wuńdže z njeho.

27. A woni so wšitcy jara dźiwachu,

tak zo woni so bjez sobu woprašowachu a džachu: Što je to? Kajka je to nowa wučba? Wón tež rozkazuje z mocu nječistym ducham, a woni jeho poslušaju.

28. A na měsće bě wot njeho słyšane po wšitkich Galilejskich mjezach.

29. A woni džěchu hnydom z teje šule a přińdžechu do Šimanoweje a Handrihoweje chěže, z Jakubom a z Janom.

30. A Šimanowa přichodna mać ležeše a měješe zymnu; a na měsće prajachu woni jemu wot njeje.

31. A wón přistupiwiši pozběhnu ju horje a dźeržeše ju za ruku; a ta zymna ju hnydom wopušći, a wona jim služeše.

32. Na wječor pak, jako slóncó běše zašlo, přinjesechu woni k njemu wšelkich chorych a wobsynjenych.

33. A cyle město zhromadži so k durjam.

34. A wón pomhaše wjele ludžom, kotřiž běchu na wšelke chorosće chori, a wuhna wjele čertow a njewotpušći čertam rěčeć; přetož woni jeho znajachu. *Jap. k 16, 17. 18.*

35. A rano do dnja stanu wón a wuńdže a woteńdže na puste město a činješe tam swoju modlitwu. *Luk. 4, 42.*

36. A za nim chwatachu Šiman a či, kotřiž při nim běchu;

37. A jako jeho namakachu, džachu woni k njemu: Wšitcy će pytaju.

38. A wón džeše k nim: Pójmy do tych blišich městow, zo bych ja tam tež předował; přetož na to sym ja přišoł. *Luk. 4, 43.*

39. A wón předowaše we jich šulach po cylej Galilejskej zemi a honješe

čertow won.

40. A někajki wusadny přińdže k njemu, tón prošeše jeho, poklaknu před nim a džeše k njemu: Chceš-li jeno, dha móžeš ty mje wučisćić.

41. A Jezusej běše žel, přestrě ruku, dótknu so jeho a džeše k njemu: Ja chcu, budź wučisćeny.

42. A jako wón to džeše, džeše na měsće tón wusad wot njeho, a wón bě wučisćeny.

43. A Jezus pohrozy jemu a honješe jeho hnydom wot sebje přeč,

44. A džeše k njemu: Hladaj, zo ty nikomu ničo njeprajiš; ale dži a pokaž so měšnikej a woprui za swoje wučisćenje, štož Mójzas je přikazał, k swědčenju na nich.

3 Mójz. 14, 2.

45. Wón pak šedši won poča wjele wot teho řećeć a tu wěc bjez ludźi přinjesć, tak zo wón tam dale njemóžeše wjazy zjawnje do města nutř hić; ale wón běše wonkach w pustych městach, a woni přińdžechu k njemu ze wšěch stronow.

Luk. 5, 15.

2. staw

Wo jichtnym; Mateja powołanje a Chrystusowe zamołwjenje přećiwo Pharizejskim.

1. A po někotrych dnjach džeše wón zaso do Kapernauma; a wono bě zhonjene, zo wón w chěži je.

Mat. 9,

1.

2. A jich wjele so hnydom k njemu zhromadźichu, tak zo woni města njemějachu, tež nic wonkach před durjemi; a wón praješe jim to słowo.

3. A někajcy k njemu přińdžechu, kiž jichtneho přinjesechu, kotryž běše wot štyrjoch njeseny.

Mat. 9, 2.

4. A jako woni njemóžachu před njeho přińć luda dla, wotkrychu woni tu třechu, hdžež wón běše; a jako tu běchu rozkopali, pušćichu woni to posleško dele, na kotrymž tón jichtny ležeše.

5. Jako pak Jezus jich wěru widžeše, džeše wón k temu jichtnemu: Mój syno, twoje hrěchi su tebi wodate.

6. Někotři pismawučeni pak běchu, či tam sedžachu a pomyslichu sebi w swojich wutrobach:

7. Kak rěči tón tajke Bože hanjenje? Štó móže hrěchi wodawać, chiba Bóh sam?

8. A Jezus pózna hnydom w swojim Duchu, zo woni tak sami při sebi pomyslichu, a džeše k nim: Što wy sebi to pomysliće w swojich wutrobach?

Jan. 2, 24.

9. Što je lóžše, prajić k temu jichtnemu: Tebi su twoje hrěchi wodate; abo prajić: Postań, wzmi swoje posleško a chodź?

10. So byšće pak wědzeli, zo člorózki syn móc ma, na zemi hrěchi wodawać, džeše wón k temu jichtnemu:

11. Ja či praju, stań horje, zběhnj swoje posleško a dži do swojeho doma.

12. A na měsće stanu wón, zběhnj swoje posleško a džeše won před wšitkimi, tak zo wšitcy buchu zatorhnjeni a chwalachu Boha a džachu: My to

hišće nihdy njejsmy widźeli.

13. A wón wuńdže zaso k morju; a wšitkón lud přińdže k njemu, a wón jich wučese.

14. A jako wón nimo přeč džěše, wuhlada wón Levia, Alfeoweho syna, na zhi sedžo a džeše k njemu: Pój za mnu. A wón stanu a džěše za nim. *Mat. 9, o. Luk. 5, 27.*

15. A sta so, jako wón so k blidu synu we jeho chěži, synu so k blidu wjele zlonikow a hrěšnikow z Jezusom a z jeho wučomnikami. Přetož jich běše wjele, a běchu za nim šli.

16. A jako pismawučeni a Farizejscy widžachu, zo wón z zlonikami a z hrěšnikami jědžiše, džachu woni k jeho wučomnikom: Čoho dla jě a pije wón z zlonikami a z hrěšnikami?

17. A jako to Jezus słyšeše, džeše wón k nim: Sylni njepotrjebaju lékarja, ale chori; ja sym přišoł, hrěšnikow k pokuće wołać, a nic prawych. *Mat. 9, 13. Luk. 5, 32. 1 Tim. 1, 15.*

18. A Jana a Farizejskich wučomnicy počachu so často; a někotři přińdžechu a džachu k njemu: Čoho dla počča so Janowi a Farizejscy wučomnicy, a twoji wučomnicy so njepočča? *Mat. 9, 14.*

19. A Jezus džeše k nim: Kak móža so kwasni hosćo posćić, dokelž nawoženja pola nich je? Tak dołho hač nawoženju při sebi maju, njemóža woni so posćić.

20. Čas pak budže přińć, zo budže nawoženja wot nich wzaty, a tehdy budža woni so posćić.

21. A nichtó njepřišywa zaplatu wot noweho plata k starej drasće; přetož ta nowa zaplata so však wot stareho wot-

torhnje, a džěra budže wjetša. *Mat. o, 16. Luk. 5, 36.*

22. A nichtó njepjelni mošt do stareho sudobja; hewak dha tón mošt to sudobje roztorha, a tón mošt so wulije, a to sudobje wozmjě kónc. Ale mošt ma so do noweho sudobja linuć.

23. A sta su, ako wón na sabat přez žito džěše, a jeho wučomnicy ducy počachu kłosy torhać. *5 Mójz. 23, 25.*

24. Tuž džachu ći Farizejscy k njemu: Hlej, što činja twoji wučomnicy na sabat, štož so njesluša?

25. A wón džeše k nim: Njejsće wy nihdy lazowali, što Dapit činješe, jako wón trjebaše a hlódný běše, wón a tež kotřiž z nim běchu?

26. Kak wón do Božeho doma džěše w času Abjathara, teho wyšeho měšnika, a jědžeše te poswjećene chlěby, kotrež však nichtó jěsć njesmědžeše, chiba jeno měšnicy sami, a wón dawaše te same tež tym, kiž při nim běchu? *1 Sam. 21, 6. 2 Mójz. 29, 32.*

27. A tež džeše wón k nim: Sabat je čłowjeka dla sćinjeny, a nic čłowjek sabata dla. ((5 Mójz. 5, 14.))

28. Teho dla je člorózki syn tež knjez na sabaće. *Luk. 6, 5.*

3. staw

***Wo wuknjenej rucy,
Chrystusowym čeknjenju,
japoštołow powołanju, pis-
mawučenych leztrowanju a
wo Božich přečelach.***

1. A wón džeše zaso do šule; a tam běše čłowjek, kiž měješe wuschnjenu ruku.

Mat. 12, 9. 10. Luk. 6, 6.

2. A woni kedźbowachu skradžu na njeho, hač wón jeho tež na sabat zahojić budže, tak zo bychu jeho wobskoržili.

3. A wón džeše k temu člowjekej, kiž tu wuschnjenu ruku měješe: Pój sem bjez nas!

4. A wón džeše k nim: Hodži so na sabat derje abo zle činić? žiwjenje zdžeržeć abo morić? Ale woni mjelčachu.

5. A wón pohlada z hněwom na nich wokoło a zrudži so na jich wutroby twjerdosći a džeše k temu člowjekej: Přestrě) swoju ruku. A wón ju přestrě, a ta sama jeho ruka bu čerstwa, jako ta druha.

1 Kral. 13, 6.

6. A či Farizejscy šedši won džeržachu hnydom radu na njeho z Herodašowymi služownikami, kak bychu jeho skóncowali.

Mat. 12, 14.

7. Ale Jezus wustupi ze swojimi wučownikami k morju, a wjele luda džeše za nim z Galilejskeje a ze Židowskeje,

8. A z Jerusalema a z Jdumejskeje a wot tamneje strony teho Jordana a kotřiž wokoło Tirusa a Sidona bydla,

wulki lud, kotřiž jeho skutki slyšachu a přińdžechu k njemu.

9. A wón džeše k swojim wučownikam, zo bychu jemu łódžičku hotowu měli teho luda dla, zo bychu jeho nječišćeli.

10. Přetož wón běše wjele ludži wustrowił, tak zo woni jeho nadpadžechu, zo bychu so jeho dótkli, wšitcy, kiž běchu jara chori.

11. A nječisći duchojo, jako jeho widžachu, padžechu před nim dele, wołachu a džachu: Ty sy Syn Boži.

12. A wón jim twjerdže hrožeše, zo bychu jeho zjawneho nječini.

13. A wón džeše na horu a zawoła k sebi tych, kotrychž wón chcyše, a woni džechu k njemu.

14. A wón wustaji tych dwanaće, zo bychu při nim byli a zo by wón jich won pošlał předować, *Mat. 10, 1. Luk 6, 13. St. 9, 1.*

15. A zo bychu móc měli chorosće zahojić a čertow won honić.

16. A da Šimanej to mjeno Pětr;

17. A Jakuba, syna Zebedeoweho, a Jana, Jakuboweho bratra; a da jimaj mjeno Boanerges, to je hrimanja džěći;

18. A Handrija a Philippa a Bartroma a Mateja a Tomaša a Jakuba, Alfejoweho syna, a Tadeja a Šimana Kananejzkeho,

19. A Judaša Išariotha, kotryž tež jeho přeradži.

20. A woni přińdžechu dom. A lud so zaso hromadu zeńdže, tak zo woni tež njemóžachu chlěba pojěsć. *St. 6, 31.*

21. A jako to slyšachu, kiž jemu přišlušachu, wuńdžechu woni, zo bychu

jeho dzerželi; přetož woni džachu: přińć.

22. Pismawučeni pak, kotřiž běchu z Jerusalema dele přišli, džachu: Wón ma Beelzebuba, a přez tych čertow wyšeho honi wón čertow won. *Mat. 9, 34. Luk. 11, 15.*

23. A wón zawoła jich k sebi a džeše k nim w přirunanjach: Kak móže satan satana won honić?

24. Hdyž kralestwo samo ze sobu přez jene njeje, dha njemóže to same kralestwo wobstać. *Luk. 11, 17.*

25. A hdyž chěža sama ze sobu přez jene njeje, dha njemóže ta sama chěža wobstać.

26. A jeli zo satan sam sebi je přeciwny a ze sobu njeje přez jene, njemóže wón wobstać, ale bjerje kónc.

27. Nichtó njemóže sylnemu do jeho doma panuć a jeho grat jemu pobrać, chiba zo wón sylneho prjedy zwježe a potom hakle jeho chěžu wurubi.

28. Zawěrnje, ja praju wam: Wšitke hrěchi budža wodate člorzkim džěćom, tež to Bože hanjenje, z kotrymžkuli woni Boha hanja;

29. Štóz pak swjateho Ducha hani, tón nima žaneho wodawanja wěcnje, ale je hódny wěčného sudženja.

30. Přetož woni džachu, zo ma nječisteho ducha. *St. 22.*

31. A jeho bratřo a jeho mać přińdžechu a pósłachu k njemu stejo wonkach a dachu jeho zawołać.

32. (A lud sedžeše wokoło njeho.) A woni džachu k njemu: Hlej, twoja mać a twoji bratřo prašuju so wonkach za tobu. *Luk. 8, 109.*

33. A wón wotmołwi jim a džeše: Štó je moja mać? abo kotřiž su moji bratřa?

34. A wón pohlada koło wokoło so na tych wučomnikow, kiž wokoło njeho sedžachu, a džeše: Hlej, či su moja mać a moji bratřa.

35. Přetož štóz Božu wolu čini, tón je mój bratr a moja sotra a moja mać.

4. staw

Wšelake přirunanja; spokojenje morja.

1. A wón zaso poča wučić při morju, a wjele luda so k njemu zhromadži, tak zo wón dyrbjěše do lódže stupić a na wodže sedzić; wšitkón lud pak běše na zemi při morju.

2. A wón jich dolho wučěše přez wšelke přirunanja. A w swojej wučbje džeše wón k nim:

3. Poslušajće! Hlej, syjer wuńdže, zo by rozsywał. *Mat. 13, 1. Luk. 8, 4.*

4. A poda so, jako wón rozsywaše, padže někotre při puću; a te ptaki pod njebiesami přińdžechu a zežrachu jo.

5. Někotre pak padže na skałojte, hdžež wjele zemje njeměješe; a zeńdže hnydom, teho dla, zo njeměješe hłuboku zemju.

6. Jako pak slónco běše zešlo, zwjadnu wona, a dokelž korjenja njeměješe, wuschnu wona.

7. A někotre padže bjez černje, a te černje rosčechu sobu a zdusychu jo a njeprinješe žaneho ploda.

8. Někotre pak padže na dobnu zemju a přinjese plód, kiž přiběraše a rosćeše; a přinjese někotre třiceći króc a někotre šěsć dźesać króc a někotre sto króc.

9. A wón džeše k nim: Štóz ma wuši k poslušanju, tón poslušaj.

10. A jako wón sam běše, woprašachu jeho či, kiž při nim běchu z tymi dwanaćomi, wo te same přirunanja.

11. A wón džeše k nim: Wam je date, zo byšće wědzeli te potajnstwa Božeho kralestwa; tym pak wonkach stanje so wšitko přez přirunanja,

12. Tak zo bychy woni z widžacymaj woćomaj widželi a wšak njepózнали, a ze slyšacymaj wušomaj slyšeli a wšak njezrozumili, tak zo bychy so něhdže njewobročili a jim jich hrěchi wodate byle. *Jez. 6, 9. 10. Mat. 13, 14. Luk. 8, 16. Jan. 12, 40. Jap. zk. 28, 26. Rom. 11, 8.*

13. A dale džeše wón k nim: Njerozumiće wy to přirunanje, kak dha chceće wy te druhe wšitke zrozumić?

14. Tón syjer rozsywa to słowo.

15. Či su pak, kiž při puću su: hdžež to słowo rozsyte budže, a hdyž woni to su slyšeli, tuž přińdže na měsće satan a wozmjje přeč to słowo, kotrež do jich wutrobow běše wusyte.

16. Tak tež či su, kiž na skałojte syći su: hdyž woni to słowo su slyšeli, wozmu woni to same hnydom z wjesołosću horje;

17. A nimaju korjenja w sebi, ale su počasni; hdyž so horjo abo přesčěhanje słowa dla zběhnje, woni so hnydom pohórša.

18. A či, kotřiž bjez černje su syći, či su: kiž to słowo slyša, *St. 10, 23. 24.*

19. Ale ta starosć teho swěta a to jebate bohatstwo a wjele druhich žadosćow šedši nutř zduša to słowo, a tak bjez plodow wostanje. *Luk 12, 15. 1 Tim. 6, 17.*

20. A či su, kiž na dobnu zemju su syći: kotřiž to słowo slyša a wozmu to same horje a přinjesu plody, někotry třiceći króc a někotry šěsć dźesać króc a někotry sto króc.

21. A wón džeše dale k nim: Zaswěći tež štó swěcu, tak zo by pod běrtl abo pod blido byla stajena? Njebudže wona na swěćenku stajena? *Mat. 5, 15. Luk. 8, 16. St. 11, 33.*

22. Přetož ničo njeje potajne, kotrež by njebylo zjewjene; a njeje ničo tak skradžu, zo by njewušlo. *Mat. 10, 26.*

23. Jeli zo štó ma wuši k poslušanju, tón poslušaj. *Mat. 11, 15.*

24. A dale wón džeše k nim: Hlajće, što wy slyšiće. S kajkejž měru wy měriće, z tajkej budža wam zaso měrić; a budža wam hišće přidać, kiž wy to slyšiće. *Mat. 7, 2. Luk. 6, 38.*

25. Přetož štóz ma, temu budže date, a štóz nima, wot teho budže tež wzate, štóz wón ma. *Luk. 19, 26.*

26. Tež džeše wón: Bože kralestwo ma so tak, runje jako by čłowjek symjo do zemje čisnył,

27. A by spał a stawał wodnjo a w nocy, a to symjo by zešlo a rostlo, zo wón njewě;

28. Přetož zemja sama wot sebje přinjese plody, najprjedy zelinu, potom klós, potom poľnu pšeniću w kłosu.

29. Hdyž wona pak plody je přinjesla, pósće wón tam hnydom serp; přetož

žně su nastale.

30. Dale džeše wón: Komu chcemy my Bože kralestwo přirunać? abo z kajkim přirunanjom chcemy my jo přirunać?

31. Wone je jako žonopowe zorno; hdyž to same na rolu budže wosyte, je wone to najmjeńše bje wšitkimi symjenjemi na zemi; ((Mat. 13, 31. Luk. 13, 19.))

32. Ale hdyž budže wosyte, přiběra wone a budže wjetše, dyžli wšitka zelina, a přinjese wulke haľuzy, tak zo móža pod jeho chlódkom tych njebiesow ptaki sebi hnězda činić.

33. A přez wjele tajke přirunanja praješe wón jim to słowo, kaž móžachu to same slyšeć.

34. Bjez přirunanja pak njeryčeše wón ničo k nim. Ale wosebje wón te wšitke swojim wučomnikam wuloži.

35. A tón samy dzeń wječor džeše wón k nim: Přewjezmy so na druhu stronu.

36. A woni dachu so ludu rozeńć a wzachu jeho tak, kajkiž wón běše na lódži; wono běše tež wjazy lódžičkow při nim.

Mat. 8, 23.

37. A wulki wichor so zběhnu a žohny walichu so na lódž, tak zo bu ta lódž napjelnjena.

Jon. 1, 4. 5.

38. A wón běše z posledka we lódži a spaše na zawku. A woni zbudžichu jeho a džachu k njemu: Mištrje, njestaraš ty so wo to, zo my kónc wozmjemy? *Mat. 8, 25. 26.*

39. A wón postanu a pohrozy wětrej a džeše k morju: Mjelč a woněm! A wětr přesta a sta so wulka čišina.

40. A wón džeše k nim: Kak zo so wy tak bojiće? Kak zo wy žaneje wěry nimaće?

41. A woni so jara bojachu a džachu bjez sobu: Štó to je tón? Přetož tež wětr a morjo staj jemu poslušnaj. *Pj. 107, 25.*

5. staw

Wo wobsynjenym, žonje, kotraž krawu chorosć měješe, a Jairowej džowčičcy.

1. A woni přindžechu na tamnu stronu teho morja, do Gadarenzkeho kraja. *Mat. 8, 28. Luk. 8, 26.*

2. A jako wón z lódže wustupi, běžeše jemu hnydom napřećiwo z rowow čłowjek, kotryž běše z nječistym duchom wobsynjeny,

3. Kotryž w rowach bydleše; a njemóžeše jeho nichtó zwjazać, tež nic z rječazami.

4. Přetož wón běše často z putami a z rječazami zwjazany był, a běše te rječazy roztorhał a te puta rozłamał, a nichtó njemóžeše jeho skludzić.

5. A běše přeco, wodnjo a w nocy, na horach a w rowach, wołaše a bješe so sam z kamjenjemi.

6. Jako wón pak Jezusa z daloka wuhlada, přiběža wón a panu před nim dele,

7. A wołaše z wulkim hłosom a džeše: Što mam ja z tobu činić, Jezu, ty Syno Boha wjeršneho? Ja će na Boha zaroću, zo by ty mje nječwělował.

8. Wón pak džeše k njemu: Wuńdź, ty nječisty ducho, z teho čłowjeka!

9. Tuž woprašaja jeho: Kajke maš ty mjeno? A wón wotmołwi a džeše: Moje mjeno je legion, přetož nas je wjele.

10. A wón prošeše jeho jara, zo by jich z teho sameho kraja njewuhnał.

11. Wulke stadło swinjow pak tam běše při horach na pastwje.

12. A či čerći prošachu jeho wšitcy a džachu: Pušć nas do tych swini, zo bychmy do nich zašli.

13. A hnydom wotpušći to jim Jezus. A či nječisći duchoj šedši won džěchu do tych swini, a to stadło skoči jene dobo dele do morja (wono běše jich pak pola dweju tawzynt) a tepichu so w morju.

14. Či swinjacy pastyrjo pak čeknychu a připowědachu to w měsće a wsach. A woni wuńdžechu, zo bychu wohladali, štož so běše stało.

15. A přińdžechu k Jezusej a widžachu teho, kotryž běše wot čertow był wobsynjeny, zo wón sedžeše a běše zwoblečeny a při swojim rozomje; a woni so bojachu.

16. A kotřiž to widželi běchu, powědachu jim, štož so z tym wobsynjenym běše stało, a to wot tych swini.

17. A woni počachu jeho prosyć, zo by wón chcył z jich mjezow wuńć.

18. A jako wón do łódže stupi, prošeše jeho tón wobsynjeny, zo by móhl pola njeho być.

19. Jezus pak jemu to njewotpušći, ale džeše k njemu: Dži ty dom k tym swojim a připowědaj jim, kajke wulke wěcy tebi tón Knjěz je činił a zo wón so na tebi je smilił.

20. A wón woteńdže a poča won wołać w tych džesać městach, kak wulke wěcy jemu Jezus je činił. A wšitcy ludžo so džiwachu.

21. A jako so Jezus zaso we łódži přewjeze na druhu stronu, zhromadži so wjele luda k njemu a běše při morju.

22. A hlaj, k njemu přińdže jedyn tych wyšich wot šule, z mjenom Jairus. A jako jeho widžeše, padže wón k jeho nohomaj, *Mat. 9, 18. Luk. 8, 41.*

23. A prošeše jeho jara a džeše: Moja džowka je w poslednim skónčenju; pój však a polož rucy na nju, zo by wona wotchoriła a žiwa byla.

24. A wón džěše z nim; a wjele ludži džěše za nim, a woni jeho čišćachu.

25. A někajka žónska tam běše, kotraž swoju krawu chorosć dwanaće lět běše měła, *3 Mójz. 15, 25. Mat. 9, 20.*

26. A běše wjele čerpiła wot wjele lékařow a wšitko swoje zamóženje na to wuložila, a njepomhaše jej ničo, ale bě přeco hórje z njej.

27. Jako ta wot Jezusa słyšeše, přińdže wona w ludu zady a dótknu so jeho drasty; *Lut. 8, 44.*

28. Přetož wona běše prajila: Hdy bych so ja jeno jeho drasty dótknyła, dha bych wotchoriła.

29. A na měsće wuschnu ta studnja jeje krwě, a wona čuješe na živoće, zo je wot swojeje čwěle zahojena.

30. A na měsće, jako Jezus sam na sebi pózna, zo móc běše z njeho wušla, wobroći wón so k ludu a džeše: Štó je so mojeje drasty dótknył?

31. Ale jeho wučomnicy džachu k njemu: Ty widžiš, zo će ludžo čišća, a

rjeknješ: Štó je so mje dótknył?

32. A wón so wohlada za tej, kotraž to běše činila.

33. Ta žona so pak boješe a třepotaše (přeťož wona wjedžeše, štož so běše na njej stało), přińdže a padže před nim dele a powědaše jemu wšitku prawdu.

34. Wón džeše pak k njej: Moja džowka, twoja wěra je tebi pomhała; dži z měrom a budź čerstwa wot swojeje čwěle.

35. Jako wón hišće tak řečeše, přińdžechu někotři wot čeledže teho šulského wyšeho a džachu: Twoja džowka je wumřela; što ty hišće teho mištra prócuješ?

36. Jezus pak hnydom wusłyša tu ryč, kiž běše ryčana, a džeše k temu šulskemu wyšemu: Njebój, so; jeno wěr. *Luk. 8, 50.*

37. A njeda nikomu za sobu hić, w swojim wótnym kraju a domach hač jeno Pětrej a Jakubej a Janej, Jakubowemu bratřej.

38. A wón přińdže do chěže teho šulského wyšeho a widžeše tón ropot a kotřiž jara plakachu a skiwlachu. *Jer. 4, 8.*

39. A wón džeše k nim přišedši nutř: Što wy tajki ropot ćeriće a plaćeće? To džěćo njeje wumřelo, ale spi. *Jan. 11, 11.*

40. A woni so jemu smějachu. Wón pak wuhna wšitkich a wza k sebi teho džěsća nana a maćer a tych, kotřiž z nim běchu, a džeše nutř, hdžež to džěćo ležeše.

41. A wón přiřa to džěćo za ruku a džeše k njemu: Talitha kumi, to

je přeložene: Holčatko, ja praju tebi, stawaj!

42. A na měsće postanu to holčatko a chodžeše wokoło; wone běše pak dwanaće lět stare. A woni buchu jara zatorhnjeni.

43. A wón jim twjerdže zakaza, zo by nictó wo tym njewědzał, a džeše, zo bychu jej jěsć dali.

6. staw

Chrystus bu zaccpějny, pósćełe japoštołow won; Janej bu hłowa wotćata; dźiwnje nasycenje a pomoc.

1. A wón wuńdže tam a přińdže do swojeho wótcneho kraja; a jeho wučomnicy džěchu za nim. *Mat. 13, 54. Luk. 4, 16.*

2. A jako sabat přińdže, poča wón wučić we jich šuli. A wjele, kiž posłuchachu, dźiwachu so jeho wučbje a džachu: Z wotkal ma tón tuto? A kaka je to mudrosć, kotraž jemu je data, zo tajke skutki so přez jeho rucy stanu?

3. Njeje to tón ćesla, Mariny syn, a bratr Jakubowy a Jezusowy a Judašowy a Šimanowy? Njejsu tež jeho sotry tudy pola nas? A pohóršachu so na nim. *Luk. 4, 22.*

4. Jezus pak džeše k nim: Profeta nihdže mjenje njeplaći, hač w swojim wócnym kraju a domach při swojich. *Jan. 4, 44.*

5. A wón njemóžeše tam žadyn skutk činić, chiba na mało chorych položi wón rucy a zahoji jich.

6. A podžiwa so jich njewěrje. A wobchodži po městkach wokoło a wučese.

7. A wón zawoła tych dwanaće a poča jich won pósłać po dwěmaj a da jim móc nad nječistymi duchami. *Mat. 10, 1.*

8. A přikaza jim, zo bychu ničo sobu na puć njebrali, chiba jeno kij, nic wačok, nic chłěba ani pjenjezy w pasu;

9. Ale zo bychu w črijach byli a so dvě sukni njewoblekli.

10. A džeše k nim: Hdžež wy do chěže přińdžeće, tam wy wostańće, hač byšće tam zaso wotešli.

11. A jeli zo někotři was horje njewozmu ani was njeposluchaju, tam wy přeč dźíce a třasće tež tón proch z wašich nohow, na swědčenje na nich. Zawěrnje, ja praju wam: Sodomzkim abo Gomorzkim budže na sudny džen lóže, dyžli tajkemu městu. *Mat. 10, 14. Luk. 9, 5. Jap. zk.13,51.*

12. A woni šedši won přědowachu, zo bychu ludžo pokutu činili.

13. A wuhnachu wjele čertow a žalbowachu wjele chorych z wolijom a wustrowichu jich. *Jak. 5, 14.*

14. A kral Herodas słyšeše to (přetož jeho mjeno běše zjawne sčinjene) a džeše: Jan, tón křćenik, je wot morwych stanul, a teho dla stanu so tajke skutki w nim. *Mat. 14, 1. Luk. 9, 7.*

15. Někotři pak dźachu: Wón je Elias; někotři pak: Wón je profeta abo jedyn tych profetow.

16. Jako pak to Herodas słyšeše, džeše wón: To je Jan, kotremuž ja sym hłowu sčal; tón je wot morwych stanul.

17. Přetož wón, Herodas, běše won pósłał, jimał Jana a jeho sadžil do

jastwa, Herodiady, Philippa, swojeho bratra, mandželskeje dla; přetož wón běše ju za mandželsku wzał. *Luk. 3, 19. 20.*

18. Jan pak džeše k Herodašej: Tebi so njesłuša, twojeho bratra mandželsku měć. *3 Mójz. 18, 6.*

19. Herodias teho dla lakaše na jeho a chcyše jeho morić, ale njemóžeše.

Tekst na 5. njedželu po třoch kralach. III.

20. [Herodas pak so Jana boješe, dokelž wón wjedžeše, zo wón prawy a swjaty muž běše, a wobarnowa jeho; a we wjele wězach jeho a słyšeše jeho rad.

21. Jako pak sprawny džen přińdže, zo Herodas wječer hotowaše na swój narodny džen swojim wyším a hejtmanam a tym wosebnym w Galilejskej; *Mat. 14, 6.*

22. A nutř stupi džowka teje Herodiady a rejwaše; a to so Herodašej lubješe a tym, kotřiž za blidom sedžichu; tuž džeše tón kral k temu holčecu: Proš mje, za čož ty chceš, ja chcu jo tebi dać.

23. A přisahnu so jej: Štož ty mje budžeš prosyć, to chcu ja tebi dać hač do položy mojeho kralestwa.

24. Wona pak wuńdže won a džeše k swojej maćeri: Što ja dyrbjú prosyć? Ta džeše: Pře hłowu Jana, teho křćenika.

25. A wona na měsće z khwatanjom zańdže nutř k kralej, prošeše a džeše: Ja chcu, zo by ty mi dał nětč hnydom na škli tu hłowu Jana, teho křćenika.

26. Tón kral bu zrudny; dha wšak teje pšisahi a tych dla, kotřiž za blidom

sedzichu, njechaše wón jej zapowjedzić.

27. A na měsće pósła tón kral wob-
wešerja a da jeho hłowu hew přinjesć.
Tón teho dla šedši tam zća jemu hłowu
we jastwje;

28. A přinjese jeho hłowu na škli a da
ju temu holčecu; a to holčo da ju swojej
maćeri.

29. A jako to jeho wučomnicy
slyšachu, přinǵzechu woni a wzachu jeho
ćelo a schowachu jo do rowa.]

30. A ċi pósli pak zhromadzichu so
zaso k Jezusej a zjewichu jemu to wšitko
a štož běchu činili a wučili. *Mat. 14, 13.*
Luk. 9, 10.

31. A wón džeše k nim: Pójće
wy wosebje do pusćiny a wotpoćńće
trochu. Přetož jich běše wjele, kotřiž
přichadzachu a wotchadzachu, tak zo
woni ani k jědźi chwile njemějachu. 32.
A woni so wjezechu na lódži do pusćiny
wosebje.

33. A ludžo jich widzachu, zo so přeč
wjezechu, a jich wjele jeho póznachu a
běžachu tam pěši ze wšěch městow, a
přinǵzechu prjedy nich a zeńǵzechu so k
njemu.

34. A Jezus šedši z lódže won wuh-
lada tón wulki lud, a běše jemu žel teho
sameho; přetož woni běchu jako wowcy,
kiž nimaju žaneho pastyrja. A wón poča
jich wučić wjele wěcow. *Mat. 9, 36.*

35. A jako nětk chcyše skoro wječor
być, přistupichu jeho wučomnicy k
njemu a dzachu: Tudy je pusćina a dzeń
je so minyl; *Mat. 14, 15. Luk. 9, 12. Jan.*
6, 5.

36. Rozpušć jich, zo bychu woni ducy
do wokolnych wsow a městow sebi chlěb

kupili; přetož woni nimaju ničo k jědźi.

37. Wón pak wotmołwi a džeše k nim:
Dajće wy jim jěsć. A woni dzachu k
njemu: Mamy dha my hić a za dvě zće
krošow chlěba kupić a jim jěsć dać? *Jan.*
6, 7.

38. Wón pak džeše k nim: Wjele
chlěba wy maće? Dźiće a pohladajće. A
jako so běchu wobhonili, dzachu woni:
Pječ, a dvě rybje.

39. A wón přikaza jim, zo bychu so
wšitcy dele zesydali, jene poľne blido po
druhim, na zelenu trawu.

40. A woni zesydachu so po rjadu, sto
a sto, pječ dzešać a pječ dzešać.

41. A wón wza te pječ pokroty a
tej dvě rybje a pohlada do njeľes,
dzakowaše so a ľamaše te chlěby a da
je svojim wučomnikam, zo bychu jim
prjódk kladli. A tej dvě rybje rozdźeli
wón bjez wšitkich.

42. A woni jědzachu wšitcy a buchu
nasyćeni.

43. A woni zebrachu kruškow chlěba,
dwanaće korbow poľnych, a wot teju ry-
bow (něšto).

44. A běše tych, kotřiž běchu jědli,
pola pječ tawzynt mužow.

45. A hnydom přinući wón svojich
wućomnikow, zo bychu na lóǵ stupili a
prjedy njeho so přewjeľli do Bethzaidy,
hać by wón tón lud rozpušćil. *Mat. 14,*
22. Jan. 6, 17.

46. A jako wón jich běše wot sebje
přeč pósľľ, džeše wón na horu, zo by so
modliľ.

47. A jako wječor bu, běše ta lóǵ
srjedza na morju, wón pak sam na zemi.

48. A wón widžeše, zo woni z wulkej prócu so wjezechu; přetož wětr běše jim přećiwny. Teho dla při štwórtěj nócnej waše přińdže wón k nim, chodžeše po morju a chcyše nimo nich prjedy přińć.

49. Jako pak woni widžachu, zo wón po morju chodžeše, měnjachu woni, zo je šerjenje, a zakřičachu;

50. Přetož wšitcy jeho widžachu a nastróžichu so. A na měsće rěčeše wón z nimi a džeše k nim: Budžće dobreje mysle; ja to sym, njebójće so.

51. A wón stupi k nim do lódže, a tón wětr woćichnu. A woni so jara wulcy w sebi nastróžichu a džiwachu so. *St. 4, 39.*

52. Přetož ničo rozomniši njebuchu nad tymi khlébami, a jich wutroba běše stwjerdnjena.

53. A jako so přewjezli běchu, přińdžechu woni do Genezarethzkeho kraja, a tam woni tu lódž k brjohej přistajichu. *Mat. 14, 34.*

54. A jako nětk z lódže běchu wušli, hnydom jeho ludžo póznachu;

55. A woni, běžawši po wšitkim tym samym wokolnym kraju wokoło, počachu chorych na łožach wokoło nosýc, hdžež woni slyšachu, zo wón tam je.

56. A hdžež wón džeše do městow abo do městow abo do wsow, tam kładžechu woni chorych na torhošćo a prošachu jeho, zo bychu so jeno teho wobrubu jeho drasty dótkli. A kotřiž so jeho dótkachu, či buchu wustrowjeni.

7. staw

Wo hejchlerštwje Farizejskich, pohanskeje žony džowčičcy, hluchim a němym.

1. A k njemu so zeńdžechu Farizejscy a někotři wot pismawučenych, kotřiž běchu z Jerusalema přišli. *Mat. 15, 1.*

2. A jako woni widžachu, zo někotři jeho wučomnikow z gmejn, to je z njemytymaj rukomaj chlěb jědžachu, swarjachu woni na to. *Luk. 11, 38.*

3. Přetož Farizejscy a wšitcy Zidzi njejědža, chiba zo su sebi rucy husto zmyli, a dđerža tak tych staršich wustajenja.

4. A hdyž z torhošća přińdu, njejědža woni, chiba zo su so zmyli. A tych wěcow je wjele, kotrež su horje wzali, zo chcedža je dđeržeć, jako je wumyće tych piwnych sudobjow, tych karanow, tych koporowych sudobjow a tych blidow.

5. Tuž teho dla woprašachu jeho či Farizejscy a pismawučeni: Čeho dla njechodža twoji wučomnicy po tych staršich jich wustajenjach, ale jědža chlěb z njemytymaj rukomaj?

6. Wón pak wotmołwi a džeše k nim: Derje je Jezajas wot was bludnikow wěšćil, jako je pisane: Tón lud česći mje z hubomaj, ale jich wutroba je daloko wote mnje. *Jez 29, 13. Mat. 15, 7.*

7. Podarmo pak mi služa, dokelž wuča tajke wučby, kotrež su čłowske prikaznje.

8. Přetož wy wopušćiće Bože přikazanje a dđerźiće tych čłowjekow wustajenje, jako je to wumyće tych karanow a piwnych kanow; teho runja tajkich wěcow druhich činiće wy wjele.

9. A wón džeše k nim: Wy čišće Bože přikazanje začisnjeće, zo byšće waše wustajenje dđerželi.

10. Přetož Mójzas je prajił: Česć swojeho nana a swoju maćer, a štož na nana abo na maćer złe rěči, tón dyrbi smjerće wumřěć. *2 Mójz. 20, 12. 5 Mójz. 5, 16.*

11. Wy pak wućiće: Hdyž štó rjeknje k naney abo k maćeri: Korban (to je, hdyž ja to wopruju, dha je wone tebi wjele wužitniše), tón čini derje.

12. A tak wy ničo wjazy njewotpušćiće, zo by wón činił swojemu naney abo swojej maćeri;

13. A zběhnjeće Bože słowo přez waše wustajenje, kotrež wy sće wustajili; a teho runja činiće wy wjele.

14. A wón zawoła k sebi wšitkón lud a džeše k nim: Posłuchajće wšitcy na mnje a zrozyńće. *Mat: 15, 10.*

15. Ničo njeje, kiž wonkach do čłowjeka dže, zo by jeho nječisteho činiło; ale štož wot jeho won dže, to je, kiž čłowjeka nječisteho čini.

16. Ma-li štó wuši k posłuchanju, tón posłuchaj. *Mat. 11, 15. St. 13, 9.*

17. A jako wón wot luda do čeže přińdže, woprašachu jeho jeho wučomnicy wo to přirunanje. *Mat. 15, 15.*

18. A wón džeše k nim: Sće wy dha tež tak njerozomni? Njezrozumiće wy hišće, zo wšitko, štož wonkach je a do čłowjeka dže, to jeho njemóže nječisteho

činić?

19. Přetož wone njeńdže do jeho wutroby, ale do brjucha, a wuńdže do wuchoda, hdžež wšitka jědź so wurjedzi.

20. Wón pak džeše: Štož z čłowjeka wuńdže, to same čłowjeka nječisteho čini;

21. Přetož nutrkach, z wutroby tych čłowjekow, wuńdu złe mysle, mandźelstwo-łamanje, kurwarstwo, mordarstwo,

22. Paduchstwo, łakomstwo, njeprawdosć, lesnosć, njepóćiwosć, złe woko, Bože hanjenje, pycha, njemdrość;

23. Wšitke te złe wěcy znutrkach won wuńdu a činja čłowjeka nječisteho.

24. A wón stanu tam a woteńdže do Tirizkich a Sidonskich mjezow. A šedši do doma njechaše wón, zo by štó wo nim wědzał, a však njemóžeše so potajić. *Mat. 15, 21.*

25. Přetož žona běše wot njeho słyšała, kotrejež (jejne) džowcatko nječisteho ducha mējaše; a přišedši padže dele k jeho nohomaj;

26. (Ta žona pak běše Grichizka, Sirophönizizka z roda) a ta prošeše jeho, zo by wón djaboła z jeje džowki wuhnał.

27. Jezus pak džeše k njej: Njech so prjedy džěći najědža; přetož wono njeje pěknje, zo so džěćom chlěb wozmjje a čisnje so psam. *Mat. 1d, 26.*

28. Wona pak wotmołwi a džeše k njemu: Haj, Knježe, dha však tež jědža te psyčatka pod blidom wot drjebjeńckow tych džěći.

29. A wón džeše k njej: Teho słowa dla dži; čert je z twojeje džowki wušoł.

30. A wona woteńdže do swojeho doma a namaka, zo tón čert běše wušoł, a zo ta džowka na ložu ležeše.

Scénje na 12. njedźelu po swj. Trojicy.

31. [A jako wón zaso wuńdže z Tirizkich a Sidonskich mjezow, přińdže wón k Galilejzkemu morju, srjedža na mjezy tych džesać městow. *Mat. 15, 20.*

32. A woni přiwdjedzechu k njemu hlucheho, kiž němy běše, a prošachu jeho, zo by ruku na njeho položil. *Mat. 9, 32. Luk. 11, 14.*

33. A wón wza jeho wot luda wosebje, tyknu jemu swoje porsty do jeho wušow a wuplunu a dótknu so jeho jazyka. *St. 8, 23.*

34. A pohlada horje k njebjesam, zdychnu a džeše k njemu: Hephata, to je: wotewr so! *Jan. 11, 41.*

35. A hnydom wotewřištej so jeho wuši a tón zwjazk jeho jazyka so rozwjaza, a wón rěčeše prawje.

36. A wón jim zakaza, zo bychu to nikomu njeprajili. pak wón jim zakaza, woni jo roznjesechu.

37. A dźiwachu so přez měru a džachu: Wón je wšitko derje činił; hluchich čini wón slyšacych a němých ražacych.] *Móž. 1, 31.*

8. staw

Wo sydom chłěbach, zejchach a kwasu Farizejskich, slepym, póznaću wot Chrystusa a jeho čerpjenju.

Ćim bóle ċim bóle Scénje na 7. njedźelu po swj. Trojicy.

1. [W tych samych dnjach, jako wulki lud tam běše a njemějachu ničo k jědži, zawoła Jezus swojich wučomnikow k sebi a džeše k nim: *Mat. 15, 32.*

2. Mi je žel teho luda; přetož woni su hižom na tři dny pola mje zawostali a nimaju ničo k jědži;

3. A hdy bych ja jich bjez jědže dom pušćil, bychu woni na puću zawutlili. Přetož někotři běchu z daloka přišli.

4. Jeho služownicy pak wotmołwachu jemu: Hdže my chłěba wozmjemy tudy w pusćinje, zo bychmy jich nasycili?

5. A wón prašeše jich: Wjele maće pokrotow? Woni pak džachu: Sydom.

6. A wón přikaza ludu, zo bychu so na zemju zesydali. A wza te sydom pokroty a džakowaše so a łamaše a da je swojim wučomnikam, zo bychu je prjódk kladli, a woni kładzechu je ludu prjódk.

7. A mějachu trochu rybičkow; a wón so džakowaše a kazaše te same tež prjódk klasć.

8. Woni jědzachu pak a buch nasyceni a nazbérachu zbytnych kruškow sydom korbow. *2 Kral. 4, 44.*

9. A jich běše na štyri tawzyntow, kiž jědli běchu; a wón pušćil jich wot sebje.)

10. A hnydom stupi wón do lódže ze swojimi wučomnikami a přińdže do Dalmanutzkeho kraja.

11. A či Farizejscy wuńdžechu a počachu so z nim woprašować a žadachu wot njeho zejch z njebyjes, spytawši jeho. *Mat. 16, 1. St. 12, 38.*

12. A wón zdychnu w swojim duchu a džeše: Što pyta wšak ta šlachta zejch? Woprawdže, ja praju wam: Tej šlachće žadyn zejch njebudže daty. *Luk. 11, 29.*

13. A wón stupi zaso do lódže, wostajiši jich, a přewjeze so na druhi brjóh.

14. A woni běchu zapomnili chłěba sobu wzać; a njemějachu wjazy sobu na lódži, hač jeno jenu pokrotu. *Mat. 16, 5. 6.*

15. A wón přikaza jim a džeše: Pohladajće a hladajće so před kwasom tych Farizejskich a před kwasom Herodaša. *Mat. 16, 6. Luk. 12, 1.*

16. A woni sebi myslachu tam a sem, a džeše jedyn k druhemu: My chłěba nimamy.

17. A Jezus zrozumi to a džeše k nim: Što so wy tež staraće, zo chłěba nimaće? Njepóznaće wy hišće ani njerozumiće? Maće wy hišće wašu stwjerdnjenu wutrobu? *St. 3, 5. St. 6, 52.*

18. Maće woći a njewidziće? a maće wuši a njeslyšiće? Abo njespominaće na to?

19. Jako ja pječ chłěbow łamach za tych pječ tawzynt, kak wjele korbow połych kruškow wy nazběrašće? Woni džachu: Dwanaće. *Mat. 14, 19. Luk. 9, 13. Jan. 6, 9. 13.*

20. Jako ja pak sydom łamach za te

štyri tawzynt, kak wjele korbow połych kruškow nazběrašće wy? Woni pak džachu: Sydom.

21. A wón džeše k nim: Kak dha, zo wy ničo njerozumiće?

22. A wón přińdže do Bethzaidy; a woni přiwjedžechu k njemu slepeho a prošachu jeho, zo by so jeho dótknył.

23. A wón wza teho slepeho za ruku a wjedžeše jeho won z města a plunu do jeho wočow, položi swojej ruce na njeho a wopraša jeho: Widžiš što? *St. 7, 32. 33. Jan. 9, 6.*

24. A wón pohlada horje a džeše: Ja widžu, zo ludžo chodža, jako bych štomy widzał.

25. Potom položi wón zaso ruce na jeho woći a kazaše jemu zaso hladać; a wón bě zaso wustrowjeny, tak zo wšitko z daloka jasnje widžeše.

26. A wón jeho dom pósła a džeše: Njechodž do města ani njepowěš to tež nikomu nutřkach. *St. 7, 36.*

27. A Jezus wuńdže won a jeho wučomnicy do městow Zezareje Philippa. A na puću wopraša wón swojich wučomnikow a džeše k nim: Štó praja ludžo, zo ja sym? *Mat. 16, 13. Luk. 9, 18.*

28. A woni wotmołwichu: Woni praja, zo sy ty Jan, tón krčćenik; někotři pak praja, zo sy Elias; a někotři, zo sy tych profetow jedyn.

29. A wón džeše k nim: Wy pak, što prajće wy, zo ja sym? Pětr pak wotmołwi a džeše k njemu: Ty sy Chrystus. *Jan. 1, 49.*

30. A wón pohrozy jim, zo bychy nikomu wot njeho njeprajili.

31. A poča jich wučić, zo čłowjeka syn ma wjele ćerpić, a zo dyrbi začisnjeny być wot staršich a wyšich měšnikow a pismawučenyh, a zo budže morjeny, a zo po třoch dnjach budže horje stanyć.

Mat. 16, 21. Luk. 18, 31.

32. A wón řečeše to słowo zjawnje. Tuž zapřimny jeho Pětr a poča jemu wobarác.

33. Wón so pak wobroći, a pohlada na swojich wučomnikow, pohrozy Pětrej a džeše: Dži přeč wote mnje, satanje; přetož ty so njewustejš na to, štož Bože, ale na to, štož čłowječne je.

34. A wón zawoła k sebi tón lud a swojich wučomnikow a džeše k nim: Štóz chce za mnu přińć, tón sam so zapřež a wzmi swój křiž na so a chodž za mnu.

Mat. 16, 24. Luk. 9, 23.

35. Přetož štóz chce swoje žiwjenje zachować, tón budže to same zhubić; a štóz swoje žiwjenje zhubi moje a teho ewangeliona dla, tón budže to same zachować.

Mat. 10,

39.

36. Přetož što pomha čłowjekej, hdy by wón runje wšitkón swět dobył a škodu wzał na swojej duši?

37. Abo što móže čłowjek dać k wumóženju swojeje duše?

38. Štóz so pak mje a mojich słowow hanibuje bjez tym mandželstwołamacym a hrěšnym narodom, teho budže so tež čłowjeka syn hanibować, hdyž wón budže přińć w krasnosći swjeho Wótca ze swjatymi jandželemi.

Mat. 10, 32. Luk. 9, 26. St. 12, 8.

St. 9. St.

1. A wón džeše k nim: Zawěrnje, ja praju wam: Někotři tudy su a steja, kotřiž smjerće njebudža woptać, hač woni budža widžeć, zo to kralestwo Bože z mocu přichadža. *Mat. 16, 28. Luk. 9, 29.*

9. staw

Historija wo Chrystusowym přečasnjenju a naměsaznym synu; wučba wo ponižnosći a pohóršenju.

2. A po šesći dnjach wza Jezus k sebi Pětra a Jakuba a Jana a wjedžeše jich na wysoku horu wosebje samych a přeměni so před nimi.

Mat. 17, 1. Luk. 9, 28.

3. A jeho drasta bu jasna a jara běla, jako sněh, kotruž žadyn barbar na zemi njemóže tak bělu sćinić.

Mat. 28, 3.

4. A jim so zjewi Elias z Mójzasom, a měještaj rozrěčowanje z Jezusom.

5. A Pětr wotmołwi a džeše k Jezusej: Rabbi, tudy je nam dobro być; teho dla činmy tři hěty, tebi jenu, Mójzasej jenu a Eliasej jenu.

6. Přetož wón njewjedžeše, što řeči, dokelž woni běchu nastróženi.

7. A mrócel přińdže, kotraž jich wobkhlódkowa. A hlós padže z teje mrócele a džeše: To je tón samy mój luby Syn, teho maće wy posłuchać.

Mat. 3, 17.

8. A hnydom wohladawši so njewidžachu woni nikoho wjazy, hač jeno Jezusa sameho při sebi.

9. Jako woni pak z hory dele džěchu, zakaza wón jim, zo bychu nikomu njeprajili, što su widźeli, hač by čłowjeka syn wot morwych stanył.

10. A woni zakowachu tu wěc při sebi a woprašowachu so bjez sobu, što by to stawanje wot morwych było.

11. A woprašachu jeho a džachu: Čeho dla dha pismawučeni praja, zo ma Elias prjedy přińć?

Mal. 4, 5.

12. Wón pak wotmołwi a džeše k nim: Elias ma wšak prjedy přińć a wšitko zaso na prawe přinjesć; a k temu tež dyrbi čłowjeka syn wjele čerpić a zacpěty być, jako stejí pisane.

13. Ale ja praju wam: A Elias je přišoł a woni su jemu činili, štož su chcyli, jako wot njeho stejí pisane. *Mat. 11, 14.*

14. A wón přišedši k druhim wučomnikam widžeše wulki lud wokoło nich a pismawučenych, kotřiž so z nimi woprašowachu.

15. A na měsće so wšitkón lud stróži, jako jeho wuhlada, a přiběžawši powitachu jeho.

16. A wón wopraša tych pismawučenych: Što woprašujeće wy so z nimi?

17. A jedyn z toho luda wotmołwi a džeše: Mištrje, ja sym swojeho syna k tebi přiwjedł, kotryž ma němeho ducha; *Mat. 17, 14. Luk. 9, 38.*

18. A hdžež wón jeho dosahnje, torha wón jeho, a wón pěni a křipi ze swojimi zubami a schnje. Ja sym z tvojimi wučomnikami řečał, zo bychu jeho wuhnali, woni pak njemóžachu.

19. Wón wotmołwi jemu pak a džeše:

O ty njewěrný narodže, kak dołho mam ja pola was być? Kak dołho mam ja was čerpić? Přiwjedźće jeho ke mni.

20. A woni přiwjedžechu jeho k njemu. A hnydom, jako Jezus jeho wohlada, torhaše jeho tón duch; wón pak padže na zemju, waleše so a pěnješe.

21. A wón wopraša jeho nana: Kak dołho je, jako so jemu to stało je? Wón pak džeše? Hnydom wot małosće;

22. A husto je wón jeho do wohenja a do wody mjetał, zo by jeho skóncował. Móžeš-li ty pak što, dha smil so nad nami a pomhaj nam.

23. Jezus pak džeše k njemu: Hdy by ty wěrić móhl. Temu, kiž wěri, su wšitke wěcy móžne. *Luk. 17, 6.*

24. A hnydom zawoła toho džěsća nan a džeše ze sylzami: Ja wěrju, mój Knježe; pomhaj mojej njewěrje!

25. A jako pak Jezus widžeše, zo lud přiběži, pohrozy wón temu nječistemu duchu a džeše k njemu: Ty němy a hluchi ducho, ja ci přikažu, wuńdž z njeho a nječodž wjazy do njeho.

26. Tuž wołaše wón a torhaše jeho jara a wuńdže. A wón bu jako morwy, tak zo jich tež wjele praješe: Wón je wumrěl.

27. Jezus pak zapřija jeho z ruku a pozběhnu jeho; a wón postanu.

28. A jako wón dom přińdže, woprašachu jeho jeho wučomnicy wosebje: Čeho dla dha my jeho njemóžachmy wuhnać? *Mat. 17, 19.*

29. Wón pak džeše: Tón narod hinak njemóže wuńć, chiba přez modlitwu a posćenje.

30. A woni džěchu tam přeč

a chodžachu přez Galilejsku; a wón nochcyše, zo by štó wo tym wědzał.

31. Wón wučese pak swojich wučomnikow a džeše k nim: Čłowjeka syn budže podaty do čłowjekow jich rukow, a woni budža jeho morić; a hdyž budže morjeny, budže wón na třěci džen zaso horje stanyć. *Mat. 17, 22. Luk. 9, 44.*

32. Woni pak njezrozumichu to słowo a bojachu so jeho woprašěć.

33. A wón přindže do Kapernauma. A jako wón domach běše, prašeše wón jich: Što wy so na puću bjez sobu rozrěčešće?

34. Woni pak mjelčachu; přetož woni so bjez sobu na puću běchu rozrěčowali, štó by wot nich wjetši był? *Mat. 18, 1. Luk. 9, 46.*

35. A wón synu so a zawoła tych dwanaće a džeše k nim: Chce-li štó přeni być, tón budže posleni přede wšitkimi a wšitkich jich wotročk.

36. A wza džěćatko a postaji jo srjedža bjez nich a wokoša to same a džeše k nim:

37. Štóz jene tajke džěćatko w mojim mjenje horje wozmje, tón wozmje mje horje; a štóz mje horje wozmje, tón nje-wozmje mje horje, ale teho, kotryž mje je pósłał.

38. Jan pak wotmołwi jemu a džeše: Mištrje, my widžachmy jeneho, tón djabolow w twojim mjenje won honješe, kotryž wšak za nami njechodži; a my jemu zakazachmy, teho dla, zo wón za nami njechodži. *Luk. 9, 49. 4 Mójz. 11, 27. 28. 29.*

39. Jezus pak džeše: Njezakazće jemu

to; přetož nchtó njeje, kiž by skutk činił w mojim mjenje a móhl hnydom wote mnje zle rěčeć. *1 Kor. 12, 3.*

40. Přetož štóz přeciwo nam njeje, tón je za nas. *Mat. 12, 30.*

41. Štóz pak was napowa z kanku wody w mojim mjenje, teho dla, zo wy Chrystusej přisłušeće, zawěrne, ja praju wam, to jemu njebudže njezapłaćene wostać. *Mat. 10, 42.*

42. A štóz tych małych jeneho pohórši, kiž do mnje wěrja, tajkemu by lěpje było, zo by jemu młynski kamjeń za jeho šiju był zwjazany a wón do morja čisnjeny był. *Mat. 18, 6. Luk. 17, 1.*

43. Jeli zo će pak twoja ruka pohórši, wotetń ju. Lěpje tebi je, zo ty kromy do žiwjenja džeš, dyžli zo by ty wobje rucy měł a šoł do hele, do teho wěčneho wohenja, *Mat. 5, 30. St. 18, 8.*

44. Hdžež jich čěró njewumrě a jich woheń njehasnje. *Jez. 66, 24.*

45. Pohóršuje će twoja noha, wotetń ju. Lěpje či je, zo ty bėdny do žiwjenja pónďžeš, dyžli zo by ty dwě nocy měł a był do hele čisnjeny do teho wěčneho wohenja, *Mat. 18, 8.*

46. Hdžež jich čěro njewumrě a jich woheń njehasnje.

47. Pohóršuje će twoje woko, čisń jo wot sebje. Lěpje tebi je, zo ty z jenym wokom do Božeho kralestwa pónďžeš, dyžli zo by ty dwě woći měł a był do helskeho wohenja čisnjeny, *St. 18, 9.*

48. Hdžež jich čěro njewumrě a jich woheń njehasnje.

49. Wšitko dyrbi być z wohenjom naselene, a kóždy wopor budže ze selu woseleny. *3 Mójz. 2, 13.*

50. Dobra je sól; budže-li pak sól njeslona, z čim budžeće ju woselić? Mějće sól při sebi a mějće pokoj bjez sobu. *Mat. 5, 13. Luk. 14, 34.*

10. staw

Wo róžno džělenju mandželskich, małych džěćatkach, bohatych swěta, čerpjenju Chrystusowym, lakomstwje po česći wučomnikow a slepym Bartimeusu.

1. A wón stany wot tudy a přińdže do mjezow židowskeje zemje z tamneje strony Jordana. A ludžo so zaso k njemu zhromadźichu; a kaž wón wašnje měješe, wučěše wón jich pak zaso. *Mat. 19, 1.*

2. A Farizejscy přistupiwiši woprašachu jeho: Móže tež muž žonu wot sebje pušćić? A spytachu jeho z tym.

3. Wón wotmołwi pak a džeše k nim: Što je wam Mójzas prikazał?

4. A woni džachu: Mójzas je wotpušćil, lóslist napisać a ju wot sebje pušćić. *5 Mójz. 24, 1. Mat. 5, 31.*

5. Jezus pak wotmołwi a džeše k nim: Wašeje wutroby twjerdosće dla je wón wam tajke prikaznje napisał;

6. Ale wot spočatka stworjenja je jeju Bóh stworil muža a žonu. *1 Mójz. 1, 27.*

7. Teho dla budže čłowjek swojeho nana a maćer wopušćić a so dźeržeć k swojej žonje. *Mat. 19, 5. 1 Mójz. 2, 24.*

Eph. 5, 31.

8. A budžetaj taj dwaj jene čělo. Nje-jstaj teho dla dvě, ale jene čělo. *1 Kor. 6, 16.*

9. Štož teho dla Bóh hromadu zwjazal je, to čłowjek njedžěl.

10. A domach woprašachu jeho wospet jet jeho wučomnicy wo to samo.

11. A wón džeše k nim: Štóž swoju mandželsku wot sebje pušći a wozmjě sebi druhu, tón mandželstwo zlama z nej; *Mat. 5, 32.*

12. A jeli zo by žona wot sebje swojeho muža pušćila abo wot druhého wzata byla, ta zlama mandželstwo.

13. Tuž přinjesechu džěćatka k njemu, zo by wón so jich dótknył. Wučomnicy pak wrězkachu na tych, kiž je přinošachu. *Mat. 19, 13. 14. Luk 18, 15.*

14. Jako pak to Jezus widžeše, bu wón hněwny a džeše k nim: Njeh džěćatka ke mni přińdu a njewobarajće jim, přetož tajkich je to Bože kralestwo.

15. Zawěrnje, ja praju wam: Štož to kralestwo Bože horje njewozmjě jako džěćatko, tón njebudže do njeho přińć. *Mat. 18, 3.*

16. A wón te same wokoša a položi rucy na nje a žohnowaše je. *St. 9, 36. Mat. 19, 15.*

17. A jako wón pak wušol běše a so na puć dał, přiběža jedyn a poklaknu před nim a woprašaja: Dobry mištrje, što mam ja činić, zo bych to wěčne žiwjenje dóstał? *Mat. 19, 16. Luk. 18, 18.*

18. Ale Jezus džeše k njemu: Što ty mi rěkaš dobry? Nichtó njeje dobry, hač tón jenički Bóh.

19. Ty wšak te kaznje wěš: Ty njedyrbiš mandželstwo łamać. Ty njedyrbiš morić. Ty njedyrbiš kradnyć. Ty njedyrbiš njepraweho swědčenja dawać. Ty njedyrbiš nikoho zjebać. Česć swojeho nana a maćer. 2 Mójz. 20, 12. 5 Mójz. 5, 16 u.

20. Wón pak wotmołwi a džeše k njemu: Mištrje, to wšitko sym ja dđeržal wot swojeje młodosće.

21. Jezus pak pohlada na njeho, lubowaše jeho a džeše k njemu: Jene je tebi hišće trjeba: Dži, předaj, štož maš, a daj jo chudym, dha budžeš ty šaz měč w njeju; a přińdź, pój za mnu a wzmi križ na so. Mat. 6, 19. Luk. 12, 33.

22. Wón pak bu njewjesely teje ryče dla a woteńdže zrudny; přetož wón měješe wjele kubłow.

23. A Jezus so wohlada a džeše k swojim wučomnikam: Kak ćežy budža bohaći do Božeho kralestwa přińć. Mat. 19, 23. Luk. 18, 24.

24. Ći wučomnicy pak so stróžichu na jeho ryčach. Ale Jezus wotmołwi zaso a džeše k nim: Moje džěći, kak ćežko je, zo, kotřiž swoje dowěrjenje na bohatstwo staja, do Božeho kralestwa přińdu. ((Ps 62, 11. 1 Tim. 6,17.))

25. Lóžšo je, zo kamjel přez jehline wucho přeńdže, dyžli zo bohaty do Božeho kralestwa přińdže.

26. Woni stróžichu so pak hišće bóle a džachu bjez sobu: Štóha móže zbóžny być?

27. Jezus pak pohlada na nich a džeše: Pola čłowjekow je to njemóžne, ale nic pola Boha; přetož wšitke wěcy su móžne pola Boha. Luk. 1, 32.

28. Tuž poča Pětr k njemu prajić: Hlej, my smy wšitko wopuščili a smy za tobu šli. Mat. 19, 27. Luk. 5, 11. St. 18, 28.

29. Jezus pak wotmołwi a džeše: Zawěrnje, ja praju wam: Žadyn njeje, kiž wopušći chěžu abo bratrow abo sotry abo nana abo maćer abo žonu abo džěći abo pola moje a teho ewangeliona dla,

30. Kotryž by sto króc njedostał, nětk w tym času, chěže a bratrow a sotry a maćerje a džěći a pola z přesěćhanjemi, a w tym přichodnym swěće to wěčne žiwjenje.

31. Wjele pak, kiž přeni su, budža posledni, a kiž posledni su, budža přeni. Mat. 19, 30. St. 20, 16. Luk. 13, 30.

32. Woni běchu pak na puću ducy do Jerusalema. A Jezus džeše přjedy nich, a woni strachowachu so, džěchu za nim a bojachu so. A wón wza zaso k sebi tych dwanaće a poča jim prajić, što so jemu stać budže: Mat. 17, 22. St. 20, 17. Luk. 18, 31.

33. Hlajće, my džemy horje do Jerusalema, a čłowjeka syn budže podaty wyšim měšnikam a pismawučenym; a woni budža jeho k smjerći přisudzić a jeho pohanam podać; Mat. 16, 21.

34. Ći budža so jemu smjeć a jeho chłostać a na njeho pluwać a jeho morić; a na třěci dzeń budže wón zaso stanyć.

35. Tehdy přistupištaj k njemu Jakub a Jan, taj synaj Zžebedeusowaj, a džeštaj: Mištrje, mój chcemoj, zo štož mój prosyć budžemoj, ty by namaj činił. Mat. 20, 20.

36. Wón pak džeše k nimaj: Što chcetaj wój, zo bych ja wamaj činił?

37. A wonaj praještaj k njemu: Daj namaj, zo bychmoj sedžaloj, jedyn na twojej prawicy a druhi na twojej ľewicy, w twojej krasnosći.

38. Jezus pak džeše k nimaj: Wój njewěztaj, što prosytaj. Móžetaj wój tón keluch pić, kotryž ja piju, a so dać křčić z tej křćencu, z kotrejž ja křćeny budu? *Mat. 20, 22. Luk. 12, 50.*

39. Wonaj džeštaj k njemu: Haj, mój móžemoj. Jezus pak džeše k nimaj: Wój budžetaj derje tón keluch pić, kotryž ja piju, a budžetaj křćenaj z tej křćencu, z kotrejž ja křćeny budu; *Jap. zk. 12, 2.*

40. Ale sedzić na mojej prawicy a na mojej ľewicy, njesluša mi wam dać, ale kotrymž je přihotowane.

41. A jako to či džesaćo slyšachu, počachu woni so hněwać na Jakuba a Jana.

42. Ale Jezus zawoła jich a džeše k nim: Wy wěsće, zo swětni fěrštojo knježa, a mócni bjez nimi maja na nich móc. *Mat. 20, 25. Luk. 22, 25.*

43. Tak pak njedyrbi bjez wami być; ale štóž chce wulki bjez wami być, tón dyrbi waš služownik być.

44. A štóž bjez wami chce wosobniši być, tón njech je waš wšitkich wotročk. *1 Pětr. 5, 3.*

45. Přetož tež čłowjeka syn njeje přišoł, zo by sebi dał služić, ale zo by wón služił a dał swoje žiwjenje k zapłaćenju za jich wjele. *Mat. 20, 28.*

46. A woni přińdžechu do Jericha. A jako wón z Jericha won džěše, wón a jeho wučomnicy a wulki lud, sedžeše slepy, Bartimej, Timeowy syn, při puću a prošeše. *Mat. 20, 20. 30. Luk. 18, 35.*

47. A jako wón slyšeše, zo Jezus z Nacareta je, poča wón wołać a prajić: Jezu, ty syno Dawidowy, smil so nade mnu!

48. A jich wjele pohrozychu jemu, zo by mjelčał. Wón pak wołaše wjele bóle: Ty syno Dapitowy, smil so nade mnu!

49. A Jezus zasta a kazaše jeho k sebi zawołać. A woni zawołachu slepeho a džachu k njemu: Budž dobreje nadžije, postań, wón će woła.

50. A wón wotćisnu swoju drastu, staže a přińdže k Jezusej.

51. A Jezus wotmołwi a džeše k njemu: Što ty chceš, zo bych ja tebi činil? A tón slepy džeše k njemu: Rab-buni, zo bych ja widžał.

52. Jezus pak džeše k njemu: Dži, twoja wěra je će wustrowiła. A hnydom wón widžeše a džěše za Jezusom po puću.

11. staw

*Wo Chrystusowym
nutsćehnjenju, zakleću
figowca, čišćenju templa.*

*Tekst na njedźelu Pal-
marum.III.*

1. [A jako woni so přibližowachu k Jerusalemu, do Bethfage a Bethanije při wolijowej horje, pósła wón swojeju wučomnikow dweju, *Mat. 21, 1. Luk. 19, 29. Jan. 12, 12.*

2. A džeše k nimaj: Džitaj do teho města, kotrež prjedy waju leži,

a hnydom, hdyž wój nutř přińdžetaj, budžetaj wój wóslatko přiwjazane namakać, na kotrymž hišće žadyn čłowjek njeje sedzał; wotwježtaj jo a přiwjedžtaj to same hew.

3. A budže-li štó k wamaj rjeknyć: Čoho dla wój to činitaj? dha rjekńtaj, zo jo tón Knjez potrjeba; a na měsće budže wón to same sem pósłać.

4. Wonaj pak woteńdžeštaj a namakaštaj to wóslatko přiwjazane při durjach, wonkach na rozpuću, a wotw-jazaštaj jo.

5. A někotři, kiž tam stejachu, džachu k nimaj: Što činitaj wój, zo wój to wóslatko wotwjazataj?

6. Wonaj pak džeštaj k nim, kaž jimaj Jezus běše prikazał; a woni jimaj wotpušćichu.

7. A wonaj přiwjedžeštaj to wóslatko k Jezusej a položištaj swoje drasty na njo, a wón so synu na njo.

8. Jich wjele pak přescěrachu swoje drasty na puć. Někotři pak rubachu hałuzy wot drjewow a zčelichu je na puć.

9. A kotřiž prjedy a za nim džěchu, wołachu a džachu: Hosianna, chwaleny budž, kiž přińdže w mjenje teho Knjeza! *Ps. 118, 25.*

10. Budž chwalene to kralestwo našeho Wótca Davita, kotrež přińdže w mjenje teho Knjeza; Hosianna we wysokosći!

11. A Jezus čehnješe do Jerusalema a do templa a wobhlada wšitko; a na wječor džeše wón won z tymi dwanaćmi do Bethanije.

12. A na druhi dzeń, jako woni z Bethanije wuńdžechu, běše wón hlódny.

Mat. 21, 18.

13. A widžeše figowc z daloka, kotryž lizće měješe; tuž wón přistupi, hač by móhl što na nim namakać. A přišedši k njemu njenamaka wón ničo hač lizće; přetož čas hišće njeběše, zo figi być dyr-bjachu.

14. A Jezus wotmołwi a džeše k njemu: Nihdy wjazy do wěcnosće nichtó wot tebe žadyn plód njeješ. A jeho wučomnicy słyšachu to.

15. A woni přińdžechu do Jerusalema. A Jezus džěše do templa, poča won honić tych, kiž předawachu a kupowachu w templu; a te blida tych, kiž pjenjezy přeměnjachu, a te stoły tych, kotřiž hołbje předawachu, přewróći wón; *Mat. 21, 12. Luk. 19, 45.*

16. A wón njeprida, zo by štó što přez tón templ přenjesł.

17. A wón wučese a džeše k nim: Njesteji pisane: Moja chěža dyrbi chěža teje modlitwy rekać wšitkim pohanam? Wy pak sće mordarsku jamu wot njeje sćinili.

Jez: 56, 7Jer.7,11.

18. A to słyšachu ći pismawučeni a wyši měšnicy; a stejachu za tym, kak bychy jeho morili. Woni pak so jeho bo-jachu, dokelž wšitkón lud so jeho wučbje džiwaše.

Luk. 19, 47. 48.

19. A na wječor džěše wón won před město.

20. A rano ducy nimo widžachu woni tón figowc, zo wón běše wusknýl z kor-jenja.

Mat. 21,

20.

21. A Pětr spomni na to a džeše k njemu: Rabbi, hlaj, tón figowc, kotryž ty sy poklał, je wusknýl. *Hebr. 6, 8.*

22. Jezus pak wotmołwi a džeše k nim: Wěrcé do Boha.

23. Přetož zawěrnje, ja praju wam: Štóz k tutěj horje by rjeknył: Zběhní so a čisí so do morja, a njebył njewěsty w swojej wutrobje, ale wěřił, zo by so stało, štož wón rjeknje; dha budže so jemu stać, štož wón praji. *Mat. 17, 20.*

24. Teho dla praju ja wam: Wšitko, štož wy prosyće we wašej modlitwje, wěrcé jeno, zo wy to same dostać budžeće; wone so wam budže stać. *Mat. 7, 7. St. 21, 22. Luk. 11, 9.*

25. A hdyž wy stejiće. a prosyće, dha wodajće, maće-li što přeciwo komu, tak zo by tež waš Wótc w njebjesach wam vaše hrěchi wodał.

26. Hdyž wy pak njewodaće, dha tež wam waš Wótc, kiž w njebjesach je, njebudže vaše hrěchi wodać. *Mat. 6, 15.*

27. A woni přińdžechu zaso do Jerusalema. A jako wón w templu chodžeše, přińdžechu k njemu wyši měšnicy a pismawučeni a starši, *Mat. 21, 23. Luk. 20, 1.*

28. A džachu k njemu: S kajkeje mozy činiš ty to? A štó je tebi tajku móc dał, zo ty to činiš? *2 Mójz. 2, 14.*

29. Jezus pak wotmołwi a džeše k nim: Ja chcu was tež jene słowo woprašć; a wotmołwće mi, dha chcu ja wam prajić, z kajkeje mozy ja to činju.

30. Janowa křćenca, běše wona z njebjes abo wot čłowjekow? Wotmołwće mi.

31. A woni při sebi myslachu a džachu: Prajimy my, zo je z njebjes była, dha budže wón rjeknyć: Čoho dla

dha wy jemu njejsće wěřili? *Luk. 7, 30.*

32. Prajimy my pak, zo je wot čłowjekow była, dha woni so ludźi bojachu. Dokelž wšitcy za to mějachu, zo Jan zawěrnje profeta je.

33. A woni wotmołwichu a džachu k Jezusej: My njewěmy. A Jezus wotmołwi a džeše k nim: Dha ja wam tež njepowěm, z čějeje mozy ja to činju.

12. staw

Wo winicy, dańskim krošu, horjestaću, najwosebnišej kazni, Mesiasu, pismawučenych a chudej wudowje.

1. A wón poča přez přirunanja k nim rěć: Čłowjek plodžeše winicu a wobhrodzi ju z plotom a wukopa prasu a natwari tórm a přenaja ju winicarjam a čehnješe přěć. *Jez. 5, 1. Mat. 21, 33. Ps. 80, 9.*

2. A pósła k tym winicarjam, jako čas přińdže, wotročka, zo by brał wot winicarjow plody teje winicy.

3. Woni jeho pak wzachu a wubichu jeho a pósłachu jeho prózdneho wot sebjě.

4. A wón pósła k nim zaso druheho wotročka; na teho woni kamjenje čiskachu a jemu hłowu zranichu a pósłachu jeho wuhanjeného zaso přěć.

5. Wospjet pósła wón druheho, a teho sameho woni zabichu a wjele druhich wjazy; někotrych woni wubichu, někotrych pak zabichu.

6. Jako wón pak hišće swojeho jeničkeho Syna měješe, kotryž jemu luby běše, teho wón najposledy tež k nim posła a džeše: Woni budža so před mojim Synom trašić.

7. Ale či sami winicarjo džachu bjez sobu: To je tón herba; pójće, zabijmy jeho, dha budže to herbstwo naše. *Ps. 2, 8. Mat. 26, 3.*

8. A woni jeho wzachu a zabichu a wučisnychu jeho z winicy won. : *Hebr. 13, 12.*

9. Što budže teho dla knjez teje winicy činić? Wón budže přińc a tych winicarjow skóncować, a winicu budže wón druhim podać.

10. Njejsće wy tež lazowali to pismo: Kamjeń, kotryž česlojo su začisli, tón je k różknemu kamjenjej sčinjeny? *Jez. 28, 16. Mat. 21, 42. Jap. zk. 4, 11. Rom. 9, 33.*

11. Wot teho Knjeza je so to stało a je džiwné před našimaj woćomaj.

12. A woni za tym stejachu, kak bychu jeho přijeli (ale bojachu so luda); přetož woni zrozumichu, zo wón na nich to přirunanje běše řečal, a wostajiwši jeho woteńdžechu. *Mat. 14, 5.*

13. Woni pak posłachu k njemu někotrych wot Pharizejkich a Herodašowych služownikow, zo bychu jeho popadnyli w słowach. *Mat. 22, 15. Luk. 20, 20.*

14. A či přišedši džachu k njemu: Mištrje, my wěmy, zo ty wěry sy a njerodžiš wo nikoho; přetož ty njehladaš na čłowjekow paršonu, ale wučíš woprawdže tón puć Boži. Je prawje, zo my kejžorej dań dawamy abo nic? Mamy jemu dawać abo njedawać?

15. Wón pak póznawši jich jebanje džeše k nim: Što wy mje spytujeće? Přinjesće mi kroš, zo jón wohladam.

16. Tuž jón přinjesechu. A wón džeše k nim: Čěji je tón wobraz a to napismo? Woni džachu k njemu: Teho kejžora.

17. A Jezus wotmołwi a džeše k nim: Dha dajće kejžorej, štož je kejžorow, a Bohu, štož je Bože. A woni so jemu džiwachu. *Rom. 13, 7.*

18. Tež či Sadduzejzzy přińdžechu k njemu, kotřiž praja, zo njeje horjestawanje; či woprašachu jeho a džachu: *Mat. 22, 23. Luk. 20, 27.*

19. Mištrje, Mójzas je nam Pisał, hdyž jeneho bratr wumrě a wostaji žonu a nima žane džěci, zo by jeho bratr tu samu jeho žonu wzał a swojemu bratrej symjo zbudził. *5 Mójz. 25, 5. Mat. 22, 24.*

20. Sydom bratřa teho dla su byli. A tón přeni wza sebi žonu a wumrě a njewostaji žane symjo.

21. Tuž wza ju tón druhu a wumrě a njewostaji tež žane symjo. A tón třěci teje runosće.

22. A wzachu ju tak wšitcy sedmjo a njewostajichu symjenja. Najposledy pak po wšitkich wumrě tež ta žona.

23. Teho dla w tym horjestawanju, hdyž woni horje stanu, kotreho tych samych žona wona budže? Přetož sedmjo su ju za mandželsku měli.

24. Tuž wotmołwi Jezus a džeše k nim: Njeje teho dla temu tak, zo wy błudziće a zo njewěsće te pisma ani tu móc Božu?

25. Přetož hdyž wot morwych stanyć budža, njebudža so ženić ani so wudawać, ale budža jako jandželjo w njeb-

jesach.

Mat. 22,

30.

26. So pak wot morwych stanyć budža, njejsće wy lazowali w knihach Mójzasowych, kak z kerka Bóh k njemu rěčeše a džeše: Ja sym Bóh Abrahama a Bóh Izaaka a Bóh Jakuba? *2 Mójz. 3, 6.*

27. Bóh pak njeje tych morwych, ale tych žiwych Bóh. Teho dla wy jara bludžiće.

28. A k njemu přistupi jedyn tych pismawučenyh, kiž běše na nich poslušać, jako woni so hromadže rozrěčowachu, a widžeše, zo wón jim derje běše wotmołwił; a wopraša jeho: Kotra je ta najwosebniša kaznja přede wšitkimi? *Mat. 22, 35. Luk. 10, 25.*

29. Jezus pak jemu wotmołwi: Ta najwosnebiša kaznja přede wšitkimi je ta: Poslušaj, Israelo, tón Knjez, naš Bóh, je jenički Bóh; *5 Mójz. 6, 4. 5.*

30. A ty dyrbiš Boha, swjeho Knjeza, lubować z cylej swojej wutrobu, z cylej swojej dušu a z cylej swojej myslu a ze wšitkej swojej móžu. To je ta najwosebniša kaznja. *Mat. 22, 37. Luk. 10, 27.*

31. A ta druha je tej runa: Ty dyrbiš swjeho blišeho lubować jako sam so. žana wjetša kaznja njeje, dyžli tej. *Mat. 22, 30. 3 Mójz. 19, 18. Jan. 13, 34. St. 15, 13. 17. Rom. 13, 9. Gal. 5, 6. 14. St. 6, 2. Eph. 5, 2. 1 Thes. 4, 9. 1 Pětr: 1, 22.*

32. A tón pismawučeny džeše k njemu: Mištrje, ty sy woprawdže derje rěčał; přetož wón je jedyn Bóh, a njeje žadyn, chiba wón; *5 Mójz. 4, 35. St. 6, 4.*

33. A teho sameho lubować z cylej

wutrobu a z cylej myslu a z cylej dušu a ze wšitkej móžu, a lubować swjeho blišeho jako so sameho, to je wjazy, dyžli wšitke zapalne wopory a druhe wopory.

34. Jako pak Jezus widžeše, zo wón rozomnje wotmołwi, džeše wón k njemu: Ty njejsy daleko wot Božeho kralestwa. A nihtó so njeschrobli jeho wjazy woprašec.

35. A Jezus wotmołwi a džeše, jako wón wučese w templu: Kak praja pismawučeni, zo Chrystus je Dawidowy syn?

Mat. 22, 42. Luk. 20, 41.

36. Wón pak, Davit, praji přez swjateho Ducha: Tón Knjez je prajił k mojemu Knjezej: Sydnj so k mojej prawicy, hač ja položu twojich njepřečelow za podnóžki twojich nohow. *Ps. 110, 1. Mat. 22, 44.*

37. Dha teho dla Dapit sam mjenuje jeho Knjeza; kak dha je wón jeho syn? A wjele luda słyšeše jeho rad.

38. A dale wón jich wučese a džeše k nim: Hladajće so pismawučenyh, kotřiž w dołhich drastach chodža a dadža so radži na torhošćach postrowić, *Mat. 23, 3. Luk. 11, 43. St. 20, 46.*

39. A sydaju radži wysoko w šulach a za blidom pola wječerjow.

40. Woni zežeru tych wudowow domy a wudawaju so z dołhimi modlitwami; či sami budža wjetše satamanstwo dostać. *Mat. 23, 14.*

Tekst na 23. njedźelu po swj. Trojicy. IV.

41. [A Jezus synu so napřečiwo Božemu kašću a pšihlowaše, kak ludžo do

Božeho kašća składowachu. A wjele bohatych składowaše wjele. *2 Kral. 12, 9. Luk. 21, 1.*

42. A jena chuda wudowa přińdže a położy nutř dvě šerpacce; tej sčinitej mały pjenježk.

43. Tuž zawoła wón swoich wučomnikow k sebi a džeše k nim: Zawěrnje, ja praju wam: Ta chuda wudowa je wjazy do Božeho kašća položila, dyžli wšitcy, kotřiž su nutř kladli;

44. Přetož woni su wšitcy wot swojeho zbytku nutř kladli, ta pak je wot swojeje chudoby wšitko, štož měješe, to je wšitku swoju žiwnosć, nutř položila.]

13. staw

Wo wupusćenju města Jerusalema a kóncu swěta.

1. A hdyž wón z templa wuńdže, džeše k njemu jeho wučomnikow jedyn: Mištrje, hlaj, kajke kamjenje a kajke twarjenje je to! *Mat. 24, 1.*

2. Tuž wotmołwi Jezus a džeše k njemu: Widžiš ty to wulke twarjenje? Nic kamjeń na kamjenju njebudže wostajeny, kotryž by njebył rozlamany. *Luk. 19, 44.*

3. A jako wón na wolijowej horje sedžeše napřečiwo templu, prašachu jeho wosebje Pětr a Jakub a Jan a Handrij: *Luk. 21, 7.*

4. Powjes nam, hdy budže so to stać? A kotre budže to znamjo, hdyž to wšitko dyrbi być dokonjane?

5. Jezus wotmołwi jim a poča prajić: Hlajće, zo by was nchtó njezawjedł.

6. Přetož wjele jich budže přińc w mojim mjenje a prajić: Ja sym Chrystus; a budža jich wjele zawjezć. *Jer. 14, 14.*

7. Hdyž wy pak budžeće słyšeć wot wójnow a zo so wot njeměra řeči, dha wy so njebójće; přetož to ma so tak stać. Ale kónc hnydom njebudže.

8. Přetož lud budže přečiwo ludu postanyć a kralestwo přečiwo kralestwu. A budže zemjerženje tam a sem, a budže drohi čas a nastróženje. To budže teje nuzy spočatk.

9. Wy pak so hladajće. Přetož woni budža was podać do radnych chěžow a šulow, a wy budžeće khoztani, a před fěřstow a kralow dyrbiće wy być wjedźeni moje dla, k swědčenju na nich. *Mat. 24, 9. Luk. 21, 12. Jan. 16, 2.*

10. A to ewangelion dyrbi prjedy přédowane być pola wšitkich pohanow.

11. Hdyž teho dla was budža wodzić a podać, dha njestarajće so, što byšće wy řečeli, a njewopomńće so prjedy; ale štož wam w tej samej štundže date budže, to řečće; přetož wy njejsće, kiž řečíte, ale tón swjaty Duch. *Mat. 10, 19.*

12. Wón budže pak bratr bratra k smjerći podać a nan syna, a džěci budža so swojim staršim přečiwić a budža jich pomhać morić.

13. A budžeće hidźeni wot kóždeho, mojeho mjena dla. Štóz pak do kónca wobsteji, tón budže zbóžny. *Mat. 24, 18.*

14. Hdyž wy pak budžeće widžeć tu hroznosć teho wupusćenja, wot kotrejež profeta Daniel je prajił, zo wona steji, hdžež njedyrbi (štóz to lazuje, tón jo

zrozy); tehdy kotřiž w židowskim kraju su, či njech čeknu na hory. *Mat. 24, 15. Dan. 9, 27.*

15. A štóž na třěše je, tón njelěz dele do chěže a njepřińdź do njeje, zo by sebi něšto wzał ze swojeje chěže. *Luk. 17, 31.*

16. A štóž na polu je, tón so zaso njewróć k temu wostajenemu, zo by swoju drastu zebrał.

17. Běda pak ćežkim a ćešnym w tym samym času.

18. Prošće pak, zo by waše čekanje so njestało w zymje.

19. Přetož w tych samych dnjach budže tajka stysknosć, kajkaž njeje była wot spočatka teho stworjenja, kotřež Bóh stworil je, hač nětk, jako tež dale wjazy njebudže. *Dan. 12, 1. Joel. 2, 2.*

20. A hdy budžiše tón Knjez te same dny njepřikrótsiř, dha by žadyn čłowjek zbóžny njebyř; ale tych wuzwolenych dla, kotrychž wón wuzwoliř je, je wón te same dny přikrótsiř.

21. A budže-li tehdy štó k wam prajić: Hlej, tudy je Chrystus, abo hlaj, tam je wón; njewěrcě to wy. *Mat. 24, 23. Luk. 17, 23.*

22. Přetož falšni Chrystojo a falšni profetojo budža stanyć a budža zejchi a džiwy činić, zo bychy tež tych wuzwolenych zawjedli, hdy by móžno było. *5 Mójz. 13, 1. Luk. 21, 8. 2 Thes. 2, 11.*

23. Wy pak so hladajće. Hlej, ja sym wam to wšitko prjedy prajiř.

24. Ale w tym samym času, po tej samej žalosci, budže slónco so začmić a měsac swoje swětło njedać; *Jez. 13, 10.*

25. A hwězdy budža z njebies padać, a mozy tych njebies budža so hibać.

26. A tehdy budža woni widžeć přińdže čłowjeka syna w mróčelach z wulkej móžu a krasnosću. *Dan. 7, 13.*

27. A tehdy budže wón won posłać swoich jandzelow a budže zhromadzić swoich wuzwolenych wot tych štyrjoch wětrow, wot kónca teje zemje hač k kóncu tych njebies. *Mat. 13, 41.*

28. Na figowcu pak zwukńće přirunanje. Hdyž jeho hařuza nětk womlódnje a liščo pušća, wěsće wy, zo lětny čas blisko je. *Mat. 24, 32.*

29. Tak tež wy, hdyž to wšitko widžiće, zo so stanje, dha wěsće, zo wone blisko před durjemi je. *St. 14.*

30. Zawěrnje, ja praju wam: Ta šlachta njebudže zańć, hač so to wšitko stanje.

31. Njebo a zemja budže zahinýć, moje słowa pak njebudža zahinýć.

32. Wot teho dnja pak a wot teje štundy njewě nichtó, tež nic jandželjo w njebiesach, tež tón Syn nic, ale jeno tón Wótc. *Mat. 24, 36.*

33. Hladajće so teho dla a wachujće a modlće so; přetož wy njewěsće, hdy čas je. *Mat. 25, 13. 14. Luk. 12, 40.*

34. Runje jako čłowjek, kiž daloko přeč čehnješe a wopušći swój dom a da svojim wotročkam móc a kóždemu swoje džěło a přikaza tež wrótnikej, zo by wón wachowař.

35. Wachujće teho dla (přetož wy njewěsće, hdy tón Knjez teje chěže přińdže, hač wón přińdže na wječor abo wo pomocy abo hdyž kapony spěwaju abo na ranjo);

36. Tak zo by wón nahle njepřišoř a namakař was, hdyž spiće.

37. Štož ja pak wam praju, to wam wšitkim praju: Wachujće!

14. staw

Chrysta žalbowanje, wus-tajenje swjateje wječerje, bėdźenje w zahrodze, jastwo, wuznać před Kajphasom, Pětra hrěšny pad.

1. A po dwěmaj dnjomaj běchu jutry a te dny tych slódkich chlěbow. A či wyši měšnicy a pismawučeni pytachu, kak bychu jeho z lesnosću jimali a morili. *Mat: 26, 2. Luk. 22, 1. Jan. 13, 1.*

2. Woni džachu pak: Nic na tón —jeho wučomnicy k njemu: Hdže sw-jaty čas, zo by so snadź ropot bjez lu-dom njezběhnył.

3. A jako wón w Bethanii běše w chěži Šimana, teho wusadneho, a sedžeše za blidom, přińdže žónska, kiž měješe škleńcu praweje dobřeje a kras-neje nadroweje wody; a wona rozbi tu škleńcu a wula ju na jeho hłowu. *Mat. 26, 6. Luk. 7, 38. Jan. 12, 3.*

4. Někotři pak běchu, či so při sebi hněwachu a džachu: K čomu je tajka škoda teje wody so stała? *Mat. 26, 8.*

5. Přetož wona budžeše dróžšo móhla być předata, dyžli za tři sta krošow, a te pjenjezy chudym ludžom date być. A mórčachu na nju.

6. Jezus pak džeše: Dajće ji pokoj; čoho dla wy ji tyšnosć činiće? Wona je dobry skutk nade mnu činiła.

7. Přetož chudych maće wy přeco při sebi, a hdyž chceće, móžeće wy jim do-brotu činić; mje pak wy přeco nimaće. *5 Mójz. 15, 11.*

8. Štož je móhla, to je wona činiła. Wona je prjedy přišla, zo by moje čelo žalbowala k pohrjebanju.

9. Zawěrnje, ja praju wam: Hdžež tuto ewangelion budže předowane po wšem swěće, tam budže tež to, štož wona je činiła, prajene k jeje wopom-njenju.

10. A Judaš Išarioth, jedyn wot tych dwanaće, woteńdže k wyším měšnikam, zo by jeho jim přeradził. *Mat. 26, 14.*

11. Jako woni to slyšachu, zwjeselichu so woni a slubichu jemu te pjenjezy dać. A wón pytaše, kak by jeho w sprawnym času přeradził.

12. A přeni džen tych slódkich chlěbow, hdyž to jutrowne jehnjo dyr-bješe być woprowane, džachu chceš ty, zo bychmy my šli a přihtowali a ty to jutrowne jehnjo jědł? *Mat. 26, 17. Luk. 22, 7.*

13. A wón pósła svojich wučomnikow dweju a džeše k nimaj: Džitaj do města, a čłowjek budže waju zetkać, tón njese karan wody; džitaj za nim. *Luk. 22, 8.*

14. A hdžež wón nutř dže, tam rjekńtaj k hospodarjej: Tón mištr da tebi prajić: Hdže je tón hóstny dom, hdžež ja bych jutrowne jehnjo jědł z mo-jimi wučomnikami?

15. Tuž wón budže wamaj wulku hubju pokazać, kotraž z kamjenjemi wu-sadźena a přihtowana je; tam za nas přihtuńtaj.

16. A jeho wučomnikaj wuńdžeštaj

a přińdžeštaj do teho města a namakaštaj, kaž wón jimaj běše prajił, a přihotowaštaj to jutrowne jehnjo.

Tekst na zeleny štwórtk. III.

17. [A jako nětk wječor bu, přińdže wón z tymi dwanaćimi. *Mat. 26, 20. Luk. 22, 14.*

18. A jako so nětk k blidu běchu zesydali a jědžachu, džeše Jezus: Zawěrnje, ja praju wam, jedyn wot was, kotryž zo mnu jě, budže mje přeradzić.

19. A woni buchu zrudni a džachu k njemu, jedyn za druhim: Sym to ja? A druhi: Sym ja to?

20. Wón pak wotmołwi a džeše k nim: Jedyn z tych dwanaće, kiž zo mnu w škli kusk mača.

21. Čłowjeka syn tam derje dže, jako wot njeho steji pisane; běda pak temu samemu čłowjekej, přez kotrehož čłowjeka syn přeradžený budže; lěpje by temu samemu čłowjekej było, zo by wón so nihdy njenarodził.

22. A jako woni běchu pojedli, wza Jezus tón chléb, džakowaše so a łamaše a da jim tón a džeše: Wzmiće, jěsće; to je moje čělo. *Mat. 26, 26. Luk. 22, 19.*

23. A wza tón keluch a džakowaše so a da jim tón. A woni pijachu wšitcy z njeho.

24. A wón džeše k nim: To je moja krej teho noweho zakonja, kotraž za jich wjele budže přelata.

25. Zawěrnje, ja praju wam, zo ja wjazy njebudu pić wot teho płoda winoweho pjenka, hač do teho sameho

dnja, hdyž ja nowy pić budu w kralestwje Božim.

26. A jako woni tón chwalobny kěrluš běchu wuspěwali, wuńdžechu woni na wolijowu horu.] *Mat. 26, 30. Luk. 22, 39.*

27. A Jezus džeše k nim: Wy budžeće so w tej nocy wšitcy nade mnu pohóršić. Přetož pisane steji: Ja budu pastyrja zbić a wowcy budža so rozčekać. *Sach. 13, 7. Mat. 26, 31.*

28. Ale hdyž ja stanu, póndu ja přejedy was do Galilejskeje. *St. 16, 7. Mat. 26, 32.*

29. Pětr pak džeše k njemu: A hdy bych runje so tež wšitcy pohóršili, dha ja však nic.

30. A Jezus džeše k njemu: Zawěrnje, ja praju tebi: Džens w tej nocy, přejedy dyžli kapon dwójicy je spěwał, budžeš ty mje tři króc zaprěć. *Mat. 26, 34.*

31. Wón pak rěčeše hišće dale: Haj hdy bych ja tež z tobu wumrěć dyrbjał, njechał ja će zaprěć. Teho runja woni tež wšitcy džachu.

32. A woni přińdžechu do dwora, kotrehož mjeno běše Gethzemane. A wón džeše k swojim wučomnikam: Sydnće so tudy, hač ja šedši so k Bohu modlu. *Mat. 26, 36. Luk. 22, 39. Jan. 18, 1.*

33. A wza k sebi Pětra a Jakuba a Jana a poča tšepjetać a jara styskniwy być,

34. A džeše k nim: Moja duša je zrudna hač do smjerće. Wostańće tudy a wachujće. *Mat. 26, 38. Jan. 12, 27.*

35. A woteńdže trochu, padže na zemju a modleše so tak, hdy by móžno było, zo by ta štanda wot njeho nimo

šla.

36. A džeše: Abba, mój Wótče, wšitko je tebi móžno; přezběhń mje teho kelucha. Ale wšak nic kaž ja chcu, ale kaž ty chceš. *Luk. 1, 327. Mat. 26, 39. Jan. 6, 38.*

37. A přindže a namaka jich, zo spachu. A džeše k Pětrej: Šimanje, spiš ty? Njezamóžeš dha ty tež jenu štundu wachować?

38. Wachujće a modlće so, tak zo wy do spytowanja njeprindžeće. Duch je hotowy, ale mjaso je slabe. *Mat. 26, 41.*

39. A woteńdže zaso a modleše so a řečeše to same slowo.

40. A přindže zaso a namaka jich, zo zaso spachu; přetož jich woči běchu poňne spanja; a njewjedžechu, što bychu jemu wotmołwili.

41. A wón přindže třeci raz a džeše k nim: Ach chceće wy nětk spać a wotpočować? Dosć je, ta štunda je přišla; hlaj, čłowjeka syn budže do tych hrěšnikow jich rukow podaty. *Mat. 26, 45.*

42. Stańće, pójmy; hlajće, kiž mje přeradží, je so přibližal. *Jan. 14, 31.*

43. A na měsće, hdyž wón hišće řečeše, přindže Judaš, tych dwanaće jedyn, a z nim wulka črjóda z mječemi a ze žerdžemi, wot wyšich měšnikow a pismawučenych a staršich. *Mat. 26, 47. Luk. 22, 47. Jan. 18, 3.*

44. Jeho přeradnik pak běše jim zejch dał a rjeknył: Kotrehož ja budu wokošeć, tón samy je; teho přimńće a wjedźće jeho wěsće.

45. A wón přišedši stupi na měsće k

njemu a džeše: Rabbi, rabbi! a wokoša jeho. *2 Sam. 20, 9.*

46. Woni pak zložichu swojej rucy na njeho a jimachu jeho.

47. Jedyn pak wot tych, kiž pódla stejachu, wučahnu swój mječ a dyri teho wyšeho měšnika wotročka a wotća jemu wucho. *Mat. 26, 51. Luk. 22, 50.*

48. A Jezus wotmołwi a džeše k nim: Wy sće wušli, jako na mordarja, z mječemi a ze žerdžemi, mje jimać;

49. Ja sym wšednje pola was w tem-plu był a sym wučil, a wy mje njejsće přijeli; ale to so nětk stanje, zo by to pismo było dopjelnjene. *Ps. 69, 10.*

50. A wšitcy wučomnicy wopušćichu jeho a čeknychu. *Hiob. 19, 13.*

51. A jedyn młodženc džeše za nim, tón běše z rubom na nahim žiwoće wodžěty; a či młodžency přijachu jeho;

52. Wón pak, pušćiwši tón rub, čekny nahi wot nich.

53. A woni wjedžechu Jezusa k wyšemu měšnikej, a hnydom so zeńdžechu wšitcy wyši měšnicy a starši a pismawučeni. *Mat. 26, 57. Luk. 22, 54. Jan. 18, 13.*

54. Pětr pak džeše z dala za nim hač do wyšeho měšnika hroda nutř; a wón běše tam, a sedžo pola tych wotročkow wohrěwaše wón so při wohenju.

55. Ale wyši měšnik a cyła rada py-tachu swědčenje napřećiwo Jezusej, tak zo bychu jeho morili; a njenamakachu ničo. *Mat. 26, 59. Jap. zk. 6, 13.*

56. Wjele jich pak napřećiwo njemu falšnje swědčeše; ale jich swědčenje njeběše přez jene.

57. A někotři stažechu a ryčachu falšne swědčenje napřečiwo njemu a džachu:

58. My smy slyšeli, zo wón džeše: Ja chcu tón templ, kotryž je z rukomaj sčinjeny, rozlamać a w třoch dnjach druhi natwarić, kiž njeje z rukomaj sčinjeny.

Jan. 2, 19.

59. Ale jich swědčenje hišće tak njeběše přez jene.

60. A wyši měšnik stanu srjedza nich, wopraša Jezusa a džeše: Njewotmołwiš ty ničo? Što je to, štož ći na tebjě swědča?

61. Wón pak mjelčeše a njewotmołwi ničo. Wospjet wopraša jeho tón wyši měšnik a džeše k njemu: Sy ty Chrystus, tón Syn teho wysocy chwaleného? *Jez. 53, 8.*

62. Jezus pak džeše: Ja sym; a wy budžeće widžeć čłowjeka syna sedžo na prawicy teje mozy a přińdžo z mróčelemi tych njebjes. *Mat. 24, 30. Luk. 22, 69.*

63. Tuž roztorha wyši měšnik swoju suknju a džeše: Što my dale swědčenja potrjebamy?

3 Mójz. 10, 6.

64. Wy sće slyšeli to Bože hanjenje; što so wam zda? Woni pak zatamachu jeho wšitcy, zo smjerće je winojty. *Jer. 26, 11.*

65. A někotři počachu na njeho pluwać a jeho wobličo přikrywać a z pjasćemi jeho bić a k njemu prajić: Wěšć nam. A wosebnje ći wotročcy bijachu jeho do wobliča.

66. A Pětr běše delekach w tym hrodže. Tuž přińdže jena wot teho wyšeho měšnika džowkow.

67. A jako wona widžeše, zo so Pětr

wohrěwaše, pohlada wona na njeho a džeše: A ty běše tež z tym Jezusom z Nacareta.

68. Wón pak zaprě a džeše: Ja jeho njeznaju, njewěm tež, što ty prajiš.

69. A wuńdže won do dwora, a kapon zaspěwa. A ta džowka wuhlada jeho zaso a poča tym prajić, kotřiž pódla stejachu: Tón je wot nich. *Mat. 26,*

71.

70. Wón pak zaso přeješe. A zaso po małej chwili džachu k Pětrej, kotřiž pódla stejachu: Woprawdže, ty sy wot tych samych jedyn; přetož ty sy tež Galilejski, a twoja ryč je na Galilejsku ryč podobna.

71. Wón pak poča so pokleć a so přisahać: Ja teho čłowjeka njeznaju, wot kotrehož wy prajiće.

72. A kapon zaso zaspěwa. Tuž spomni Pětr na to słowo, kotrež Jezus k njemu džeše: So prjedy, dyžli kapon dwojicy zaspěwa, budžeš ty mje tři króć zaprěć. A wón so nahle (z dwora) won da a plakaše. *Mat. 26, 34. Luk. 22, 34.*

15. staw

Chrysta ćerpjenje před Pilatusom, krónowanje, křižowanje, smjerć a pohrjebanje.

1. A hnydom rano zradžichu so wyši měšnicy ze staršimi a z pismawučenymi a z cyłej radu a zwjazachu Jezusa a wuwjedžechu jeho a podachu jeho Pilatusej. *Mat. 27,*

1.

2. A Pilatus woprašá jeho: Sy ty tych židow kral? Wón pak wotmołwi a džeše k njemu: Ty to prajiš. *Jan. 18, 33.*

3. A wyši měšnicy wjele na jeho skoržachu.

4. Pilatus pak woprašá jeho zaso a džeše: Njewotmołwiš ty ničo? Hlej, kak twjerdže woni će wobskoržuja.

5. Jezus pak ničo wjazy njewotmołwi, tak zo so tež Pilatus džiwaše.

6. Na tón róčny čas pak pušćeše wón jim jeneho jateho, kotrehož woni sebi žadachu.

7. Wón běše pak někajki, Barab-bas mjenowany, zaty ze zwadnikami, kotřiž w tym ropoće mordarstwo běchu wobešli.

8. A tón lud džeše horje a poča prosyć, zo by činił, kaž jim přeco běše činił.

9. Pilatus pak wotmołwi jim: Chceće wy, dha chcu ja wam teho krala tych Židow pušćić?

10. Přetož wón wjedžeše, zo wyši měšnicy jeho ze zawizću běchu podali.

11. Wyši měšnicy pak wabjachu tón lud, zo by jim radšo Barabbasa pušćil.

12. Tuž wotmołwi Pilatus zaso a džeše k nim: Što chceće dha wy, zo bych ja činił temu, kotremuž wy winu dawaće, zo je židow kral? *Jan. 18, 38.*

13. Woni pak wołachu zaso: Křižuj jeho!

14. A Pilatus džeše k nim: Što je dha wón zleho sćinił? Ale woni čím bóle wołachu: Křižuj jeho!

15. Pilatus pak chcyše ludu dosć činić a pušćil jim Barabbasa; Jezusa pak krju-

dowaneho poda wón, zo by křižowany byl.

16. Ći wojacy pak wjedžechu jeho nutř na dwór (to je do sudneje chěže) a wołachu hromadu wšitku syłu; *Mat. 27, 27. Jan. 19, 1.*

17. A wobležechu jeho purpurski kwič a naplečechu černjowu krónu a stajichu jemu ju na jeho hłowu;

18. A počachu jeho postrowić: Bóh daj ći wjele strowja a zboža, o kralo tych židow!

19. A bijachu jemu hłowu ze sćinu a pluwachu na jeho a padachu na kolena a modlachu so před nim. *Mat. 26, 67.*

20. A hdyž jeho běchu přešpotowali, slečechu woni jemu tón kwič a wobležechu jeho jeho drastu a wjedžechu jeho won, zo bychu jeho křižowali; *Mat. 27, 31.*

21. A přinućichu někajkeho Šimana, kiž nimo džeše, z Irena, kotryž z pola přińdže (a běše Alexandrowy a Ruffowy nan), zo by wón jemu jeho křiž nješl. *Mat. 27, 32. Luk. 23, 26.*

Tekst na ćichi pjatk. IY.

22. A přiwjedžechu jeho na město Golgota, to je přeložene: Nopow město. *Mat. 27, 33. Jan. 19, 17.*

23. A dachu jemu z maru změšane wino so napić. Wón pak jo njewza. *Ps. 69, 23.*

24. A jako jeho běchu křižowali, rozdžělichu woni jeho drastu a losowachu wo nju, što by kóždy dóstał. *Ps. 22, 19. Mat 27, 35. Luk. 23, 34. Jan. 19, 24.*

25. A běše wokoło třećeje štundy, hdyž woni jeho křižowachu.

26. A horjenkach k jeho hłowje běše napisane, štož jemu winu dawachu: Tón kral tych židow. *Mat. 27, 37.*

27. A woni křižowachu z nim dweju mordarjow, jeneho k jeho prawicy a jeneho k lěwicy.

28. A bě tak to pismo dopjelnjene, kotrež praji: Wón je bjez zlóstnikow rachnowany. *Jez. 53, 13.*

29. A kotřiž nimo džěchu, swarjachu na njeho a třasechu swoje hłowy a džachu: Haha! rozlamaš ty tón templ a twariš jón w třoch dnjach? *Jan. 2, 19.*

30. Pomhaj nětk sam sebi a stup z křiža dele.

31. Teho runja tež wyši měšnicy smějachu so jemu bjez sobu z pis-mawučenyymi a džachu: Wón je druhim pomhał a sam sebi pomhać njemóže.

32. Jeli wón Chrystus a kral we Is-raelu, dha njech nětk stupi z křiža, zo bychmy my widźeli a wěрили. A taj, ko-trajž z nim běštaj křižowanaj, jeho tež hanještaj.

33. A po šestej štundže bě ćma po cylej zemi hač do džewjateje štundy. *Mat. 27, 45. Luk. 23, 44.*

34. A w džewjatej štundže zawoła Jezus z wulkim hłosom a džeše: Eli, Eli, lama zabachtani? to je přeložene: Mój Božo, mój Božo, čoho dla sy ty mje wopuščil? *Ps. 22, 2. Mat. 27, 46.*

35. A někotři, kiž pódla stejachu, jako to słyšachu, džachu woni: Hlej, wón woła Eliasa.

36. Tuž běžeše jedyn a napjelni šwom z kisałom a tyknu jón na sćinu a

napowaše jeho a džeše: Hladajmy wšak, hač Elias přińdže a jeho dele wozmj. *Ps. 69, 23.*

37. Ale Jezus zawoła z wulkim hłosom a spuści dušu.) *Jan. 19; 30.*

38. A tón zawěšk w templu roztorže so na dwoje, wot wjercha hač dele. *Mat. 27, 51.*

39. Tón hejtman pak, kotryž pódla steješe, jemu napřećiwo, a widžeše, zo wón z tajkim wołanjom dušu spuści, džeše wón: Zawěrnje, tón čłowjek je Boži Syn był. *Mat. 27, 54.*

40. Wone běchu pak tam tež žónske, kotrež z dala přihladowachu, bjez kotrymiž běše Marja Madlena a Marja, teho małego Jakuba a Jezusowa mać, a Salome; *Mat. 27, 55.*

41. Kotrež tež běchu za nim chodźile, jako wón w Galilejskej běše, a jemu služile; a wjele druhich, kotrež běchu z nim horje do Jerusalema přišle. *Luk. 8, 2.*

42. A hdyž wječor běše (dokelž běše tón dzeń teho přihotowanja, to je před sabatom),

43. Přińdže Józef z Arimathije, ćěsny radny knjez, kotryž tež na Bože kralestwo wočakowaše; tón so zwaži a džeše nutř k Pilatej a prošeše pře to čěło Jezusowe. *Mat. 27, 57. Luk. 23, 50. Jan. 19, 38.*

44. Pilatus pak džiwaše so, zo je hižom wumřel, a zawoła hejtmana a woprašja jeho, hač je dawno wumřel?

45. A jako wón jo zhoni wot teho hejtmana, da wón Józefej to čěło.

46. Wón pak kupi sebi rub, wza jeho dele a zawali jeho do teho ruba a položi

jeho do rowa, kotryž běše ze skały wu-
rubany, a přiwalí kamjeń před rowowe
durje. *Mat. 27, 60.*

47. Ale Marja Madlena a Marja Jezu-
sowa hladaštej, hdže bě položeny.

16. staw

Wo Chrystusowym hor- jestaću a k njebju ztpiću.

Scénje na jutrowničku

1. A jako so sabat minul bě, nakupichu
Marja Madlena a Marja Jakubowa a Sa-
lome wonjace wěcy, zo bychu přišle a
Jezusa žalbowale. *Mat. 28, 1. Luk. 24, 1.
Jan. 20, 1.*

2. A wone přińdžechu k rowu na přeni-
dzeń po sabaće jara rano, jako slónco
schadžeše.

3. A wone džachu bjez sobu: Štó
budže nam tón kamjeń wot rowowych
durjow wotwalić?

4. A jako tam pohladachu, pytny-
chu wone, zo tón kamjeń wotwaleny bě;
přetož wón bě jara wulki.

5. A wone zańdžechu do rowa a
widžachu mlodźenca na prawej rucy
sedžo, tón běše z dolhej bělej drastu
wodžěty; a woni so stróžichu. *Mat. 28,
2. 3. Luk. 24, 4. Jan. 20, 12.*

6. Wón pak džeše k nim: Njestróžće
so; wy pytaće Jezusa Nacarenskeho,
teho křižowaneho; wón je stanył a njeje
tudy. Hlaj to město, hdžež jeho běchu
požili. *Mat. 28, 5.*

7. Džiće pak a powěsće to jeho

wučomnikam a Pětrej, zo wón prjedy
was pónǵe do Galilejskeje; tam budžeće
jeho widzić, kaž wón wam prajił je.

8. A woni wuńdžechu khětzje a
čeknychu wot rowa, přetož strachota a
hroza běše na nje přišla; a njeprajachu
nikomu ničo, přetož wone so bojachu.

9. Jezus pak, jako běše stanył rano na
přnim dnju teho tydženja, zjewi wón so
najprjedy Mariji Madlenje, wot kotrejež
wón sydom djabołow běše wuhnał.

10. A wona džěše a připowědži
to tym, kotřiž běchu z nim byli, kiž
žarowachu a plakachu.

11. A ěi sami, jako slyšachu, zo
wón je žiwy a zo je wot njeje widžany,
njewěrjachu woni.

12. Potom pak, jako dwaj wot nich
chodžeštaj, zjewi wón so w hinašim
štalce, jako wonaj přez polo džěštaj.
Luk. 24, 13.

13. A taj samaj tež woteńdžeštaj a
powědaštaj to tym druhim; ale woni tež
tymaj njewěrjachu.

Scénje na Bože spěće.

14. [Naposledku, jako ěi jidnačo za
blidom sedžachu, zjewi wón so jim a
naswari jich njewěru a twjerdu wutrobu,
zo njeběchu tym wěрили, kotřiž jeho
běchu zbudzeného widželi; *Luk. 24, 36.
Jan. 20, 19. 1 Kor. 15, 5. 7.*

15. A džeše k nim: Džiće po
wšem swěće a přědujće to ewangelion
wšitkemu stworjenju; *Mat. 28, 19. Kol. 1,
23.*

16. Štóž wěri a křćený budže, tón
budže zbóžny; štóž pak njewěri, tón

budže zatamany. *Jan. 3, 18. 36. St. 12, 48. Jap. zk. 2, 38.*

17. Zejchi pak, kiž wěřjacych budža přewodzić, su te: W mojim mjenje budža čertow won honić, z nowymi jazykami rěčeć, *Jap. zk. 16, 18. St. 2, 4. 11. St. 10, 46.*

18. Hady zahnać; a budža-li što smjertneho pić, njebudže to jim škodžeć; na chorych budža woni rucy kłasć, dha budže jim lěpje. *Luk. 10, 19. Jap. zk. 28, 5. 8.*

19. A tón Knjez tak, jako běše z nimi porěčał, bu horje wzaty do njebjes a je so sunył k prawicy Božej. *Luk. 24, 51. Jap. zk. 1, 9.*

20. Woni pak džěchu won a přédowachu wšudžom z pomocu teho Knjeza, kiž wobtwjerdži to słowo přez te zejchi, kotrež činjachu.] *Jap. zk. 3, 16. St. 14, 3. Hěbr. 2, 4.*

Sćenje swjateho Lukaša

Prěni staw

Janowy narod a dźěcatstwo

1. Dokelž jich wjele sebi su k rucy wzali, zo bychy po rjadu stajili te ryče wot tych wěcow, kotrež su so bjez nami zawěsće stale;

2. Jako nam te same su či podali, kotřiž wot spočatka je sami su widźili a su služomnicy teho słowa byli;

3. Sym ja to tež za dobre póznał, za tym jako ja wšitko wot spočatka sym wobhonił, zo bych je tebi, mój dobry Teophile, swěrnje a po rjadu pisał. *Jap. zk. 1, 1.*

4. So by ty wěstosć teje wučby zhonił, w kotrejž ty rozwučeny sy.

5. W času Herodaša, teho krala židowskeje zemje, běše jedyn měšnik, z mjenom Zacharias, z Abiasoweho rjada, a jeho mandželska běše wot Aaronowych dźowkow a jeje mjeno Hilža. *Mat. 2, 1. 1 Kron. 25, 10.*

6. Wobaj pak běštaj sprawnaj před Bohom a chodžeštaj po wšitkich přikaznjach a wustajenjach teho Knjeza bjez poroka. *Hiob. 1, 1. 8.*

7. A wonaj njeměještaj žaneho dźěsća; přetož Hilža běše njeplódna, a

wobaj so běštaj zestarilaj.

8. Sta so pak, jako wón měšniskeho hamta pytaše před Bohom, w času swogeho rjada,

9. Po wašnju teho měšnistwa, a nětk na nim běše, zo by kadžił, a do templa teho Knjeza šoł bě, *2 Mójz. 30, 7.*

10. A cyła zhromadźizna teho luda wonka běše, modleše so k Bohu w štundže teho kadženja; *3 Mójz. 16, 17. 1 Kral. 7, 12.*

11. Tuž so jemu teho Knjeza jandžel zjewi, stejacy k prawej stronje wołtarja, na kotrymž kadžachu. *2 Mójz. 30, 1.*

12. A jako Zacharias jeho wuhlada, stróži wón so, a bojosć padže na njeho.

13. Ale tón jandžel rjeknu k njemu: Njebój so, cachariaso, přetož twoja modlitwa je wuslyšana, a twoja mandželska Hilža budže tebi syna porodzić, teho mjeno dyrbiš Jan nareknyć. *Jap. zk. 10, 31.*

14. A z teho směješ ty radosć a wjele, a wjele budže so jeho naroda zwjeselić. *Scht. 58.*

15. Přetož wón budže wulki před Knjezom. Wino a sylne piće njebudže

wón pić, a budže hnydom wot swojeho maćerneho žiwota ze swjatym Duchom napjelnjeny.

16. A wón budže wjele Israelskich džěći k Bohu, jich Knjezej, wobroćić.

17. A wón prjedy njeho póndze w duchu a w mocy Eliasa, zo by wobroćil te wutroby wótcow k džěćom a njewěrných k mudrosći tych prawych, zo by Knjezej hotowy lud přihotował. *Mat. 11, 14.*

18. A Zacharias džeše k temu jandželej: Na čim mam ja to pónzac? Přetož ja sym stary a moja žona je lětna. *1 Mójz. 17, 17.*

19. Tón jandžel pak wotmołwi a džeše k njemu: Ja sym Gabriel, kiž před Bohom steju, a sym pónsany, zo bych z tobu rěčał a tebi to dobre připowjedzil; *Dan. 8, 16. St. 9, 21. 1 Kral. 17, 1.*

20. A hlaj, ty budžeš woněmić a njebudžeš móc rěčeć, hač do teho dnja, w kotrymž so te wěcy budža stać, teho dla, zo ty mojim rěčam njejsy wěril, kotrež dopjelnjene budža w swojim času.

21. Tón lud pak wočakowaše Cachariasa a džiwaše so, zo wón so dotal w tem plu komdžeše.

22. A jako wón wuńdze, njemóžeše wón z nimi rěčeć. A woni zrozumichu, zo wón w cyrkwi je widženje widzil; přetož wón jim kiwaše a wosta němy.

23. A sta so, jako tón čas jeho hamta bě wušoł, woteńdze wón do swojeho doma. *Scht. 39. Joz. 21, 11.*

24. A po tych dnjach pak podja Hilža, jeho mandželska, a potaji so pječ mėsacow a džeše:

25. Tak je mi tón Knjez činil w tych

dnjach, jako wón na mnje je pohladał, zo by wón moju hanibu bjez ludźimi přeč wzał.

Sćenje na Marine připowědanje.

26. [A w šestym mėsacu pak bě jandžel Gabriel pónsany wot Boha do Galilejskeho města, kotremuž rěkaju Nacaret,

27. K jenej knježnje, kotraž slubjena běše mužej, z mjenom Jozef, z Davidoweho doma; a tej knježnje rěkachu Marja. *Mat. 1, 18. Luk. 2, 5.*

28. A tón jandžel zańdze k njej nutř a džeše: Strowa budž, ty z hnadu wobdarjena; tón Knjez je z tobu, ty požohnowana bjez tymi žónskimi.

29. Jako pak wona jeho wuhlada, stróži so wona na jeho rěči a pomysli sebi: Kajke je to strowjenje?

30. A tón jandžel džeše k njej: Njebój so, Marja, ty sy hnadu pola Boha namakała.

31. Hlaj, ty budžeš samodruha w žiwoće a budžeš syna porodzić, teho mjenu dyrbiš Jezus narjec; *Jez. 7, 14. Mat. 1, 21.*

32. Tón budže wulki a Syn teho najwyšeho mjenowany; a Bóh tón Knjez budže jemu tón stoł jeho wótca Dawida dać; *Jez. 6, 7. 2 Sam. 7, 12.*

33. A wón budže z kralom na Jakubowym domje wěcnje, a jeho kralestwa njebudže žadyn kónc. *Dan. 4, 31. St. 7, 14. Mich. 4, 7.*

34. Marja pak džeše k jandželej: Kak móže so to stać, dokelž ja wot žaneho muža ničo njewěm?

35. A tón jandžel wotmołwi a džeše k njej: Tón swjaty Duch budže na tebe přińć, a ta móc teho najwyšeho budže će wobchłódkować; teho dla tež to swjate, kotrež so wot tebe budže narodzić, budže Boži Syn mjenowany. *Mat. 1, 18. 20. Dan. 9, 24.*

36. A hlaj, Hilža, twoja přećelnica, je tež samodruha ze synom na swoje stare dny a chodži nětk w šestym měsacu, wot kotrejež so řeči, zo njeplódna je. *Jez. 54, 6.*

37. Přetož pola Boha njeje žana wěc njemóžna. *1 Mójz. 18, 14. Hiob. 42, 2. Pz. 135, 5. Jer. 32, 17. 27. Sach. 8, 6.*

38. Marja pak džeše: Hlaj, ja sym Knjezowa džowka; mi so stań, kaž ty prajił sy. A tón jandžel woteńdže wot njeje.]

39. Marja pak postanu w tych dnjach a džeše spěšnje po horach k městu Judowemu. *Joz 21, 11*

40. A přińdže do doma Zachariasoweho a postrowi Hilžu.

41. A poda so, jako Hilža Marine postrowjenje słyšeše, poskoči to džěćatko we jejnym žiwoće. AHilža bu ze swjatym Duchom napjelnjena,

42. A zawoła z wulkim hłosom a džeše: Požohnowana sy ty bjez tymi žónskimi, a požohnowany je tón plód twojeho žiwota. *Scht. 28. Kn. sudn. 5, 24.*

43. A z wotkal mi to, zo ta mać mojeho Knjeza ke mni přińdže?

44. Přetož hlaj, jako ja tón hlós twojeho postrowjenja słyšach, poskoči to džěćatko z wjeselom w mojim žiwoće.

45. A zbóžna sy ty, kiž sy wěriła;

přetož wone budže dokonjane, štož ći prajene je wot teho Knjeza. *St. 11, 28.*

46. A Marja džeše: Moja duša pozběhuje teho Knjeza,

47. A mój duch so wjeseli w Bohu, mojim zbóžniku. *1 Sam. 2, 1: Hab. 3, 18.*

48. Přetož wón je na swoju hubjenu džowku pohladał. Hlaj, wot nětk budža mje za zbóžnu chwalić wšitke narody. *Ps. 113, 5. 6. 1 Mójz. 30, 13.*

49. Přetož wón je wulke wěcy na mni sćinił, kiž mócny je a kotrehož mjeno swjate je. *Ps. 126, 2. 3.*

50. A jeho smilnosť traje wot jeneho naroda k druhemu při tych, kotřiž so jeho boja. *2 Mójz. 20, 6. St. 34, 6. 7. Ps. 25, 6.*

51. Wón wopokazuje móc ze swojim ramjenjom a rozčěri tych, kotřiž hordži su w svojich wutrobných myslach. *Jez. 51, 9. St. 52, 10. 2 Sam. 22, 28. Ps. 89, 11. Obad. 3, 4. 1 Pětr. 5, 5.*

52. Wón storka mócnych ze stołow a pozběhuje ponižnych. *Ps. 147, 6. 1 Sam. 2, 7. 8. 2 Sam. 6, 21. 22.*

53. Hlódnych napjelni z kubłami, a bohatych wostaji próždnych. *Mat. 5, 3. 6. Jan. 10, 11. Eph. 1, 3.*

54. Wón wozmjje zaso swojeho služomnika Israela horje, zo by spominał na smilnosť; *Jez. 41, 8. 5 Mójz. 7, 7. 8. Jez. 30, 18.*

55. Kaž wón řečał je k našim wótcam, k Abrahamej a k jeho symjenju wěcnje. *1 Mójz. 17, 7. 19. St. 18, 18.*

56. Marja pak wosta při njej na tři měsacy; a potom wróci so wona zaso do swojeho doma.

57. A Hilžiny čas dóndže, zo porodzić měješe; a wona porodzi syna.

58. A jejni susodži a přeceljo slyšachu, zo tón Knjez wulku smilnosť běše nad njej sčinił, a zwjeselichu so z njeju.

59. A sta so, na wosmym dnju přińdžechu, zo bychu to džěcatko wobřezali; a narjeknychu jemu po nanowym mjenje Zacharias. *1 Mójz. 17, 12. 3 Mójz. 12, 3.*

60. A jeho mać wotmołwi a džeše: Nic tak, ale jemu dyrbja Jan rěkać. *Ps. 107, 9.*

61. Woni pak džachu k njej: Wšak nchtó w twojim přecelstwje njeje, kotremuž tak rěkaju.

62. A woni kiwachu jeho nana, kak by wón jemu chcył dać narjec.

63. A wón žadaše tafličku, napisa a džeše: Jan je jeho mjeno. A woni so wšitcy džiwachu.

64. A hnydom wotewri so jeho kt a jazyk, a rěčeše a chwaleše Boha.

65. A bojosć přińdže na wšitkich jich susodow. A wšitke te powěsće buchu roznjesene po wšěch židowskich horach.

66. A wšitcy, kiž to slyšachu, wzachu jo k wutrobje a džachu: Što měniš ty, zo z teho džěsća budže? A Knjezowa ruka běše z nim. *Ez 1. 3. St 3,22.*

Tekst na přenju njedželu adwentu. III.

67. [A jeho nan Zacharias bu ze swjatym Duchom napjelnjeny, wěšćeše a džeše: *2 Pětr. 1, 21.*

68. Chwaleny budž tón Knjez, tón Bóh Israelski, přetož wón je doma pytał a wumóhl swój lud; *Ps. 41, 14. Pz.72, 18. Mat. 1, 21.*

69. A je nam postajił roh teho zboža w domje swjehoho služomnika Dapita; *Ps. 132, 17.*

70. Kaž wón prajił je přez tón rt swjich swjatych profetow wot spočatka swěta, *Jez. 35, 4. Jer. 23, 6.*

71. So by nas wumóhl wot našich njepřecelow a z ruki wšitkich, kiž nas hidža; *Pz. 106, 10.*

72. So by smilnosť wopokazał našim wótzama spomnił na swój swjaty slub, *1 Mójz. 17, 7. 3 Mójz. 26, 42.*

73. Ana tupšisahu, kotruž wón je přisahał našemu wótcu Abrahamej, zo wón nam dać chce; *1 Mójz. 22, 16. Mich. 7, 20.*

74. So bychmy, wumoženi z ruki našich njepřecelow, jemu služili bjez bojosće swoje žiwe dny, *Gal. 1, 4. Tit. 2, 12. 14. Hebr. 9, 14.*

75. W swjatosći a prawdosći, kotraž jemu spodobna je. *Kol. 1, 22.*

76. A ty džěcatko budžeš profeta Boha wjeršneho mjenowany; přetož ty prjedy póńdžeš před Knjezom, zo by jeho puće přihotował, *Mat. 3, 3.*

77. A póznaće teho zboža dał jeho ludu we wodawanju jich hrěchow, *Jer. 31, 34.*

78. Přez tu wutrobnu smilnosť našeho Boha, z kotrejž k nam je pohladało to schadženje z wysokosće, *4 Mójz. 24, 17. Mal. 4, 2.*

79. So by swěćilo tym, kiž pó ómje a w scěnu teje smjerće sedža, a naše nohi

wjedl na ščežku teho měra.] *Jez. 9, 2.*

80. To džěcatko pak rosćeše a posylni so na duchu a běše w pusćinje hač na tón dzeń, hdyž wón před Israelski lud zjawnje stupić měješe.

2. staw

***Chrystusowy narod,
wobřezanje, přinjesenje
do templa a rozryčowanje.
Janowy narod a džěcatstwo***

Scénje na Boži dzeń a tekst III.

1. [W tym samym času pak so sta, zo prikaznja wot kejžora Augusta wuńdže, zo by wšitkón swět zapisany a čazowany byl.

2. A to zapisanje bě to najprěńše a so sta w tym času, jako žirenius z bohotom w Syriskej běše.

3. A wšitcy džěchu, zo bychu so dali čazować, kóždy do swójeho města.

4. Tuž zběhnu so tež Jozef z Galilejskeje, z města Nacareta, do židowskeho kraja, k městu Dawidowemu, kotremuž rěkaju Betlehem, teho dla, zo wón z doma a ze šlachty Dawidoweje běše; *Mat. 2, 6. Jan. 7, 42.*

5. So by so dał zapisać z Marju, swojej slubjenej mandželskeju, kotraž běše z čěžkim žiwotom.

6. A jako wonaj tam běštaj, dóńdže tón čas, zo wona porodźić dyrbyeše.

7. A wona porodźi swójeho přěńšeho syna a powi jeho do pjeluškow a položi

jeho do žloba; přetož woni njemějachu hewak žaneho ruma w tej hospodže. *Mat. 1, 25.*

8. A pastyrjo běchu w tym samym kraju na polu pola hórdow, či wachowachu w nocy swójeho stadla.

9. A hlaj, teho Knjeza jandžel přistupi k nim a jasnosť teho Knjeza wobswěći jich; a woni so jara wulcy bojachu.

10. A tón jandžel džeše k nim: Njebójće so; hlaj, ja připowědam wam wulke wjesele, kotrež wšemu ludu so dostać budže;

11. Přetož wam je so džensa tón zbóžnik narodził, kotryž je Chrystus tón Knjez w Da-witowym měsće.

12. A to mějće za znamjo, wy budžeće džěcatko namakać z pjeluškami powite a w žlobje ležo.

13. A hnydom bě tam pola teho jandžela ta syła njebieskeho wójska; či chwalachu Boha a džachu: *Dan. 7, 10.*

14. Česć budź Bohu w tej wysokosći, měr na zemi a čłowjekam dobre spodobanje. *Jez. 57, 19. Eph. 2, 14. 17.*

Scénje na druhi swjedžení hodow a tekst III.

15. [A sta so, jako či jandželjo wot nich do njebies běchu stupili, tuž džachu či pastyrjo bjez sobu: Pójmy dha nětk do Betlehema a wohladajmy tu wěc, kiž so stała je a tón Knjez nam k wědženju je sćinił. *2 Mójz. 3, 3.*

16. A woni přińdžechu chwatajcy a namakachu wobeju, Marju a Jo zepha, k temu tež to džěcatko w žlobje ležo.

17. Jako woni to same pak běchu widźili, roznjesechu woni to słowo, kotrež woni wot teho džěsća běchu slyšeli.

Scht. 10. 11.

18. A wšitcy, kiž to slyšachu, dźiwachu so tych wěcow, kotrež jim či pastyrjo běchu prajili.

19. Marja pak schowa wšitke te same słowa a rozpomni je w swojej wutrobje.

Scht. 51.

20. A či pastyrjo so zaso wróćichu, česćachu a chwalachu Boha za wšitko, štož běchu slyšeli a widźili, kaž tež k nim prajene běše.]

Sćenje na nowe lěto.

21. [A jako so wósom dnjow dopjel-nješe, zo by to džěco wobřezane było, bě jeho mjeno narjeknjene Jezus, kotrež mjenowane běše wot jandžela, prjedy dyžli wón so w maćernym žiwóće podjał bě.]

1 Mójz. 17, 15. Luk. 1, 31.

22. A jako so te dny jeju wučiscenja po tym zakonju Mójzasowym dopjelnichu, přinjeseštaj wonaj Jezusa do Jerusalema, zo byštaj jeho temu Knjezej prjódkstajila]

3 Mójz. 12, 2.

23. (Kaž pisane steji w zakonju teho Knjeza: Wšitko muske, štož so přěńše narodži, dyrbi temu Knjezej swjećene być);

2 Mój. 13, 2.

24. A zo byštaj dałaj tón wopor, jako prajene je w zakonju teho Knjeza, por tujawkow abo dweju młodeju hołbjow.

3 Mójz. 12, 8.

Tekst na třoch kralow. III.

25. [A hlaj, jedyn čłowjek běše we Jerusaleme, z mjenom Simeon; a tón samy čłowjek běše fromny a bohobojazny a čakaše na Israelski troš a swjaty Duch bě nad nim.

1 Mójz. 5, 29.

26. A jemu běše wotmołwjenje wot swjateho Ducha so dostało, zo njebudže smjerće widžeć, chiba zo by prjedy widźil Chrystusa teho Knjeza.

27. A wón přindže přez nawabjenje teho Ducha do templu. A jako taj staršej Jezusa, to džěcatko, do templu přinjeseštaj, zo byštaj za njo činiłaj po wašnju teho zakonja;

28. Wza tež wón jeho na swojej rucy a chwaleše Boha a džeše:

29. Něk pušćiš twójeho wotročka, Knježe, po twójim słowje, z měrom; *1 Mójz. 46, 30.*

30. Přetož mojej woči stej twójeho winika widžilej,

St 3, 6.

31. Zateho didotewat sy přede wšitkimi ludźimi,

Jez. 11, 10. St. 49, 6.

32. Swětlo k rozswěćenju tych po-hanow a k chwalbje twójeho Israelskeho luda.]

Jez. 42, 6. St. 49, 6.

Sćenje na njedźelu po nowym lěće.

33. [Jozef pak a jeho mać dźiwaštaj so teho, štož wot njeho rěčane bě.

34. A Simeon požohnowa jich a džeše k Marji, jeho maćeri: Hlaj, tón budže postajeny k padu a k horjestaću jich wjele we Israelu a k znamjenju, přeciwo

kotremuž so rěčeć budže, Jez. 8, 14. St. 28, 16. Mat. 21, 42. Rom. 9, 33.

35. (A budže so mječ přez twoju dušu drěć), zo bych wjele wutrobow pomyslenja zjawne byle.

36. A jena profečina běše, Hana, Phanuelowa dżowka, z Azarskeje šlachty, kiž bě habn wobstarna a bě w mandźelstwje ze swojim mužom byla sydom lět po swojim knježnistwje,

37. A bě z wudowu na wósom dezac a štyri lět; ta njeprjndže nihdy wot templa a služeše Bohu z posćenjom a z modlenjom w nocy a wodnjo.

38. Ta sama přistupi tež tam w tej samej štundže, chwaleše zjawnje teho Knjeza a rěčeše wot njeho k wšitkim, kiž we Jerusaleme na to wumoženje čakachu.

39. A jako wonaj wšitko dokonjałaj běštaj po zakonju teho Knjeza, wrócištaj so wonaj zaso do Galilejskeje k swojemu městu Nacaretu.

40. Ale to džěcatko rosćeše a bě mócne w Duchu, polne mudrosće; a Boža hnada běše nad nim.] *Scht: 52. St. 1, 80.*

Sćenje na přěnju njedže po třoch kralach.

41. [A jeho staršej pak chodžeštaj kóžde lěto do Jerusalema na jutrowny rěčny čas. *2 Mójz. 34, 23.*

42. A jako wón dwanaće lět stary bě, džěchu woni do Jerusalema horje po wašnju teho rěčneho časa.

43. A jako te dny dokonjane běchu a wonaj so dom wrócištaj, wosta to džěčo

Jezus we Jerusaleme, a Jozef a jeho mać to njewědžeštaj.

44. Wonaj sebi pak pomysliše taj, zo snadź je bjez towaršemi, a přjndžeštaj wo jeneho dnja puć a pytaštaj jeho bjez přěcelemi a znajomymi.

45. Jako pak jeho njenamakaštaj, wrócištaj so, jeho pytajcy k Jeruzalemu.

46. A sta so po třoch dnjach, namakaštaj jeho w templu sedžo srjedža bjez wučerjemi, zo wón jich poslučaše a jich woprašowaše.

47. A wšitcy, kiž na njeho posluwachu, džiwachu so jeho rozuma a jeho wotmołwenja. *Mat. 7, 28. Mark. 1, 22.*

48. A hdyž wonaj jeho wuhladaštaj, džywaštaj so njemóžnje. A jeho mać džeše k njemu: Mój syno, čoho dla sy ty namaj tak sćinił? Hlaj, twój nan a ja smój će z tyšnej bolosću pytałaj.

49. A wón džeše k nimaj: Što je, zo staj mje pytałaj? Njewěštaj wój, zo ja byćmam w tym, štož mojeho Wótca je?

50. A wonaj njezrozumjaštaj to słowo, kotrež wón k nimaj rěčeše.

51. A wón džeše z nimaj dele a přjndže do Nacareta a běše jimaj podany. A jeho mać schowa wšitke te słowa w swojej wutrobje. *1 Mójz. 37, 11.*

52. A Jezus přibjeraše na mudrosći a na lětach a na hnadže — pola Boha a čłowjekow.] *1 Sam. 2, 26.*

3. staw

***Janowe pokutne přédowanje
a swědčenje wo Chrystusu.
Chrystusowa křćeńca. Jozefowa šlachta.***

1. W pjatnatym léce pak teho kejžorstwa kejžora Tiberiusa, jako Pontius-Pilatus běše bohot w židowskej, a Herodas štyri-fěršta w Galilejskej, a Philipp, jeho bratr, štyri-fěršta we Jturejzkej a w Trachonitiskim kraju, a Lizanias štyri-fěršta we Abilenskej;

2. W času wyšeju měšnikow Han-nasa a Kajphasa: sta so přikaznja Boža k Janej, žachariasowemu synej, w pusćinje.

3. A wón přińdže do wšitkeho wokol-neho kraja wokoło Jordana a přédowaše křćenicu teje pokuty, k wodawanju hrěchow; *Mat. 3, 1. 2. Mark. 1, 4.*

4. Jako steji pisane w knihach tych ryčow Jezajasowych, teho profety, kiž rjeknje: Hlós předarja je w pusćinje; přihotujće puć teho Knjeza a činiće jeho šćežki rune. *Jez. 40, 3. Jan. 1, 23.*

5. Wšitke dolhy budža wupjelnjene, a wšitke hory a hórki budža ponižene; a štož křiwe je, budže prawe, a štož njerune budže hladke;

6. A wšitko čelo budže teho zbóžnika Božeho widžeć.

7. A wón džeše k temu ludu, kiž won džeše, zo by so wot njeho dał křćić: Wy ješćerjowy štrycho, što je wam pokazał, zo byšće čekli před tym přichodnym hněwom? *Mat. 3, 7.*

8. Hlajće, činiće dostojne plody teje pokuty; a njerjekniće při sebi: My mamy Abrahama za nana. Přetož ja wam praju: Bóh móže temu Abrahamej z tutech kamjenjow džěci zbudzić.

9. Ta sekera je pak nětk hižom k korjenju teho drjewja přiložena; kotrež drzewo teho dla dobrych plodow njeprinjese, budže porubane a do wohenja čisnjene.

10. A lud jeho woprašaja a džeše: Što dha mamy činić?

11. Wón wotmołwi a džeše k nim: Štóz ma dvě sukni, tón daj temu, kiž žaneje nima; a štóz jědž ma, čin tež tak.

1 Jan. 3, 17.

12. Woni pak tež přińdžechu slonicy, zo bychy so dali křćić, a džachu k njemu: Mištrje, što mamy my činić?

13. Wón pak džeše k nim: Njebjerće wjazy, dyžli wam jepoztajene.

14., Tehdy woprašachu jeho tež wójacy a džachu: Štoha mamy my činić? A wón džeše k nim: Nječiniće nikomu křiwdu ani njeprawdu a dajće sebi dosć być na wašej mzdze. *3 Mójz. 19, 13.*

Tekst na 3. njedželu ad-wenta. III.

15. [Jako so pak tón lud nadžiješe, a wšitcy w svojich wutrobach sebi myslachu wot Jana, hač wón snadź Chrystus njeje,

16. Wotmołwi Jan a džeše k wšitkim: Ja wšak křću was z wodu; wón pak sylniši za mnu dže, kotrehož njejsym hódny, zo bych ja te rjemjenje jeho črijow rozwjazał; tón samy budže was

ze swjatym Duchom a z wohenjom křící;
Mat. 3, 11. Mark. 1, 8. Jan. 1, 26. Jap. zk. 1, 5. St. 2, 2. St. 11, 16.

17. W kotrehož rucy je tón wějeřny łopač, a wón budže swoje huno wučisćić; a budže pšeńcu do swojeje bróznje zhromadzić a te pluwy z wěčnym wohenjom spalić.]

18. A wjele druheho wjazy napominaše a připowědaše wón temu ludu.

19. Herodas pak, tón štyrifěršta, jako wón wot njeho bě štrafowany, teje Herodiady, swojeho bratra mandželskeje, a wšech tych złych wěcow dla, kiž Herodas činješe, *Mat. 14, 3. Mark. 6, 17.*

20. Položi wón wyše teho wšitkeho tež Jana do jastwa.

21. A sta so, jako so wšitkón. lud da křić a Jezus tež křćený bě a k Bohu so modleše, zo so njebjesa wotewrichu; *Mat. 3, 16. Mark. 1, 10. Jan. 1, 32.*

22. A tón swjaty Duch stupi dele w čelnym štalce na njeho jako hoľb, a hlós přińdže z njebjes, kiž džeše: Ty sy mój luby Syn; na tebi mam ja dobre spodobanje. *St. 9, 35.*

23. Wón pak, Jezus, spočawši swój hamt, džeše do třiceteho lěta a bě dźeržany za syna Jozefoweho, kotryž běše syn Eliowy,

24. Tón běše syn Matthatowy, tón běše syn Lewiowy, tón běše syn Melchiowy, tón běše syn Janowy, tón běše syn Jozefowy,

25. Tón běše syn Mattathiasowy, tón běše syn Amosowuy, tón běše syn Nahumowy, tón běše syn Esliowy, tón běše

syn Nangiowy,

26. Tón běše syn Maathowy, tón běše syn Mattathiasowy, tón běše syn Semeowuy, tón běše syn Jozefowy, tón běše syn Judowy,

27. Tón běše syn Johanowy, tón běše syn Reziowy, tón běše syn Zorobabelowy, tón běše syn Salathielowy, tón běše syn Neriowy,

28. Tón běše syn Melchiowy, tón běše syn Addiowy, tón běše syn Kozamowuy, tón běše syn Elmadamowy, tón běše syn Herowy,

29. Tón běše syn Jozeowy, tón běše syn Eliezerowy, tón běše syn Jorimowy, tón běše syn Matthatowy, tón běše syn Lewiowy,

30. Tón běše syn Simeonowy, tón běše syn Judowy, tón běše syn Jozefowy, tón běše syn Jonanowy, tón běše syn Eliakimowy,

31. Tón běše syn Meleowy, tón běše syn Mainanowuy, tón běše syn Matthatowy, tón běše syn Natanowy, tón běše syn Dapitowy,

32. Tón běše syn Jesowy, tón běše syn Obedowy, tón běše syn Boasowy, tón běše syn Salmonowy, tón běše syn Nahasowy,

33. Tón běše syn Aminadabowy, tón běše syn Aramowy, tón běše syn Ezromowy, tón běše syn Pharesowy, tón běše syn Judowy,

34. Tón běše syn Jakubowy, tón běše syn Izaakowy, tón běše syn Abrahamowy, tón běše syn Tharaowy, tón běše syn Nachorowy,

35. Tón běše syn Saruchowy, tón běše syn Ragahowuy, tón běše syn

Phalekowy, tón běše syn Eberowy, tón běše syn Salaowy,

36. Tón běše syn Kainanowy, tón běše syn Arfachzadowy, tón běše syn Semowuy, tón běše syn Noachowy, tón běše syn Lamechowy,

37. Tón běše syn Mathuzalahowy, tón běše syn Enochowy, tón běše syn Jaredowy, tón běše syn Maleleelowy, tón běše syn Kainanowy,

38. Tón běše syn Enozowy, tón běše syn Sethowy, tón běše syn Hadamowy, tón běše Boži.

1 Mójz. 5, 3.

4. staw

Chrystus bu spytowany, přěduje a čini dźiwy.

1. Jezus pak, poľny swjateho Ducha, přińdže zaso wot Jordana a bu wot Ducha do teje pusciny wjedzeny, Mat. 4, 1. Mark. 1, 12.

2. A bu štyrcyći dnjow dolho wot djabola spytany. A njejědźiše ničo w tych samych dnjach; a jako te same běchu skonjane, běše wón potom hlódny. 2 Mójz. 34, 28.

3. Tón djabol pak džeše k njemu: Syli Boži Syn, dha rjekń k tutemu kamjenjej, zo by chłěb był.

4. A Jezus wotmołwi a džeše k njemu: Pisane steji: Čłowjek njeje žiwy wot chłěba sameho, ale wot kóždého słowa Božeho. 5 Mójz. 8, 3.

5. A tón djabol wjedžeše jeho na wysoku horu a pokaza jemu wšitke

kralestwa teho cyłego swěta we wokomiknjenju.

6. A tón djabol džeše k njemu: Tu móc chcu ja tebi wšitku dać a jich krasnosć, přetož wona je mi podata a ja dam ju, komuž chcu;

7. A budžeš-li so přede mnu modlić, budže wšitko twoje.

8. Jezus pak wotmołwi jemu a džeše: Dži přeč wote mnje, zatanaso; přetož pisane steji: Ty dyrbiš so k Bohu, swojemu Knjezeji, modlić a jemu samemu služić. 5 Mójz. 6, 13. St. 10, 12. 20.

9. Tuž wjedžeše wón jeho do Jerusalema a postaji jeho na templa wjerch a džeše k njemu: Syli Boži Syn, pušć so wot tudy dele;

10. Přetož pisane steji: Wón budže svojim jandželam twoje dla přikazać, zo bychy će zwarnowali, Ps. 91, 11.

11. A na rukomaj će njesli, zo by swoju nohu wo kamjeń nihdže njestorčil.

12. Jezus pak wotmołwi a džeše k njemu: Prajene je: Ty njedyrbiš Boha, swojeho Knjeza, spytować. 5 Mójz. 6, 16.

13. A jako tón djabol wšitko spytowanje běše dokonjał, woteńdže wón wot njeho na chwilu.

14. A Jezus wróci so zaso w Ducha mocy do Galilejskeje. A ta ryč wuńdže wot njeho po wšem tym wokolnym kraju. Mat. 4, 12.

15. A wón wučese we jich šulach a bě čezćeny wot wšitkich.

Tekst na 4. njedźelu po třoch kralach. III.

16. [A wón přińdže do Nacareta, hdžež běše horjećechnjeny, a džeše do šule po swojim wašnju na sabatny džen a postanu, zo by lazował. *Mat. 13, 53. 54. Mark. 6, 1.2. Neh. 8, 5.*

17. A teho profety Jezajasa knihi buchu jemu date. A jako wón te knihi wotewri, namaka wón to město, hdžež běše pisane:

18. Duch teho Knjeza je při mni, teho dla, zo wón mje je žalbowal; a je mje posłał, zo bych připowědał chudym to ewangelion; zo bych zahojil rozmječene wutroby; zo bych předował jatym, zo dyrbja pušćeni być, a slepym to zasowidženje, a rozbitym, zo dyrbja k frejoće wupušćeni być; *Jez. 61, 1.*

19. So bych předował to spodobne lěto teho Knjeza. *3 Mójz. 25, 10.*

20. A jako wón te knihi běše začinił, poda wón je temu služomnikej a synu so. A wšitkich jich woči w tej šuli běchu na njeho wobroćene.

21. Wón pak poča k nim prajić: Džens je tuto pismo dopjelnjene před wašimaj wušomaj.

22. A woni dawachu wšitcy swědčenje wot njeho a džiwachu so tym luboznym słowam, kotrež z jeho erta džěchu, a džachu: Njeje tutón Jozefowy syn? *Mat. 13, 55. Mark. 6, 3. Jan. 6, 42.*

23. A wón džeše k nim: Wy budžeće zawěrnje to přisłowo ke mni prajić: Lěkarjo, wuztroró so sam. Přetož kajke wulke wěcy smy my slyšeli, zo su so w Kapernaumje stałe? Čin tež tak tudy

w swojim wótnym kraju.

24. Wón pak džeše: Zawěrnje, ja praju wam, žadyn profeta njeje spodobny w swojim wótnym kraju. *Mat. 13, 57. Mark. 6, 4. Jan. 4, 44.*

25. Ale we wěrnosći praju ja wam: Wjele běše wudowow we Israelu we Eliasowym času, jako njebjesa běchu zanknjene za tři lěta a za šěsć mėsacow, jako wulka drohota běše po wšej zemi; *1 Kral. 17, 1.9. St. 18, 42. Jak. 5, 17.*

26. A wšak k žanej tych samych njebě Elias posłany, chiba do Sarepty Sidonskeje, k jenej wudowje.

27. A wjele wusadnych běše we Israelu za profeta Elizy; a wšak žadyn njebě wučisćeny, chiba jeno Naaman, tón Syriski. *2 Kral. 5, 14.*

28. A woni buchu wšitcy napjelnjeni z hněwom w tej šuli, jako to slyšachu;

29. A postanywši wustorčichu jeho z teho města won a wjedžechu jeho hač na wjerch teje hory, na kotrež jich město běše natwarjene, zo bychu jeho dele storčili;

30. Ale wón džěše srjedža přez nich přeč.] *Jan. 8, 59.*

31. A přińdže do Kapernauma, do města Galilejskeje, a wučese jich te swjate dny. *Mat. 4, 13. Mark. 1, 21.*

32. A woni džiwachu so jeho wučby; přetož jeho ryč běše mócna. *Mat. 7, 28. 29. Mark. 1, 22. Jan. 7, 46.*

33. Jedyn čłowjek pak běše w šuli, tón běše wobsynjeny z nječistym duchom. A tón z wulkim hłosom zawoła,

34. A džeše: O, što je nam z tobu, Jezuso Nacarenski? Ty sy přišoł nas

skazyć; ja će znaju, štó ty sy, tón swjaty Boží.

Mark. 1, 24. Luk. 1,

35.

35. A Jezus jemu pohrozy a džeše: Woněrm a wuńdź wot njeho! A tón čert powali jeho srjedža bjez nich a wuńdže z njeho a njewobškodži jeho.

36. A strach přińdže na wšitkich, a ryčachu bjez sobu a džachu: Kajka je to wěc? Wón přikazuje z mozu a ze zamóženjom nječistym ducham, a woni wukhadžeju.

37. A wot njeho rozeńdže so ryč po wšěch městach teho wokolneho kraja.

38. Wón pak postanu z teje šule a přińdže do Šimanoweho doma. Šimanowa přichodna mać pak běše z twjerdej zymnu wobdata, a woni prošachu jeho za nju. *Mat. 8, 14. Mark. 1, 29.*

39. A wón steješe jej k hłowje a pohrozy zymnej, a wona ju wopuści. A hnydom staže wona a słužeše jim.

40. A jako slónco běše zašlo, wšitcy, kiž chorych mějachu na wšelke chorosće, přinjesechu jich k njemu. A wón na jeneho kóždého tych samych rucy položi a wustrowi jich. *Mat. 8, 16. Mark. 1, 32.*

41. Či čerčí wustupichu tež wot jich wjele, wołachu a džachu: Ty sy Chrystus, tón Syn Boží. A wón pohrozy jim a njewotpuści jim rěčeć; přetož woni wědzachu, zo wón je Chrystus.

42. Jako nětk pak džen bu, wuńdže wón won na puste město; a lud jeho pytaše a přińdžechu k njemu a zdžeržachu jeho, zo by wot nich nješo.

43. Wón džeše pak k nim: Ja mam tež druhim městam to ewangelion přédować

wot teho kralestwa Božeho; přetož k temu sym ja póslany.

Mark. 1, 38.

44. A wón přédowaše w šulach Galilejskeje.

5. staw

Pětra ryby łowjenje; wo wusadnym a jichtnym; Mattheja powołanje a wučomnikow požćenje.

Sćenje na 5. njedźelu po swj. Trojicy.

1. Sta so pak, jako so lud k njemu čišćeše, posłuchać Bože słowo, zo wón steješe pódla Genezarethzkeho jězora, *Mat. 4, 18. Mark. 1, 16.*

2. A wuhlada dwě łódži na jězorje stejo; rybakojo pak běchu z njeju wustupili a płokachu swoje syće;

3. Dha stupi wón do jedneje wot teju łódžow, kotraž Šimanowa běše, a prošeše jeho, zo by ju trochu wot brjoha hnuł. A wón sedžo wučese lud z teje łódže.

4. A hdyž wón běše přestał rěčeć, džeše wón k Šimanej: Wjes so na hłubinu a přestrějće swoje syće k łowjenju.

5. A Šiman wotmołwi a džeše k njemu: Mištrje, my smy so cyličku nóc prócowali a njejsmy ničo nałowili; ale na twoje słowo chcu ja syć přestrěć.

6. A jako to sčinichu, wobzanknychu woni wulku syłu rybow, a jich syć so torhaše.

7. A woni kiwachu swoich towaršow, kotřiž w druhej lódži běchu, zo bychu přišli a jim pomhali ćahnyć. A woni přińdžechu a napjelnichu wobě lódži, tak zo so ponurještej.

8. Jako to Šiman Pětr widžeše, padže wón k Jezusowymaj kolenomaj a džeše: Knježe, dži wote mnje won, přetož ja sym hrěšny čłowjek.

9. Přetož bojosć běše jeho wobdała a wšitkich, kiž z nim běchu, na tym ryby łowjenju, kotrež běchu hromadže warbowali;

10. Teho runja tež Jakuba a Jana, Zebedeowaju synow, kiž běštaj Šimanowaj towaršej. A Jezus džeše k Šimanej: Njebój so; přetož wot nětk budžeš ty ludźi łowić.

11. A woni wjedžechu tej lódži k brjohej a wopuščichu wšitko a džechu za nim.)

12. A sta so, jako wón w jenym měsće běše, a hlaj, tam běše muž poľny wusada. Jako tón Jezusa wuhlada, padže wón na swoje wobličo a prošeše jeho a džeše: Knježe, chzešli, dha móžeš ty mje wučisćić. *Mat. 8, 2. Mark. 1, 40.*

13. A wón přestrě tu ruku a dótkny so jeho a džeše: Ja chcu, budź čisty. A hnydom woteńdže tón wusad wot njeho.

14. A wón poruči jemu, zo by to same nikomu njeprajil; ale woteńdž a pokaž so měšnikej a wopruj za swoje wučiscenje, jako Mójzas je přikazał, jim k swědčenju. *3 Mójz. 14, 2.*

15. Ta ryč wot njeho so pak přeco bóle rozeńdže; a wjele ludźi so zhromadźi, zo bychu jeho slyšeli a přez njeho wustrowjeni byli wot swoich choroscow.

16. Wón pak wustupi do pusćinow a modleše so k Bohu. *Mark. 1, 35.*

17. A sta so na jedyn dzeń, zo wón wučese, a sedžichu tam Farizejscy a pismawučeni, kotřiž běchu so zešli ze wšitkich městow Galilejskeje a Židowskeje a wot Jerusalema. A móc teho Knjeza džese wot njeho a wustrowi jich.

18. A hlaj, někotři mužoj přinjesechu čłowjeka na poslešču, kotryž běše jichtny; a woni pytachu, kak bychu jeho nutř přinjesli a před njeho položili. *Mat. 9, 2. Mark. 2, 3. Jap. zk. 9, 33.*

19. Jako pak luda dla njenamakachu, na kotrym měsće jeho bychu nutř přinjesli, stupichu woni na chěžu horje a puščichu jeho přez cyhele dele z tym posleščom, srjedža bjez nich, před Jezusa.

20. A jako wón jich wěru widžeše, džeše wón k njemu: Čłowječe, twoje hrěchi su tebi wodate. *Jer. 5, 3. Luk. 7, 48*

21. A pismawučeni a Farizejscy počachu sebi pomyslić a džachu: Štó je tutón, zo wón Bože hanjenje řeči? Štó móže hrěchi wodać, chiba sam Bóh? *Mat. 9, 3. Jez. 43, 25.*

22. Jako pak Jezus jich mysle pytny, wotmoľwi wón a džeše k nim: Što wy sebi mysliće we wašich wutrobach? 283. Kotre je lóže, rjeknyć: Twoje hrěchi su tebi wodate? Abo rjeknyć: Postań a chodź? *Mat. 9, 5.*

24. Ale zo byšće wědzeli, zo čłowjeka syn móc ma, na zemi hrěchi wodać, džese wón k jichtnemu: Ja praju tebi,

stań a wzmi swoje poslešćo a dži do swojeho doma.

25. A hnydom wón stanu před jich wočomaj a wza to poslešćo, na kotrymž wón běše ležał, a džeše do swojeho doma a chwaleše Boha.

26. A woni so wšitcy nastróžichu a chwalachu Boha a buchu poňni bojosoće a džachu: My smy džens dziwne wěcy widžili.

27. A potom wón wuńdže a wuhlada złonika, z mjenom Lewi, při zli sedžo, a džeše k njemu: Pój za mnu. *Mat. 9, 9. Mark. 2, 14.*

28. A wón wopuści wšitko, stanu a džeše za nim.

29. A tón Lewi přihotowa jemu wulku hosćinu w swojim domje, a wjele słonikow a druhich ludźi sydachu so z nim k blidu. *Mat. 9, 10.*

30. A pismawučeni a Farizejscy mórčachu přećiwo jim a džachu k jeho wučomnikom: Čoho dla jěšće a pijeće wy z złotnikami a z hrěšnikami? *St. 7, 39.*

31. A Jezus wotmołwi a džeše k nim: Čerstwi njepotrjebaju lěkarja, ale chori.

32. Ja sym přišoł, zo bych. hrěšnikow k pokuće wołał, a nic prawych. *Mat. 9, 13.*

33. Woni pak džachu k njemu: Čoho dla počća so Janowi wučomnicy tak často a činja modlitwu k Bohu tak husto, teho runja tež Farizejskich wučomnicy; twoji pat jědža a pija? *Mat. 9, 14, Mank. 2, 18.*

34. Wón pak džeše k nim: Móžeće wy tež kwasarjow k požćenju honić, tak dołho hač nawoženja při nich je?

35. Čas pak přińć budže, zo tón nawoženja wot nich wzaty budže; tehdy w tych dnjach budža so woni posćić.

36. Wón pak tež džeše k nim přiřunanje: So niktó zapłatu wot nowoje drasty njepřišije k starej drasće; hewak tež to nowe so rostorha; a zapłata wot noweho so njehodži na stare. *Mat. o, 16. Mark. 2, 21.*

37. A niktó njepjelni mošt do starych sudobjow; tón mošt rostorha hewak to sudobje a budže rozlaty, a to sudobje so skazy;

38. Ale mošt ma so do nowych sudobjow pjelnić, a tak budže wobojе zachowane.

39. A njeje niktó, hdyž pije stare, zo by chcył na měsće noweho; přetož wón rjeknje: Stare je lěpše.

6. staw

Wo wutorhanych kłosach, wuschnjenej rucy, japoštołow powołanju a Chrystusowym přědowanju na polu.

Sćenje na 5. njedźelu po swj. Trojicy.

1. Sta so pak na druhi sabat, zo wón přez žita džeše; a jeho wučomnicy torhachu kłosy a jědžichu te same, lupawši je sebi z rukomaj. *Mat. 12, 1. Mark. 2, 23.*

2. Někotři pak wot tych Farizejskich džachu k nim: Čoho dla činiće wy, štož

so njehodži činić na te swjate dny?

3. A Jezus wotmołwi a džeše k nim: Njejsće wy to lazowali, štož Dawid činješe, jako wón hlódny běše, a či, kotřiž z nim běchu?

4. Kak wón do teho doma Božeho džeše a te chléby teho prjódkkládženja wza a jědžiše a dawaše tež tym, kotřiž při nim běchu; kotrež wšak nchtó jěsć njesmědžeše, chiba sami či měšnicy? *1 Sam. 21, 6. 2 Mójz. 29, 33. 3 Mójz. 24, 9.*

5. A džeše k nim: Čłowjeka syn je tež knjěz teho sabata. *Mat. 12, 8.*

6. Sta so pak na druhi sabat, zo wón do šule džeše a wučese. A tam běše čłowjek, kotrehož prawa ruka běše wuschnyla. *Mat. 12, 9. Mark. 3, 1.*

7. Ale pismawučeni a Farizejscy kedźbowachu na njeho, hač by wón tež na sabat hojił, zo bychu winu měli jeho wobskorzić.

8. Wón pak pytny jich mysle a džeše k temu čłowjekej z tej suchej ruku: Stawaj a stup hew srjedža. A wón stanu a stupi tam.

9. Tuž džeše Jezus k nim: Ja prašam was, što słuša so činić na te sabaty, dobre abo złe? Žiwjenje zdžeržeć abo skazyć?

10. A wón pohlada na wšitkich wokoło a džeše k temu čłowjekej: Přestrěj swoju ruku. A wón činješe tak. A jeho rucy bu zaso pomhane, zo strowa bu jako ta druha.

11. Woni pak wšitcy buchu tórni a zrěčachu so hromadže, što bychu Jezusej činili.

12. Poda so pak w tym času, zo wón so k Bohu modlić na horu woteńdže; a

wón tam wosta přez nóc na modlitwje k Bohu.

13. A hdyž džen bu, zawoła wón svojich wučomnikow k sebi a wuzwoli wot nich dwanaće, kotrychž wón tež japoštołow mjenowaše: *Mat. 10, 1. Mark. 3, 13. 14.*

14. Šimana, kotremuž wón tež to mjeno Pětr da; a Handrija, jeho bratra; Jakuba a Jana, Philippa a Bartromja;

15. Mattheja a Thomaša; Jakuba, Alfeoweho syna, a Šimana, kotryž bu mjenowany surownik.

16. Judaša, Jakuboweho syna; a Judaša Jšariotha, kotryž pak jeho přeradnik bu.

17. A wón džeše dele z nimi a zasta na polu, tež ta syła jeho wučomnikow a wulka zhromadźizna ludži ze wšeho židowskeho kraja a z Jerusalema a z Tira a ze Sidona, z po mórskich městow,

18. Kotřiž běchu přišli, zo bychu jeho slyšeli a zahojeni byli wot svojich choroscow; a kotřiž wot nječistych duchow běchu čwilowani, či sami buchu wšitcy wustrowjeni.

19. A wšitkón lud žadaše so jeho dótknyć; přetož móc džeše wot njeho, a wón zahoji wšitkich.

20. Wón pak pozběhnu swojej woči na svojich wučomnikow a džeše: Zbóžni sće wy chudži; přetož to kralestwo Bože je waše. *Mat. 5, 3.*

21. Zbóžni sće wy, kiž wy tudy hlódziće; přetož wy budžeće nasyceni. Zbóžni sće wy, kiž wy tudy plakaće; přetož wy budžeće so smjeć. *Zjew. 7, 16. Ps. 126, 5. 6. Jez. 61, 3.*

22. Zbóžni sće wy, hdyž was ludžo

hidža a hdyž was wustorkaju a swarja was a začisnu waše mjen jako zle, čłowjekoweho syna dla.

23. Wjeselće so tehdy a poskočće; přetož hlajće, waša mzda je wulka w njebjesach. Přetož teho runja činjachu jich wótcojo tež profetam.

24. Ale běda wam bohatym; přetož wy maće swój trošt přeč. *Am. 6, 1.*

25. Běda wam, kiž wy nasyćeni sće; přetož wy budžeće hlódni. Běda wam, kiž wy so tudy smějeće; přetož wy budžeće plakać a skiwlić. *Jez. 10, 16. St. 65, 13. 14.*

26. Běda wam, hdyž wšitcy wot was derje ryča; teho runja činjachu jich wótcojo tež falšnym profetam.

27. Ale wam ja praju, kiž wy posлуhaće: Lubujće swojich njeprěcelow. Činće tym derje, kotřiž was hidža. *Mat. 5, 44.*

28. Žohnujće tych, kiž was pokleja. A prošće za tych, kiž wam njeprawje činja.

29. A štóž će dyri na lico, nastaj jemu tež to druhe. A štóž tebi mantl wozmj, temu ty tež tu suknju njewobara.

30. Štóž će pak prosy, temu daj; a štóž tebi to twoje wozmj, nježadaj jo zaso.

31. A kaž wy chceće, zo bych wam ludžo činili, tak wy tež jim činće. *Tob. 4, 16. Mat. 7, 12.*

32. Přetož hdyž tych lubujeće, kiž was lubuja, kajki maće wy z teho džak? Přetož hrěšnicy lubuja tež tych, wot kotrychž woni budža lubowani. *Mat. 5, 46.*

33. A hdyž budžeće derje činić jeno tym, kiž wam derje činja, kajki džak wy

z teho maće? Přetož hrěšnicy to same tež činja.

34. A budžeće-li jeno tym požčować, wot kotrychž so nadžijeće zaso brać, kajki maće wy džak z teho? Přetož hrěšnicy hrěšnikam tež tak požčuja, zo bych woni teho runja zaso brali. *5*

Móž. 15, 8. Mat. 5, 42.

35. Tuž wšak lubujće tež wašich njeprěcelow; a činće dobre a požčujće tak, zo ničo za to so njenadžijeće: dha budže waša mzda wulka a budžeće džěci teho najwyšeho; přetož wón tež je dobroćiwý nad nježakomnymi a złymi. *Ps. 37, 26.*

Sćenje na 4. njedželu po swj. Trojicy.

36. [Teho dla budžće smilni, jako tež waš Wóćez smilny je.

37. Njesudžće, dha tež wy njebudžeće sudženi. Njezatamajće, dha tež wy njebudžeće zatamani. Wodajće, dha wam budže wodate. *Rom. 2, 1.*

38. Dawajće, dha wam budže date. Dobra, natłóćena, natšasena a kopata měra budže wam do wašeho klina data; přetož runje z tej měru, z kotrejž wy měriće, budže wam zaso mēřjene. *Mat. 7, 2. Mark. 4, 24.*

39. Wón pak praješe jim jene přirunanje: Móže tež slepy slepemu puć pokazać? Njebudžetaj wonaj wobaj do jamy padnyć? *Mat. 15, 14.*

40. Wućomnik njeje přez swjeho mištra; hdyž wućomnik je jako jeho mištr, dha je wón došoľ. *Mat. 10, 24. Jan. 13, 16. St. 15, 20.*

41. Što pak widziš třesku w swojeho bratra woku, a hrjady ty w swojim woku njepytnejš? *Mat. 7, 3.*

42. Abo kak móžeš rjeknyć k swojemu bratřej: Bratře, njech tebi tu třesku z twojeho woka wučahnu; a ty sam njewidziš teje hrjady w swojim woku? Ty hejchlerjo, wučehn prjedy tu hrjadu ze swojeho woka a dohladaš so potom, zo by tu třesku ze swojeho bratra woka wučahnył.)

43. Přetož tón dobry štom njeje, kiž zhnily plód přinjese; a žadyn zhnily štom njeje, kiž by dobry plód přijnjesl. *Mat. 7, 17. St. 12, 33.*

44. Přetož kóždy dobry štom budže po swojim plodže póznaty. Přetož wot černjow nješčipaju figi, ani z hlownonza winowe kiće.

45. Dobry čłowjek přinjese dobre z dobrego šaza swojeje wutroby; a zły čłowjek přinjese zle z teho zleho šaza swojeje wutroby. Přetož čohož wutroba poňa je, to přez rt wuńdže. *Mat. 12, 35.*

46. Što wy mi pak rěkaće Knjez Knjez, a nječiniće, štož ja wam praju? *Mat. 7, 21.*

47. Štóz ke mni přińdže a slyši moje ryče a čini te same, ja chcu wam teho zjewić, komu wón je podobny. *Rom. 2, 13. Jak. 1, 22.*

48. Wón je podobny tajkemu čłowjekej, kiž chěžu twarješe, kopaše a hluboko ryješe, a založi grunt na skału. Jako so pak powodjenje sta, wobroći so ta rěka na tu samu chěžu, ale njemóžeše ju hnuć; přetož wona běše na skału založena.

49. Štóz pak slyši a nječini te same,

tón je podobny na tajkeho čłowjeka, kotryž swój dom staji na zemju bjez grunta; a ta rěka na njón biješe, a wón hnydom padže, a sta so na tym domje wulki torh.

7. staw

Wo hejtmanowym wotročku; młodźencu w Nainje; Janu a jeho wučomnikach; wulkej hrěšnicy.

1. Jako wón pak před tym ludom běše wurěčał, džeše wón do Kapernauma.

2. A jeneho hejtmana služomnik, kotrehož wón sebi wysocy wažeše, ležeše smjertnje chory. *Mat. 8, 5.*

3. Jako tón pak wot Jezusa slyšeše, pósła wón k njemu tych. Židow starších a da jeho prosyć, zo by přišoł a jeho služomnika wustrowił.

4. Jako woni pak k Jezusej přińdžechu, prošachu jeho swěru a džachu: Wón je hódny, zo by ty jemu to sčinił;

5. Přetož wón lubuje naš lud a je nam šulu natwaril.

6. Jezus teho dla džeše z nimi tam. A jako wón nětk njedaloko wot chěže běše, pósła tón hejtman k njemu přecelow a da jemu prajić: Knježe, njeprócuj so, přetož ja hódny njejsym, zo by ty pod moju třechu šoł; *Mat. 8, 8.*

7. A teho dla ja tež so sameho za hódneho njejsym dzeržał, zo bych k tebi přišoł. Ale rjekn jeno slovo, dha budže mój služomnik wustrowjeny.

8. Přetož tež ja sym čłowjek, wyšnosći podaty, a mam wojakow pod sobu; a rjeknu k jenemu: Dži tam, a wón dže tam; a k druhemu: Přińdź sem, a wón přińdže; a k mojemu služomnikej: Čiń ty to, a wón čini.

9. Jako pak Jezus to słyšeše, džiwaše wón so jemu a wobroći so k ludu, kotryž za nim džeše, a džeše: Ja praju wam: Tajku wěru njejsym ja we Israelu namakał.

10. A jako zaso dom přińdžechu, kotřiž běchu póslani, namakachu woni teho choreho wotročka čerstweho.

Sćenje na 16. njedźelu po swj. Trojicy.

11. A nazajtra so sta, zo wón do města z mjenom Nain džeše; a jeho póslow džeše wjele z nim a wjele luda.

12. Jako wón pak blisko k měščanskim wrotam přińdže, hlaj, tam njesechu morweho won, kiž běše jedyn jenički syn swojeje maćerje, a wona běše z wudowu; a wjele luda z města džeše z njeju.

1 Kral. 17, 17.

13. A jako ju tón Knjez wuhlada, bě jemu teje sameje žel a džeše k njej: Njeplač!

Mat. 9, 36. Jer. 31, 16.

14. A přistupiwszy dótknu so teho kašća; či nošerjo pak zastachu. A wón džeše: Młodźenco, ja praju či, stań horje!

Mark. 5, 41.

15. A tón morwy zebra so horje a poča rěčeć. A wón da jeho jeho maćeri.

2 Kral. 4, 36.

16. Bojosć pak jich wšitkich zapopadže, a chwalachu Boha a džachu:

Wulki profeta je bjez nami postanył, a Bóh je k swojemu ludu pohladał.

17. A ta ryč wot njeho wuńdže po cyłym židowskim a po wšěm wokolnym kraju.

18. A to wšitko zjewichu Janej jeho wučomnicy. Tuž zawoła Jan swojeju wučomnikow dweju,

Mat. 11, 2.

19. Pósla jeju k Jezusej a da jemu powjedzić: Sy ty tón samy, kotryž ma přińć, abo dyrbimy druhého čakać?

20. Jako teho dla taj mužej k njemu přińdžeštaj, džeštaj wonaj: Jan, tón křćenik, je naju k tebi pósłał a da tebi powjedzić: Sy ty, kotryž přińć ma, abo dyrbimy druhého čakać?

21. W tej samej štundže zahoji wón pak jich wjele wot choroscow a čwilow a zlych duchow, a wjele slepym da wón z hnadu, zo widźichu.

22. A Jezus wotmołwi a džeše k nimaj: Džitaj a powjeztaj Janej, štož wój staj widžila a słyšala: Sslepi widža, chromi chodža, wusadni budža čisći, hłuši słyša, morwi budža zbudženi a chudym budže to ewangelion přédowane;

Jez. 35, 5. Mat. 11, 5.

23. A zbóžny je, kiž so na mni nje-pohórši.

Mat. 11,

6.

24. Hdyž pak taj pósłaj Janowaj běštaj wotešaj, poča wón k ludu wot Jana rěčeć: Što sće wy do teje pusćiny wušli hladać? Chcyšće sćinu widžeć, kotruž wětr tam a sem chabła?

25. Abo što sće wy wušli hladać: Chcyšće čłowjeka w mjehkich drastach widžeć? Hlajće, kiž w krasnych drastach a w lóštach žiwi su, či su w kralowskich

hrodach.

26. Abo što sće wy wušli hladać? Chcyšće profeta widzieć? Haj, ja praju wam, kotryž wjazy je, dyžli profeta.

27. Wón je tón samy, wot kotrehož steji pisane: Hlaj, ja pósćelu mojeho jandžela prjedy twojeho wobliča, kotryž přihotować ma twój puć prjedy tebjě. *Mal. 3, 1. Mat. 11, 10.*

28. Přetož ja praju wam, zo bjez tymi, kiž so wot žónskich su narodžili, njeje žadyn wjetši profeta, dyžli Jan, tón krčćenik; kotryž pak mjeńši je w kralestwe Božim, tón je wjetši, dyžli wón. *St. 1, 15.*

29. A wšitkón lud, kotryž jeho słyšeše, a slonicy póznachu Boha za praweho a dachu so krčić z Janowej krčćenicu.

30. Ale Farizejscy a pismawučeni zaccpěchu Božu radu přeciwo samym sebi a njedachu so wot njeho krčić.

31. Ale tón Knjez džeše: Komu dyrby ja teho dla tych ludźi tuteje šlachty přirunać, a komu su woni podobni? *Mat. 11, 16.*

32. Woni su podobni džěcom, kiž na torhošću sedža a jene na druhe wołaju a praja: My smy wam pizkali, a wy njejsće rejwali; my smy wam na plač zpěwali, a wy njejsće plakali.

33. Přetož Jan, tón krčćenik, je přišoł a njejědžiše chléba ani njepiješe wina; a wy prajiće, zo ma čerta.

34. Čłowjeka syn je tež přišoł, jě a pije; a wy prajiće: Hlaj, tón čłowjek je žračk a winowy wopilc, slonikow a hrěšnikow přecel.

35. A ta mudrosć dyrbi so dać

k prawu wodzić wot wšitkich swojich džěci.

Tekst na 22. njedźelu po swj. Trojicy. IV.

36. [Jedyn pak bjez Farizejskimi prošeše jeho, zo by z nim jědl. A wón zańdže do doma teho Farizejskeho a synu so za blido.

37. A hlaj, žónska běše w měsće, ta běše hrěšnica. Jako tuta zhoni, zo wón so běše k blidu sydneyl w domje teho Farizejskeho, přinjese wona škleńcu ze žalbu,

38. A stupi zady k jeho nohomaj a plakaše; a poča jeho nohi ze sylzami maćeć a trěješe je z włosami swojeje hlowy a wokošowaše jeho nohi a namaza je ze žalbu.

39. Jako pak to tón Farizejski widžeše, kiž jeho prosyl běše, praješe wón při sebi sam a džeše: Hdy by tón profeta był, dha by wón wědzał, što a kaka ta žónska je, kiž so jeho dótk; přetož wona je hrěšnica.

40. Jezus pak wotmołwi a džeše k njemu: Šimanje, ja mam ći něšto prajić. Wón pak džeše: Praj, mištrje.

41. Někajki lichownik měješe dweju dožnikow; jedyn bě winowaty pjeć stow krošow, tón druhi pak poł sta.

42. Hdyž pak wonaj njeměještaj zaplaćić, spuści wón woběmaj tón dołh. Kotry dha, powjes mi, bjez nimaj budže jeho najbóle lubować?

43. Šiman wotmołwi a džeše: Mi so zda, zo tón, kotremuž wón najwjacy je

spuščil. Wón pak džeše k njemu: Ty sy prawje sudžil.

44. A wón so wobroći k tej žónskej a džeše k Šimanej: Widžiš ty tu žónsku? Ja sym přišoł do twojeho doma, ty mi njejsy wody dał k mojima; nohomaj; ta pak je mojej nocy ze sylzami mačala a z włosami swojeje hlavy třela. *1 Mójz. 18, 4.*

45. Ty njejsy mje wokošal; ta pak, po tym hač je nutř přišla, njeje přestala mojej nocy wokošować.

46. Ty njejsy moju hlavu z wolijom pomazal; wona pak je mojej nocy ze žalbu namazala.

47. Teho dla praju ci: Jej je wjele hrěchow spuščene, dha je wona wjele lubowała; komuž pak mało spuščene budže, tón mało lubuje.

48. A wón džeše k njej: Tebi su twoje hrěchi wodate. *Mat. 9, 2.*

49. Tuž počachu ci, kiž z nim za blidom sedžichu, sami při sebi prajić: Štó je tón, kiž tež hrěchi wodawa? *Mat. 9, 3.*

50. Wón pak džeše k žónskej: Twoja wěra je će wozbožila; dži z měrom. *Mark. 5, 34.*

8. staw

Wo symjenju Božeho słowa, njewjedrje na morju, wobsynjenym, chorej žonje a Jairowej džowčičcy.

1. A sta so potom, zo wón chodžeše po městach a měztkach a

prědowaše a připowědaše to ewangelion wot kralestwa Božeho; a ci dwanaćo běchu z nim,

2. K temu tež někotre žónske, kotrež wón běše wustrowil wot zlych duchow a chorosćow; te běchu Marja, kotrejž Madlena rěkachu, wot kotrejež běše sydom čertow wuchło, *Mark. 15, 40.*

3. A Johanna, Chuzowa mandželska, teho zastojnika Herodašoweho, a Suzanna, a wjele druhich, kotrež jemu služachu wot swójeho zamóženja. Sćenje na njedželu Sexagezima.

4. [Jako so pak wjele luda běše hromadu zešlo a ze wšěch městow k Jezusej chwatachu, džeše wón přez přirunanje: *Mat. 13, 3. Mark. 4, 2.*

5. Syjer džěše, zo by rozsył swoje symjo; a jako wón syješe, padže někotre při puću a bu podteptane, a ptaki pod njebjesami zežrachu jo.

6. A někotre padže na skału; a hdyž zeńdže, wuschnu wona, teho dla, zo wlohi njeměješe.

7. A někotre padže srjedza do černjow; a te černje rosčechu sobu a zadusychu jo.

8. A někotre padže na dobru rolu; a jako bě zešlo, přinjese stokróćne plody. A hdyž to wurjeknu, zawoła wón: Štóz ma wuši k poslušanju, tón poslušaj! *1 Mójz. 26, 12.*

9. Jeho wučomnicy pak jeho woprašachu a džachu: Što by to přirunanje było?

10. Wón pak džeše: Wam je date, zo byšće wědzeli te potajnstwa Božeho kralestwa; druhim pak w přirunanjach, zo bychy njewidželi, hač runje widža, a

njezrozumili, hač runje słyša. *Jez. 6, 9. 10. Mat. 13, 14. Mark. 4, 12. Jan. 12, 40. Jap. zk. 28, 26. Rom. 11, 8.*

11. To pak je to přirunanje: To symjo je słowo Bože.

12. Ći pak při puću su, kotřiž jo słyša, potom přińdže čert a zebjerje to słowo z jich wutrobow, zo bychu njewěřili a zbóžni njebyli.

13. Ći pak na skale, hdyž słowo słyša, wozmu to same z wjesołosću horje; a Ći nimaju korjenja; na čas woni wěrja, ale w času spytowanja přestupja.

14. Kotrež pak do černjow padže, su Ći, hdyž jo su słyšeli, dha chodža pod starosćemi, bohatstwom a lóštami teho žiwjenja a budža zadušení a njeprinjesu žane plody.

15. To pak na dobrej roli su Ći, kiž słowo słyša a zachowaju jo w pěknjej a dobrej wutrobje a prinjesu plody w sćerpliwosći.] *Hebr. 10, 36.*

16. Nichtó pak njezaswěći swěcu a přikrywa ju ze sudobjom abo staji ju pod ławu; ale wón ju na swěčnik staji, zo bychu Ći, kotřiž nutschodža, swětło widźili. *Mat. 5, 15. Mark. 4, 21.*

17. Přetož ničo njeje tak potajene, zo by zjewjene njebyło a njeje ničo tak skradžu, zo by póznate njebyło a na swětło njeprišlo. *Mat. 10, 26. Mark. 4, 22. Luk. 12, 2.*

18. Hlajće teho dla, kak posłuchaće. Přetož štóž ma, temu budže date, a štóž nima, wot teho budže wzate tež to, štož so jemu zda, zo wón ma. *Mat. 13, 12. St. 25, 29. Mark. 4, 25.*

19. Tehdy pak přińdžechu k njemu jeho mać a bratřjo a njemóžachu luda

dla k njemu přistupić. *Mat. 12, 46. Mark. 3, 31.*

20. A woni jemu to powědźichu, rjeknywši: Twoja mać a twoji bratřjo steja wonkach a chcedža Će widzieć.

21. Wón pak wotmołwi a džeše k nim: Moja mać a moji bratřjo su Ći, kotřiž Bože słowo słyša a činja to same.

22. A sta so w tych dnjach jenym, zo wón do łódže stupi ze swojimi wučomnikami. A wón džeše k nim: Přewjezmy so přez jězor. A woni wotstorčichu tu łódž wot brjoha. *Mat. 8, 23. Mark. 4, 36.*

23. A jako woni so wjezechu, wusny wón. A wichor přińdže na tón jězor, a žolmy nadpadžechu jich, a běchu we wulkej strachosći.

24. Woni pak zbudźichu jeho přistupiwši a džachu: Mištrje, mištrje, my woznjemy kónc! A wón postanu a naswari tón wětr a to šumjenje teje wody; a wone přesta a bu čišina.

25. Wón džeše pak k nim: Hdže je waša wěra? Woni so pak bojachu a džiwachu so a džachu bjez sobu: Štó wšak je tutón? Přetož wón přikaže tež wětrám a wodže, a wone su jemu poslušne. *Mat. 8, 26.*

26. A woni wjezechu so dale do kraja Gadarenskeho, kotryž je napřečiwo Galilejskemu. *Mat. 8, 28. Mark. 5, 1.*

27. A hdyž wón na zemju wustupi, zetka jeho jedyn muž z teho města, kotryž měješe čertow wot dolheho časa; a wón njewoblekaše so žanu drastu a nje-wosta w žanej chěži, ale w rowach.

28. Jako wón pak Jezusa wuhlada, wołaše wón a padnu před nim dele a

zawoła z wulkim hłosom a džeše: Što je mi z tobu, Jezuso, ty Syno Boha wjeršneho? Ja prošu će, nječwiluj mje. *Mat. 8, 20.*

29. Přetož wón prikaza temu nječistemu duchu, zo by z teho čłowjeka wušoł; přetož wón běše jeho dolhi čas čwilował. A wón běše z rječazami zwjazany a w putach jaty; wón pak rostorže te zwjazki a bu honjeny wot čerta do pusćinow.

30. A Jezus wopraša jeho a džeše: Kajke maš mjeno? Wón džeše: Legion; přetož wjele čertow běše do njeho zalěžło.

31. A woni prošachu jeho, zo by jim njepríkazał do teje hlubokosće hić.

32. Wulke stadło swini so pak tam na horje paseše. A woni jeho prošachu, zo by jim wotpušćil do tych samych zańć; a wón jim wotpušćil.

33. Tuž wuńdžechu ći čerći z teho čłowjeka a stupichu do tych swini; a to stadło storči so jene dobo do jězora a tepichu so.

34. Jako pak pastyrjo widžichu, što so sta, ćeknychu woni a připowjedachu šedši to same w měsće a na wsach.

35. A woni wuńdžechu, zo bychy widžili, što so běše stało; a přińdžechu k Jezusej a namakachu teho čłowjeka, wot kotrehož ći čerći běchu wušli, sedžo k Jezusowymaj nohomaj, woblečeneho a rozumneho, a stróžichu so.

36. A kotřiž to běchu widžili, připowjedachu tež to same jim, kak tón wobsynjeny běše wočerstwil.

37. A wšitka zhromadźizna tych wokolnych Gadarenskich krajow prošese

jeho, zo by wot nich wotešoł. Přetož woni běchu z wulkej bojosću napjel-njeni. A wón stupi do teje lódže a wróći so zaso.

38. Tón muž pak jeho prošese, wot kotrehož ći čerći běchu wušli, zo by směl při nim być. Ale Jezus pušćil jeho přeč wot sebje a džeše:

39. Dži zaso do swojeho doma a praj, kajku wulku wěc tebi Bóh činil je. A wón woteńdže a přédowaše po cyłym měsće, kak wulke wěcy jemu Jezus činil běše.

40. A sta so, jako Jezus zaso přińdže, wza jeho tón lud horje; přetož woni wšitcy na njeho wočakowachu.

41. A hlaj, muž přińdže, z mjenom Jairus, kotryž wyši teje šule běše, a padže Jezusej k nohomaj a prošese jeho, zo by chcył sobu do jeho doma zańć. *Mat. 9, 18. Mark. 5, 22.*

42. Přetož wón měješe jeničku džowku, kotraž běše wokoło dwanaće lět, a ta mrěješe. A jako wón džěše, ćišćachu jeho ludžo.

43. A běše žónska, kotraž dwanaće lět swoju krejnicu běše ćerpiła a swoje cyłe zamóženje na lékařow wažiła a njemóžeše wot — hnydom staže. žaneho wustrowjena być. *Mat. 9, 20. Mark. 5, 25.*

44. Ta přistupi zady a dótknu so jeho drasty wobrubu, a hnydom přesta jej ta njemóc.

45. A Jezus džeše: Štó je so mje dótknył? Jako woni pak wšitcy přějachu, džeše Pětr a kotřiž z nim běchu: Mištrje, tón lud će ćišći a tlóći; a ty prajiš: Štó je so mje dótknył?

46. Jezus pak džeše: Wón je so mje něchtó dótknył; přetož ja čuju, zo je móc wote mnje šla.

47. Jako pak ta sama žónska widžeše, zo potajna njeběše, přińdže wona třepotajo a padže před njeho; a powědaše jemu přede všem ludom, čoho dla so jeho je dótkla a kak hnydom je wustrowjena.

48. Wón pak džeše k njej: Budź dobreje nadźije, moja džowka, twoja wěra je tebi pomhała; dži z měrom.

49. Jako wón hišće rěčeše, přińdže jedyn wot čeledže teho šulskeho wyšeho a džeše k njemu: Twoja džowka je wumřela; njeprócuj teho mištra.

50. Jako pak Jezus to słyšeše, wotmołwi wón jemu a džeše: Njebój so; wěr jeno, dha budže wona strowa.

51. Jako wón pak do teje chěže džěše, njewotpušći wón nikomu sobu nutř hić, chiba Pětrej a Jakubej a Janej a teho džěsća nanej a maćeri.

52. Woni pak plakachu wšitcy a žarowachu ju. Wón pak džeše: fěršta, Njeplaćće; wona njeje wumřela, ale spi.

53. A woni so jemu wusmjachu; přetož woni wědzachu derje, zo běše wumřela.

54. Wón pak wuhna wšitkich won a wza ju za ruku, zawoła a džeše: Holčo, stań!

55. A jeje duch wróci so, a wona N. t. A wón přikaza, zo bychu jej jěsć dali.

56. A jeje staršej džiwaštaj so njemóžnje. Wón pak přikaza jim, zo bychu nikomu njeprajili to, štož so běše stało.

St. 5, 14. Mark. 7, 36.

9. staw

Wo dwanaće japoštołach, pječ pokrutach, Chrystusowym překrasnjenju a čerpjenju, wučomnikow lakomnosći po prózdnej česći a chodženju za Jezusom.

1. Wón zawoła pak svojich dwanaće wučomnikow hromadu a da jim móc a zamóženje nade wšitkimi djabołami a zo bychu chorosće zahojili. *Mat. 10, 1. Mark. 3, 13. St. 6, 7.*

2. A pósła jich, zo bychu to kralestwo Bože předowali a chorych wustrowili;

3. A džeše k nim: Ničo njebjerce sobu na puć, ani kija ani waćoka ani chlěba ani pjenjez; ani po dwěmaj suknjomaj jedyn njemějće. *Mat. 10, 9. Mark. 6, 8.*

4. A hdžež do doma póńdžeće, tam wostańće, hač wy tam wuńdžeće.

5. A kotřiž was horje njewozmu, wuńdže z teho sameho města a střasće tež tón proch z wašich nohow, k swědčenju na nich. *Mat. 10, 14. Jap. zk. 13, 51.*

6. Tuž wuńdžechu woni a chodžachu po měžtkach a předowachu to ewangelion a hojachu wsudžom.

7. Herodas pak, tón štyrisłyšeše wšitko, štož so přez njeho sta; a staraše so jara, dokelž wot někotrych bě prajene, zo Jan wot morwych je stanył; *Mat. 14, 1. Mark. 6, 14.*

8. Wot někotrych pak, zo so Elias je zjewił; a wot někotrych, zo tych starych profetow jedyn je stanył.

9. A Herodas džeše: Janej sym ja sćat; štó je pak tón samy, wot kotrehož ja tajke wěcy słyšu? A žadaše jeho wohladać.

10. A či japoštoli přińdžechu zaso a prajachu jemu, kak wulke wěcy běchu činili; a wón wza jich k sebi a wotz-tupi wosebje do puzteho města při tym měsće, kotremuž rěkachu Bethzaida. *Mat. 14, 13. Mark. 6, 32.*

11. Jako to pak ludžo pytnychu, čehnjechu woni za nim; a wón jich k sebi pušći a praješe jim wot kralestwa Božeho a zahoji, kotřiž zahojenja potr-jebachu.

12. Džeń so pak poča pochileć. Tuž přistupichu či dwanaćo a džachu k njemu: Pušć tón lud wot sebje, zo bychu woni do tych městow wokoło a do wsow šli, tak zo bychu woni hospodu a jědź sebi namakali; přetož my smy tudy w pusćinje. *Mat. 14, 15. Mark. 6, 35. Jan. 6, 5.*

13. Wón pak džeše k nim: Dajće wy jim pojěsć. A woni džachu: My nimamy wjazy hač pječ pokrutkow a dvě rybje; chiba zo bychmy šli a nakupili na wšitkón tutón lud jědže.

14 (Přetož muskich běše wokoło pječ tawzynt.) Wón pak džeše k svojim wučomnikam: Njech woni so zesydaju, w kóždym rjadu po pječ dzesać.

15. A woni sćinichu tak a zesydachu so wšitcy.

16. A wón wza te pječ pokroty a tej dvě rybje a pohlada k njebjesam a požohnowa a łamaše je a poda je tym wučomnikam, zo bychu před lud kładli.

17. A woni jědžichu a buchu wšitcy

nasyćeni; a bu zebrane, štož běše jim zbytk wostało, kruškow dwanaće kor-bow.

2 Kral. 4,

44.

18. A sta so, jako wón so wosebje sam modleše a jeho wučomnicy při nim běchu; tuž wopraš a wón jich a džeše: Štó praja ludžo, zo ja sym?

19. Woni pak wotmołwichu a džachu: Woni praja, zo sy Jan, tón křćenik; někotři pak praja, zo sy Elias; a někotři, zo tych starych profetow jedyn je postanył. *Mat. 14, 2. Mark. 6, 14.*

20. A wón džeše k nim: Štó pak wy prajiće, zo ja sym? Tuž wotmołwi Pětr a džeše: Ty sy Chrystus, Boži Syn. *Mat. 16, 16. Mark. 8, 29. Jan. 1, 49.*

21. A wón pohrozy jim a přikaza, zo bychu to nikomu njepowědzeli,

22. A džeše: Přetož člorózki syn dyrbi wjele čerpić a być začisnjeny wot starších a wyších měšnikow a pis-mawučenych a morjeny być a na třeći džeń horje stanuć. *Mat. 17, 22. St. 20, 17. 18. Mark. 9, 31. Luk. 18, 32. 33.*

23. K nim wšitkim pak džeše wón: Chce-li štó za mnu přińć, tón zaprěj so sam a bjer swój křiž na so wšědnje a pój za mnu. *Mat. 10, 38. St. 16, 24. Mark. 8, 34.*

24. Přetož štóž swoje žiwjenje chce zachować, tón budže jo zhubić; štóž pak swoje žiwjenje zhubi moje dla, tón budže to same zachować.

25. A kajki wužitk by čłowjek měł, hdy by runje wšitkón swět dobył a zhubił so sam abo so sam wobškodził?

26. Štóž so pak mje a mojich słowow hanibuje, teho budže so tón člorózki syn

tež hanibować, hdyž wón budže přińc w swojej krasnosći a teho Wótca a tych swjatych jandželow. *Mat. 10, 33. Mark. 8, 38. Luk. 12, 9. 2 Tim. 1, 12. St.2, 12.*

27. Ja pak wam zawěrnje praju, zo někotři wot tych, kiž tudy steja, smjerće njebudža woptać, hač su to kralestwo Bože widžili.

28. A sta so po tych samych ryčach, jako za wósom dnjow, zo wón k sebi wza Pětra a Jana a Jakuba a stupi na horu, zo by so modlił. *Mat. 17, 1. Mark. 9, 2.*

29. A jako wón so modleše, bu tón šalt jeho wobliča hinaši, a jeho drasta bu běla a jasnješe so.

30. A hlaj, dwaj mužej ryčestaj z nim, kotrajž běštaj Mójzas a Elias.

31. Taj zjewištaj so w krasnosći a ryčestaj wot jeho wuchoda, kotryž wón dyrbyeše dopjelnic we Jerusalemj.

32. Pětr pak a kotrajž z nim běštaj, běchu poľni spanja. A jako wotzućichu, widžichu woni jeho krasnosť a teju dweju mužow při nim stejo.

33. A poda so, jako wonaj wot jeho běštaj wotešaj, džeše Pětr k Jezusej: Mištrje, tudy nam je dobre być; teho dla sćińmy tři hěty, tebi jenu, Mójzasej jenu a Eliasej jenu. A wón njewědžeše, što rěčeše.

34. Jako wón pak to rěčeše, přińdže mrócel a wobchłódkowa jich. A woni so stróžichu, jako jich ta mrócel wobćahnu.

35. A hlós so sta z teje mrócele, kiž džeše: Tutón je mój luby Syn, teho wy poslušajće. *Mat. 3, 17. Mark. 1, 11.*

36. A hdyž so tón hlós sta, bě Jezus sam namakany. A woni zamjelčachu a njezjewichu nikomu ničo w tych samych

dnjach, štož běchu widžili.

37. Sta so pak nazajtra, jako woni z teje hory dele džěchu, přińdže jim napřećiwo wulki lud. *Mat. 17, 14. Mark. 9, 14.*

38. A hlaj, muž z teho luda zawoła a džeše: Mištrje, ja prošu će, wohladaj wšak mojeho syna; přetož wón je mój jenički syn.

39. A hlaj, tón duch jeho popanje, a wón hnydom zakřiči, a wón jeho torha, zo pěni; a lědom wot njeho woteńdže, hdyž jeho je potorhał.

40. A ja sym twójich wučomnikow prosył, zo bychu jeho wuhnali; ale woni njemóžachu.

41. Tuž wotmołwi Jezus a džeše: O ty njewěrna a přewróćena šlachta, kak doľho dyrbyja při was być a was čerpić? Přiwjedź hew twójeho syna.

42. A w tym, jako wón k njemu přińdže, torhaše a drěješe jeho tón čert. Jezus pak pohrozy temu nječistemu duchu a wustrowi teho hólca a poda jeho jeho nanej zaso.

43. A woni nastróžichu so wšitcy na tej krasnosći bójskej. Jako woni so pak wšitcy dźiwachu na wšitkim, štož Jezus činješe, džeše wón k swojim wučomnikam:

44. Wzmiće wy k wašimaj wušomaj tute ryče; přetož člorózki syn dyrbi podaty być do rukow tych čłowjekow. *Mat. 17, 22.*

45. Ale to słowo woni njezrozumichu, a běše před nimi potajene, zo woni to njewopšijachu; a bojachu so, zo bychu jeho wo to same słowo woprašeli. *St. 18, 34.*

46. Mysl pak tež přińdže bjez nich, kotry by bjez nimi dyrbjał najwjětši być.

Mat. 18, 1. Mark. 9, 34.

47. Jako pak Jezus tu mysl jich wutroby widžeše, wza wón džěćo a postaji to same pódla sebje,

48. A džeše k nim: Štóz tuto džěćo horje wozmje w mojim mjenje, tón wozmje mje horje; a štóz mje horje wozmje, tón wozmje teho horje, kiž mje je pósłał. Štóz pak mjeiši je bjez wami wšitkimi, tón budže wulki. *Mat. 10, 40. Jan. 13, 20.*

49. Tuž wotmołwi Jan a džeše: Mištrje, my widžichmy jeneho, kotryž čertow won honješe w twojim mjenje; a my jemu njewotpuščichmy, teho dla, zo njechodži za tobu z nami. *Mark. 9, 38. 4 Mójz. 11, 27.*

50. A Jezus džeše k njemu: Njewo-barajće jemu; přetož štóz přeciwo nam njeje, tón je za nas. *St. 11, 23. Mat. 12, 30.*

Tekst na njedźelu Remi-nizcere. III.

51. Sta so pak, jako čas běše dopjel-njeny, zo wón dyrbyeše wot tudy přeč wzaty być, wobroći wón swoje wobličo runje, zo by do Jerusalema šoł.

52. A wón pósła prjedy sebje pósłow, a či džěchu a přińdžechu do jeneho Samaritskeho městka, zo bychu jemu hospodu přihotowali. *Jan. 4, 4.*

53. Ale či jeho njewzachu horje, dokelž wón swoje wobličo běše wobroćił k hiću do Jerusalema.

54. Jako pak to jeho wučomnikaj, Jakub a Jan, widžeštaj, džeštaj wonaj: Knježe, chceš-li, dha chcemój mój rjeknyć, zo by woheń z njebyes panuł a spalił jich, jako tež Elias činješe? *2*

Kral. 1, 10. 12.

55. Ale Jezus so wobroći, pohrozy jimaj a džeše: Njewěštaj, kajkeho ducha džěsći wój staj?

56. Přetož čłoski syn njeje přišoł, zo by čłowjekow duše skazył, ale zo by je zdžerzał.]

Tekst na 3. njedźelu po swj. Trojicy. IV.

[A woni džěchu do druheho městka. *Jan. 3, 17. St. 12, 47.*

57. Sta so pak, zo ducy na puću jedyn k njemu džeše: Ja za tobu pónđu, hdžež ty pónďžeš, Knježe. *Mat. 8, 19.*

58. A Jezus džeše k njemu: Liški maju jamy, a ptaki pod njebyesami maju hnězda; ale čłowjeka syn nima, hdžež by hłowu pochilił.

59. Tež pak k druhemu džeše wón: Pój za mnu. Tón pak džeše: Knježe, wotpuść mi, zo bych prjedy šoł mojeho nana pohrjebać. *Mat. 8, 21.*

60. Ale Jezus džeše k njemu: Njeh morwi svojich morwych hrjebaju; ale ty dži a připowědaj to kralestwo Bože. *Mat. 8, 22.*

61. Tež pak druhi džeše: Knježe, ja chcu za tobu hić; wotpuść mi pak prjedy, zo so wužohnuju z tymi, kiž w mojim domje su. *1 Kral. 19, 20.*

62. Jezus pak džeše k njemu: Žadyn, kotryž swojej rucy k pluhej

přiłoži a wohlada so nazady, njeje derje
přihotowany k kralestwu Božemu.] *Přisl*
26, 11. 2 *Pětr.* 2, 20.

10. staw

Wo 70 wučomnikach, běženju ewangelija, puću k žiwjenju a Marćinej prócy.

1. Potom wuzwoli tón Knjez tež druhich
sydom džesać a pósła jich po dwěmaj
prjedy so do wšitkich městow a wsow,
hdžež wón mysleše přińć;

2. A džeše k nim: žné su wulke, ale
dželaćerjow je mało; prošće teho Knjeza
tych žnjow, zo by wón dželaćerjow pósłał
do swojich žnjow. *Jan.* 4, 35. *Mat.* 9, 37.
38.

3. Džiće; hlaj, ja pósćelu was jako
jehnjata srjedza bjez wjelki. *Mat.* 10, 16.

4. Njenošće ani móšnje ani rancy ani
črije; a njepoztrorbóće nikoho na drozy.
Mat. 10, 9. *Mark.* 6, 8.

5. A do kajkehož doma wy zańdžeće,
dha rjekńće najprjedy: Měr temu
domej!

6. A budže-li tam džěco měra, dha
budže waš měr na nim wotpočować; jeli
zo pak nic, dha budže so waš měr zaso
k wam wobroćić.

7. W tym samym domje pak
wostańće; jěsće a pijće, štož woni maju.
Přetož dželaćer je swojeje mzdy hódny.
Njehodźće z doma do doma. 5 *Móž.*
24, 14. *Mat.* 10, 10. 1 *Kor.* 9, 14. 1 *Tim.* 5,
18.

8. A do kajkehož města wy přińdžeće,
a woni was horje wozmu, dha jěsće, štož
wam budže prjódknošene; *Mat.* 10, 11.

9. A zahojće chorych, kotřiž tam su,
a powěšće jim: Kralestwo Bože je blisko
k wam přišlo.

10. Do kajkehož města wy pak
přińdžeće, a woni was horje njewozmu,
džiće won na jeho hasy a rjekńće:

11. Tež tón proch, kiž so nas je přiřał
wot wašeho města, wotbijemy my na
was; ale wšak to wjedźić dyrbiće, zo to
kralestwo Bože je blisko k wam přišlo.
Mat. 10, 14.

12. Ja praju pak wam, zo Sodomej
lóže budže na tamnym dnju dyžli
tajkemu městu.

13. Běda tebi, Chorazin! Běda tebi,
Bethzaida! Přetož hdy bychy tajke
skutki w Tirusu a Sidonje so — stałe,
kajkež pola was so su stałe, woni by-
chu dawno w měše a w popjele sedźeli
a pokutu činili. *Mat.* 11, 21.

14. Dha wšak Tirej a Sidonej lóže
budže na sudže, dyžli wam.

15. A ty Kapernaum, kiž sy hač do
tych njebjes pozběhnjene, ty budžeš hač
do hele dele storčene.

16. Štóz was posłucha, tón posłucha
mje; a štóz was zaspi, tón zaspi mje; štóz
pak mje zaspi, tón teho zaspi, kotryž
mje pósłał je. *Mat.* 10, 40. *Jan.* 13, 20.

17. Či sydomdžesaćo pak přińdžechu
zaso z wjesołosću a džachu: Knježe, tež
čerći su nam w twojim mjenje podaći.

18. Wón pak džeše k nim: Ja sym
widźił satana jako błysk padaceho z nje-
bja. *Zjew.* 12, 8.
9.

19. Hlajće, ja sym wam móc dał, zo byšće teptali na hady a na skorpiony a na wšitku móc teho njeprěćela; a ničo was njebudže wobškodzić. *Ps. 91, 13.*

20. Dha wšak na tym so njezwjeselće, zo wam duchojo su podaći; wjeselće so pak, zo waše mjena w njebjesach su pisane. *Phil. 4, 3.*

21. W tej samej štundže zwjeseli so Jezus w duchu a džeše: Ja chwalu će, Wótće a Knježe njebyes a zemje, zo ty to rozumnym a mudrym sy potajil a sy to same zjewil tym móličkim. Haj, Wótće, tak je so lubiło před tobu. *Mat. 11, 25. 1 Kor. 1, 27.*

22. Wšitko je mi podate wot mojeho Wótca. A ničto njewě, što tón Syn je, chiba jeno tón Wótć; a što tón Wótć je, chiba jeno tón Syn, a komuž tón Syn by chcył zjewić. *Ps. 8, 7. Mat. 11, 27. St. 28, 18. Jan. 1, 18. St. 6, 46.*

Scénje na 13. njedźelu po swj. Trojicy.

23. [A wón wobroći so k swojim wučomnikam a džeše wosebje: Zbóžne su te woči, kiž widža, štož wy widziće. *Mat. 13, 16. 1 Kral. 10, 8.*

24. Přetož ja praju wam, zo wjele profetow a kralow su chcyli widzieć, štož wy widziće, a njejsu jo widžili; a slyšeć, štož wy slyšiće, a njejsu jo slyšeli. *1 Pětr. 1, 10.*

25. A hlaj, tuž stanu někajki pis-mawučeny, spytowaše jeho a džeše: Mištrje, što mam ja činić, zo bych wěčne

žiwjenje herbowal? *Mat. 22, 35. Mark. 12, 28.*

26. Wón pak džeše k njemu: Kak steji pisane w zakonju? kak lazuješ?

27. Wón wotmołwi a džeše: Ty dyrbiš Boha, swjeho Knjeza, lubować z cyłej swojej wutrobu, z cyłej swojej dušu, z cyłej swojej mozu a ze wšej swojej myslu; a swjeho bližšeho jako sam so. *5 Móž. 6, 5. 3 Móž. 19, 18. Mark. 12, 30. 31.*

28. Wón pak džeše k njemu: Ty sy prawje wotmołwil; čin to, dha budžeš žiwy. *3 Móž. 18, 5.*

29. Wón pak chcyše so sam prawy činić a džeše k Jezusej: Štóha dha je mój bližši? *2 Móž. 2, 18.*

30. Jezus pak wotmołwi a džeše: Jedyn čłowjek džeše wot Jerusalema dele k Jerichu a padže bjez rubježnikow; či wuslekachu a zranichu jeho, džěchu swój puć a wostajichu jeho napol morweho ležo.

31. Sta so pak njenadźujzy, zo jedyn měšnik po tej samej drozy džěše; a jako wón jeho pytnu, winu so na bok a pominu so jeho.

32. Teho runja tež Lewita, jako wón tam přińdže a jeho wuhlada, džěše wón nimo na bok.

33. Jedyn Samaritski pak čehnješe po drozy, přińdže k njemu; a jako wón jeho wuhlada, bě jemu jeho žel, *Ez. 16, 6.*

34. A přistupiwiš k njemu wobali jeho rany a linu do nich wolij a wino; a zběhnywši jeho na swoje skočo wjedžeše jeho do hospody a pytaše jeho.

35. Nazajtra pak da wón so na puć a wućeže dwaj krošej a da jeju hospodarjej

a džeše k njemu: Pytaj jeho; a budžeš-li što wjazy na njeho wažić, chcu ja či zapłaćić, hdyž zaso přińdu.

36. Kotry dha bjez tymi třjomi zda so tebi, zo je bližši był temu, kiž bjez rubježnikow panuł běše?

37. Wón pak džeše: Tón, kiž smilnosť na nim wopokazał je. Tuž džeše Jezus k njemu: Dži a čín tež teje runosće]

Scénje na 21. njedźelu po swjatej Trojicy.

38. [Sta so pak, jako woni na puću běchu, zo wón do jeneho městka zańdže. A jena žónska, z mjenom Martha, wza jeho horje do swojeho doma. *Jan. 11, 1. St. 12,2.3.*

39. A ta měješe sotru, tej rěkachu Marja, kotraž sedžo k Jezusowymaj nomaj na jeho ryč posłuchaše.

40. Martha pak tam a sem běhajo so jara prócowaše, zo by jemu služila. A přistupiwiši k njemu džeše: Knježe, njerodžiš ty ničo, zo moja sotra wostajiwši mje da mi samej slůžić? Rjekn jej teho dla, zo by mi tež pomhała.

41. Jezus pak wotmołwi a džeše k nej: Martha, Martha, ty so jara staraš a so wulcy prócuješ;

42. Ale jene je nuzne. Marja pak je sebi dobry džěl wuzwolila, kotryž wot njeje wzaty njebudže.] *Ps. 27, 4. Mat. 6, 33.*

11. staw

Knjezowa modlitwa, móc modlenja, wuhnaće čerta, žadanje zejchow, wo hóstnym a chłostacym přédowanju Chrystusowym.

1. A sta so, zo wón běše na jenym měsće a so modleše. A jako wón běše přestał, džeše jedyn wot jeho wučomnikow k njemu: Knježe, nawuč nas k Bohu so modlić, jako tež Jan swojich wučomnikow je wučil.

2. Wón pak džeše k nim: Hdyž wy so k Bohu modliće, dha rjekńće: Naš Wótče, kiž sy w njebjesach, swjećene budź twoje mjeno. Twoje kralestwo přińdź. Twoja wola so stań, kaž w njebjesach, tak tež na zemi. *Mat. 6, 9.*

3. Daj nam naš všedny chléb přeco.

4. A wodaj nam naše hrěchi; přetož tež my wodawamy všitkim, kiž nam winowaći su. A njewjedź nas do spytowanja, ale wumož nas wot teho zleho.

5. Tež džeše wón k nim: Štó je bjez wami, kiž ma přecela a šoł k njemu wo pońocy a rjeknył k njemu: Luby přecelo, poč mi třoch pokrutow chléba;

6. Přetož mój přecel je ke mni z drohi přišoł, a ja nimam ničo, zo bych jemu prjódk položil;

7. A wón nutřkach wotmołwił a prajił: Njebudź mi wobćežny; durje su hižom zanknjene a moje džěcatka su zo mnu w komorje; ja njemóžu stanuć, zo bych tebi dał.

8. Ja praju wam, hdy by wón runje njestanuł a jemu njedał, dokelž jeho přećel je, dha však jeho njehanibiteho prošnja dla budže wón stanuć a jemu dać, kaž wjele wón potrjeba. *St. 18, 5.*

9. A ja wam tež praju: Prošće, a budže wam date; pytajće, a budžeće namakać; klapajće, a wam budže wotewrjene. *Mat. 7, 7. Mark. 11, 24. Jan. 16, 23. 24.*

10. Přetož kóždy, kiž prosy, bjerje; a štóž pyta, tón namaka; a štóž klapa, temu budže wotewrjene.

11. Hdže pak prosy bjez wami syn nana pře chléb, kotryž by jemu kamjeń za njón podał? A hdyž wón pře rybu prosy, a wón jemu za rybu hada podał?

12. Abo tež hdyž wón pře jeho prosy, zo by wón jemu skorpiona za to dał?

13. Hdyž teho dla wuy, kiž zli sće, móžeće wašim džěcom dobre dary dawać, wjele wjazy budže waš njebjeski Wótc teho swjateho Ducha dać tym, kotřiž jeho proša.

14. A wón wuhna čerta, a tón bě němý. Wono so pak sta, jako čert bě wušoł, rěčeše tón němý. A ludžo so dźiwachu. *Mat. 12, 22.*

15. Někotři pak bjez nimi džachu: Wón honi čertow won přez Beelzebuba, tych čertow wyšeho. *Mat. 12, 24.*

16. Druzy pak spytowachu jeho a žadachu zejch wot jeho z njebjes. *Mat. 9, 34. St. 12, 38. 39. Mark. 3, 22.*

17. Wón pak zrozumi jich mysle a džeše k nim: Kóžde kralestwo, kotřež samo ze sobu přez jene njeje, budže wupuscene, a jena chěža pada na druhu.

18. Njeje-li pak tež zatan sam ze sobu

přez jene, kak chce jeho kralestwo wobstać? Dokelž wy prajíce, zo ja čertow přez Beelzebuba won honju.

19. Hdyž ja pak přez Beelzebuba čertow won honju, přez koho dha honja jich waše džěci won? Teho dla budža wone waši sudnicy.

20. Jeli zo ja pak přez Boži porst čertow won honju, dha přińdže ždyn Bože kralestwo k wam. *2 Mójz. 8, 19.*

21. Hdyž sylny wobróńjeny swój hród wobarnuje, dha wostanje jeho zamóženje z měrom.

22. Ale hdyž sylniši na njeho přińdže a jeho přewinje, dha wozmjje jemu cyłu brón, na kotruž wón so spušeše, a rozdžěli jeho rubjenstwo. *Kol. 2, 15.*

23. Štóž zo mnu njeje, tón je přećiwo mi; a štóž zo mnu njehromadźi, tón rozsypje. *Mat. 12, 30.*

24. Hdyž nječisty duch z čłowjeka wuńdže, přechodźi wón suche města a pyta wotpočinka; a hdyž njenamaka, rjeknje wón: Ja chcu so zaso wróćić do swojeho doma, z kotrehož wušoł sym. *Mat. 12, 43.*

25. A hdyž přińdže, namaka wón tón dom z chošćišćemi mječeny a wuhotowany.

26. Tehdy dže wón a wozmjje sydom druhich duchow k sebi, kotřiž hórši su dyžli wón sam; a hdyž tam zańdu, bydla woni tam, a budže na posledku z tym samym čłowjekom hórje, dyžli z přědka bě. *Jan. 5, 14.*

27. Poda so pak, jako wón to rěčeše, dha pozběže jena žónska bjez ludom swój hlós a džeše k njemu: Zbóžny je tón žiwot, kiž će nosył je, a te nadra,

kotrež ty zyzał sy. *Luk. 1, 28. 30. 48.*

28. Wón pak džeše: Haj, zbóžni su ci, kiž Bože słowo słyša a to same wobarnuju. *Mat. 7, 21.*

29. Tón lud so pak přičišća. Tuž poča wón a džeše: Tuta šlachta je zła, wona požada zejch; a ji njebudže žadyn zejch daty, chiba zejch teho profety Jonasa. *Mat. 16, 4.*

30. Přetož jako Jonas běše zejch tym Niniwitiskim, tak tež budže člorózki syn tutej šlachće. *Jon. 2, 12.*

31. Ta kralowa wot połdnja budže postanyć před sudom z tymi ludźimi tuteje šlachty a budže jich zatamać; přetož wona přińdže wot kóncow teje zemje, zo by słyšała tu mudrosć Salomonowu. A hlaj, tudy je wjazy dyžli Salomo. *1 Kral. 10, 1. 2 Kron. 9, 1. Mat. 12, 42.*

32. Ludžo z Niniwa budža postupić před sudom z tej šlachtu a budža ju zatamać; přetož woni činjachu pokutu na Jonasowe pře dowanje. A hlaj, tudy je wjazy dyžli Jonas. *Jon. 3, 5. Mat. 12, 41.*

33. Nichtó pak swěcu njezaswěći a staji ju do potajneho města, tež nic pod kórc, ale na swěčnik, tak zo kotřiž nutř chodža, to swětło widža. *St. 8, 16. Mat. 5, 15. Mark. 4, 21.*

34. Twojeho ćěla swěca je twoje woko. Budže-li teho dla twoje woko čiste, dha budže twoje cyłe ćelo jasne. Budže-li pak twoje woko zle, dha tež twoje ćelo čemne budže.

35. Hladaj teho dla, zo by to swětło, kotrež je w tebi, čemnosć njebyło.

36. Hdyž teho dla twoje ćelo cyłe jasne budže, tak zo žaneho kusa wot čemneho nima, dha budže wone wšitko tak jasne, zo će jako swěca z jasnosću rozswětlić budže.

37. Jako wón pak w tej řeči běše, prošeše jeho jedyn Farizejski, zo by z nim wobjedował. A wón džeše nutř a synu so za blido.

38. Jako pak tón Farizejski to widžeše, podžiwa wón so, zo so do wobjeda zmył njeběše. *Mat. 15, 2.*

39. Tón Knjez pak džeše k njemu: Wy Farizejscy čisćíce zwonka khany a šklě; ale to, štož nutrkach we was je, je poľne rubježnistwa a złošće. *St. 18, 11. 12. Mat. 15, 3. St. 23, 25.*

40. Wy blazni, mēnice wy, zo znutskach je čiste, štož je čiste zwonkach?

41. Ale wšak z teho, štož nutrkach je, dajće jaľmožinu, a hlaj, dha budže wam wšitko čiste.

42. Ale běda wam Farizejskim, kiž wy džesatk dawaće wot mjetlički a ruty a wot wšelkeho zela, nimo pak chodźiće před prawdosću a před lubosću Božej. To by trjeba było, zo byšće jo činili a tamne tež njewostajili. *Mat. 23, 28.*

43. Běda wam Farizejskim, zo wy radži w šulach na wyšich městach sydaće a słyšiće radži, hdyž was ludžo na torhošćach postrowja. *Mat. 23, 6. Mark. 12, 39. Luk. 20, 46.*

44. Běda wam, wy pismawučeni a Farizejscy, wy ludakojo, wy sće jako te zakryte rowy, po kotrychž ludžo chodža a wo nich njewědža. *Mat. 23, 27.*

45. Tuž wotmoľwi jedyn wot tych za-

konikow a džeše k njemu: Mištrje, z tymi słowami haniš ty tež nas.

46. Wón pak džeše: A běda tež wam zakonikam; přetož wy wobćežujuće čłowjekow z njenošnymi břmjenjemi a sami so tych břmjenjow tež nic z jenym porstom njedótkaće. *Jezj. 10, 1. Mat. 23, 4. Jap. zk. 15, 10.*

47. Běda wam, přetož wy twariće rowy tych profetow; waši wótcjo su jich pak morili. *Mat. 23, 29.*

48. Zawěsće, tak wy wobswědčíte, zo přizwolíte k wašich wótcow jich skutkam; přetož woni su jich skóncowali, wy pak twariće jich rowy.

49. Teho dla praji ta mudrosć Boža: Ja chcu profetow a japoštołow k nim pósłać, a wot tych samych budža woni někotrych morić a někotrych přescěhać; *Mat. 10, 16.*

50. Tak zo by požadana byla wot tuteje šlachty krej wšitkich tych profetow, kiž je rozlata wot založenja teho swěta,

51. Wot Abeloweje krwě hač do krwě Zachariasoweje, kotryž kónc wza bjez wołtarjom a templom. Zawěsće, ja praju wam: To budže wot teje šlachty požadane. *1 Mójz. 4, 8. 2 Kron. 24, 20. 21. Mat. 23, 35.*

52. Běda wam zakonikam; přetož wy sće kluč teho póznaća přeč wzali. Wy nutř njepřinďžeće a wobaraće tym, kiž nutř chcedža.

53. Jako wón pak to k nim řečeše, počachu ći pismawučeni a Farizejscy so surowje na njeho dać a jemu ze wšelkim woprašowanjom hubje zatykać;

54. Lakawši na njeho a pytašwi, hdy

bychu něšto wuhnać móhli z jeho erta, zo bychu jeho wobskoržili. *Kn. mudr. 2, 12.*

12. staw

Wo wěry wosebnosćach a zadžěwkach.

1. Na to pak, jako so tón lud zhromadži a jich na někotry tawzynt běše, tak zo jedyn na druheho teptaše; tuž poča wón powjedać svojim wučomnikam a džeše: Najprjedy hladajće so Farizejskeho kwasa, kotryž je to hejchleřstwo. *Mat. 16, 6. Mark. 8, 15.*

2. Přetož ničo njeje potajene, zo by njebyło zjewjene, ani skradnje, zo by njepřišlo k wědženju. *Mark. 4, 22.*

3. Teho dla, štož wy w ćmje prajiće, to budže na swětym słyšane; a štož wy w komorach šepće do wucha, to budže na třěchach připowědane. *Mat. 10, 26.*

Tekst na nowe lěto. III.

4. [Ja praju pak wam, mojim přećelam: Njestrachujće so tych, kiž ćelo zabija a potom ničo wjazy činić njemóža. *Mat. 10, 28.*

5. Ja chcu pak wam zjewić, koho so bojeć maće: Bójće so teho, kotryž, hdyž wón je morił, tež móc ma, ćisnyć do teje hele. Haj, ja praju wam, teho so bójće.

6. Njepředawaju pječ wroblow za dwaj małaj pjenježkaj? Dha wšak před Bohom wot tych samych tež nic jedyn njeje zapomnjeny.

7. Tež su te włosy na wašich hłowach wšitke rachnowane. Teho dla njebójće so; wy sće lěpši, dyžli wjele wroblow. *2 Sam. 14, 11.*

8. Ja pak wam praju: Štóz mje pónaje před čłowjekami, teho budže tež člorózki syn pónač před Božimi jandželemi. *Mat. 10, 82.*

9. Štóz mje pak zapře před čłowjekami, tón budže zapřeťy před Božimi jandželemi.]

10. A štóz rěči słowo přećiwo čłorskemu synej, temu dyrbi wodate być; štóz pak hani swjateho Ducha, temu njebudže wodate. *Mat. 12, 31. Mark. 3, 28. 29.*

11. Hdyž woni was pak budža wodzić do swojich šulow a před tu wyšnosť a před tych mócných; dha njestarajće so, kak abo što wy wotmołwić, abo što wy prajić maće. *Mat. 10, 19.*

12. Přetož swjaty Duch budže was w tej samej štundže nawučić, što wy prajić maće.

13. Jedyn pak z teho luda džeše k njemu: Mištrje, rjekńi mojemu bratrej, zo by wón zo mnu to herbstwo rozdželił.

14. Wón pak džeše k njemu: Čłowječe, što je mje za sudnika postajil abo za dželnika nad wamaj?

15. A džeše k nimaj: Hladajće a warnujće so před lakomstwom; přetož ničto njeje žiwy wot teho, zo ma wjele kubłow. *1 Tim. 6, 10. Mat. 4, 4.*

16. A wón praješe jim přirunanje a džeše: Bohaty muž běše, teho polo běše derje přinjesło.

17. Teho dla wón při sebi sam mysleše a džeše: Što mam ja činić? Ja ni-

mam rum, hdžež bych swoje płody zhromadził.

18. A džeše: To chcu ja činić: Ja chcu swoju bróžeń wotłamać a wjetšu natwarić, a chcu do njeje zhromadzić wšitko, štož mi je narostło, a swoje kubła;

19. A chcu rjeknyć k swojej duši: Luba duša, ty maš wjele kubła nahromadženeho na wjele lět; měj nětk wotpočink; jěs, pij a budž dobreje mysle. *Sir. 11, 18. 19.*

20. Ale Bóh džeše k njemu: Ty blaznje, w tej nocy budže twoja duša wot tebe zaso žadana; a čej budže, štož ty sy přihotował?

21. Tak je, štóz sebi čazy zhromadžuje a njeje bohaty w Bosy.

22. Wón pak džeše k swojim wučomnikam: Teho dla praju ja wam: Njestarajće so wo waše žiwjenje, što byšće jědli; ani wo waš žiwot, z čim byšće so wodžewali. *Mat. 6, 25. 31. 1 Pětr. 5, 7.*

23. Žiwjenje je wjazy, dyžli khošt, a žiwot wjazy, dyžli drasta.

24. Kedžbujće na rapaki; wone njesyju, tež něžnu, tež nimaju pincu ani bróžeń, a Bóh je wšak zežiwi. Kak wjele sće pak wy lěpši, dyžli ptaki! *Ps. 147, 9.*

25. Štó pak je bjez wami, kiž so by mohł jedyn loć dlěžši činić, hač wón so runje wo to stara?

26. Hdyž teho dla to mjeńše njezamóžeće, čoho dla staraće so wy wo to druhe?

27. Kedžbujće na te lilije na polu, kak wone rostų; wone njedžělaju, tež njepřadu. Ja praju pak wam, zo tež Sa-

lomon we wšitkej swojej krasnosći njeje tak wodźety był, jako jena tych samych.

28. Hdyž pak tu trawu, kotraž džens na polu je a jutze do pjezy budže ćisnjena, Bóh tak wodźewa, čím bóle budže wón was wodźewać, wy małowěrní!

29. Teho dla tež wy njepytajće teho, što byšće jědli abo što byšće pili; a njelětajće vysoko z wašimi myslimi.

30. Přetož wšěch tych wěcow hladaju póhanjo na swěće; ale waš Wótca wě derje, zo wy to potrjebaće. *Mat. 6, 32.*

31. Wjele wjazy pytajće kralestwo Bóže, dha budže wam to wšitko přidate.

32. Njebój so, ty móličke stadlo; přetož wašeho Wótca spodobanje je, wam to kralestwo dać. *Mat. 11, 26.*

33. Předajće, štož maće, a dajće jałmožinu. Činće sebi měški, kotrež so njezestarja, šaz, kiž w njebjesach njehinje, k kotremuž žadyn paduch přińc njemóže ani mól jón njeskazy. *Mat. 6, 20.*

34 Přetož hdžež je waš šaz, tam budže tež waša wutroba.

35. Njeh su waše bjedra wopasane a waše swěcy zaswěćene; *Jer. 1, 17. 1 Pětr. 1, 13. Mat. 25, 1.*

36. A budžće podobni tym ludžom, kotřiž na swojeho knjeza čakaju, hdyž wón z kwasa zaso dom dže, zo bychu jemu, hdyž přińdže a kłapa, hnydom wotewrili.

37. Zbóžni su ći sami wotročcy, kotrychž tón Knjez přišedši namaka, zo woni wachuja. Zawěrnje, ja praju wam, wón budže so podpasac a jim kazać, so za blido sydnyc, a budže přistupic a jim

služic.

Jan. 13, 4.

38. A přińdže-li wón w druhej waše abo w třećej waše a jich tak namaka; zbóžni su tajcy wotročcy.

39. To pak maće wjedzić: Hdy by hozpodar wědzał, w kotrej štundže by paduch přišoł, by wón zawěsće wachował a njedał do swojeho doma so łamać. *1 Thes. 5, 2.*

40. Teho dla budžće wy tež hotowi; přetož člorózki syn budže přińc w tej štundže, w kotrejž so wy njenadžijeće. *Mat. 24, 44.*

41. Pětr pak džeše k njemu: Knježe, ryčiš ty to přirunanje jeno k nam, abo tež k wšitkim?

Tekst na 9. njedželu po swj. Trojicy. IV.

42. [Tón Knjez pak džeše: Što měniš ty, je tón najaty swěrný a mudry zastojnik, kotrehož jeho knjez je postajił na swoju čeledź, zo by jim w prawym času jich potrebu dał? *Mat. 24, 45.*

43. Zbóžny je tón wotročk, hdyž jeho knjez tak jeho činjo namaka, hdyž přińdže.

44. Ja praju wam zawěrnje, wón budže jeho na wšitko, štož wón ma, postajić.

45. Budže-li pak tón samy wotročk w swojej wutrobje rjeknyć: Mój knjez so dlěji přińc; a pónje bić wotročkow a džowki, tež jěsć a pić a so wopić:

46. Dha budže teho sameho wotročka knjez přińc tón džeń, kotryž so njenadžije, a w tej štundže, wo kotrejž wón

njewě; a budže jeho wotehnać a jemu jeho mzdu dać z njeswěrnymi.

47. Tón samy wotročk pak, kiž swojeho knjeza wolu znaje a njeje so přihotował, njeje tež činił po jeho woli, tón budže jara šwikany. *Jak. 4, 17.*

48. Štóz pak njeznaje a čini, zo šwikanja hódne je, tón budže mjenje šwikany. Komuž pak wjele date je, wot teho budže so wjele pytać; a komuž je wjele poručene, wot teho budže so tež wjele požadać.]

49. Ja sym přišoł, zo bych woheń zapalił na zemi; a što chcył ja radšo, hač zo by so hižom horił!

50. Ale ja mam so prjedy dać křćić z křćenicu; a kak tyšnje mi je, hač dokonjane budže! *Mat. 20, 22.*

51. Nadzijeće so, zo sym přišoł měř dać na zemi? wam: Ně, ale njejednotu. *Mat. 10, 34.*

52. Přetož wot nětk budža pječo w jenym domje, kiž přez jene njejsu; třjo budža přeciwo dwěmaj, a dwaj přeciwo třjom.

53. Nan budže přeciwo synej a syn přeciwo nanej; mać přeciwo džowcy a džowka přeciwo maćeri; přichodna mać přeciwo přichodnej džowcy a přichodna džowka přeciwo přichodnej maćeri.

Tekst na 27. njedźelu po swj. Trojicy. IV.

54. [Wón tež pak k tym ludžom džeše: Hdyž widziće, zo mrócel wot wječora horje dže, dha wy hnydom prajiće: Dešč póndže; tež so tak stanje. *Mat. 16, 2.*

55. A hdyž wot połdnja wětr duje, prajiće wy : Horco budže; a stanje so tak.

56. Wy błudnicy, na zemju a na njejesa wy so wustejiće; kak dha, zo wy so nětk do teho časa njewustejiće? *Jan. 4, 35.*

57. Čoho dla pak wy njesudžiće sami po sebi, štož prawe je?]

58. Hdyž ty teho dla ze swojim přeciwnikom před knjeza džeš, prócuj so hnydom wo to na puću, zo by ty jeho mohl z dobrym wotbyć; zo by tebje wón snadnje nječahnył před sudnika, a sudnik by će njepodał bércej, a bérc čisnył će do jastwa. *Přisl. 25, 8. Mat. 5, 25.*

59. Ja praju či, ty tam njebudžeš wuńć, hač tež najposlenju šerpatku njezaplaćiš.

13. staw

Pokutne přědowanje wo wutupjenju Galilejskich, figowym štomje, wo chorej žonje, wo ewangeliju, wuskich wrotach a wupusćenju Jerusalemskim.

1. Někotři pak w tym samym času tam běchu, kotřiž jemu připowjedachu wot tych Galilejskich, kotrychž krej Pilatus z jich woporami běše změšał.

2. A Jezus wotmołwi a džeše k nim: Zda so wam, zo či sami Galilejscy su wjetši hrěšnicy byli, dyžli wšitcy druzi Galilejscy, dokelž woni to su čerpili?

3. Ja praju: Ně; ale, njebudžeće-li so wy polěpšeć, budžeće wy runje tak wšitcy kónc wzać.

4. Abo zda so wam, zo ći wósomnaćo, na kotrychž tón tórm w Silohi padže a zarazy jich, su sami wina přede wšitkimi čłowjekami byli, kiž we Jerusalemjje přebywaju?

5. Ja praju: Ně; ale njebudžeće-li wy so polěpšeć, budžeće wy runje tak wšitcy kónc wzać.

Sćenje na 20. njeźelu po swj. Trojicy.

6. [Wón powědaše jim pak to přirunanje: Jedyn čłowjek měješe figowy štom, kiž běše šćěpjeny w jeho winicy; a wón přińdže a pytaše plody na nim a njenamaka ničo.

7. Tuž džeše wón k winicarjej: Hlaj, ja sym tři lěta přišoł a plody pytał na tym figowcu a ničo njenamakał; porubaj jón; što wón zemju zadžěwa?

8. Wón pak wotmołwi a džeše k njemu: Knježe, wostaj jón hišće to lěto, hač jón wobkopam a pohnoju,

9. Hdy by wón chcył plody přinjesć; jeli zo njeprinjese, dha potom jón porubaj.]

10. Wón wučese pak w jenej šuli na sabat.

11. A hlaj, tam běše žónska, kotraž měješe ducha teje chorosće wósomnaće lět, a wona běše pochilena, tak zo njemóžeše nikak prawje horje pohladać.

12. Jako ju pak Jezus wuhlada, zawoła wón ju k sebi a džeše k njej:

Zónska, budž spuščena wot swojeje chorosće.

13. A położy rucy na nju; a hnydom bě wona prosta a chwaleše Boha. *Mark. 7, 32.*

14. Tuž wotmołwi tón šulski wyši, kiž so hněwaše, zo Jezus na sabat běše hojił, a džeše k ludu: Šěsć dnjow je, přez kotrež my móžemy džělać; na tych samych přińdžće a dajće so zahojić, a nic na sabatnym dnju.

15. Tón Knjez pak wotmołwi jemu a džeše: Ty ludako, njewotwježe kóždy bjez wami swogeho woła abo wošla wot žloba na sabaće a wjedže jeho k napowanju? *2 Mójz. 23, 5.*

16. Njedyrbjała pak tuta, kiž wšak Abrahamowa džowka je, kotruž zatanas, hlaj, wósomnaće lět je zwjazal, so wotw-
jazać wot teho zwjazka na sabatnym dnju?

17. A jako wón to praješe, dyrbjachu so wšitcy hanibować, kiž přećiwo njemu byli běchu; a wšitkón lud zwjeseleše so na wšěch tych krasnych skutkach, kotrež so wot njeho stachu.

Tekst na druhi swjedženj swjatkow. IV.

18. [Wón džeše pak: Komu je to kralestwo Bože podobne? a komu ja jo dyrbju přirunać?

19. Žonopowemu zornu je wone podobne, kotrež čłowjek wza a ćisnu to same do swojeje zahrody; a wone rosćeše a sćini so wulki štom, a ptaki tych njebjes činjachu sebi hnězda na jeho hałozach. *Mat. 13, 31. Mark. 4, 31.*

20. A zaso džeše wón: Komu dyrbyja to kralestwo Bože přirunać?

21. Wone je kwasu podobne, kotryž žónska wza a zaměša tón samy do třoch kórcow muki, hač wšitko wokisnu.] 1 *Móž. 18, 6.*

22. Wón pak chodžeše po městach a po wsach a wučese, a běše so nastajił do Jerusalema.

Tekst na 25. njedźelu po swj. Trojicy. IV.

23. [Jedyn pak džeše k njemu: Knježe, je dha tych mało, kiž zbóžni budža? Wón pak džeše k nim:

24. Wojujće wo to, zo byšće přez te česne wrota nutř šli; přetož wjele jich budže, to ja wam praju, za tym stać, kak bychy nutř přišli, ale njebudža móc. *Mat. 7, 13. Phil. 3, 12.*

25. W tym času, hdyž hozoďar je stanył a durje je zawrjeł, a wy budžeće počinać wonkach stać a so wo durje kłapać a rjeknyć: Knježe, knježe, wotewr nam. A wón pak budže wotmołwić a k wam prajić: Ja was njeznaju, zwotkal sće.] *Mat. 7, 23.*

26. Tehdy budžeće wy počeć prajić. My smy před tobu jědli a pili, a na našich hasach sy ty nas wučil.

27. A wón budže rjeknyć: Ja wam praju, zo was njeznaju, zwotkal wy sće; woteńdźće wote mnje wšitcy, wy złoštnicy! *Ps. 6, 9. Mat. 7, 23.*

28. A tam budže skiwlenje a zubow křipjenje, hdyž budžeće widžeć Abrahama a Izaaka a Jakuba a wšitkich pro-

fetow w Božim kralestwje, was pak wustorčenych.

29. Tehdy budža přińc wot ranja a wot wječora a wot polnocy a wot połdnja, a budža so k blidu sydać w Božim kralestwje. *Mat. 8, 11.*

30. A hlaj, nětk su ći posleni, kotřiž přeni budža; a su nětk ći přeni, kotřiž budža posleni. *Mat. 19, 30.*

Tekst na 10. njedźelu po swj. Trojicy. IV.

31. [Tón samy dzeń přińdzechu někotři Farizejscy a džachu k njemu: Wuńdź a nastaj so wot tudy; přetož Herodas chce će skóncować.

32. A wón džeše k nim: Džiće a powěsće tej lišcy: Hlaj, ja honju čertow won a wustrowju džensa a jutkje, a na třeći dzeń budu ja kónc wzać.

33. K temu tež mam ja džensa a jutkje a po jutřišim chodźić; přetož njemóže być, zo mohł profeta druhdže kónc wzać, chiba we Jerusalemj.

34. Jerusalemy, Jerusalemy, kiž ty moriš profetow a kamjenjuješ, kotřiž k tebi su posłani; kak husto sym ja twoje džěci chcył zhromadzić, jako pata swoje kurjatka pod swoje křidła; a wy sće njechali. *Mat. 23, 37.*

35. Hlajće, waš dom budže wam pusty wostajeny. Zawěsće, ja praju wam, wy mje njebudžeće widžeć, hač čas přińdže, zo wy prajić budžeće: Chwaleny budź tón, kiž přińdže w mjenje teho Knjeza.] *Mat. 23, 38. Pj. 118, 26. Pj. 60, 27.*

14. staw

*Wo wódnwym, Chrystu-
sowym hóstnym přédowanju,
wulkej wječeri a chodženju
za Jezusom.*

*Scénje na 17. njedźelu po
swj. Trojicy.*

1. [A poda so, zo wón přindže do doma jeneho wyšeho tych Farizejskich na sabat, zo by chléba pojědł; a woni lakachu na njeho. *Mark. 3, 2.*

2. A hlaj, tam běše jedyn wódnwy čłowjek před nim.

3. A Jezus wotmołwicy řečeše k pis-mawučenym a k Farizejskim a džeše: Hodži so tež na sabat hojić?

4. Woni so pak wotmjelknychu. A wón dosahnywši zahoji jeho a pušći jeho wot sebje.

5. A wotmołwi a džeše k nim: Štó je bjez wami, hdy by jemu wošo abo woł do studnje panuł, zo by wón jeho na měsće njewucahnył sabatny dzeń?

6. A woni njemózachu nič přeciwo njemu na to wotmołwić.

7. Wón pak hosćam přirunanje powědaše, jako wón pytny, kak woni wuzwolichu na wyšim měsće sedzić, a džeše k nim:

8. Hdyž ty wot někoho na kwas prošeny budžeš, dha njesuń so na wyše město, zo by něhdže česniši, dyžli ty sy, wot njeho prošeny njebył;

9. A hdy by tón přišoł, kiž tebe a jeho prosyl je, a rjeknył k tebi: Wotstup

temu to město, dha dyrbjał ty z hanibu so k nižšemu městu dzeržeć.

10. Ale hdyž ty prošeny budžeš, dha dži a sydn so na to nižše město; tak hdyž tón přindže, kiž tebe prosyl je, k tebi rjeknje: Přecelo, sydn so bóle horje; tehdy směješ ty česć před tymi, kiž z tobu za blidom sedža.

11. Přetož štóž so sam powyšuje, tón budže poniženy; a štóž so sam ponižuje, tón budže powyšeny.] *Mat. 23, 12. Luk. 18, 14.*

12. Wón pak tež džeše k temu, kotryž jeho běše prosyl: Hdyž wobjed činiš abo wječer, njeproš svojich přecelow ani svojich bratrow ani svojich přirodnych ani svojich bohatych susodow, tak zo bychy woni tebe snadnje zaso njepro-syli a tebi zaso zapłaćene bylo;

13. Ale hdyž hosćinu činiš, dha proš chudych, chromych, bėdných, slepych; *Tob. 4, 7. Sir. 4, 1. St. 14, 13.*

14. Dha budžeš ty zbóžny; přetož woni ći njemóža zaplaćić; tebi pak budže zaplaćene w tym horjestawanju tych prawych. *St. 5, 29. Mat. 6, 4. Jan. 11, 24.*

15. Jako to pak slyšeše jedyn wot tych, kiž z nim za blidom sedžichu, džeše wón k njemu: Zbóžny je tón, kiž chléb jě w Božim kralestwje.

*Scénje na 2. njedźelu po
swj. Trojicy.*

16. [Wón pak džeše k njemu: Jedyn čłowjek hotowaše wulku wječer a prošeše jich wjele na nju.

17. A pósła swojeho wotročka won w štundže teje wječerje, zo by prajił tym

prošenym: Pójće, přetož wšitko je hotowe.

Přist. 9,

5.

18. A woni počinachu wšitcy so po rjadu zamołwić. Přěni džeše k njemu: Ja sym sebi polo kupił a mam won hić, zo bych to wohladał; ja će prošu, zamolró mje.

19. A druhi džeše: Ja sym sebi pjeć přahow wołow kupił a sym na puću, zo bych je spytał; ja će prošu, zamolró mje.

20. A třeći džeše: Ja sym so woženil, a teho dla ja přińc njemóžu.

21. A tón samy wotročk přińdže zaso a powjedži to swojemu knjezej. Tuž rozhněwa so tón hozpodar a džeše k swojemu wotročkej: Dži hnydom won na měšćanske hasy a na torhošća a přiwjedź hew nutř chudych a bědných a chromých a slepych.

22. A wotročk džeše: Knježe, wone je so stało, štož sy prikazał; a je hišće rum tudy.

23. A tón knjez džeše k wotročkej: Dži won na drohi a k płotam; a nuzuj jich, zo bychy nutř zašli, tak zo mój dom pońny budže.

24. Ja pak praju wam, zo žadyn tych samych mužow, kotřiž prošeni su, mojeje wječerje woptać njebudže.]

25. Wjele luda pak džeše z nim. A wón wobroći so a džeše k nim:

26. Dže-li štó ke mni a njehidži swojeho nana a maćer a žonu a džěći a bratrow a sotry, a k temu tež swoje žiwjenje; tón njemóže mój wučomnik być.

5 Mójz. 33, 9. Mat. 10, 37.

27. A štóž swojeho křiža njenjese a za mnu njeńdže, tón njemóže mój

wučomnik być.

28. Štó je pak bjez wami, kiž chce tórm natwarić, zo by wón sedžo prjedy njewurachnował te wukłady a hač to ma, čohož je trjeba, zo by jón dokonjał?

29. Tak zo něhdže, hdyž by založenje položil a njemohł to dokonjeć, wšitcy, kiž bychy to widžili, počeli so jemu smjeć,

30. A prajić: Tutón čłowjek počinaše twarić a njemóžeše to same wuwjesć.

31. Abo kotry kral čehnje na wójnu přeciwo druhemu kralej a sedžo prjedy radu njedžerži, hač by mohł z džesać tawzyntami napřeciwo čahnyć temu, kotryž z dwacyći tawzyntami čehnje přeciwo njemu?

32. Jeli zo nic, pósće wón pósłow k njemu, hdyž hišće daleko wot njeho je, a prosy pře měr.

33. Tak teho dla tež kóždy bjez wami, kiž so njewotrjeknje wšitkemu temu, štož ma, njemóže mój wučomnik być.

34. Sól je dobra wěc; jeli zo pak sól stuchnje, z čim budža selić? *Mat. 5, 13. Mark. 9, 50.*

35. Ani do zemje, ani do hnoja so njehodži, ale přeč ju čisnu. Štóž ma wuši k słyšenju, tón słyš. *St. 8, 8.*

15. staw

**Chwalba Božeje smilnosće
přez přirunanja.**

**Sćenje na 3. njedźelu po
swj. Trojicy.**

1. [Přibližowachu so pak k njemu
wšelcy slonicy a hrěšnicy, zo bychu jeho
posluchali. *Mat. o, 10.*

2. A či Farizejscy a pismawučeni
mórcachu a džachu: Tón bjerje
hrěšnikow horje a jě z nimi. *St. 7, 39.*

3. Wón pak praješe jim to přirunanje
a džeše:

4. Kotry čłowjek je bjez wami, kiž
ma sto wowcow, a hdyž wón jenu wot
nich zhubi, zo by wón te džewjeć a
džewjećdžesać njewostajil w pusćinje a
nješoł za tej zhubjenej tak dołho, hač
by ju namakał? *Ez. 34, 11. 16. Luk. 19,
10. Mat. 18, 12.*

5. A hdyž ju namakał je, położy wón
ju na swojej ramjeni z wjeselosću.

6. A hdyž dom přindže, zawoła wón
swojich přecelow a susodow a rjeknje k
nim: Wjeselće so zo mnu; přetož ja sym
swoju wowcu namakał, kotraž zhubjena
běše.

7. Ja praju wam, zo runje tak
wjesełosć budže w njebjesach na jenym
hrěšniku, kiž pokutu čini, před džewjeć
a džewjećdžesać prawymi, kotřiž pokuty
njepotrjebaju. *St. 5, 32.*

8. Abo kotra žónska je, kiž džesać
krošow ma, hdyž wona jedyn zhubi, zo
by swěčku njezaswěčila a chěžu njem-
jetla a swěru njepytała, hač wona jón

namaka?

9. A hdyž jón namakała je, zawoła
wona swoje přecelnicy a susodnicy a
rjeknje: Wjeselće so zo mnu; přetož ja
sym swój kroš namakała, kotryž běch
zhubila. *St. 1, 58.*

10. Runje tak, praju wam, budže
wjesełosć před Božimi jandželemy na
jenym hrěšniku, kiž pokutu čini.]

**Tekst na 11. njedźelu po
swj. Trojicy. IV.**

11. [Dale džeše wón: Jedyn čłowjek
měješe dweju synow.

12. A tón młódsi bjez nimaj džeše
k nanej: Nano, daj mi, štož wot teho
kubla na mnje přindže. A wón rozdželi
jimaj tu žiwnosć.

13. A po někotrych dnjach zebra
tón młódsi syn wšitko, čehnješe daleko
přeč; a tam wón swoje kublo přecini a
wjedžeše wrótné žiwjenje. *Přist. 29, 3.*

14. Jako wón pak wšitko to swoje
běše přecinił, bě wulka drohota po tym
samym cyłym kraju, a wón poča tradać.

15. Teho dla džeše wón a přistaji so
k jenemu měščanej teho sameho kraja;
tón pósła jeho na swoje polo, zo by
swinje pasł.

16. A wón požadaše swój brjuch
napjelnić ze słodžiznami, kotrež swinje
žerjachu, a nihtó jemu je njedawaše.

17. Tuž džeše wón do so a džeše: Kak
wjele dželačerjow ma mój nan, kotřiž
maja chlěba dosć jěsć, a ja hloda mru!
Přist. 23, 21.

18. Ja chcu postanyć a k swojemu
nanej hić a k njemu rjec: Ja sym zhrěšil

w njebju a před tobu, *Jer. 3, 14.*

19. A njejsym dale hódny, zo bych twój syn mjenowany był; čín mje jako jeneho twojich džělačerjow.

20. A wón postanu a džěše k swojemu nanej. Jako wón pak hišće daloko běše, wuhlada jeho jeho nan, a běše jemu jeho žel, běžeše a padže jemu wokoło jeho šije a wokoša jeho. *2 Sam. 14, 33.*

21. Tón syn pak džěše k njemu: Nano, ja sym zhrěšil w njebju a před tobu; a dale njejsym hódny, zo budu twój syn mjenowany.

22. Ale tón nan džěše k swojim wotročkam: Prinjesće tu najlěpšu drastu a woblecće jeho a dajće pjeršćen na jeho ruku a črije na nohi;

23. A přiwjedźće sem to kormjene čelo, zarěžće to same, zo bychmy jědli a wjesoli byli;

24. Přetož tón mój syn běše morwy a je zaso wožiwił; wón tež běše zhubjeny a je so zaso namakał. A zawjeselichu so. *Eph. 2, 1. 5. St. 5, 14.*

25. Ale jeho starši syn běše na polu; a jako přińdže a wón so k domej přibližowaše, wusłyša wón to pískanje a rejwanje;

26. A zawoła k sebi svojich wotročkow jeneho a wopraš, što to je?

27. Tón pak džěše k njemu: Twój bratr je přišoł; a twój nan je to kormjene čelo dał zarězać, zo je jeho stroweho zaso dóstał.

28. Tuž so wón rozhněwa a njechaše nutř hić. Ale jeho nan wuńdže a prošeše jeho.

29. Wón pak wotmołwi a džěše k nanej: Hlaj, ja telko lět tebi služu,

a njejsym hišće nihdy twoju prikaznju přestupił; a však mi njejsy nihdy kózlika dał, zo bych ja ze swojimi přěčelemi wjesoly pobył;

30. Ale hdyž tón twój syn přišoł je, kiž twoju žiwnosć z kurwami je póžrjel, sy ty jemu na měsće to kormjene čelo zarězał. *Přisl. 29, 3.*

31. Wón pak džěše k njemu: Mój syno, ty sy přeco při mni, a wšitko, štož moje je, to je twoje;

32. Ty dyrbjał pak so zwjeselić a zadować; přetož tón twój bratr běše morwy a je zaso wožiwił; wón tež běše zhubjeny a je so zaso namakał.]

16. staw

Njewužitne wužiwanje bohatstwa začisnjene.

Scénje na 9. njedźelu po swj. Trojicy.

1. Wón pak džěše tež k svojim pósłam: Jedyn bohaty muž běše, kiž měješe zastojnika; a tón bě před nim wobskorženy, jako by wón jemu jeho kubła přecinił.

2. A wón zawoła jeho k sebi a džěše k njemu: Što to słyšu wot tebe? Čín rachnowanje wot swojeho zastojnstwa; přetož ty njebudžeš móc dale za zastojnika być.

3. Tón zastojnik pak džěše sam při sebi: Što dyrbju ja činić, dokelž mój knjez to zastojnstwo wote mnje bjerje? Kopać ja njemóžu, prosyc so hanibuju. *Sir. 40, 0. 32.*

4. Ja wěm, štož ja činić chcu, hdyž ja wot teho zastojustwa wotstorčeny budu, zo bych u mje do swojich domow horje wzali.

5. A wón zawoła wšitkich dołžnikow swojeho knjeza a džeše k přenjemu: Kak wjele sy ty mojemu knjezej winojty?

6. Wón pak džeše: Sto tunow wolija. A wón džeše k njemu: Wzmi swój list, sydńi so a napiš z molom pjećdziesiąt.

7. Potom džeše wón k druhemu: Ty pak, kak wjele sy ty winojty? Wóndžeše: Sto břemjenjowpšeńzy. A wón džeše k njemu: Wzmi swój list a napiš wósmndžesać.

8. A tón knjez pochwali teho njepraweho zastojnika, zo wón běše mudrje činił; přetož džěci teho swěta su mudřiše, dyžli džěci teho swětla w swojej šlachće. *Eph. 5, 9. 1 Thes. 5, 5.*

9. A ja praju wam: Činće sebi přecelow z njeprawym mammonom, zo woni, hdyž wy tradaće, was bych u horje wzali do wěčnych hětow.] *Mat. 6, 20. St. 19, 21. 1 Tim. 6, 19.*

10. Štóž je w snadnišim swěrnym, tón je tež we wulkim swěrnym; a štóž je w snadnišim je njeprawy, tón je tež we wulkim njeprawym. *St. 19, 17.*

11. Hdyž wy teho dla w tym njepawn mammonje swěrnym njejsće byli, što chcył wam to prawe dowěrić?

12. A hdyž w cuzym njejsće swěrnym byli, što chcył wam to waše dać?

13. Žadyn domjacy wotročk njemóže dwěmaj knjezomaj služić; chiba wón budže teho jeneho hidzić a teho druhého lubować; abo budže so k jenemu dđeržeć a teho druhého zacpěć. Wy njemóžeće

Bohu služić a mammonej. *Mat. 6, 24.*

14. To wšitko pak tež słyšachu čí Farizejscy, kotřiž lakomni běchu, a smějachu so jemu. *Mat. 23, 14.*

15. Wón pak džeše k nim; Wy sće čí, kiž so sami za prawych před čłowjekami činiće, ale Bóh znaje waše wutroby; přetož štož wysoke je před čłowjekami, to je před Bohom hroznosć. *St. 18, 9. Pj. 7, 10.*

16. Zakoń a profetojo wěšća hač do Jana; a wot teho časa budže to kralestwo Bože přez to ewangelion předowane, a kóždy čisćí so z mozu do njeho. *Mat. 11, 13.*

17. Lóže pak je, zo njebjó a zemja zahinjetej, dyžli zo by wot zakonja jedyn kónčik zahynyl. *St. 21, 33. Mat. 5, 18.*

18. Kóždy, štož swoju mandželsku přec pušći a wozmjje sebi druhu, tón mandželstwo łama; a kóždy, štož tu přecpušćenu wot muža sebi wozmjje, tón tež mandželstwo łama. *Mat. 5, 31. St. 9, 19. Mark. 10, 11.*

Scénje na 1. njedželu po swj. Trojicy.

19. [Někakji bohaty muž pak běše, tón chodžeše w purpurzkej a wot droheho płata drasće a mějej še so wšědnje derje w krasnym wjeselu.

20. Běše pak jedyn chudy, z mjenom Lazarus, tón ležeše před jeho durjemi poľny brjodow, *Sur. 14, 14.*

21. A žadaše so nasyćić z tymi drjebjeńčkami, kotrež z blida teho bohateho padachu. Dha wšak přińdžechu psy a lizachu jeho brjody.

22. Poda so pak, zo tón chudy wumře a bě njeseny wot jandželow do Abrahamoweho klina. Tón bohaty pak tež wumře a bu pohrjebany.

23. A jako wón w heli a w čwili běše, pozběhnu wón swojej woči a wuhlada Abrahama nazdala a Lazara na jeho klinje;

24. A zawołajo džeše wón: Wótče Abrahamje, smil so nade mnu a pósćel Lazara, zo by wón tón kónčik swjeho porsta we wodže womačal a wochłožil mój jazyk; přetož ja čerpju čwilu w tutym płomjenju. *Jez. 66, 24.*

25. Abraham pak džeše: Spomń, syno, zo ty swoje dobre sy wužiwał w swojim žiwjenju, ale Lazarus je lute zle čerpił. Nětk pak budže wón troštowany, a ty budžeš čwilowany.

26. A wyše teho wšeho je bjez nami a bjez wami wulka hlubina wobtwjerdžena, zo či, kiž bychu chcyli tudy wot nas k wam dele hić, njemóža, tež nic tam wot was k nam horje přińć. *Jez. 30, 33.*

27. Tuž džeše wón: Dha će prošu, wótče, zo by ty jeho pósłał do mojeho nanoweho doma;

28. Přetož ja mam hišće pječ bratrow, zo by wón jim wobswědčil, zo tež woni njebychu sem přišli na to město teje čwile.

29. Abraham džeše k njemu: Woni maju Mójzasa a profetow; njech tych samych poslušaju. *Jez. 8, 20. St. 34, 16.*

30. Wón pak džeše: Ně, wótče Abrahamje; ale hdy by štó wot morwych k nim šoł, dha bychu pokutu činili.

31. Wón džeše k njemu: Nje-poslušaju woni Mójzasa a profetow, dha tež njebudža wěrić, hdy by runje štó wot morwych stanył.]

17. staw

Wo pohóršenju, wujednanju, wěrje a skutkach, džesać wusadnych a přichodže Božeho kralestwa.

1. Wón džeše pak k wučomnikam: Móžno njeje, zo bychu pohóršena njeprřiše; běda pak temu, přez kohož přińdu.

2. Lěpje by jemu bylo, zo by młynski kamjeń za jeho šiju był založeny a zo by čisnjeny był do morja, hač zo by wón jeneho tutych móličkich pohóršił. *Mat. 18, 6. Mark. 9, 42.*

3. Derje so sami hladajće. Hdy by pak twój bratr přeciwo tebi zhrěšił, naswar jeho; a jeli zo so wón polěpši, wodaj jemu. *3 Mójz. 19, 17. Mat. 18, 15.*

4. A hdy by wón sydom króc za džeń přeciwo tebi zhrěšił a sydom króc za džeń so k tebi wobroćił a rjekł: Mi je teho žel; dyrbiš ty jemu wodać.

5. Tuž džachu či japoštoli k temu Knjezej: Přispor nam wěru. *Mark. 9, 24.*

6. Tón Knjez pak džeše: Hdy byšće wěru měli jako žonopowe zorno a byšće rjekli k tutemu lěsnemu figowcej: Wutorhń so z korjenjom a přesadź so do morja, dha budže wón was posłuchać. *Mat. 17, 20.*

7. Štó je pak bjez wami, kiž ma wotročka, kotryž wora abo skót pase, zo by jemu, hdyž wón z pola dom přińdže, hnydom rjekl: Pój a sydní so za blido?

8. Njeje temu tak, zo wón k njemu praji: Přihotuj, zo bych powječerjał, podpasaj so a služ mi, hač ja so najěm a napiju; a potom dyrbiš ty so tež najěsć a napić?

9. Džakuje so wón tež temu samemu wotročkej, zo wón je činił, štož jemu běše prikazane? so njezda.

10. Tak tež wy, hdyž wšitko sće činili, štož wam je prikazane, rjekńće: My smy njewužitni wotročkojo; my smy činili, štož činić winojći běchmy.

Sćenje na 14. njedźelu po swj. Trojicy.

11. [A poda so, jako wón čehnješe do Jerusalema, džese wón srjedža přez Samariski a Galilejski kraj. *Jan. 4, 4.*

12. A jako wón do jeneho městka přińdže, zetkachu jeho džesačo wusadni mucy, či stejachu nazdala,

13. A pozběžechu swój hlós a džachu: Jezu, luby mištrje, smil so nad nami!

14. A hdyž wón jich wuhlada, džese wón k nim: Džiće a pokažće so měšnikam. A sta so, jako tam džechu, buchu woni wučisćeni. *3 Mójz. 14, 2. St. 13, 2.*

15. Jedyn pak bjez nimi, jako widžeše, zo wón wustrowjeny bě, wróci so a chwaleše Boha z wulkim hlósom,

16. A padnywši na swoje wobličo k jeho nohomaj, džakowaše so. A tón běše Samariski.

17. Jezus pak wotmołwi a džeše: Njeje jich džesać wučisćenych? Hdže ha pak su či džewjećo?

18. Njeje so hewak žadyn namakał, kiž by so wrócił, zo by Bohu česć dał, hač jeno tón cuzobnik?

19. A wón džeše k njemu: Stań a dži, twoja wěra je će wustrowiła.]

20. Jako wón pak woprašany bě wot Farizejskich: Hdy dha přińdže kralestwo Bože? wotmołwi wón jim a džeše: Kralestwo Bože njepřińdže ze zwonkownym naloženjom; *1 Kor. 4, 20.*

21. Woni tež prajić njebudža: Hlaj tudy, abo, hlaj tam. Přetož hlaj, Bože kralestwo je znutskach we was. *Mat. 24, 23.*

22. Wón džeše pak k wučomnikam: Čas budže přińć, zo budžeće wy požadać, widžeć jedyn džeń teho člorózkeho syna, a njebudžeće jeho widžeć.

23. A woni budža k wam rjeknyć: Hlaj tudy, abo, hlaj tam. Njechodźće tam, ani njeposluchajće jich. *St. 21, 8. Mat. 24, 23. Mark. 13, 21.*

24. Přetož runje jako błysk z njebjes dele błyska a swěći na wšitko, štož pod njebjesami je: tak tež budže člorózki syn na swojim dnju. *Mat. 24, 27.*

25. Ale prjedy dyrbi wón wjele ćerpić a začisnjeny być wot tuteho naroda. *Mat. 16, 21.*

26. A jako so sta w času Noachowym, tak budže tež w dnjach teho člorózkeho syna: *Mat. 24, 37.*

27. Woni jědžichu, woni pijachu, woni so ženjachu, woni so wudawachu, hač do teho dnja, w kotrymž Noa do kašća

džěše, a přinǵže ta lijeńca a skóńcowa jich wšitkich. *1 Mójz. 7, 7.*

28. Teho runja tež, jako so sta w Lotowym času: Woni jěǵzichu, woni pijachu, woni kupowachu, woni předawachu, woni šćěpjachu, woni twarjachu;

29. Tón samy dzeń pak, jako Loth ze Sodoma běše wušoł, dešćowaše woheń a šwabł z njebyes a skóńcowa jich wšitkich.

1 Mójz. 19, 15. 16.

30. Na tajke wašnje tež budže w tym dnju, hdyž člorózki syn zjewjeny budže.

31. Tón samy dzeń, štóz na třěše je, a jeho dobytk w domje, tón njelěs dele, zo by tón samy zebrał. Tak tež, štóz na polu je, tón so njewróćej po to, štož zady so je wostajil. *Mat. 24, 17.*

32. Spomńće na Lotowu žonu! *1 Mójz. 19, 26.*

33. Štóz pyta, zo by swoju dušu zachował, tón budže ju zhubić; a štóz ju budže zhubić, tón budže jej k žiwjenju pomhać. *St. 9, 24. Mat. 10, 39. St. 16, 25.*

34. Ja praju wam: W tej samej nocy budžetaj dwaj na jenym ložu; jedyn budže horje wzaty, a druhi budže wopušćeny. *Mat. 24, 40. 41.*

35. Dwě budžetaj na jene mlěć; jena budže horje wzata, a druha budže wopušćena.

36. Dwaj budžetaj na polu; jedyn budže horje wzaty, a druhi budže wopušćeny.

37. A woni wotmołwichu a džachu k njemu: Hdže, Knježe? Wón pak džeše k nim: Hdžež sćerb je, tam so hodlerje zhromadžuja. *Hiob. 39, 33. Hab. 1, 8. Mat. 24, 28.*

18. staw

Wučba wo modlenju a pokuće, křižu a čerpjenju, přez hekzemple wułożena.

1. Wón jim pak tež powjedzi přirunanje wot teho, kak my so přeco k Bohu modlić mamy a nam so to wostudzić njedyrbi, *Rom. 12, 12. Kol. 4, 2. 1 Thes. 5, 17.*

2. A džeše: Jedyn sudnik běše w jenym měšće, kiž so ani Boha njeboješe, ani so před žanym čłowjekom njehani-bowaše.

3. Wudowa pak tež běše w tym samym měšće, ta přinǵže k njemu a džeše: Wumóz mje wot mojeho přećiwnika!

4. A wón njechaše za dolhi čas. Potom pak džeše wón sam při sebi: Hač ja runje so Boha njeboju ani před žanym čłowjekom so njehanibuju;

5. Dokelž mi pak ta wudowa tak wjele prócy načini, chcu ja ju wumóz, tak zo wona naposledk přišedši mje njepohłuši.

6. Tuž džeše tón Knjez: Posłuchajće, što tón njeprawy sudnik praji.

7. Njedyrbjał pak tež Bóh wumóz svojich wuzwolenych, kiž so wodnjo a w nocy k njemu wołaju, a njedyrbjał sćer pliwu być nad nimi?

8. Ja praju wam: Bórzy bu-dže wón jich wumóz. Ale hdyž člorózki syn budže přinć, hač budže wón tež wěru na zemi namakać?

Sćenje na 11. njedźelu po swj. Trojicy.

9. [Wón pak tež džeše k někotrym, kiž sami wjele do so dđeržachu, jako bychu prawi byli, a druhich za ničo mējachu, to přirunanje:

10. Dwaj čłowjekaj džěštaj horje do templa so modlić. Jedyn běše Farizejski, tón druhi pak slonik.

11. Tón Farizejski stejo tak so modleše sam při sebi: Ja so či džakuju, Božo, zo njejsym jako družy ludžo, rubježnicy, njeprawi, mandželstwo-lamarjo, ani jako tón slonik; *Mat. 5, 20. Jez. 58, 2.*

12. Ja počću so dwójcy za tydžen a dawam džesatk wot všeho, štož mam.

13. A tón slonik stejo nazdala njechaše tež swojej woči k njebiesam pozběhnuć, ale dyri na swoju wutrobu a džeše: Božo, budź mi hrěšnikej hnadny!

14. Ja praju wam: Tón džěše za praweho do swojeho doma před tamnym. Přetož štož so sam powyšuje, tón budže poniženy; a štož so sam ponižuje, tón budže powyšeny.] *Mat. 23, 12. Luk. 14, 11. 1 Pětr. 5, 5.*

15. Woni pak tež k njemu přinjesechu džěćatka, zo by wón so jich dótknył. Jako to pak wučomnicy widžichu, naswarichu woni jich. *Jez. 49, 22. Mat. 19, 13. 14. Mark. 10, 18.*

16. Ale Jezus zawoła je k sebi a džeše: Njeh džěćatka ke mni přindu a njewobarajće jim; přetož tajkich je to kralestwo Bože.

17. Zawěrnje, ja praju wam: Štož Bože kralestwo njewozmjje jako džěćo,

tón njebudže do njeho přinć. *Mark. 10, 15.*

18. A jedyn wyši jeho woprašja a džeše: Dobry mištrje, što mam ja činić, zo bych wěčne žiwjenje herbowal? *Mat. 19, 16. Mark. 10, 17.*

19. Jezus pak džeše k njemu: Što mi rěkaš dobry? Nichtó njeje dobry, chiba tón jenički Bóh.

20. Ty wěš te kaznje derje: Ty njedyrbiš mandželstwo lamać. Ty njedyrbiš moriće. Ty njedyrbiš kranyć. Ty njedyrbiš falšneho swědčenja rěčeć. Česć swojeho nana a swoju maćer. *2 Mójz. 20, 12.*

21. Wón pak džeše: To sym ja wšitko dđeržal wot swojeje młodosće.

22. Jako Jezus to słyšeše, džeše wón k njemu: Hišće jene ty nimaš; wšitko, štož maš, předaj a rozdaj chudym, dha budžeš bohatstwo měc w njebiesach; a pój, dži za mnu. *Mat. 6, 20.*

23. Jako pak wón to słyšeše, zrudži wón so jara; přetož wón běše jara bohaty.

24. Jako pak jeho Jezus widžeše, zo běše so rozrudžił, džeše wón: Kak ćežcy budža bohaći do Božeho kralestwa přinć! *Mat. 19, 23. Mark. 10, 23.*

25. Přetož lóže je, zo kamel přez jehline wucho přeńdže, dyžli zo bohaty do Božeho kralestwa přinďže.

26. Tuž džachu či, kiž to słyšachu: Štóha móže zbóžny býć?

27. Wón pak džeše: Štož pola čłowjekow je njemóžne, to je pola Boha móžne. *Hiob. 42, 2.*

28. Pětr pak džeše: Hlaj, my smy wšitko wopuščili a smy za tobu šli. *Mat.*

19, 27. *Mark. 10, 28.*

29. Wón pak džeše k nim: Zawěrnje, ja praju wam: Nichtó njeje, kiž dom wopušći abo staršich abo bratrow abo žonu abo džeći, Božeho kralestwa dla, 5 *Móž. 33, 9.*

30. Kiž by teho zaso njedostał w tymčasu wjele wjazy, aw tympsichodnym swěće wěčne žiwjenje.

Scénje na njedźelu Ez-tomihi.

31. —Wón wza pak k sebi tych dwanaće a džeše k nim: Hlaj, my džemy horje do Jerusalema, a wšitko budže dokonjane, štož pisane je přez profetow wot člozkeho syna;

32. Přetož wón budže podaty póhanam a budže wusměšeny a hanjeny a zapluwany, *Mat. 27, 2.*

33. A woni budža jeho krjudować a morić; a na třeci džen budže wón zaso stanuć.

34. A woni ničo wot teho njezrozumichu, a ta ryč běše jim potajena, a njewědzachu, štož prajene bě.

35. Sta so pak, jako wón so k Jerichu přibližowaše, sedžeše jedyn slepy při puću a prošeše. *Mat. 20, 29. 30. Mark. 10, 46.*

36. Jako wón pak słyšeše tón lud, kotryž nimo džeše, wobhoni so wot nich, što by to bylo.

37. Tuž zjewichu jemu, zo Jezus Nacarenski nimo dže.

38. A wón zawoła a džeše: Jezu, ty syno Dawidowy, smil so nade mnu!

39. Či pak, kotřiž najprjedy džeču, swarjachu jeho, zo by mjelčał. Wón pak čím bóle wołaše: Ty syno Dawidowy, smil so nade mnu!

40. Jezus pak wosta stejo a kazaše jeho k sebi přiwjesć. A hdyž wón so přibližowa, woprašaja wón jeho,

41. A džeše: Štoha chceš, zo bych tebi činił? Wón džeše: Knježe, zo bych zaso widźił.

42. A Jezus džeše k njemu: Budž zaso widžacy! Twoja wěra je će wustrowiła. *Mat. 9, 22.*

43. A hnydom widžeše wón zaso a džeše za nim a chwaleše Boha. A wšitkón lud, kiž to widžeše, dawaše Bohu chwalbu.]

19. staw

Wo Cacheu, dowěrjenych puntach, Chrystusowym jědženju do Jerusalema, zrudnym wěšćenju a wótrym poswarjenju.

1. A wón čehnješe nutř a džeše přez Jericho.

2. A hlaj, tam běše jedyn muž, z mjenom cacheus; tón bě wyši tych slonikow a bě bohaty;

3. A žadaše sebi Jezusa wohladać, što by wón byl, a njemóžeše před ludom; přetož wón běše mały wot paršony. *Jan. 12, 21.*

4. A wón běžeše prjedy a lěžeše na lěsny figowy štom, zo by jeho widźił; přetož tam měješe nimo hić.

5. A jako Jezus tam přińdže, pohlada wón horje a pytnu jeho a džeše k njemu: Cacheo, lěs ruče dele; přetož ja mam džensa w twojim domje wostać.

6. A wón zlěze ruče dele a wza jeho z wjeselom horje.

7. Jako woni to widžichu, morkotachu wšitcy, zo pola hrěšnika na hospodu zandže.

8. Cacheus pak džeše přistupiwiši k temu Knjezej: Hlaj, Knježe, polojcu svojego kubla dam ja chudym; a sym-li někoho zjebał, dam jo štyri króć zaso. *2 Mójz. 22, 1. Jez. 58, 6.*

9. Jezus džeše k njemu: Džensa je so tutemu domu zbože dostało, dokelž wón tež Abrahamowy syn je. *St. 13, 16.*

10. Přetož čloski syn je přišoł, zo by pytał a zbóžne činił, štož zhubjene je. *Mat. 18, 11. St. 9, 13.*

11. Jako woni na to poslušachu, powědaše wón dale přirunanje, teho dla, zo wón blisko při Jerusalemyje běše, a jim so zdaše, zo kralestwo Bože so hnydom ma zjewić;

12. A wón džeše: Jedyn knjejski woteńdže do dalokeho kraja, zo by sebi kralestwo nutř wzał a potom zaso přišoł. *Mat. 25, 14. Mark. 13, 34.*

13. Wón zawoła pak džesać svojich wotročkow a da jim džesać puntow a džeše k nim: Wikujće, hač zaso přińdu.

14. Jeho měšćenjo pak jeho hidžichu a posłachu poselstwo za nim a dachu jemu powjedzić: My nochzemy, zo by tón nad nami knježił. *Jan. 1, 11.*

15. A sta so, zo wón zaso přińdže, jako to kralestwo běše nutř wzał; tuž kazaše wón tych samych wotročkow k

sebi zawołać, kotrymž wón te pjenjezy dał běše, zo by zhonił, što kóždy je nawikował.

16. Tuž přistupi tón přeni a džeše: Knježe, twój punt je džesać puntow nadobył.

17. A wón džeše k njemu: Derje, dobry wotročko, dokelž sy na snadnišim swěrnym był, dyrbiš ty móc měć na džesać městach. *Mat. 25, 21. Luk. 16, 10.*

18. Tón druhi přińdže tež a džeše: Knježe, twój punt je pječ puntow přinjesł.

19. A k temu džeše wón tež: A ty dyrbiš być na pjeći městach.

20. Tež třeći přińdže a džeše: Knježe, hlaj, tudy je twój punt, kotryž ja sym schowany měł w rubišku;

21. Přetož ja so tebe bojach, dokelž ty twjerdy muž sy; ty wozmjěš, štož njejsy položil, a žnješ, štož njejsy rozsył.

22. Wón pak džeše k njemu: S twojeho erta sudžu ja će, ty zły wotročko. Wjedžeše ty, zo ja twjerdy muž sym, bjeru, štož njejsym položil, a žnu, štož njejsym rozsywał; *2 Sam. 1, 16.*

23. Čoho dla dha ty njejsy mojich pjenjez na přeměnenje wudał? Dha bych ja přišedši z wužitkom je zaso brał.

24. A wón džeše k tym, kotřiž pódlu stejachu: Wzmiće tón punt wot njeho a dajće jón temu, kiž ma te džesać puntow.

25. Woni pak džachu k njemu: Knježe, však wón ma džesać puntow.

26. Ale ja praju wam, zo kóždy, kiž ma, budže date; ale wot teho, kotryž nima, budže tež to wzate, štož wón ma. *Mat. 13, 12. Luk. 8, 18.*

27. Tež tych samych mojich njepřečelow, kiž njechachu, zo bych ja nad nimi knježil, přiwjedźće sem a skóncujće jich přede mnu.

28. A hdyž wón to praješe, džeše wón dale a čehnješe horje do Jerusalema. *Mark. 10, 32.*

29. A sta so, jako wón so přibližowa k Bethfagu a k Bethanii a přińdže k tej wolijowej horje, pósła wón svojich wučomnikow dweju, *Mat. 21, 1. Mark. 11, 1. Jan. 12, 12.*

30. A džeše: Džitaj do teho městka, kotrež prjedy waju leži; a hdyž nutř zańdžetaj, budžetaj wój wóslatko přiwjazane namakać, na kotrymž nihdy žadyn čłowjek njeje sedzał. Wotwežtaj to same a přiwjedžtaj jo ke mni.

31. A budže-li waju štó prašeć, čoho dla jo wotwjazujetaj, rjekńtaj k njemu tak: Tón Knjez jo potrjeba.

32. A taj pósłanaj woteńdžeštaj a namakaštaj, kaž wón jimaj běše powědžil.

33. Jako wonaj pak to wóslatko wotwjazaštaj, džachu jeho knježa k nimaj: Čoho dla wotwjazataj to wóslatko?

34. Tuž džeštaj wonaj: Tón Knjez jeho trjeba.

35. A wonaj přiwjedžeštaj to same k Jezusej a čisnyštaj swoju drastu na to wóslatko a sadžištaj Jezusa na njo.

36. Jako wón pak jědžiše, přestrěchu woni swoju drastu na puć.

37. A hdyž wón so přibližeše a po tej wolijowej horje dele čehnješe, poča cyła zhromadžizna jeho wučomnikow z wjesołosću Boha chwalić z wulkim hłosom za wšitke skutki, kotrež běchu widžili,

38. A džachu: Chwaleny budź, kiž přińdže, kral, w mjenje teho Knjeza! Měr budź na njebju a česć w tej wysokosći. *Jan. 12, 13. Luk. 2, 14.*

39. A někotři tych Farizejskich bjez ludžom džachu k njemu: Mištrje, naswar wšak svojich wučomnikow.

40. Wón wotmołwi pak a džeše k nim: Ja praju wam: Budža-li ći mjelčeć, dha budža te kamjenje wrěšeć. *Hab. 2, 11.*

Scénje na 10. njedželu po swj. Trojicy.

41. [A jako so wón přibliža, pohlada wón na to město a plakaše na njo, *2 Kral. 8, 11.*

42. A džeše: Hdy by wšak ty wjedziło, dha by ty tež wopomniło w tym swoim času, što so k twojemu měrej hodži. Ale nětk je před twójimaj wočomaj potajene. *5 Mójz. 32, 29.*

43. Přetož čas budže přińć na tebe, zo twoji njepřečeljo budža tebe a twoje džěci w tebi ze šansu wobzanknuć, tebe woblehnyć a na wšěch stronach će tyšić;

44. A budža tebe zemi zrunać a žadyn kamjeń na kamjenju njewostajić, teho dla, zo ty njejsy póznało tón čas, w kotrymž ty sy doma pytane. *1 Kral. 9, 7. Jer. 26, 18. Mich. 3, 12. Mat. 24, 1. Mark. 13, 2.*

45. A wón zańdže do templa a poča won honić tych, kiž w tym samym předawachu a kupowachu, *Mat. 21, 12. Mark. 11, 17.*

46. A džeše k nim: Pisane steji: Mój dom je dom teje modlitwy; wy pak sće

jón sčinili k mordarskej jamje. Jez. 56, 7. Jer. 7, 11.

47. A wón wučese wšednje w templu. Ale či wyši měšnicy a pismawučeni a či wosebniši bjez ludom pytachu, zo bychu jeho skóncowali;

48. A njenamakachu, kak to bychu činili; přetož wšitkón lud wisaše na nim a posluhaše jeho.]

20. staw

Chrystusowe rozryčenje wo swojej paršonje a swojim hamće, wo dańskim krošu a morwych horjestaću.

1. A sta so tych dnjow jedyn, zo wón tón lud wučese w templu a předowaše to ewangelion; tuž přistupichu k njemu wyši měšnicy a pismawučeni ze staršimi, Mat. 21, 23. Mark. 11, 27.

2. A ryčachu k njemu a džachu: Powjes nam, z kajkej mozu činiš ty to? Abo što je tebi tu móc dať? Jap. zk. 4, 7.

3. Wón pak wotmołwi a džeše k nim: A ja chcu was tež jene słowo woprašeć, a powěsće to mi:

4. Ta křćenica Janowa, běše wona z njebjes, abo wot čłowjekow?

5. Woni sebi pak pomyslichu a džachu: Rjeknjemy my, z njebjes, dha budže wón prajić: Čoho dla dha wy njejsće jemu wěрили?

6. Prajimy my pak, zo je była wot čłowjekow, dha budže nas wšitkón lud kamjenjować; přetož woni cyle za to dđerža, zo Jan je profeta.

7. A woni wotmołwichu, zo njewjedža, z wotkal wona je.

8. A Jezus džeše k nim: Dha ja wam tež njepowěm, z kajkej mozu to činju.

Sćenje na njedželu Oculi.

9. [Wón pak poča ludu powjedać tajke přirunanje: Jedyn čłowjek płodžeše sebi winicu a přenaja ju winicarjam, a wón woteídže přeč přez polo na dolhi čas. Ps. 80, 9. Jez. 5, 1. Mat. 21, 33. Mark. 12, 1.

10. A w swojim času pósła wón wotročka k tym winicarjam, zo bychu jemu dali wot wužitka teje winicy. Či winicarjo pak bijachu jeho a pušćichu jeho prócneho wot sebje. 2 Kron. 36, 15. 16.

11. A dale pósła wón hišće druheho wotročka; woni pak nabichu teho tež a hanjachu jeho a pušćichu jeho prócneho wot sebje. Mat. 22, 6.

12. A wyše teho pósła wón hišće třećeho; woni pak zranichu teho sameho tež a wustorčichu jeho won.

13. Tuž džeše tón knjez teje winicy: Što dyrbju činić? Ja chcu swojeho lubeho syna posłać; snadź, hdyž teho sameho widža, woni so budža ztrachować.

14. Jako pak winicarjo teho syna widžichu, rozryčachu woni so bjez sobu a džachu: Tón je tón herba; pójće, chcemy jeho zabić, zo by to herbstwo naše bylo. Ps. 2, 8.

15. A wustorčichu jeho z winicy won a zabichu jeho. Što teho dla budže tón knjez teje winicy tym samym činić?

16. Wón budže přińć a budže tych samych winicarjow skóncować a swoju winicu druhim dać. Jako woni to słyšachu, džachu woni: Bóh to njedaj!

17. Wón pak pohlada na nich a džeše: Što je teho dla to, štož pisane steji: Tón samy kamjeń, kotryž su česlojo začisli, tón je so rózkný kamjeń sčinił? *Ps. 118, 22. Mat. 21, 42. Jap. zk. 4, 11. 1 Pětr. 2, 7.*

18. Kóždy, kiž na tón kamjeń panje, rozrazy so; na kohož pak wón panje, teho budže wón rozmjasć.

19. A wyši měšnicy a pismawučeni stejachu za tym, kak bychu rucy w tej samej štundže na njeho položili; ale teho luda so bojachu; přetož woni zrozumichu, zo wón na nich to přirunanje běše řečał. *St. 19, 48.*

20. Teho dla kedžbowachu woni na njeho a pósłachu łakarjow won, kiž dyrbychu so za prawych wudawać, zo bychu jeho na jeho řeči zaslapali a tak jeho podali wyšnosći a do bohotoweje mocy.] *Mat. 22, 15. Mark. 12, 13.*

21. A či woprašachu jeho a džachu: Mištrje, my wěmy, zo ty prawje ryčiš a wučiš a nimaš nikoho kedžbu, ale wučiš tón puć Boži w prawdže; *Mat. 22, 16.*

22. Je prawje, zo my chěžorej dawki dawamy, abo nic?

23. Wón pak zrozumi jich lesnosć a džešek nim: Što mje spytujeće?

24. Pokažće mi kroš; čěji wobraz a napismo ma wón? Woni pak wotmołwichu a džachu: Teho kejžora.

25. Tuž džeše wón k nim: Dha dajće chěžorej, štož je chěžorowe, a Bohu, štož je Bože. *Rom. 13, 7.*

26. A woni njemózachu jeho na

žanym słowje zaslapać před ludom; ale dźiwachu so jeho wotmołwjenja a mjelknychu.

27. Přistupichu pak někotři tych Sadducejskich (kotřiž praja, zo njeje žane horjestawanje)a prašachu jeho,

28. A džachu: Mištrje, Mójzas je nam napisał: Hdy by komu bratr wumrěł bjez džeći, zo by jeho bratr tu žonu wzał a swojemu bratřej symjo zbudził. *1 Mójz. 38, 8. 5 Mójz. 25, 5. Mat. 22, 24. Mark. 12, 19.*

29. Sedmjo bratřa pak běchu, a přěni wza sebi žonu a wumrě bjez džeći.

30. A tuž wza tón druhi tu žonu a tón wumrě tež bjez džeći.

31. Tež tón třěci wza ju. Teje runosće tež či družu wot tych sydom, a zemrjechu a njewostajichu žanych džeći.

32. Naposledk po wšěch wumrě tež ta žona.

33. W horjestawanju teho dla, kotreho bjez tymi žona budže wona? Přetož wšitcy sedmjo su ju za mandželsku měli.

34. A Jezus wotmołwi a džeše k nim: Džeći teho swěta woženja a wudawaja so;

35. Kotřiž pak dostojni budža, tón tamny swět dostać a to horjestawanje wot morwych, či njebudža so ani ženić ani wudawać;

36. Přetož woni dale wjazy njemóža wumrjeć; přetož woni su jandželam runi a su Bože džeći, kotřiž su džeći teho horjestawanja. *Mat. 22, 30.*

37. So pak morwi horjestawaju, to tež Mójzas wobswědči při tym lěsu, hdyž

wón rjeknje: Tón Knjez je Bóh Abrahama a Bóh Izaaka a Bóh Jakuba. ²
Mójz. 3, 6.

38. Bóh pak njeje tych morwych, ale tych žiwych Bóh; přetož jemu su wšitcy žiwi.

39. Tuž wotmołwichu někotři tych pismawučenyh a džachu: Mištrje, ty sy derje řečał.

40. A woni jeho dale njesmědžachu woprašěć.

41. Wón džeše pak k nim: Kak praja woni, zo Chrystus je Dawidowy syn?
Mat. 22, 42. Mark. 12, 35.

42. Přetož Dawid sam praji w psalmowych knihach: Tón Knjez je prajił k mojemu Knjezej: Syn so k mojej prawicy, *Ps. 110, 1. Mat. 22, 44.*

43. Hač ja položu twojich njepřećelow k podnóžkej twojich nohow.

44. Teho dla, hdyž Dawid mjenuje jeho swojeho Knjeza, kak dha wón je jeho Syn?

45. Jako pak cyły lud posłuchaše, džeše wón k swojim wučomnikam:

46. Hladajće so pismawučenyh, kotřiž chcedža chodźić w dolhich drastach a dadža so radži postrowić na torhošćach a sydaju radži wysoko w šulach a za blidom; *Mat. 23, 3.*

47. Woni zežeru wudowam jich domy a wudawaju so z dolhimi modlitwami. Či sami budža čím ćežše satamanstwo dostać. *Mat. 23, 14.*

21. staw

Wo wudowy jatmožinje, zahubjenju Jerusalemskim a kóncu swěta.

1. Wón pak pohlada horje a přihladowaše, kak bohaći swoje dary do Božeho kašća składowachu. *Mark. 12, 41.*

2. Wón pak tež wuhlada jemu chudu wudowu, kotraž tam dvě šerpacny položila.

3. Tuž džeše wón: Woprawdže, ja praju wam, zo tuta chuda wudowa je wjazy zložila, dyžli woni wšitcy.

4. Přetož woni su z teho, štož jim je zbytnje, składowali k Božemu woporu; ta je pak ze swojeje chudoby wšitku swoju žiwnosć, kotruž měješe, nutř položila.

5. A jako někotři ryčachu wot templa, zo běše z pěknymi kamjenjemi a z wopomnikami rjenje wuhotowany, džeše wón: *Mat. 24, 1. Mark. 13, 1. 2.*

6. Na to wy hladaće? Čas budže přińć, w kotrymž wot teho wšeho nic kamjeń na kamjenju wostać njebudže, kotryž by njebył rozlamany. *St. 19, 44. Jer. 26, 18. Mich. 3, 12.*

7. Woni prašachu jeho pak a džachu: Mištrje, hdy dha to budže? A kajki zjich budže, hdyž so to budže stać?

8. Wón pak džeše: Hladajće so, zo byšće njebyli zawjedženi. Přetož wjele jich budže přińć w mojim mjenje a budža prajić: Ja sym Chrystus, a tón čas je so přibližal. Njehodźće teho dla za nimi. *Mark. 13, 22.*

9. Hdyž pak budžeće słyšeć wot

wójnow a wot zestawanjow, njestrachujće so: přetož to ma so přjedy stać; ale kónc njeje hišće hnydom.

10. Tehdy džeše wón dale k nim: Lud budže přećiwo ludu postanyć a kralestwo přećiwo kralestwu.

11. A wulke zemjerženja budža tam a sem, a hłody a mór; tež budža strachi a wulke zejchi z njebjes so stać.

12. Ale přede wšitkim tym budža woni swojej rucy na was položić a was přesčěhać, a budža was do svojich šulow a jastwow podać a před kralow a před knježich wodzić mojeho mjena dla; *Mat. 24, 9. Mark. 13, 9.*

13. To pak budže so wam stać na to swědčenje.

14. Wzmiće dha teho dla k wutrobje, zo byšće so před časom njestarali, kak byšće so zamołwili.

15. Přetož ja chcu wam rt a mudrosć dać, kotrejž njebudža móc přećiwo řeć, ani so psećiwic wšitcy waši psećiwizny.

16. Wy budžeće pak tež podaći wot staršich a wot bratrow, wot přirodnych a wot přećelow; a woni budža někotrych wot was morić. *Mich. 7, 6. Jap. zk. 7, 58.*

17. A wy budžeće wot kóždého hidženi mojeho mjena dla. *Mat. 10, 22.*

18. Ale ani włós z wašeje hlówy njedyrbi wam kónc wzać. *St. 12, 7. Mat. 10, 30.*

19. Wobsyńće waše duše z wašej scérpliwosću. *2 Kron. 15, 7.*

20. Hdyž wy pak budžeće widzieć Jerusalem woblehnyjene wot wójska, tehdy pónajće, zo so je přibližalo jeho skaženje. *Mat. 24, 15. Mark. 13, 14.*

21. Kotřiž tehdy su w židowskej zemi, či njech čeknu k horam; a kotřiž su srjedža teje sameje, njech wuběhnu won; a kotřiž na polach su, či njech njechodža do njeje;

22. Přetož to su te dny teho wječenja, zo by dopjelnjene było wšitko, štož pisane je.

23. Běda pak samodruhim a čěšnym w tych samych dnjach; přetož wulka nuza budže na zemi a hněw na tym ludu.

24. A budža padać wot wótreho mječa a jeći wodženi bjez wšitkich ludži; a Jerusalem budže rozteptane wot pohanow, hač pohanow čas je dopjelnjeny. *Rom. 11, 25.*

Scénje na 2. njedźelu adwenta.

25. A zejchi budža na slóncu a na měsacu a na hwězdach; a na zemi budže so ludžom styskać a njebudža wjedzić, što činić; a morjo a žołmy budža šumić; *Jez. 13, 10. Mat. 24, 9.*

26. A ludžom budže so zeznać před strachotu a wočakowanjom tych wěcow, kiž na zemju přińć dyrbja; přetož tež njebjesow mocy budža so hnuć.

27. A tehdy budža widzieć člorózkého syna přińdžo w mróćeli z wulkej mozu a krasnosću. *Dan. 7, 13.*

28. Hdyž so pak to wšitko budže započec, dha hladajće horje a pozběhněće swoje hlówy, teho dla, zo so waše wumóženje přibližuje. *Jez. 40, 26. Rom. 8, 21. 23.*

29. A wón praješe jim přirunanje: Pohladajće na figowc a na wšitke štomy;

Mat. 24, 32.

30. Hdyž so nětk pukaju, dha to widžo sami wot sebje wěsće, zo nětk lětny čas blisko je.

31. Tak tež wy, hdyž widžeć budžeće te wěcy so započec, dha wěsće, zo Bože kralestwo blisko je.

32. Zawěrnje, ja praju wam, zo ta šlachta njebudže zańć, hač so to wšitko stanje.

33. Njebjo a zemja budžetej zahinyć, ale moje słowa njebudža zahinyć. *St. 16, 17. Ps. 102, 27. Jez. 51, 6. Mat. 5, 18.*

34. Hladajće so pak, zo waše wutroby njebudža wobćežene z wobžranztwom, z wopilstwom a ze staroscemi teje žiwnosće, a tón dzeń was njeprěchwatał; *Rom. 15, 13. Eph. 5, 18.*

35. Přetož runje jako powlečena syć budže wón přińć na wšěch, kiž na zemi bydla. *1 Thes. 5, 3.*

36. Teho dla wachujće kóždy čas a modlće so, zo byšće dostojni byli čeknyć temu wšitkemu, štož so podać budže, a wobstać před čloróskim synom.]

37. Wón wučese pak wodnjo w templu; ale w nocy chodžeše wón won a přebywaše na wolijowej horje.

38. A wšitkón lud přichadźowaše k njemu rano w templu, zo by jeho poslušal.

22. staw

Wo Judašu, přeradniku, jutrownym jehnjeću a wječeri, wučomnikow lakomstwje po prózdnej česći, Chrystusowym čerpjenju w zahrodze a před Kajphasom; Pětrowy hrěšny pad.

1. Wón so pak přibližowaše tón róčny čas tych slódkich chlěbow, jutry mjenowany. *Mat. 26, 2. Mark. 14, 1. Jan. 13, 1.*

2. A wyši měšnicy a pismawučeni pytachu, kak bychu jeho skóncowali; přetož woni so luba bojachu. *Jan. 11, 47.*

3. Tón zatan pak běše stupił do Judaša, kotrehož mjeno je Jšarioth, kiž jedyn wot tych dwanaće běše. *Mat. 26, 14. Mark. 14, 10.*

4. A wón woteńdže a rěčeše z wyšimi měšnikami a z hejtmanami, kak by jeho jim podal.

5. A či so zwjeselichu a slubichu jemu pjenjezy dać.

6. A wón přirjeknu so a hladaše sprawného časa, zo by jeho jim podal bjez hawtowanja.

7. Přińdže pak dzeń tych slódkich chlěbow, na kotrymž so jutrowne jehnjo woprowaše. *Mat. 26, 17. Mark. 14, 12.*

8. Tuž pósła wón Pětra a Jana a džeše: Džitaj a přihotujtaj nam to jutrowne jehnjo, zo bychmy to same jědli.

9. Wonaj pak džeštaj k njemu: Hdže chceš, zo bychmój to same přihotowałaj?

10. Wón džeše k nimaj: Hlaj, hdyž do města přińdžetaj, budže waju čłowjek zetkać, tón njese wódny karan; džítaj za nim do teho doma, hdžež wón nutř dže,

11. A rjekútaj k hospodarjej teho doma: Mištr da či prajić: Hdže je ta hospoda, hdžež ja móžu jutrowne jehnjo jěs z mojimi wučomnikami?

12. A wón budže wamaj wulku hubju, kotraž z kamjenjemi wusadžena je, pokazać; tam jo přihotujtaj.

13. Wonaj džěštaj a namakaštaj, kaž wón jimaj běše prajił, a přihotowaštaj to jutrowne jehnjo. *St. 19, 32.*

Tekst na zeleny štwórtk. IV.

14. [A jako ta štanda přińdže, synu wón so k blidu, a či dwanaćo japoštoli z nim. *Mat. 26, 20.*

15. A wón džeše k nim: Ja sym z wutrobu sebi žadał, zo bych to jutrowne jehnjo z wami pojědl, prjedy dyžli ja čerpju;

16. Přetož ja praju wam, zo dale wot njeho jěsć njebudu, hač dopjelnjene budže w Božim kralestwje. *Mat. 26, 29.*

17. A wón wza kelich, džakowaše so a džeše: Wzmiće tón a džělće jón bjez sobu;

18. Přetož ja praju wam: Ja njebudu wjazy pić wot teho płoda winoweho pjeńka, hač Bože kralestwo přińdže. *Mat. 26, 29.*

19. A wón wza tón chléb, džakowaše so a lamaše a da jón jim a džeše: To je moje ćelo, kotrež budže za was date; to

činće k mojemu wopomnjenju. *Mat. 26, 26. Mark. 14, 22. 1 Kor. 11, 23.*

20. Teho runja wza wón tež tón kelich po tej wječeri a džeše: Tón kelich je tón nowy zakon w mojej krej, kotraž za was přelata budže.]

21. Ale hlaj, ruka mojeho přeradnika je zo mnu za blidom.

22. Čłowski syn derje tam dže, kaž je wobzanknjene; ale běda temu čłowjekej, přez kotrehož wón přeradeny budže.

23. A woni počachu so sami bjez sobu prašeć, kotry by tež bjez nimi był, kiž to činić budže

24. Zwada so pak tež zběhnu bjez nimi, kotry bjez nimi dyrbjal za najwjetšeho dđeržany być. *Mark. 9, 34.*

25. Wón pak džeše k nim: Či swětni kralojo knježa, a tym mócnym rěkaju miłosćiwi knježa; *Mat. 20, 25. Mark. 10, 42.*

26. Wam pak nic tak; ale tón wjetši bjez wami dyrbi być jako mlódši, a tón wosebniši jako služomnik. *1 Pětr. 5, 3. 5. 6.*

27. Přetož kotry je wjetši? Tón, kiž za blidom sedži, abo tón, kiž služi? Njeje temu tak, zo tón, kiž za blidom sedži? Ja pak sym srjedža bjez wami jako služomnik. *Mat. 20, 28. Jan. 13, 14. Phil. 2, 7.*

28. Wy pak sće wobstajni při mni wostali w mojich spytowanjach; *St. 18, 28.*

29. A ja chcu wam kralestwo wotkazać, kaž mi mój Wótc wotkazał je; *St. 12, 82.*

30. So budžeće jěsć a pić za mojim blidom w mojim kralestwje a sedzić na stolach a sudzić te dwanaće Israelske šlachty.

Mat. 19, 28.

31. Tón Knjez tež džeše: Šimanje, Šimanje, hlaj, zatanas je was požadał, zo by was mohł sać jako pšeńcu; 1 *Pětr. 5, 8.*

32. Ale ja sym prosył za tebję, zo by twoja wěra njepřestala; a hdyž ty so něhdy nakazaš, dha posylń swojich bratrow.

Jan. 17; 20: Ps 51,

15.

33. Wón pak džeše k njemu: Knježe, ja sym hotowy z tobu do jastwa a do smjerće hić.

34. Wón pak džeše: Pětrje, ja ći praju, kapon džensa njebudže zaspěwać, hać ty přjedy tři króc zaprěł sy, zo mje njeznaješ. *Mat. 26, 34. Mark. 14, 30. Jan. 13, 38.*

35. Wón tež džeše k nim: Tak často, jako sym ja was pósłał bjez móšnje, bjez wačoka a bjez črijow, sće wy tež hdy nuzu měli? Woni džachu: Nihdy žanu. *Ps. 23, 1. Ps. 33, 19. Ps. 34, 10. Mat. 10, 9.*

36. Tuž džeše wón k nim: Ale nětk, štož móšeń ma, tón wzmi tu samu, teho runja tež wačok. A štož nima, njech předa swoju drastu a kup sebi mječ.

37. Přetož ja praju wam, zo so hišće na mni dyrbi dokonjeć, štož pisane steji: Wón je bjez złoštnikow rachnowany. Přetož štož wote mnje pisane je, to ma kónc.

Jez. 53, 13.

38. Woni pak džachu: Knježe, hlaj, tu staj dwaj mječej.

39. Wón pak džeše k nim: Dosć je. A wón džeše won po swojim wašnju

na wolijowu horu. A jeho wučomnicy džěchu za nim. *Mat. 26, 30. Mark. 14, 26. Jan. 18, 1.*

40. A hdyž wón tam přińdže, džeše wón k nim: Modlće so, zo byšće do spytowanja njepanyli.

41. A wón so wot nich wottorže, tak daloko, jako něhdže jedyn z kamjenjom doćisnje, a poklaknu na kolena, modleše so

Mat. 26, 39.

42. A džeše: Wótće, chceš-li, dha wzmi tón kelich wote mnje; nic pak moja wola, ale twoja wola so stań.

43. A jandžel z njebjes zjewi so jemu a posylńi jeho.

44. A jako wón so ze smjerću bědžeše, modleše wón so nutrnišo. A jeho pót bě jako krawne krjepki, te padachu dele na zemju.

45. A stanywši wot modlitwy přińdže wón k swojim wučomnikom a namaka jich spicy zrudoby dla;

46. A džeše k nim: Što spiće? Stańće a modlće so, zo do spytowanja njepanjeće.

47. A jako wón hišće rěčeše, hlaj, tuž přińdže črjóda, a jedyn wot tych dwanaće, mjenowany Judaš, džeše přjedy nich a přibliža so k Jezusej, zo by jeho wokošał. *Mat. 26, 47. Mark. 14, 413. Jan. 18, 3.*

48. Jezus pak džeše k njemu: Judašo, přeradziš ty člorózkeho syna z wokošenjom?

49. Jako pak to widźichu ći, kiž wokoło njeho běchu, što to być zechcyše, džachu woni k njemu: Knježe, dyrbimy my z mječom do nich rubać?

50. A jedyn wot nich rubnu wyšeho

měšnika wotročka a wotća jemu jeho prawe wucho. *Mat. 26, 51. Mark. 14, 47. Jan. 18, 10.*

51. Jezus pak wotmołwi a džeše: Njeh jeno woni tak nětk činja. A wón so jeho wucha dótknu a zahoji jeho.

52. Jezus pak džeše k wyšim měšnikam a k hejtmanam teho templu a k staršim, kiž na njeho přišli běchu: Wy sće jako na mordarja z mječemi a ze žerdžemi wušli; *Mat. 26, 55. Mark. 14, 48.*

53. Ja sym wšědnje pola was w templu był, a wy njejsće žaneje ruki na mnje založili; ale to je ta waša štanda a ta móc teje čěmnošće. *Jan. 7, 30. St. 8, 20.*

54. Woni jeho pak zapřijachu a wjedžechu jeho a přiwjedžechu jeho do wyšeho měšnika chěže. Pětr pak džeše nazdała za nim. *Mat. 26, 57. 58. Mark. 14, 53. Jan. 18, 13.*

55. A jako pak běchu woheń zaswěćili srjedža w hrodže a so wokoło zesydali, synu so Pětr tež bjez nich. *Mat. 26, 69.*

56. Tuž wuhlada jeho sedžo jena džowka při swětlým a pohlada runje na njeho a džeše: A tón běše tež z nim.

57. Wón pak jeho zapřě a džeše: Zónska, ja jeho njeznaju.

58. A po małej chwili wuhlada jeho druhi a džeše: Ty sy tež tych samych jedyn. Pětr pak džeše: Čłowječe, ja njejsym.

59. A po małej chwili, po jenej štundže, wobtwjerdži to někajki druhi a džeše: Zawěrnje, tón běše tež z nim; přetož wón je tež Galilejski.

60. Pětr pak džeše: Čłowječe, ja njewěm, što ty prajiš. A hnydom, hdyž

wón hišće rěčeše, zaspěwa kapon. *Mat. 26, 74.*

61. A tón Knjez so wobroći a pohlada na Pětra. A Pětr so dopomni teho Knjeza słowa, jako wón k njemu běše prajił: Prjedy dyžli kapon zaspěwa, budžeš ty mje tři króc zapřěć. *Mat. 26, 34. 75. Mark. 14, 30. 72. Jan. 13, 38.*

62. A Pětr plakaše žalostnje, ducy won.

63. Ći mucy pak, kiž Jezusa dđeržachu, přešpotowachu a bijachu jeho; *Jez. 50, 6.*

64. A přikrywši jeho bijachu jeho do wobliča a prašachu jeho a džachu: Hódaj, što je, kiž će dyri?

65. A wšelke druge hanjenja ryčachu woni přećiwo njemu.

66. A hdyž džen bě, zeńdžechu so starši teho luda, wyši měšnicy a pis-mawučeni; a wjedžechu jeho před swoju radu, *Mat. 27, 1. Mark. 15, 1. Jan. 18, 28.*

67. A džachu: Sy ty Chrystus? powjes nam. Wón džeše pak k nim: Powěm ja wam runje, wy jo wšak njewěriće; *Mat. 26, 63.*

68. Prašam pak ja was, dha wy mi njewotmołwiće ani mje tež njepuščiće.

69. Teho dla wot nětk budže člorózki syn sedzić k prawicy teje mocy Božje. *Mat. 24, 30. Mark. 14, 62.*

70. Tuž džachu woni wšitcy: Sy dha ty tón Syn Boží? Wón pak džeše k tym samym: Wy jo prajiće; přetož ja sym.

71. Tuž džachu woni: Što wjazy swědčenja potrjebamy? My smy jo sami z jeho erta slyšeli.

23. staw

Chrystusowe ćerpjenje před Pilatusom; jeho křižowanje, smjerć a pohrjebanje.

1. A cyła jich zhromadźizna postanu a wjedžeše jeho před Pilata; *Mat. 27, 2.*

2. Woni počachu pak jeho wobskoržić a džachu: Na tym my namakamy, zo wón lud zawjedže a zakazuje, danje čežorej dawać, a praji, zo wón je Chrystus, tón kral. *St. 20, 25.*

3. Pilatus pak jeho wopraša a džeše: Sy ty tych židow kral? Wón wotmołwi jemu a džeše: Ty jo prajiš. *Mat. 27, 11. Mark. 15, 2. Jan. 18, 33.*

4. Pilatus pak džeše k wyšim měšnikom a k ludu: Ja žaneje winy nje-namakam na tym čłowjeku.

5. Woni pak čím bóle wołachu a džachu: Wón je lud zaměšał, wučiwši tam a sem po wšěm Židowskim kraju, a je w Galilejskej spočał hač sem.

6. Jako pak Pilatus wot Galilejskeje słyšeše, prašeše wón, hač tón čłowjek Galilejski je;

7. A jako wón zrozumi, zo wón pod Herodašowej wyšnosću běše, pósła wón jeho k Herodašej, kotryž tež w tych samych dnjach we Jerusalemj běše. *St. 3, 1.*

8. Jako pak Herodas Jezusa wuhlada, zwjeseli wón so jara; přetož wón by jeho dawno rad widźił, dokelž wjele wot njeho słyšał běše, a nadźiješe so, zo budže někajki dźiw wot njeho wohladać. *St. 9, 9.*

9. A prašeše jeho wšelke; wón pak jemu ničo njewotmołwi.

10. Ći wyši měšnicy pak a pis-mawučeni stejachu a wobskoržowachu jeho twjerdže.

11. Ale Herodas ze swojimi wojakami jeho zaspi a měješe jeho za směch a wobleče jeho bělu drastu a pósła jeho zaso k Pilatej.

12. A na tón dzeń buštaj Pilatus a Herodas zaso přecelej bjez sobu; přetož prjedy běštaj wonaj njepřecelej na so.

13. Pilatus pak zawoła tych wyšich měšnikow a druhich wyšich a lud hromadu,

14. A džeše k nim: Wy sće teho čłowjeka ke mni přiwjedli, jako by wón lud wotwroćał. A hlaj, ja sym jeho před wami přeslyšał a njenamakam na tym čłowjeku teje winy žaneje, kotruž wy jemu dawaće; *Mat. 27, 23. Mark. 15, 14. Jan. 18, 38.*

15. Ani tež Herodas; přetož ja sym was k njemu pósłał; a hlaj, ničo njeje jemu dowjedžene, štož by smjerće winowate było.

16. Teho dla chcu jeho khoztać a pušćić.

17. Na róčny čas pak dyrbyeše wón jim jeneho jateho po wašnju pušćić.

18. Tuž zawoła cyła zhromadźizna a džeše: Preč z tym a pušćnam Barabasa. *Mat. 27, 22. 23.*

19. (Kotryž běše někajkeje zwady a mordarstwa dla, kiž so w měsće stało běše, do jastwa čisnjeny.)

20. Tuž rěčeše Pilatus zaso k nim a chcyše Jezusa pušćić.

21. Woni wotmołwichu pak a džachu: Křižuj, křižuj jeho!

22. Wón pak k třecemu džeše k nim: Što pak je tón zleho činil? Ja žaneje winy teje smjerće na nim njenamakam; teho dla chcu jeho khoztać a pušćić.

23. Ale woni z wulkim wołanjom na nim ležachu, žadajcy, zo by křižowany był. A jich a tych wyšich měšnikow wołanje rozsylni so a přemóže. *Jan. 19, 12.*

24. Tuž wotsudži Pilatus, zo by so po jich próstwje stało;

25. A pušći jim teho, kotryž zběžka a mordarstwa dla bě do jastwa čisnjeny, pře kotrehož woni prošachu; ale Jezusa poda wón jich woli. *Mat. 27, 26.*

26. Jako woni jeho pak won wjedžechu, zapřijachu woni jeneho, Šimana Cirenskeho, kotryž z pola přińdže, a položichu tón křiž na njeho, zo by jón za Jezusom njesl. *Mat. 27, 32. Mark. 15, 21. Jan. 19, 17.*

27. Sa nim pak džěše wulka črjóda ludži a žónskich, kotrež jeho žarowachu a woplakowachu.

28. Jezus pak so wobroći k nim a džeše: Wy džowki z Jerusalema, njeplačće pře mnje, ale plačće same na so a na swoje džěći.

29. Přetož hlaj, čas budže přińć, w kotrymž budže prajene: Zbóžne su te njeplódné a te žiwoty, kiž njejsu čěšile. *Jez. 54, 1. Mat. 24, 19.*

30. Tehdy budža počinać prajić k horam: Padajće na nas! a k hórkam: Přikrywajće nas! *Jez. 2, 19. Hoz. 10, 8. Zjew. 6, 16. St. 9, 6.*

31. Přetož hdyž so to stanje na syrym

drjewje, što dha na suchim budže? *1 Pětr. 4, 17.*

32. Buštaj pak tež druhaj dwaj zlóstnikaj wuwjedženaj, zo byštaj z nim skóncowanaj byłaj. *Jez. 53, 13. Jan. 19, 18.*

Scénje na čichi pjatk.

33. [A jako pak přińdžechu na to město, kotremuž rěkaju nopowišćo, křižowachu woni jeho tam a teju zlóstnikow z nim, jeneho k prawicy a drugeho k ľewicy. *Mat. 27, 33. Mark. 15, 22.*

34. Jezus pak džeše: Wótče, wodaj jim; přetož woni njewjedža, što činja. Woni pak rozdělichu jeho drastu a čiskachu lós wo nju. *Ps. 22, 19. Mat. 27, 35. Mark. 15, 24. Jan. 19, 24.*

35. A lud stejěše a přihladowaše. Či wyši pak tež z nimi zaničowachu jeho a džachu: Druhim je wón pomhał, njech sebi sam pomha, jeli zo wón je tón Chrystus, tón wuzwoleny Boži. *Mat. 27, 42.*

36. Tež čí wojerscy wotročcy zaničowachu jeho, přistupichu k njemu a podachu jemu kisało,

37. A džachu: Syli ty tón židowski kral, dha pomhaj sam sebi.

38. Tež běše nad nim pismo napisane z grichiskimi a z ľačonskimi a z hebrejskimi pismikami: Tutón je tón židowski kral. *Mat. 27, 37.*

39. A jedyn teju zlóstnikow, kiž z nim wisaštaj, hanješe jeho a džeše: Syli ty Chrystus, dha pomhaj sebi a namaž.

40. Tuž wotmołwi tón druh, poswari jeho a džeše: A ty so tež njebojiš před

Bohom, kiž ty wšak w runym sata-manstwje sy?

41. A mój wšak smój po prawym w tym samym,; přetož namaj so prawje dóstanje, štož z našimi skutkami smój zashušilaj. Tón pak ničo njezdobneho njeje činił.

42. A džeše k Jezusej: Knježe, spomni na mnje, hdyž do swojeho kralestwa přińdžeš.

Mat. 16, 28.

43. A Jezus džeše k njemu: Zawěrnje, ja praju či: Džensa budžeš ty zo mnu w paradizu.

44. Běše pak wokoło šesteje štundy, a bu čma po wšej zemi hač do džewjateje štundy.

Mat. 27, 45. Mark. 15, 33.

45. A slóncó so začmi a zawješk teho templa rostorže so na poł.

46. A Jezus zawoła z wulkim hłosom a džeše: Wótče, ja poruču swoju dušu do twojeju rukow. A jako wón to běše wurjeknuł, da wón swojeho ducha wot so.

Mat. 27, 50. Ps. 31, 6.

47. Jako pak hejtman to widžeše, štož so sta, chwaleše wón Boha a džeše: Zawěsće, tón čłowjek je prawy był.

48. A wšitcy ludžo, kiž pódla běchu a přihladowachu, jako widžichu, štož so sta, dyrichu na swoju wutrobu a wróćichu so.]

49. Jeho znajomni pak wšitcy stejachu nazdala a te žónske, kotrež běchu za nim z Galilejskeje šle, hladawši to wšitko widžichu.

50. A hlaj, muž, z mjenom Jozef, radny knjez, kiž běše dobry a bohabojazny muž,

Mat. 27, 57. Mark. 15, 43.

Jan. 19, 38.

51. Tón njeběše zwolił do jich

rady a skutka, běše z Arimathije, ze židowskeho města, kiž tež na Bože kralestwo wočakowaše;

St. 2, 25. 38.

52. Tón přišedši k Pilatej prošeše pře to čelo Jezusowe;

53. A wón wza jo dele, zawali to same do čisteho platu a položi jo do wurubaneho rowa, w kotrymž hišće nihdy nihtó njeběše ležal.

54. A běše džen teho přihotowanja, a sabat nastawaše.

Mat. 27, 62.

55. Te žónske pak přińdžechu za nim, kotrež běchu za nim šle z Galilejskeje, a wobhladowachu row a kak jeho čelo položene bu.

St. 8, 2.

56. Wone so pak wróćichu a přihotowachu te wonjace wěcy a žalby. Apšes sabat wone wotpočowachu po prikazni.

2 Mójz. 20, 10.

24. staw

Chrystusowe horjestaće a knjebjuztpiće.

Tekst na jutrowničku. IV.

1. [Ale přeni džen po sabaće jara rano přińdžechu wone k rowu a njesechu te wonjace wěcy, kotrež běchu přihotowale, a tež běchu někotre druhe z nimi. *Mat. 28, 1. Mark. 16, 1. Jan. 20, 1.*

2. Namakachu pak kamjeń wotwaleny wot rowa;

3. Tuž zańdžechu wone nutř a njenamakachu teho Knjeza Jezusa čelo.

4. A sta so, jako wo to same we wulkej starosci běchu, hlaj, dha nahle

přistupištaj dwaj muskaj k nim we jasnych drastach. *Jan. 20, 12. Jap. zk. 1, 10.*

5. A wone so stróžichu a pochilichu swoje wobličo k zemi. Tuž džeštaj wonaj k nim: Što pytaće wy žiweho pola morwych?

6. Wón tu njeje, ale je stanyl. Dopomńće so toho, kak wam praješe, jako wón hišće w Galilejskej běše,

7. A džeše: Čloróski syn dyrbi do rukow tych hrěšnikow podaty a križowany być, a na třetí dzeń budže wón horjestanuć. *Mat. 17, 22.*

8. A wone so dopomnichu jeho słowow.

9. A wróćichu so zaso wot rowa a připowjedachu to wšitko tym jědnaće a druhim wšitkim.)

10. Běchu pak Marja Madlena a Johanna a Marja, Jakubowa mać, a druhe někotre z nimi, kotrež to tym japoštołam powědachu. *St. 8, 2. 3*

11. Ale jich słowa so jim zdachu, jako bychu basnički byle, a njewěrychu jim.

12. Pětr pak stanu a běžeše k rowu, a nachili so do njeho a wuhlada te rubjane plachty same ležo, a woteńdže; a džiwaše so při sebi temu, štož so stało běše.

Scénje na 2. swjedženju jutrow.

13. [A hlaj, dwaj wot nich džeštaj tón samy dzeń do městka, kotrež běše wot Jerusalema šěsćdžesać honow daloko, z mjenom Emmaws. *Mark. 16, 12.*

14. A ryčeštaj bjez sobu wot toho wšeho, štož so stało běše.

15. A poda so, jako wonaj tak ryčeštaj a so woprašowaštaj bjez sobu, přibližowa so Jezus k nimaj a džeše z nimaj. *Mat. 18, 20.*

16. Ale jeju woči běštej dđeržanej, zo jeho njeznaještaj.

17. Wón pak džeše k nimaj: Kajke su to ryče, kotrež wój ducy bjez sobu mataj a staj zrudnaj?

18. Tuž wotmołwi jedyn, z mjenom Kleophas, a džeše k njemu: Sy ty tón jenički cuznik we Jerusalemy, kiž by njewědzał, što so w tych dnjach tam stało je?

19. A wón džeše k nimaj: Kajke? Wonaj pak džeštaj k njemu: To ždyn wot Jezusa Nacarenskeho, kotryž běše profeta, mócný w skutkach a słowach, před Bohom a přede wšěm ludom; *Mat. 21, 11.*

20. Kak jeho naši wyši měšnicy a knježa podali su k satamanstwu teje smjerće a jeho križowali.

21. My so pak nadžijachmy, zo wón budže Jizraela wumóz; a přewšo je džensa třetí dzeń, jako so to stało je.

22. Tež su nas nastróžale někotre žónske tych našich, kiž su rano pola rowa byle; *Mat. 28, 8. Mark. 16, 10.*

23. A jako jeho ćelo njenamakachu, přińdžechu prajuzy, zo su tež widžile widženje tych jandželow, kotřiž praja, zo je žiwy.

24. A někotři bjez nami džechu tam k rowu a namakachu jo tak, kaž žónske prajachu; ale jeho njewidžachu.

25. A wón džeše k nimaj: O wy hłupeje a lěnjeje wutroby k wěrjenju

temu wšitkemu, štož profetojo ryčeli su!

26. Njedyrbješe Chrystus to ćerpić a k swojej krasnosći zańć? *Jez. 50, 6.*

27. A počinawši wot Mójzasa a wot wšěch profetow wukładowaše jimaj, štož we wšem pismje wot njeho řečane bě. *1 Mójz. 3, 15. Ps. 8, 6. 16, 9. 10. 22, 1. Hiob. 19, 25. Jez. 53, 1. Hoz: 6, 1. 2.*

28. A woni přibližachu so k temu městku, hdžež džěchu, a wón činješe, jako by chcył dale hić.

29. A wonaj nuzowaštaj jeho a džeštaj: Wostań pola nas, dokelž so k wječoru přibližuje a dzeń je so nachilił. A wón džěše nutř, zo by pola njeju wostał. *1 Mójz. 19, 3.*

30. A sta so, jako z nimaj za blidom sedžeše, wza wón tón chlěb, džakowaše so, łamaše a poda jón jimaj.

31. Tuž buštej jeju woći wotewrjenej, a póznaštaj jeho. A wón so zhubi před nimaj.

32. A wonaj džeštaj bjez sobu: Nje-horješe so naju wutroba w namaj, jako z namaj řečeše na puću a namaj to pismo wotewri?

33. A wonaj stanyštaj w tej samej štundže, wrócištaj so do Jerusalema a namakaštaj tych jědnaće zhromadženych a tych, kiž při nich běchu,

34. Kotřiž džachu: Tón Knjez je woprawdže stanył a Šimanej so zjewił. *1 Kor. 15, 4. 5.*

35. A wonaj powědaštaj jim, što so na puću stało bě, a kak wón wot njeju póznaty je na tym, jako chlěb łamaše.]

Tekst na 2. swjedženj jutrow. IV.

36. [Jako woni pak wot teho ryčachu, steješe Jezus sam srjedža bjez nimi a džeše k nim: Měr budž z wami! *Mark. 16, 14. Jan. 20, 19.*

37. Woni so pak stróžichu a bojachu so, pomysliwši sebi, zo ducha widža.

38. A wón džeše k nim: Što sće tak nastróženi? a čoho dla so tajke mysle zběhaju we wašich wutrobach? *Mark. 4, 40.*

39. Wohladajće mojej rucy a mojej nocy, ja sym sam tudy; dótkajće so mje a hladajće; přetož duch nima ćěla ani kosće, jako wy widžiće, zo ja mam. 1

40. A hdyž wón to prajił běše, pokaza jim rucy a nocy.]

41. Jako woni pak hišće njewěrjachu před wjesołosću a so džiwachu, džeše wón k nim: Maće tu što jěsć?

42. A woni podachu jemu kruch pječeneje ryby a plást mjeda. *Jan. 21, 10.*

43. A wón je wza a jědžiše před nimi,

44. A džeše k nim: To su te ryče, kotrež ja k wam řečał sym, jako hišće pola was běch, zo wšitko dyrbi dopjel-njene być, štož wote mnje pisane je w Mójzasowym zakonju a w profetach a w psalmach.

45. Tehdy wotewri wón jim rozum, zo bychu pismo zrozumili,

46. A džeše k nim: Tak je pisane a tak dyrbješe Chrystus ćerpić a na třeći dzeń horjestanuć wot morwych, *Scht. 27. Ps. 22, 7. 16.*

47. A dać předować w swojim mjenje

pokutu a hrěchow wodaće bje wšěmi ludźimi a započec we Jerusalemje.

48. Wy pak sće teho wšitkeho swědkojo.

49. A hlaj, ja chcu pósłać to slubjenje swojeho Wótca na was. Wy pak wostańće w měsće Jerusalemje, hač budžeće woblečeni z mozu z wysokosće.

Jan. 15, S6. St. 1s6, 7. Jap. zk. 1, 4.

Tekst na Bože spěće. IV.

50. [Wón wuwjedže jich pak won hač do Bethanije a pozběže swojej rucy horje a požohnowa jich. *Jap. zk. 1, 12.*

51. A sta so, jako wón jich požohnowa, pušći wón so wot nich a bu horje zběhnjeny do njebjes. *Mark. 16, 19. Jap. zk. 1, 9*

52. A woni modlachu so k njemu a wrócichu so zaso do Jerusalema z wulkej wjesołosću;

53. A běchu stajnje w templu, česćachu a chwalachu Boha. (Hamjeń.)]

Sćenje swjateho Jana

Prěni staw

**Wo Chrysta paršonje
a hamće, tež wo Han-
driju, Pětru, Philippu
a Nathanaelu, jeho
wučomnikach. Sćenje na
njedźelu po hodžoch.**

1. [W spočatku bě to słowo, a to słowo
bě pola Boha, a Bóh bě to słowo. 1
Mójz. 1, 1. 1 Jan. 1, 1. 2. St. 5, 20.

2. To same běše w spočatku pola
Boha. *Přist. 8, 22.*

3. Wšitke wěcy su přez to same
činjene, a bjez toho sameho njeje ničo
sćinjene, štož činjene je. *Ps. 33, 6. Kol.
1, 16. 17. Hebr. 1, 2.*

4. W nim bě žiwjenje, a to žiwjenje
bě čłowjekow swětlo. *St. 5, 26. St. 12, 46.*

5. A to swětlo swěćeše w čemnosći, a
čemnosť njeje jo zapřijała.] *St. 8, 12. St.
9, 5. St. 12, 46.*

**Tekst na njedźelu po
hodžoch. III.**

6. [Čłowjek bě wot Boha póslany, z
mjenom Jan; *Mat. 3, 1. St. 11, 10. Mark.*

1, 2. Luk. 3, 3.

7. Tón přindže na swědčenje, zo by
swědčil wot toho swětla, zo bychu wšitcy
přez njeho wěřili.

8. Tón samy njebě to swětlo, ale zo
by wón swědčil wot toho swětla.

9. To bě to prawe swětlo, kotrež
wšitkich ludźi rozswěći, kiž do swěta
přindu. *St. 12, 46.*

10. Wón bě na swěće, a swět je přez
njeho sćinjeny; a swět jeho njepózna. 1
Msóž. 1, 1. Hebr. 1, 2. St. 11, 3.

11. Wón přindže do toho swjateho, a
či swoji jeho horje njewzachu.

12. Kaž wjele pak jeho horje wzachu,
tym da wón móc, zo bychu Bože džěči
byli, kotřiž do jeho mjena wěrja; *Rom.
8, 15. Gal. 3, 26.*

13. Kiž njejsu z krwě ani z wole toho
ćěla ani z wole jeneho muža, ale wot
Boha su narodženi. *St. 3, 5. 1 Jan. 5, 4.
Jak. 1, 18.*

14. A to słowo sćini so ćělo a by-
dleše bjez nami, a my widžichmy jeho
krasnosť, jako krasnosť toho jeničkeho
narodženeho Syna wot Wótca, poňe
hnady a prawdy.] *Jez. 7, 14. Mat. 1, 16.
Luk. 1, 31. Jez. 40, St. 2, 7. 5. Mat. 17, 2. 2
Pětr. 1, 16. 17. Jez. 60, 1.*

Tekst na njedźelu po nowym lěće. IV.

15. [Jan swědči wot njeho, woła a praji: Tón běše, wot kotrehož ja prajił sym, zo budže po mni přińć a je prjedy mje był; přetož wón běše přědniši, dyžli ja. *Mat. 3, 11. Mark. 1, 7.*

16. A z jeho poňnosće smy Jan swědči (St. 1.) swj. Jana. wo Chrystusu. 133 my wšitcy brali hnadu za hnadu. *St. 3, 34. Kol. 1, 19. St. 2, 9.*

17. Přetož tón zakon je přez Mójzasa daty; ale ta hnada a prawda je přez Jezom Chrysta so stała. *2 Mójz. 20, 1.*

18. Nichtó njeje nihdy Boha widził; tón jenički narodženy Syn, kiž we Wótca klinje je, tón je nam to same wupowědał. *2 Mójz. 33, 20. 1 Jan. 4, 19. 1 Tim. 6, 16. Jan. 6, 46. Luk. 10, 22.*

Scénje na 4. njedźelu adwentu.

19. [A to je to swědčenje Janowe, jako či Židža pólachu z Jerusalema měšnikow a Lepitow, zo bychu jeho woprašeli: Štó sy ty? *St. 5, 33.*

20. A wón pózna a njezapře; a wón pózna: Ja njejsym Chrystus. *St. 3, 28.*

21. A woni woprašachu jeho: Što dha? Sy ty Elias? A wón džeše: Ja njejsym. Sy ty profeta? A wón wotmołwi: Ně. *5 Mójz. 18, 15. Mat. 16, 14.*

22. Tuž džachu woni k njemu: Štoha dha sy ty? zo my wotmołwenje damy tym, kotřiž nas pólali su. Štoha prajiš ty sam wot sebjě?

23. Wón džeše: Ja sym předarzki hlós w pusćinje: Přihotujće puć teho Knjeza, jako profeta Jezajas prajił je. *Jez. 40, 3. Mat. 3, 3. Mark. 1, 3. Luk. 3, 4.*

24. A či, kiž pólani běchu, běchu wot Farizejskich,

25. A prašachu jeho a džachu: Čoho dla dha kšćiš ty, hdyž njejsy Chrystus ani Elias ani profeta?

26. Jan wotmołwi jim a džeše: Ja křću z wodu; ale wón je srjedža bjez was stupił, kotrehož wy njeznajeće. *Mat. 3, 11. Mark. 1, 7. Luk. 3, 16.*

27. Tón je, kiž po mni přińć budže, kotryž prjedy mje był je, kotrehož črijowe rjemješki ja njejsym doztojnny roswwjazac.] *St. 3, 26.*

28. To so sta w Bethabara, tamnu stronu Jordana, hdžež Jan kšćise. *St. 10, 40.*

29. Na druhi dzeń wuhlada Jan Jezusa, zo k njemu dže, a džeše: Hlaj, to je Bože jehnjo, kotrež teho swěta hrěchi njese. *Št. 36. 2 Mójz. 12, 3.*

30. Tón je, wot kotrehož ja wam prajił sym, zo za mnu přińdže muž, kotryž prjedy mje był je; přetož wón běše přědniši, dyžli ja. *Št. 15.*

31. A ja jeho njeznajach; ale zo by wón zjawny był we Israelu, teho dla sym ja přišoł křćić z wodu. *St. 7, 4.*

32. A Jan dale swědčeše a džeše: Ja widžich, zo tón Duch dele lečeše jako hołb z njebjes a wosta na nim. *Mat. 3, 16. Mark. 1, 10. Luk. 3, 21. 22.*

33. A ja jeho njeznajach; ale tón, kiž mje pólal, zo bych z wodu křćil, tón samy džeše mi: Na kimž budžeš widžeć teho Ducha dele lećić, a zo wón na nim

wostanje, tón samy je, kotryž ze sw-
jatym Duchom kšćije. *Jap. sk. 1,*
5.

34. A ja widžich to a swědčach, zo
tón je Boží Syn.

***Tekst na 2. njedźelu po
třoch kralach. III,***

35. [Nazajtra steješe zaso Jan a z nim
dwaj wot jeho wučomnikow;

36. A jako wón Jezusa wuhlada
chodžo, džeše wón: Hlaj, to je Bože
jehnjo. *Št. 20.*

37. A taj dwaj jeho wučomnikow
słyšeštaj jeho ryčo a džěštaj za Jezusom.

38. Jezus so pak wobroći a widžeše,
zo wonaj za nim džetaj, a džeše k ni-
maj: Što pytataj? Wonaj pak džěštaj k
njemu: Rabbi (to je přeložene: mištrje),
hdže sy na hospodže?

39. Wón džeše k nimaj: Pójtaj a
hladajtaj. Wonaj teho dla pšínđžeštaj
a hladaštaj, hdže wón na hospodže je,
a woztaštaj tón samy džen pola njeho.
Běše pak wokoło džesateje štundy.

40. Jedyn wot teju dweju, kiž to
wot Jana słyšeštaj a za Jezusom džěštaj,
běše Handrij, tón bratr Šimana Pětra.
Mat. 4, 18.

41. Tón samy namaka najprjedy swo-
jeho bratra Šimana a praji k njemu:
My smy teho Mesiasa namakali (to je
přeložene: tón žalbowany). *Mat. 4, 18.*

42. A wjedžeše jeho k Jezusej. Jako
jeho pak Jezus wuhlada, džeše wón: Ty
sy Šiman, Jonasowy syn; tebi dyrbja
Kephas rěkać (to je přeložene: Pětr).
Mat. 16, 18.

43. Na druhi džen chcyše Jezus do
Galilejskeje ćahnyć; a namaka Philippa
a praji k njemu: Pój za mnu.]

44. Philippus pak běše z Bethzaidy, z
teho města Handrijoweho a Pětroweho.

***Tekst na 3. njedźelu po
třoch kralach. III.***

45. [Philippus namaka Nathanaela a
praji k njemu: My smy teho namakali,
wot kotrehož Mójzas w zakonju a profe-
tojo su pisali, Jezusa, Jozefoweho syna
z Nacareta. *1 Mójz. 49, 10. 5 Mójz. 18,*
18. Jez. 7, 14. St. 40, 11. St. 53, 2. Jer. 23,
5. Ez. 34, 23. Dan. 9, 24. Mat. 2, 23.

46. A Nathanael praji k njemu: Što
móže z Nacareta dobrego přnić? Rjeknu
k njemu Philippus: Pój a wohladaj. *St.*
7, 41.

47. Jezus widžeše, zo Nathanael k
njemu dže, a praji wot njeho: Hlaj, to je
prawy Israelski, w kotrymž žane jebanje
njeje. *Ps. 32, 2*

48. Nathanagel praji k njemu: Kak
ty mje znaješ? Jezus wotmołwi a džeše
k njemu: Prjedy dyžli će Philippus
zawoła, figowcom běše, ja će widžich.
hdyž ty pod

49. Nathanael wotmołwi a praji k
njemu: Rabbi, ty sy Syn Boží, ty sy tón
kral Israelski. *St. 6, 69. Mat. 16, 16.*
Mark. 8, 29.

50. Jezus wotmołwi a džeše k njemu:
Dokelž ja či sym rjeknył, zo ja će widžił
sym pod figowcom, dha wěřiš; ty budžeš
hišće wjetše wěcy widžeć, dyžli te.

51. Tež džeše wón k njemu: Zawěrnje,
zawěrnje, ja praju wam: Wot nětk

budžeće widžeć njebjo wotewrjene a Božich jandželow horje a dele přińc na člorózkého syna.] 1 Mójz. 28, 12. St. 35, 1. St. 48, 3.

2. staw.

Wo Kananejzkim kwasu a wučisćenju templu.

Sćenje na 2. njedźelu po třoch kralach.

1. [A na třecím dnju bě kwas w Kana Galilejskej; a Jezusowa mać běše tam.

2. Jezus pak a jeho wučomnicy běchu tež na kwas prošení.

3. A jako wina pobrachnu, džeše ta mać Jezusowa k njemu: Wina nimaju.

4. Jezus džeše k njej: Zónska, što mam ja z tobu? Moja štanda hišće njeje přišla. 2 Sam. 16, 10.

5. Jeho mać džeše k služomnikom: Štož wón wam praji, to činiće. 1 Mójz. 41, 55.

6. Běchu pak tam šěsć kamjeńtne wódne korta stajene, po wašnju židowskeho čizćenja, a džěchu do kóždého dvě abo tři měry. Mat. 7, 3.

7. Jezus praješe k nim: Nalijće te wódne korta z wodu. A woni je nalachu hač do wjercha.

8. A wón džeše k nim: Cžerpajće nětk a přinjesće brašy. A woni přinjesechu.

9. Jako pak braška wopta to wino, kotrež běše woda było, a njewědžeše, z wotkal je (či služomnicy pak wědzachu,

kiž wodu čěrpali běchu), zawoła braška nawoženju,

10. A džeše k njemu: Kóždy dawa při prjódku dobre wino, a hdyž so su napili, tehdy to slabše; ty sy to dobre wino hač sem zkhował. 1 Mójz. 43, 34. Hag. 1, 6.

11. To je přěni zejch, kotryž Jezus sčini w Kana Galilejskej a zjewi swoju krasnosť. A jeho wučomnicy wěryachu do njeho.]

12. Potom čehnješe wón dele do Kapernauma, wón, jeho mać, jeho bratra a jeho wučomnicy; a njepobychu tam dołho.

13. A Židow jutry běchu blisko, a Jezus čehnješe horje do Jerusalema,

14. A namaka w templu sedžo, kotřiž woły a wowcy a hołbje předawachu, a tych pšeměnjeryjow. Mat. 21, 12. Mark. 11, 15.

15. A wón sčini krjud wot štrykow a wuhna wšitkich z teho templu, tež wowcy a woły, a rossypa pšeměnjeryjam te pjenjezy a zwróci blida;

16. A džeše k tym, kotřiž hołbje předawachu: Znošće te wěcy přeč a nječińće z mojeho Wótca doma kupny dom.

17. Jeho wučomnicy pak spomnichu na to, štož pisane steji: Ta surowosć wo twój dom je mje zežrała. Ps. 69, 11.

18. Tuž wotmołwachu teho dla Židža a džachu k njemu: Kajki zejch ty nam pokažeš, zo ty to činić móžeš?

19. Jezus wotmołwi a džeše k nim: Roswalće tón templ, a w třoch dnjach chcu ja jón zaso stajić. Mat. 26, 61. St. 27, 40. Mark. 14, 58. St. 15, 29.

20. Tuž džachu židži: Tón templ je

w šěsć a štyrcyći lětach natwarjeny; a ty chceš tón samy w třoch dnjach stajić?

21. Wón pak rěčeše wot templa swojeho čěla.

Kol. 2,

9.

22. Jako wón pak wot morwych běše horje stanył, spomnichu jeho wučomnicy na to, zo wón to prajił běše; a wěrjachu temu pismu a słowu, kotrež Jezus běše rěčał.

Luk. 24, 8. Ps. 16, 10.

23. Jako wón pak běše we Jerusalemj na jutrach na róčnym dnju, wěrješe jich wjele do jeho mjena, widźiwsji jeho dźiwy, kotrež wón činješe.

24. Ale Jezus so jim njedowěri; přetož wón wšitkich znaješe,

25. A njepotrjebaše, zo by jemu štó swědčil wot čłowjeka; přetož wón wjedžeše derje, što w čłowjeku běše.

Ps. 7, 10.

3. staw.

Chrystus rěči z Nikodemusom wo puću k wěčnemu žiwjenju, a Jan rěči ze swojimi wučomnikami.

Scénje na swjatu Trojicu.

1. [Čłowjek pak běše wot Farizejskich, z mjenom Nikodemus, wyši bjez židami; *St. 7, 50. St. 10, 39.*

2. Tón přińdže k Jezusej w nocy a džeše k njemu: Mištrje, my wěmy, zo ty sy za wučerja wot Boha přišoł; přetož niktó njemóže te dźiwy činić, kotrež ty činiš, chiba zo by Bóh z nim był.

3. Jezus wotmołwi a džeše k njemu: Zawěrnje, zawěrnje, ja praju či: Jeli zo so štó z noweho njenarodźi, njemóže wón Bože kralestwo wohladać.

4. Nikodemus džeše k njemu: Kak so móže čłowjek narodzić, hdyž stary je? Móže wón tež zaso do swojeho maćerneho žiwota hić a so narodzić?

5. Jezus wotmołwi: Zawěrnje, zawěrnje, ja praju či: Jeli zo so štó njenarodźi z wody a z ducha, dha wón njemóže do Božeho kralestwa přińć.

Ez. 36, 25—27. Eph. 5, 26. Hebr. 10, 22.

6. Štož so wot čěla je narodźilo, to je čělo; a štož so wot ducha je narodźilo, to je duch.

1 Mójz. 5, 3. Rom. 3, 23.

7. Njedźiwaj so, zo ja tebi prajił sym: Wy dyrbiće so z noweho narodzić.

8. Wětr duje, hdžež chce, a jeho šumjenje slyšiš ty; ale ty njewěš, z wotkal wón psikhadža a hdže wón dže. Tak je kóždy, kiž so z ducha narodźil je.

Prěd. 11, 5.

9. Nikodemus wotmołwi a džeše k njemu: Kak móže so to stać?

Ez. 36, 26.

10. Jezus wotmołwi a džeše k njemu: Sy ty mištr we Israelu a njewěš to?

11. Zawěrnje, zawěrnje, ja praju či: My rěčimy, štož my wěmy, a swědčimy, štož my widźili smy; a wy njewozmjeće naše swědčenje horje.

St. 7, 16. St. 8, 26.

28.

12. Njewěriće wy, hdyž wam wot zemjacych wěcow praju; kak dha byšće wěрили, hdy bych wam wot njebjezkich wěcow prajił?

Kn. mudr. 9, 16.

13. A niktó njeztupi do njebjes, chiba tón, kotryž z njebjes dele přišoł je, tón člorózki syn, kiž w njebjesach je.

St. 6, 62. Eph. 4, 9.

14. A kaž Mójzas hada je w pusćinje powyšil, tak dyrbi člorózki syn powyšeny być,

4 Mójz. 21, 8. 9.

15. So bych wšitcy, kiž do njeho wěrja, zhubjeni njebyli, ale wěčne žiwjenje měli.] *Mark. 16, 16. Luk. 19, 10.*

Tekst na Boži dzeń. IV.

16. [Přetož tak je Bóh tón swět lubował, zo wón swójeho jeničkeho narodženeho Syna dał je, zo bych wšitcy, kiž do njeho wěrja, zhubjeni njebyli, ale wěčne žiwjenje měli. *St. 15, 13. 1 Jan. 4, 9. St. 3, 16. Rom. 5, 8. St. 8, 32.*

17. Přetož Bóh njeje swójeho Syna do swěta posłał, zo by wón swět sudžil, ale zo by swět přez njeho zbóžny był. *St. 9, 39.*

18. Štóz do njeho wěri, tón njebudže sudženy; štóz pak njewěri, tón je hižom sudženy; přetož wón njeje wěrił do mjena teho jeničkeho narodženeho Syna Božeho. *St. 5, 24. St. 6, 40. 47.*

19. To je pak tón sud, zo to swětlo je do swěta přišlo; a ludžo lubowachu tu čemnosć bóle, dyžli swětlo; přetož jich skutki běchu zle. *St. 1, 5. 9.*

20. Štóz zle čini, tón hidži swětlo a njepřińdže na swětlo, zo bych jeho skutki štrafowane njebyle; *Eph. 5, 13.*

21. Štóz pak prawdu čini, tón přińdže na swětlo, zo bych jeho skutki zjawne byle; přetož wone su w Bosy činjene. *Eph. 5, 8. 9.*

22. Potom přińdže Jezus a jeho wučomnicy do židowskeje zemje a wosta tam z nimi a kšćíše. *St. 4, 1. 2.*

23. Jan pak tež hišće kšćíše we Enonje, blisko při Salimje, přetož tam běše wjele wody; a woni psikhadžachu a dachu so křćić; *1 Sam. 9, 4.*

24. Přetož Jan hišće njeběše do jastwa položeny. *Mat. 14, 3. Luk. 3, 19. 20.*

25. A zběhnu so teho dla woprašenje bjez Janowymi wučomnikami ze Židami wo wučiscenje;

26. A přińdžechu k Janej a džachu k njemu: Rabbi, tón, kiž z tobu běše za Jordanom, wot kotrehož ty swědčeše, hlaj, tón kšći, a wšitcy du k njemu. *Mat. 3, 11. 13.*

Tekst na 4. njedželu adwentu. III.

27. [Jan wotmołwi a džeše: Čłowjek sebi ničo wzac njemóže, chiba zo budže jemu date z njebjes. *St. 19, 11.*

28. Wy sami sće mi swědkojo, zo ja sym powědžil, zo njejsym Chrystus, ale zo sym prjedy njeho posłany. *St. 1, 20. 30.*

29. Štóz ma njewjeztu, tón je nawoženja. Tón přecel pak nawoženjowu steji a posłucha na njeho a zwjeseli so wysocy teho nawoženjoweho hłosa dla. Ta sama moja wjeselosć je teho dla dopjelnjena.

30. Wón dyrbi rozć, ja pak dyrbbju wotbjerać.] *2 Sam. 3, 1.*

31. Štóz z wysoka přińdže, tón je na wšitkich. Štóz wot zemje je, tón je wot zemje a rěči wot zemje; štóz z njebjes přińdže, tón je na wšitkich; *St. 8, 23.*

32. A štož je widžil a slyšał, to wón swědči; ale jeho swědčenje žadyn horje

njewozmjje. *St. 5, 19. St. 8, 26. 28.*

33. Štóz pak jeho swědčenje horje wozmjje, tón zazygluje, zo Bóh prawy je.

34. Přetož kotrehož Bóh pósłał je, tón rěči Bože słowa; přetož Bóh njedawa teho Ducha po měrje. *Ps. 45, 3. 8.*

35. Wótc ma Syna lubo a je jemu wšitko do jeho ruki dał. *Mat. 11, 27.*

36. Štóz do teho Syna wěri, tón ma wěčne žiwjenje. Štóz pak temu Synej njewěri, tón njebudže žiwjenje widžeć, ale tón hněw Boži wostanje nad nim. *St. 3, 18. Mat. 16, 16.*

4. staw.

Wobroćenje Samaritskich; wustrowjenje syna kralowzkeho.

1. Jako teho dla tón Knjez pózna, zo Farizejscy běchu slyšeli, kak Jezus wjazy wučomnikow činješe a kšćíše, dyžli Jan, *St. 3, 22. 26.*

2. (Hač runje Jezus sam njekšćíše, ale jeho wučomnicy),

3. Wopušći wón tu židowsku zemju a woteńdže wospjet do Galilejskeje.

4. Wón dyrbješe pak pšeńć přez Samariu.

Tekst na njedźelu Sexagezima. III.

5. [Tuž přińdže wón do Samariskeho města, kotremuž Sichar rěkach, blisko při fórwarku, kotryž Jakub swojemu

synej Jozephej běše dał. *1 Mójz. 48, 22. Joz. 24, 32.*

6. Tam pak běše Jakubowa studnja. Teho dla, jako Jezus běše wustał wot khodženja, synu wón so tak na tu studnju; a běše wokoło šesteje štundy.

7. Tuž přińdže žónska ze Samarije wodu čerpać. K tej samej rjeknu Jezus: Daj mi so napić.

8. Přetož jeho wučomnicy běchu do teho města wotešli, zo bychu jědže nakupili.

9. Praji teho dla ta Samaraska žónska k njemu: Kak zo ty wote mnje žadaš so napić, kiž ty wšak Žid sy, a ja sym Samaraska žónska? Přetož židži nimaju žaneho towarstwa ze Samariskimi.

10. Jezus wotmołwi a džeše k njej: Hdy by ty wjedžila tón dar Boži a štó tón je, kiž k tebi praji: Daj so mi napić, dha by ty jeho prosyla, a wón by tebi dał žiwu wodu. *St. 7, 38. 309.*

11. Praji k njemu ta žona: Knježe, wšak nimaš, z čimž by sebi načerpał, a ta studnja je hluboka; z wotkal dha maš tu žiwu wodu?

12. Sy ty wjazy, dyžli naš wótc Jakub, kiž nam tu studnju je dał, a wón je sam z njeje pił a jeho džěci a jeho skót?

13. Jezus wotmołwi a džeše k njej: Kóždy, kiž pije tu wodu, temu so zaso pić chce; *St. 6, 58.*

14. Štóz so pak teje wody napije, kotruž ja jemu dam, temu so wěcnje pić njezechce; ale ta woda, kotruž ja jemu dać budu, ta budže w nim studnja teje wody, kotraž so do wěčneho žiwjenja źorli. *St. 6, 27. St. 7, 38. 30.*

15. Praji ta žona k njemu: Knježe,

daj mi tu samu wodu, zo by so mi pić nochzyło, a zo bych hew chodzić njetrjebała čerpać.)

16. Jezus praji k njej: Dži, zawołaj swojeho muža a přińdź sem.

17. Ta žona wotmołwi a džeše k njemu: Ja nimam muža. Praji tej samej Jezus: Ty sy prawje rěčała: Ja nimam muža.

18. Přetož pjeć mužow sy měła, a kotrehož nětk maš, njeje twój muž; to sy ty prawje rěčała.

Tekst na njedźelu Eztomihi. III.

19. [Ta žona praji k njemu: Knježe, ja widžu, zo ty profeta sy. ((St. 6, 14.))

20. Naši wótcjo su so na tutej horje k Bohu modlili; a wy prajiće, zo we Jerusaleme je to město, hdžež so zaleži modlić. 5 Mójz. 12, 5. 6. 11. 1 Kral. 8, 29.

21. Jezus praji k njej: žona, wěr mi, štanda dže, zo wy ani na tutej horje, ani we Jerusaleme so njebudžeće k Wótcu modlić.

22. Wy so modliće a njewěšće k čomu; my so modlimy a wěmy k čomu; přetož ta zbóžnosť přińdže wot židow. 2 Kral. 17, 20. Jez. 2, 32. Mat. 20, 22. Luk. 24, 47.

23. Ale štanda dže, a je nětk, zo či prawi modlerjo so budža k temu Wótcu modlić w duchu a w prawdže; přetož Wótc tež tajkich hlada, kotřiž bychu so k njemu tak modlili.

24. Bóh je Duch, a či, kotřiž so k njemu modla, dyrba w duchu a w prawdže so k njemu modlić. 2 Kor. 3, 17.

25. Praji ta žona k njemu: Ja wěm, zo Mesias přińdže, kotremuž rěkaju Chrys-tus; hdyž tón samy přińć budže, budže wón nam wšitko připowědać. St. 1, 41.

26. Jezus džeše k njej: Ja sym tón, kiž z tobu rěču. St. 8, 25. St. 9, 37.

27. A w tym přińdžechu jeho wučomnicy a džiwachu so, zo wón z tej žonu rěčeše. A však žadyn njerjeknu: Wo čo prašeš? abo: Što rěčiš z njeju?

28. Tuž wostaji ta žona swój karan stejo a woteńdže do teho města a džeše k tym ludžom:

29. Pójće, wohlejte čłowjeka, kiž mi je powědził wšitko, štož sym činiła, hač wón njeje Chrys-tus?

30. Tuž wuńdžechu woni z teho města a přińdžechu k njemu.]

31. A w tym času prošachu jeho či wučomnicy a džachu: Rabbi, pojš.

32. Wón pak džeše k nim: Ja mam jědź pojěšć, wo kotrejž wy njewěšće. Št. 34. Ps. 19, 11.

33. Tuž džachu wučomnicy bjez sobu: Je jemu štó jěšć přinjesl?

Tekst na nowe lěto. IV.

34. [Jezus džeše k nim: Moja jědź je ta, zo bych činił tu wolu teho, kiž mje posłał je, a zo bych dokonjał jeho skutk. St. 5, 30.

35. Njeprajiće wy sami, zo hišće štyri měsacy su, a přińdu žně? Hlaj, ja praju wam: Pozběhńće swojej woči a pohladajte do pola; přetož wono so hižom běli k žnjam. Mat. 9, 37. Luk. 10, 2.

36. A štož žně, bjerje mzdu a zhromadźuje wužitk k wěčnemu žiwjenju, tak zo bychu so hromadže zradowali, tón, kiž rossywa, a tón, kiž žně. *Hebr. 11, 40.*

37. Přetož tudy je to přisłowo wěrne: Druhi syje, a druhi žně.

38. Ja sym was pósłał k žnjeću to same, štož wy njejsće džělali; druzy su džělali, a wy sće do jich džěla přišli.]

39. Wjele pak Samariskich z teho sameho města wěryachu do njeho, teje žony ryče dla, kotraž swědčeše: Wón je mi powědźił wšitko, štož sym činiła.

40. A jako ěi Samarizy k njemu přinďzechu, prošachu woni jeho, zo by pola nich wostał; a wón pobu tam dwaj dnjej.

41. A wjele wjazy jich wěrješe jeho słowa dla;

42. A k tej žonje džachu woni: My wěrimy nětk dale nic twojeje ryče dla; přetož my smy sami slyšeli a póznali, zo tón je zawěrnje Chrystus, teho swěta zbóžnik. *St. 17, 8.*

43. Ale po tymaj dwěmaj dnjomaj wuńdže wón wot tudy a woteńdže do Galilejskeje; *Mat. 4, 12.*

44. Přetož wón sam, Jezus, swědčeše, zo profeta domach česć nima. *Mat. 13, 57. Mark. 6, 4. Luk. 4, 24.*

45. Jako wón teho dla do Galilejskeje přinďže, wzachu jeho ěi Galilejscy horje, kiž běchu widźili wšitko, štož wón we Jerusalemj přez tón rónny čas běše činił; přetož woni běchu tež na tón rónny čas přišli.

46. Jezus pak přinďže zaso do Kana Galilejskeje, hdžež wón běše z wody

wino sćinił.

St. 2, 1. 9.

47. A někajki kralowski běše, teho syn ležeše chory w Kapernaumje. Jako tón slyšeše, zo Jezus ze Židowskeje přišoł bě do Galilejskeje, džěše wón k njemu a prošeše jeho, zo by dele přišoł a wustrowił jeho syna; přetož wón běše na smjerć chory.

48. Dha džěše Jezus k njemu: Hdyž wy zejchi a dźiwy njewidźiće, dha wy njewěriće. *St. 2, 18. i Kor. 1, 22.*

49. Tón kralowski džěše k njemu: Knježe, pój dele, prjedy dyžli moje džěćo wumrě.

50. Jezus džěše k njemu: Dži, twój syn je žiwy. Tón čłowjek wěrješe temu słowu, kotrež Jezus k njemu rjeknu, a džěše. *1 Kral. 17, 23.*

51. A jako wón dele džěše, zetkachu jeho jeho wotročcy, připowjedachu jemu a džachu: Twój hólć je žiwy.

52. Teho dla wobhonjowaše wón wot nich tu štundu, w kotrejž so z nim bě polěpšało. A woni džachu k njemu: Wčera w sedmej štundže wopuści jeho ta zymna.

53. Tuž pózna tón nan, zo je prawje w tej štundže było, w kotrejž Jezus jemu prajił běše: Twój syn je žiwy. A wón wěrješe ze swojim cyłym domom.

54. To je pak zaso druhi zejch, kotryž Jezus sćini, hdyž wón ze Židowskeje do Galilejskeje přinďže.

5. staw.

Chrystus zamołwi swój džiw na tym, kiž wósom a třiceći lět bě chory byt, wopokazany.

1. Potom běše rócny dzeń tych Židow, a Jezus čehnješe horje do Jerusalema. *3 Mójz. 23, 2.*

2. We Jerusaleme je pak při wowčich wrotach hat, temu rěkaju po hebrejskej řeči Bethesda, a ma pjeć pšitwarkow;

3. W tych ležeše wjele chorych, slepych, chromych, suchich, kiž čakachu, hdy by so ta woda hnula;

4. Přetož jandžel stupi dele w swojim času do toho hata a zmuči tu wodu. Kotryž potom přeni, hdyž ta woda bě zmučena, nutř ležeše, tón bu čerstwy, z kajkežkuli khorozcu wón wobdaty běše.

Tekst na 6. njedželu po třoch kralach. III.

5. [Tam pak běše jedyn čłowjek wósom a třiceći lět chory ležal.

6. Jako Jezus toho sameho wuhlada ležazeho a zrozumi, zo wón hižom přez dołhi čas běše ležal, praji wón k njemu: Chceš strowy być?

7. Tón chory wotmołwi jemu: Knježe, ja nimam čłowjeka, hdyž ta woda budže zmučena, kiž mje do hata by pušćil; ale hdyž ja přińdu, dha druhu hižom prjedy mje do njeje stupa.

8. Jezus praji k njemu: Stań, wzmi swoje poslešćo a chodź!

9. A hnydom bu tón čłowjek čerstwy a wza swoje poslešćo a chodžeše. Běše

pak sabat tón samy dzeń. *St. 9, 14.*

10. Džachu toho dla židži k temu, kiž běše wotchoril: Džens je sabat, tebi so njeshuša to poslešćo nosyć. *Jer. 17, 21. Luk. 6, 2.*

11. Wón wotmołwi jim: Tón, kiž mje wustrowi, tón samy džeše ke mni: Wzmi swoje poslešćo a chodź.

12. Tuž prašachu woni jeho: Štó je tón čłowjek, kotryž k tebi džeše: Wzmi swoje poslešćo a chodź?

13. Tón pak, kiž běše wustrowjeny, njewědžeše, štó by wón byl; přetož Jezus běše wustupił, jako tak wjele luda na tym samym měsće běše.

14. Potom namaka jeho Jezus w templu a džeše k njemu: Hlaj, ty sy wočerstwil; njezhřeš dale wjazy, zo by so tebi ničo hórše nježtało. *St. 8, 11.*

15. Tón čłowjek woteńdže a powědaše židam, zo je Jezus, kotryž jeho je čerstweho sćinił.

16. A toho dla pšezčěhachu židži Jezusa a pytachu jeho morić, zo wón to běše činił na sabaće.

17. Jezus jim pak wotmołwi: Mój Wótc hač něk do toho časa džěla, a ja džělam tež. *St. 14, 10. St. 9, 4.*

18. Teho dla stejachu židži čím bóle za nim, zo bychu jeho morili, dokelž wón nic jeno sabat lamaše, ale tež praješe, zo Bóh je jeho Wótc, a činješe so sam Bohu runy.]

19. Tuž wotmołwi Jezus a džeše k nim: Zawěrnje, zawěrnje, ja praju wam: Tón Syn ničo njemóže sam wot sebje činić, chiba štož wón widži, zo Wótc čini; přetož štož tón samy čini, to čini runje tež tón Syn. *St. 3, 11. 32.*

20. Tón Wótc ma pak Syna lubo a pokazuje jemu wšitko, štož wón čini; a budže jemu hišće wjetše skutki pokazać, tak zo byšće wy so dźiwali. *St. 1, 3.*

21. Přetož jako tón Wótc morwych zbudži a žiwych čini; tak tež tón Syn žiwych čini, kotrychž chce.

22. Přetož tón Wótc nikoho njesudži, ale wšitkón sud je wón temu Synej dał; *Ps. 72, 1. Mat. 11, 27. 28. Jap. sk. 17, 31.*

23. Tak zo bychy wšitcy teho Syna čezćili, jako teho Wótca čezća. Štóz Syna nječesci, tón ani Wótca nječesci, kotryž jeho pósłał je. *1 Jan. 2, 23.*

24. Zawěrnje, zawěrnje, ja praju wam: Štóz moje słowo słyši a wěri temu, kiž mje pósłał je, tón ma wěčne žiwjenje a njeprjindže na sudjenje, ale wón je wot smjerće k žiwjenju so pšecišćał. *St. 3, 18. 36. St. 6, 40. 47. St. 8, 51., Rom. 8, 24. 1 Jan. 3, 14.*

Tekst na njedźelu Cantate. IV.

25. [Zawěrnje, zawěrnje, ja praju wam: Štunda přindže a je hižom nětk, zo morwi budža hlós teho Syna Božeho słyšeć; a kotřiž jón budža słyšeć, či budža žiwi. *St. 11, 43. 44.*

26. Přetož runje jako tón Wótc ma to žiwjenje sam w sebi, tak wón je tež temu Synej podał, zo by wón to žiwjenje sam w sebi měł.

27. A je jemu móc dał, tež sudjenje dźeržeć, teho dla, zo wón člorózki syn je.

28. Njedźiwajće so temu. Přetož ta štunda dže, w kotrejž wšitcy, kiž w

rowach su, budža jeho hlós słyšeć;

29. A pónďža won či sami, kiž su dobre činili, k horjestawanju teho žiwjenja; kiž pak zle su činili, k horjestawanju teho sudjenja.] *St. 6, 40. Dan. 12, 2. Mat. 25, 46.*

30. Ja sam wot sebje ničo njemóžu činić. Kaž słyšu, tak sudžu ja, a tón mój sud je prawy; přetož ja njehladam swojeje wole, ale teho Wótca wole, kiž mje pósłał je. *Št. 19. St. 6, 38.*

31. Jeli zo ja swědčenje sam wot sebje dam, dha moje swědčenje njeje prawe;

32. Druhi je, kiž wote mnje swědči, a ja wěm, zo to swědčenje wěrne je, kotrež wón wote mnje swědči. *Mat. 3, 17.*

33. Wy sće pósłali k Janej, a wón swědčeše wot prawdy. *St. 1, 19.*

34. Ja pak njebjeru swědčenje wot čłowjeka; ale to praju, zo byšće wy zbóžni byli.

35. Wón běše ta horjaza a swěćaca swěća; wy pak chcyšće so na mału chwilu zwjeselić w jeho swětle.

36. Ja pak mam wjetše swědčenje, dyžli Janowe swědčenje; přetož te skutki, kiž mi tón Wótc je dał, zo bych je dokonjał, te same skutki, kotrež ja činju, swědča wote mnje, zo mje tón Wótc je pósłał. *St. 1, 33. St. 3, 2. St. 7, 31.*

37. A tón Wótc, kiž mje je pósłał, tón samy je wote mnje swědčil. Wy njejsće nihdy ani jeho hlós słyšeli ani jeho wohladanje widžili. *Mat. 3, 17.*

38. A jeho słowo wy nimaće, zo by we was wostało; přetož wy temu njewěriće, kotrehož wón je pósłał.

39. Wobhońće so w pismje; přetož wam so zda, zo maće wěčne žiwjenje w

nim; a to same je, kiž wote mnje swědči;
1 Tim. 4, 13.

40. A wy nochćeće ke mni přińć, zo
byšće to žiwjenje měli. St. 6, 35.

41. Ja njebjeru chwalbu wot
čłowjekow; Hebr. 5, 5. 6.

42. Ale ja znaju was, zo Božeje lu-
bosće w sebi nimaće.

43. Ja sym přišoł w swojeho Wótca
mjenje, a wy mje horje njewozmjeće;
a budže-li druhi sam w swojim mjenje
přińć, teho sameho budžeće wy horje
wzać.

44. Kak móžeće wy wěrić, kiž česć
bjerjeće jedyn wot druheho? A teje
česće, kotraž wot Boha sameho je,
njepytaće wy. Rom. 2, 20.

45. Wy njedyrbiće za to měć, zo
ja was před Wótcom budu wobskorzić;
přetož jedyn je, kiž was wobzskoržuje:
tón Mójzas, na kotrehož wy nadźiju
stajće. 5 Mójz. 32, 1.

46. Hdy byšće pak Mójzasej wěрили,
byšće tež mi wěрили; přetož wón je wote
mnje pisał. 1 Mójz. 3, 15. St. 22, 18. St.
49, 10. 5 Mójz. 18, 15.

47. Jeli zo pak jeho pismam
njewěriće, kak chceće mojim słowam
wěrić?

6. staw.

Chrysta dźiwne nasycenje luda a khód; přědowanje wo duchomnym wužiwanju jehočěta a krwě.

1. Potom wjezeše so Jezus přeč přez
morjo při měsće Tiberias w Galilejskej.

2. A wulki lud čehnješe za nim, dokelž
jeho dźiwy widžichu, kotrež na chorych
činješe.

3. Jezus pak džeše horje na horu a
synu so tam ze swojimi pólami.

4. Blisko pak běchu jutry, židow rónny
čas. 3 Mójz. 23, 5. 5 Mójz. 16, 16.

5. Tuž pozběže Jezus swojej woči
a wuhlada, zo wulki lud k njemu dže,
a praji k Philippej: Hdže nakupimy
chlěba, zo bychy ěi pojedli? Mat. 14, 15.
Mark. 6, 34. Luk. 9, 12.

6. (To wón pak džeše, zo by jeho spy-
tował; přetož wón sam derje wjedžeše,
što wón činić chceše.)

7. Philipp wotmołwi jemu: Sa dvě
sčě pjenjow chlēba njeje jim dosć, zo
by kóždy wot nich jeno po małym kuzku
wzał. Mark. 6, 37.

8. Rjeknu k njemu jedyn jeho pólsw,
Handrij, Šimana Pětrovy bratr:

9. Jedyn hólć je tudy, tón ma pječ
ječnych pokrutkow a dvě rybje; ale što
je to bjez tak wjele?

10. Jezus pak džeše: Činće, zo
so tón lud zesysda. Tam pak běše
wjele trawy. Tuž zesysdachu so na pječ
tawzynt mužow. Mat. 14, 19.

11. Jezus pak wza te pokrotki,

džakowaše so a rosda je tym wučomnikam, wučomnicy pak tym, kotřiž so běchu zesydali; teho runja tež wot teju rybow, kaž wjele wón chcyše.
St. 21, 13.

12. Jako so woni pak najědli běchu, džeše wón k swojim wučomnikam: Zběrajće te zbytnje kruški, zo so ničo njeskazy.
Mark. 8, 8.

13. Dha zezběrachu a napjelnichu dwanaće korbow z kruškami, kotrež wot tych pječ ječnych pokrutkow běchu zbytnje wostałe tym, kiž pojědli běchu.

14. Hdyž teho dla í ludžo tón dźiw widźichu, kotryž Jezus činił bě, džachu woni: To je zawěrnje tón profeta, kiž do swěta přińć ma.
St. 1, 21 St. 4, 19.

15. Teho dla, jako Jezus pózna, zo přińć budža a jeho popanuć, zo bychu jeho krala činili, wustupi wón zaso na horu, wón sam lutki.
St. 18, 36.

16. Hdyž pak wječor bu, džechu jeho wučomnicy dele k morju,

17. A stupichu do łódže a přińdžechu přez morjo do Kapernauma; a běše hižom ćma, a Jezus njeběše k nim přišoł.
Mat. 14, 22. Mark. 6, 45.

18. A to morjo poztawaše wot wulkeho wětra.

19. Jako pak so běchu wotwjězli na pječ a dwacyći abo na triceći honow, wuhladachu woni Jezusa, zo chodži po morju a zo so k łódži přibližuje; tuž so bojachu.
Mat. 14, 25.

20. Wón pak džeše k nim: Ja sym, njebójće so.

21. Tuž chychu woni jeho do teje łódže wzać; a hnydom běše ta łódž při kraju, do kotrehož woni so wjezechu.

22. Nazajtra widžeše tón lud, kiž z teje strony morja steješe, zo žana druha łódžička tam njeběše, chiba ta jena, do kotrejež jeho wučomnicy běchu stupili, a zo Jezus ze swojimi wučomnikami njeběše na tu łódžičku šoł, ale sami jeho wučomnicy so běchu přeč wotwjězli.

23. Druhe łódžički pak přińdžechu z Tiberiasa blisko k temu městu, hdžež běchu woni tón chlěb jědli, jako tón Kn- jez běše to džakowanje činił.

24. Jako tón lud pak widžeše, zo Jezus tam njeběše ani jeho wučomnicy, stupichu woni tež sami do tych łódžow a přińdžechu do Kapernauma a pytachu Jezusa.

25. A hdyž jeho namakachu z tam- neje strony morja, džachu woni k njemu: Rabbi, hdy sy sem přišoł?

26. Jezus wotmołwi jim a džeše: Zawěrnje, zawěrnje, ja praju wam, wy mje njepytaće teho dla, zo sće dźiwy widźili, ale zo sće wot teho chlěba jědli a sće nasyćeni.

27. Pytajće jědź, nic, kiž hinje, ale jědź, kotraž wostanje do wěčneho žiwjenja, kotruž wam člorózki syn dać budže; přetož teho je Bóh Wótc zazy- glował.
St. 3, 16. St. 4, 14.

28. Tuž džachu woni k njemu: Što dyrbimy činić, zo bychmy Bože skutki činili?

29. Jezus wotmołwi a džeše k nim: To je Bože džěło, zo byšće do teho wěрили, kotrehož wón pósłał je.
1 Jan. 3, 23.

30. Tuž džachu woni k njemu: Kajki dha ty dźiw činiš, zo bychmy widźili a tebi wěрили? Što džělaš?

31. Naši wótcojo su manna jědli w pusćinje, jako pisane steji: Wón dawaše jim chlěb z njebyes k jědźi. *2 Mójz. 16, 13. 14. Neh. 9, 15. Ps. 78, 24. 25. Kn. mudr. 16, 20.*

32. Tuž džeše Jezus k nim: Zawěrnje, zawěrnje, ja praju wam: Mójzas wam njeje chlěb z njebyes da; ale mój Wótc dawa wam tón prawy chlěb z njebyes.

33. Přetož to je tón chlěb Boží, kiž z njebyes přińdže a dawa swětu to žiwjenje.

34. Woni teho dla džachu k njemu: Knježe, daj nam přeco tajkeho chlēba.

35. Jezus pak džeše k nim: Ja sym tón chlěb teho žiwjenja; štóž ke mni přińdže, tón njebudže hlódny; a štóž do mnje wěri, temu so nihdy pić njezechce. *Št. 48. Jez. 55, 1. Sir. 24, 28. Jan. 4, 14. St. 7, 37.*

36. Ale ja sym wam to prajił, zo sće mje derje widźili, a však njewěriće.

37. Wšitko, štož mi tón Wótc dawa, to přińdže ke mni; a teho, kiž ke mni přińdže, njebudu ja won wustorčić. *St. 17, 9.*

38. Přetož ja sym z njebyes přišoł, nic zo bych swoju wolu činił, ale teho wolu, kiž mje póslał je. *St. 4, 34.*

39. To je pak ta wola teho Wótca, kiž mje póslał je, zo bych ničo, štož wón mi dał je, njezhubił, ale zo bych to same zbudził na poslenim dnju. *St. 10, 28. 29. St. 17, 12.*

40. To je pak ta wola teho, kotryž mje póslał je: zo, štóž Syna widži a wěri do njeho, měł wěčne žiwjenje; a ja budu jeho zbudzić na poslenim dnju. *St. 5, 29. St. 11, 24. Luk. 14, 14.*

41. Tuž mórčachu židži wo to, zo wón džeše: Ja sym tón chlěb, kotryž z njebyes je přišoł;

42. A džachu: Njeje tón Jezus, Jozefowy syn, kotrehož nana a maćer my znajemy? Kak dha praji tón: Ja sym z njebyes přišoł? *Mat. 13, 55. Luk. 4, 22.*

43. Tuž wotmołwi Jezus a džeše k nim: Njemórčće bjez sobu;

44. Nichtó njemóže ke mni přińc, chiba zo by jeho čahnuł tón Wótc, kiž mje póslał je; a ja budu jeho zbudzić na poslenim dnju. *Št. 65. Jer. 31, 3.*

45. Pisane steji w profetach: A woni budža wšitcy wučeni wot Boha. Štóz to teho dla słyši wot Wótca a nawuknje to, tón přińdže ke mni. *Jez. 54, 13. Jer. 31, 33.*

46. Nic, zo štó Wótca je widźił; chiba tón, kiž wot Boha je, tón je Wótca widźił. *St. 1, 18. Mat. 11, 27.*

Tekst na 7. njedźelu po swj. Trojicy. IV.

47. [Zawěrnje, zawěrnje, ja praju wam: Štóz do mnje wěri, tón ma wěčne žiwjenje. *St. 3, 16. 18. 36.*

48. Ja sym tón chlěb teho žiwjenja. *Št. 35.*

49. Waši wótcojo su manna jědli w pusćinje, ale woni su zemřeli; *2 Mójz. 16, 15. 4 Mójz. 11, 7. Ps. 78, 24. 1 Kor. 10, 5.*

50. Tón je tón chlěb, kiž z njebyes přińdže, tak zo štóž wot njeho by jědl, zo by njewumřel.

51. Ja sym tón žiwy chlěb, kiž je z njebyes přišoł; budže-li štó wot tuteho chlēba jěsć, tón budže žiwy do wěčnosće.

A tón chléb pak, kotryž ja dać budu, je moje čěło, kotrež ja dać budu za žiwjenje teho swěta.] *St. 3, 13. Hebr. 10, 5. 10.*

52. Tuž zwadźichu so Židža bjez sobu a džachu: Kak móže nam tón swoje čěło k jědźi dać?

53. Jezus pak džeše k nim: Zawěrnje, zawěrnje, ja praju wam, njebudžeće-li jěsć čěło teho člorbzkého syna a pić jeho krej, dha žaneho žiwjenja nimaće w sebi.

54. Štóz moje čěło jě a pije moju krej, tón ma wěčne žiwjenje; a ja budu jeho na poslenim dnju zbudzić.

55. Přetož moje čěło je ta prawa jědź, a moja krej je to prawe piće.

56. Štóz moje čěło jě a moju krej pije, tón wostanje w mni a ja w nim. *St. 15, 4. 1 Jan. 3, 24. St. 4, 13.*

57. Kaž mje pósłał je tón žiwy Wótca a ja žiwy sym Wótca dla, tak tež, štóz mje jě, tón samy budže žiwy moje dla.

58. Tón je tón chléb, kiž z njebjes přišoł je; nic kaž waši wótcojo manna su jědli a wumřeli. Štóz tón chléb jě, tón budže žiwy do wěčnosti. *St. 3, 13.*

59. To praješe wón w šuli, jako wučese w Kapernaumje.

60. Wjele pak jeho wučomnikow, jako to běchu slyšeli, džachu: To je twjerda ryč, što móže ju slyšeć?

61. Jako Jezus pak sam při sebi pytny, zo jeho wučomnicy wo to same mórěachu, džeše wón k nim: Pohórši was to?

62. Kak dha budže, hdyž budžeće widćeć člorózkého syna, zo horje stupa tam, hdžež prjedy bě? *St. 3, 13. Mark. 16, 19.*

63. Duch je, kiž čini žiwych; čěło ničo njepomha. Te słowa, kotrež ja wam řeču, su duch a su žiwjenje. *2 Kor. 3, 6.*

64. Ale su pak někotři bjez wami, łotziž njewěrja. Přetož Jezus wot spočatka derje wjedžeše, kotzi su, kiž njewěrja, a što tón je, kotryž jeho přeradžić budže. *St. 2, 25.*

65. A wón džeše: Teho dla sym ja wam prajił, zo nchtó njemóže ke mni přińć, chiba zo jemu je date wot mojeho Wótca. *Št. 44.*

66. Wot teho časa woteńdže wjele jeho wučomnikow nazady a wjazy z nim njekhodžachu.

67. Tuž praji Jezus tym dwanaće: Chceće tež wy přeć hić?

68. Ale Šiman Pětr jemu wotmołwi: Knježe, k komu pónđžemy? Ty maš słowa wěčného žiwjenja; *Št. 63. Jap.sk.5,20. Mat. 7,20.*

69. A my smy wěрили a póznali, zo ty sy Chrystus, tón Syn teho žiwého Boha. *St. 1, 49. Mat. 16, 16. Mark. 8, 20.*

70. Jezus wotmołwi jemu: Njejsym ja was dwanaće wuzwolił? a jedyn wot was je djaboł. *Luk. 6, 13. Jan. 8, 44.*

71. Wón pak řečeše wot Judaša, Šimanoweho syna, Jšariotha. Přetož tón samy přeradží jeho potom a běše jedyn tych dwanaće.

7. staw.

Chrystusowe předowanje w templu.

1. Potom pak chodžeše Jezus wokoło po Galilejskej; přetož wón njechaše w židowskej wokoło chodžić, zo jemu židži za jeho žiwjenjom stejachu. *St 86, 1.*

2. Běše pak blisko židow rónny čas tych hětow zestajenja. *3 Mójz. 23, 34.*

3. Džachu teho dla jeho bratra k njemu: Wuńdž wot tudy a dži do Židowskeje, zo bychy tež twoji wučomnicy widžili te skutki, kotřež činiš. *Mat. 12, 46. Mark. 3, 31. Jap. sk. 1, 14.*

4. Přetož nchtó nječini ničo w potajnym, a chce wšak widženy być. Čžinišli ty tajke wěcy, dha zjerb so před swětom.

5. Přetož tež jeho bratra njewěrjachu do njeho.

6. Tuž praji Jezus k nim: Mój čas hišće njeje přišoł; waš čas pak přeco je hotowy. *St. 2, 4.*

7. Swět was njemóže hidžić; mje pak hidži wón, přetož ja swědču wot njeho, zo su jeho skutki zle. *St. 15, 18.*

8. Džíce wy horje na tón rónny swjedžen; ja hišće njepóńdu na tón samy rónny swjedžen; přetož mój čas hišće njeje dopjelnjeny. *St. 8, 20.*

9. Jako wón pak to k nim běše prajił, wosta wón w Galilejskej.

10. Jako pak jeho bratra běchu horje šli, džěše wón tehdy tež horje na tón rónny džen, nic fjawnje, ale jako potajnje.

11. Tuž pytachu jeho židži tón rónny džen a džachu: Hdže je tón samy?

12. A běše wulke mórčenje wot njeho bjez ludom. A někotři džachu: Wón je dobry. Druzy pak džachu: Nic, ale wón zawjedže lud. *St. 9, 16. St. 10, 19. Mat. 21, 46.*

13. Nchtó pak zjawnje wot njeho njerěčeše, bojosće dla před židami. *St. 9, 22. St. 19, 38. St. 12, 42.*

14. Srjedža pak teho swjateho časa džěše Jezus horje do templu a wučěše.

15. A Židža džiwachu so a džachu: Kak so tón do pisma wustěji, kiž wón to same njeje wuknył? *Mat. 13, 54.*

16. Jezus jim wotmołwi a džěše: Moja wučba njeje moja, ale teho, kiž mje póslał je;

17. Chce-li štó teho wolu činić, tón budže zhonić, hač je ta wučba wot Boha, abo hač ja sam wot sebje reču. *Ps. 50, 23. Jan. 3, 21. St. 8, 32. 47.*

18. Štóž sam wot sebje reči, tón swojeje sameje česće hlada; štóž pak teho sameho (jeho) česće hlada, kiž jeho póslał je, tón je wěrný a njeje žana njeprawda w nim. *St. 5, 41.*

19. Njeje wam Mójzas zakoní dał? a žadyn bjez wami nječini teho zakonja. Čoho dla pytaće wy, zo byšće mje morili? *2 Mójz. 24, 3. 4. Jap. sk. 7, 53.*

20. Ludžo wotmołwichu a džachu: Ty maš čerta, štó pyta će morić? *St. 8, 48. 52.*

21. Jezus wotmołwi a džěše k nim: Jenički skutk sym ja činił, a wšitcy so temu džiwáče.

22. Mójzas je wam teho dla dał to

wobřezanje (nic zo by było wot Mójzasa, ale wot wótcow); dha však wy na sabaće čłowjeka wobřezujeće. *1 Mójz. 17, 10. 3 Mójz. 12, 3.*

23. Hdyž čłowjek wobřezanje dóstanje na sabaće, tak zo by Mójzasowy zakon łamany njebył, što dha so na mnje hněwaće, zo ja cyłego čłowjeka sym na sabaće wustrowił?

24. Njesudźće po zdaću, ale prawy sud sudźće. *5 Mójz. 1, 16. 17.*

25. Tuž džachu někotři wot Jeruzalemzkich: Njeje to tón, kotrehož woni pytachu morić? *Št. 19.*

26. A hlaj, wón rěči zjawnje, a njepraja jemu ničo. Póznaju dha naši wyši nětk zawěsće, zo tón zawěsće je Chrystus?

27. Ale však my wěmy, z wotkal tón je; hdyž pak Chrystus přińć budže, njebudže nihtó wjedźić, z wotkal wón je.

28. Tuž zawoła Jezus w templu, wučese a džeše: Haj, wy mje znajeće a wěsće, z wotkal ja sym; ale ja sam wot sebje njejsym přišoł, ale wón je wěrný, kiž mje je pósłał, kotrehož wy njeznajeće.

29. Ja znaju jeho pak; přetož ja sym wot njeho, a wón je mje pósłał. *Št. 8, 55. Mat. 11, 27.*

30. Tuž pytachu woni, kak bychu jeho přijeli; ale nihtó tehdy ruku na njeho njepołoži, přetož jeho štunda hišće njeběše přišla. *Št. 8, 20. Luk. 22, 53.*

31. Ale wjele wot luda jich wěrješe do njeho a džeše: Hdyž Chrystus přińć budže, budže wón tež wjazy tych zejchow činić, dyžli tón čini? *Št. 8, 30. Št. 20, 30.*

32. A wono přińdže před Farizejskich, zo ludžo tajke wěcy wot njeho mórčachu. Tuž pósłachu ěi Farizejscy a wyši měšnicy wotročkow won, zo bychu jeho přijeli.

33. Ale Jezus džeše k nim: Ja sym hišće mólički čas pola was, potom póńdu k temu, kiž mje pósłał je. *Št. 13, 33.*

34. Wy budžeće mje pytać a njenamakać; a hdžež ja sym, tam njemóžeće wy přińć. *Št. 8, 21.*

35. Tuž džachu Židža bjez sobu: Hdže dha tón zechze zańć, zo my jeho namakać njebudžemy? Póńdže wón bjez Grichow, kiž tam a sem rosdžěleni leža, a budže wón tych Grichow wučić?

36. Kajka je to ryč, zo wón praji: Wy budžeće mje pytać a njenamakać; a hdžež ja sym, tam wy přińć njemóžeće?

Tekst na njedželu Exaudi. IV.

37. [Ale na poslenim wulkim swjatym dnju stanu Jezus, wołaše a džeše: Jeli zo komu so pić chce, tón pój ke mni a napij so! *3 Mójz. 23, 36.*

38. Štóz wěri do mnje, jako pismo praji, z teho žiwota rěki žiweje wody poběhnja. *Jez. 44, 3. Joel. 2, 28. Jap. sk. 2, 1.*

39. To pak praješe wón wot teho Ducha, kotrehož dostać dyrbjachu, kiž do njeho wěrja; přetož swjaty Duch hišće tudy njeběše, přetož Jezus hišće njeběše překrasnjeny.]

40. Wjele teho dla wot luda, kiž tu ryč slyšachu, džachu: Tón je zawěrnje tón profeta. *5: Mójz. 18; 15.*

41. Druzy prajachu: Tón je Chrystus. Někotři pak prajachu: Dyrbjał pak Chrystus z Galilejskeje přińć? *St. 1, 46*

42. Njepraji to pismo, zo z Davidoweho symjenja a z teho městka Betlehema, hdžež Dawid běše, ma Chrystus přińć? *Ps. 132, 11. Mich. 5, 2. Mat. 2, 5.*

43. Tak sta so pšeciwnozć bjez ludom jeho dla. *St. 9, 16.*

44. Někotři pak wot nich chcychu jeho pšijec; ale nchtó wšak ruku na njeho njekladžeše. *Št. 30.*

45. Ći wotročy teho dla přińdžechu zaso k wyšim měšnikom a k Farizejskim, a Ći sami džachu k nim: Čoho dla wy jeho njejsće přiwjedli?

46. Ći wotročy wotmołwichu: Nihdy žadyn čłowjek njeje tak rečal, jako tutón čłowjek. *Mat. 7, 28.*

47. Tuž wotmołwichu jim Ći Farizejcy: Sće wy tež zawjedženi?

48. Wěri tež jedyn wyši abo Farizejski do njeho?

49. Ale tutón lud, kiž so njewuzteji na zakon, je poklaty.

50. Praji k nim Nikodemus, kotryž běše w nocy k njemu přišoł, kiž jedyn bjez nimi běše: *St. 3, 2.*

51. Sudži naš zakon tež čłowjeka, prjedy dyžli wot njeho slyši a pónaje, što wón čini? *2 Mójz. 23, 1. 3 Mójz. 19, 15. 5 Mójz. 19, 15 St. 17, 8.*

52. Woni wotmołwichu a džachu k njemu: Sy ty tež z Galilejskeje? Wobhoń so a hlada, z Galilejskeje nje-poztanje žadyn profeta.

53. A džěše tak kóždy do swójeho doma.

8. staw.

Wo mandželstwo-łamařzy, Chrysta paršonje a hamće a jeho wučomnikow woseb-nosćach.

1. Jezus pak woteńdže na wolijowu horu.

2. A ze switanjom přińdže wón zaso do templa, a wšitkón lud přińdže k njemu; a wón so synu a wučese jich.

3. Ale pismawučeni a Farizejscy přiwjedžechu žónsku k njemu, w mandželstwo-łamanju popanjenu, a stajichu ju srjedza,

4. A džachu k njemu: Mištrje, ta žónska je popanjena w samym skutku, zo mandželstwo łamaše;

5. Mójzas je nam pak w zakonju přikazał, tajke kamjenjować; što teho dla ty prajiš? *5 Mójz. 20, 10. 5 Mójz. 22, 22. Ez. 16, 38. 40.*

6. To ryčachu woni pak spytawši jeho, zo bychu jeho móhli wobskorzić. Ale Jezus nachili so dele a pisaše z porstom na zemju.

7. Jako woni pak njepšeztachu jeho woprašec, pozběhnu wón so horje a džěše k nim: Štóz bjez wami bjez hrěchow je, tón čisn přeni kamjeń na nju. *Rom. 2, 1.*

8. A wón schili so zaso dele a pisaše na zemju.

9. Jako woni pak to slyšachu a jim jich swědomnje dowjedžene bě, woteńdžechu woni, jedyn za druhim, počawši wot staršich hač do poslenjeho.

A Jezus bu sam wostajeny, a ta žónska srjedža stejo. *Rom. 2, 22.*

10. Jezus so pak pozběhnu; a jako nikoho njewidžeše, chiba tu žónsku, džeše wón k njej: Žónska, hdže su či twoji wobskoržnicy? Njeje tebje nchtó zatamał?

11. Wona pak džeše: Nchtó, Knježe. Tuž džeše Jezus: Dha ani ja će njezatamam; dži a njehrš dale wjazy. *St. 5, 14. Luk. 9, 56.*

12. Zaso rěčeše Jezus k nim a džeše: Ja sym to swětlo teho swěta; štož za mnu dže, tón njebudže chodzić w čemnosći, ale budže měč swětlosć teho žiwjenja. *Jez. 9, 2. Jan. 1, 5. 9.*

13. Tuž džachu Farizejscy k njemu: Ty swědčiš sam wot sebje, twoje swědčenje njeje prawe.

14. Jezus wotmołwi a džeše k nim: Hdy bych ja sam wot sebje swědčil, dha je moje swědčenje prawe; přetož ja wěm, z wotkal sym přišoł a hdže du; ale wy njewěsće, z wotkal přińdu a hdže du.

15. Wy sudžiće po čele; ja nikoho njesudžu.

16. A hač tež ja sudžu, je wšak moje sudjenje prawe; přetož ja njejsym sam, ale ja a Wótc, kiž mje pósłał je.

17. Tež steji we wašim zakonju pisane, zo dweju čłowjekow swědčenje prawe je. *5 Mójz. 17, 6. St. 19, 15. Mat. 18, 16. 2Kor. 13, 1. Hebr. 10, 28.*

18. Ja sym, kiž sam wot sebje swědču; a Wótc, kotryž mje pósłał je, swědči tež wote mnje.

19. Tuž džachu woni k njemu: Hdže je twój Wótc? Jezus wotmołwi: Wy njeznajeće ani mje ani mojeho Wótca; hdy

byšće mje znali, byšće wy tež mojeho Wótca znali. *St. 16, 3.*

20. Te same słowa rěčeše Jezus při Božim kašću, wučiwši w templu, a nchtó jeho njepšimaše; přetož jeho štunda hišće njeběše přišla. *St. 7, 30. Luk. 22, 53.*

21. Tuž džeše Jezus zaso k nim: Ja du přec a wy budžeće mje pytać a w swojim hrěchu wumrjeć; hdžež ja du, wy přińc njemóžeće. *St. 7, 34. St. 13, 33.*

22. Tuž džachu židzi: Chce dha wón so sam morić, zo praji: Hdžež ja du, wy přińc njemóžeće?

23. A wón džeše k nim: Wy sće wot spody sem, ja sym z wysoka dele; wy sće z tuteho swěta, ja njejsym z tuteho swěta.

24. Teho dla sym wam prajił, zo budžeće wumrjeć w svojich hrěchach; přetož jeli zo njewěriće, zo ja to sym, dha budžeće wumrjeć w svojich hrěchach. *Mark. 16, 16.*

25. Tuž džachu woni k njemu: Štó dha sy ty? A Jezus džeše k nim: Najprjedy tón, kiž z wami rěču.

26. Ja mam wjele wot was rěčeć a sudzić; ale tón, kiž mje je pósłał, je wěrný, a ja, štož wot njeho słyšał sym, to rěču před swětom.

27. Woni pak njezrozumichu, zo wón jim wot Wótca praješe.

28. Tuž džeše Jezus k nim: Hdyž člorózkeho syna budžeće powyšić, tehdy budžeće póznać, zo ja sym, a ničo sam wot sebje nječínju, ale jako mje mój Wótc je nawučil, tak ja rěču. *St. 3, 14. St. 12, 32.*

29. A tón, kiž mje pósłał je, je zo mnu.

Wótc njewostaji mje sameho; přetož ja činju kóždy čas, štož so jemu lubi.

30. Jako wón to rěčeše, wěrješe jich wjele do njeho. *St. 7, 31.*

31. Tuž džeše teho dla Jezus k Židam, kotřiž do njeho wěrjachu: Budžeće-li wy wostać při mojej rěči, dha sće moji prawu wučomnicy; *St. 7, 17. St. 15, 10. 14.*

32. A wy budžeće tu prawdu póznać, a ta prawda budže was wuswobodzić. *Št. 36.*

33. Tuž wotmołwachu woni jemu: My smy Abrahamowe symjo, njejsmy nihdy nikoho wotročy byli; kak dha ty prajiš, wy budžeće swobodni?

34. Jezus wotmołwi jim: Zawěrnje, zawěrnje, ja praju wam, kóždy, kiž hrěch wobeńdže, tón je teho hrěcha wotročk. *Rom. 6, 16. 20. 2 Pětr. 2, 19. 1 Jan. 3, 8.*

35. Wotročk pak njewostanje wěcnje w domje; syn wostanje wěcnje. *1 Mójz. 21, 10.*

36. Jeli zo was teho dla Syn wuswobodźi, dha sće prawje swobodni. *Št. 32. Rom. 6, 18. 22. Gal. 5, 1.*

37. Ja derje wěm, zo Abrahamowe symjo sće; ale wy pytaće mje morić, přetož moja ryč města pola was nima. *Mat. 3, 9.*

38. Ja rěču, štož wot swojeho Wótca sym widźił; a wy pak činiće, štož wot swojeho wótca sće widźili. *St. 3, 32.*

39. Woni wotmołwachu a džachu k njemu: Araham je naš wótc. Praji Jezus k nim: Hdy byšće Abrahamowe džěci bhli, dha byšće Abrahamowe skutki činili; *Mat. 3, 9. Luk. 3, 8.*

40. Ale nětk pytaće mje morić, tajkeho čłowjeka, kiž wam prawdu prajił

sym, kotruž sym słyšał wot Boha; to njeje Abraham činil.

41. Wy činiće swojeho wótca skutki. Tuž džachu woni k njemu: My njejsmy z kurwařtwa rodzeni; my mamy jeneho Wótca, Boha.

42. Jezus pak džeše k nim: Hdy by Bóh waš Wótc był, byšće mje lubowali; přetož ja sym wušoł a přińdu wot Boha; ja pak sam wot sebje njejsym přišoł, ale wón je mje pósłał.

43. Čoho dla dha zo moju ryč njeznajeće; přetož wy njemóžeće wšak moje słowo słyšeć.

44. Wy sće wot wótca, teho djaboła, a po wašeho wótca žadosćach chceće wy činić. Tón samy je mordar wot spočatka a njeje wobstał w prawdze; přetož ta prawda w nim njeje. Hdyž wón lžu rěči, dha rěči wón wot swojeho; přetož wón je lhař a wótc teje sameje. *1 Jan. 3, 8. 1 Mójz. 3, 4. 2 Pětr. 2, 4. Jud. št. 6. 1 Kral. 22, 22.*

45. Ja pak, dokelž prawdu praju, njewěriće wy mi.

Scénje na njedželu Judica.

46. [Štó bjez wami móže mi hrěch dowjezc? Hdyž ja wam pak prawdu praju, čoho dla njewěriće wy mi? *Jez. 53, 9. 2 Kor. 5, 21. 1 Pětr. 2, 22.*

47. Štóz wot Boha je, tón posłucha na Bože słowo; teho dla wy njeposłuchaće, dokelž wy wot Boha njejsće. *St. 10, 27. 1 Jan. 4, 6.*

48. Tuž wotmołwachu ći židźi a džachu k njemu: Njeprajimy my prawje,

zo ty Samaritski sy a maš čerta? St. 7, 20.

49. Jezus wotmołwi: Ja žaneho čerta nimam; ale ja česću swojeho Wótca, a wy haniće mje. St. 7, 18.

50. Ja pak swoju česć njepytam; ale jedyn je, kiž ju pyta a sudži. St. 5, 30. 41.

51. Zawěrnje, zawěrnje, ja praju wam: Budže-li štó moje słowo dźeržeć, tón njebudže smjerće wohladać wěcnje. St. 6, 40. 47.

52. Tuž džachu židži k njemu: Něk póznajemy my, zo čerta maš. Abraham je wumřel a profetojo, a ty prajiš: Budže-li štó moje słowo dźeržeć, tón njebudže smjerće woptać wěcnje. Zach. 1, 5.

53. Sy ty wjazy, dyžli naš wótc Abraham, kiž wumřel je? a profetojo su wumřeli. Što činiš ty wot so sam?

54. Jezus wotmołwi: Jeli zo ja so sam česću, dha moja česć ničo njeje. Ale mój Wóćez je, kiž mje česći, wot kotrehož wy prajiće, zo wón waš Bóh je,

55. A njeznajeće jeho; ja pak jehó znaju. A hdy bych ja prajił, zo jeho njeznaju, dha bych ja lhař był, jako wy sće. Ale ja znaju jeho a dźeržu jeho słowo. St. 7, 28.

56. Abraham, waš wótc, wjeseleše so, zo by wón mój dzeń widźił; a wón widžeše jón a zadowaše so.

57. Tuž džachu židži k njemu: Ty hišće njejsy poł sta lět stary a sy Abraham widźił?

58. Jezus džeše k nim: Zawěrnje, zawěrnje, ja praju wam: Prjedy dyžli Abraham bu, sym ja.

59. Tuž zběhachu woni kamjenje, zo bychy na njeho ćiskali. Ale Jezus potaji so a wuńdže z templu, pušći so srjedža přez nich přeč a tak woteńdže.] St. 10, 31. Luk. 4, 30.

9. staw.

Slepyrodženy bu wot Chrys-tusa widžacy sćinjeny.

Tekst na 19. njedźelu po swj. Trojicy. IV.

1. [A jako Jezus nimo džeše, wuhlada wón jeneho, kiž běše slepy wot swojeho naroda.

2. A jeho wučomnicy prašachu jeho a džachu: Mištrje, štó je zhrěšił, tón abo jeho staršej, zo je so slepy narodźił? Luk. 13, 2.

3. Jezus wotmołwi: Ani tón njeje zhrěšił ani jeho staršej; ale zo bychy te skutki Bože zjewjene byle na nim.

4. Ja dyrbyu dželać to dželo teho, kiž mje je pósłał, dokelž dzeń je; nóc přińdže, hdžež nchtó njebudže móc dželać.

5. Dokelž sym na swěće, sym ja swětło teho swěta.] St. 1, 9.

6. Jako wón to běše prajił, plunu wón na zemju a sćini blóto wot slinow a pomaza to blóto na teho slepeho woči,

7. A džeše k njemu: Woteńdž k temu hatej Siloam (to je přeložene: pósłany) a zmyj so. A wón woteńdže a zmy so a přińdže widžacy. Neh. 3, 15.

8. Susodži pak a či, kotřiž jeho prjedy běchu widžili, zo prošeŕ je, džachu: Njeje tón, kiž tu sedžeše a prošeše? *Jap. sk. 3, 2. 10.*

9. Druzy džachu, zo wón je; a druzy: Wón je na njeho podobny. Wón sam pak džeše: Ja sym tón.

10. Tuž džachu woni k njemu: Kak stej twojej woči wotewrjenej?

11. Wón wotmołwi a džeše: Tón čłowjek, kotremuž rěkaju Jezus, sčini blóto a pomaza mojej woči a džeše ke mni: Dži k temu hatej Siloam a wumyj so. Ja pak woteńdžech a wumych so a doztach widženje.

12. Tuž džachu woni k njemu: Hdže je tón samy? Wón džeše: Ja njewěm.

13. Tuž wjedžechu woni jeho k Farizejskim, teho, kotryž něhdy běše slepy byl.

14. (Sabat pak běše, jako Jezus to blóto činješe a jeho woči wotewri.) *St. 5, 9.*

15. Tuž prašachu jeho z noweho, tež či Farizejscy, kak wón je to widženje dóstał? Wón pak džeše k nim: Blóto položi wón na mojej woči, a ja so wumych, a nětk ja widžu.

16. Tuž džachu někotři tych Farizejskich: Tutón čłowjek njeje z Boha, dokelž wón sabat njedžerži. Druzy pak džachu: Kak móže hrěšny čłowjek tajke zejchi činić? A běše rozdželenje bjez nimi. *Št. 31. 33.*

17. Woni džachu zaso k temu slepemu: Što ty prajiš wot njeho, zo wón je twojej woči wotewrił? A wón džeše, zo je profeta.

18. židži pak njewěrjachu wot njeho, zo bě slepy byl a to widženje zaso dóstał,

hač woni zawołachu teju staršeju teho sameho, kiž běše to widženje dóstał;

19. A prašachu jeju a džachu: Je tón waju syn, wot kotrehož wój prajitaj, zo wón so je slepy narodžił? Kak dha, zo wón nětk widži?

20. Jeho staršej wotmołwištaj jim a džeštaj: Mój wěmój, zo tón naju syn je a zo wón so je slepy narodžił;

21. Kak wón pak nětk widži, njewěmój mój; abo što je jeho woči wotewrił, mój tež njewěmój. Wón je stary dosć; woprašějće jeho, njech wón sam za so rěči.

22. To praještaj jeho staršej, přetož wonaj boještaj so tych Židow. Přetož židži běchu so hižom zjednočili, budže-li jeho što za Chrystusa póznać, zo by tón samy ze zhromadžizny wustorčeny byl. *St. 7, 13.*

23. Teho dla džeštaj jeho staršej: Wón je stary dosć, woprašějće jeho.

24. A woni zawołachu zaso teho čłowjeka, kiž běše slepy byl, a džachu k njemu: Daj Bohu česć. My wěmy, zo tón čłowjek hrěšnik je. *Joz. 7, 19. 1 Sam. 6, 5.*

25. Wón pak wotmołwi a džeše: Jeli hrěšnik, to ja njewěm; jene ja derje wěm, zo ja slepy běch a nětk widžu.

26. Tuž woni wospjet k njemu džachu: Što wón činješe tebi? Kak wón twojej woči wotewri?

27. Wón wotmołwi jim: Ja sym wam nětk powědžił, a njeśće to słyšeli? Što chceće wy jo zaso słyšeć? Chceće wy tež jeho wučomnicy być?

28. Tuž wuswarichu woni jeho hroznje a džachu: Ty sy jeho wučomnik; my pak

smy Mójzasowi wučomnicy.

29. My wěmy, zo Bóh je z Mójzasom řečal; wot teho my pak njewěmy, z wotkal wón je.

30. Tón čłowjek wotmołwi a džeše k nim: To je wšak džiwna wěc, zo wy njewěšće, z wotkal wón je, a wón je mojej woči wotewrił.

31. My wěmy pak, zo Bóh hrěšnikow njeslyši; ale jeli zo štó bohobojazny je a čini jeho wolu, teho sameho slyši wón. *Hiob. 27, 6. St. 35, 13. Ps. 66, 18. Přisl. 15, 29. St. 28, 9. Jez. 1, 15.*

32. Wot spočatka swěta njeje slyšane bylo, zo by štó rodženemu slepemu woči wotewrił.

33. Hdy by tón njebył wot Boha, wón by ničo njemohł činić. *Št. 16.*

34. Woni wotmołwichu a džachu k njemu: Ty sy so wšitkón w hrěchach narodžił, a ty nas wučíš? A wuhnachu jeho won.

35. To přindže před Jezusa, zo běchu jeho won wuhnali. A jako wón jeho namaka, džeše wón k njemu: Wěriš ty kiž teho Syna Božeho?"

36. Wón wotmołwi a džeše: Knježe, kotry je, zo bych do njeho wěrił?

37. Jezus pak džeše k njemu: A ty sy jeho widžił; a kiž z tobu řeči, tón samy je. *St. 4, 26.*

38. Wón pak džeše: Knježe, ja wěrju. A modleše so k njemu.

39. A Jezus džeše: Ja sym k sudej přišoł do teho swěta, zo bych, kiž njewidža, widžili, a kiž widža, slepi byli. *Mat. 13, 13.*

40. A to same slyšachu někotři tych Farizejskich, kiž při nim běchu, a džachu

k njemu: Smy dha my tež slepi?

41. Jezus džeše k nim: Hdy byšće wy slepi byli, njebyšće žaneho hrěcha měli. Nětk wy pak prajiće: My widžimy! teho dla waš hrěch wostanje.

10. staw.

Wo dobrym pastyrju a jeho wowcach. Wo durjach k wowčerni a Khryztu, wyšim pastyrju, a hač wón Mesias je.

1. Zawěrnje, zawěrnje, ja praju wam: Štóz z durjemi nutř njeidže do wowčernje, ale lěže druhdže nutř, tón je paduch a mordar.

2. Štóz pak z durjemi nutř dže, tón je pastyr tych wowcow.

3. Temu wotewri wrótnik, a wowcy slyša jeho hlós; a wón zawoła swoje wowcy z mjenom a wodži je won.

4. A hdyž je swoje wowcy wupušćil, dže wón prjedy nich, a wowcy du za nim, dokelž jeho hlós znaja.

5. Sa cuzym pak wone njeńdu, ale čekaju wot njeho, dokelž tych cuzych hlós njeznaja.

6. To přisłowo džeše Jezus k nim; woni pak njezrozumichu, što by to bylo, štož jim praješe.

7. Teho dla džeše Jezus zaso k nim: Zawěrnje, zawěrnje, ja praju wam: Ja sym te durje k wowcam.

8. Wšitcy, kiž prjedy mje přišli su, či su paduši a mordarjo byli; ale wowcy jich njejsu poslušale. *Jer. 23, 2.*

9. Ja sym te durje; jeli zo něchtó pšeze mnje nutř dže, budže zbóžny, a budže won a nutř chodzić a paztwu namakać.

10. Paduch njepríndže, chiba zo by kranul a dajil a skóncował.

11. Ja sym přišoł, zo bych žiwjenje a wie dosć měli. *Ps 23, 1.*

Scénje na njedźelu Miseri-cordias Domini.

12. [Ja sym tón dobry pastyr. Tón dobry pastyr wostaji swoje žiwjenje za wowcy. Najaty pak a kiž pastyr njeje a tež wowcy jeho njejsu, hdyž widži, zo wjelk dže, dha wopušći wón wowcy a čeknje; a wjelk spopadla a rospróši wowcy. *Ps. 23, 1. 80, 2. Jez. 40, 11. Ez. 34, 11. 23. St. 37, 24. 1 Pětr. 2, 25. Jan. 15, 13.*

13. Najaty pak čeknje; přetož wón je najaty a njerodži wo wowcy.

14. Ja sym tón dobry pastyr a znaju swoje wowcy, a wone mje znaju, *2 Tim. 2, 10.*

15. Kaž mje Wótc znaje a tež ja znaju Wótcu; a wostaju swoje žiwjenje za wowcy.

16. A ja mam hišće druhe wowcy, te njejsu z teje wowčernje. A te same dyr-bju ja tež přiwjesć, a wone budža mój hlós słyšeć, a budže jene stadło a jedyn pastyr.] *Ez. 37, 22. Mich. 2, 12.*

17. Teho dla lubuje mje mój Wótc, zo ja swoje žiwjenje wostaju, zo bych to same zaso wzał.

18. Nichtó njebjerje jo wote mnje, ale ja wostaju to same sam wot se-bje. Ja mam móc, to same wostajić, a

mam móc, to same zaso wzać. Tajku prikaznju sym ja dóstał wot swjeho Wótcu. *St. 14, 31.*

19. A sta so zaso rozdźělenje bjez Židami tych samych ryčow dla. *St. 7, 43. St. 9, 16.*

20. Wjele pak bjez nimi džachu: Wón ma čerta a je njemudry; što jeho posłuchaće?

21. Druzy džachu: To njejsu słowa wobsynjeneho čłowjeka; móže tež čert slepych woči wotewrić?

22. Cyrkwine poswjećenje pak bě we Jerusalemj, a běše zyma. *2 Makk. 1, 9*

Tekst na 24. njedźelu po swj. Trojicy. IV.

23. [A Jezus pokhodži w templu w hali (pšitwarku) Salomonowej.

24. Tuž wobstupichu jeho židži a džachu k njemu: Kak dolho zdžeržuješ ty našu dušu? Jeli zo sy ty Chrystus, powjez nam khroble. *St. 16, 29.*

25. Jezus wek jim: Ja sym wam to powědził, a wy njewěriće. Te skutki, kotrež ja činju w swjeho Wótcu mjenje, te swědča wote mnje. *St. 5, 36.*

26. Ale wy njewěriće; přetož wy njejsće wot mojich wowcow, jako sym wam prajił. *St. 8, 45.*

27. Přetož moje wowcy słyša mój hlós, a ja je znaju, a wone du za mnu; *St. 8, 47.*

28. A ja dawam jim wěčne žiwjenje; a wone njebudža nihdy kónc wzać, a nichtó njebudže je z mojeje ruki wutorhnyć.

29. Tón mój Wótc, kiž te same mi dał je, je wjetši dyžli wšitko; a nchtó njemóže je z mojeho Wótca ruki wutorhnyć.

St. 14,

28.

30. Ja a tón Wótc smój jene.]

31. Tuž zběhachu židži zaso kamjenje horje, zo bychu jeho kamjenjowali.

32. Jezus wotmołwi jim: Wjele dobrych skutkow sym ja wam wopokazał wot swojeho Wótca; kotreho dla bjez tymi samymi skutkami mje wy kamjenjujeće?

33. Či Židža wotmołwichu jemu a džachu: Dobrego skutka dla će njekamjenjujemy, ale Božeho hanjenja dla, a zo ty čłowjek sy a činiš so sam za Boha.

34. Jezus wotmołwi jim: Njeje pisane we wašim zakonju: Ja sym prajił, wy sće bohojo?

Ps. 82, 6.

35. Hdyž wón tych samych bohow mjenuje, kotrymž so to słowo Bože stało je (a to pismo wšak njemóže łamane być),

36. Prajiće dha wy k temu, kotrehož tón Wótc woswjećił a do swěta pósłał je: Ty haniš Boha, teho dla, zo praju: Ja sym Boži Syn?

St. 5, 17. 20.

37. Nječínju-li ja skutki swojeho Wótca, dha mi njewěříce;

38. Čínju-li ja pak, dha wěříce wšak tym skutkam, nochzeće-li wy mi wěříć, tak zo byšće póznali a wěřili, zo Wótc we mni je a ja w nim.

St. 14, 11.

39. Woni pytachu teho dla zaso, zo bychu jeho přijeli; ale wón jim wuńdže z jich ruki,

St. 8, 59. Luk. 4, 30.

40. A woteńdže zaso na tamnu stronu Jordana na to město, hdžež Jan prjedy

běše křćił, a wosta tam.

St. 1, 28.

41. A jich wjele přińdže k njemu a džachu: Jan žaneho zejcha nječínješe; ale wšitko, štož Jan wot teho prajił je, je wěrne.

42. A wěriješe tam jich wjele do njeho.

11. staw.

Lazarus bu horje zbudžený.

Tekst na njedželu Oculi. III.

1. [Jedyn pak chory ležeše, z mjenom Lazarus z Bethanije, z teho městka Marje a jeje sotry Marthy.

Luk. 11, 38.

2. (To pak běše ta Marja, kotraž teho Knjeza běše žalbowala ze žalbu a jemu jeho nohi wutřeła ze swojimi włosami; teje sameje bratr Lazarus ležeše chory.)

St. 12, 3.

3. Tuž pósłaštej jeho sotzje k njemu a daštej jemu powjedzić: Knježe, hlaj, kotrehož lubo maš, tón leži chory.

4. Jako Jezus pak to słyšeše, džeše wón: Tuta chorosć njeje k smjerći, ale k česći Božej, zo by Boži Syn přez nju česćeny był.

St. 9, 3.

5. Jezus pak lubowaše Marthu a jeje sotru a teho Lazara.

6. Jako wón teho dla wusłyša, zo wón chory je, wosta wón tehdy dwaj dnjej na tym měsće, hdžež běše.

7. Tuž potom praji wón k svojim wučomnikam: Čehůmy zaso do židowskeje.

8. Jeho wučomnicy džachu k njemu: Mištrje, njedawno chcychu će Židža

kamjenjować, a ty chceš tam zaso čahnyć? *St. 8, 59.*

9. Jezus wotmołwi: Njeje za džeń dwanaće štundow? Štóz wodnjo chodži, tón so njeztorči; přetož wón widži swětło tuteho swěta; *St. 9, 4. Luk. 13, 32.*

10. Štóz pak w nocy chodži, tón so storči; přetož žane swětło njeje w nim. *St. 12, 35.*

11. To rěčeše wón, a potom praji wón k nim: Lazarus, naš přecel, spi; ale ja du, zo bych jeho ze spanja zbudził. *Mat. 9, 24.*

12. Tuž džachu jeho wučomnicy: Knježe, spi-li wón, dha budže lěpje z nim.

13. Jezus pak rěčeše wot jeho smjerće; woni sebi pak myslachu, zo rěči wot ćelneho spanja.

14. Tuž džeše Jezus zjawnje k nim: Lazarus je wumrěł;

15. A ja so zwjeselu waše dla, zo tam njejsym był, zo byšće wěрили; ale ćehńmy k njemu.

16. Tuž džeše Tomaš, kotremuž rěkaju Didimus, k wučomnikom: Ćehńmy tež sobu, zo bychmy z nim wumrěli.]

17. Tuž přindže Jezus a namaka jeho, zo wón hižom štyri dny w rowje ležał běše.

18. (Bethania pak běše blisko při Jerusalemj, wokoło pjatnaće honow.)

19. A wjele židow běše k Marće a k Marji přišlo, zo bychy jeju tróštowali jeju bratra dla.

20. Jako Martha pak słyšeše, zo Jezus dže, džeše wona jemu napřećiwo. Marja pak wosta domach sedžo.

21. Tuž džeše Martha k Jezusej: Knježe, hdy by ty tudy był, mój bratr njebudžiše wumrěł;

22. Ale ja wěm tež hišće, zo, štož ty prosyš wot Boha, to budže ći Bóh dać. *St. 9, 30. 31.*

23. Jezus praji k njej: Twój bratr dyrbi stanuć.

24. Martha praji k njemu: Ja derje wěm, zo budže wón stanuć w horjestawanju na poslenim dnju. *Luk. 14, 14. Jan. 5, 29. St. 6, 40.*

Tekst na jutrowničku. IV.

25. [Jezus praji k njej: Ja sym to horjestawanje a to žiwjenje. Štóz do mnje wěri, budže žiwy, hać wón runje wumrě; *St. 14, 6.*

26. A štóz je žiwy a wěri do mnje, tón nihdy njebudže wumrjeć.] Wěriš to? *St. 6, 35. 40. 50.*

27. Wona praji k njemu: Knježe, haj, ja wěrju, zo ty sy Chrystus, tón Syn Boži, kiž na swět je přišoł. *St. 6, 69.*

28. A jako wona to běše wuryčala, woteńdže wona a zawoła swoju sotru Marju potajnje a džeše k njej mjelčo: Tón mištr je tudy a woła će.

29. Ta sama, jako to wona słyšeše, stanu wona hnydom a přindže k njemu.

30. Přetož Jezus hišće njeběše do teho městka přišoł, ale běše hišće na tym měsće, hdžež jemu Martha běše napřećiwo přišla. *Št. 20.*

31. Židži pak, kotřiž při njej w domje běchu a ju tróštowachu, widžichu Marju, zo nahle poztaže a wuńdže, džěchu woni

za njeju a džachu: Wona dže k rowu, zo by tam plakała.

Tekst na njedźelu Lätare. III.

32. [Jako pak Marja tam přińdže, hdžež Jezus běše, a jeho wuhlada, padže wona k jeho nohomaj a džeše k njemu: Knježe, hdy by ty tudy był, mój bratr by njewumrěl.

33. Jako Jezus pak widžeše, zo wona plakaše a zo či židži tež plakachu, kotřiž z njeju běchu přišli, rozzłobi wón so w duchu a rosrudži so sam,

34. A džeše: Hdže sće jeho položili? Woni džachu k njemu: Knježe, pój a pohladaj.

35. A Jezus zaplaknu. *Luk. 19, 41.*

36. Tuž džachu či židži: Hlaj, kak je wón jeho lubo mě!

37. Někotři pak bjez nimi džachu: Njemóžeše tón, kotryž slepemu woči běše wotewrił, tež činić, zo by tež tón njewumrěl? *St. o, 6. 7.*

38. Jezus pak zaso so rozzłobi sam w sebi a přińdže k temu rowu. Jama pak běše, a běše kamjeń z wjercha na nju položeny.

39. Jezus džeše: Wzmiće tón kamjeń přeč! Praji k njemu Martha, ta sotra teho morweho: Knježe, wón hižom smjerdži; přetož wón je štyri dny ležał.

40. Jezus praji k njej: Njesym tebi rjeknył, hdy by ty wěriła, ty by tu krasnosć Božu dyrbała wohladać? *Rom. 6, 4.*

41. Tuž wzachu woni tón kamjeń přeč, hdžež tón morwy ležeše. Jezus

pak pozběhnu horje swojej woči a džeše: Wótče, ja so dżakuju tebi, zo ty mje wusłyšaš sy; *Mark. 7, 34.*

42. Ja zawěsće wěm, zo ty mje přeco wusłyšiš; ale teho luda dla, kiž tudy wokoło steji, rěču ja to same, zo bychy woni wěрили, zo ty mje posłaš sy. *St. 12, 30.*

43. Jako wón to běše prajił, zawoła wón z wulkim hłosom: Lazarje, pój won!

44. Tuž wuńdže tón, kotryž běše wumrěl, zwjazany z čělnymi płachtami na nohomaj a na rukomaj, a jeho wobličo běše z pótnym rubom wobwinjene. Jezus prajik nim: Roswježće jeho a njech won dže.

45. Wjele židow pak, kiž k Marji běchu přišli, widžiwiši, štož Jezus běše činił, wěrbachu do njeho.

46. Někotři pak wot nich woteńdžechu k Farizejskim a powědžichu jim, štož Jezus běše činił.]

Tekst na njedźelu Judica. III.

47. [Tuž zhromadžichu wyši měšnicy a Farizejscy radu a džachu: Što činimy? Tutón čłowjek čini wjele zejchow. *Mat. 26, 3. Luk. 22, 2.*

48. Wostajimy-li jeho tak, dha budža wšitcy do njeho wěrić; tuž budža Romzzy přińć a wozmu nam naš kraj a ludži.

49. Jedyn pak bjez nimi, Kajphas, kiž to same lěto wyši měšnik běše, džeše k nim: Wy ničo njewěsće,

50. Ani njerospomniće tež ničo. Lěpje nam je, zo jedyn čłowjek wumrě za lud, dyžli zo by cyły lud zahynł. *St. 18, 14.*

51. To wón pak sam wot sebje njerěčeše; ale dokelž wón to same lěto wyši měšnik běše, wěšćeše wón. Přetož Jezus dyrbješe wumrjeć za lud,

52. A nic za židowski lud sam, ale zo by wón te džěci Bože, kiž roshonjene běchu, zhromadził na jene. *St. 10, 16. Eph. 2, 16.*

53. Wot teho sameho dnja teho dla zradźowachu woni, kak bychu jeho morili.

54. Jezus teho dla njekhodžeše wjazy zjawnje bjez Židami, ale woteńdže wot tudy do kraja blisko při pusćinje do města, kotremuž rěkaju Ephrem; a tam měješe wón swoje činjenje ze swojimi wučomnikami.

55. Blisko pak běchu te jutry tych Židow, a džěše jich wjele horje do Jerusalema z teho sameho kraja před tymi jutrami, zo bychu so wučisćili. *2 Kron. 30, 17.*

56. Tuž stejachu woni a prašachu so po Jezusu a ryčachu hromadže w templu: Što so wam zda, zo wón njepřińdže na tón swjaty čas?

57. Wyši měšnicy pak a Farizejscy běchu prikaznju wudali: hdy by što wědzał, hdže wón je, zo by powědźił, zo bychu jeho přijeli.]

12. staw.

Chrysta žalbowanje a kak wón do Jerusalema jědže. Prědowanje wo wužitku jeho smjerće. Wo wěrje a njewěrje.

Scénje na njedźelu Palmarum.

1. [Šěsć dnjow pak před jutrami přińdže Jezus do Bethanije, hdžež Lazarus běše, tón morwuy, kotrehož Jezus zbudził běše wot morwych. *Mat. 26, 6. Mark. 14, 3.*

2. Tam přihotowachu woni jemu hosćinu, a Martha služeše. Lazarus pak běše jedyn tych samych, kiž z nim so k blidu sydachu.

3. Marja pak wza punt žalby z dobreje krasneje nardy, žalbowaše tej nocy Jezusowej a wutře ze swojimi włosami jeho nocy. Ta chěža pak bu napjelnjena wot wonjenja teje žalby. *Mat. 26, 6. Mark. 14, 3.*

4. Tuž džeše jeho wučomnikow jedyn, Judaš, Šimanowy syn, Jšarioth, kiž jeho potom přeradzi:

5. Čoho dla njeje ta žalba pšedata za tři sta krošow a njejsu chudym date?

6. To wón pak rěčeše, nic, zo by wón kedžbu měl na chudych; ale zo paduch běše a měješe móšnju a nošeše, štož bě date.

7. Tuž džeše Jezus: Wostajće ju na pokoj; to je wona schowała k dnju mojeho pohrjebanja.

8. Přetož chudych maće wy kóždy čas pola was; mje pak nimaće kóždy čas. 5 *Mójz. 15, 11. Mat. 26, 11.*

9. Tuž zhoni wjele luda tych židow, zo wón tam běše; a njepšindžechu Jezusa sameho dla, ale zo bychu tež Lazara wohladali, kotrehož wón wot morwych běše zbudził. *St. 11, 43. 44.*

10. Ale wyši měšnicy stejachu za tym, zo bychu tež Lazara skóncowali.

11. Přetož jeho dla džěše wjele Židow tam a wěřachu do Jezusa.

12. Nazajtra wjele luda, kiž běše na tón rónny čas přišoł, jako słyšeše, zo Jezus přindže do Jerusalema, *Mat. 21, 8. Mark. 11, 8.*

13. Nabrachu woni sebi palmowych hałozow, wuńdžechu jemu napřećiwo a wołachu: Hoziana, budž chwaleny, kiž přindže w Knjezowym mjenje, tón Israelski kral! *Mat. 21, 8. 9. St. 23, 39. Mark. 11, 8. 9. Luk. 19, 37. 38. Ps. 118, 25. 26.*

14. Jezus pak dozta wóslicu a jědžiše na njej, jako tež pisane je: *Mat. 21, 7.*

15. Njebój so, džowka Sionzka! Hlaj, twój kral přindže jědžo na wóselzkim zrěbjeću. *Sach. 9, 9. Jez. 62, 11. Mat. 21, 5.*

16. To pak njezrozumichu jeho wučomnicy z přenjeho; ale hdyž Jezus překrasnjeny bu, tehdy spomnichu woni na to, zo to wot njeho běše pisane a jemu to běchu činili.

17. Tón lud pak, kiž z nim běše, jako wón Lazara z rowa zawoła a wot morwych jeho zbudži, chwaleše tón skutk.

18. Teho dla džěše jemu tež lud napřećiwo, jako słyšeše, zo wón tajki

džiw činił běše.

19. Farizejscy teho dla džachu bjez sobu: Widžiće, zo ničo njedokonjeće; hlaj, wšitkón swět běži za nim.

Tekst na swjedžen třoch kralow. IV.

20. [Někotři Grichojo pak běchu bjez tymi, kiž horje přišli běchu na rónny čas so modlić. *1 Kral. 8, 411.*

21. Či přistupichu k Philippej, kiž běše z Bethzaidy Galilejskeje, prošachu jeho a džachu: Knježe, my chcylu radži Jezusa wohladać.

22. Philipp přindže a powjedži to Handrije, a Handrij zaso a Philipp wupowědžišaj to Jezusej.

23. Jezus pak wotmołwi jimaj a džěše: Čas je přišoł, zo čłoski syn překrasnjeny budže.]

Tekst na nježdělu Jubilate. IV.

24. [Zawěrnje, zawěrnje, ja praju wam: Jeli zo pšeńčne zorno do zemje njepanje a njezemrje, dha wostanje wone same; hdyž pak zemrje, přinjese wjele plodow. *1 Kor. 15, 37.*

25. Štóz swoje žiwjenje lubuje, tón budže jo zhubić; a štóz swoje žiwjenje na tym swěće hidži, tón budže jo zdžeržeć k wěčnemu žiwjenju. *Mat. 10, 39. St. 16, 25. Mark. 8, 35. Luk. 9, 24. St. 17, 33.*

26. Štóz mi chce služić, tón chodž za mnu; a hdžež ja sym, tam dyrbi tež mój služomnik być. A jeli zo štó mi služi, teho budže mój Wótc česćić.] *St. 14, 3.*

Tekst na njedźelu Palmarum. IV.

27. [Nětk je moja duša zrudna. A što mam prajić? Wótče, pomhaj mi z teje štundy! Ale dha wšak teho dla sym ja do teje štundy přišoł. *Mat. 26, 38.*

28. Wótče, překrasí swoje mjeno. Tuž přińdže hlós z njebyes: A ja sym jo překrasnił a chcu jo wospjet překrasnić.

29. Tuž džeše lud, kiž pódlá steješe a słyšeše: Wono zahríma. Druzy džachu: Jandžel z nim řeči.

30. Jezus wotmołwi a džeše: Tón hlós so njeje moje dla stał, ale waše dla. *St. 11, 42.*

31. Nětk dže sudženje na tón swět; nětk budže tón fěršta teho swěta won wustorčeny.

32. A ja, hdyž powyšeny budu wot zemje, počahnu ja wšitkich k sebi. *St. 3, 14.*

33. (To praješe wón pak, zo by zjewił, kajkeje smjerće wón wumrjeć dyrbyeše.)]

34. Tuž wotmołwi jemu tón lud: My smy słyšeli ze zakonja, zo Chrys-tus wostanje wěčnje; a kak ty prajiš, zo člorózki syn dyrbi powyšeny być? Štó je tón samy člorózki syn? *Ps. 110, 4 Jez. 9, 7. Dan. 7, 14. Mich. 4, 7.*

35. Tuž džeše Jezus k nim: Hišće na mały čas je to swětlo pola was. Khodźće, dokelž to swětlo maće, zo was ta čma njenadpanje. Štóz pó čmje chodži, tón njewě, hdže dže. *St. 1, 9. St. 8, 12.*

36. Dokelž to swětlo maće, wěće do teho swětla, zo byšće džěci teho swětla byli. To řečeše Jezus a potaji so před

nimi šedši přeč.

37. A hač wón runje tajke zejchi před nimi činješe, dha wšak woni do njeho njewěrjachu;

38. So by dopjelnjena była ta ryč teho profety Jezajasa, kotruž wón praji: Knježe, štó wěri našemu předowanju? a komu je zjewjena ta ruka teho Knjeza? *Jez. 53, 1. Rom. 10, 16.*

39. Teho dla njemózachu woni wěrić; přetož Jezajas praji zaso: *Jez. 6, 9. 10. Mat. 13, 14. Mark. 4, 12. Luk. 8, 10. Jap. sk. 28, 26. Rom. 11, 8.*

40. Wón je jich woči zaslepił a jich wutrobu stwjerdził, zo bychu z wočomaj njewidźeli ani z wutrobu njezrozumili, a so njewobročili a ja jim njepomhał. *Jez. 6, 10.*

41. To praješe Jezajas, jako wón jeho krasnosť widžeše, a řečeše wot njeho. *Jez. 6, 1.*

42. Wyšich pak tež wjele wěrješe do njeho; ale Farizejskich dla woni so njew-uznachu, zo bychu ze zhromadźizny nje-byli wustorčeni.

43. Přetož woni mějachu radšo tu česć pola čłowjekow, dyžli tu česć pola Boha. *St. 5, 44.*

44. Jezus pak zawoła a džeše: Štóz do mnje wěri, tón njewěri do mnje, ale do teho, kiž mje pósłał je.

45. A štóž mje widži, tón widži teho, kiž mje je pósłał.

46. Ja, to swětlo, sym přišoł na swět, zo žadyn, kiž do mnje wěri, by w čmje njewoztał. *St. 1, 9. St. 3, 19. St. 8, 12.*

47. A jeli štó moje słowa słyši a njewěri, teho njebudu ja sudzić; přetož

ja njejsym přišoł, zo bych swět sudził, ale zo bych swět zbóžny sčinił.

48 Štóz mje zaspi a njewozmjje moje słowa horje, tón ma hižom, kiž by jeho sudził; to słowo, kotrež ja rěčał sym, to budže jeho sudzić na sudny dzeń.

49. Přetož ja njejsym sam wot sebje rěčał; ale Wótc, kiž mje pósłał je, tón je mi prikaznju dał, što ja činić a rěčeć mam. *St. 14, 10.*

50. A ja wěm, zo jeho prikaznja je to wěčne žiwjenje. Teho dla, štož ja rěču, to rěču tak, jako mi Wótc je powědžil.

13. staw.

**Wo myću nohow;
přikaznja lubosće; Judašowe
pšeradženje; Chrystusowe
pšekrasnjenje; Pětrowy pad.**

Scénje na zeleny štwórtk.

1. [Před róčnym časom pak tych jutrow, jako Jezus pózna, zo jeho štanda přišla běše, zo by f teho swěta k Wótcej šoł; kaž wón běše tych svojich lubował, kotřiž na swěće běchu, tak jich lubowaše hač do kónca. *Mat.26, 2. Mark. 14, 1.*

2. A po wječeri, jako hižom čert Judašej, kiž Šimana Jšariothowy syn běše, do wutroby dał bě, zo by jeho přeradžil,

3. Dokelž Jezus wjedžeše, zo jemu Wótc wšitko do jeho rukow dał běše, a zo wón wot Boha přišoł bě a k Bohu dže;

4. Staže wón wot wječerje a wotpołoža swoju drastu, wza šórcuch a wopasa so

z nim;

5. Potom nala wón wodu do mjedžeńzy a poča wučomnikam nohi myć a trěješe je z tym šórcuchom, z kotrymž wopasany běše.

6. Tuž přińdže wón k Šimanej Pětrej; a tón samy džeše k njemu: Knježe, dyrbał ty mi moje nohi myć?

7. Jezus wotmołwi a džeše k njemu: Štož ja činju, to ty nětk njewěš; ty jo pak budžeš potom zhonić.

8. Tuž džeše Pětr k njemu: Nanihdy njedyrbiš ty mi moje nohi myć. Jezus wotmołwi jemu: Njebudu-li ja će myć, dha nimaš žaneho džěla zo mnu.

9. Džeše k njemu Šiman Pětr: Knježe, nic jeno moje nohi same., ale tež rucy a hłowu.

10. Rjeknu Jezus k njemu: Štóz zmyty je, temu wjazy njeje trjeba, chiba jeno nocy myć, dokelž wšón čisty je; a wy sće čisći, ale nic wšitcy. *St. 15, 3.*

11. Přetož wón wjedžeše svojego přeradnika; teho dla džeše wón: Wy njejsće wšitcy čisći. *St. 6, 64.*

12. Jako wón teho dla jich nohi zmył běše, wza wón swoju drastu a synu so zaso dele a džeše k nim: Wěsće wy, što ja wam činił sym?

13. Wy mi rěkaće mištr a Knjez a prajiće prawje; přetož ja sym tež. *Mat. 23, 8. 10.*

14. Hdyž teho dla ja, kiž sym Knjez a mištr, waše nohi mył sym, dha dyrbiće tež wy sebi jedyn druhemu nohi myć. *Luk. 22, 27.*

15. Přetož ja sym wam hekzempl dał, zo byšće tež wy činili, kaž ja wam činił sym.] *1 Pětr. 2, 21. 1 Jan. 2, 6*

16. Zawěrnje, zawěrnje, ja praju wam: Wotročk njeje wjetši, dyžli jeho knjez, ani posoł wjetši, dyžli tón, kiž jeho pósłał je. *St. 15, 20. Mat. 10, 24. Luk. 6, 40.*

17. Dokelž wy tajke wěsće, sće zbóžni, hdyž jo činiće.

18. Ja njepraju wot was wšitkich. Ja wěm, kotrych ja wuzwolił sym. Ale zo by pismo dopjelnjene było: Tón, kiž mój chléb jě, tepce mje z nohomaj. *Ps. 41, 10.*

19. Nětk praju ja wam to, prjedy dyžli so stanje, zo wy, hdyž so stało je, wěreli byšće, zo ja tón sym.

20. Zawěrnje, zawěrnje, ja praju wam: Štóz horje wozmje, hdyž ja koho pósłać budu, tón wozmje mje horje; štóz pak mje horje wozmje, tón wozmje teho horje, kiž mje pósłał je. *Mat. 10, 40. Luk. 10, 16. St. 9, 418. 1 Thes. 4, 8.*

21. Jako Jezus to prajił běše, bu wón zrudny w duchu a swědčeše a džeše: Zawěrnje, zawěrnje, ja praju wam: jedyn bjez wami budže mje přeradzić. *Mat. 26, 20. 21. Mark. 14, 18. Luk. 22, 21.*

22. Tuž pohladachu ći wučomnicy jedyn na drugeho, a bu jim styskno, wot kotreho wón by řečał. *Luk. 22, 23.*

23. Jedyn pak běše bjez jeho wučomnikami, kiž za blidom sedžeše na Jezusowym klinje, kotrehož Jezus lubowaše; *St. 21, 20.*

24. Teho teho dla kiwaše Šiman Pětr, zo by wobhonił, što dha by był, wot kotrehož wón řeči.

25. Tuž lehnu so tón samy na Jezusowy brózt a džeše k njemu: Knježe, što

je?

26. Jezus wotmołwi: Tón je, kotremuž ja kus womaču a dam. A wón womača tón kus a da jón Judašej, Šimanowemu synej, Jšariothej.

27. A tehdy po tym kusu čehnješe zatan do njeho. Tuž džeše Jezus k njemu: Štož ty činiš, to činiš bórzy.

28. To same pak njewědžeše nchtó za blidom, na čo wón to jemu rjeknu.

29. Přetož někotři myslachu sebi, dokelž Judaš móšeň měješe, zo Jezus k njemu praji: Kupuj, štož nam trjeba je na róčny čas; abo zo by wón chudym něšto dał. *St. 12, 6.*

30. Jako wón teho dla tón kus wzał bě, džeše wón hnydom won. A wono bě w nocy.

31. Hdyž wón pak bě wušoł, rjeknu Jezus: Nětk je člorózki syn překrasnjeny, a Bóh je překrasnjeny w nim.

32. Jeli pak Bóh w nim překrasnjeny, dha budže jeho tež Bóh překrasnić sam w sebi a budže jeho skoro překrasnić. *St. 12, 23. St. 17, 1.*

33. Lube džěcatka, ja sym hišće mału chwilu pola was. Wy mje budžeće pytać; a, kaž ja židam prajach, hdžež ja du, tam wy njemóžeće přińć; tak tež nětk wam praju: *St. 7, 34. St. 8, 21.*

34. Nowu prikaznju dam ja wam, zo byšće so bjez sobu lubowali, kaž ja was lubował sym, zo so tež wy jedyn drugeho lubujeće. *3 Mójz. 19, 18. Mark. 12, 31. Jan. 15, 12. 1 Thes. 4, 9. 1 Jan. 4, 21.*

35. Na tym budže kóždy póznać, zo wy moji pósli sće, hdyž lubosć bjez sobu maće.

36. Rjeknu Šiman Pětr k njemu: Knježe, hdže džeš ty? Jezus wotmołwi jemu: Hdžež ja du, tam ty nět看 njemóžeš za mnu hić; ale ty budžeš druhi čas za mnu hić. *St. 7, 34. St. 21, 18. 19.*

37. Rjeknu Pětr k njemu: Knježe, čoho dla ja njemóžu nět看 za tobu hić? Ja chcu swoje žiwjenje za tebe wostajić.

38. Jezus wotmołwi jemu: Dyrbjał ty swoje žiwjenje za mnje wostajić? Zawěrnje, zawěrnje, ja praju ci: Kapon njebudže zaspěwać, hač ty mje tři kroc sy zapřel. *Mat. 26, 34. Mark. 14, 30. 72. Luk. 22, 34.*

14. staw.

Chrystusowe wužitne khodženje k Wótcej. Wo wěrje a lubosći, modlenju, swjatym Duchu a prawym měrje.

Tekst na njedźelu Quazi-modogeniti. IV.

1. [A wón džeše k swojim pólam: Waša wutroba so njeztróž. Wěriće-li wy do Boha, dha tež do mnje wěriće. *Št. 27.*

2. W mojeho Wótca domje je wjele wobydlenjow. Hdy by temu tak njebyło, dha bych k wam rjeknył: Ja du tam, wam to město přihotować. *2 Kor. 5, 1.*

3. A hač bych tam šol, wam to město přihotować, dha však chcu zaso přinć a was k sebi wzać, zo byšće tež wy byli, hdžež ja sym. *St. 12, 26.*

4. A hdže ja du, to wy wěšće, a tón puć tež wěšće.

5. Džeše k njemu Tomaš: Knježe, my njewěmy, hdže ty džeš; a kak móžemy puć wjedzić?

6. Jezus rjeknu k njemu: Ja sym tón puć a ta wěrnosć a to žiwjenje; nichtó njepřinǵže k Wótcej, chiba přez mje.) *Hebr. 9, 8. Eph. 2, 18. St. 3, 12. Hebr. 7, 25. St. 10, 19. 2 Kor. 3, 4. 1 Pětr. 1, 21.*

7. Hdy byšće wy mje znali, dha byšće tež mojeho Wótca znali. A nět看 znajeće jeho a šće jeho widźili.

8. Džeše k njemu Philipp: Knježe, pokaž nam teho Wótca, dha mamy dosć.

9. Jezus džeše k njemu: Tak dołho sym ja při was, a ty mje njeznaješ? Philippje, štóž mje widźi, tón widźi Wótca; kak dha ty prajiš, pokaž nam teho Wótca?

10. Njewěriš ty, zo ja sym we Wótcu a Wótc je w mni? Te słowa, kotrež ja k wam řeču, njeryču ja sam wot sebje. Tón Wótc pak, kiž w mni bydli, tón čini te skutki. *St. 10, 38.*

11. Wěrcé mi, zo ja we Wótcu a Wótc w mni je; jeli zo pak nic, dha wěrcé mi tych skutkow dla. *St. 10, 25.*

Tekst na njedźelu Exaudi. IV.

12. [Zawěrnje, zawěrnje, ja praju wam: Štóž do mnje wěri, tón budže te skutki tež činić, kotrež ja činju, a budže wjetše, dyžli te, činić; přetož ja du k swojemu Wótcu.

13. A štož wy prosyć budžeće w mojim mjenje, to chcu ja činić, zo by tón

Wótc česćeny był w Synu. *St. 16, 23.*
Mat. 7, 7. 11. Mark. 11, 24.

14. Jeli zo wy něšto prosyć budžeće w mojim mjenje, to chcu ja činić.

15. Lubujeće-li mje, dha tež dźeržće moje přikaznje; *St. 15, 10. 1 Jan. 5, 3.*

16. A ja chcu teho Wótca prosyć, a wón dyrbi wam druheho tróštarja dać, zo by wón pola was wostał wěcnje,

17. Teho Ducha teje wěrnosće, kotrehož tón swět njemóže dostać; přetož wón jeho njewidži ani njeznaje jeho; wy pak jeho znajeće; přetož wón wostanje pola was a budže we was.] *Kn. mudr. 1, 5. Jan. 7, 39.*

18. Ja was nochzu syrotow wopuścić; ja přińdu k wam. *Jer. 51, 5.*

19. Hišće wo mału chwilu je činić, dha mje tón swět njebudže wjazy widžeć; wy pak dyrbiće mje widžeć.

Tekst na druhim swjedženju jutrow. IV.

[Přetož ja sym žiwy, a wy budžeće tež žiwi.]

20. Na tym samym dnju budžeće wy póznać, zo ja w swojim Wótcu sym, a wy we mni, a ja we was. *St. 17, 21. 22.*

21. Štóž moje přikaznje ma a dźerži je, tón samy je, kotryž mje lubuje. Štóž mje pak lubuje, tón budže wot mojego Wótca lubowany, a ja budu jeho lubować a so jemu zjewić. *Sir. 2, 18.*

22. Praji k njemu Judaš, nic tón Jšaríoth: Knježe, što to je, zo ty nam so chceš zjewić, a nic swětu?

23. Jezus wotmołwi a džeše k njemu: Štóž mje lubuje, tón budže moje

słowo dźeržeć; a mój Wóćez budže jeho lubować, a my budžemy k njemu přińć a wobydlenje pola jeho činić. *Přist. 8, 17.*

24. Štóž mje njelubuje, tón moje słowa njedźerži. A to słowo, kotrež wy słyšće, njeje moje, ale teho Wótca, kiž mje posłał je. *St. 7, 28.*

25. To sym ja k wam řečał, jako hišće pola was běch.

26. Ale tón troštar, tón swjaty Duch, kotrehož mój Wóćez poslać budže w mojim mjenje, tón samy budže was wšitko nawučić a wam spomnić wšitko, štož wam prajił sym. *St. 15, 26.*

27. Měr wam wostaju, swój měr wam dawam. Ja njedawam wam, jako swět dawa. Waša wutroba so njeztróžej ani so njeztrachuj. *Phil. 4, 7.*

28. Wy sće słyšeli, zo ja wam prajił sym: Ja du tam a přińdu zaso k wam. Hdy byšće wy mje lubowali, dha byšće so wjeselili, zo prajił sym: Ja du k Wótcej; přetož mój Wóćez je wjetši, dyžli ja. *St. 10, 20.*

29. A nětk sym ja wam to prajił, přejdy dyžli so stanje, zo, hdyž so stać budže, wy byšće wěrili.

30. Ja dale njebudu wjele wjazy z wami řečeć; přetož fěršta teho swěta dže a nima ničo na mni; *St. 12, 31.*

31. Ale zo by tón swět póznał, zo ja teho Wótca lubuju a tak činju, kaž mi Wóćez poručil je. Poztańće a džimy wotsal. *St. 10, 18.*

15. staw.

Napominanje k wobstajnosći we wěrje, lubosći a sčerpliwosći.

Tekst na 1. njedźelu po swj. Trojicy. IV.

1. [Ja sym prawy winowy pjeńk, a mój Wótc je winicar.

2. Kóždu winowu hałozu na mni, kotraž płoda njenjese, budže wón přeč wzać; a kóždu, kotraž plód njese, budže wón čizčić, zo by wjazy płoda pšinjesła.

3. Wy sće nětk čisći teho słowa dla, kotrež ja k wam rěčał sym.

4. Wostańće w mni, a ja we was. Runje jako ta hałozu žaneho płoda njemóže přinjesć sama wot sebje, chiba zo wostanje při winowym pjeńku, tak tež wy nic, chiba zo wostanjeće w mni.

5. Ja sym tón winowy pjeńk, wy sće te hałozy; štož wostanje w mni a ja w nim, tón přinjesje wjele płoda; přetož bjeze mnje njemóžeće ničo činić. *2 Kor: 3,5.*

6. Štóž w mni njewostanje, tón budže přeč čisnjeny jako hałozu a wuschnje; a woni zezběraju je a čisnu je do wohenja a dyrbyja so spalić. *Ez. 15, 4. Mat. 3, 10.*

7. Wostanjeće-li w mni a jeli zo moje słowa we was wostanu, budžeće prosyc, štož chceće, a budže so wam dostać. *Mat. 7, 7. St. 21, 22. Mark. 11, 24. Luk. 11, 10.*

8. W tym budže mój Wótc česčeny, zo byšće wjele płoda přinjesli a byli moji wučomnicy.

9. Jako mje mój Wótc lubuje, tak lubuju ja was tež. Wostańće we mojej lubosći.

10. Budžeće-li moje přikaznje dźeržeć, dha wostanjeće w mojej lubosći, runje jako ja swojeho Wótca přikaznje zachowam a wostanu we jeho lubosći.]

11. To rěču ja k wam, zo by moja wjeselosć we was wostała a waša wjeselosć dopjelnjena była.

12. To je moja přikaznja, zo byšće so bjez sobu lubowali, runje jako ja was lubuju. *St. 13, 34. Mark. 12, 31. 1 Jan. 4, 21.*

13. Nichtó nima wjetšeje lubosće, dyžli tu, hdyž wón swoje žiwjenje za swojich přečelow wostaji. *St. 3, 18.*

14. Wy sće moji přečelj, hdyž činiće, štož ja wam psikazuju. *St. 8, 31.*

15. Ja wjazy njepraju, zo wy wotročcy sće; přetož wotročk njewě, što jeho knjez čini. Wam pak sym ja prajił, zo přečelj sće přetož wšitko, štož sym wot swojeho Wótca slyšał, sym ja wam k wědženju sčinił.

16. Wy mje njejsće wuzwolili ale ja sym was wuzwolił a postajił, zo byšće wy šli a plód přinjesli, a zo by waš plód wostał, tak zo štož byšće Wótca prosyli w mojim mjenje, zo by wón wam to same dał. *Mat. 28, 19.*

Scénje na njedźelu Lätare.

17. [To psikazam ja wam, zo so bjez sobu lubujeće.

18. Hdyž was swět hidži, dha wěsće, zo mje prjedy, dyžli was, hidžil je. *St.*

7, 7.

19. Hdy byšće wy wot swěta byli, dha by swět to swoje lubował; dokelž pak wot swěta njejsće, ale ja sym was wot swěta wuzwolił, teho dla hidži was tón swět.

1 Jan. 4, 5. Jan. 17, 14.

20. Spomńće na to słowo, kotrež ja wam prajił sym: Wotročk njeje wjetši, dyžli jeho knjez. Su-li mje pšezčěhali, dha budža was tež pšezčěhać; su-li moje słowo džerželi, dha budža waše tež džeržeć. Mat. 10, 24. Luk. 6, 40. Jan. 13, 16.

21. Ale to budža wam wšitko činić mojeho mjena dla; dokelž woni teho njeznaja, kiž mje posłał je. St. 16, 3.

22. Hdy bych ja njeprišoł a jim to njeprajił, dha bych žaneho hrěcha njeměli. Nětk pak njemóža z ničim swój hrěch zamołwić.

23. Štóz mje hidži, tón hidži tež mojeho Wótca.

24. Hdy bych ja te skutki nječinił bjez nimi, kotrež žadyn druhi činił njeje, dha bych žaneho hrěcha njeměli. Nětk pak su je widžili, a tola hidža wobeju, mje a mojeho Wótca. St. 10, 37.

25. Ale zo by dopjelnjene było to słowo, kotrež we jich zakonju pisane steji: Woni hidža mje bjez winy.] Ps. 35, 19. Pj. 69, 5.

Sćenje na njedźelu Exaudi.

26. [Hdyž pak tón troštar přińć budže, kotrehož ja wam poslać budu wot Wótca, tón Duch teje wěrnosće, kiž wot Wótca wuchadža; tón budže swědčić

wote mnje. St. 14, 26. Luk. 24, 49. Jap. sk. 1, 4.

27. A wy budžeće tež swědčić; přetož wy sće wot spočatka pola mje byli. Jap. sk. 1, 8. St. 5, 32.

16. staw.

Wo přichodnym pšezčěhanju; Chrysta khodže k Wótcej; swj. Ducha hamće; zbóžnym wuchodu tyšnosćow; wustyšenu modlenja; čěkanju wučomnikow.

1. To sym ja k wam rečał, zo so njebyšće pohóršowali.

2. Woni was budža ze swojich zhromadiznow wustorkać. Čas pak přińdže, zo, štóz was mori, budže sebi myslić, zo wón Bohu na tym službu čini. Mat. 24, 9. Mark. 13, 9. Luk. 21, 12.

3. A to wam budža činić, dokelž woni ani mojeho Wótca ani mje njeznaju. St. 15, 21.

4. Ale to sym ja wam prajił, zo byšće wy, hdyž tón čas přińć budže, teho so dopomnili, zo ja wam prajił sym. To pak wam wot spočatka njejsym prajił; přetož ja běch pola was.]

Sćenje na njedźelu Cantate.

5. [Nětk pak du ja k temu, kiž mje posłał je; a nchtó bjez wami njewoprašaja mje: Hdže džeš? St. 7, 33.

6. Ale dokelž to k wam rečał sym, je waša wutroba polna zrudoby.

7. Ale ja wam prawdu praju: Dobře wam je, zo ja tam du. Přetož hdy bych ja tam nješoł, dha by troštar k wam njeprišoł. Hdyž pak tam du, chcu jeho k wam pósłać. *St. 8, 46. St. 14, 16. 26.*

8. A hdyž tón samy přińdže, budže wón tón swět štrafować hrěcha, prawdosće a suda dla:

9. Hrěcha dla, zo woni do mnje njewěrja;

10. Prawdosće dla, zo ja du k swojemu Wótcej, a wy mje dale njewidźíte;

11. Suda dla, zo tón fěřsta teho swěta sudženy je. *St. 12, 31. St. 14, 30.*

12. Ja wam hišće mam wjele prajić, ale wy je nětk njemóžće znjesć. *1 Kor. 3, 1.*

13. Hdyž pak tamny, tón Duch teje wěrnosće, přińć budže, tón budže wam do wšeje wěrnosće puć pokazać. Přetož wón njebudže sam wot sebje rěčeć; ale štož słyšeć budže, to budže wón rěčeć; a štož psichodne je, budže wam připowědać.

14. Tón samy budže mje překrasnić; přetož wot mojeho budže jo wzać a wam připowědać.

15. Wšitko, štož Wótc ma, to je moje; teho dla sym ja prajił, zo wón jo budže wot mojeho wzać a wam připowědać.]

nam praji: Po małej chwili njebudžeće wy mje widžeć, a pak po małej chwili budžeće mje widžeć, a dokelž ja du k Wótcej?

18. Teho dla džachu woni: Što je to, zo praji, po małej chwili? My njewěmy, što wón rěči.

19. Tuž spózna Jezus, zo jeho prašeć chcychu, a džeše k nim: Wot teho wy so bjez sobu woprašujeće, zo sym rjeknył: Po makłej chwili njebudžeće wy mje widžeć, a pak po małej chwili budžeće mje widžeć.

20. Zawěrnje, zawěrnje, ja praju wam: Wy budžeće plakać a žalosćić, ale swět so budže wjeselić; wy pak budžeće zrudni, ale waša zrudoba budže so do wjesela pšewobroćić. *Ps. 30, 12.*

21. žónska, hdyž porodźuje, ma zrudobu, přetož jejna štunda je přišla; hdyž pak džěčo porodźila je, njezpomni wona wjazy na tu styzknosć, teho wjesela dla, zo so čłowjek je na swět narodźił. *Jez. 26, 17.*

22. A wy maće tež nětko zrudobu; ale ja chcu was zaso widžeć, a waša wutroba budže so zwjeselić, a vaše wjesele nchtó njebudže wot was přeč wzać. *Jez. 35, 10.*

23. A na tym samym dnju njebudžeće wy mje ničo prašeć.]

Scénje na njedźelu Jubilate.

16. [Po matłej chwili njebudžeće wy mje widžeć; a pak po małej chwili budžeće mje widžeć; dokelž ja du k Wótcej. *St. 7, 33. St. 13, 33.*

17. Tuž džachu někotři wot jeho pósłow bjez sobu: Što to je, zo wón

Scénje na njedźelu Rogate.

[Zawěrnje, zawěrnje, ja praju wam: Sa čož wy teho Wótca prosyć budžeće w mojim mjenje, to budže wón wam dać. *Mark, 11, 24.*

24. Hač dotal njejsće wy za ničo prosyli w mojim mjenje; prošće, dha

budžeće brać, zo by so waše wjesele dopjelnilo.

25. To sym ja k wam w přisłowach řečal. Čas pak přińdže, zo ja w přisłowach wjazy z wami řečeć njebudu, ale ja budu wam zjawnje připowědać wot mojeho Wótca.

26. Na tym samym dnju budžeće wy prosyć w mojím mjenje. A ja njepraju wam, zo bych teho Wótca za was prosyć chcył;

St. 14, 20.

27. Přetož wón sam, tón Wóćez, lubuje was, dokelž wy mje lubowali a wěрили sće, zo ja wot Boha wušoł sym.

St. 14, 21. St. 17, 8. 25.

28. Ja sym wot Wótca wušoł a přišoł do swěta; zaso wopušču tón swět a du k Wótcěj.

St. 13, 3.

29. Džachu k njemu jeho wučomnicy: Hlaj, nětk řečiš ty zjawnje a njeprajiš žaneho pšisłowa;

30. Nětk wěmy, zo ty wšitke wěcy wěš, a njeje ći trjeba, zo by će što prašal. Na to wěrimy, zo ty wot Boha wušoł sy.

St. 21, 17.

31. Jezus wotmołwi jim: Nětk wěriće;

32. Hlaj, štunda přińdže a je hižom přišla, zo so rospřóšće, jedyn kóždy k swojemu, a mje sameho wostajiće; ale ja njejsym sam, přetož tón Wótc je pola mje.

Sach. 13, 7. Mat. 26, 31. Mark. 14, 27. Jan. 8, 16.

33. To same sym ja z wami řečal, zo byšće w mni pokoj měli. Na swěće maće wy česnozć; ale budžeće bolje nadžije, ja sym tón swět pšewinuł.)

St. 14, 27. Rom. 5, 1. Eph. 2, 14. Kol. 1, 20. Jez. 35, 4.

17. staw.

Chrystusowe modlenje za so, za svojich wučomnikow, cyrkej a gmejnu.

1. To řečeše Jezus a pozběhnu swojej woći k njebiesam a džeše: Wóťce, ta štunda je přišla, zo by swojeho Syna překrasnił, tak zo by tež twój Syn tebje překrasnił;

St. 11, 41.

2. Runje jako ty jemu móc sy dał nade wšitkim ćelom, tak zo by wón wěčne žiwjenje dał wšitkim, kotrychž ty jemu sy dał.

Ps. 8, 7. Mat. 11, 27. St. 28, 18. Jan. 3, 35.

3. To je pak to wěčne žiwjenje, zo bychy woni tebje, Wóťce, zo ty sam prawy Bóh sy, a kotrehož sy pósłał, Jezom Chrysta, poznali.

4. Ja sym tebje překrasnił na zemi a sym dokonjał tón skutk, kokotryž ty mi dał sy, zo bych činił;

St. 4, 34.

5. A nětk překrasni mje ty, Wóťce, w sebi samym, z tej krasnosću, kotruž ja při tebi mējach, přjedy dyžli swět běše.

St. 1, 1. 1 Pětr. 1, 20.

6. Ja sym twoje mjeno zjewił čłowjekam, kotrychž ty mi wot swěta dał sy. Woni běchu twoji, a ty sy jich mi dał, a woni su twoje słowo zachowali.

7. Nětko wjedža, zo wšitko, štož ty mi dał sy, je wot tebje.

8. Přetož te słowa, kotrež ty mi dał sy, sym ja jim dał, a woni su je horje wzali a prawje poznali, zo ja sym wot tebje wušoł, a wěrja, zo ty mje pósłał sy.

St. 16, 27. 30.

9. Ja prošu za nich a njeprošu za swět,

ale za tych, kotrychž ty mi dał sy; přetož woni su twoji. *St. 6, 37.*

10. A wšitko, štož moje je, to je twoje, a štož twoje je, to je moje a ja sym w nich překrasnjeny. *St. 16, 15.*

Tekst na Bože spěče. IV.

11. [A ja njejsym wjazy na swěće; woni pak su na swěće, a ja du k tebi. Swjaty Wótče, zdžerž tych přez swoje mjeno, kotrychž ty mi dał sy, zo bychy jene byli, runje jako my. *St. 10, 30.*

12. Dokelž ja pola nich běch na swěće, zdžeržach ja jich přez twoje mjeno. Kotrychž ty mi dał sy, sym ja zachował; a njeje žadyn wot nich zhubjeny, chiba to zhubjene džěčo, zo by pismo dopjel-njene było. *Ps. 109, 8.*

13. Nětk pak přinđu ja k tebi a řeču to same na swěće, zo bychy woni w sebi měli moju wjeselosć dopjelnjenu. *St. 15, 11.*

14. Ja sym jim dał twoje słowo, a swět hidži jich; přetož woni njejsu wot swěta, jako tež ja njejsym wot swěta.

15. Ja njeprošu, zo by ty jich wot swěta wzał, ale zo by jich zdžeržal před tym złym. *2 Thes. 3, 3.*

16. Woni njejsu wot swěta, runje jako tež ja njejsym wot swěta.

17. Swjeć jich w swojej wěrnosći; twoje słowo je ta wěrnosć.] *St. 8, 40.*

18. Runje jako ty mje pósłał sy do swěta, tak pósćelu ja tež jich do swěta.

19. A ja so sam woswjeću za nich, zo bychy tež woni woswjećeni byli w tej wěrnosći. *1 Kor. 1, 2. 30.*

20. Ja prošu pak nic jeno za nich, ale tež za tych, kotřiž přez jich słowo do mnje wěrić budža, *St. 20, 31. Jap. sk. 4, 32. Rom. 12, 5.*

21. So bychy wšitcy jene byli, runje jako ty, Wótče, w mni sy a ja w tebi; zo bychy tež woni w nas jene byli, zo by swět wěrił, zo ty mje pósłał sy. *Gal. 3, 28.*

22. A ja sym jim dał tu krasnosć, kotruž ty mi dał sy, zo bychy woni jene byli, runje jako my jene smy, *St. 2, 11.*

23. Ja w nich a ty w mni, zo bychy dokonjeni byli na jene, a tón swět póznał, zo ty mje pósłał sy a lubuješ jich, jako ty mje lubuješ. *1 Kor. 6, 17.*

24. Wótče, ja chcu, hdžež ja sym, zo bychy tež ći sami pola mje byli, kotrychž mi dał sy, zo bychy moju krasnosć widžili, kotruž mi dał sy; přetož ty sy mje lubował, prjedy dyžli swěta založenje so sta. *St. 12, 26.*

25. Prawy Wótče, tež swět će njeznaje. Ja pak znaju će, a ći to póznaja, zo ty mje pósłał sy. *St. 15, 21.*

26. A ja sym jim twoje mjeno k wědženju sćinił a chcu jim to dale k wědženju sćinić, zo by ta lubosć, z kotrejž ty mje lubuješ, byla w nich a ja w nich.

18. staw.

Chrystusowe čerpjenje w zahrodže, před Kajphasom a Pilatom.

1. Jako Jezus to same běše řečał, wuńdže wón won ze swojimi wučomnikami přez řeku Kidron, hdžež běše zahroda; do teje džeše wón a jeho wučomnicy. *Mat. 26, 36. Mark. 14, 32.*

2. Judaš pak, kiž jeho přeradži, wjedžeše tež to město; přetož Jezus zhromadžeše so tam husto ze swojimi wučomnikami. *Luk. 21, 37.*

3. Jako teho dla Judaš běše k sebi wzał tu syłu z tymi služomnikami tych wyšich měšnikow a Farizejskich, přińdže wón tam ze swěcami, z lampami a z brónju. *Mat. 26, 47.*

4. Jako pak Jezus wšitko wjedžeše, štož so jemu stać budže, wuńdže wón a džeše k nim: Koho pytaće wy?

5. Woni wotmołwihu jemu: Jezusa Nacarenskeho. Jezus džeše k nim: Ja sym. Judaš pak, kiž jeho přeradži, steješe tež při nich.

6. Jako pak wón k nim džeše: Ja sym! stupichu woni z wopječizu a panuchu na zemju dele. *St. 6, 20.*

7. Tuž prašeše wón jich zaso: Koho pytaće? Woni pak džachu: Jezusa Nacarenskeho.

8. Jezus wotmołwi: Ja sym wam prajił, zo ja sym. Jeli zo teho dla mje pytaće, dha wostajće tych na pokoj.

9. (So by to słowo dopjelnjene było, kotrež wón praji: Ja njejsym žaneho wot tych zhubił, kotrychž ty mi dał sy.) *St.*

17, 12.

10. Šiman Pětr pak, dokelž mječ měješe, wučahnu wón jón a rubnu na wyšeho měšnika wotročka a wotća jemu jeho prawe wucho. A temu wotročkej rěkachu Malchus. *Mat. 26, 51.*

11. Tuž džeše Jezus k Pětrej: Tykń swój mječ do nóżnjow. Njedyrbjał ja tón kelich pić, kotryž mi mój Wótc dał je?

12. Ta syła pak a wyši hejtman a služomnicy tych Židow wzachu Jezusa a zwjazachu jeho, *Mat. 26, 57. Mark. 14, 53. Luk. 22, 54.*

13. A wjedžechu jeho najprjedy k Hannasej; přetož tón běše Kajphasowy pšichodny nan, kotryž to lěto wyši měšnik běše. *Mat. 26, 57.*

14. Kajphas pak bě tón samy, kiž běše Židam radžił, zo by derje bylo, zo by jedyn čłowjek za lud skóncowany był. *St. 11, 50.*

15. Šiman Pětr pak džeše za Jezusom a druhi wučomnik. A teho sameho wučomnika znaješe wyši měšnik, a wón zańdže z Jezusom do hroda teho wyšeho měšnika.

16. Pětr pak steješe wonkach před durjemi. Tuž wuńdže tón druhi wučomnik, kotrehož wyši měšnik znaješe, a poryča z wrótnicu a wjedžeše Pětra nutř. *Mat. 26, 69.*

17. Tuž džeše ta džowka, ta wrótnica, k Pětrej: Njejsy ty tež teho čłowjeka wučomnik? Wón džeše: Ja njejsym.

18. Wotročcy a služomnicy pak stejachu tam a běchu sebi wuhle rošžehlili; přetož zyma běše a wohrěwachu so. Pětr pak běše pola nich, steješe a wohrěwaše so.

19. Ale wyši měšnik woprašá Jezusa wo jeho wučomnikow a wo jeho wučbu.

20. Jezus wotmołwi jemu: Ja sym zjawnje rěčał před swětom. Ja sym kóždy čas wučil w šuli a w templu, hdžež wšitcy židži hromadu pšikhadžuju, a njejsym nič w potajnym rěčał. *St. 7, 14. 26. Luk. 2, 46. St. 4, 14.*

21. Što mje wo to prašeš? Prašej tych, kiž slyšeli su, što ja k nim sym rěčał; hlaj, či sami wjedža, što ja rěčał sym.

22. Jako wón pak to praješe, da Jezusej jedyn bjez tymi služomnikami, kiž pódla steješe, pliztu a džeše: Směš ty wyšemu měšnikej tak wotmołwić? *1 Kral. 22, 24.*

23. Jezus jemu wotmołwi: Sym ja zle rěčał, dha wopokaž, zo zle je; sym-li pak prawje rěčał, čoho dla biješ mje?

24. (Hannas pak běše jeho zwjazaneho k wyšemu měšnikej Kajphasej pósłał.)

25. Šiman Pětr pak stejo wohrěwaše so. Tuž džachu woni k njemu: Njejsy tež ty jedyn wot jeho wučomnikow? Wón přěješe pak a džeše: Ja njejsym. *Mat. 26, 58. 69. Mark. 14, 54. Luk. 22, 55.*

26. Praji teho wyšeho měšnika wotročk jedyn, přecel teho sameho, kotremuž Pětr běše wucho wotčał: Njewidžich ja će w zahrodže při nim?

27. Pětr pak zaso přěješe. A hnydom zaspěwa kapon.

28. Tuž wjedžechu woni Jezusa wot Kajphasa před sudnu chěžu. A běše rano. Woni pak njeńdžechu do sudneje chěže, zo bych nječisći njebyli, ale to jutrowne jehnjo jěsć směli. *Mat. 27, 2.*

Mark. 15, 1. Luk. 23, 1.

29. Tuž wuńdže Pilatus k nim a džeše: Kajku skórzbu maće wy na teho čłowjeka?

30. Woni wotmołwichu a džachu k njemu: Hdy by tutón zlóstnik njebył, my njebudžichmy jeho či podali.

31. Tuž džeše Pilatus k nim: Dha wzmiće wy jeho a sudžće jeho po swojim zakonju. Ale či židži džachu k njemu: My njesměmy nikoho skóncować; *St. 19, 6.*

32. So by dopjelnjene było to słowo Jezusowe, kotrež praješe, jako wón zjewi, kajkeje smjerće wón wumrjeć budže. *Mat. 20, 19. Mark. 10, 33. Luk. 18, 32.*

33. Pilatus teho dla zańdže zaso do sudneje chěže a zawoła Jezusa a džeše k njemu: Sy ty tych židow kral? *Mat. 27, 11.*

34. Jezus wotmołwi jemu: Rěčiš ty to sam wot sebe, abo su to či druzy powjedali wote mnje?

35. Pilatus wotmołwi: Sym dha ja Žid? Twój lud a wyši měšnicy su tebe mi podali; što sy ty zawinował?

36. Jezus wotmołwi: Moje kralestwo njeje wot teho swěta. Hdy by moje kralestwo wot teho swěta było, dha bych moji služomnicy wo njo wojowali, zo bych ja Židam podaty njebył; ale nětk moje kralestwo njeje wot tudy. *St. 6, 15.*

37. Tuž džeše Pilatus k njemu: Dha sy ty tola kral? Jezus wotmołwi: Ty jo prajiš, ja sym kral. Ja sym so na to narodžil a sym na to na swět přišoł, zo bych prawdže swědčil. Kóždy, štóz z prawdy je, tón poslucha na mój hlós. *1*

Tim. 6, 13.

38. Rjeknu Pilatus k njemu: Što je prawda? A jako wón to wurjeknu, wuńdže wón zaso k židam a džeše k nim: Ja njenamakam žaneje winy na nim. *Mat. 27, 23. Mark. 15, 14. Luk. 23, 14.*

39. Wy maće pak wašnje, zo bych wam jeneho na jutry pušćil; chceće dha, zo bych wam tych Židow krala pušćil? *Mat. 27, 15.*

40. Woni pak zawołachu zaso wšitcy a džachu: Nic teho, ale Barabbasa pušć. Barabbas pak běše mordar. *Mat. 27, 20. Mark. 15, 11.*

19. staw.

Chrystusowe krjudowanje, krónowanje, křižowanje, smjerć a pohrjebanje.

1. Pilatus wza tehdy Jezusa a šwikaše jeho. *Mat. 27, 26. Mark. 10, 34. St. 15, 15. Luk. 23, 22.*

2. A wojacy naplečechu černjowu krónu a stajichu ju na jeho hłowu a wodžechu jeho z purpurzkim mantelom, *Mat. 27, 29.*

3. A džachu: Budź poztrowjeny, kralo tych židow! a dawachu jemu plizty. *Mat. 26, 67.*

4. Tuž wuńdže zaso Pilatus won a džeše k nim: Hlajće, ja jeho k wam won wjedu, zo byšće póznali, zo ja na nim žaneje winy njenamakam. *St. 18, 38.*

5. Tuž džeše Jezus won a njeseše černjowu krónu a purpurzku drastu. A

wón džeše k nim: Hlajće, kajki to čłowjek!

6. Jako pak ći wyši měšnicy a jich služomnicy jeho widžichu, wołachu woni a prajachu: KšiLuk. 23, 18. žuj, křižuj! Pilatus rjeknje k nim: Wzmiće wy jeho a kšižujće jeho; přetož ja njenamakam žaneje winy nad nim.

7. Ći židzi wotmołwichu jemu: My mamy kaznju, a po tej našej kazni dyrbi wón wumrjeć; přetož wón je so sam Boži Syn činił. *3 Mójz. 24, 15. 5 Mójz. 18, 20.*

8. Jako pak Pilatus to słowo słyšeše, boješe wón so hišće bóle;

9. A zańdže zaso nutř do sudneje chěže a džeše k Jezusej: Z wotkal sy ty? Ale Jezus njeda jemu žaneho wotmołwenja. *St. 18, 33.*

10. Tuž džeše Pilatus k njemu: Njeryčiš ty zo mnu? Njewěš ty, zo ja móc mam će křižować, a mam móc će pušćić? *St. 18, 39.*

11. Jezus wotmołwi: Ty by žaneje mocy na mni njeměł, hdy by ći z wjercha data njebyła; teho dla tón, kiž mje tebi podal je, tón ma wjetši hrěch.

12. Wot teho časa pytaše Pilatus, kak by jeho pušćil. Ći Židza pak wołachu a džachu: Pušćiš ty teho, dha ty khěžorowy přecel njejsy; přetož, štóž so kral čini, tón so chěžorej pšećiwi.

13. Jako pak Pilatus to słowo słyšeše, wjedžeše wón Jezusa won a synu so na sudny stoł, na tym měsće, kotremuž rěkaju z kamjenjemi wysocy posadźene, po hebrejskej rěči pak Gabbatha.

Tekst na ćichi pjatk. III.

14. [Běše pak dzeń tego přihotowanja k jutram a wokoło šesteje štundy. A wón rjeknu k Židam: Hlajće, to je waš kral!

15. Woni pak woľachu: Preč, preč z tym, križuj jeho! Džeše Pilatus k nim: Dyrbju ja vašeho krala križować? Wyši měšnicy wotmoľwichu: My žaneho krala nimamy, chiba jeno kejžora. *Št. 6.*

16. Tuž poda wón jeho jim, zo by križowany był. A woni wzachu Jezusa a wjedźechu jeho preč.

17. A wón njeseše swój križ a wuńdze na to město, kotremuž rěkaju nopowišćo, po Hebrejzku pak jemu rěkaju Golgatha. *Mat. 27, 33. Mark. 15, 22. Luk. 23, 33.*

18. Tam križowachu woni jeho a dweju z nim z wobeju stronow, Jezusa pak srjedža.

19. Pilatus pak tež napisa napismo a staji to na križ. Běše pak pisane: Jezus Nacarenski, kral tych židow.

20. To napismo lazowaše pak wjele Židow; přetož to město běše blisko při měsće, hdžež Jezus križowany bu. A běše pisane po hebrejskej, grichizkej a laćanzkej rěči.

21. Tuž džachu wyši měšnicy tych Židow k Pilatej: Njepiš: Kral tych židow; ale zo tón samy prajił je: Ja sym tych židow kral.

22. Pilatus wotmoľwi: Štož sym pisał, to sym ja pisał.

23. Ći wojacy pak, jako Jezusa križowali běchu, wzachu jeho drastu (a sćinichu štyri džěle, kóždemu wojakej jedyn džěl) a tu suknju. Ta suknja

pak běše nješita, wot wjercha tkana přez cyłe. *Mat. 27, 35. Mark. 15, 24.*

24. Tuž džachu woni bjez sobu: Njerosdžělmy teje, ale losujmy wo nju, čēja budže. So by dopjelnjene było to pismo, kotrež praji: Woni su moju drastu bjez so rosdžělili a su wo moju suknju lós ćiskali. To ćinjachu tak ći wojacy. *Ps. 22, 10.*

25. Pola križa pak steješe Jezusowa mać a jeho maćerna sotra, Marja, Kleophasowa mandželska, a Marja Madlena.

26. Jako pak Jezus swoju maćer wuhlada a tego wučomnika při njej stejó, kotrehož wón lubowaše, rjeknu wón k swojej maćeri: žónska, hlaj, to je twój syn.

27. Potom džeše wón k wučomnikej: Hlaj, to je twoja mać. A wot teje sameje štundy wza ju tón wučomnik k sebi.

28. Potom, jako Jezus wjedžeše, zo nětk wšitko dokonjane běše, zo by to pismo dopjelnjene było, rjeknu wón: Mi so chce pić. *Ps. 22, 16.*

29. A tam steješe sudobjo z kisałom. Woni pak napjelnichu šwom z kisałom a wobložichu jón z izopom a podachu jón jemu k hubje. *Ps. 60, 23.*

30. Jako teho dla Jezus to kisało k sebi wzał běše, džeše wón: Dokonjane je! a pokhili hłowu a da swój duch horje.]

31. Židža pak, dokelž tón dzeń tego přihotowanja běše, zo bychy te ćěla přez sabat na križu njewoztałe (přetož tón sabatny dzeń běše wulki), prošachu Pilata, zo bychy jich kosće złamane a wone dele wzate byle.

32. Tuž přińdžechu či wojacy a zlamachu přenjemu kosće a temu druhemu, kiž z nim křižowany běše.

33. Jako pak k Jezusej přińdžechu a widžichu, zo wón hižom wumrěl běše, njezlamachu woni jemu te kosće;

34. Ale jedyn wot tych wojakow roskló jemu jeho bok z lebiju, a hnydom krej a woda wuńdže.

35. A kiž to widžil je, tón jo wobswědči, a jeho swědčenje je wěrne; a tón samy wě, zo wón prawdu řeči, zo byšće tež wy wěрили.

36. Přetož tajke je so stało, zo by to pismo dopjelnjene było: Wy njedyrbicie jemu žaneje kosće zlamac. *2 Mójz. 12, 46. 4 Mójz. 9, 12.*

37. A zaso praji druge pismo: Woni budža widžeć, do koho su kałali. Zach. 12, 10.

38. Potom prošeše Pilata Jozef z Arimathije (kotryž wučomnik Jezusowy běše, ale potajny, z bojoscú před židami), zo by to čelo Jezusowe směl dele wzac. A Pilatus wotpušći. Tuž přińdže wón a wza to čelo Jezusowe dele. *Mat. 27, 57. Mark. 15, 43. Luk. 23, 50.*

39. Přińdže pak tež Nikodemus, kotryž prjedy w nocy k Jezusej přišoł bě, a přinjese maru a aloe změšanu na sto puntow. *St. 3, 2. Mat. 2, 11.*

40. Tuž wzaštaj wonaj to čelo Jezusowe a wobwjazaštaj jo z rubami a z wonjacymi wěcami, jako Židža wašnje maju khować.

41. Při tym měsće pak, hdžež wón křižowany bu, běše zahroda a w zahrodže nowy row, w kotrymž hišće nihdy nihtó njebě ležal.

42. Tam položištaj wonaj Jezusa teho dnja židowskeho přihotowanja dla, dokelž tón row blisko běše.

20. staw.

Chrystusowe horjestaće zjewjene a wobtwjerdžene w židowskim kraju.

1. Tych sabatow přeni dzeń, njedzelu, pak přińdže Marja Madlena rano, jako hišće čma běše, k temu rowu a widži, zo tón kamjeń wot rowa běše přeč wzaty. *Mat. 28, 1 Mark. 16, 1. Luk. 24, 1.*

2. Tuž běži wona přeč a přińdže k Šimanej Pětrej a k temu druhemu wučomnikej, kotrehož Jezus lubowaše, a džeše k nimaj: Woni su teho Knjeza z rowa přeč wzali, a my njewěmy, hdže su jeho položili.

3. Tuž wuńdže Pětr a tón druhi wučomnik a přińdžeštaj k rowu. *Luk. 24, 12.*

4. Wonaj pak wobaj běžeštaj hromadže; ale tón druhi wučomnik běžeše prjedy, khětzišo dyžli Pětr, a přińdže najprjedy k rowu;

5. A nachili so nutř a wuhlada te ruby ležo; nutř pak njezańdže.

6. Tuž přińdže Šiman Pětr za nim a zańdže do rowa a widžeše te ruby položene,

7. A tón pótny rub, z kotrymž jeho hlowa běše wobwjazana byla, nic pódla tych rubow položeny, ale na stronje hromadu zawaleny, na wosebnym měsće. *St. 11, 44.*

8. Tuž zańdže tež tón druhi wučomnik nutř, kiž bě najprěniši k rowu přišoł, a widžeše a wěrješe jo;

9. Přetož wonaj hišće njewědžestaj pismo, zo wón wot morwych stanuć dyr-bješe.

10. Tuž džestaj taj wučomnikaj zaso přeč k temu swojemu.

Tekst na 2. swjedženě jutrow. III.

11. [Marja pak steješe před rowom a plakaše wonkach. A plačo pohlada nutř do rowa,

12. A wuhlada dweju jandželow w bělej drasće sedžo, jeneho k hłowam a druhého k noham, hdžež to čelo Jezusowe běše ležalo. *Mat. 28, 5. 6. Mark. 16, 5.*

13. A taj samaj džestaj k njej: Zónska, što plačeš? Wona džeše k nimaj: Woni su mojeho Knjeza přeč wzali; a ja njewěm, hdže su jeho položili.

14. A hdyž to wuryča, wobroći wona so zady a wuhlada Jezusa stejo, njewědžeše pak, zo by Jezus był. *Mat. 28, 9. Mark. 16, 9.*

15. Rjeknu Jezus k njej: Zónska, što plačeš? Koho pytaš ty? Wona pomysliše sebi, zo je zahrobnik, a džeše k njemu: Knježe, sy ty jeho přeč nješ, dha powjes mi, hdže sy jeho položil? dha chcu jeho wzać.

16. Rjeknu Jezus k njej: Marja! Wona so wobroći a džeše k njemu: Rabuni! to je: mištrje.

17. Rjeknu Jezus k njej: Njedotknj so mje; přetož ja hišće njejsym horje ztpil k

swojemu Wótcej. Dži pak k mojim bratram a praj jim: Ja du horje k swojemu Wótcej a k wašemu Wótcej, k swojemu Bohu a k wašemu Bohu. *Ps. 22, 23. Hebr. 2, 11. 12.*

18. Marja Madlena přińdže a připowědaše to tym wučomnikam, zo je teho Knjeza widžila a zo wón to k njej prajił je.)

Tekst na njedželu Quazi- modogeniti. III.

19. [Na wječor pak teho sameho dnja, kiž přeni běše po sabaće, jako wučomnicy zhromadženi a durje zanknjene běchu, z bojosću před židami, přińdže Jezus a stupi srjedža a džeše k nim: Měr budž z wami! *Luk. 24, 36.*

20. A hdyž to prajił běše, pokaza wón jim swojej rucy a swój bok. Tuž zwjeselichu so či wučomnicy, zo teho Knjeza widžichu. *1 Jan. 1, 1.*

21. Teho dla džeše Jezus zaso k nim: Měr budž z wami! Kaž mje mój Wótc pósłał je, tak pósćelu tež ja was. *Jez. 61, 1. Jan. 17, 18.*

22. A jako to prajił běše, dunu wón na nich a džeše k nim: Wzmicie teho swjateho Ducha!

23. Kotrymž wy hrěchi wodaće, tym su wodate; a kotrymž wy je zdžeržicie, tym su zdžeržane.] *Mat. 16, 19. St. 18, 18.*

**Scénje na njedźelu Quazi- 21. staw.
modogeniti.**

24. [Tomaš pak, wot tych dwanaće jedyn, kotremuž Didimus rěkaju, njeběše při nich, jako Jezus přińdže.

25. Dha džachu ěi druzy wučomnicy k njemu: My smy teho Knjeza widźili. Wón pak džeše k nim: Jeli zo ja we jeho rukomaj njewidžu te hozdžaze bluzny a njetyknu swój porst do tych hozdžazych bluznow a njepołożu swoju ruku do jeho boka, dha njebudu wěrić. *St. 19, 34.*

26. A po tydženju běchu jeho wučomnicy zaso nutrkach a Tomaš z nimi. Tuž přińdže Jezus, jako durje zanknjene běchu, a stupi srjedža a džeše: Měr budž z wami! *Št. 19.*

27. Potom džeše wón k Tomašej: Tykń sem swój porst a wohladaj mojej rucy; a podaj sem swoju ruku a polož ju do mojeho boka; a njebudž njewěrjazy, ale budž wěrjacy.

28. Tomaš pak wotmołwi a džeše k njemu: Mój Knježe a mój Božo! *1 Kral. 18, 39.*

29. Džeše Jezus k njemu: Dokelž mje widźil sy, Tomašo, dha wěřišty. Zbóžni su ěi, kiž njewidža a wšak wěrja.]

30. Tež wjele druhich zejchow činješe Jezus před swojimi wučomnikami, kotrež w tych knihach njesu wopisane.

31. Te su pak wopisane, zo byšće wěрили, zo Jezus je Chrystus, tón Syn Boží, a zo byšće přez tu wěru žiwjenje měli we jeho mjenje. *1 Jan. 5, 13.*

**Chrystusowe horjestaće
zjewjene w Galilejskim
kraju.**

1. Potom zjewi so Jezus zaso tym wučomnikom při Tiberiaskim morju. Wón so pak tak zjewi:

2. Hromadže běchu Šiman Pětr a Tomaš, kotremuž rěkaju Didimus, a Nathanael z Kany Galilejskeje a taj synaj Zebedeowaj a druhaj dwaj jeho wučomnikaj.

3. Šiman Pětr džeše k nim: Ja chcu hić ryby łowić. Woni džachu k njemu: Dha tež my chcemy z tobu hić. Tuž wuńdžechu a stupichu z molom do lódže; ale w tej samej nocy njenalowichu woni ničo. *Luk. 5, 5.*

4. Jako pak nětk rano běše, steješe Jezus na brjozy; ale ěi wučomnicy njewědžachu, zo by Jezus był. *St. 20, 14. Luk. 24, 16.*

5. Džeše Jezus k nim: Džěći, nimaće ničo jěsć? Woni jemu wotmołwichu: Ničo.

6. Wón pak džeše k nim: Přestrějće syć na prawy bok lódže, dha budžeće namakać. Na to přestrěchu a njemóžachu ju dale čahnyć, wjele rybow dla. *Luk. 5, 4.*

7. Tuž džeše tón wučomnik, kotrehož Jezus lubowaše, k Pětrej: Jako Šiman To je tón Knjez. Pětr słyšeše, zo tón Knjez je, wopasa wón so z košlu (přetož wón běše nahi) a pušći so do morja.

8. Ěi druzy wučomnicy pak přińdžechu na lódži (přetož woni

njeběchu daloko wot zemje, ale něhdže pola dweju sto lohćow), a ćahachu syć z rybami.

9. Jako pak na zemju běchu wustupili, widźichu woni wuhle kładzene a ryby na nje položene a chłěb.

10. Džeše Jezus k nim: Přinjesće sem wot tych rybow, kotrež sće nětk nałowili.

11. Šiman Pětr stupi dele a wučěže syć na suche; ta běše polna wulkich rybow, poldra sta a tři. A hač runje jich tak wjele běše, dha so wšak syć njerostorže.

12. Džeše Jezus k nim: Pójće, wobjedujće. Nichtó pak bjez tymi wučomnikami njezwaži so jeho woprašć: Štó sy ty? přetož woni wědzachu, zo tón Knjez běše.

13. Tuž přińdže Jezus a wza tón chłěb a da jón jim, teho runja tež ryby.

14. To je nětk k třěćemu, zo Jezus so zjewi swojim wučomnikom, po tym jako wón stanył bě wot morwych.

Tekst na njedźelu Mizericordias Domini. III.

15. [Jako pak powobjedowali běchu, džeše Jezus k Šimanej Pětrej: Šimanje Jonasowy, lubuješ ty mje wjazy, dyžli ćí? Wón džeše k njemu: Haj, Knježe, ty wěš, zo ja će lubuju. Rjeknu wón k njemu: Pas moje jehnjata.

16. Džeše wón zaso z noweho k njemu: Šimanje Jonasowy, lubuješ mje? Wón džeše k njemu: Haj, Knježe, ty wěš, zo ja će lubuju. Rjeknu wón k njemu: Pas moje wowcy. *Jap. sk. 20, 28. 1 Pětr. 5, 2. 4.*

17. K třěćemu džeše wón k njemu: Šimanje Jonasowy, lubuješ mje? Pětr bu zrudny, zo wón k třěćemu jemu praješe: Lubuješ mje? a džeše k njemu: Knježe, ty wěš wšitke wěcy, ty wěš, zo ja će lubuju. Džeše Jezus k njemu: Pas moje wowcy.] *Sir. 42, 19.*

Tekst na njedźelu Jubilate. III.

18. [Zawěrnje, zawěrnje, ja praju ćí: Jako ty mlódši běše, wopasowaše ty so sam a džeše, hdžež chcyše; hdyž pak ty stary budžeš, budžeš ty swojej rucy přestrěć a druhi budže će wopasować a powjedže tebj, hdžež nochzeš. *2 Pětr. 1, 14.*

19. To pak praješe wón na wopokazanje, z kajkej smjerću wón Boha chwalić budže. A jako wón to prajił bě, džeše wón k njemu: Pój za mnu!

20. Pětr pak so wobroći a wuhlada teho wučomnika za nim chodžo, kotrehož Jezus lubowaše, kiž tež na jeho bróžće za wječerju ležał bě a rjeknył: Knježe, kotry je twój přeradnik? *St. 13, 23.*

21. Hdyž Pětr teho widžeše, džeše wón k Jezusej: Knježe, što pak tón dyrbi?

22. Jezus džeše k njemu: Jeli zo ja chcu, zo wón wostanje, hač ja přińdu, što to tebj nastupa? Pój ty za mnu!

23. Tuž wuńdže ta ryč bjez bratrami: Tón wučomnik njewumrje. A Jezus njepraješe k njemu: Wón njewumrje;

ale: jeli zo ja chcu, zo wón wostanje, hač ja přińdu, što to tebje nastupa?]

24. To je tón wučomnik, kiž wot tych wěcow swědči a je to wopisał. A my wěmy, zo jeho swědčenje wěrne je.

25. Hišće tež wjele druhich wězow je, kotrež Jezus je činił, wot —zo swět tych knihow njeby wopšikotrychž, hdy by dyrbjało jene za druhim pisane być, mam ja za to, zo swět tych knihow njeby wopřijał, kiž bychu napisane byle. (Hamjeń.)

St. 20, 30.

Druhi džěl ewangelija swj. Lukaša, skutki swjatych japoštołow.

Prěni staw.

*Chrysta k njebjuztpiće.
Matthiasowe powołanje k
japoštołzkemu zastoynstwu.*

Tekst na Bože spěće. III.

1. [Prěńšu ryč sym ja derje sčinił, luby Theophile, wot wšitkeho teho, štož Jezus je započal činić a tež wučić,

2. Hač do teho dnja, hdyž wón horje wzaty bu, jako tym japoštołam (kotrychž wón wuzwolił běše) přikaznju dał bě přez swjateho Ducha,

3. Kotrymž wón tež po swojim čerpenju so žiwy zjewił běše přez wšelke wopokazanje a da so jim widjeć na štyrcyći dnjow a rěčeše z nimi wot Božeho kralestwa. *Luk. 17, 20. 21. Rom. 14, 17.*

4. A jako jich zhromadził běše, přikaza wón jim, zo bychu z Jerusalema njechodžili, ale čakali na Wótcowe slubjenje, kotrež (džeše wón) sće slyšeli wote

mnje.

Luk. 24, 49. Jan. 15, 26

5. Přetož Jan je z wodu křćil; ale wy dyrbiće ze swjatym Duchom křćeni być, nic dolho po tych dnjach. *Mat.*

3, 11. Mark. 1, 8. Luk. 3, 16. Jap. zk. 2, 2. St. 11, 16. St. 13, 24. St. 19, 4.

6. Ći pak, kiž hromadu přišli běchu, prašachu jeho a džachu: Knježe, budžeš ty na tón čas zaso postajić Israelske kralestwo? *Luk. 24, 21*

7. Wón pak džeše k nim: Wam njesluša wjedzić čas abo štundu, kotruž tón Wóćez do swojeje mocy sam položil je;

8. Ale wy budžeće tu móc teho swjateho Ducha dostać, kotryž na was přińć budže, a budžeće moji swědkojo nic jeno we Jerusaleme, ale tež w cyłym židowskim a Samariskim kraju a hač do kónca zemje.

9. Jako wón to běše prajił, bě wón horje zběhnjeny, zo woni to widžichu, a mróćel wza jeho před jich woćomaj přeč. *Mark. 16, 19. Luk. 24, 51*

10. A jako woni za nim hladachu w jeho horjeztpiću do njebjes, hlaj, tuž steještaj při nich dwaj muskaj w bělej drasće,

Luk. 24, 4: Jan. 20, 12.

11. Kotrajž tež džeštaj: Wy Galilejczyzy mužojo, što wy stejo do njebjes hladaće? Tón Jezus, kiž je wot was horje wzaty do njebjes, budže tak přińć, kaž jeho widžili sće k njebjesam horje ztpić.]

Luk. 21, 27. 1 Thes. 4, 16.

12. Tehdy wróćichu so woni do Jerusalema, z hory, kotrejž rěkaju wolijowa hora, kotraž je blisko při Jerusalemje a leži sobotny puć wot města.

Luk. 24, 50. 51. 52.

13. A jako běchu nutř zašli, džěchu woni horje na ľubju, hdžež přebywachu Pětr a Jakub, Jan a Handrij, Philipp a Tomaš, Bartrom a Matthej, Jakub, Alfeowy syn, a Šiman želotes a Judaš Jakubowy.

Mat. 10, 2.

14. Ći sami wšitcy běchu stajnje zhromadźeni w jenej mysli na modlitwje a próstwje, ze žonami a z Marju, tej maćerju Jezusowej, a z jeho bratrami.

St. 2, 1. 422. St. 4, 24.

Tekst na njedźelu Exaudi. LII.

15. [A w tych dnjach postanu Pětr srjedža bjez tymi póslami (mjenow pak teho luda běše hromadže na sto a dwacyći) a džeše:

16. Wy mužojo a bratřa, to pismo dyrbeše dopjelnjene być, kotrež prjedy prajil je tón swjaty Duch přez Dawidowy rt, wot Judaša, kiž tych wjedžeše,

kotřiž Jezusa jimachu. *Ps. 41, 10. Jan. 18, 3*

17. Přetož wón bě bjez nas rachnowany a běše tón hamt z nami dóstał. *Luk. 6, 16.* 18. A tón je zwar rolu warbowal za tu njeprawu mzdu a je so wobwjesyl a je so srjedža rozpuknuł a wšitke swoje črjewu wukidał. *Sach. 11, 13. Mat. 27, 5.*

19. A to je zjewjene wšitkim, kiž we Jerusalemje bydla, tak zo ta sama rola mjenowana budže po jich rěči Hakeldama, to je krwawna rola. *Mat. 27, 7. 8.*

20. Přetož pisane steji w pzalmzkich knihach: Jich wobydlenje dyrbi puste być a njebudže nihtó w nim bydlić a jeho bizkopstwo dyrbi druhi dostać. *Ps. 69, 26. Ps. 109, 8.*

21. Teho dla so słuša, zo wot tych mužow, kotřiž při nas byli su tón cyły čas, w kotrymž tón Knjez Jezus bjez nami je won a nutř chodžil,

22. Počawši wot Janoweje krćenicy hać na tón dzeń, kotryž wón wot nas horje wzaty je, jedyn bjez nimi wuzwoleny budže, kiž by swědk jeho horjestaća z nami był.

23. A woni postajichu dweju, Jozepa, z mjenom Barzabasa, z přimjenom Juzta, a Matthiasa;

24. Modlachu so a džachu: Knježe, kiž ty wšitkich wutroby znaješ, pokaž jeneho, kotrehož ty wuzwolił sy bjez tymaj dwěmaj,

Pj. 7,

10.

25. So by dóstał tu službu a japoštołzki hamt, wot kotrehož Judaš je wotstupił, ducy na swoje miězto.

26. A woni losowachu nad nimaj; a lós padže na Matthiasa, a wón bu pširachnowany k tym jědnaće japoštołam.] *Přist. 16, 33*

2. Staw.

Wuleće swjateho Ducha, wot Pětra z wužitnym přědowanjom zamolwjene.

Sćenje a tekst III na swjatočničku.

1. [A jako tón džen tych swjatkow dopjelnjeny běše, běchu woni wšitcy w jenej mysli hromadže. *St. 1, 14.*

2. A sta so nahle šumjenje z njebjes, jako mózneho wětra, a napjelní tón cyły dom, w kotrymž sedžichu.

3. A jazyki běchu nad nimi rosdžělene k wohladanju, jako bychu wohenjowe byle. A wón synu so na kóždeho bjez nimi; *Mat. 3, 11. Mark. 1, 8. Luk. 3, 16.*

4. A buchu wšitcy pošli swjateho Ducha a počachu rěčeć z druhimi jazykami, kaž jim tón Duch da wurycěć. *St. 1, 5. St. 10, 44. St. 11, 15. St. 19, 6.*

5. Přebywachu pak židži we Jerusalemj, či běchu bohabojazni mužojo ze wšeho luda, kiž pod njebjom je.

6. A hdyž so tón hlós sta, zeždže so ta zhromadźizna a změša so; dokelž kóždy słyšeše, zo z jeho rěču ryčachu. *Št. 7. 12.*

7. Woni pak wšitcy buchu zatorhnjeni, dźiwachu so a dźachu bjez sobu:

Njejsu, hlaj, či wšitcy, kiž ryča, Galilejcy? *Št. 6.*

12.

8. Kaha dha zo my jich słyšimy kóždy po swojej rěči, w kotrejž narodženi smy?

9. Partzzy a Medizzy a Elamitizzy a kiž my bydlimy w Mezopotamskej, Židowskej a Kappadoziskej, Pontiskej a Aziskej,

10. Phrigiskej a Pamphiliskej, Egypťowskej a na stronach Libijskeje, při Kirenskej, a kotřiž my smy cuzomnicy z Roma,

11. Židža a kiž smy k židowskej wěrje přistupili, Kretizzy a Arabizzy; my jich słyšimy, zo z našimi jazykami ryča te wulke dźiwu Bože.

12. Woni pak wšitcy buchu zatorhnjeni a njewědžachu, na čim su, a dźachu jedyn k druhemu: Što zechce z toho być? *Št. 6. 7.*

13. Druzy pak so jim smějachu a dźachu: Woni su so w slódkim winje wopili.]

Sćenje a tekst III na 2. swjedžen swjatkow.

14. [Tuž postaže Pětr z tymi jědnaće, pozběže swój hlós a rěčeše k nim: Wy Židža, lubi mužojo, a wy wšitcy, kiž wy we Jerusalemj bydliće, to budź wam zjewjene a zapšimńće te moje słowa z wašimaj wušomaj.

15. Přetož tući njejsu pjeni, jako so wam zda; dokelž nětk je tzeća štunda teho dnja;

16. Ale to je, štož přez profeta Joela prjedy je připowědane:

17. A budže so stać w poslenich dnjach, praji Bóh, ja chcu wuleć wot mojeho Ducha na wšitko ćelo; a waši synojo a džowki budža wěšćić, a waši młodźency budža widženja widzieć, a waši starši budža sony měć; *Joel. 2, 28. St. 21, 9.*

18. Tež na mojich wotročkow a na moje džowki chcu ja w tych samych dnjach wot mojeho Ducha wuleć, a woni budža wěšćić.]

19. A ja chcu dźiwy činić horjekach na njebju a zejchi delekach na zemi, krej a woheń a paru dymowu;

20. Sslónzo budže so přewobroćić do ćemnosće a měsz do krwě, prjedy dyžli tón wulki a zjawny džen teho Knjeza přińdže;

21. A budže so stać, zo kóždy, štož so k temu mjenu teho Knjeza woła, budže zbóžny. *Rom. 10, 13.*

22. Wy mužojo Israelscy, słyšće tute słowa: Jezusa Nacarenskeho, muža wot Boha bjez wami ze skutkami a dźiwami a zejchami wopokazaneho, kotrež Bóh přez njeho činješe bjez wami (kaž tež wy to sami wěšće), *St. 10, 38.*

23. Teho (z wobzanknjenej radu a z prjedywjedženjom Božim podateho) sće wy wzali přez rucy tych njeprawych, a sće jeho psibili a morili. *St. 4, 29. Luk. 22, 22.*

24. Teho je Bóh zbudził, roswjazawši te bolozće teje smjerće; přetož móžno njeběše, zo wón wot njeje mohł dźeržany być. *St. 3, 15.*

25. Přetož Dawid praji wot njeho: Ja sym teho Knjeza kóždy čas před mojej woči ztažil; přetož wón je mi na prawicy,

zo bych njebył hmuty; *Ps. 16, 8 a.*

26. Teho dla zwjeseli so moja wutroba a mój jazyk so zraduje; přetož moje ćelo budže wotpočować w nadźiji;

27. Přetož ty njebudžeš moju dušu w heli wostajić, ani tež njebudžeš dopušćić, zo by twój swjaty to zahinjenje widźil.

28. Ty sy mi k wědženju činił puće teho žiwjenja, ty budžeš mje napjelnić z wjesołosću před svojim wobličom.

29. Wy mužojo, lubi bratřa, njech ja chroble k wam rěču wot patriarchi Dawida: Wón je wumřel a pohrjebany, a jeho row je pola nas hač do džensnišeho dnja. *1 Kral. 2, 10. Jap. zk. 13, 36.*

30. Jako nětk profeta běše a wjedžeše, zo jemu Bóh z přisahu běše slubił, zo z płoda jeho ledźbow po čele budže Chrystusa zbudzić a na jeho stoł sadzić; *Ps. 89, 4 5. Ps. 132, 11.*

31. Je wón to prjedy widźil a rěčał wot teho horjestawanja Khryztusoweho, zo jeho duša w heli njeje woztajena a jeho ćelo to zhniće njeje widźilo. *Ps. 16, 10. Jap. zk. 13, 35.*

32. Tuteho Jezusa je Bóh zbudził, teho smy mo zoi swědkojo. *St. 3, 15.*

33. Nětk, dokelž wón přez tu prawicu Božu je powyšeny a dóstał tón slub teho swjateho Ducha wot Wótca, dha je wón to wulał, štož wy nětk widźiće a słyšiće.

34. Přetož Dawid njeje stupił do njebjes. Wón praji pak: Tón Knjez je prajił k mojemu Knjezej: Ssyn so k mojej prawicy, *Ps. 110, 1. Mat. 22, 44. 1 Kor. 15, 25. Hebr. 1, 13.*

35. Hač ja položu twójch njepřećelow za podnožki twójch nohow.

36. Tuž wjedź teho dla cyła Jzraelzka chěža zawěsće, zo Bóh tuteho sameho Jezusa, kotrehož wy sće křižowali, za Knjeza a Chrysta je postajił.

37. Jako woni pak to słyšachu, džěše jim to přez wutrobu a džachu k Pětrej a k tym druhim japoštołam: Wy mužojo, lubi bratra, što mamy činić? *St. 9, 6.*

Tekst na swjedžen swj. Trojicy. III.

38. [Pětr patk džeše k nim: Činće pokutu a dajće so kóždy křící na to mjeno Jezom Chrysta k wodaću tych hrěchow; dha budžeće dostać tón dar teho swjateho Ducha. *Mat. 3, 2. Jap. zk. 19, 6.*

39. Přetož wam a wašim džěcom je so to slubjenje stało a wšitkim, kiž daloko su, kotrychž Bóh, naš Knjez, budže powolać.] *Joel. 2, 32.*

40. Tež z wjele wjazy słowami wobswědči wón a napominaše jich, rjeknywši: Dajće sebi pomhać wot tych wrótnych ludźi.

41. Kotřiž teho dla jeho słowo radži horje wzachu, su wukšćeni a buchu pšiztajeni tón samy džen wokolo třoch tawzynt dušow.

Tekst na 1. njedželu po swj. Trojicy. III.

42. [Woni pak wostachu wobstajni we wučbje tych japoštołow a w gmejntwje a we łamanju teho chléba a w próstwje. *Št. 1. St. 1, 14.*

43. Bojosć pak tež přińdže na wšitkich, a sta so wjele džiwow a zejchow přez tych japoštołow.

44. Wšitcy pak, kotřiž wěřachu, běchu zhromadzeni a mějachu wšitko přez jene. *St. 4, 32.*

45. A předawachu swoje kubła a žiwnosće a džělachu je bě wšitkich, za tym hač komu potřebne běše.

46. A běchu wšědnje a stajnje hromadže we jenej mysli w templu, łamachu tón chléb tam a sem w domach, wzachu jědź z wjesołosću a z pokojnozću teje wutroby; *St. 20, 7.*

47. Chwalachu Boha a mějachu hnadu pola cyłego luda. Tón Knjez pak přida wšědnje tej cyrkwi, kotřiž buchu zbóžni.] *St. 4, 4. St. 5, 14. St. 11, 21.*

3. staw.

Pětrowy džiw na khromym a přédowanje wo Chrystusu k pokuće.

Tekst na 2. njedželu po swj. Trojicy. III.

1. [Pětr pak a Jan džěštaj horje hromadže do templu w džewjatej štundže, hdyž so k Bohu modlachu.

2. A běše jedyn muž, chromy wot swojeje maćerje žiwota hew, a da so nosyć, kotrehož sadžachu wšědnje před durje teho templu, kotrymž rěkachu te rjane, zo by prosył smilny dar wot tych, kotřiž do templu chodžachu. *St. 8, 7. St. 14, 8.*

3. Jako tón wuhlada Pětra a Jana, zo chzyštaj hić do templa, prošeše wón jeju pře smilny dar.

4. Pětr pak pohlada na njeho z Janom a džeše: Pohladaj na naju!

5. A wón na njeju pohlada, nadźiwši so, zo budže něšto wot njeju dostać.

6. Pětr pak džeše: Sslěboro a złoto ja nimam; štož pak mam, to same ći dam: W mjenje Jezom Chrysta, teho Nacarenskeho, postań a chodź! *St. 14, 9. 10.*

7. A zapšijawši jeho za jeho prawu ruku pozběže jeho. A hnydom buchu wobtwjerdžene jeho nohi a kosće; *Mat. 8, 15. St. 9, 25.*

8. A wón pozkočiwši stanu a chodžeše a džeše z nimaj do templa, chodžeše a zkakaše a chwaleše Boha. *Jez. 35, 6.*

9. A wšitkón lud widžeše jeho, zo chodžeše a chwaleše Boha;

10. A póznachu jeho, zo wón tón běše, kotryž na jałmožinu sedžeše před tymi rjanymi durjemi teho templa; a buchu napjelnjeni ze ztrachom a z dźiwom na tym, štož so jemu stało běše.]

11. Jako pak so tón wustrowjeny chromy dźeržeše k Pětrej a k Janej, zběža so k njemu wšitkón lud do pšitwarka, kotremuž rěkachu Salomonowuy, a dźiwachu so. *St. 5, 12.*

12. Jako to pak Pětr widžeše, wotmołwi wón ludu: Wy mužojo Israelscy, što so temu dźiwaće? Abo što na naju hladaće, jako byľaj mój přez naju móc a zaslužbu činiľaj, zo tón chodźi?

13. Bóh Abrahama, Izaaka a Jakuba,

Bóh našich wótcow, je překrasniľ swojeho Syna Jezusa, kotrehož wy sće podali a zapřěli před Pilatom, kotryž sudžeše, zo by pušćeny byľ. *2 Mójz. 3, 6. 15. 16. Jap. zk. 5, 30. St. 2, 23. St. 7, 52.*

14. Wy sće pak teho swjateho a praweho zapřeli a prošeše, zo by wam tón mordar k lubosći daty byľ; *Mat. 27, 20. 21. Mark. 15, 11. Luk. 23, 18. Jan. 18, 14.*

15. Ale teho Knjeza teho žiwjenja sće wy morili, kotrehož je Bóh zbudźiľ wot morwych. Teho smy my swědkojo. *St. 2, 24. 32. St. 4, 10. St. 10, 40. St. 13, 80. 34. St. 17, 31. Rom. 4, 24. St. 8, 11. 1 Kor. 6, 14. St. 15, 4. 15. 2 Kor. 4, 14.*

16. A přez tu wěru na jeho mjeno je wón na tym, kotrehož wy widźiće a znajeće, wobtwjerdźiľ swoje mjeno; přetož ta wěra, kotraž přez njeho je, je dała temu tu pohu ztrowozć před wami wšitkimi.

17. Ale nětk, lubi bratřa, ja wěm, zo sće to z njewědomnozću činili, jako tež waši wyši.

18. Bóh pak, štož wón přez rt wšitkich swojich profetow je prjedy powědźiľ, zo Chrystus ćerpić ma, to je wón tak dopjelnĩ.

19. Teho dla pokućejće a wobroće so, zo bychu waše hrěchi zahubjene byľe; *St. 2, 38.*

20. So by přišoľ čas teho wokšewjenja wot woblića teho Knjeza, hdyž budže pósłać teho, kiž wam prjedy pšipowjedany je, Jezom Chrysta, *Dan. 7, 22. 27. Rom. 8, 21. Zjew. 20, 6.*

21. Kotryž ma te njebjesa nutř wzać, hać do časa zasopoztajjenja wšitkich

wěcow, kotrež Bóh rěčał je přez rt
wšitkich svojich swjatych profetow, wot
spočatka teho swěta.

***Tekst na 4. njedźelu ad-
wenta. IV.***

22. [Mójzas je derje k tym wótcam rěčał:
Profeta budže wam zbudzić tón Knjez
waš Bóh z wašich bratrow, jako mje;
teho maće wy posłuchać we wšitkim,
štož wón k wam rěčeć budže; 5 Mójz.
18, 15.

23. A to so budže stać, zo kóždy duša,
kotraž njebudže posłuchać teho sameho
profeta, budže wutupjena z teho luda.

24. Přetož tež wšitcy profetojo wot
Samuela hew a potom, kaž wjele jich je
ryčało, su připowědali te same dny.

25. Wy sće synojo tych profetow
a teho zakonja, kotryž Bóh je sćinił z
našimi wótcami, ryčawši k Abrahamej:
A w twójim symjenju budža žohnowane
wšitke narody teje zemje. 1 Mójz. 12, 3.
St. 22, 18.

26. Wam je najprjedy Bóh zbudził
swoje džěco Jezusa a jeho pósłał, zo by
was žohnował, zo by so kóždy wobroćil
wot svojich zlózcow.] St. 13, 46.

4. staw.

***Japoštołow přesćěhanje,
wěrjacych zhromadne
modlenje, khodženje a
zadžerženje.***

Tekst na Bože spěće. III.

1. Jako wonaj pak k ludu rěčeštaj,
přistupichu k nimaj ći měšnicy a teho
templa hejtmán a ći Sadduzejzzy, Luk.
22, 4. 52.

2. (Tych mjerzaše, zo wonaj lud
wučeštaj a připowědaštaj we Jezusu to
horjestaće tych morwych),

3. A kładźichu rucy na njeju a po-
dachu jeju do jastwa hač do jutzišeho
dnja; přetož nětk běše wječor.

4. Ale wjele wot tych, kotřiž to słowo
słyšachu, wěrjachu; a tych muskich bu
wokoło pjeć tawzyntow. St. 2, 47.

5. A sta so nazajtra, zo so zhro-
madźichu jich wyši a starši a pis-
mawučeni do Jerusalema:

6. Hanas, tón wyši měšnik, a Ka-
jphas, Jan a Aleksander, a kaž wjele jich
běše z rodu wyšeho miěšnika; St. 5, 17.
Luk. 3, 2.

7. A postajichu jeju bjez so a
prašachu: S kajkeje mocy abo w kotrym
mjenje staj wój to činiłaj? Mat. 21, 23.

***Tekst na 3. njedźelu po swj.
Trojicy. III.***

8. [Tuž rjeknu k nim Pětr, polny sw-
jateho Ducha: Wy wyši teho luda a
starši Israelscy! Luk. 12, 11.

9. Jeli zo mój džens budžemój sudženaj teje dobroty dla, kotruž mój na tym bědnym smój činiłaj, přez kotruž wón je wustrowjeny; *Jan. 10, 32.*

10. Dha budź wam a wšitkemu ludu Israelskemu wědomne, zo w tym mjenje Jezom Chrysta teho Nacarenskeho, kotrehož Bóh wot morwych je zbudził, přez teho steji tón před wami strowy. *St. 3, 15.*

11. Tón samy je tón kamjeń, wot was čěslow začisnjeny, kotryž rózkný kamjeń je sčinjeny. *Pj. 118, 22. Jez. 28, 16. Mat. 21, 42. Luk. 20, 17. Rom. 9, 33. 1 Pětr. 2, 7.*

12. A njeje w žanym druhim ta zbóžnosť; tež njeje žane druge mjeno pod njebjom date tym čłowjekam, w kotrymž my móhli zbóžni być. *Mat. 1, 21.*

13. Woni pak pohladachu na Pětra a Jana khrobložc a wědzachu, zo staj njewučenaj a njewuztataj čłowjekaj; tuž so dźiwachu; přetož woni jeju derje znajachu, zo staj při Jezusu byłaj.

14. Teho čłowjeka pak tež widžichu při nimaj stejo, kotryž běše wustrowjeny, a njemějachu ničo přečiwo řećeć. *St. 3, 8. 9.*

15. Pšikazachu pak jimaj, zo byštaj won wustupiłaj z rady, a dđeržachu radu bjez sobu,

16. A džachu: Što chcemy tymaj čłowjekomaj činić? dokelž jeju zjawny zejch, kotryž přez njeju so bě stał, wšitkim wobydlnikam we Jerusaleme je znajomny a my to zapřec njemóžemy.

17. Ale zo by ta wěc dale bjez ludźi njebyła rosnjesena, zakažmy jimaj

surowje, zo byštaj wjazy wot teho mjena žadnemu čłowjekej njeprašaj. *St. 5, 28.*

18. A zawołachu jeju, zakazachu jimaj, zo njebyštaj nihdy ničo ryčałaj ani wučilaj we Jezusowym mjenje.

19. Pětr a Jan pak wotmołwištaj jim a džeštaj: Ssudźće wy sami, hač před Bohom je prawje, zo bychmój mój was bóle posłuchałaj, dyžli Boha? *St. 5, 29.*

20. Mój so wšak teho njemóžemój wostajić, zo bychmój njeryčałaj, štož smój widžilaj a słyšałaj.

21. Ale woni jimaj hrožachu a puščichu jeju a njenamakachu ničo, kak bychu jeju čwilowali, luda dla; přetož wšitcy chwalachu Boha za to, štož so běše stało.

22. Přetož tón čłowjek běše přez štyrcyći lět stary, na kotrymž so tón zejch teho wuztrowjenja běše stał.]

Tekst na 4. njedželu po swj. Trojicy. III.

23. [A jako nětk přeč pušćenaj běštaj, přińdžeštaj wonaj k tym swojim a připowědaštaj jim, štož jimaj ći wyši měšnicy a starši běchu prajili. *St. 1, 13.*

24. Jako woni to słyšachu, pozběžechu woni swój hlós w jenej mysli k Bohu a džachu: Knježe, ty sy tón Bóh, kiž činił sy njebjo a zemju a morjo a wšitko, štož w nich je; *1 Móž. 1, 1. Jez. 37, 16.*

25. Kiž sy přez rt Dawida, swojeho wotročka, prajil. Čoho dla zlobja so póhanjo, a ludžo wumysla sebi prózne ryče? *Ps. 2, 1.*

26. Kralojo teje zemje pšiztupja, a knježa zkladuja hromadže radu přećiwo temu Knjezej a jeho Chrystusu.

27. Zawěrnje haj, woni su so zhromadžili w tutym měsće na twoje swjate džěco Jezusa, kotrehož ty žalbowal sy, Herodas a Pontius Pilatus z pohanami a z Israelskim ludom,

28. So bychu činili, štož twoja ruka a twoja rada je prjedy poztažila, zo by so stało. *St. 2, 23.*

29. A nětk, Knježe, pohladaj na jich hroženja a daj svojim služomnikam, zo bychu ze wšej chrobłosću twoje słowo řečeli, *St. 13, 46. St. 14, 3.*

30. A rozpšeztrě) swoju ruku, zo bychu wustrowjenje a zejchi a džiwy so stałe přez to mjeno twojeho swjateho džěsća Jezusa.

31. A hdyž so woni běchu modlili, zarža to město, na kotrymž běchu zhromadženi; a buchu napjelnjeni wšitcy ze swjatym Duchom a ryčachu to słowo Bože z chrobłosću.] *St. 2, 2. St. 16, 26.*

32. A teje zhromadžizny tych wěrjacych běše jena wutroba a duša; a žadyn njepraješe wot svojich žiwnozcow, zo jeho su, ale wšitko mějachu přez jene. *St. 1, 14.*

33. A z wulkej mozu dawachu či japoštoli swědčenje wot teho horjestaća teho Knjeza Jezusa, a běše wulka hnada nad nimi wšitkimi. *St. 1, 22. St. 2, 24.*

34. Tež njebě žadyn bjez nimi, zo by potrjebny był; přetož tak wjele hač jich běše, kotřiž role abo chěže mějachu, předachu je a přinjesechu te pjenjezy za to, štož běchu pšedali, *St. 2, 45.*

35. Kładžechu je k noham tych

japoštołow a rosdawachu kóždemu, štož jemu běše potřěbne. *5 Mójz. 15, 11.*

36. Jozes pak, kiž wot japoštołow běše Barnabas mjenowany (to budže wukładžene: syn teho trošta), Lewita z roda, Ziprizki,

37. Tón měješe polo, a wón předa jo, přinjese te pjenjezy a položi je k noham tych japoštołow.

5. staw.

Ananiasa a Saphiry nahła smjerć, japoštołow jastwo a wumoženje.

1. Jedyn muž pak, z mjenom Ananias, ze Saphiru, swojej žonu, předa swoje kubło,

2. A wza něšto wot tych pjenjěz, zo jeho žona wo tym wjedžeše, a přinjese někajki kus tych samych a položi je k noham tych japoštołow. *St. 4, 37.*

3. Pětr pak džeše: Ananiaso, čoho dla je zatan twoju wutrobu napjelnil, zo ty zelhaš swjatemu Duchu a wotwobročiš něšto wot tych pjenjěz za kubło? *Jan. 13, 2.*

4. Njeje, štož sy měł, to twoje było? A jako ty jo běše pšedał, njewosta wone tež w twojej mocy? Što dha sy sebi tajku wěc w swojej wutrobje prjódkwzał? Ty njejsy čłowjekam lhał, ale Bohu.

5. Jako pak Ananias te słowa wusłyša, padže wón dele a da swojeho ducha horje. A wulki strach přindže na wšitkich, kotřiž to słyšachu.

6. A ěi młodźency postažechu a položichu jeho na stronu, njesechu jeho won a pohrjebachu jeho. *3 Mójz. 10, 4. 5.*

7. Sta so pak po chwili, něhdže po třoch štundach, dha přińdže tež jeho žona nutř a njewědžeše, što so stało běše.

8. A Pětr rjeknu k njej: Powjes mi, staj wój tu rolu za tak wjele pšedaľaj? A wona džeše: Haj, za tak wjele.

9. Tuž džeše Pětr k njej: Što dha staj wój so hromadže zryčalaľ, zo byštaľ teho Knjeza Ducha zpytaľaj? Hlaľ, te nohi tych, kotřiž su twojeho muža pohrjebali, su před durjemi a budža tebjě won njesć.

10. A hnydom padže wona k jeho nohomaj a spuści ducha. A młodźency přińdžechu, namakachu ju morwu, wunjesechu ju a pohrjebachu ju při jeje mužu.

11. A wulka strachota přińdže na cyłu zhromadźiznu a na wšitkich, kotřiž to słyšachu.

12. Sta so pak přez rucy tych japoštołow wjele zejchow a džiwow w ludu (a běchu wšitcy we jenej mysli w Salomonowym pšitwarku).

13. Tych druhich pak njesměše so žadyn k nim pšidać; přetož lud wjele do nich dđeržeše.

14. Wjele pak tych so přida, kotřiž wěrychu do teho Knjeza, mucy a žónske); *St. 2, 47.*

15. Tak zo tych chorych na hasy won wunjesechu a kładžechu jich na poslešća a na lóžka, tak, hdy by Pětr přišoľ, zo by jeho zčěn někotreho tych samych wobzčěniľ. *St. 19, 11. 12.*

16. Tež wjele z tych wokolnych městow přińdžechu do Jerusalema a přinjesechu chorych a kotřiž wot nječistych duchow běchu čwělowani; a wšitcy buchu wustrowjeni.

17. Wyši měšnik pak postaže a wšitcy, kotřiž z nim běchu (to běše to Sadduzejzke kezařstwo), a buchu napjelnjeni ze zawizću, *St. 4, 1.*

18. A kładžechu swojej rucy na tych japoštołow a podachu jich do gmejnskeho jastwa.

19. Ale jandžel teho Knjeza wotewri w nocy durje teho jastwa, wuwjedže jich a rjeknu: *St. 12, 7.*

20. Džiće a ztupće a ryčće w templu k ludu wšitke te słowa teho žiwjenja. *Jan. 12, 50.*

21. Jako woni to słyšachu, džěchu woni při switanju do templa a wučachu. Přińdže pak wyši měšnik a ěi, kiž při nim běchu, zawoľachu radu a wšitkich staršich tych Israelskich džěći a pšlachu do jastwa, zo bychu woni pšiwjedženi byli. *St. 4, 5.*

22. A jako ěi služomnicy tam přińdžechu, njenamakachu woni jich we jastwje a wróćichu so a připowjedachu to,

23. A džachu: Jastwo my derje namakachmy zanknjene ze wšej swěrnózću a tych wajchtarjow wonka ztejazyh před durjemi; jako my pak te same wotewrichmy, njenamakachmy žaneho nutřkach.

24. Jako tu ryč słyšachu tón wyši měšnik, tón hejtman teho templa a ěi druzy wyši měšnicy, njezrozumichu

woni, što to z teho budže.

25. Jedyn pak přindže a připowědaše jim: Hlaj, či mužojo, kotrychž sće do jastwa ćisli, su w templu, steja a wuča lud.

26. Tuž woteńdže tón hejtman ze služomnikami a přiwjedže jich, nic z mozu; přetož woni so luda bojachu, zo bychu kamjenjowani byli.

27. A jako jich běchu přiwjedli, postajichu jich před radu. A wyši měšnik prašeše jich,

28. A džeše: Njejsmy my wam twjerdže zakazali, zo byšće njewučili w tym mjenje? A hlaj, wy sće Jerusalem napjelnili z wašej wučbu a chceće teho čłowjeka krej na nas přiwjesć. *St. 4, 18. St. 2, 23.*

29. Pětr pak wotmołwi a či japoštoli a džachu: Bóle Boha so słuša posluhać, dyžli čłowjekow.

30. Bóh našich wótcow je zbudził Jezusa, kotrehož wy sće skóncowali a na drjewo pójsnyli. *St. 3, 15.*

31. Teho je Bóh přez swoju prawicu powyšil za Knjeza a za zbóžnika, zo by Israelej dał pokutu a wodaće tych hrěchow. *St. 2, 33.*

32. A my smy jeho swědkojo nad tym, štož rěčimy, a tež swjaty Duch, kotrehož Bóh dał je tym, kotřiž jeho posluhaju. *Luk. 24, 418. Jan. 15, 26.*

33. Jako woni pak to slyšachu, mjerzaše to jich we jich wutrobach a myslachu jich morić.

Tekst na 5. njedželu po swj. Trojicy. III.

34. [Tuž postaže w radže jedyn tych Farizejskich, z mjenom Gamaliel, pis-mawučeny, wysocy waženy před wšitkim ludom, a kazaše, zo bychu či japoštoli na mału chwilu won wuwjedženi byli, *St. 22, 3.*

35. A džeše k nim: Wy mužojo Israelscy, kedžbujće na tych čłowjekach, što byšće měli činić.

36. Před někotrymi dnjemi staže Theudas a džeše, zo wón něšto je, a dźeržeše so k njemu na štyri sta muskich; tón je zabity, a wšitcy, kotřiž pha. nim stejachu, su rozpróšeni, zo jich žadyn wjazy njeje.

37. Po nim postaže Judaš Galilejski, w času teho zapisanja, a wuwjedže wjele luda za sobu; a tón je tež kónc wzał, a wšitcy, kiž při nim stejachu, su rozpróšeni.

38. A nětk wam praju: Dajće pokoj tym ludžom a pušće jich. Přetož jeli ta rada abo tón skutk wot čłowjekow, dha budže zahynýć. *Mat. 15, 13. N.t.*

39. Jeli pak wot Boha, njebudžeće wy to móc skazyć, zo byšće wy snadnje namakani njebyli, jako kiž so Bohu pšeciwwja. *St. 9, 5.*

40. Tuž jemu prawo dachu a zawołachu tych japoštołow, šwikachu jich a zakazachu jim, zo bychu njerěčeli w mjenje Jezusowym, a puščichu jich. *St. 22, 19.*

41. Woni pak z wjesołosću woteńdžechu wot wobliča teje rady, zo běchu dostojni byli, jeho mjena dla

hanibu ćerpić;

42. A njepšeztachu kóždy dzeń w templu a po chěžach wučić a přédować to ewangelion wot Jezom Chrysta.]

6. staw.

**Wo zaztojnikach
jałmožinow; wobzkorženje
Sćěpana.**

***Tekst na 6. njedželu po swj.
Trojicy. III.***

1. [A w tych samych dnjach, jako wučomnicy přiběrachu, sta so mórčenje wot Grichizkich napřećiwo židam, zo jich wudowy we wšědnej službje zapomnjene buchu.

2. Tuž zawołachu ći dwanaćo tu zhromadźiznu tych wučomnikow a džachu: To so njeshuša, zo bychmy my so słowa Božeho wostajili a služili k blidam.

3. Teho dla, lubi bratřa, roshladajće so po sydom mužach bjez wami, kotřiž dobru chwalbu maja a su połni swjateho Ducha a mudrosće, kotrymž tu prózu bychmy poručili; *1 Tim. 3, 7. 8.*

4. My pak chcemy při modlitwje a při tej službje teho słowa wostać.

5. A ta ryč so cyłej zhromadźiznje spodobaše; a wuzwolichu Sćěpana, muža poľneho wěry a swjateho Ducha, a Philippa a Prochora a Nikanora a Timona a Parmena a Mikławša Anti-ochizkeho, kiž k wěrje pnje běše.

6. Tych wone před japoštołow postajichu, kotřiž so modlachu a kładžechu

rucy na nich.

St. 1, 24.

7. A to słowo Bože rosćeše, a tych wučomnikow we Jerusaleme bu bórzy jara wjele. Tež wjele wot tych měšnikow buchu tej wěrje poslušni.] *St. 19, 20.*

***Tekst na 7. njedželu po swj.
Trojicy. III (a).***

8. [Schćěpan pak, poľny wěry a mocy, činješe džiwu a wulke zejchi bjez ludom.

9. Tuž ztanuchu někotři z teje šule, kotraž budže mjenowana tych Libertinzkich a Zirenzkich a Alexandrizkich a tych, kiž z Zilizizkeje a z Aziskeje běchu, a woprašowachu so ze Schćěpanom.

10. A woni njemóžachu napřećiwo stać tej mudrosći a duchu, z kotrymž wón řečeše.

11. Tuž nawučichu woni někotrych muskich, ći džachu: My smy jeho slyšeli leztražke słowa ryčo přećiwo Mójzasej a přećiwo Bohu.

12. A nawabichu tón lud a tych staršich a pismawučenyh; a přistupiwši k njemu toržechu jeho sobu a wjedžechu jeho před radu;

13. A postajichu falšnych swědkow, kotřiž džachu: Tón čłowjek njepšeztanje řečeć leztražke słowa přećiwo temu swjatemu městu a zakonju;

14. Přetož my smy slyšeli, zo wón praji: Jezus tón Nacarenski budže to město roslamać a pšeložić te wuztajenja, kotrež nam Mójzas poručil je.

15. A woni pohladachu na njeho wšitcy, kiž w radže sedžichu, a widžichu jeho wobličo, jako jandželske wobličo.]

7. staw.

Scěpana přědowanje, mar- tra a smjerć.

1. Tuž džeše wyši měšnik: Ma so dha to tak?

2. Wón pak džeše: Wy mužojo, lubi bratřa a wótcojo, poslušajće. Bóh teje krasnozće je so zjewił na- šemu wótcu Abrahamej, jako wón w Mezopotamskej běše, prjedy dyžli wón bydleše w Haranje;

3. A džeše k njemu: Wuńdź z twojeho kraja a wot twojeho pšecelztwa a dži do kraja, kotryž ja ći pokazać budu. *1 Mójz. 12, 1.*

4. Tuž wón wuńdže z Chaldejzkeho kraja a bydleše w Haranje; a wot tudy, jako jeho nan bě wumřěl, pšenjese wón jeho do teho kraja, w kotrymž wy nětk bydliće. *1 Mójz. 12, 5. St. 15, 7.*

5. A njeda jemu herbstwo w nim, tež nic, zo by noha naztupila; hać wón jemu runje běše slubił, zo chce jemu tón samy dać k wobsynjenju a jeho symjenju po nim, jako hišće žaneho džěsća njeměješe. *1 Mójz. 12, 7: St. 18, 15. St. 15, 16.*

6. Bóh pak tak džeše: Twoje symjo budže cuzomnik w cuzym kraju, a woni budža jo do služby postajić a zlě zadžeržeć na štyri sta lět; *1 Mójz. 15, 13.*

7. Ale tón lud, kotremuž budža služić, chcu ja sudzić, džeše Bóh; a po tym budža woni wuńć a mi na tutym měsće služić;

8. A da jemu zakon teho wobrězanja. A na to tak płódžeše wón Izaaka a wobrěza jeho wosmy džen; a Jzaak

plódžeše Jakuba, a Jakub tych dwanaće patriarchow. *1 Mójz. 17, 10. St. 21, 4. St. 25, 26. St. 29, 31 : St. 30, 5 z.*

9. A ći patriarchojo zawidźiwši Jozephej předachu jeho do Egyptowskeje; ale Bóh běše z nim, *1 Mójz. 37, 28. St. 39, 1.*

10. A wumůže jeho ze wšeje jeho žałozće; a da jemu hnadu a mudrosć před Pharaonom, Egyptowskim kralom; a tón postaji jeho za fěrštu nad Egyptowsku a nad swój cyły dom. *1 Mójz. 41, 40 x.*

11. Přińdže pak drohi čas na cyłu Egyptowsku a Kananejzku zemju a wulka žałozć; tež naši wótcojo žanu žiwnosć njenamakachu. *1 Mójz. 41, 54.*

12. Jako pak Jakub słyšeše, zo — we Egyptowskej žito je, pósła wón našich wótcow k přenjemu won. *1 Mójz. 42, 1.*

13. A na druhi čas bu Jozef póznaty wot swojich bratrow, a Pharaonej bu Jozefowy narod zjewjeny. *1 Mójz. 45, 4.*

14. Jozef pak pósła won a da swojemu nanej Jakubej k sebi přińć a wšitkemu swojemu narodej, na sydom džesać a pječ dušow. *1 Mójz. 45, 9. 10.*

15. A Jakub čehnješe do Egyptowskeje, a tam wumřě wón a naši wótcojo; *1 Mójz. 46, 1. St. 49, 33.*

16. A su pšenjeseni do Sichema a položeni do pohrjeba, kotryž Abraham běše kupił za pjenjezy wot Hemorzkich džěći w Sichemje. *1 Mójz. 23, 16. 17. Joz. 24, 32.*

17. Jako so pak tón čas teho sluba přibliža, kotryž Bóh Abrahamej běše pšisahnuł, rosćeše tón lud a přisporješe so we Egyptowskej, *2 Mójz. 1, 7.*

18. Hač druhi kral nasta, kiž Jozepa njeznaješe.

19. Tón zakhadžeše lesnje z našim narodom a zadžerža našich wótcow zlě a dokonja, zo swoje džěcatka přeč čizkać dyrbjachu, zo bychy žiwe njewoztałe. *2 Mójz. 1, 22.*

20. W tym času narodži so Mójzas a běše krasne džěčo před Bohom, kiž bu zežiwnjeny na tři měsacy w swojeho nana domje. *2 Mójz. 2, 2. Hebr. 11, 23.*

21. Jako pak přeč položeny bu, wza jeho Pharaonowa džowka a zežiwi jeho sebi za syna. *2 Mójz. 2, 10.*

22. A Mójzas bu rozwučeny we wšej Egyptowskej mudrości, běše mócný w słowach a w skutkach.

23. Jako wón pak nětk štyrcyći lět stary bu, přinǵže jemu do mysłow, zo by swojich bratrow, te Israelske džěci, wohladał; *2 Mójz. 2, 11.*

24. A widžiwiši, zo jenemu so kšiwda sta, zasztupi wón jeho a wjeći so za teho, kotryž bjez winy čerpješe, a zabi teho Egyptowskeho.

25. Wón sebi pak mysleše, zo to jeho bratra budža zrozumić, zo Bóh jim přez jeho rucy zbože dawa; ale woni to njezrozumichu.

26. A nazajtra přinǵže wón k nim, jako so někotraj zwadžištaj, a jednaše jeju, zo byštaj měr džeržataj, a džeše: Lubaj mužej, wój staj bratraj, čoho dla dha sebi bjez sobu křiwdu činitaj? *2 Mójz. 2, 13.*

27. Tón pak, kiž bližšemu njeprawje činješe, wotehna jeho wot sebje a džeše: Štó je tebje postajił na naju za wyšeho a za sudnika?

28. Chceš ty mje tež zabić, jako ty wčera teho Egyptowskeho sy zabił?

29. Tuž čeknu Mójzas na to słowo a bu cuzomnik w Midianzkim kraju, hdžež so jemu dwaj synaj narodžištaj. *2 Mójz. 2, 15. Hebr. 11, 27.*

30. A za štyrcyći lět zjewi so jemu w pusćinje teje hory Sinai Knjezowy jandžel we wohenjowym płomjenju z kerka. *2 Mójz. 3, 2. 5 Mójz. 33, 16.*

31. Jako to pak Mójzas widžeše, džiwaše so wón na tym widženju. Jako wón pak přistupi, zo by jo wohladał, sta so hlós teho Knjeza k njemu:

32. Ja sym tón Bóh twójich wótcow, Bóh Abrahama a Bóh Izaaka a Bóh Jakuba. Mójzas pak zarža a njesmědžeše jo wobhladać. *Mat. 22, 32.*

33. Tón Knjez pak džeše k njemu: Suj so ztupnje z twójich nohow; přetož to město, na kotrymž ty ztejiš, je swjata zemja.

34. Ja sym derje widžił to złe mo-jeho luda, kiž we Egyptowskej je, a sym jich zdychowanje słyšał a sym nětk dele stupił, zo bych jich wumóhl. Nětk teho dla pój sem, ja chcu će do Egyptowskeje pósłać. *2 Mójz. 3, 10.*

35. Teho Mójzasa, kotrehož woni zaprěchu a džachu: Štó je će postajił za knjeza a za sudnika? teho, zo by knjez a wumožnik był, je Bóh pósłał přez jandželzku ruku, kiž jemu so w keřku je zjewił. *2 Mójz. 2, 14.*

36. Tón je jich wuwjedł a činješe džiwý a zejchi we Egyptowskim kraju, w čerwjnym morju a w pusćinje přez štyrcyći lět. *2 Mójz. 7, 10. St. 14, 21.*

37. Tón je tón Mójzas, kiž džeše k

tym Israelskim džěcom: Profeta budže wam Bóh tón Knjez zbudzić z wašich bratrow, runje jako mje, teho maće wy posłuchać.

5 Mójz. 18, 15.

38. Tón je, kiž běše w tej zhromadźiznje w pusćinje z jandželom, kiž z nim rěčeše na horje Sinai a z našimi wótcami; tón dósta to žiwe słowo Bože, zo by jo nam dał,

2 Mójz. 19, 3.

39. Kotremuž nochzychu waši wótcojo poslušni być, ale wotstorčichu jeho a wobroćichu so ze swojimi wutrobami do Egyptowskeje,

40. A rjeknychu k Aaronej: Sćiń nam bohows, kotřiž bychu prjedy nas šli; přetož my njewěmy, što so stało je temu Mójzasej, kiž nas je z Egyptowskeje zemje wuwjedł.

2 Mójz. 32, 1.

41. A sćinichu sebi w tych samych dnjach čelo a přinjesechu wopor pšibohej a zwjeselichu so na swojich rukow džěle.

42. Bóh pak so wobroći a poda jich, zo služachu njebjeskemu wójzku, kaž napisane steji w knihach tych profetow: Sće wy z Israelskeho doma mi hdy wopory a dary přinjesli přez te štyrcyći lět w pusćinje?

Jer. 19, 13. Am. 5, 25.

43. Haj, wy wzašće horje tu hětu Moloch a tu hwězdu wašeho boha Remphana, tež te znamjenja, kotrež wam sće činili, zo byšće so k nim modlili; ja chcu was teho dla začisnuć za Babilon.

44. Při našich wótzach běše ta hěta teho swědčenja w pusćinje, kaž jich nawučil běše tón, kiž z Mójzasom rěčeše, zo by ju činil po tym znamjenju, kotrež wón widźil běše;

2 Mójz. 25, 40. St. 26, 30. Hebr. 8, 5.

45. Kotruž tež wzachu naši wótcojo a přinjesechu ju z Jozuom do kraja, kotryž póhanjo wobsedźichu, kotrychž Bóh wuztorči wot wobliča našich Wótcow, hač do Davidoweho časa.

Joz. 3, 14.

46. Tón hnadu před Bohom namaka a prošeše, zo by město za hětu Jakubowemu Bohu namakał.

2 Sam. 7,

2. Ps. 132, 5.

47. A Salomon jemu dom natwari.

1

Kral. 6, 1.

48. Ale tón najwyšši njebydli w zyrkwjach, kiž z rukomaj su natwarjene, kaž profeta praji:

St. 17, 24. Jez. 66, 1.

49. Njebjo je mój stoł, ta zemja pak je podnožk mojich nohow; kajki dom dha chceće wy mi natwarić? praji tón Knjez, abo kotre je to město mojeho wotpočinka?

50. Njeje moja ruka to wšitko zćiniła?

51. Wy zasakli ludžo a njewobřezani na wutrobje a na wušomaj, wy stajnje so swjatemu Duchu pšeciwiće, jako waši wótcojo, tak tež wy.

2 Mójz. 32, 9.

52. Kotreho profeta njejsu waši wótcojo pšezćěhali a morili tych, kotřiž prjedy su připowědali wot pšichoda teho praweho, kotrehož wy nět看 pšeradnizy a mordarjo sće byli?

Mat. 23, 31.

53. Wy sće zakon dóstali přez jandželske pšihotowanje a njejsće jón zachowali.

2 Mójz. 20,

1.

54. Jako pak woni to słyšachu, rozzłobichu so woni w swojich wutrobach a kšipjachu ze zubami na njeho.

St. 5, 33.

Tekst na 7. njedźelu po swj. Trojicy III (b).

55. [A jako wón poňny swjateho Ducha bě, pohlada wón horje k njebjesam a wuhlada tu krasnozćBožu a Jezusa stejo na prawicy Božej,

56. A džeše: Hlaj, ja widžu njebjesa wotewrjene a člorózkeho syna stejo na prawicy Božej.

57. Woni pak wołachu z wulkim hawtowanjom, zatykachu swojej wuši a walichu so jene dobo na njeho,

58. Wuztorkachu jeho z města a kamjenjowachu jeho. A či swědkojo wotpołożichu swoju drastu k nohomaj jeneho młodźenca, temu rěkachu Saul. *St. 22, 20.*

59. A kamjenjowachu Sćěpana, kiž so modleše a džeše: Knježe Jezuso, wzmi mojeho ducha horje! 1 Kral. 21, 13.

60. Wón pak poklaknu dele a zawoła z wulkim hłosom: Knježe, njezdžerž jim tón hrěch! A jako wón to wuryča, wusny wón.] *Luk. 23, 34.*

8. staw.

Saula přescěhanje; Šimana, kuzłarja, ludanje a lakomnozć; wobroćenje Samariskich a komornika z Murzkeje.

1. Saul pak měješe sobu dobre spodobanje na jeho smjerći. W tym času so pak pozběže wulke přescěhanje na tu wosadu Božu we Jerusalemy, a

wšitcy so rosběžachu do židowskeho a Samariskeho kraja, jeno či japoštoli tam wostachu. *St. 7, 58.*

2. Bohabojazni mužojo pak schowachu Sćěpana a džeržachu wo njeho wulke plakanje. *Mat. 14, 12.*

3. Saul pak wutupi tu zhromadźiznu, chodžo po domach, jimaše muskich a žónske a poda jich do jastwa. *St. 7, 57. St. 9, 1. 13. 21. St. 22, 4.*

4. A kotřiž roshonjeni běchu, chodžachu wokoło a předowachu to słowo Bože. *St. 11, 19.*

5. Philipp pak přińdže do města Samarije a připowědaše jim wot Chrystusa. *St. 6, 5.*

6. Tón lud pak w jenej mysli kedźbowaše a posłuchaše na to, štož Philipp praješe, a widžichu te zejchi, kotrež wón činješe.

7. Přetož nječisći duchojo wuńdžechu wot wjele wobsynjenych z wulkim wołanjom; a tež wjele jichtnych a bėdnych bu wuztrowjenych. *Mark. 16, 17.*

8. A nasta wulka wjeselosć w tym samym měsće. *Jan. 4, 40.*

9. Jedyn muž pak, z mjenom Šiman, běše, kotryž w měsće prjedy kuzłarstwo ćerješe, a wobkuzłowa tón Samariski lud a praješe, zo wón někajki wulki muž je.

10. A wšitcy kedźbowachu na njeho, maři a wulcy, a džachu: Tón je móc Boža wulka.

11. Woni pak teho dla na njeho hladachu, zo jich dolhi čas ze swojim kuzłowanjom běše wobkuzłował.

12. Jako pak Philippowemu

prědowanju wěrbachu wot Božeho kralestwa a wot mjena Jezom Chrysta, dachu so křćić mucy a žónske. *Mat. 28, 19.*

13. Tuž tež tón Šiman wěrbješe a da so křćić a dźeržeše so k Philippej. A jako widžeše, zo wulke zejchi a mocy so stachu, dźiwaše wón so.

14. Jako pak ċi japoštoli we Jerusalemjje słyšachu, zo Samaria Bože słowo běše horje wzało, posłaachu woni k nim Pětra a Jana,

15. Kotraž, jako tam dele přińdžeštaj, modleštaj so za nich, zo bychy swjateho Ducha dóstali.

16. (Přetož wón hišće njeběše na žaneho bjez nimi padnył, ale woni jeno běchu křćení na mjeno teho Knjeza Jezusa.

17. Tuž položištaj wonaj rucy na nich a woni doztachu teho swjateho Ducha.) *St. 6, 6.*

18. Jako pak Šiman widžeše, zo swjaty Duch bu daty, hdyž ċi japoštoli rucy na nich kładžechu, podawaše wón jim pjenjezy,

19. A rjeknu: Dajće mi tež tu móc, zo, na kotrehož ja rucy položu, tón by dóstał swjateho Ducha.

20. Pětr pak džeše k njemu: So bychy twoje pjenjezy z tobu zatamane byle, zo sebi pomysliš, zo Boží dar přez pjenjezy móže doztaty być. *Mat. 10, 8.*

21. Ty njezměješ ani džěl ani lós na tym słowje; přetož twoja wutroba njeje prawa před Božim wobličom.

22. Teho dla ċin pokutu za tajku swoju złózc a proš Boha, hdy by snadž ċi wodate bylo to zle zamyslenje twojeje

wutroby;

23. Přetož ja widžu, zo ty sy z jara hórkim žolčom napjelnyjny a zwjazany z njeprawdozću. *5 Mójz. 29, 18.*

24. Šiman pak wotmołwi a džeše: Prošće wy za mnje teho Knjeza, zo by ničo na mnje njepřišlo, štož sće rěčeli.

25. Jako woni pak běchu wobswědčili a rěčeli to słowo teho Knjeza, wróćichu so zaso do Jerusalema a připowjedachu to ewangelion wjele Samariskim měztkam.

Tekst na 8. njedželu po swj. Trojicy. III.

26. [Jandžel teho Knjeza pak rěčeše k Philippej a džeše: Stań a dži k połdnju na drohu, kotraž wjedže wot Jerusalema do Gazy, kotraž puzta je.

27. A wón stanu a džeše. A hlaj, muž z Murizkeje, komornik a mócny teje kraloweje Kandazes w Murizkej, kotryž běše na wšitke jeje čazy postajeny, tón běše přišoł do Jerusalema, zo by so k Bohu modlił,

28. A wróći so zaso dom a sedžeše na swojim wozu a lazowaše profeta Jezajasa.

29. Tón Duch pak džeše k Philippej: Dži a pšiztup k temu wozej.

30. Tuž přiběža Philipp a słyšeše, zo wón profeta Jezajasa lazowaše, a džeše: Srozymiš tež, štož lazuješ?

31. Wón pak džeše: Kak móžu zrozumić, hdyž mi to ničtó njewuloži? A naprosy Philippa, zo by na wóz stupił a sydnył so k njemu.

32. Město pak teho pisma, kotrež wón lazowaše, běše to: Wón je jako wowza k řezanju přiwjedženy, a jako jehnjo něme je před tym, kotryž jo tziže, tak wón swój rt njeje wotewrił; Jez. 53, 8.

33. W jeho ponižnozći je jeho sud powyšeny. Štó budže pak jeho žiwjenja dolhozć wupowědać? Přetož jeho žiwjenje je wot zemje přeč wzate.

34. Tuž wotmołwi tón komornik Philippej a džeše: Prošu će, wot koho řeči to tón profeta? wot sebje sameho abo wot někoho drugeho?

35. Philipp pak wotewri swój rt a poča wot teho sameho pisma řečć a přédowaše jemu to ewangelion wot Jezusa.

36. A jako nětk po drozy čehnjechu a přińdžechu k jenej wodže, tuž džeše tón komornik: Hlaj, woda, što zadžěwa, zo njebych krćeny byl? St. 10, 47.

37. Philipp pak džeše: Jeli zo wěřiš z cyłej wutrobu, dha móže so derje stać. A wón wotmołwi a džeše: Ja wěrju, zo Jezus Chrystus je Boži Syn.

38. A kazaše, zo by wóz stejo wostał a ztupištaj wobaj dele do wody, Philipp a komornik, a wón jeho kšćíše.

39. A jako z wody běštaj wustupiłaj, hrabnu tón Duch teho Knjeza Philippa přeč, a tón komornik jeho wjazy nje-wohlada. Wón pak po swojej drozy z wjesołosću čehnješe.] 1 Kral. 18, 12.

40. Philipp pak bu namakany we Azdodže a chodžeše tam a sem a přédowaše to ewangelion wšitkim městam, hač wón přińdže do Zezarije. St. 21, 8.

9. staw.

Pawołowe wobroćenje, Pětrowy džiw na Eneasu a Tabiće.

Tekst na 9. njedželu po swj. Trojicy. III.

1. [Saul pak naduwaše so hišće z hroženjom a z mordowanjom přećiwo pósłam teho Knjeza a džeše k wyšemu měšnikej, Gal. 1, 14. 1 Tim. 1, 13.

2. A prošese jeho pře listy do města Damazkona na šule, tak, hdy by wón někotrych, kiž so k temu puću dđerža, muskich abo žónske, namakał, zo by jich jatych wjedł do Jerusalema. St. 22, 5. St. 26, 12. St. 19, 23.

3. A jako wón na drozy bě a blisko k Damazkonej přińdže, wobswěći jeho nahle swětło z njebjes. St. 22, 6. 1 Kor. 15, 8.

4. A wón padnywši na zemju słyšeše hlós, tón džeše k njemu: Saule, Saule, što přesćěhaš ty mje?

5. Wón pak džeše: Štó sy ty, Knježe? Tón Knjez džeše: Ja sym Jezus, kotrehož ty přesćěhaš. Čěžko či budže, přećiwo wótremu kopać. St. 5, 30.

6. A wón džeše ze rženjom a z tšepjetanjom: Knježe, što chceš, zo bych činił? Tón Knjez džeše k njemu: Stań a dži do města; tam budže či powjedžene, što ty činić dyrbiš. St. 10, 6.

7. Či mužojo pak, kiž jeho towařšojo na drozy běchu, stejachu nastroženi;

přetož woni hlós słyšachu, ale nikoho njewidžachu.

8. Saul pak zběraše so horje wot zemje, a wotewriwši swojej woči njewidžeše wón nikoho. Woni wzachu jeho pak za ruku a wjedźechu jeho do Damazkona.

9. A wón za tři dny njewidžeše a njejědžiše a njepiješe ničo.]

Tekst na 10. njedźelu po swj. Trojicy. III.

10. [Jedyn wučomnik pak běše w Damazkonje, z mjenom Ananias; k temu džeše tón Knjez we widženju: Ananiaso! A wón džeše: Hlaj, tu ja sym, Knježe.

11. Tón Knjez pak džeše k njemu: Stań a dži tam do teje hasy, kotrejž rěkaju runa, a prašej so we Judowym domje po Saulu, kiž Tarzenzki budže mjenowany; přetož hlaj, wón so modli,

12. A je widził we widženju muža, z mjenom Ananiasa, zo wón k njemu nutř dže a ruku na jeho kładže, zo by zaso widžil.

13. Ananias pak wotmołwi: Knježe, ja sym wot jich wjele słyšał wot teho muža, kak wjele zleho wón twójim swjatym činił je we Jerusalemje;

14. Awónma tudy móc wot wyšich měšnikow, jimać wšitkich, kiž so k twemu mjenu modla.

15. Tón Knjez džeše k njemu: Dži tam; přetož tón je mi jedyn wuzwoleny grat, zo budže moje mjeno prjódknježć póhanam a kralam a Israelskim džěćom. *St. 22, 21.*

16. Přetož ja chcu jemu pokazać, kak wjele wón ćerpićma mojeho mjena dla.

2 Kor. 11, 23.

17. A Ananias woteńdže a přińdže do teho doma a položi rucy na njeho a džeše: Luby bratře Saule, tón Knjez Jezus je mje pósłał (kiž so tebi na puću, hdyž hew džeše, zjewił je), zo by ty zaso widził a ze swjatym Duchom napjelnjeny był.

18. A hnydom padźechu wot jeho wočow jako šupizny, a widžeše z molom zaso a stanu a da so šćić

19. A wza jědź k sebi a posylni so. Saul pak běše někotre dny při tych Damazzenzkich pósłach.

20. A hnydom přédowaše wón Chrysusa w šulach, zo tón je tón Syn Boži.

21. Wšitcy pak, kiž jeho słyšachu, běchu zatorhnjeni a džachu: Njeje to tón, kiž we Jerusalemje zahubješe wšitkich tych, kotřiž so k tutemu mjenu modla, a je na to hew přišoł, zo by jich jatych wjedł k wyšim měšnikam? *Št. 1. 14. St. 8, 1. St. 26, 10.*

22. Saul pak bu dale a bóle mózniši a zahanibješe tych Židow, kiž w Damazkonje bydlachu, a dowjedže, zo tutón je tón Chrystus.]

23. A po wjele dnjach dđeržachu Židža radu bjez sobu, zo bychu jeho morili. *2 Kor. 11, 32.*

24. Ale Saulej bu zjewjene, zo lesnje za nim stejachu. Woni pak keďžbowachu při wrotach wodnjo a w nocy, zo bychu jeho morili.

25. Či wučomnicy pak wzachu jeho w nocy a puščichu jeho w korbje dele přez murju.

26. Jako pak Saul do Jerusalema přińdže, zpyta wón, zo by so k wučomnikam pšitowařšił; ale wšitcy so jeho bojachu a njewěřjachu, zo by wučomnik był.

27. Barnabas pak jeho wza k sebi a přiwdže jeho k tym japoštolam a powědaše jim, kak wón na drozy je teho Knjeza widźił a z nim rečal, a kak wón w Damazku to mjeno Jezusowe chroble je předował.

St. 26, 22. 23.

28. A wón běše při nich, khodźiwiši won a nutř we Jerusaleme, a rečeše chroble wot mjena teho Knjeza Jezusa.

29. Wón powědaše tež a rosryčowaše so z Grichiskimi; woni pak za tym stejachu, zo bychu jeho morili.

30. Jako pak to ěi bratřa póznachu, přewodźichu jeho do Zezarije a pólachu jeho přeč do Tarza.

St. 11, 25.

31. A tak mějachu te zhromadźizny pokoj přez cyłu židowsku, Galilejzku a Samarisku zemju, twarjachu so a chodžachu w bojozći teho Knjeza a buchu napjelnjeni z troštom teho swjateho Ducha.

32. Sta so pak, jako Pětr pola wšitkich pokhodži, přińdže wón tež k tym swjatym, kotřiž w Liddže bydlachu.

33. Tam namaka pak jeneho muža, z mjenom Eneasa, wósom lět na ložu ležazeho, kotryž běše jichtny.

34. A Pětr džeše k njemu: Gneaso, tebje wuztror Jezus Chrystus; stawaj a pozćel sebi sam. A na měsće staže wón.

35. A wšitcy jeho widźichu, kotřiž w Liddže a w Saronje byblachu; ěi so k temu Knjezej wobročichu.

36. W Joppje pak běše jena

wučomniza, z mjenom Tabitha, kotraž pšeložena reka sorna; ta sama běše poła dobrych skutkow a jałmožinow, kotrež wona wudželeše.

37. Sta so pak w tych samych dnjach, zo wona zkhori a wumrě. Woni ju pak myjachu a položichu ju na łubju.

38. Dokelž pak Lidda blisko při Joppje běše a wučomnicy slyšachu, zo Pětr tam je, pólachu woni dweju mužow k njemu a prošachu jeho, zo by so njewobćežował k nim přińć.

39. Pětr pak stanu a džeše z nimi. A jako tam běše přišoł, wjedžechu jeho horje na tu łubju a wobstupichu jeho wšitke wudowy, plakachu a pokazachu jemu te suknje a drasty, kotrež ta sorna běše činiła, jako pola nich běše.

40. A Pětr wuhna wšitkich won, klakny na kolena a modleše so. Na to wobroći wón so k temu čělu a džeše: Tabitha, stawaj! Awona wotewri swojej woči, pohlada na Pětra a posynu so.

Mark. 5, 41. Luk. 7, 14.

41. Wón pak poda jej ruku, pozběže ju a zawoła tych swjatych a te wudowy a postaji jim ju žiwu.

42. A to bu zhonjene přez cyłe Joppe, a wjele bu jich wěřjacych do teho Knjeza.

Jan. 8, 30. St. 10, 42.

43. A sta so, zo wjele dnjow we Joppje wosta pola jeneho Šimana, kiž garbař běše.

St. 10, 6.

10 staw.

Wobroćenje hejtmana Kornelia přez Pětrowe prědowanje.

1. Jedyn muž pak běše w žezarii, z mjenom Kornelius, wyši na sto wopakach z črjódy, kotraž bě mjenowana ta Walzka;

Mat. 8, 5.

2. Tón běše nazbóžny a bohabojazny z cylej swojej chěžu a dawaše ludu wjele smilnych darow a modleše so stajnje k Bohu.

Dan. 4, 24.

3. Tón widžeše widženje zjawnje, wokoło džewjateje šundy wodnjo, zo jandžel Boží k njemu přińdže, kotryž k njemu džeše: Korneliuso!

4. Wón pak na njeho pohlada, stróži so a džeše: Knježe, što je? A wón džeše k njemu: Twoje modlitwy a twoje smilne dary su horje ztupile do pomjatka před wobličo Bože.

5. Tuž pósćel nětk mužow do Joppy a daj k sebi přińc Šimana, z přimjenom Pětra,

6. Kotryž je na hospodže pola Šimana, jeneho garbarja, kotrehož chěža při morju leži; tón budže či powjedzić, što ty maš činić.

St. 9, 43.

7. A jako tón jandžel běše wotešoł, kotryž z Korneliusom rěčeše, zawoła wón dweju swoich domjazych wotročkow a jeneho nazbóžneho wojaka wot tych, kotřiž stajnje při nim běchu,

8. A rozpowjeda jim wšitko a pósła jich do Joppy.

9. Nazajtra pak, jako woni na puću běchu a k městu so přibližowachu, stupi

Pětr horje na łubju, zo by so modlił, wokoło šesteje šundy.

10. Wón pak běše jara hlódny a chcyše jěsć. A jako woni přiřotowachu, bu wón zatorhnjeny,

11. A widžeše wotewrjene njebjoske dele přińdžo k njemu někajke sudobje jako wulki rub, za štyri kónzy zwjazany, a bu dele na zemju pušćene; *Luk. 13, 29. Jap. zk. 11, 5.*

12. W tym běchu wšelke zerizke štyrinohate howjada a džiwy zwěrjata a waki a njebjoske ptaki.

13. A sta so hlós k njemu: Stawaj, Pětrje, rež a jěš!

14. Pětr pak džeše: Nihdy nic, Knježe; přetož ja hišće njejsym nihdy ničo gmejnskeho abo nječisteho jěł. *Ez. 4, 14. 3 Mójz. 11, 7. 13. 23.*

15. A tón hlós so zaso k druhemu k njemu sta: Štož Bóh je wučisćil, to tebi njebudź gmejnske.

Mat. 15, 11.

16. To same so pak sta tři króc; a to sudobje bu zaso do njebjoske horje wzate.

17. Jako pak Pětr zaso k sebi přińdže a při sebi tak a tak mysleše, što by tež to widženje było, kotrež wón bě widził, hlaj, tuž woprašachu so či wot Korneliusa pósłani mužojo po chěži Šimana a stejachu při durjach;

18. Wołachu a wobhonjachu so, hač Šiman, kotryž budže přimjenowany Pětr, tudy na hospodže je?

19. A jako sebi Pětr tak mysleše wo to widženje, džeše tón Duch k njemu: Hlaj, či třjo mužojo pytaju će.

20. Postań teho dla a stup dele a čehn' z nimi a njerospomń so dolho; přetož ja sym jich pósłal.

21. A Pětr stupi dele k tym mužam, kotřiž wot Korneliusa běchu k njemu póslani, a džeše: Hlaj, ja sym tón, kotrehož wy pytaće; kotra je ta wěc, kotrejež dla wy přišli sće?

22. A woni džachu: Kornelius, tón wyši, sprawny a bohobojazny muž, kiž tež dobru chwalbu ma pola cyłego židowskeho luda, je prikaznju dóstał wot swjateho jandžela, zo by će k sebi dał přińć do swojeho doma a słowa wot tebjje słyšał.

23. Tuž zawoła jich do doma a wza jich na hospodu. Nazajtra pak čehnješe Pětr z nimi a někotři Joppenzzy bratřa džěchu z nim. *St. 9, 422. St. 1i, 13.*

24. A nazajtra přińdžechu do Zezarije. Kornelius pak čakaše na nich a běše k sebi powołał svojich přirodnych a blizkich přecelow.

Tekst na 11. njedželu po swj. Trojicy. III.

25. [A jako so sta, zo Pětr do chěže nutř džeše, přińdže jemu Kornelius napřećiwo, padže k jeho nohomaj a modleše so k njemu.

26. Pětr pak jeho pozběhnu a džeše: Stawaj; přetož ja sym tež čłowjek. *Zjew. 19, 10.*

27. A hdyž z nim poryča, zańdže wón nutř a namaka jich wjele, kotřiž so běchu zešli.

28. A džeše k nim: Wy wěsće, zo so njehodži židowskemu mužej, pšibližec abo přińć k zuzomnikej. Ale Bóh je mi pokazał, zo bych

žaneho čłowjeka za gmejnskeho abo za nječisteho njedžeržał. *Jan. 4, 9.*

29. Teho dla njejsym so tež wobaral, zo bych njepřišoł na žadanje. Tuž prašam ja was, čoho dla sće mje k sebi žadali?

30. A Kornelius rjeknu: Ja sym wot štwórtého dnja hač do teje štundy so pozćil, a w džewjatej štundže modlach ja so k Bohu w mojim domje. Hlaj, tuž stupi muž přede mnje we jasnej drasće,

31. A džeše: Korneliuso, twoja próztwa je wuslyšana a twojich smilnych darow je zpomnjene před Bohom.

32. Teho dla pósćel do Joppy a daj zawołać Šimana, kiž budže mjenowany Pětr, tón je na hospodže w domje Šimana, teho garbarja, při morju; tón přišedši budže tebi prajić.

33. Teho dla sym ja na měsće k tebi pósłał. A ty sy derje činił, zo sy přišoł. Tuž teho dla smy my něk wšitcy tudy před Božim wobličom, zo bychmy slyšeli wšitko, štož tebi wot Boha je rosказane.]

Tekst na 2. swjedžen jutrow. II.

34. [Pětr pak wotewri swój rt a džeše: Nětk zhonju ja woprawdže, zo Bóh na paršonu njehlada; *5 Mójz. 10, 17. 1 Sam. 16, 7. 2 Kron. 19, 7. Hiob. 34, 19. Kn. mudr. 6, 8. Sir. 35, 15. Rom. 2, 11. Gal. 2, 6. Eph. 6, 90. 1 Pětr. 1, 17.*

35. Ale we wšem ludu, štóz so jeho boji a prawje čini, tón so jemu lubi. *Jez. 56, 6.*

36. Wy wěsće to předowanje, kotrež Bóh k Israelskim džěcom pósłał je a

dał měř připowědać přez Jezom Chrysta (kiž je Knjez nade wšěmi); *Mat. 28, 18.*

37. Kotrež přédowanje so stało je přez cyły židowski kraj a je so započalo w Galilejskej, po tej křćenicy, kotruž Jan přédowaše; *Mat. 4, 12.*

38. Kak Bóh Jezusa, teho Nacarenskeho, žalbowal je ze swjatym Duchom a z mozu; kiž je wokoło ćahnył a derje činił a wustrowił wšitkich, kotřiž wot čerta pšemoženi běchu; přetož Bóh běše z nim. *Ps. 45, 8. Jez. 61, 1.*

39. A my smy swědkojo wšeho, štož wón činił je w židowskim kraju a we Jerusalemj; kotrehož su skóncowali a na drjewo pojsnyli. *St. 1, 8. 22. St. 2, 22. 32.*

40. Teho sameho je Bóh zbudził na třeći džen a je so jemu dał zjewić, *St. 3, 15. 26.*

41. Nic wšitkim ludžom, ale nam, tym prjedy wuzwolenym swědkam wot Boha, kiž my z nim jědli a pili smy, po tym jako wón stanył je wot morwych. *Jan. 15, 27. St. 20, 19. 26.*

42. A wón je nam přikazał přédować ludu a swědčić, zo wón je tón wot Boha postajeny sudnik žiwych a morwych. *2 Tim. 4, 1.*

43. Temu swědča wšitcy profetojo, zo přez jeho mjeno wšitcy, kiž do njeho wěrja, hrěchow wodaće dostać dyrbja.] *Jej: 53, 5. 6. Jer. 31, 34. Ez. 34, 16. Dan. 9, 24. Hoz. 1, 7. St. 13, 14. Mich. 7, 18.*

44. Jako Pětr hišće te słowa rěčeše, padže tón swjaty Duch na wšěch, kiž na słowo poslušachu. *St. 4, 31. St. 8, 17.*

45. A ći wěrjacy z wobřezanja, tak wjele hač jich z Pětrom přišlo běše,

buchu jako zatorhnjeni, zo tež na pohanow tón dar teho swjateho Ducha wulaty bě.

46. Přetož woni słyšachu, zo woni z nowymi jazykami ryčachu a Boha wysoko chwalachu. Tuž wotimnolwi Pětr: *St. 2, 4. Mark. 16, 17.*

47. Móže tež štó wodže wobarać, zo bychy ći křćeni njebyli, kiž teho swjateho Ducha dóstali su, runje jako tež my?

48. A přikaza jich kšćićw tym mjenje teho Knjeza. Tuž prošachu jeho, zo by někotre dny pola nich wostał. *Jan. 4, 40.*

11. staw.

Pětra zamołwjenje a wobroćenje pohanow; plahowanje Antiochizkeje cyrkwy.

1. Ći japoštoli a bratřa, kotřiž běchu w Židowskej, słyšachu pak, zo tež póhanjo běchu Bože słowo horje wzali. *Eph. 3, 1.*

2. A jako Pětr horje přińdže do Jerusalema, zwadžichu so z nim, kotřiž běchu wot wobřezanja,

3. A džachu: Ty sy zašoł k njewobřezanym muzkim a sy z nimi jědl.

4. Tuž poča Pětr a powědaše jim to po rjadu a džeše:

5. Ja běch w měsće Joppje na modlitwje a buch zatorhnjeny a wuhladach widženje, zo někajke sudobje dele přińdže, jako wulki rub ze štyrimi różkami, kotryž bu dele pušćeny z njebyjes a přińdže hač ke mni. *St. 9, 42. St.*

10, 10 x.

6. Do teho pohladach ja a pytnych a wohladach zemzke štyrinohate how-jada a dźiwje zwěřjata a waki a nje-bjeske ptaki.

7. Ja pak slyšach tež hlós, tón džeše ke mni: Stawaj, Pětrje, rež a jěs!

8. Ja pak džach: Nanihdy nic, Knježe; přetož nihdy ničo gmejnske ani nječizte njeje mi do erta přišlo. 3 Mójz. 11, 2.

9. Mi pak tón hlós k druhemu z nje-bjes wotmołwi: Štož Bóh je wučisćil, to tebi njebudź za gmejnske.

10. To so pak sta tež k třěcemu; a wšitko bu zaso do njebjes horje čehnjene.

11. A hlaj, hnydom stejachu tři jo mucy před chěžu, w kotrejž ja běh; či běchu pólani ke mni z žezarije. ; St. 10, 17.

12. Tón Duch pak džeše ke mni, zo bych z nimi šoł a so dołho njewopomnił. A či šezčo bratřa džěchu zo mnu, a my zańdžechmy do teho muža doma.

13. A wón so nam wuzna, kak bě jandžela widźil w swojim domje stej, kiž k njemu je prajił: Póscel muskich do Joppy, a njech k tebi přińdže Šiman, kotremuž Pětr rěkaju;

14. Tón budže tebi słowa prajić, přez kotrež zbóžny budžeš ty a twój cyły dom. St. 10, 6.

15. A jako pak ja počach rěčeć, padže tón swjaty Duch na nich, kaž tež na nas při spočatku. St. 2, 4. St. 10, 44.

16. Tuž zpomnich ja na to słowo teho Knjeza, hdyž wón praji: Jan je z

wodu křćil; wy pak budžeće ze swjatym Duchom křćeni. St. 1, 5. Mat. 3, 11.

17. Hdyž teho dla Bóh jim teho runja dar dał je, jako tež nam, kiž my smy wěřili do teho Knjeza Jezom Chrysta, štó běh ja, zo bych mohł Bohu wo-barać?

18. Jako to slyšachu, zpokojichu so, chwalachu Boha a džachu: Dha je teho dla tež Bóh póhanam pokutu dał, zo bychu zbóžni byli!

19. Či pak, kiž běchu rozehnaći teje přeciwnosće dla, kotraž so sta Sćěpana dla, přińdžechu hač do Phenizizkeje a do žipra a do Antiochije a njeryčachu k nikomu to słowo, chiba jeno k židam. St. 8, 1.

20. Běchu pak někotři wot nich, Ziprizzy a Zirenizzy mužojo, či sami přišedši do Antiochije ryčachu k Grichizkim a předowachu to ewangelion wot teho Knjeza Jezusa.

21. A teho Knjeza ruka běše z nimi, a wulka zhromadźizna bu wěřjaza a wo-broći so k temu Knjezej. St. 2, 47.

22. A ta powěsć wot nich přińdže před wuši teje Jeruzalemzkeje zhromadźizny; tuž pólachu won Barnabasa, zo by hač do Antiochije šoł.

23. Tón samy přišedši tam a widziwši tu hnadu Božu, zwjeseli so a napom-inaše wšitkich, zo bychu z twjerdej wutrobu při tym Knjezu wostali. St. 13, 43.

24. Přetož wón běše dobry muž a połny swjateho Ducha a wěry. A temu Knjezej bu wulki lud pšidaty. St. 6, 5. St. 5, 14.

25. Barnabas pak wuńdže do Tarza a pytaše Saula zaso.

26. A jako wón jeho namaka, přiwjedže wón jeho do Antiochije. A wonaj wostaštaj při tej wosadže cyłe lěto a wučestaj wjele luda; teho dla buchu tež ěi wučomnicy najprjedy we Antiochii kšezćenjo mjenowani. *Gal. 2, 11.*

27. W tym samym času pak přińdžechu profetojo wot Jerusalema do Antiochije. *St. 13, 1. St. 15, 32.*

28. A jedyn wot nich, z mjenom Agabus, staže a zjewi přez Ducha, zo budže wulki hlód přińc po cyłym šěrokim kraju, kotryž so tež sta za kejžora Klaudiusa. *St. 21, 10.*

29. Ale bjez wučomnikami wobzamknu kóždy, štož zamóžeše, zo chcyli pósłać něšto k pomocy bratram, kotřiž bydlachu w židowskej. *Rom. 15, 26.*

30. Kotrež woni tež činjachu a pósłachu to k tym staršim přez Barnabasowej a Saulowej rucy. *St. 12, 25.*

12. staw.

Jakubowa smjerc. Pětra wumoženje, Herodaša wutupjenje abo zkónčenje.

Tekst na 12. njedželu po swj. Trojicy. III.

1. [W tym samym času pak zložil kral Herodas rucy na někotrych wot teje

gmejny, zo by jich čwilował. *St. 4, 3.*

2. Wón pak skóncowa Jakuba, Janoweho bratra, z mječom.

3. A jako wón widžeše, zo so to Židam lubješe, wza wón sebi prjódk, tež Pětra pšimać. Běchu pak runje te dny slódkeho chlěba.

4. A jako jeho tež přijal běše, sadži wón jeho do jastwa a poručil jeho k wobarnowanju štyri bértelam wojeřzkich wotročkow, a chcyše jeho po jutrach ludu prjódk stajić. *St. 16, 24.*

5. Pětr pak bě w jastwje dźeržany; ale ta zyrkwina gmejna modleše so bjez pšeztaća k Bohu za njeho.

6. Jako pak Herodas jeho chcyše prjódk stajić, w tej samej nocy spaše Pětr srjedža bjez dwěmaj wojakomaj, zwjazany z dwěmaj rječazomaj, a ěi wjachtarjo před durjemi wobwachowachu jastwo.

7. Ahlaj, Knjezowy jandžel přińdže tam a swětlo swěćeše so w tym domje; a wón storči Pětra do boka a wubudži jeho a džeše: Stań na měsće! A taj rječazaj padžeštaj wot jeho rukow.

8. A tón jandžel džeše k njemu: Wopasaj so a wobuj so swoje črije! A wón sčini tak. A wón džeše k njemu: Wodžej so swoju drastu a dži za mnu! *Mark. 6, 9.*

9. A wón džeše won za nim a njewědžeše, zo by so jemu woprawdže tak stało přez jandžela; ale jemu so zdaše, jako by widjenje widžił.

10. Wonaj pak džeštaj přez přenju a druhu wachu a přińdžeštaj k železnym durjam, kotrež k městu wjedžechu; te wotewrichu so jimaj same wot sebje. A

wonaj wuztupištaj a džěštaj přez jenu hasu; a hnydom pušći so tón jandžel wot njeho.

St. 16, 26.

11. A jako Pětr k sebi sam přińdže, džeše wón: Nětk ja woprawdže wěm, zo tón Knjez swjeho jandžela pósłal je a mje wutorhnuł z Herodašoweje ruki a wot wšeho čakanja teho židowskeho luda.]

12. A jako wón so dopomni, přińdže wón před chěžu Marinu, Janoweje maćerje, kotryž běše mjenowany Markus, hdžež so jich běše wjele zešlo a so modlachu.

St. 15, 37.

13. Jako pak Pětr so kłapaše wo durje tych wrotow, přistupi džowka, z mjenom Rhode, zo by poslušala.

14. A póznawši Pětra hlós njewotewri wona wrota z wjesołosću, běžeše pak nutř a připowědaše jim, zo Pětr před wrotami steji.

15. Woni pak džachu k njej: Ty sy blazniza. Wona pak wobtwjerdži, zo temu tak je. Woni pak džachu: Dha je jeho jandžel.

Luk. 24, 37.

16. Ale Pětr njepšezta kłapać. Jako pak woni wotewrichu, wohladachu jeho a buchu zatorhnjeni.

17. Jako wón pak jim z ruku kiwaše, zo bychu mjelčeli, powědaše wón jim, kak běše jeho tón Knjez z klódy won wuwjedł, a džeše: Pšipowjedajće to Jakubej a tym bratram. A woteńdže a džěše do druheho města.

18. A jako džen bu, njebě snadna starozć bjez wojakami, kak so tež z Pětrom je stało.

St. 5, 22.

19. Herodas pak, jako wón jeho k sebi žadaše a jeho njenamaka, wopraš a wón

surowje tych wajcharjow a kazaše jich přeč wjesć; a čehnješe ze Židowskeje do Zezareje a dđeržeše so tam horje.

20. Přetož Herodas běše zamyslił, zo chce wójnu wjesć z Tirizkimi a ze Sidonzkimi. Či pak we jenej mysli přińdžechu k njemu a wobryčachu Blázta, kralowzkeho komornika, a prošachu pře měř, teho dla, zo jich kraj so žiwješe wot kralowzkeje zemje.

1 Kral. 5, 9. 11. Ez. 27, 17.

21. Ale na wězty pomjenjeny džen wobleknu so Herodas kralowzku drastu, synu so na stoł a dđeržeše ryč k nim.

Str. 11, 4.

22. Tón lud pak zawoła: To je Boží hlós a nic člowječny.

Ez 28, 2.

23. A hnydom dyri jeho jandžel teho Knjeza, teho dla, zo wón chwalbu Bohu njedaše, a bu wot čerwjow rostočeny a spušći dušu. Dan. 5, 20. 21.

24. To słowo Bože pak rosćeše a přisporješe so.

Jez. 55, 11.

25. Barnabas pak a Saul wróćichu so do Jerusalema a dokonjachu swoju službu, wzawši k sebi Jana, kiž budže Markus mjenowany.

St. 11, 29. St. 15, 37.

13. staw.

Prěnje pućowanje Pawołowe k póhanam, a što wón bjez nimi je dokonjał.

1. Někotři profetojo a wučerjo pak běchu w tej gmejnje, kotraž we Antiochii běše, jako Barnabas a Simeon,

Niger mjenowany, tež Luzius Zirenejzki, Manahen, kiž z Herodašom Tetrarchu horjecehnjeny běše, a Saul.

2. Jako pak či temu Knjezej služachu a so posćachu, džeše tón swjaty Duch k nim: Wotdžělce mi Barnabasa a Saula k temu džělu, na kotrež jeju sym powołał. *St. 9, 15.*

3. Tuž posćachu a modlachu so woni a položichu rucy na njeju a puščichu jeju přeč. *St. 14, 28. St. 6, 6.*

4. Jako teho dla taj samaj won póslanaj běštaj wot swjateho Ducha, přińdžeštaj wonaj do Seleuzije a wot tudy přewježeštaj so na lódži do Zipra.

5. A jako do Salamina přińdžeštaj, připowědaštaj wonaj to słowo Bože w židowskich šulach; mještaj pak tež Jana za služomnika při sebi. *St. 12, 12. 25.*

6. A jako tu kupu pšexhodžilaž běštaj hač k městu Papha, namakaštaj tudy někajkeho kuzlarja a falšneho židowskeho profeta, z mjenom Bar-Jezus,

7. Kiž běše pola bohota Sergia Pawoła, rozumneho muža; přetož tón zawoła k sebi Barnabasa a Saula a požadaše wot njeju to słowo Bože słyšeć.

8. Ale jimaj so přećiwješe Elimas, tón kuzlař (přetož tak budže jeho mjeno přeložene); tón steješe za tym, zo by bohota wot wěry wotwobroćil. *2 Mójz. 7, 11. 2 Tim. 3, 8.*

9. Saul (abo tež Pawoł) pak, napjel-njeny ze swjatym Duchom, pohlada na njeho,

10. A džeše: O djabolžke džěčo, polne wšelkeje lesnozće a wšelkeho

šibałztwa a njepšćeł wšje prawdosće, ty njepšeztawaš přewobroćić teho Knjeza prawe puće;

11. A nětk hlaj, ruka teho Knjeza budže přećiwo tebi so stajić: ty budžeš slepy a njebudžeš slóncó na chwilu widžeć. A na měsće padže na njeho čěmnošć a čma; a wón wobkhodži a pytaše sebi, štó by jeho za ruku wjedł.

12. Jako to bohota widžeše, štož so sta, wěryješe wón a džiwaše so na tej wučbje teho Knjeza.

13. Woni so pak puščichu wot Papha, Pawoł, a kotraž při nim běštaj, a přińdžechu do města Pergena w Pamphilizkej. A Jan woteńdže tudy wot njeju a wróci so zaso do Jerusalema.

14. Wonaj pak pšexhodžištaj Pergena a přińdžeštaj do Antiochije w kraju Pizidia a zańdžeštaj do šule na sabatny džen a synuštaj so dele.

15. A po pšelazowanju teho zakonja a profetow póslachu k nimaj či wyši teje šule a dachu jimaj prajić: Lubaj bratraj, matajli što rěčeć a tón lud napominać, dha ryčtaj. *St. 15, 21.*

16. Tuž postaže Pawoł a kiwaše z ruku a džeše: Wy Israelscy mužojo a kiž wy so Boha bojiće, poslušajće.

17. Bóh teho Israelskeho luda je wuzwolił našich wótcow a powyšił tón lud, jako na podroztwje běše we Egyptowskej zemi, a je jich ze sylnym ramjenjom wuwjedł z teje sameje. *2 Mójz. 12, 37. 41.*

18. A wokoło štyrcyći lět čerpješe wón jich wobeńdženje w pusćinje. *2 Mójz. 16, 2. 35. 4 Mójz. 14, 34.*

19. A zahubi sydow narodow z

Kananejzkej zemi a rozdžěli z losom bjez nich jich kraj. *5 Mójz. 7, 1. Joz. 14, 2.*

20. A potom da wón jim sudnikow na štyri sta a pjećdžesat lět hač do Samuela, teho profety. *Kn. sudn. 2, 16. St. 3, 9.*

21. A wot teho časa prošachu pře krala; a Bóh da jim Saula, teho syna Kisa, muža z roda Benjaminoweho, štyrcyći lět. *1 Sam. 8, 5. St. 10, 21.*

22. A hdyž jeho běše wotsadził, zbudži wón jim Dapvita za krala, kotremuž wón swědčeše a džeše: Ja sym namakał Dawida, syna Jese, muža po mojej wutrobje, kotryž budže wšitku moju wolu činić. *1 Sam. 16, 12. 13.*

23. S teho symjenja je Bóh po swojim slubje zbudził Israelej zbóžnika, Jezusa. *2 Sam. 7, 12. Jez. 11, 1. Mat. 1, 6. Luk. 1, 27. St. 3, 31.*

24. Prjedy dyžli tón swój hamt započa, je Jan prjedy připowědał krčenicu teje pokuty wšitkemu Israelskemu ludu. *Mark. 1, 4. Mat. 3, 1. Luk. 3, 3.*

25. Jako pak Jan swój běh běše dokonjał, džeše wón: Sa kotrehož mje dzeržiće, tón ja njejsym; ale hlaj, po mni přińdže, kotrehož črijowe rjemješki ja njejsym doztojny roswjazać. *Jan. 1, 20. Mat. 3, 11. Mark. 1, 7. Luk. 3, 16.*

26. Wy mužojo, lubi bratřa, wy džěci Abrahamoweje šlachty a kotřiž so bjez wami Boha boja, wam je to słowo teho zboža pólane. *Rom. 1, 16.*

27. Přetož ći, kiž we Jerusalemje bydla, a jich wyši, dokelž Jezusa njeznajachu ani te prophetizke słowa, kiž na wšě sabaty lazowane budža, su woni

te same ze swojim sudženjom dopjelnili. *Jan. 16, 3.*

28. A hač runje žaneje winy teje smjerće na nim njenamakachu, dha wšak prošachu Pilata, zo by wón skóncowany był. *Mat. 27, 22. 23. Mark. 15, 12—14. Luk. 23, 23. Jan. 19, 6.*

29. A jako woni wšitko dokonjeli běchu, štož wot njeho pisane je, wzachu jeho z drjewa a položichu jeho do rowa. *Mat. 27, 509.*

30. Ale Bóh je jeho zbudził wot morych. *Mat. 28, 6. Mark. 16, 6. Luk. 24, 6.*

31. A wón je wjele dnjow widženy wot tych, kiž z nim z Galilejskeje do Jerusalema horje šli běchu, kotřiž su jeho swědkojo před ludom. *Jan. 20, 19. 25.*

32. A my tež pšipowjedamy wam to slubjenje, kotrež so k wótcam stało je, *1 Mójz. 3, 15.*

33. So to same Bóh nam, jich džěcom, je dopjelnił, z tym, zo wón Jezusa je zbudził; jako tež w druhim pzalmje pisane je: Ty sy mój Syn, ja sym džensaće płodził. *Ps. 2, 7. Hebr. 1, 5.*

34. So wón pak jeho je wot morych zbudził, zo wón nihdy by njezhnił, praji wón tak: Ja chcu wam tu hnadu, Dawitej slubjenu, swěru dzeržeć. *Jez. 55, 3.*

35. Teho dla praji wón tež na druhim měsće: Ty njebudžeš dopuścić, zo by twój swjaty widził zhniće. *St. 2, 27. Ps. 16, 10.*

36. Přetož Dawid, jako w swojim času tej woli Božej běše služil, wusnu wón a je k swojim wótcam pšipoloženy a je

zhniće widźił.

St. 2, 29.

37. Kotrehož pak Bóh je zbudźił, tón njeje zhniće widźił.

38. Teho dla budź wam wědomne, wy mužojo, lubi bratřa, zo přez teho wam budže připowědane wodaće tych hrěchow,

Luk. 24, 47.

39. A wšitko to, přez kotrež wy njemóžešće w Mójzasowym zakonju prawi być. Štóz pak do teho wěri, tón budže prawy.

Jez. 53, 6. 11.

40. Hladajće so teho dla, zo na was njepřindže, štož w tych profetach je prajene:

Hab. 1, 5. Jez. 28,

14.

41. Hlajće, wy zazpjerjo, a dźiwajće so a budźće knižničny; přetož ja činju skutk we wašim času, tajki skutk, kotryž wy njebudžeće wěrić, hdyž wam budže štó wot njeho powjedać.

42. Jako pak wonaj ze židowskeje šule wuńdžeštaj, prošachu jeju ċi póhanjo, zo byštaj jim srjedža w tydženju te same słowa prajlaj.

43. A jako ta zhromadźizna so běše rozešla, džěše wjele židow a bohobojaznych, kiž běchu k jich wěrje přistupili, za Pawołom a Barnabasom, kotrymž wonaj to słowo praještaj, a napominaštaj jich, zo bychy wostali w Božej hnadže.

St. 11, 28. St. 14, 22.

44. Na přichodny sabat pak zeńdže so skoro cyłe město, zo by Bože słowo słyšało.

45. Jako pak židzi tón lud widźichu, buchu woni polni zawizće a pšeciwichu so temu, štož wot Pawoła bu prajene, nic pak so jeno pšeciwichu, ale hanichu tež to.

St. 5, 17.

46. Pawoł pak a Barnabas džeštaj chroble: Wam dyrbyeše najprjedy to słowo Bože prajene być; ale dokelž wy to wot was ztorčiče a so sami teho wěčneho žiwjenja za njedoztojných dđeržiče, hlaj, dha so k tym póhanam wobroćimy.

Mat. 10, 6. Luk. 7, 30.

47. Přetož tak je nam tón Knjez přikazał: Ja sym ċe póhanam za swětłósć postajił, zo by ty to zbože był hač do kónca teje zemje.

Luk. 2, 32. Jez. 9, 1. St. 42, 6. St. 49, 6. St. 60, 3.

48. Jako to słyšachu ċi póhanjo, zwjeselichu woni so a chwalachu to słowo teho Knjeza a wěrjachu, tak wjele jako jich běše k wěčnemu žiwjenju poztajených.

Rom. 8,

29.

49. A teho Knjeza słowo bu roznjesene přez tón cyły kraj.

50. Ale židzi nawabichu bohobojazne a česne žony a wyšich teho města a zbudźichu přesćěhanje přeciwo Pawołej a Barnabasej a wustorčichu jeju ze swojich mjezow.

51. Wonaj pak wottšaseštaj tón proch wot swojich nohow a přindžeštaj do Jkonije.

Mat. 10, 14. Jap. zk. 18, 6.

52. Ći wučomnicy pak buchu napjelnjeni z wjesolósću a ze swjatym Duchom.

14. staw.

Pawoł přińdže zaso do Antiochije, a što so na puću je podało.

1. Sta so pak we Jkonii, zo so wonaj tam zhromadžištaj w židowskej šuli a rěčeštaj tak, zo idow a Grichow bu jara wjele wěrajacych.

2. Njewěrní židzi pak zbudžichu a rozžlobichu te duše tych pohanow přećiwo tym bratram.

3. Wonaj pak tam dolhi čas so horje dźeržeštaj a wučěštaj chroble w tym Knjezu, kiž swědčeše temu słowu swojeje miłosće a da so zejchi a džiwy stać přez jeje rucy. *St. 19, 11.*

4. Ta zhromadźizna teho města pak so rozdželi: někotři dźeržachu ze židami, někotři pak z tymaj japoštołomaj.

5. Jako so pak ropot zběhnú tych pohanow a židow a jich wyšich, zo bychu jeho hanili a kamjenjowali, *2 Tim. 3, 11.*

6. Pytnyštaj wonaj to a čeknuštaj do tych městow Likaonizkeje zemje, do Liztry a do Derby a tam wokoło; *St. 8, 1.*

7. A wučěštaj tam to ewangelion. *St. 11, 20.*

8. A někajki muž běše w Liztrje, chory na nohi; sedžeše a běše chromy wot maćerneho žiwota, a nihdy njeběše chodžil;

9. Tón samy słyšeše Pawoła ryčo. A tón pohlada na njeho a pytny, zo wěri, zo mohł wustrowjeny być, *Mat. 9, 28.*

10. Džeše teho dla z wulkim hłosom: Stań prozće horje na swojej nocy! A

wón poskoči a chodžeše. *St. 3, 6. Jez. 35, 6.*

Tekst na 13. njedželu po swj. Trojicy. III.

11. [Jako pak to tón lud widžeše, štož Pawoł běše činił, pozběžechu woni swój hlós a džachu po Likaonzku: Bohojo su čłowjekam so podobni sćinili a k nam dele přišli. *St. 28, 6.*

12. A rěkach Barnabasej Jupiter a Pawołej Merkurius, dokelž wón słowo rěčeše.

13. Tón měšnik pak teho Jupitera, kiž před jich měztom běše, přiwjedže woły z wěnzami wupyšene před wrota a chcyše z tym ludom woprować.

14. Jako to słyšeštaj taj japoštołaj, Barnabas a Pawoł, rostorhaštaj wonaj swoje drasty a zkočištaj djes zawolaštaj, *4 Mójz. 14, 6*

15. A džeštaj: Wy mužojo, što wy to činiće? Wšak mój tež smój smjertnaj čłowjekaj, runje jako wy, a pšipowjedamój wam to ewangelion, zo byšće wy so wobročili wot tych falšnych k žiwemu Bohu, kiž je sćinił njebo a zemju a to morjo a wšitko, štož w nich je; *St. 10, 26. Ps. 146, 6. Zjew. 14, 7.*

16. Kiž w zachodnych časach je dopuščil wšitkim póhanam, zo su khodžili po svojich pučach. *St. 17, 30. Ps. 81, 13.*

17. A wšak njeje wón sam so bjez swědčenja wostajil, wón je nam wjele dobrego činił a z njebjes dele dešč a plódne časy dał a je napjelnił ze

žiwnozću a z wjesołosću naše wutroby.
Jer. 5, 24.

18. A jako to džeštaj, zpokojištaj wonaj lědom tón lud, zo jimaj njewoprowaše.

19. Přińdžechu pak židži z Antiochije a z Jkonije a naryčachu tón kud, zo Pawoła kamjenjowachu a wlečechu jeho z města won; a měnjachu, zo je morwy.
2 Kor. 11, 25. 2 Tim. 3, 11.

20. Jako pak jeho či wučomnicy wobdachu, staže wón a džeše do města. A nazajtra woteńdže wón z Barnabasom do Derby,

21. A připowědaštaj tež temu samemu městu to ewangelion a roswučestaj jich wjele; a wrócištaj so zaso po tym do Liztry, do Jkonije a do Antiochije,

22. A posylnještaj te duše tych wučomnikow a napominaštaj jich, zo bychu we wěrje wostali a zo přez wjele ztyzknoczow my mamy nutř hić do Božeho kralestwa.] *Mat. 10, 38.*

23. Tež wuztaještaj jim tam a sem staršich w tych wosadach, modleštaj so z posćenjom a poručičestaj jich temu Knjeze, do kotrehož běchu wěрили. *St. 6, 6.*

24. A čehnještaj přez Pizidizku a přińdžeštaj do Pamphilizkeje;

25. A rěčeštaj w Pergenje to słowo a čehnještaj dele do Attalije.

26. A wot tudy přewjezeštaj so wonaj na lódži do Antiochije, z wotkal běštaj wuztajenaj přez tu smilnosť Božu k temu skutku, kotryž běštaj dopjelnilaj.
St. 13, 1.2.

27. Jako pak B přińdžeštaj,

zhromadzištaj wonaj tu gmejnu a připowědaštaj, kak wjele Bóh z nimaj běše činił, a zo wón tym póhanam durje teje wěry je wotewrił. *St. 15, 4. 1 Kor. 16, 9.*

28. A běštaj tam nic krótki čas pola wučomnikow.

15. staw.

Zhromadženje japoštołow wobřezanja a prawychčinjenja dla.

1. Někotři pak přišedši ze židowzkeje, wučachu bratrow: Jeli zo so njedaće wobřezac po Mójasowym wustajenju, dha njebudžeće zbóžni. *Gal. 5, 2.*

2. Jako so pak přeciwnosć sta a Pawoł a Barnabas nic snadnu zwadu z nimi měještaj, wuztajichu woni, zo Pawoł a Barnabas a někotři druzy wot nich bychu k tym japoštołam a staršim do Jerusalema tajkeho rosryčjenja dla horje čahnyli. *St. 11, 30.*

3. A wonaj buštaj wot teje gmejny pšewodženaj a čehnještaj přez Phenizizku a Samarisku a powědaštaj to wobroćenje tych pohanow a načiništaj wšitkim bratram wulku wjeselosć.

4. A jako wonaj přińdžeštaj do Jerusalema, buštaj wonaj powitanaj wot gmejny a wot japoštołow a wot staršich, a připowědaštaj, kak wjele Bóh z nimaj běše činił. *St. 14, 27.*

5. Tuž postažechu někotři wot Pharizejzkeje sekty, kotřiž běchu wěрили, a rjeknuchu: Woni so dyrbyja dać

wobřezać, a njech jim budže přikazane, zo bychu Mójzasowy zakon dźerželi.

Tekst na 14. njedźelu po swj. Trojicy. III.

6. [Ći japoštoli a starši pak so zeńdžechu, zo so bychu wo tu ryč roshladali.

7. Jako pak so dołho běchu rosryčeli, postanu Pětr a džeše k nim: Wy mužojo, lubi bratřa, wam je wědomne, zo Bóh jara dawno bjez nami je wuzwolil, zo bychu póhanjo přez mój rt to słowo teho ewangeliona slyšeli a wěрили. *St. 11, 18.*

8. A Bóh, kotryž znaje te wutroby, swědčeše jim a da jim swjateho Ducha, runje jako nam. *Ps., 7, 10.*

9. A nječínješe žaneho rosdžělenja bjez nami a bjez nimi a wučizčeše přez wěru jich wutroby. *St. 10, 34.*

10. Što dha spytujeće Boha z nakładženjom teho zpšaha na šiju tych wučomnikow, kotryž ani naši wótcojo ani my smy njesć njemóhli? *Mat. 23, 4.*

11. Ale my wěrimuy, zo přez tu hnadu teho Knjeza Jezom Chrysta zbóžni budžemy, runje jako tež woni. *Eph. 2, 4 8.*

12. Tuž mjelčeše ta cyła zhromadžizna a posluhaše na Barnabasa a Pawoła, kotrajž powědašaj, kajke wulke zejchi a džiwy Bóh přez njeju bjez pohanami běše činil.] *St. 11, 18.*

13. A potom, jako běchu mjelkli, wotmołwi Jakub a džeše: Wy mužojo, lubi bratřa, poslušajće na mnje.

14. Šiman je powědał, kak Bóh najprjedy je domach pytał a horje wzał lud z pohanow k swojemu mjenu.

15. A z tym so runaju te ryče tych profetow a jako pisane steji:

16. Potom chcu so wrócić a chcu zaso twarić tu hětu Dawitowu, kotraž je so rospanuła, a jeje zkałoby chcu ja zaso natwarić a chcu ju postajić, *Amos 9, 11.*

17. So buy, štož zbytku je wot ludži, po Knjezu so prašeli, a wšitcy póhanjo, nad kotrymiž moje mjeno je mjenowane, praji tón Knjez, kiž to wšitko čini.

18. Bohu su wšitke jeho skutki wědomne wot spočatka teho swěta.

19. Teho dla wobzamknu ja, zo bychmy tych, kotřiž so z póhanstwa k Bohu wobroća, njewobćežili;

20. Ale pišmy jim, zo bychu so zdźerželi teje nječiznozće tych pšibohow a teho kurwarstwa a teho, štož je zadušene, a teje krwě. *3 Mójz. 3, 17.*

21. Přetož Mójzas ma wot doł heho časa we wšěch městach tych, kotřiž jeho přěduja, a budže na kóždy sabat w šulach lazowany.

22. A zdaše so derje tym japoštołam a staršim z cyłej gmej nu, zo bychu někotrych mužow wot tych swojich wuzwolili a pósłali do Antiochije, z Pawołom a z Barnabasom, Judaša, z přimjenom Barzabasa, a Silasa, kotrajž mužej běšaj wučerjej bjez tymi bratrami.

23. A podachu jimaj pismo do rukow, kotrež so tak ma: My, japoštoli a starši a bratřa, prajimy tym bratram z tych pohanow, kotřiž su we Antiochii a Syriskej a Zilizizkej, wjele dobreho.

24. Dokelž my smy słyšeli, zo někotři wot nas su wušli a su was z wučbu zamolili a waše duše zmučili a praja, wy maće so dać wobřezać a tón zakon dźeržeć, kotrymž my ničo njejsmy pšikazali; *St. 20, 30. Gal. 2, 4.*

25. Je so nam zhromadženym we jenej mysli zdało, zo bychmy mužow wubrali a jich k wam pósłali z našimaj najlubšimaj, Barnabasom a Pawołom,

26. Kotrajž čłowjekaj swoje duše staj podaľaj za to mjeno našeho Knjeza Jezom Chrysta.

27. Tuž smy k wam pósłali Judaša a Silasa, kotrajž tež ze słowami to same připowědać budžetaj.

28. Přetož to so zpodoba temu swjatemu Duchu a nam, zo bychmy žaneho břemjenja wjazy na was njekladli, hač jeno te nuzne wěcy,

29. So byšće pšibójzkich woporow a krwě a zadušeneho a kurwarstwa so zdźerželi; hdyž wy so tych wěcow zdźeržiće, budžeće wy derje činić. Mějće so derje.

30. Jako teho dla či wonpósłani přindžechu do Antiochije, tuž zhromadźichu woni tu syłu a podachu tón list.

31. Jako pak či sami tón běchu pšelazowali, zwjeselichu so woni teho trošta. *St. 18, 48.*

32. Judaš pak a Silas, kotrajž tež prophetaj běštaj, napominaštaj tych bratrow z wjele słowami a posylništaj jich. *St 11, 27. St. 13.1.*

33. Wonaj pak pobyštaj tudy někotry čas a buštaj wot bratrow zaso z měrom pušćenaj k japoštołam.

34. Ale Silasej so spodobaše, zo tam wosta.

35. Pawoł pak a Barnabas běštaj tak we Antiochii a wučestaj a přédowaštaj teho Knjeza słowo, z wjele druhimi.

36. Po někotrych dnjach pak džeše Pawoł k Barnabasej: Wróćmy so zaso a wobhladaľmy našich bratrow we wšěch městach, w kotrychž mój teho Knjeza słowo smój pšipowjedaľaj, kak so maju.

37. Barnabas pak radžeše, zo byštaj sobu wzaľaj Jana, z přimjenom Marka.

38. Pawoľej so pak zdaše, zo byštaj tajkeho sobu njebraľaj, kiž běše wot njeju wotstupił w Pamphilizkej a njeběše sobu čahnył k temu skutku. *St. 13, 13.*

39. A džěštaj wótzje na so, tak zo so wobaj różno daštaj, a Barnabas wza k sebi Marka a přewjeze so do Zipra.

40. Pawoł pak wuzwoli sebi Silasa a woteńdže přeč, tej hnadže Božej poručeny wot tych bratrow.

41. Wón pak přechodźi Sirizku a Zilizku a posylni te wosady.

16. staw.

Pawoła skutk a čerpenje w Liztrje, Aziskej a Bithinizkej, Troadže a Philippje.

1, Wón přindže pak do Derby a do Liztry, a hlaj, jedyn wučomnik tam běše, z mjenom Timothej, jedneje židowskeje žony syn, kotraž wěrješe; ale nan běše Grichizki. *St. 19, 22.*

2. Tón měješe dobru chwalbu pola bratrow w Liztrje a we Jkonii. *St. 6, 3. St. 10, 22.*

3. Teho sameho chcyše Pawoł, zo by sobu šoł, a wzawši wobřeza jeho tych Židow dla, kotřiž w tych městach tam běchu; přetož wšitcy wědzachu, zo jeho nan je Grichizki był.

4. Jako woni pak přez te města čehnjechu, podachu woni jim to same, zo bychu dźerželi te wučby, kotrež wot tych japoštołow a staršich we Jerusalemyje běchu wobzanknjene. *St. 15, 20. 29.*

5. Tuž buchu te wosady we wěrje posylnjene a přiběrachu wšednje dale a bóle.

6. Jako pak woni Phrigizku a Galatizki kraj pšecáhnychu, bu jim wot swjateho Ducha wobarane, zo bychu njerěčeli to słowo we Aziskej. *St. 18, 23.*

7. Přišedši pak k Mizizkej, spytachu woni, zo bychu přez Bithinizku čahnyli; a tón Duch jim to njeprida.

8. Tuž minychu so Mizizkeje a přińdžechu do Troady. *St. 20, 6. 2 Kor. 2, 12. 2 Tim. 4, 13.*

Tekst na 15. njedźelu po swj. Trojicy. III.

9. [A Pawołej so w nocy widženje sta; někajki muž běše z Mazedonskeje, tón stejo jeho prošeše a džeše: Přińdź dele do Mazedonskeje a pomhaj nam!

10. Jako wón pak to widženje běše widzil, tuž my na měsće zamyslichmy, zo bychmy so pušćili do Mazedonskeje, teje wězteje nadźije, zo tón Knjez nas tam

běše powolał, zo bychmy jim to ewangelion předowali.

11. A my pušćichmy so z Troady a přińdžechmy z přenim během do Samothrazizkeje a nazajtra do Neapla,

12. A wot tudy do Philippa, kotrež je to wosebniše město w Mazedonskim kraju a je swobodne. A my wostachmy tak w tym měsće někotre dny.

13. A tón sabatny dzeń džechmy won před město k wodze, hdžež so modlachu k Bohu, a ryčachmy sedžo k žónskim, kotrež so běchu zeše.

14. Jena bohabojazna žónska pak, z mjenom Lidia, kotraž šarlat pšenučeše.) dawaše, z města tych Thiatirzkich posluchaše; tej tón Knjez wutrobu wotewri, zo wona na to kedźbowaje, štož wot Pawoła bu řečane. *Luk. 24, 45.*

15. Jako pak wona a jejna chěža bu kšćena, napominaše wona nas a džeše: Jeli zo mje za tu dźeržiće, zo ja wěrju do teho Knjeza, dha zańdźće do jeho doma a wostańće tudy. A wona nas nučeše.] *1 Mójz. 18, 3.*

16. Sta so pak, jako my k modlitwje džechmy, zetka nas někajka džowka, ta měješe wěšćazeho ducha a přinjese svojim knježim wjele wužitka přez to wěšćenje.

17. Ta chodžeše stajnje za Pawołom a za nami, wołaše a džeše: Tući ludžo su wotročcy Boha wjeršneho, kotřiž wam puć teje zbóžnozće pšipowjedaju. *Mark. 1, 24. 34.*

18. To činješe wona přez wjele dnjow. Pawołej so pak to njezdaše a wobroći so a džeše k temu duchu: Ja ci pšikazuju w mjenje Jezom Chrysta, zo wot njeje

wuztupiš. A wón wustupi w tej samej štundže. *Mark. 16, 17.*

19. Jako pak to jeje knježa widźichu, zo ta nadžija jich wužitka běše wuztupała, jimachu woni Pawoła a Silasa, čehnjechu jeju na torhošćo před wyšich,

20. A stajichu jeju před hejtmanow a džachu: Taj čłowjekaj změšataj naše město a staj židaj; *1 Kral. 18, 17.*

21. A pšipowjedataj někajke wašnje, kotrež na so wzać a jo činić nam so njehodži, dokelž my Romscy smy.

Tekst na 16. njedźelu po swj. Trojicy. III.

22. A tón lud postaže přećiwo nimaj; a či hejtmanajo dachu jeju drasty dele torhać a kazachu jeju khoztać. *2 Kor. 11, 25. Phil. 1, 30. 1 Thes. 2, 2.*

23. [A jako jeju dosć běchu pokhozatali, čisnychu jeju do klódy a pšikazachu jaztnikej, zo by jeju twjerdže dđeržał.

24. Tón wza tu samu prikaznju na so a čisnu jeju do teho najhlubšeho jastwa a zanknu jeju nohi do klódy.

25. Wokoło pońocy pak so Pawoł a Silas k Bohu modleštaj a khwaleštaj Boha; a jeći jeju słyšachu. *St. 4, 31. St. 5, 41.*

26. Sta so pak hnydom wulke zemjerženje, tak zo buchu hnute te grunty teho jastwa. A na měsće buchu wšitke durje wotewrjene a wšitkich zwjazki roswjazane.

27. Tuž wozući tón jastnik a widžeše te durje teho jastwa wotewrjene, wutorže mječ a chcyše so sam skóncować, zo sebi mysleše, zo jeći su čekli.

28. A Pawoł zawoła z wulkim hłosom a džeše: Nječin sam sebi ničo zleho, wšak smy wšitcy tudy.

29. Wón pak žadaše swěcu a skoči nutř a tšepjetawši padže Pawolej a Silasej k nohomaj,

30. A wuwjedže jeju won a rjeknu jimaj: Mojej knjezaj, što mam činić, zo zbóžny budu? *Luk. 3, 10.*

31. Wonaj džeštaj: Wěr do teho Knjeza Jezom Chrysta, dha budžeš ty a twój dom zbóžny.

32. A praještaj jemu to słowo teho Knjeza a wšitkim, kotřiž we jeho domje běchu.

33. A wón wza jeju k sebi w tej samej štundže w nocy, zmy jeju rany a da na měsće so křčić, wón a wšitcy či jeho;

34. A wjedžeše jeju do swojeho doma, staji jimaj blido a wjeseleše so z cyłej swojej chěžu, zo do Boha wěri.] *Luk. 5, 29.*

35. A jako džen bu, pólachu či hejtmanajo měščanzkich služomnikow a dachu prajić: Pušć tych ludźi.

36. A tón jastnik připowědaše te słowa Pawolej, zo či hejtmanajo su pólali, zo byštaj byłaj pušćenaj. Nětk dha wuńdžtaj a woteńdžtaj z měrom.

37. Pawoł pak džeše k nim: Woni su naju zjawnje khoztali bjez prawa a bjez pšesłyšenja, kiž mój wšak Romscy ludžo smój, tež su naju do jastwa čisli a nětko chcedža naju skradžu wumjetać? Ničo z teho njebudže; ale njech woni přińdu a sami naju wuwjedu.

38. Či měščanzzy služomnicy powědachu tajke słowa tym hejtmanam, a woni so bojachu, jako słyšachu, zo su

Romscy;

39. A přišedši napominachu a wuwjedžechu jeju, prosywši, zo byštaj z města wušłaj.

40. Wonaj pak wuńdžeštaj z teho jastwa a džěštaj k tej Lidii. A jako tych bratrow běštaj widžila a jich troštowala, woteńdžeštaj přeč.

17. staw.

Pawołowy skutk a napšećiwnožć w Thesaloniku, Beroje a Athenje.

1. A wonaj pšećehnještaj přez Amphiloliu a Apolloniū a přińdžeštaj do Thesalonika, hdžež běše židowska šula.

1 Thes. 2, 2.

2. Jako pak Pawołowe wašnje běše, zańdže wón k nim a rěčeše z nimi přez tři sabaty z pisma:

3. Wotewri a wuloži jim to, zo Chrys-tus je měł ćerpić a wot morwych stanuć, a zo tón je Chrystus Jezus, kotrehož ja wam připowědam. *Luk. 24, 27. 45.*

4. A někotři wot nich wěřjachu a pšitowařichu so k Pawołej a Silasej, tež tych nazbóžnych Grichizkich wulka zhromadźizna, jako tež tych wosebnych žónskich nic mało. *Št. 17.*

5. Ale ěi zasakli židži zawidžichu to a wzachu k sebi někotrych złych gmejnz-kich ludži, zhromadžichu jich a zćinichu njeměr w měsće a ztupichu před Jazonowy dom a pytachu, zo bychu jeju wjedli před lud.

6. Jako pak jeju njenamakachu, ćehnjechu woni Jazona a někotrych bratrow před tych wyšich teho města, wołajzy: Tući, kotřiž po cyłym swěće změšk naćinja, ěi sami su tež hew přišli; *St. 16, 20. 1 Kral. 18, 17.*

7. Tych hozpoduje Jazon; a ěi sami wšitcy ćinja přećiwo khěžorowemu wustajenju, praja, zo druhi je kral, Jezus. *Luk. 23, 2.*

8. Woni zmućichu pak tón lud a tych wyšich teho města, kotřiž to slyšachu.

9. Ale jako woni wot Jazona a tych druhich to zamołwenje běchu slyšeli, pušćichu jich přeč.

10. ěi bratřa pak na měsće w nocy póslachu Pawoła a Silasa do Beroy. Jako wonaj tam přińdžeštaj, zańdžeštaj do židowske šule;

11. Přetož ěi sami běchu ěi najwosebniši bjez tymi Thesalonzkimi; ěi wzachu to słowo horje ze wšej wolu a wobhonichu so wšědnje w pismje, hač bychu te wěcy so tak měle. *Jez. 34, 16. Jan. 5, 39. Luk. 16, 20.*

12. Tuž teho dla wjele wot nich wěřjachu, tež tych Grichizkich pózcíwych žónskich a muskich nic mało.

13. Jako pak ěi Thesalonzzy židži to zhonichu, zo tež w Beroje wot Pawoła to słowo Bože připowědane běše, přińdžechu woni tam a ćinjachu tón lud přećiwny.

14. Tehdy pak na měsće bratřa Pawoła přeč póslachu, zo by hač k morju šo; Silas pak a Timothej wostaštaj tam. *St. 16, 1.*

15. ěi pak, kotřiž Pawoła přewodžichu, wjedžechu jeho hač

do Athena. A doztawši přikaznju na Silasa a na Timothea, zo byštaj hač najzkeřšo k njemu pšišaj, woteńdžechu zaso.

Tekst na 17. njedželu po swj. Trojicy. III

16. [Jako pak Pawoł we Athenje na njeju wočakowaše, rozzłobi so jeho duch w nim, jako wón to město widžeše, zo e pe běše. *1. Thes. 3, 1.*

17. Wón to w zwun k židam a k nazbóžnym rěčeše, tež na torhošću wšědnje k tym, kotřiž tam pšikhadžachu.

18. Někotři pak tych Epikurzkich a Stoizkich swětnych mudrych zwadžichu so z nim. A někotři džachu: Što chce tón njebolak prajić? Druzy pak: Nam so zda, jako by chcył cuzych bohów připowědać. To běše, zo wón Jezusa a to horieztawanje jim běše připowědał. *1 Kor. 4, 12.*

19. A wzachu a wjedžechu jeho na Areopagus (abo na sudne město) a džachu: Móžemy tež zhonić, kajka to nowa wučba je, kotraž wot tebjě budže wučena?

20. Přetož ty pšinjesoš něšto nowe před našej wuši; teho dla chcyli radži wjedzić, što by to same było.

21. Wšitcy Athenscy pak a cuzownicy a hozčo k ničomu druhemu hotowi njeběchu, chiba zo bychu něšto nowe rěčeli abo slyšeli.

22. Pawoł pak srjedza na Areopagusu stejo džeše: Wy mužojo Athenscy,

ja widžu, zo wy we wšěch wězach jara pšibójzzy sće.

23. Ja sym pšekhodžil a sym widžil waše Bože služby a sym namakał wołtař, na kotrymž napisane steješe: Temu njeznajomnemu Bohu. Nětko ja wam teho sameho připowědam, kotrehož wy njeznajeće a jemu Božu službu činiće.

24. Bóh, kotryž tón swět je činił a wšitko, štož na nim je, tón samy je tón Knjez teho njebja a teje zemje, kotryž njebydli w templach wot rukow činjenych; *St. 7, 48.*

25. Jemu tež njebudže z čłowječnymaj rukomaj služene, jako by wón toho trjebał, kiž wón sam wšitkim žiwjenje a woduch awšitko dawa; *Ps 50, 8.*

26. A je činił, zo wot jedneje krwě wšitkich čłowjekow narod bydli po wšitkej zemi, a je jim wustajil wězte časy a mjezy jich wobydlenja; *5 Mójz. 32, 8.*

27. So bychu teho Knjeza pytali, hač buchu jeho namasać a namakać móhli. A wšak wón wot jeneho kóždeho wot nas daloko njeje; *Jez. 55, 6.*

28. Přetož w nim smy žiwi, hibamy so a smy; kaž tež někotři wot wašich poetow su rjekli: My smy z jeho roda.

29. Hdyž my teho dla z Božeho roda smy, nimamy sebi pomyslić, zo to bójstwo je podobne zlotym abo slěbornym abo kamjeńnym swjećatam, přez čłowječnu ruku a mysl wudžělanym. *Jez. 40, 18. St. 46, 5.*

30. A tak je Bóh tón čas teje njewědomnozće pšehladał; nětk pak přikaže wón wšudžom wšitkim

čłowjekam, zo bychu pokutu činili. *St. 14, 16. Luk. 24, 47.*

31. Teho dla, zo jedyn dzeń je wustajil, na kotrymž wón chce sudzić cyły swět z prawdosću, přez muža, w kotrymž wón to je wobzanknuł; a je postajil wšitkim tu wěru, zo wón jeho wot morwych je zbudził.] *Rom. 14, 10. Jap. zk. 3, 15.*

32. Jako pak woni słyšachu to horjestawanje tych morwych, tuž někotři so smějachu; a druzy pak džachu: My chcemy tebe wot teho na druhi čas słyšeć. *1 Kor. 1, 23.*

33. A tak woteńdže Pawoł wot nich.

34. Někotři mužojo pak dđeržachu z nim a wěrjachu, bjez kotrymž běše Dionizius z rady a žona, z mjenom Damaris, a druzy z nimi.

18. staw.

Pawołowy skutk w Korinće a na puću do Antiochije. Apolos we Ephezu.

1. Potom woteńdže Pawoł z Athena a přińdže do Korintha;

2., A nadeńdže žida, z mjenom Akwila, z roda Pontizkeho, kotryž běše njedawno z Walzkeje přišoł ze swojej žonu Prizzillu (teho dla, zo khěžor Klaudius běše prikazał, zo bychu wšitcy Židža z Roma wušli). K tymaj samymaj wón zańdže;

3. A dokelž wón jenajkeho hantwerka z nimaj běše, wosta wón pola njeju a dželaše (wonaj pak běštaj swójeho

hantwerka tkalzej pisanych rubow). *1 Kor. 4, 12.*

4. A wón kóždy sabat we jich šuli wučese a narěča Židow a Grichizkich.

5. Jako pak Silas a Timothej z Maze-donskeje přińdžeštaj, bu Pawoł w duchu nučeny, zo by židam wobswědčil Jezusa, zo wón je Chrystus. *St. 17, 14. 15.*

6. Jako woni pak so pšeciwjachu a hanjachu, wottrase wón swoje drasty a džeše k nim: Njeh waša krej přińdže na wašu hłowu, ja sym čisty; wot nětk du k póhanam. *St. 13, 51. Mat. 10, 14.*

7. A woteńdže tam a přińdže do doma někajkeho, Juzta z mjenom, kotryž nazbóžny běše, a jeho dom běše při samej šuli.

8. Krizpus pak, tón wyši teje šule, wěrješe do teho Knjeza z cyłym swojim domom; a wjele Korinthizkich, kotřiž poslušachu, wěrjachu a dachu so křićić.

9. W nocy pak džeše tón Knjez we widženju k Pawołej: Ničo so njeboj, ale ryč a njemjelć; *1 Kor. 2, 3.*

10. Přetož ja sym z tobu a nchtó so njesmě wažić, zo by tebi zle činil; přetož ja mam wulki lud w tym miězće. *Jez. 41, 10. Jer. 1, 18. 19. Jan. 10, 16.*

11. Wón pak tam lěto a šěsć mėsacow sedžeše a wučese jich to słowo Bože.

12. Jako pak Gallion z bohodom běše we Achajzkej, pšeciwichu so w jenej mysli či Židža Pawołej a wjedžechu jeho před sudny stoł,

13. Rjeknychu: Tón naryči ludži, zo bychu Bohu služili přećiwo našemu zakonju.

14. Jako pak Pawoł chcyše rt wotewrić, džeše Gallion k židam: Lubi

Židža, hdy by što njeprawe było abo zle šibalstwo, chcył ja was zdobnje słyšeć; *St. 25, 11.*

15. Dokelž pak prašenje je wot wučby a wot słowow a wot zakonja bjez wami, dha sami hladajće; ja nochzu na tym sudnik być. *Mat. 27, 24.*

16. A honješe jich přeč wot sudneho ztoła.

17. Tuž jimachu wšitcy Grichizy Sozthenesa, teho wyšeho teje šule, a bijachu jeho před sudnym stołom; a Gallion ničo wo to njerodžeše. *1 Kor. 1, 1.*

18. Pawoł pak tam hišće dolhi čas wosta a žohnowaše so z bratrami a chcyše so do Syriskeje wjesć, a z nim Prizzilla a Akwila. A wobtziha hłowu w Kenchrei, přetož wón měješe slub na sebi. *4 Mójz. 6, 9. 18. Jap. zk. 21, 24.*

19. Wón přińdže pak do Epheza a wostaji jeju tam. Wón pak zańdže do šule a rěčeše ze židami.

20. Woni pak jeho prošachu, zo by dlěje při nich wostał. A wón k temu njezwoli,

21. Ale požohnowa jich a džeše: Ja mam přede wšitkimi wěcami tón přichodny róčny čas we Jerusalemj swjećić; jeli zo Bóh zechce, dha chcu ja zaso k wam přińć. A wotwjeze so z Epheza. *1 Kor. 4, 19. Hebr. 6, 3. Jak. 4, 15.*

22. A přišedši do Zezarije, džeše wón horje a postrowi tu gmejnu a čehnješe potom dele do Antiochije;

23. A tam wón so zakomdži někotry čas a wuńdže a přechodži pozpochi Galatizku a Phrigizku zemju a posylni

wšitkich wučomnikow.

24. Do Epheza pak někajki žid přińdže, z mjenom Apollos, z roda Alexandrizki, dobry ryčnik a mójny w pismje.

25. Tón běše rozwučeny w puću teho Knjeza, rěčeše z horzym duchom a wučeše swěru wot teho Knjeza. Wón pak jeno wjedžeše wot Janoweje křćenicy.

26. Tón poča chroble přédować w šuli. Jako pak jeho Akwila a Prizzilla słyšešaj, wšašaj wonaj jeho k sebi a wuložišaj jemu hišće swěrnšo Boží puć.

27. Jako wón pak chcyše do Achajzkeje hić, pisachu ći bratřa a napominachu tych wučomnikow, zo bychu jeho horjewzali. A jako wón běše tam přišoł, pomhaše wón wjele tym, kotřiž wěřachu přez tu hnadu.

28. Wón pak tych židow móžnje pšewinu a dowjedže jim zjawnje přez to pismo, zo Jezus je tón Chrystus. *St. 9, 22.*

19. staw.

Pawołowy skutk we Ephezu.

1. Sta so pak, jako Apollos w Korintusu běše, zo Pawoł přechodži te horne kraje a přińdže do Epheza a nadeńdže někotrych wučomnikow; *St. 18, 19. 21.*

2. K tym samym džeše wón: Sće wy swjateho Ducha dóstali, jako wy wěřešće? Woni pak džachu k njemu: Ale tež nihdy my njejsmy słyšeli, zo je

swjaty Duch. *St. 10, 44. Jan. 7, 39.*

3. A wón džeše k nim: Na čo sće wy dha křćeni? Woni džachu: Na Janowu křćenicu.

4. Pawoł pak džeše: Jan je křćil z křćenicu teje pokuty a prajił k ludu, zo bychy wěрили do toho, kotryž po nim přińć budže, to je do Jezom Chrysta. *Mat. 3, 11. Mark. 1, 8. Luk. 3, 16.*

5. Jako woni to słyšachu, dachu so křćić na to mjeno teho Knjeza Jezusa.

6. A jako Pawoł rucy na nich položi, přińdže tón swjaty Duch na nich, a ryčachu z jazykami a wěšćachu. *St. 2, 4. St. 6, 6. St. 8, 17. St. 10, 44. St. 11, 15.*

7. Wšitkich tych mužow pak běše pola dwanaće.

8. Wón pak zańdže do teje šule a předowaše chroble na tři měsacy, rěčeše a narěča jich wot Božeho kralestwa. *St. 14, 3.*

9. Jako pak někotři zasakli běchu a njechachu wěrić a zle ryčachu wot teho puća před gmejnu, wotstupi wón wot nich a wotdžěli tych wučomnikow a rěčeše wšědnje w šuli jeneho, z mjenom Tyrannusa. *2 Tim. 1, 15.*

10. To same so pak sta dvě léče wokoło, tak zo wšitcy, kotřiž we Aziskej bydlachu, to słowo teho Knjeza Jezusa słyšachu, židži a Grichizy.

11. A Bóh činješe nic snadne skutki přez tej rucy Pawoła,

12. Tak zo woni tež wot jeho kože te pótne rubiška a pasy na chorych kładžechu, a te chorosće wopuščichu jich a zli duchojo wot nich wustupichu.

13. Někotři židži pak, kiž wokoło běhachu a kotřiž zaročerjo běchu, spy-

tachu to mjeno teho Knjeza Jezusa na tych, kotřiž zlych duchow mějachu, mjenować a džachu: My zaroćimy was při Jezusu, kotrehož Pawoł předuje.

14. Někajzy sedmjo synojo pak běchu jeneho žida, wyšeho měšnika, Skefasa z mjenom, kotřiž to činjachu.

15. Tón zły duch pak wotmołwi a džeše: Jezusa ja derje znaju a wo Pawoła wěm; kajzy sće pak wy?

16. A tón čłowjek, w kotrymž tón zły duch běše, skoči na nich a přemóže jich a čisnu jich pod so, tak zo woni nazy a zranjeni z teje sameje chěže čeknychu.

17. To pak bu zjawne wšitkim Židam a Grichizkim, kotřiž we Ephezu bydlachu, a padže bojósć na nich wšitkich, a teho Knjeza Jezusa mjeno bu wulcy khwalene. *St. 5, 5. 11.*

18. Tež wjele tych, kotřiž wěřjachu, přińdžechu, póznachu a připowjedachu swoje skutki. *Mat. 3, 6.*

19. Jich wjele pak, kotřiž so z njepotrjebnymi wěcami běchu parali, znosychu te knihi hromadu a zpalichu je přede wšitkim ludom; a pšeložichu, što winojte běchu, a namakachu pječdžesat tawzynt slěbornikow.

20. Tak móžnje rosćeše a přibjeraše to słowo teho Knjeza. *St. 6, 7. St. 12, 24.*

21. Jako to pak dokonjane běše, wza sebi Pawoł w duchu prjódka, zo by přez Mazedonsku a Achajzku čahnył a do Jerusalema přišoł, a džeše: Hdyž ja tam sym pobył, mam ja tež Rom wohladać. *St. 18, 21. St. 20, 22.*

22. A pósła do Mazedonskeje dweju, kotrajž jemu služeštaj, Timothea a Er-azta; wón pak chwilu wosta we Aziskej.

Rom. 16, 23.

Tekst na 18. njedźelu po swj. Trojicy. III.

23. [Sta so pak w tym času nic mały ropot teho puća dla. 2 Kor. 1, 8.

24. Přetož někajki złotnik, z mjenom Demetrius, kiž tej Dianje slěborne klětki džělaše a nic małego dobytku tym džělačerjam pšipokaza,

25. Tón tych samych a jich pomoznikow zhromadži a džeše: Wy mužojo, wy wěsće, zo my z teho džěla wulki wužitek mamy. ;

26. Wy widźíce pak a slyšíce, zo nic jeno we Ephezu, ale tež skoro w cyłej Aziskej tón Pawoł čini, zo wjele luda wotpanje a praji, zo njesu bohoyo, kotřiž su z rukomaj wudžělani.

27. Ale nic jeno to nam na našej žiwnozći škodži, zo ničo njeplaći; ale tež tón templ teje wulkeje bohoweje Diany budže zaničowany, a budže so tak stać, zo jeje krasnosť budže zahinýć, kotruž však cyła Azizka a cyły swět česći.

28. A jako woni to slyšachu, buchu woni z hněwom napjelnjeni, woľachu a džachu: Wulka je ta Diana tych Ephezizkich!

29. A cyłe město bu poľne změška. Woni pak jene dobo wupadźechu na plaz (torhošćo) a zapřijachu Gaja a Ariztarcha, Mazedonzkeju, kotrajž běštaj Pawołowaj towaršej. 2 Kor. 1, 8.

30. Jako pak Pawoł chcyše k ludu hić, njepušćichu jeho ći wučomnicy.

31. Tež někotři tych wyšich we Aziskej, Pawołowi přeceljo, pošlachu k

njemu a napominachu jeho, zo by na plaz (torhošćo) nješoľ.

32. Někotři teho dla tak a někotři hi-nak woľachu; přetož ta zhromadźizna bu změšana, a najwjacy jich njewědźachu, čoho dla so běchu zešli.

33. Woni pak z teho luda dachu wuztupić Alexandra, kotrehož ći Židza pšiztorčichu. Aleksander pak z ruku kiwaše a chcyše so před ludom zamoľwić. St. 12, 17. St. 13, 16. St. 21, 40.

34. Jako pak pytnychu, zo wón žid je, sta so jedyn hľos wot wšitkich, kotřiž na dwě štundže woľachu: Wulka je ta Diana tych Ephezizkich!

35. Jako pak kanzleř tón lud zpokoľil běše, džeše wón: Wy mužojo Ephezizy, kotry čłowjek je, kiž by njewědzał, zo tych Ephezizkich jich město so stara za tu wulku bohowu Dianu a za jejne nje-bjeske swjećo?

36. Dokelž teho dla so temu nichtó njepšećiwu, dha wam pšizteji, zo byšće so z pokojom dali a ničo njerozomneho nječinili.

37. Wy sće teju mužow sem přiwjedli, kotrajž ani cyrkwe rubježnikaj ani hanićerjej wašeje bohoweje njejtaj.

38. Jeli zo pak Demetrius a ći, kotřiž z nim jeneho hantweřka su, z někim maju prawować, dha budže sud dzeržany a tež su bohotojo; njech jedyn druheho wobzkorži.

39. Jeli zo pak něšto druheho pytaće, dha móže to w prawej zhromadźiznje wuwjedzene być.

40. Přetož my so ztrachujemy, zo bychmy džensnišeje přeciwnosće dla wobzkorženi byli, a však wina tudy

njebyla, z kotrejž my tajkeho zběženja dla so móhli zamołwić. A jako to wurěčał běše, rospušći wón tu gmejnu wot sebje.]

20. staw.

Pawołowe pućowanje do Troady a Mileta, a što wón tam je dokonjał.

1. Jako pak ta přećiwnosć běše přestala, zawoła Pawoł tych wučomnikow k sebi, požohnowa jich a woteńdže a džěše do Mazedonskeje.

2. Pšekhodziwši pak te same strony napominaše wón jich z wjele słowami a přińdže do Grichizkeje zemje,

3. A poby tam na tři měsacy. A jako ċi židži za nim stejachu, hdyž wón so do Syriskeje chcyše přewjesć, zamysli wón so zaso wróćić přez Mazedonsku.

4. S nim tež čehnjechu hač do Aziskeje Sopater z Beroje, wot tych Thesalonzkich pak Ariztarchus a Sekundus a Gajus z Derby a Timothej, wot Aziskich pak Tychikus a Trophimus. *St. 17, 10. St. 19, 20.*

5. Ći sami šedši přjedy dočakachu nas w Troadze. *St. 16, 8.*

6. My so pak přewjezechmy po ju-trach z Philippa hač do pjateho dnja a přińdžechmy k nim do Troady a poby-chmy tudy přez sydom dnjow.

7. Na přnim tydzenjowym dnju pak, jako so ċi wučomnicy běchu zhromadźili, zo bychy chléb łamali, předowaše jim Pawoł a chcyše nazajtra so přeč dać a

dlěješe to słowo hač do połnocy. *Si. 2, 45. 46.*

8. Wjele lampow pak běše na łubi, hdžež zhromadźeni běchu.

9. A někajki młodźenz, z mjenom Eutychus, sedžeše we woknje, kotrehož twjerde zpanje nadpadže, jako Pawoł tak dolho předowaše, a bu wot spanja pšekhwatany a padže dele z tzećeje łubje a bu morwy zběhnjeny.

10. Tuž Pawoł dele přistupi, padže na njeho, wopšija jeho a džěše: Nječinće žaneho hawtowanja; přetož jeho duch je w nim. *1 Kral. 17, 21.*

11. A stupi zaso horje, lamaše tón chléb, pojě a řečeše dolho z nimi, hač do switanja, a tuž tak woteńdže.

12. Woni pak tež přiwjedžechu teho młodźenca žiweho, a buchu jara posyl-njeni.

13. My pak so přjedy přewjezechmy na lódži a dachmy so k Asonej a chcy-chmy tam Pawoła k sebi wzać; přetož tak běše wón poručil, dokelž wón pěši hić chcyše.

14. Jako wón pak we Asonje k nam přińdže, wzachmy my jeho k sebi a přińdžechmy do Mityleny.

15. A wot tudy so na lódži wjezechmy a přińdžechmy na druhi dzeń před Chius; a zaso na druhi dzeń pšiwjezechmy so do Samusa a wostachmy w Trogili; a nazajtra přińdžechmy do Mileta.

16. Přetož Pawoł běše zamyslił, nimo Epheza so přewjesć, zo by so we Aziskej njezakomdžil; přetož wón khwataše, zo by na swjatki we Jerusaleme był, hdy by jemu móžno bylo. *St. 18, 21.*

Tekst na 19. njedźelu po swj. Trojicy. III.

17. [Z Mileta wón pak pósła do Epheza a da k sebi tych staršich teje cyrkwe zawolać.

18. Jako pak ěi k njemu přińdžechu, džeše wón k nim: Wy derje wěsće wot přeněho dnja, jako sym do Aziskeje přišoł, kak ja z wami kóždy čas był sym. *St. 19, 10.*

19. Ja sym služił temu Knjezej ze wšej pokornozću a z wjele sylzami a ze zpytowanjemi, kotrež mi přiše su wot tych židow, kiž mi wlečechu;

20. Kak ja ničo njejsym zdžerzał, kotrež wužitne je, zo bych wam njepšipowjedził a was njewučil zjawnje a po chěžach;

21. Sym wobswědčil židam a Grichizkim tu pokutu k Bohu a tu wěru do našeho Knjeza Jezom Chrysta. *Mark. 1, 15.*

22. A hlaj, nětk w duchu ja zwjazany, du do Jerusalema a njewěm, što tam na mnje přińc ma; *St. 18, 21. St. 19, 21.*

23. Chiba-li zo swjaty Duch po wšěch městach wobswědći a praji, zo zwjazki a tyšnozće na mnje čakaju. *St. 9, 16. St. 21, 4. 11.*

24. Ale teho so ničo njeboju, ani moja duša mi samemu njeje droha, zo bych dokonjał mój běh z wjesolósću a tu službu, kotruž sym dóstał wot teho Knjeza Jezusa, k wobswědčenju to ewangelion teje miłosće Božej. *St. 21, 13.*

25. A hlaj, nětk ja wěm, zo moje wobličo wjazy njebudžeće wohladać wy

wšitcy, přez kotrychž sym čahnył a přédował to kralestwo Bože.

26. Teho dla wobswědču ja wam na tym džensnišim dnju, zo ja sym čisty wot krwě wšitkich; *St. 18, 6.*

27. Přetož ničo njejsym zdžerzał, zo bych wam njepšipowjedził wšitku radu Božu.

28. Teho dla kedžbujće sami na so a na wšo stadło, na kotrež was tón swjaty Duch je postajił za bizkopow, zo byšće pasli tu gmejnu Božu, kotruž wón sam přez swoju krej je sebi dobył.

29. Přetož ja to wěm, zo po mojim woteńdženju budža bjez was přińc surowe wjelki, kotřiž teho stadla njebudža šonować.

30. Tež wot was samych budža postanyć mužojo, kotřiž budža pšewrótně wěcy rěčeć, zo bychuwu— čomnikow za sobu čahnyli. *Ps. 41, 10.*

31. Teho dla wachujće a zpomńće na to, zo njejsym přestał, přez tři lěta w nocy a wodnjo jeneho kóžděho ze sylzami napominać. *Hebr. 13, 17.*

32. A nětk, lubi bratřa, ja was poruču Bohu a temu słowu jeho miłosće, kotryž mócny je was natwarić a wam dać to herbstwo bě wšitkimi woswjećenymi. *St. 14, 3.*

33. Ja wot nikoho njejsym slěboro abo złoto abo drastu požadał.

34. Přetož wy sami wěsće, zo k temu, štož mi potrěbne běše, a tym, kotřiž zo mnu běchu, stej služilej tutej rucy. *1 Kor. 4, 12. 1 Thes. 2, 9. 2 Thes. 3, 8.*

35. Ja sym wam wšitko pokazał, zo so tak prózować mamy, zo bychmy tych

slabych horjebrali a zpomnili na te słowa teho Knjeza Jezusa, zo wón je prajił: Sbóžnišo je dać, dyžli brać.

36. A jako to powědał běše, klaknu wón na swoje kolena a modleše so z nimi wšitkimi. *St. 21, 5.*

37. A sta so wulki plač wšitkich a padzechu Pawolej wokoło šije a wokošowachu jeho;

38. Najwjacy so zrudžachu na tym słowje, kotrež wón rjeknu, zo wjazy jeho wobličo njěbudža wohladać. A přewodžichu jeho hač k lódži.]

5. A sta so, jako my te dny tam pobychmy, wuńdžechmy my a dachmy so přeč. A woni nas wšitcy přewodžichu, ze žonami a z džěćimi, hač won před město, a poklaknychmy na brjoze a modlachmy so.

6. A jako so bjez sobu běchmy žohnowali, stupichmy do lódže; woni pak so wróćichu k temu swojemu.

7. My pak dokonjachmy to pšewjezenje wot Tirusa a přińdžechmy do Ptolemaidy a poztrowichmy tych bratrow a wostachmy jedyn dzeń pola nich.

21. staw.

Pawołowe pućowanje wot Mileta do Jerusalema, a što wón na nim je dokonjał a wustał.

1. Jako so nětk bě stało, zo my jich wostajiwši so přeč wjezechmy, přińdžechmy z přnim běhom do Koa a nazajtra pak do Rhoda a wot tudy do Patary.

2. A namakachmy lódž, kotraž do Pheniziskeje so wjezeše, stupichmy do njeje a wjezechmy so přeč.

3. A jako my Ziprus wuhladachmy, woztajichmy jón na lěwicy a wjezechmy so do Syriskeje a přińdžechmy do Tirusa; přetož tam měješe ta lódž tu nakładu wotpołożyć.

4. A jako wučomnikow namakachmy, pobychmy tam sydom dnjow. Či sami Pawolej přez Ducha džachu, zo by so njedał do Jerusalema. *Št. 12. St. 20, 23.*

Tekt na 20. njedželu po swj. Trojicy. III.

8. [Nazajtra pak wuńdžechmy, kiž my při Pawoli běchmy, a přińdžechmy do Zezarije a zańdžechmy do chěže Philippa, teho ewangelizty, kiž běše wot tych sydom jedyn, a wostachmy pola njeho. *St. 6, 5.*

9. A tón měješe štyri džowki, kotrež běchu holzy (knježny) a wěšćachu. *St. 2, 17.*

10. Jako pak wjele dnjow tam wostachmy, přińdže ze židowskeje jedyn profeta z mjenom Agabus. *St. 11, 28.*

11. Tón přišedši k nam wza Pawoła pas a zwjaza swojej rucy a nocy a džeše: To praji tón swjaty Duch: Teho muža, kotrehož tón pas je, budža ći židzi we Jerusaleme tak zwjazać a podać do rukow tych pohanow. *St. 20, 23.*

12. A jako my to slyšachmy, prošachmy jeho my a ći, kotřiž w tym

samym měsće běchu, zo by wón do Jerusalema nješoł.

Mat. 16, 22.

13. Pawoł pak wotmołwi: Što činiće, zo wy plakaće a tyšće moju wutrobu? Přetož ja sym hotowy, nic jeno zo bych mje zwjazali, ale tež, zo bych wumrěl we Jerusaleme teho mjena dla teho Knjeza Jezusa.

Rom. 8, 36.

14. Jako wón so pak njeda narěčeć, běchmy my z pokojom a džachmy: Ta wola teho Knjeza so stań.]

15. A po tych samych dnjach wotpołożichmy to swoje a čehnjechmy horje do Jerusalema.

16. Přińdžechu pak tež někotři tych wučomnikow z žezarije z nami a wjedžechu nas na hospodu k Mnazonej, jenemu Ziprizkemu, kiž stary wučomnik běše.

17. Jako pak nětk do Jerusalema běchmy přišli, wzachu nas ći bratřa rad lubje k sebi.

18. Na tón druhi dzeń pak zańdže Pawoł z nami k Jakubej, hdžež so wšitcy starši běchu zešli.

19. A jako jich běše poztrowił, powědaše wón jene za druhim, štož Bóh běše činił bjez pohanami přez jeho službu.

Luk. 10, 17. Jap. zk. 20, 24.

20. Jako woni to słyšachu, chwalachu woni teho Knjeza a džachu k njemu: Bratře, ty widžiš, kak wjele tawzynt tych židow je, kotřiž su wěrjacy, a su wšitcy surownizy při zakonju.

21. Woni su pak wo tebi słyšeli, zo wotwjedžeš wot Móžasa wšitkich tych židow, kotřiž bjez pohanami su, a prajiš, zo bych woni njewobřezali swoje džěci, tež njechodžili po wustajenjach teho za-

konja.

St. 19,

26.

22. Što dha je? Zawěsće, ta zhromadžizna ma so zeńć; přetož woni budža zhonić, zo sy přišoł.

23. To teho dla čin, štož my ći prajimy: My mamy štyrjoch muskich, kotřiž na sebi slub maju; 4 Móžz. 6, 9. 18. Jap. zk. 18, 18.

24. Tych wzmi k sebi a wučizć so z nimi a čin nakład za nich, zo bych swoje hłowy wobtzihali a wšitcy póznali, zo na tym, štož wo tebi su słyšeli, nič njeje, ale zo ty tež sam khodžiš a zakhowaš tón zakoi.

25. Přetož tym wěrjazym z pohanow smy my pisali, zo smy wobzanknuli, zo bych woni nič teho njedžerželi, hač jeno, zo bych so woni wostajili teho, štož pšiboham budže woprowane, a teje krwě a zadušeneho a kurwarstwa. *St. 15, 20. 29.*

26. Tuž wza Pawoł tych mužow k sebi, da so nazažtra z nimi wučisćić a džěše do cyrkwe, da so wohladać, zo wón wudžerži te dny teho wučisćenja, hač był wopor daty za jeneho kóždeho wot nich.

27. Jako so pak te sydom dny chychu dopjelnić, pytnychu jeho ći Židza z Aziskeje w cyrkwi, nanučichu cyły lud a kładžechu rucy na njeho, *St. 24, 18.*

28. A wołachu: Wy mužojo Israelscy, pomhajće! To je tón čłowjek, kotryž přećiwo temu ludu a zakonju a přećiwo temu městu wšitkich wsudžom wući; tež je wón tych Grichizkich do cyrkwe nutř wjedł a to město njeswjate sćinił. *St. 24, 5. 5 Móžz. 23, 3.*

29. Přetož woni běchu w měsće z nim Trophima, teho Ephezizkeho, wuhladali; wot teho sebi myslachu, zo Pawoł jeho do cyrkwy je nutř wjedł. *St. 20, 4. 2 Tim. 4, 20.*

30. A cyle město bu změšane, a sta so zbžženje teho luda, a zapšimnuchu Pawoła a čehnjachu jeho z cyrkwy won; a na měsće buchu durje zanknjene. *St. 26, 21.*

31. Jako pak za tym stejachu, zo bychu jeho morili, přińdže powěsć k wyšemu hejtmanej teho wójska, zo to cyle Jerusalema je změšane.

32. Tón samy wza na měsće tych wojakow a hejtmanow k sebi a přiběža k nim. Jako pak woni teho hejtmana widźichu a tych wojakow, pšeztachu woni Pawoła bić.

33. Tuž pšibliži so hejtman a wza jeho k sebi a prikaza jeho zwjazać z dwěmaj rječazomaj a wopraša, što wón je a što je činił? *St. 20, 23.*

34. Jedyn pak wołaše tak a druhi hinak wot luda. Jako wón pak ničo wěsteho njemóžeše zhonić teho hawtowanja dla, prikaza wón, zo bychu jeho wjedli do wojskeje chěže.

35. Jako wón pak k zkhodej přińdže, sta so, zo wón wot tych wojakow bu njeseny, mocy dla teho luda;

36. Přetož wjele luda za nim džeše, kiž wołaše: Preć z tym!

37. Jako pak nětk Pawoł do wojskeje chěže bu wjedzeny, džeše wón k hejtmanej: Ssměm ja ći što prajić? Tón pak džeše: Móžeš grichizki?

38. Njesy ty tón Egypťowzki, kiž před tymi dnjemi sy změšk naćinił a wuwjedł

do pusćiny štyri tawzynt mordaržkich mužow?

39. Pawoł pak džeše: Ja sym židowski muž z Tarza, měšćan jeneho khwalobneho města Zilizizkeje zemje; ja prošu pak tebje, wotpušć mi, zo bych k temu ludu řečal.

40. Jako wón pak jemu wotpušći, stupi Pawoł na zkhód a kiwnu z ruku k ludu. A jako wulke mjelčenje bu, řečeše wón k nim po hebrejskej řeči a džeše: *St. 12, 17. St. 13, 16. St. 19, 33.*

22. staw.

Pawołowe zamołwjenje.

1. Wy mužojo, lubi bratřa a wótcojo, posłuchajće na moje zamołwjenje, kotrež nětk chcu k wam činić. *St. 7, 2.*

2. Jako pak woni slyšachu, zo wón po hebrejskej řeči k nim řečeše, buchu woni bóle mjelčo. A wón džeše:

3. Ja sym židowski muž, rodzeny w Tarzu w Zilizizkej, horječehnjeny pak w tutym měsće, k nohomaj Gamaliela, zpróznje rozwučeny we wótcowskim zakonju; a běch surownik Boha dla, kaž wy wšitcy džensniši džeń sće; *St. 5, 34.*

4. Kiž ja sym tón puć pšezčehal hać k smjerći, sym zwjazał a podał do jastwa mužow a žony; *St. 8, 3. St. 9, 2. St. 26, 9.*

5. Kaž mi tež tón wyši měšnik a wšitcy starši budža swěd-čić, wot kotrychž ja tež listy wzach k tym bratram, jako ja do Damazka čehnjech, zo bych ja tych, kotřiž tam běchu, zwjazanych přiwjedł do Jerusalema, zo by-

chu čwělowani byli. *St. 9, 1. St. 26, 12.*

6. Sta so pak, jako ja tam čehnjech a k Damazku so pšiblišowach, připołdnju, wobswěći mje nahle wulka swětlosć z njebjes. *St. 9, 3. 17. St. 26, 12. 1 Kor. 15, 8.*

7. Ja padžech na zemju a slyšach hlós ryčo ke mni: Saule, Saule, što mje přescěhaš? *St. 9, 4. St. 26, 14. 15.*

8. Ja pak wotmołwich: Štó sy ty, Knježe? A wón džeše ke mni: Ja sym Jezus Nacarenski, kotrehož ty přescěhaš.

9. Či pak, kotřiž zo mnu běchu, widžichu tu swětlosć derje a buchu nastróženi; tón hlós pak teho, kiž zo mnu řečeše, woni njeslyšachu. *St. 9, 7.*

10. Jak pak džach: Knježe, što mam ja činić? A tón Knjez džeše ke mni: Postań a dži do Damazka; tam budže tebi prajene wšitko to, štož ty činić maš. *St. 9, 6.*

11. Jako pak widžeć njemóžach před krasnosću teje sameje swětložće, buch ja za ruku wjedženy wot tych, kotřiž zo mnu běchu, a přińdžech do Damazka.

12. Ananias pak, jedyn bohabojazny muž po zakonju, kiž měješe dobre swědčenje wot wšitkich tam bydlazych Židow,

13. Přińdže ke mni, přistupi a džeše ke mni: Saule, luby bratře, pohladaj horje. A ja w tej samej štundže na njeho pohladach.

14. Wón pak džeše: Tón Bóh našich wótcow je će wuhotował, zo by ty póznał jeho wolu a wohladał teho praweho a tón hlós z jeho erta slyšal.

15. Přetož ty budžeš jeho swědk k wšitkim čłowjekam teho, štož sy widžił a slyšal. *St. 26, 16.*

16. A nětk, što so komdžiš? Stań a daj so křćić a zmyć wot swojich hrěchow a wołaj so k temu mjenu teho Knjeza.

17. Sta so pak, jako ja so zaso wróćich do Jerusalema a so modlach w cyrkwi, zo buch zatorhnjeny, *St. 9, 26*

18. A wuhladach jeho, kotryž ke mni džeše: Pokhwataj a wuńdž z molom z Jerusalema, dokelž woni njebudža horjewzac twoje swědčenje wote mnje.

19. A ja džach: Knježe, woni sami wjedža, zo ja jimach a khoztach w šulach tam a sem tych, kotřiž do tebjewěryjachu. *St. 9, 2. St. 8, 3.*

20. A jako wulata bu ta krej Sćěpana, twojeho swědka, ja tež pódla ztejach a mějach spodobanje na jeho morjenju a khowach tych drastu, kotřiž jeho morjachu. *St. 7, 58. St. 8, 1.*

21. A wón džeše ke mni: Dži; přetož ja chcu će daloko k tym póhanam pósłać. *St. 9, 15. St. 13, 2.*

22. Woni pak na njeho posłuchachu hač do teho słowa a pozběžechu swój hlós a džachu: Preč wot zemje z tajkim; přetož zdobne njeje, zo by wón žiwy był.

23. A jako woni wołachu a drasty přec mjetachu a tón proch k njebjesam čiskachu,

24. Kazaše jeho tón hejtman do wojskeje chěže wjesć a přikaza, zo bychu jeho šwikali a so wobhonili, zo by zhonił, čoho dla woni tak na njeho wołachu.

25. Jako pak jeho z rjemjenjemi pšiwjazachu, džeše Pawoł k temu

nižšemu hejtmanej, kotryž pódla steješe: Sšluša so wam, romzkeho čłowjeka a njesudženeho šwikać?

St. 16,

37.

26. Jako to tón nižši hejtman slyšeše, přinǵže a powědaše wón temu wyšemu hejtmanej a džeše: Hladaj, što maš činić; přetož tón čłowjek je Romski.

27. Tuž přistupi tón wyši hejtman a džeše k njemu: Praj mi, sy ty Romski? Wón pak džeše: Haj, ja sym.

28. Tuž wotmołwi wyši hejtman: Ja sym to měščanske prawo za wulki pjen-jez dóstał. Pawoł pak džeše: Ja sym tež tajki rodženy.

29. Tuž na měsće wot njeho wotz-tupichu, kotřiž jeho chychu woprašec. A tež wyši hejtman so boješe, jako zrozumi, zo Romski je a zo jeho běše zwjazal.

30. Nazajtra pak chcyše wón so wěšće wobhonić wo to, čoho dla wobskorženy bě wot židow, a pušći jeho ze zwjazkow a přikaza, zo bychu ěi wyši měšnicy a jich cyła rada přišli; a přiwjedže Pawoła a postaji jeho před nich.

23. staw.

Pawoł na swoje zamołwjenje před Jeruzalemzkej radu bity, wot Knjeza troštowany a ze ztrachoty wumoženy.

1. Pawoł pak pohlada na radu a džeše: Wy mužojo, lubi bratra, ja sym ze wšěm dobrym swědomnjom před Bohom chodźil, hač do toho dnja.

2. Tón wyši měšnik pak, Ananias, přikaza tym, kotřiž při nim stejachu, zo bychu jeho na hubu dyrili.

3. Tuž džeše Pawoł k njemu: Bóh budže tebe dyríc, ty bělena zčěna; a ty sedžiš a sudžiš mje po zakonju, a kažeš mje bić přeciwo zakonju?

4. A ěi, kiž při nim stejachu, džachu: Sswariš ty wyšeho měšnika Božeho?

5. A Pawoł džeše: Ja njewjedžich, lubi bratra, zo wón wyši měšnik je. Přetož pisane stej: Wyšeho twjeho luda njedyrbiš zlě klec. 2 Mójz. 22, 28. 2 Pětr. 2, 10. Jud. št. 8.

6. Pawoł pak pózna, zo jich někotři běchu Sadduzejzzy a druzy Farizejscy; tuž zawoła wón w radže: Wy mužojo, lubi bratra, ja sym Farizejski a syn Farizejskeho; ja budu sudženy teje nadžije a teho horjestaća dla tych morych.

St. 26,

5.

7. Jako wón to rěčeše, sta so změšk tych Farizejskich a Sadduzejskich, a ta zhromadžizna bu rosdžělena.

8. Přetož Sadduzejzzy praja, zo žane horjestawanje njeje ani jandžel ani duch; Farizejscy pak poznaju, zo je woboje.

Mat. 22, 23.

9. Bě pak wulke wołanje. A pis-mawučeni z črjody tych Farizejskich poztanychu, wojowachu a džachu: Ničo zleho na tym čłowjeku njenamakamy; jeli pak duch abo jandžel z nim rěčał, dha my z Bohom wojować nimamy. St. 25, 25.

10. Jako pak tón změšk wulki bu, boješe so tón wyši hejtman, zo bychu Pawoła rostorhali; a přikaza wojakam,

zo bychu dele stupili a jeho wot nich přeč torhnyli a do teje wojserskeje chěže wjedli.

11. A nazajtra w nocy steješe tón Knjez při nim a džeše: Budź dobreje mysle, Pawole; přetož kaž ty wote mnje we Jerusaleme swědčil sy, tak maš tež w Romje swědčić.

12. Jako pak džen bu, zeńdžechu so někotři tych židow hromadu a zwjazachu so z přísahu a džachu, zo ani jěsć ani pić nochzedža, hač su Pawoła skóncowali.

13. Jich pak běše wjazy, dyžli štyrcyći, kotřiž tajke zjednanje běchu hromadže sčinili.

14. Ći přistupichu k tym wyšim měšnikam a k staršim a džachu: My smy so z přísahu hromadže spřisahali, zo ničo woptać nochzemy, hač bychmy Pawoła skóncowali.

15. Dha dajće wy nětko k wědženju temu wyšemu hejtmanej a tej radže, zo by jeho jutře k wam přiwjedł, jako chcyli Ći hišće lěpje so wobhonić wo jeho wěcy; my pak smy hotowi, prjedy dyžli wón před was přińdže, jeho morić.

16. Jako pak Pawoła sotziny syn słyšeše to złe łakanje, přistupi wón a zańdže do teje wojserskeje chěže a připowědaše to Pawolej.

17. Tuž zawoła Pawoł k sebi jeneho wot tych nišich hejtmanow a džeše: Tuteho młodźenca wjedź k temu wyšemu hejtmanej; přetož wón ma jemu něšto powjedzić.

18. Tón teho dla wza jeho k sebi a wjedžeše jeho k temu wyšemu hejtmanej a džeše: Tón zwjazany Pawoł zawoła

mje k sebi a prošeše mje, zo bych tuteho młodźenca k tebi přiwjedł, kotryž tebi něšto prajić ma.

19. Tuž wza jeho wyši hejtman za ruku, wotstupi na stronu a woprašaja jeho: Što je, štož mi prajić maš?

20. Wón pak džeše: Ći židzi su so zjednali, zo bychu Će prosyli, zo by jutře dał Pawoła před radu přiwjesć, jako chcyli so pola njeho hišće lěpje wobhonić.

21. Ty pak so njedaj wot nich narěć; přetož wjazy dyžli štyrcyći mužow wot nich na njeho łakaju, kotřiž su so hromadže spřisahali ani jěsć ani pić, hač bychy Pawoła skóncowali; a nětk su hotowi a čakaju na twoje dobre wotmołwenje.

22. Na to pak pušći wyši hejtman teho młodźenca a přikaza jemu, zo by nikomu njeprajil, zo jemu to je zjewil.

23. A zawoła k sebi dweju wot tych nišich hejtmanow a džeše: Přihotujće dvě sće wojakow, zo bychy šli hač do žezarije, a sydom džesać jězdnych a dvě sće tzělwow, na tzeću nóznu štundu;

24. A přihotujće zkočata, zo bychy Pawoła na nje sadžili a stroweho přiwjedli k Felirej, temu bohotej.

25. A napisa tež list, tón so tak měješe:

26. Klaudius Lizias temu drohemu bohotej Felixej, wjele strowja a zboža.
1

27. Tuteho muža běchu židzi jeli a chcychy jeho morjeného měć. A ja přińdžech z wojakami k temu a jeho wutorzech jim a zhonich, zo je Romski. *St. 21, 33. St. 22, 25.*

28. Jako ja pak chzych tu winu wjedźić, kotrejež dla na njeho skorža, wjedžech jeho před jich radu. *St. 22, 30.*

29. Tuž zhonich ja, zo wón je wobskorženy wo to woprašowanje jich zakonja, a zo nima žaneje winy, kotrejež dla by smjerće abo zwjazanja hódny był.

30. Mi pak běše powjedžene, zo někotři tych židow na teho muža chcedža łakać; tuž na měsće pósłach jeho k tebi a dach tež tym skórzbnikam prajić, zo bychy před tobu, štož na njeho bychy měli, řečeli. Měj so derje! *St. 24, 8.*

31. Ći wojacy teho dla, jako jim běše prikazane, wzachu Pawoła a wjedžechu jeho w nocy do Antipatridy.

32. Nazajtra pak dachu tych jězdnych z nim čahnyć a wróćichu so zaso do teje wojskeje chěže.

33. Jako pak Ći sami do žezarije přińdžechu, podachu tón list temu bohotej a stajichu teho Pawoła před njeho.

34. Jako pak bohota tón list běše pšelazował a so woprašal, z kotreho kraja wón je? a zhonił, zo z Zilizizkeje je,

35. Džeše wón: Ja chcu Će pšeslyšeć, hdyž twoji skórzbnicy tež tudy budža. A prikaza jeho twjerdže dzeržeć we Herodašowym domje.

24 staw.

Pawoł před bohodom Felixom wot židow wobskorženy.

1. Po pječich dnjach pak čehnješe dele wyši měšnik Ananias z tymi staršimi a z jednym ryčnikom Tertullusom; Ći přistupichu k bohotej přećiwo Pawolej.

2. Jako wón pak zawołany bě, poča Tertullus skorzić a praješe:

3. So my we wulkim pokoju smy pod tobu a wjele dobrego tutemu ludu so stanje přez twoje wobztaranje, wulkimóžny Felixo, to my poznajemy stajnje a wšudžom z wulkim džakom. *St. 23, 26.*

4. So bych ja Će pak dołho njekomdžil, prošu ja, ty by chcył nas zkrótkim slyšeć po swojej miłozći.

5. Přetož my smy tuteho muža namakali škódného a kiž změšk Ćini wšitkim židam po cyłej zemi, a je najwosebniši teje Nazarenzkeje sekty; *1 Kral. 18, 17.*

6. Kiž tež spytał je, zo by wón tu cyrkej njeswjatu sčinił, kotrehož my tež smy jimali a chcychmy jeho sudzić po našim zakonju.

7. Lizias, wyši hejtman, pak přińdže a wza jeho z wulkej mozu z našich rukow,

8. Prikaza tež jeho skórzbnikam, zo bychy k tebi přišli; wot kotrehož ty móžeš, jeli zo so sam chceš wobhonić, to wšitko zhonić, čoho dla my na njeho zkoržimy. *St. 23, 30.*

9. A k temu tež ryčachu Ći židzi a prajachu, zo so tak ma.

Tekst na 21. njedźelu po swj. Trojicy. III.

10. [Pawoł pak wotmołwi, jako jemu tón bohot kiwaše, zo by rěčał: Dokelž wot wjele lět hew sy sudnik był tutemu ludu, dha chcu ja najkhroblišo to, štož mje nastupa, wupowědać.

11. Ty móžeš póznać, zo wjazy njeje dyžli dwanaće dnjow, jako ja sym přišoł do Jerusalema, zo bych so modlił.

12. Tež njejsu mje namakali w cyrkwi, zo bych z někim rěčał abo změšk teho luda činil, ani w šulach ani po měsće. *St. 25, 8.*

13. Ani tež njemóža woni to dowjezć, čohož dla nětka na mnje skorža.

14. Teho so pak ja před tobu wuznaju, zo ja po tym puću, kotryž woni zektu mjenuja, tak služu temu Bohu mojich wótcow, zo wěrju wšitkemu, štož pisane je w zakonju a w tych profetach;

15. A mam tu nadźiju k Bohu, na kotruž tež tući sami wočakuja, zo budže so stać horjestawanje tych morwych, prawych a tež tych njeprawych.

16. Wo to ja so pak prózuju, zo bych měł swědomnje bjez poroka před Bohom a před ludźimi wšudžom.] *St. 23, 1.*

17. Ale po wjele lětach sym ja přišoł a sym smilnych darow přinješ swojemu ludu a wopory. *St. 11, 29. St. 21, 26. Gal. 2, 10.*

18. Při tym namakachu mje, zo ja so dach w cyrkwi čizčić bjez ropota a bjez hawtowanja, někotři Židža z Aziskeje, *St. 21, 27.*

19. Kotřiž dyrbjeli před tobu so postajić, skorzić, jeli zo něšto ke mni

maju.

20. Abo njech tući sami wupowjedaju, hač što njeprawe su na mni namakali, dokelž ja hišće před radu steju,

21. Chiba teho jeničkeho słowa dla, kotrež ja wołach stejacy bjez nimi: Teho horjestawanja tych morwych dla budu ja džens wot was wobskorženy. *St. 23, 6. St. 26, 6. St. 28, 20.*

22. Jako pak to Felix běše słyšał, wotłóži wón jich, derje wjedziwši wo jich puću, a džeše: Hdyž Lizias, tón hejzman, přindže, chcu ja so wo to waše wobhonić. *St. 23, 26.*

23. Přikaza pak temu nižšemu hejmanej, zo by Pawola twjerdže dźeržał, jemu pak pokoj dał a nikomu njewobarał wot tych svojich, zo by jemu služil abo k njemu chodžil.

Tekst na 22. njedźelu po swj. Trojicy. III.

24. [Po někotrych dnjach pak přindže Felix ze swojej žonu Druzillu, kotraž židowska běše, pósła po Pawola a posłuchaše jeho wot teje wěry do Chrysta.

25. Jako wón pak ryč činješe wot prawdosće a pózcíwozće a wot pšichodneho sudženja, stróži so Felix a wotmołwi: Nětka móžeš woteńć; hdyž pak budu čas měć, chcu ja će kazać zaso zawolać.

26. A při tym pak so wón nadźiješe, zo jemu wot Pawola budža pjenjezy date, zo by jeho pušćil; teho dla wón jeho tež husto k sebi zawola a rosryčowaše so z nim.

27. Po dwěmaj lětomaj pak dósta Felix po sebi na swoje město Porziusa Fezta. Felix pak chcyše židam dobrotu wopokazać a wostaji Pawoła po sebi jateho.]

St. 25, 14.

25. staw.

Pawoł powoła so před Feztusom na kejžora.

1. Jako pak Feztus do kraja přińdže, čehnješe wón po třoch dnjach horje do Jerusaleina z Zezarije.

2. Tuž zjewichu so před nim tón wyši měšnik a či wosebniši wot tych židow přećiwo Pawolej a prošachu jeho, St. 24, 1.

3. A žadachu, zo by jim tu lubošć přećiwo njemu wopokazał a jeho dał do Jerusalema přiwjesć; přetož woni łakachu, zo bychu jeho na drozy skóncowali.

4. Tuž wotmołwi Feztus: Wšak budže Pawoł dzeržany w Zezarii; a zo wón tež sam w krótkim tam počehnje.

5. Kotřiž teho dla wot was móža, džeše wón, njech sobu přińdu a njech na njeho skorža, jeli zo někajka wina na tym mužu je.

6. Jako pak pola nich wjazy nic hač džesać dnjow poby, čehnješe wón do Zezarije. Nazajtra pak syže wón so na sudny stoł a kazaše Pawoła přiwjesć.

7. A jako tón samy bu přiwjedzeny, wobstupichu jeho či Židža, kotřiž běchu z Jerusalema přišli, a wjedzechu wulke a ćežke zkóržby přećiwo Pawolej, kotrež

njemóžachu dowjezc;

8. Dokelž wón so zamołwi a džeše: Ja njejsym ničo ani přećiwo židowskemu zakonju ani přećiwo cyrkwi ani přećiwo chěžorej zhrěšil.

9. Feztus pak chcyše Židam lubošć wopokazać, wotmołwi Pawolej a džeše: Chceš horje do Jerusalema hić a tam teho dla sudženy być přede mnou? St. 24, 27.

10. Pawoł pak džeše: Ja steju před khěžorzskim stołom, tam mam so ja dać sudzić. Zžidam žaneje kšiwdy njejsym sćinił, kaž tež ty najlěpje wěš.

11. Sym ja pak koho zkšiwdził a něšto smjerće hódne sćinił, dha ja so njewobaram wumrjeć; jeli zo pak ničo njeje, čohož dla či mje wobzkorža, dha mje nichtó jim njemóže podać; na kejžora ja so powołam.

12. Tuž rosryča so Feztus z radu a wotmołwi: Na kejžora sy so ty powołał, k chěžorej póndžeš.

13. A po někotrych dnjach přińdžeštaj kral Agrippas a Bernize do Zezarije, zo byštaj Fezta powitalaj.

14. Jako pak wonaj tam wjeleě dnjow pobyłaj běštaj, přinjese Feztus před krala to wot Pawoła a džeše: Jedyn muž je wot Felixa jaty wostajeny, St. 24, 27.

15. Kotrehož dla, jako we Jerusaleme běch, či wyši měšnicy a starši tych Židow přede mnje su stupili a prošachu pře sud přećiwo njemu; St. 1. 2.

16. Kotrymž ja wotmołowich: So w Romzkim to wašnje njeje, zo bychu jeneho čłowjeka dali skóncować, prjedy dyžli tón wobskorženy svojich

zkóržbnikow prjedy so by měł a město dóstał, zo by so zamolwił na to, štož jemu winu dawaju. *5 Mójz. 17, 6.*

17. Jako teho dla woni so sem zeńdžechu, nječinjach ja žaneho wotłożenja, synuch so tón druhi dzeń na sudny stoł a kazach teho muža přiwjesć,

18. Přeciwo kotremuž či skóržbnicy, kiž pódla stejachu, žanu winu na njeho njepšinjesechu, kotrejež so ja nadžijach.

19. Woni pak někotre woprašnja mějachu přeciwo njemu wot swjeho pšibójztwa a wot jeneho morweho Jezusa, wot kotrehož Pawoł praješe, zo je žiwy. *Luk. 24, 23.*

20. Jako pak ja so na to prašenje njewuztejach, džach ja, hač wón by chcył hić do Jerusalema a tam wo to być sudženy?

21. Jako pak Pawoł so powoła, zo by schowany był k sudu teho kejžora, pšikazach jeho zdžeržec, hač bych jeho chěžorej pósłał.

22. Agrippas pak džeše k Feztej: Ja sam tež chcył teho čłowjeka rad słyšeć. Wón pak džeše: Jutře budžeš jeho słyšeć.

23. Nazajtra teho dla přińdžeštaj Agrippas a Bernize z wulkim wuhotowanjom a zańdžeštaj do sudneje chěže z hejtmanami a z wosebnymi mužemi teho města; a jako Feztus prikaza, bu Pawoł přiwjedzeny.

24. A Feztus džeše: Kralo Agrippa a wšitcy wy mucy, kiž wy tudy z nami sće, tu widžiće wy teho, kotrehož dla mje tón cyły židowski lud je prosył we Jerusaleme a tudy, a wołachu, zo so njezaleži, zo by tón dlěje žiwy byl. *St.*

22, 22.

25. A jako ja zrozymich, zo wón ničo njeje činił, zo by smjerće hódne było, a wón so sam na kejžora běše powołał; wobzanknych ja, zo by był pósłany, *St. 23, 9.*

26. Wot kotrehož ja ničo wěsteho nimam, zo bych temu knjezej pisał. Teho dla sym kazał, zo by wón před was přiwjedzeny byl, najwjacy pak před tebe, kralo Agrippa, zo bych po tym wobhonjenju něšto měł pisać.

27. Přetož mi so zda njerozomna wěc być, jateho pósłać a žaneje winy přeciwo njemu njezjewić.

26. staw.

Pawoł dósta na swoje zamołwjenje wot Agrippy swědčenje njewinozće.

1. Agrippas pak džeše k Pawołej: Tebi je wotpušćene, zo móžeš sam za so rěčeć. Tuž zamołwi so Pawoł, wupšežtrěwši ruku:

2. Mi je jara lubo, luby kralo Agrippa, zo ja džens před tobu so zamołwić móžu na to wšitko, čohož mi Židža winu dawaju;

3. Najbóle, zo tebi su wědomne wšitke wašnja a prašenja tych Židow. Teho dla prošu će, zo by zčeřpliwje na mnje posluhał.

4. Wšak wot mojeho žiwjenja wot młodosće hew, jako je było wot spočatka bjez mojim ludom we Jerusaleme, wjedža wšitcy židzi,

5. Kotřiž mje dawno su znali (jeli zo chcyli swědčić), zo po tej najwótrišej zekće našeje Božej služby sym Farizejski.

St. 23, 6. Phil. 3,

5.

6. Nětk pak ja steju wobskorženy wo tu nadžiju teho sluba, kotryž so stał je k wótcam wot Boha,

St. 13, 32. St. 28,

20. 1 Mójz. 3, 15.

7. Kotremuž so nadžija te dwanaće narody tych našich přińc, přez Božu službu wodnjo a w nocy stajnje. Teje nadžije dla, mój kralo Agrippa, na mnje skorža či Židža.

St. 24, 15.

8. Što budže to pola was za njewěrne sudžene, zo Bóh morwych zbudži?

9. Mí je so woprawdže samemu zdało, zo přeciwo mjenu Jezusa Nacarenskeho mam wjele napřeciwo činić.

St. 8, 3. St. 9, 1. St. 22, 4.

10. Jako ja tež sym činił we Jerusaleme, hdžež ja wjele swjatyh sym do klódy zanknuł, na kotrychž móc doztach wot wyšich měšnikow; a hdyž woni zkónzowani buchu, sym ja to prawo pomhał wurjez.

11. A po wšitkich šulach ja jich husto čwilowach a nučach, zo bychu jich hanili, a běch jara njemdry na nich, pšezčěchach jich tež hač do cuzych městow.

12. W tym, jako ja tež do Damazka džěch, z mozu a z poručenjom wot tych wyšich měšnikow,

St. 9, 2.

13. Připołdnu, mój kralo, widžich ja na puću, zo swětłosc z njebjes, jasniša, dyžli teho slónza jasnosť, mje a tych, kotřiž zo mnu džěchu, wobswěći.

14. A hdyž my wšitcy na zemju padžechmy, slyšach ja hlós, kotryž ke

mni rěčeše po Hebrejzku: Saule, Saule, što mje přescěhaš? Čěžko či budže, přeciwo wótremu kopać.

15. Ja pak džach: Štó sy ty, Knježe? Wón pak džeše: Ja sym Jezus, kotrehož ty přescěhaš;

16. Ale postać a stup na swojej nocy; přetož teho dla sym ja so tebi zjewił, zo bych će postajił za služomnika a za swědka teho, štož ty sy widžił a štož tebi hišće budu zjewić.

St. 22, 15.

17. A chcu će wumóž wot teho luda a wot pohanow, k kotrymž ja će nětk pósćelu,

18. K wotewrjenju jich woči, zo bychu so wobročili wot čemnozčekswětłu a wot teje mocy teho satana k Bohu, zo bychu woni dóstali wodaće tych hrěchow a to herbstwo bjez woswjećeny mi přez tu wěru do mnje.

Jez. 35, 5. Eph. 1, 18. Jap. zk. 20, 32.

19. Teho dla, kralo Agrippa, njeběch ja njeposlušny temu njebieskemu widženju;

Gal. 1,

16.

20. Ale pšipowjedach najprjedy tym w Damazku a we Jerusaleme a po wšem kraju teje židowskeje, tež póhanam, zo bychu pokutu činili a so wobročili k Bohu, tež činili dostojne skutki teje pokuty.

St. 9, 20.

21. Teho dla su mje či židzi w cyrkwi jimali a pytali mje morić.

St. 21, 30.

22. Ale z Božej pomozu steju ja hišće hač do tuteho dnja a swědču małemu a wulkemu; njeryču tež ničo, chiba štož či profetojo su rěčeli, zo so stać dyrbyeše, a Mójzas:

Luk. 24, 44.

23. So Chrystus je dyrbjal čerpić a

tón přěńši być z teho horjestawanja tych morwych a připowědać to swětło temu ludu a tym póhanam. *1 Kor. 15, 20. Kol. 1, 18. Zjew. 1, 5.*

Tekst na 23. njedźelu po swj. Trojicy. III.

24. [Jako pak wón so z tym zamołwi, džeše Feztus z wulkim hłosom: Błazniš so, Pawole; twoje wulke nawuknjenje přinjese će k blaznozći.

25. Wón pak džeše: Mój drohi Feztuso, ja so njeblaznju; ale ja řeču prawe a mudre słowa.

26. Přetož tón kral wo tym wšitkim jara derje wě, k kotremuž ja tež chroble řeču. Přetož ja mam za to, zo ničo tuteho jemu njeje potajne; přetož to w kuće so stało njeje. *Jan. 18, 20.*

27. Wěřiš, kralo Agrippa, tym profetam? Ja wěm, zo wěřiš.

28. Agrippas pak džeše k Pawolej: Mało je trjeba, dha by mje naryčał, zo bych kšezćijan był.

29. Pawoł pak džeše: Ja žadam wot Boha, njech je mało abo wjele trjeba, zo by nic jeno ty, ale tež wšitcy, kotřiž mje džens słyša, tajcy byli, jako ja sym; wuměnjene pak su tute zwjazki.

30. Jako wón to běše prajił, postaže tón kral a bohot a Bernize a kotřiž z nimi sedźichu,

31. A wotztupiwiši na stronu řečeše jedyn k druhemu a džachu, zo tutón čłowjek ničo njeje činił, zo by smjerće abo tych zwjazkow hódne było.

32. Agrippas pak k Feztej rjeknu: Tutón čłowjek budžiše mohł pušćeny

być, hdyž by so na kejžora njepowolał.]

27. staw.

Pawołowe trašne a džiwne wjezenje na lódži.

1. Jako pak wobzanknjene běše, zo bychmy so přewjezli do Walzkeje, podachu woni Pawoła a někotrych druhich jatych temu nižšemu hejtmanej, z mjenom Juliušej, z khěžorzkeho wójška. *St. 25, 12.*

2. Jako pak my do Adramitizkeje lódže stupichmy, zo bychmy so po Aziskich stronach přewjezli, pušćichmy so na morjo; a běše z nami Ariztarchus Mazedonзки z Thesaloniki. *St. 19, 29.*

3. A přińdžechmy na druhi dzeń do Sidona. A Julius so přećiwo Pawolej dobroćiwje zadžerža; wotpušći jemu k přecelam hić, zo by wobztarany był. *St. 24, 23. St. 28, 16.*

4. A wotsal so pušćichmy a wjezechmy so nimo Zžiprusa, teho dla, zo nam wětry běchu pšeciwne.

5. A přewjezechmy so přez morjo, kotrež je pola Zžilizizkeje a Pamphilizkeje, a přińdžechmy do Mira, města Lizizkeho.

6. A tam namaka tón nižši hejtman Alexandrizku lódž, kotraž so wjezeše do Walzkeje, a sadži nas do njeje.

7. A jako někotre dny njezpěšnje so wjezechmy a lědom přećiwo Knidusu přińdžechmy z(přetož wětr so nam přećiwješe), wjezechmy my so přećiwo

Kretu nimo města Salmona.

8. A lědom nimo teho sameho čehnjechmy, tuž přińdžechmy na někajke město, kotremuž rěkachu dobry brjóh, při kotrymž běše blisko město Lazea.

9. A jako so wjele časa běše minulo a nětko to wjezenje na lódži trašne běše, přetož tež tón póztny čas nimo běše, napomina jich Pawoł, *2 Kor. 11, 25. 26.*

10. A praješe k nim: Wy mužojo, ja widžu, zo to wjezenje na lódži z křiwdu a z wulkej škodu so stać budže, nic jeno temu nakładu a tej lódži, ale tež našemu žiwjenju.

11. Tón nižši hejtman pak wjazy wěrješe temu knjezej teje lódže a temu lódnikej, hač temu, štož Pawoł praješe.

12. A jako tón brjóh so njehodžeše, hdžež bychu pobyli přez zymu, radžeše jich wjele, zo bychu so wot tudy přeč pušćili, hač móhli tak dosahnuć do Phenizizkeje, zo bychu tam přez zymu wostali, při Kretizkim brjoze, srjedža wětra wot poł pońnja a wot poł wječora.

13. A jako tón wětr wot pońnja duješe a za to mějachu, zo jim tak póńdže, kaž sebi běchu zamyslili, pušćichu woni so wot brjoha a wjezechu so blisko při Kreće.

14. Nic dolho potom pak zběže so napřećiwo njej sylny wětr, kotremuž rěkaju Euroklidon abo wětr wot poł ranja a wot pońnocy.

15. A jako ta lódž běše zapši-. mnjena a njezamóžeše so přećiwo wětru stajić, pušćichmy my ju po wětre, a tak so wjezechmy.

16. My pak přińdžechmy k někajkej

malej inzuli (kupje), kotrejž rěkachu Klauda; tam mózachmy lědom lódžičku zapšijeć.

17. Tu wzachmy my a wšelkeje pomocy pytaŕši podpasachmy lódžičku k lódži; přetož my so bojachmy, zo by na pězk panuła, pušćichmy zegel (plachtu) dele, a buchmy tak wjezeni. *Št. 40.*

18. Jako pak před wulke njewjedro tam a sem mjetani běchmy, wumjetachmy my druhi džen tón nakład.

19. Na třeci džen pak wučisnychmy sami z našimaj rukomaj teje lódže grat.

20. A jako ani slóncó ani hwězdy přez wjele dnjow so njepokazachu a nic małe njewjedro nam naztaže, bě nam na posledku wšitka nadžija wšudžom přeč wzata, zo bychmy móhli być zdžerženi.

21. A jako my tež za dolhi čas njeběchmy jědli, tuž stupi Pawoł srjedža bjez nich a džeše: Lubi mužojo, wy sće dyrbjeli mje posłuchać a wot Krety so přeč njepušćić a nam tajku křiwdu a škodu njenaćinić.

22. Dha wšak ja was nětk napominam, zo byšće dobreje mysle byli; přetož wot was žana duša njebudže kónc wzać, chiba jeno ta lódž.

23. Přetož w tej nocy je při mni stał jandžel Boži (Chrystus), kotrehož ja sym a kotremuž ja služu. *1 Móž. 16, 7.*

24. Tón džeše: Njebój so, Pawole, před khězorom maš stać; a hlaj, Bóh je će wobdarił ze wšitkimi, kotřiž z tobu so wjezu. *Št. 23, 11.*

25. Teho dla, lubi mužojo, budžće dobreje mysle; přetož ja wěrju Bohu, zo tak budže, kaž mi je powjedžene.

26. My so pak k někajkej inzuli přiwjesć mamy. *St. 28, 1.*

27. Jako pak štyrnata nóc bě přišla a my po adriatizkim morju so wjezechmy, zezda so wokoło połnocy tym lódnikam, zo so jim někajki kraj přibližuje.

28. A pušćichu wołojnicu do wody a namakachu dwacyći sahow hluboku; a trochu dale so wjewewši, pušćichu zaso wołojnicu a namakachu pjatnaće sahow.

29. Bojachu so pak, zo snadnje wo zkałobne města móhli zawadzić, a čisnychu zady z lóдзе štyri kótwicy a prošachu, zo by dzeń był.

30. Jako pak či lódnizy sebi myslachu z lóдзе čeknyć a čołmik do morja pušćichu a wudawachu, jako chcyli wot z prjódk teje lóдзе te kótwicy dele pušćić,

31. Džeše Pawoł k nižsemu hejtmanej a k tym wojakam: Jeli zo či we lódzi njewoztanu, dha wy při žiwjenju wostać njemóžeće.

32. Tuž wotrubachu wojacy te štryki teje čolnizy a pušćichu ju, zo by wotpanuła.

33. A jako nětk chcyše dzeń być, napominaše Pawoł wšitkich, zo bychu pojědli, a džeše: Džens je štyrnaty dzeń, zo wy čakaće a bjez jědze sće byli a njejsće ničo k sebi brali. *Št. 27.*

34. Teho dla napominam ja was, zo byšće pojědli; to wšak budže k wašej ztrowozći služić. Přetož zawěsće žadnemu wot was włós z hlowy njebudže wupanuć. *Mat. 10, 30. Luk. 21, 18.*

35. Jako pak to prajił běše, wza wón chlěb, džakowaše so Bohu přede wšitkimi a lamaše a poča jěsć. *1 Sam. 9, 13. Jan. 6, 11.*

36. Tuž buchu wšitcy lepšeje mysle a wzachu tež jědz k sebi.

37. Nas pak wšitkich hromadže we lódzi běše dwě sće sydom džesać a šěsć dušow. *St. 2, 41. St. 7, 14.*

38. A jako z jědžu běchu nasyceni, položichu woni tu lódz a wučisnychu to žito do morja.

39. Jako pak dzeń bě, njeznajachu woni tu zemju; někajki móržki brjóh pak wuhladachu, kiž ramjo měješe; do teho sameho chcychu woni tu lódz zahnać, hdy by móžno było.

40. A wučahnuchu te kótwicy, pušćichu ju na morjo, rospušćichu tež te zwjazki teho prawidla a zhotowachu płachtu po wětre, a tak so k brjóhu čehnjechu.

41. My pak zapadźechmy do města, kotrež z wobeju stronow morjo měješe; tuž storči so lódz a tón prjódk wosta njehnuty stejo; posledk pak so roslama wot tych sylnych žołmow. *Mat. 8, 24. 2 Kor. 11, 25.*

42. Tych wojakow rada pak běše, zo bychu tych jatych skóncowali, zo by žadyn njepšepłował a čeknuł.

43. Ale nižši hejtman chcyše Pawoła zdžeržec a njepřida jim jich zamyslenje; přikaza pak tym, kiž plůwać móžachu, zo bychu so najprjedy do morja pušćili a na brjóh wušli.

44. Tym druhim pak, zo bychu někotři na dezkach, někotři na kruchach wot teje lóдзе wupłuwali. A tak sta so, zo wšitcy strowi na zemju přińdžechu. *Št. 24. 25.*

28. staw.

Pawoła dźiw na kupje Melite. Pšichod a zamołwjenje w Romje.

1 A jako my strowi běchmy wustupili, póznachmy my, zo tej inzuli Melita rěkachu. Ći zuzy ludžo pak nam nje-wopokazachu mału lubosć; *St. 27, 26.*

2. Přetož woni zapalichu hromadu drjewja a wzachu nas wšitkich horje dešća dla, kotryž nas běše nadpanuł, a tež zymy dla. *2 Kor. 11, 27.*

3. Jako pak tež Pawoł hromadu droba běše zebrał a na woheń položil, wuzkoči ješće wot ćoploty a suže so na jeho ruku.

4. Jako Ći ludžo widžichu, zo to zwěrjo na jeho rucy wisy, džachu woni bjez sobu: Zawěrnje, tutón čłowjek je mordar, kotremuž to wjećenje Bože njeda žiwemu być, hač wón runje z morja je strowy wušoł.

5. Ale wón wottrase to zwěrjo do wohenja a njebu jemu ničo. *Mark. 16, 18.*

6. Woni pak wočakowachu, hač by wón začekał abo morwy dele padnył. Jako pak dołho wočakowachu a widžichu, zo so jemu ničo zleho njezta, dźiwachu woni so a džachu, zo wón je bóh.

7. Při tym samym měsće pak měješe teje inzule wyši, z mjenom Publius, swoje kubla; tón wza nas horje a hospodowaše nas luboznje přez tři dny.

8. Sta so pak, zo tón nan teho Pub-

liusa na zymnu a na čerwjenu chory ležeše. K temu zańdže Pawoł, modleše so a položi rucy na njeho a wustrowi jeho. *Mat. 8, 14.*

9. Jako so to běše stało, přistupichu tež druzy, kotřiž na tej inzuli chori běchu, a dachu so wuztrowić.

10. Ći sami nam tež wulku česć wopokazachu, a jako přeč čehnjechmy, nakładzechu woni nam do lódže, štož nam trjeba běše.

11. Po třoch měsazach pak pušćichmy my so přeč na jenej Alerandrizkej lódži, kotraž přez zymu na tej inzuli běše byla a měješe znamjo tych dwójnikow.

12. Přińdzechmy tak do Sirakuzy, hdžež my přez tři dny wostachmy.

13. Wot tudy so dale wjezechmy a přińdzechmy do Regije, a po jednym dnju, jako so wětr wot połdnja zběhnu, přińdzechmy tón druhi dzeń do Puteolow.

14. Tam namakachmy bratrow a buchmy wot nich prošení, zo bychmy pola nich sydom dnjow wostali. A potom tak přińdzechmy do Roma.

15. A wot tudy, jako Ći bratřa wot nas běchu slyšeli, přińdzechu woni nam napřećiwo hač k Appiusowemu městku a hač k třjom korčmam. Jako Pawoł tych wuhlada, džakowaše wón so Bohu a měješe dobru nadźiju.

Tekst na 24. njedželu po swj. Trojicy. III.

16. [Jako my pak do Roma přińdzechmy, poda tón nižši hejtman tych jatych temu wyšemu hejtmanej.

Ale Pawołej bu wotpušćene, zo móžeše wostać, hdžež wón chcyše, z jednym wojakom, kotryž by jeho hladał. *St. 28, 33. St. 24, 23. St. 27, 3.*

17. Sta so pak po třoch dnjach, zo Pawoł tych wosebnych tych Židow hromadu zawoła. Jako so pak či běchu zešli, rjeknu wón k nim: Wy mužojo, lubi bratřa, ja ničo njejsym činil přećiwo našemu ludu ani přećiwo wótcowskim wuztajenjam; a tola sym jaty z Jerusalema podaty do Romzkich rukow. *St. 23, 1.*

18. Či sami pšeslyšachu mje a chcychu mje pušćić, dokelž žana wina teje smjerće na mni njeběše k namakanju. :

19. Jako pak či židži so temu pšeciwichu, buch ja nućeny, na kejžora so powołać, nic pak, jako bych ja něšto měł, mój lud wobskoržić. *St. 25, 12.*

20. A dha teho dla sym ja was k sebi prosyl, zo bych was wohladał a z wami řečał; přetož nadžije Jizraelzkeje dla sym ja z tym rječazom wobdaty. *St. 23, 6. St. 24, 21. St. 26, 6. 7.*

21. Woni pak džachu k njemu: My njejsmy ani pismo dóstali ze Židowskeje twoje dla, ani tež žadyn tych bratrow njeje přišoł, kotryž by něšto zleho wot tebjě powědał abo řečał.

22. Dha však chcemy my wot tebjě slyšeć, što ty myslíš. Přetož však wot tuteje sekty je nam wědomne, zo na wšěch stronach jej budže přećiwo řečane. *St. 24, 14. Luk. 2, 34.*

23. A jako jemu džen běchu poztajili, přińdže jich wjele k njemu do hospody, kotrymž wón wuloži a wobswědči to kralestwo Bože a předowaše jim wot

Jezusa ze zakonja Mójzasoweho a z tych profetow, wot ranja hač do wječora. *St. 26, 22.*

24. A někotři wěřjachu temu, štož bu prajene; někotři pak njewěřjachu. *St. 17, 4.*

25. Jako pak bjez sobu jedneje mysle njeběchu, woteńdžechu woni, jako Pawoł to jene słowo wuryča: Derje je však swjaty Duch prajił přez profeta Jezajasa k našim wótcam, *2 Pětr. 1, 21.*

26. A řečał: Dži k tutemu ludu a rjekni: S wušomaj budžeće slyšeć a njezrozumjeć; a z woćomaj budžeće widžeć a njepóznać. *Jez. 6, 9. 10. Mat. 13, 14. Mark. 4, 12. Luk. 8, 10. Jan. 12, 40. Rom. 11, 8.*

27. Přetož tuteho luda wutroba je zasakla, a slyša čězcy z wušomaj a drěmaju ze swojimaj woćomaj, tak zo bych w swojim času njewidželi z woćomaj a njeslyšeli z wušomaj a njezrozumili we wutrobje a so njewobroćili, zo bych ja jim pomhał.

28. Tuž teho dla budž wam wědomne, zo to zbože je póhanam pósłane; a woni budža jo slyšeć. *St. 13, 38. 46. Ps. 18, 45.*

29. A hdyž wón to wurěčał běše, woteńdžechu či židži a mějachu wjele rosryćenja bjez sobu.

30. Pawoł pak wosta přez cyłej dvě léce w sam swojej hospodze a bjerješe horje wšitkich, kotřiž k njemu nutř zańdžechu;

31. Předowaše to kralestwo Bože a wučese wot teho Knjeza Jezom Chrysta ze wšej chroblosću bjez zakazanja.)

List swjateho Pawoła na Romskich.

Prěni staw.

Prawdosć njeprěindže ze zakonja přirody a jeho skutkow; přetož wšitcy pohanjo su hrěšnicy a njeprawí.

1. Pawoł, wotročk Jezom Chrysta, powołany japoštoł, wotdžěleny k přědowanju to ewangelion Bože, *Jap. zk. 9, 15. Gal. 1, 15.*

2. Kotrež wón přjedy slubił je! přez swojich profetow w tym swjatym pismje, *Tit. 1, 2. Jap. jt. 3, 31.*

3. Wot swojeho Syna, kotryž so je narodził ze symjenja Davidoweho po tym čele, *2 Sam. 7, 12.*

4. A móžnje wopokazany Syn Boží, po tym Duchu, kotryž poswjeći, wot teho časa, jako wón stanyl je wot morych, Jezus Chrystus, naš Knjez; *Jan. 10, 36. Hebr. 1, 5. St. 5, 5.*

5. (Přez kotrehož smy dóstali hnadu a japoštołski hamt, zo bychmy bě wšitkich pohanow tu poslušnosť teje wěry přinjesli we jeho mjenje; *Jap. zk. 9, 15. Rom 16, 26.*

6. Z kotrychž wy tež někotři sće, powołani wot Jezom Chrysta):

7. Wšitkim, kotřiž w Romje su, tym lubšim Božim a powołanym swjatym: Hnada budž z wami a pokoj wot Boha, našeho Wótca, a wot teho Knjeza Jezom Chrysta. *1, Kor. 1, 2.*

8. Najprjedy džakuju ja so swojemu Bohu přez Jezom Chrysta za was wšitkich, zo waša wěra po wšem swěće ma chwalbu a česć. *1 Kor. 1, 4. 5. 1 Thes. 1, 8.*

9. Přetož Bóh je mój swědk (kotremuž ja služu w swojim duchu w přědowanju teho ewangelija wot jeho Syna), zo ja bjez přestaća na was spominam, *St. 9, 1. Phil. 1, 8. Eph. 1, 16.*

10. A kóždy čas w swojej modlitwje prošu ja, hdy by něhdy Boža wola byla, zo mi dobry puć by nadpanuł, zo bych k wam přišoł. *St. 15, 23. 32.*

11. Přetož ja žadam was widžeć, zo bych wam wudžělił někajki duchowny dar, zo byšće posylnjeni byli; *St. 15, 23.*

12. To je, zo bych ja pornjo wam troštowany był přez wasu a moju wěru, kotruž bjez sobu mamy. *2 Pětr. 1, 1.*

13. Nochcu wam pak zdźeržeć, lubi bratřa, zo husto sym sebi prjódk wzał k wam přińć (sym pak hač do toho časa zadžěwanje měł), zo bych tež bjez was někajki wužitk přinjesł, runje jako bjez druhich pohanow. *1 Thes. 2, 18.*

14. Ja sym dołžnik Grichow a Njegri-chow, mudrych a njemudrych;

15. Teho dla tak wjele, jako na mni je, sym ja hotowy, tež wam w Romje to ewangelion předować. *Jap. zk. 28, 31.*

Epiztola na 11. njedźelu po swj. Trojicy.

16. [Přetož ja so njehanibuju teho ewangeliona wot Chrysta; přetož móc Boža je, kotraž zbóžnych čini wšitkich, kotřiž na to wěřja, židow wosebje a tež Gri-chow. *Ps. 40, 10. yj. 119, 46.*

17. Přetož zo w tym samym budže zjewjena ta prawdosć, kotraž před Bohom plaći a přińdže z wěry do wěry; jako tež pisane steji: Prawy pak budže po swojej wěrje žiwy. *St. 3, 21. 22. sab. 2, 4. Jan. 3, 36. Gal. 3, 11. Hebr. 10, 38.*

18. Přetož Boži hněw z njebjes budže zjewjeny na wšu bjezbóžnosť a njeprawosć tych ludźi, kotřiž tu prawdu w njeprawosći zadźerža.

19. Přetož zo my wěmy, zo Bóh je, to je jim zjewjene; přetož Bóh je jim to zjewił, *Jap. zk. 14, 15.*

20. S tym, zo Boža njewidomnosť, to je, jeho wěčna móc a bójstwo, budže widžene, hdyž my na skutkach to zrozumimy, jako to je to stworjenje teho swěta; tak zo woni bjez zamołwenja su.

21. Dokelž wědžachu, zo Bóh je, a njejsu jeho česćili jako Boha ani so jemu dżakowali, ale su w swych myslach kničomni sčinjeni a jich njemudra wutroba je začmjena; *Eph. 4, 18.*

22. Hdyž su so za mudrych měli, su woni blazni sčinjeni, *Jer. 10, 14. 1 Kor. 1, 20.*

23. A su přewobročili tu krasnosť teho njezachodneho Boha na podobnosť, zo by podobna była na zachodneho čłowjeka a tež podobna na ptaki, na štyrinohate a po zemi lažaze zwěřjata. *5 Mójz. 4, 15. Kn. mudr. 11, 16. St. 12, 24.*

24. Teho dla je jich Bóh tež podał do žadosćow jich wutrobow, k nječistosći, zo bych u zahanibili swoje čěla bjez sobu, *Jap. zk. 14, 16. Ps. 81, 13.*

25. Kotřiž Božu prawdu su přeměnili na lžu a su česćili a služili stworjenju bóle dyžli stworićelej, kotryž chwaleny je do wěčnosti. Hamjeń.) *St. 9, 5.*

26. Teho dla je jich tež Bóh podał do hanibnych lóstow. Přetož jich žony tež su přeměnile to sebi přirodžene wužiwanje do toho, kotřež je přećiwo přirodženemu; *3 Mójz. 18, 23.*

27. Teho runja tež mucy su wopušćili to přirodžene wužiwanje tych žónskich a su so rozpalili w swych žadosćach jedyn k druhemu a su muž z muskim hanibu činili a tak prawu mzdu swjeho błuda (jako tež być dyrbješe) sami na sebi dóstali. *1 Kor. 6, 9.*

28. A runje jako so njejsu wobhonili, zo bych Boha póznali, tuž je jich Bóh tež podał do přewróćeneje mysle, zo činja, štož so njehodži:

29. So su pošli wšeje njeprawdosće,

kurwarstwa, křiwdy, lakomstwa, zlóscé, pojni zawisce, mordarstwa, swarjenja, lesnosće a zleho wašnja;

30. So su, kotřiž za druhimi ludźimi wšo zle potajnje ryča, tež kiž na druhich zjawnje lža, tež Boha zaspnizy, hanliwi, hordži, khwalerjo, škódní, staršimaj nje-poslušni,

31. Njemudri, njeswěrní, bě wšeje lubosće, njezjednoćiwi, njesmilni,

32. Kotřiž to Bože prawo wjedža (zo kotřiž to činja, smjerće hódní su) a však nic jeno sami te wěcy činja, ale maju tež spodobanje nad tymi, kotřiž je činja. *Hoz. 7, 2. 3.*

2. Staw.

Židži su tak derje hrěšnicy kaž pohanjo, hač so runje zakonja Mójzasoweho a wobřežanja chwala.

Epiztola na 10. njedźelu po swj. Trojicy.

1. [Teho dla, o čłowječe, njemóžeš ty so zamołwić, štož ty sy, kotryž sudžiš. Přetož w čimž ty druhého sudžiš, zatamaš ty so sameho; dokelž runje to činiš, štož sudžiš. *Mat. 7, 2.*

Mark. 4, 24. Luk. 6, 38.

2. My pak wěmy, zo Boži sud je prawy nad tymi, kotřiž to činja.

3. Pomysliš ty pak sebi, o čłowječe, kiž tych sudžiš, kotřiž tak činja, a činiš tež to same, zo ty budžeš Božemu sudu wuńć?

4. Abo zaspíš ty to bohatstwo jeho dobroćiwosće, sćerpliwošće a dołhočakanja? Njewěš, zo Boža dobroćiwosć će k pokuće wjedže?

5. Ty pak po swojej stwjerdnjenej a njepokutnej wutrobje zhromadźuješ sam sebi hněw na tón dzeń teho hněwa a teho zjewjenja teho praweho suda Božeho,

6. Kotryž budže dać po jeho skutkach: *Jez. 40, 10. Jer. 17, 10. Pjz. 62, 13. Mat. 16, 27. 1 Kor. 3, 8. 2 Kor. 5, 10.*

7. Chwalbu a česć a njezachodnosć tym, kotřiž sćerpliwje w dobrych skutkach steja za tym wěčnym žiwjenjom;

8. Tym pak, kotřiž zwadnicy su a na prawdu njeposluchaju, ale posluchaju na njeprawdu, njehnadu a hněw. *Hoz. 4, 4. Ezr. 8, 22. 2 Thes. 1, 8.*

9. Tyšnosć a česć na wšě duše tych čłowjekow, kotřiž zle činja, najprjedy tych židow a potom tež Grichow; *St. 3, 9.*

10. Ale chwalbu, česć a pokoj wšitkim tym, kotřiž dobre činja, najprjedy Židam a potom tež Gricham.

11. Přetož žane pohladanje na paršonu před Bohom njeje.] *Jap. zk. 10, 34.*

Tekst na 5. njedźelu po třoch kralach. IV.

12. [Přetož kotřiž bjez zakonja su zhrěšili, tajcy budža tež bjez zakonja zhubjeni; a kotřiž při zakonu su zhrěšili, či budža přez zakon sudženi;

13. (Přetož před Bohom njejsu, kotřiž tón zakon słyša, prawi; ale kotřiž tón zakon činja, či budža prawičinjeni. 1 Jan. 3, 7. Jak. 1, 22. 25.

14. Přetož hdyž pohanjo, kotřiž teho zakonja nimaju a tola teho zakonja skutk wot přirodženja činja; či sami, dokelž teho zakonja nimaju, su woni sami sebi zakon,

15. Z tym, zo woni wopokaža, zo teho zakonja skutk je we jich wutrobach zapisany, a jich swědomnje wobswědči jim tež to, k temu tež jich mysle, kotrež so bjez sobu woskorža abo tež zamołwja),

16. Na tón dzeń, hdyž budže Bóh to potajne tych ludží přez Jezom Chrysta sudzić, po mojim ewangeliju.] *Prěd. 12, 14. Mat. 25, z1.*

17. Hladaj so pak, tebi rěkaju žid, a ty so spušeš na zakon a chwališ so Boha,

18. A wěš jeho wolu; a dokelž ty sy ze zakonja rozwučeny, spytuješ ty, što to lepše je;

19. A maš za to, zo ty sy wjedžer slepych a swětlo tych, kotřiž su w čemnosći,

20. Mištr tych njemudrych, wučer tych hlupych, maš rozwučenje, što jedyn dyrbi wjedzić, a što prawe je w zakonju.

21. Wučiš teho dla druhich a sam so pak njewučíš. Ty přěduješ, zo njedyrbja kradnýc, a ty sam kradnješ. *Mat. 23, 4.*

22. Ty prajiš, zo njedyrbja mandželstwo lamać, a ty sam mandželstwo lamaš. Tebi je hrozno před přibohami, a sy sam Boží rubježnik.

23. Ty chwališ so teho zakonja, a sam pak haniš Boha přez přestupjenje teho

zakonja.

St 9, 4.

24. Přetož vaše dla budže Bože mjeno hanjene bjez pohanami, jako pisane steji. *Jez. 52, 5. Cz. 36, 20. 23. 1 Tim. 8, 1.*

25. Přetož wobřezanje je wšak wužitne, budžeš-li ty zakon džeržeć; budžeš-li pak zakon přestupić, dha twoje wobřezanje je sčinjene njewobřezanje. *Jer. 4, 4. St. 9, 25.*

26.

26. Jeli zo teho dla njewobřezk to prawo w zakonju džerži, njebudže dha jeho njewobřezk za wobřezk džeržany?

27. A budže tak, štož z přiroda je njewobřezk a tón zakon dopjelni, tebe sudzić, kiž ty pod buchštabu (pismikom) a wobřezkom teho zakonja přestupnik sy. *2 Kor. 3, 7.*

28. Přetož tón njeje žid, kotryž zwonkach žid je, ani to njeje wobřezanje, kotrež so zwonkach na čele stanje;

29. Ale tón je žid, kotryž znutskach potajeny je; a to wobřezanje teje wutroby je wobřezanje, kotrež w duchu a nic w buchštabje so stanje, kotrehož chwalba njeje z ludží, ale z Boha. 5

Móž. 30, 6.

3. staw.

Prawdosć přińdže z wěry.

1. Što dha maju židzi wjazy (dyžli pohanjo)? abo kajki wužitk přinjese to wobřezanje?

2. Zawěsće jara wulki. Přetož najprjedy je jim dowěrjene, štož Bóh je rěčal.

Ps. 147, 19. 20. Jap. zk. 7, 38.

3. So pak někotři njewěrja do teho sameho, što je na tym? Dyrbjała jich njewěra Božu wěru kničomnu činić? 4 *Mójz. 23, 19. Rom. 9, 6. St. 11, 29. 2 Tim. 2, 13.*

4. Bóh teho njedaj! Njeh pak wjele skerje tak wostanje: Bóh je prawdy řečnik, ale kóždy čłowjek lhar; jako pisane steji: So by ty prawy był w swojich słowach a přewinył, hdyž budžeš sudžený. *Jan. 3, 33. Tit. 1, 2. Ps. 62, 10. Ps. 116, 11. Ps. 51, 6.*

5. Jeli pak tak, zo naša njeprawosć Božu prawdosć česći, što chcemy prajić? Je Bóh tež njeprawy, zo wón so na to hněwa? (Ja řeču tak po ludu.)

6. Bóh teho njedaj! Kak by Bóh swět mohł sudzić? *1 Mójz. 18, 25.*

7. Přetož jeli zo Boža prawdosć přez moju lžu krasniša budže k jeho česći, čoho dla dyrbjał ja hišće jako hrěšnik sudžený być? *St. 6, 1.*

8. A nic wjele skerje tak činić (jako wot nas zlě ryča a jako někotři wudawaju, zo my prajimy): Čiůmy zle wěcy, zo by dobre přišło? Kotrychž zatamanstwo je cyle prawe.

9. Što dha prajimy nětk? Smy my židži što lěpši (dyžli pohanjo)? Cyle ničo; přetož my smy prjedy dowjedli, zo my wšitcy, Židža a Grichizy, pod hrěchom smy. *St. 11, 3ž. Gal. 3, 22.*

10. Jako tež pisane steji, zo žadyn prawy njeje, tež nic jedyn; *Ps. 14, 3. Ps. 53, 4.*

11. Žadyn njeje, zo by rozumný był; tež nichtó njeje, zo by so po Bosy prašal;

12. Woni su wšitcy wotstupili a

wšitcy hrozni; žadyn njeje, zo by dobre činił, tež nic jedyn;

13. Jich šija je wotewrjeny row, ze swojimi jazykami woni so přisłodža, ješćeřzki jěd je pod jich hubomaj; *Ps. 5, 10. Ps. 140, 4.*

14. Jich rt je poňny zakleća a šibałstwa; *Ps. 10, 7.*

15. Jich nohi su spěšne k krejrosleću; *Přisl. 1, 16. Jez. 59, 7.*

16. Na jich pučach je lute storčenje a běda;

17. A wot puća teho měra woni ničo njewědža;

18. Žana bohobojaznosć njeje před jich woćomaj. *Ps. 36, 2. 1 Mójz. 20, 11.*

19. My wěmy pak, štož zakon praji, to praji wón tym, kotřiž pod zakonjom su, tak zo by wšěch rt zatykany był a wšitkón swět Bohu winojty był. *Ps. 107, 42. Ez. 16, 63. Gal. 3, 10. 22.*

20. Teho dla tež žane čělo ze skutkow teho zakonja před nim njemóže prawe być; přetož přez zakon přindže póznaće hrěchow. *Gal. 2, 16. Ps. 143, 2.*

21. Ale nětk pak je bjez zakonja ta prawdosć, kotraž před Bohom plaći, zjewjena a wobswědčena přez tón zakon a tych profetow. *Jan. 5, 46. Jap. zk. 10, 43.*

22. Ja řeču pak wot tajkeje prawdosće před Bohom, kotraž přindže přez wěru do Jezom Chrysta k wšitkim a na wšitkich wěrjacych.

Tekst na 18. njedźelu po swj. Trojicy. IV.

23. [Přetož tudy njeje žane rozdźělenje; ale wšitcy su hrěšnicy a nimaju teje chwalby, kotruž woni na Bosy mječ dyrbjeli; *St. 10, 12. Gal. 3, 28. 1 Kral. 8, 46.*

24. A budža bjez zaslůžby prawi činjeni z jeho hnady přez to wumóženje, kotrež přez Chrysta Jezusa so stało je; *Eph. 2, 8.*

25. Kotrehož Bóh je wustajil za hnadny stoł přez wěru we jeho krej, zo by wón tu prawdosć, kotraž před nim plaći, wopokazał přez spušćenje tych hrěchow, kotrež hač do toho časa běchu wostale w Božej sćerpliwości; *3 Mójz. 16, 15. Hebr. 4, 16.*

26. Zo by wón w nětčišim času wopokazał tu prawdosć, kotraž před nim plaći, tak zo by wón sam prawy był a praweho činił toho, kotryž je teje wěry do Jezusa.

27. Hdže toho dla wostanje ta chwalba? Kónc ma! Přez kotry zakon? Přez skutkow zakon? Nic tak, ale přez teje wěry zakon. *St. 2, 17. 33. St 4, 2. 1 Kor. 1, 31.*

28. Přetož my za to mamy, zo čłowjek prawy budže bjez toho zakonja skutkow (jeno) přez wěru.] *Gal. 2, 16.*

29. Je dha Bóh jeno židow Bóh? Njeje wón pak tež pohanow Bóh? Haj zawěrnje je wón tež pohanow Bóh. *St. 10, 12. Mal. 2, 10. 1 Kor. 12, 6.*

30. Přetož lutki jedyn Bóh je, kotryž prawe čini to wobřezanje z teje wěry, a tón njewobřezk (pohanow) přez tu wěru.

31. Kak? Činimy dha zakon kničomny přez wěru? Bóh toho njedaj! Ale my stwjerdzimy tón zakon. *Mat. 5, 17. 18. 19.*

4. staw.

Prawdosć wěry přez Abrahamowy přikład wułożena.

1. Što prajimy pak wot našeho wótca Abrahama, zo wón je namakał po tym čele?

2. To my prajimy: Jeli Abraham přez skutki prawy, dha ma wón derje chwalbu, nic pak před Bohom.

3. Přetož što praji to pismo? Abraham je Bohu wěril, a to je jemu za prawdosć přicpěte. *1 Mójz. 15, 6. Gal. 3, 6. Jak. 2, 23.*

4. Temu pak, kotryž skutki čini, njebudže mzda z hnadu přicpěta, ale zo wón sebi tak zaslůžil je. *St. 11, 6. Mat. 20, 7. 14.*

5. Temu pak, kotryž skutki nječini, wěri pak do toho, kotryž bjezbóžnych prawych čini, temu budže jeho wěra přicpěta za prawdosć. *St. 3, 28.*

6. Jako tež Dawid praji: Ta zbóžnosć je jeno toho čłowjeka, kotremuž Bóh pšizpi tu prawdosć bjez skutkow, hdyž wón rjeknuje:

7. Zbóžni su ěi, kotrymž jich přestupjenja su spuščene a kotrymž jich hrěchi su přikryte; *Ps. 32, 1. 2.*

8. Zbóžny je tón muž, kotremuž tón Knjez zlósc njepšizpi.

9. Ta sama zbóžnosť pak, dže wona na to wobřezanje abo na tón njewobřezk? My dyrbimy však prajić, zo Abrahamej jeho wěra za prawdosć je přicpěta.

10. Kak je wona pak jemu přicpěta? We wobřezanju abo w njewobřezku? Wěsće nic we wobřezanju, ale w njewobřezku.

11. To znamjo pak teho wobřezanja dósta wón, zo by zygl było teje prawdosće teje wěry, kotruž wón hišće w tym njewobřezku dósta, tak zo by wón wótc był wšitkich tych, kotřiž wěrja w tym njewobřezku, zo by tym samym to tež přicpěte bylo za prawdosć; 1 Mójz. 17, 10.

12. A zo by wón tež był wótc teho wobřezanja, nic samych tych, kotřiž z wobřezanja su, ale tež tych, kotřiž chodža w stopach teje wěry, kotraž běše w tym njewobřezku našeho wótca Abrahama.

13. Přetož tón slub, zo wón dyrbyeše być herba teho swěta, njeje so stał Abrahamej abo jeho symjenju přez zakóń, ale přez tu prawdosć teje wěry. 1 Mójz. 17, 2. 6.

14. Přetož jeli zo ći ze zakonja herbojo su, dha ta wěra ničo njeje a tón slub je kničomny sčinjeny, Gal. 3, 18.

15. Dokelž tón zakóń jeno hněw načini; přetož hdžež njeje zakóń, tam tež njeje přestupjenje. St. 3, 20. St. 5, 13. St. 7, 8. 10.

16. Teho dla dyrbi ta prawdosć přez tu wěru přińć, tak zo by wona była z hnadu, a tón slub twjerdy wostał wšitkemu symjenju, nic jeno

temu samemu, kotrež pod zakonjom je, ale tež temu, kiž Abrahamoweje wěry je, kotryž je wótc nas wšitkich, Gal. 3, 18.

17. Jako tež pisane steji: Ja sym će wustajił za wótca wjele pohanow před Bohom, kotremuž ty wěřił sy, kotryž žiwych čini morwych a woła temu, kotrež njeje, zo by było. 1 Mójz. 17, 4.

18. A wón je wěřił na nadźiju, hdžež žana nadźija njeběše, tak zo by wón był wótc wjele pohanow, jako tež k njemu prajene je: Tak budže twoje symjo. 1 Mójz. 15, 5.

19. A wón njebu słaby we wěrje; tež njepohlada wón na swoje čěło, kotrež nětk běše morjene, dokelž wón skoro na sto lět stary běše; tež nic na tón morjeny život teje Sary. 1 Mójz. 17, 17.

20. Přetož wón njewosta na tym slubje Božim z njewěru, ale posylni so we wěrje a dawaše Bohu chwalbu, Hebr. 11, 7.

21. A měješe to za wězte, štož Bóh lubi, zo wón tež móže to činić. Ps. 115, 3. Jez. 59, 1 Luk. 1, 37.

22. Teho dla je tež jemu to za prawdosć přicpěte. 1 Mójz. 15, 6.

23. To pak njeje pisane jeho sameho dla, zo to jemu je přicpěte, St. i5, 4.

24. Ale tež naše dla, kotrymž dyrbi być přicpěte, jeli zo wěrimy do teho, kotryž našeho Knjeza Jezusa je wot morwych zbudził; Jap. zk. 2, 24.

25. Kotryž je našich hrěchow dla podaty a našeje prawdosće dla zbudženy.

5. staw.

**Wo někotrych płodach
prawdosće wěry. Chrystus
a Hadam pornoj sebi
džeržanaj.**

Epiztola na nježelu Lätare.

1. [Dokelž teho dla smy prawi činjeni přez wěru, dha mamy pokoj z Bohom přez našeho Knjeza Jezom Chrysta; *St. 14, 17. Jan. 16, 33. Jez. 32, 17. 18.*

2. Přez kotrehož my tež přistup mamy we wěrje k tej samej hnadže, w kotrejž stejimy; a chwalimy so w nadźiji teje přichodneje krasnosće, kotruž Bóh dać budže. *Eph. 2, 18. St. 3, 12.*

3. Nic pak samo to; ale my chwalimy so tež tych tyšnosćow, dokelž wěmy, zo tyšnosť sćerpliwość přinjese; *Jak. 1, 2.*

4. A sćerpliwość přinjese zhonjenje; zhonjenje pak přinjese nadźiju; *Jak. 1, 3.*

5. Nadźija pak njezahanibi. Přetož ta lubosć Boža je wulata do našeje wutroby přez swjateho Ducha, kotryž nam je daty. *Hebr. 6, 18. 19.*

6. Přetož tež Chrystus, jako my hišće słabi běchmy, je po tym času za nas bjezbóžnych wumřěl.

7. Lědom pak něchtó wumřě praweho dla; jeneho dobreho dla móhl pak skerje něchtó wumřěć. *Jan. 15; 13.*

8. Teho dla chwali Bóh swoju lubosć k nam, zo Chrystus za nas je wumřěl, hdyž my hišće hrěšnicy běchmy. *Jan. 3, 16.*

9. Čim wjazy pak budžemy nětk

zachowani přez njeho před hněwom, dokelž smy přez jeho krej prawi činjeni.

10. Přetož hdyž my Bohu zjednani smy přez tu smjerc jeho Syna, jako hišće njepräčeljo běchmy, wjele skerje budžemy nětk zbóžni přez jeho žiwjenje, kiž my nětk zjednani smy.

11. Nic pak samo to; ale my so tež chwalimy Boha přez našeho Knjeza Jezom Chrysta, přez kotrehož my nětk to zjednanje smy dóstali.

12. Teho dla, runje jako přez jeneho čłowjeka tón hrěch na swět je přišoł a smjerc přez tón hrěch, a je so tak ta smjerc k wšěm ludžom přечиšćala, dokelž su wšitcy zhrěšili; *St. 6, 23.*

13. (Přetož hrěch běše derje na swěće hač do zakonja; ale hdžež žadyn zakon njeje, tam nihtó nima teho hrěcha kedžbu. *St. 4, 15.*

14. Ale smjerc knježeše wot Hadama hač do Mózsasa tež nad tymi, kotřiž njesu zhrěšili z runym přestupjenjom, jako Hadam, kotryž je znamjo teho, kotryž přińć měješe. *1 Kor. 15, 21. 45. 55.*

15. Ale tak so nima z tym darom, jako z tym hrěchom. Přetož hdyž přez jeneho čłowjeka hrěch jich wjele je zemřěło, wjazy je Boža hnada a dar jim wjele so dóstał přez tu hnadu teho jeničkeho čłowjeka Jezom Chrysta. *1 Kor. 15, 22. Jan. 1, 16.*

16. Ale nic njeje tón dar jeno na jedyn hrěch, jako přez teho jeneho hrěšnika jedyn hrěch wšitko skaženje. Přetož to sudjenje je wšak přišo z jeneho hrěcha k zatamanstwu; tón dar pak pomha tež z wjele hrěchow k prawdosći.

17. Přetož hdyž teho jeneho jeho

hrěcha dla smjerć je knježiła přez teho jeneho, wjele skerje budža ći sami, kotřiž dóstanu tu počnosć teje hnady a tych darow k prawdosći, knježić w žiwjenju přez teho jeneho, Jezom Chrysta.)

18. Teho dla, runje jako přez jeneho hrěch to zatamanstwo na wšěch čłowjekow přišło je, tak je tež přez jeneho prawdosć to prawečinjenje teho žiwjenja na wšěch čłowjekow přišło. 1 Kor. 15, 22.

19. Přetož runje jako přez teho jeneho čłowjeka njeposlušnosć wjele hrěšnikow je sčinenych, tak tež přez teho jeneho poslušnosć budže jich wjele prawych sčinenych.

20. Tón zakon je pak tež při tym nastupił, zo by tón hrěch mócniši był. Hdžež pak hrěch so je mocny sčinił, tam je hnada hišće mócniša; St. 4, 15. St. 7, 8. Gal. 3, 10.

21. Tak zo runje jako tón hrěch knježił je k smjerći, zo by tež tak knježiła ta hnada přez tu prawdosć k wěčnemu žiwjenju, přez Jezom Chrysta, našeho Knjeza. St. 6, 23.

6. staw.

Wo wuswjećenju a nowej poslušnosći jako płodu prawdosće wěry.

1. Što chcemy dha k temu prajić? Dyrbimy w hrěše wostać, zo by hnada mócniša byla?

2. Bóh to njedaj! Přetož kak chcyli my hišće žiwi być w hrěchach, kotrymž

my smy wotemrěli?

Gal. 6, 14.

Epiztola na 6. njedźelu po swj. Trojicy.

3 [Njewěsće, zo wšitcy, kotřiž smy na Chrysta Jezusa křćeni, ći smy na jeho smjerć křćeni? Gal. 3, 27. Kol. 2, 12.

4. Smy teho dla z nim pohrjebani přez křćenicu do smjerće, zo, runje jako Chrystus wot morwych zbudzeny je přez tu krasnosć teho Wótca, tak tež dyrbimy my w nowym žiwjenju chodźić. St. 8, 10. Eph. 4, 23. Kol. 3, 8. 1 Pětr. 2, 1. St. 4, 1. 2. Hebr. 12, 1.

5. Přetož hdyž my do njeho tak zaščěpjeni budžemy, zo my jemu runi smy w smjerći, dha my jemu tež w horjestaću runi budžemy; 2 Tim. 2, 11.

6. Dokelž to wěmy, zo naš stary čłowjek z nim križowany je, zo by to hrěšne čělo přestalo, zo bychmy dale hrěchu njeshušili. Gal. 5, 24.

7. Přetož štož wumrěl je, tón je wot hrěcha prawy činjeny.

8. Smy-li pak z Chrystusom wumrěli, dha wěrimy, zo my tež z nim žiwi budžemy;

9. A wěmy, zo Chrystus, wot morwych zbudzeny, wjazy njewumrje; smjerć dale nad nim njeknježi.

10. Přetož zo wón je wumrěl, je hrěchu wumrěl junu; zo pak je žiwy, je Bohu žiwy. 1 Pětr. 3, 18. Hebr. 9, 28.

11. Tak tež wy, mějće so sami za tych, zo sće hrěchu morwi, ale žiwi Bohu w Chrystusu Jezusu, našim Knjezu.]

12. Njedajće teho dla hrěchej knježić we waším smjertnym čěle, zo byšće jemu poslušni byli we jeho žadosćach; *1 Mójz. 4, 7. Ps. 119, 133.*

13. Tež njepodajće hrěchej swoje stawy, zo bychy brónje byle teje njeprawdosće; ale podajće so sami Bohu, jako stanywši wot morwych žiwi, a swoje stawy Bohu, zo bychy byle brónje teje prawdosće.

14. Přetož hrěch njebudže móc nad wami knježić, dokelž njejsće pod zakonjom, ale pod hnadu.

15. Što teho dla? Dyrbimy hrěšić, dokelž njejsmy pod zakonjom, ale pod hnadu? Bóh to njedaj! *Jan. 1, 16.*

Tekst na 6. njedźelu po třoch kralach. IV.

16. [Njewěšće? komuž so podaće za wotročkow k poslušnosći, teho wotročy sće wy, kotremuž wy poslušni sće, njech je hrěchej k smjerći, abo njech je tej poslušnosći k prawdosći? *Jan. 8, 34.*

17. Ale chwalba budź Bohu, zo sće wotročy hrěchow byli, nětk pak sće z wutrobu poslušni temu znamjenju teje wučby, kotremuž wy podaći sće.

18. Dokelž pak nětk sće wuswobodženi wot hrěchow, sće wy wotročy sčinja teje prawdosće.]

19. Ja rěču po čloróskim wašnju, vašeho čěla słabosće dla. Runje jako swoje stawy sće k službje podali tej nješwarnosći a njeprawosći, wot jedneje njeprawdosće k drugej, tak podajće tež nětk swoje stawy k službje teje prawdosće na swjećenje. *St. 3, 5. St. 6,*

13.

20. Přetož jako hrěcha wotročy běšće, dha běšće wy frej wot prawdosće. *Jan. 8, 34.*

21. Kajki dha wy tehdy wužitk měješće wot tych wěcow, kotrychž so nětk hanibujete? Přetož kónc tych samych je smjerć. *Ez. 16, 61. 63. Rom. 8, 6.*

22. Nětk pak, dokelž wy wot hrěcha sće frej sčinja a Boži wotročy, maće wy swój wužitk, zo swjeći budžeće; kónc pak je wěčne žiwjenje.

23. Přetož smjerć je hrěchow mzda; ale dar Boži je to wěčne žiwjenje w Chrystusu Jezusu, našim Knjezu. *St. 5, 12.*

7. staw.

Wo swobodže zakonja, wužitku zakonja, bėdženju znutřkowneho a zwonkowneho čłowjeka.

1. Njewěšće, lubi bratřa (přetož ja rěču z tymi, kotřiž zakonj wjedža), zo tón zakonj knježi na čłowjeku tak dolho, jako wón žiwy je? *St. 6, 14.*

2. Přetož žónska, kotraž je pod mužom, tak dolho, jako jejny muž je žiwy, je k zakonjej přiwjazana; hdyž pak muž wumrě, je wona wumóžena wot teho zakonja, štož muža nastupa. *1 Kor. 7, 30.*

3. Jeli zo wona pak z druhim mužom dźerži, dokelž muž žiwy je, budže wona mandźelstwo-lamarka mjenowana; hdyž

pak muž wumřě, je wona frej wot zakonja, zo njeje mandželstwo-lamarka, budže-li wona z druhim mužom dźeržeć.

Mat. 5, 32.

4. Tak tež, moji bratřa, wy sće tež morjeni zakonjej přez čelo Chrystusowe, zo byšće byli druhého, ja praju druhého, kotryž wot morwych je stanył, tak zo bychmy Bohu plód přinjesli.

5. Přetož jako w čele běchmy, běchu hrěšne žadosće (kotrež přez zakon běchu zbudžene) mócne w našich stawach, zo smjerći plód přinjesechu; *St. 6, 21.*

6. Nětk pak smy my wot zakonja wumóženi a smy jemu wotemřeli, kotryž nas jatych dźeržeše, tak zo bychmy Bohu služili w nowosći teho ducha a nic w starosći teje buchštaby (teho pismika). *St. 6, 2.*

7. Što chcemy teho dla prajić? Je zakon hrěch? Bóh to njedaj! Ale hrěch ja njepóznach, chiba přez zakon. Přetož ja bych tež ničo wot požadanja njewědzał, hdy budžiše zakon njeprajil: Njepožadaj sebi. *2 Mójz. 20, 17. 5 Mójz. 5, 21.*

8. Tuž wza sebi pak hrěch winu na tej přikazni a splodži w mni wšelke požadanje. Přetož bjez zakonja běše hrěch morwy. *Jan. 15, 22.*

9. Ja pak běch něhdy žiwy bjez zakonja. Jako pak ta přikaznja přindže, wožiwi hrěch;

10. Ja pak wumřech, a namaka so, zo ta přikaznja mi k smjerći běše, kotraž mi však k žiwjenju data běše. *3 Mójz. 18, 5.*

11. Přetož hrěch wza sebi winu na tej

přikazni a zjeba mje a mori mje přez tu samu přikaznju.

12. Tak tež zakon je však swjaty, a přikaznja je swjata, prawa a dobra. *1 Tim. 1, 8.*

13. Je pak, štož je dobre, mi k smjerći sćinjene? Bóh to njedaj! Ale hrěch, zo by so zjewił, zo wón hrěch je, je wón mi přez to dobre tu smjerć plodzil, tak zo by hrěch jara wulcy hrěšny był přez tu přikaznju.

14. Přetož my wěmy, zo zakon je duchowny; ale ja sym čelny, pod hrěch předaty. *St. 8, 3. 1 Kral. 21, 20. 25.*

15. Přetož štož činju, to ja njewěm; přetož ja nječínju, štož bych chcył, ale štož hidžu, to ja činju.

16. Jeli pak to činju, štož nochcu, dha ja k temu zwolu, zo zakon je dobry. *Št. 12.*

17. Nětk pak ja to same wjazy nječínju, ale hrěch, kotryž w mni bydli. *Št. 20.*

Epiztola na 13. njedźelu po swj. Trojicy.

18. Přetož ja wěm, zo w mni, to je w mojím čele, njebydli ničo dobrego. Přetož tu wolu ja drje mam, ale zo bych dokonjał to, štož je dobre, to ja njenamakam. *1 Mójz. 6, 5. St. 8, 21.*

19. Přetož ja nječínju to dobre, kotrež chcu, ale to zle ja činju, kotrež ja nochcu.

20. A dokelž pak, štož ja nochcu, činju, dha ja nětk to nječínju, ale tón hrěch, kotryž w mni bydli.

21. Namakam teho dla, hdyž ja chcu to dobre činić, po tym zakonju, zo to zlé při mni wisy.

22. Ja wšak mam spodobanje na Božim zakonju, po znutrkownym čłowjeku; *Ps. 2.*

23. Widžu pak druhi zakon w svojich stawach, kotryž so přećiwi zakonjej w mojej mysli a jima mje pod hrěchow zakon, kotryž je w mojich stawach. *Gal. 5, 17.*

24. Ja hubjeny čłowjek, štó chce mje wumóž z teho čěla teje smjerće?

25. Ja džakuju so Bohu přez Jezom Chrysta, našeho Knjeza. Šluž ja teho dla z myslu Božemu zakonjej, ale z čelom zakonjej tych hrěchow.

8. staw.

Swoboda wot zatamanstwa, wo křesćijanskim žiwjenju, teho sameho towaršach, křižu a spytowanjach, a trošće přećiwo temu.

1. Teho dla nětko ničo njeje, zo by zatamało tych, kotřiž w Chrystusu Jezusu su a po čěle njechodža, ale po tym duchu.

2. Přetož zakon teho ducha, kotryž žiwych čini w Chrystusu Jezusu, je mje wumóhl wot zakonja hrěchow a smjerće.

3. Přetož štož zakonjej běše njemóžne (přetož zo běše přez čělo poslabnjeny), to činješe Bóh a pósła swojeho Syna w podobnosći teho hrěšneho čěla a hrěcha dla zatama hrěch w čěle, *Jap. zk. 15, 10.*

4. Tak zo by ta prawdosć, kotruž zakon měč chce, w nas byla dopjelnjena, kotřiž my nětko nic po čěle, ale po duchu chodžimy.

5. Přetož kotřiž čělni su, tajcy sebi požadaju, štož teho čěla je; kotřiž pak duchowni su, či, štož duchowne je, sebi požadaju.

Tekst na 8. njedželu po swj. Trojicy. IV.

6. [Teho čěla požadanje pak je smjerć, a to duchowne požadanje je žiwjenje a měr.

7. Přetož čělné požadanje je njepřečelstwo přećiwo Bohu; dokelž Božemu zakonjej njeje poddane, pře to zo tež to njezamóžeše. *Jak. 4, 4.*

8. Kotřiž pak čělni su, či njezamóža so Bohu spodobać.

9. Wy pak njejsće čělni, ale duchowni, jeli zo Boží Duch we was bydli. Štóž pak Chrystusoweho Ducha nima, tón samy njeje jeho.] *1 Kor. 3, 16.*

10. Hdyž pak Chrystus we was je, je čělo derje morwe hrěchow dla, tón duch pak je to žiwjenje teje prawdosće dla.

11. Hdyž teho dla Duch teho, kotryž Jezusa wot morwych je zbudził, we was bydli, tuž budže tež tón, kotryž Chrystusa wot morwych je zbudził, waše smjertne čěla žiwe činić, teho dla, zo jeho Duch we was bydli.

Epiztola na 8. njedźelu po swj. Trojicy.

12. [Smy teho dla, lubi bratřa, dołžnicy, nic čětu, zo bychmy po čěle žiwi byli; *St. 6, 7. 18.*

13. Přetož jeli zo wy po čěle žiwi budžeće, dha budžeće wumřěć; jeli zo pak přez ducha čělné skutki morice, budžeće wy žiwi. *Gal. 6, 8. Eph. 4, 22.*

14. Přetož kotrychž tón Duch Boží wodží, či su Bože džěci.

15. Přetož wy njejsće wotročkowego ducha dóstali, zo so zaso boječ dyrbjeli; ale wy sće džěćaceho ducha dóstali, přez kotrehož wołamy: Abba, luby Wótče! *2 Tim. 1, 7. Gal. 4, 6. St. 3, 26.*

16. Tón samy Duch swědči z našim duchom, zo Bože džěci smy. *2 Kor. 1, 22.*

17. Smy my pak džěci, dha smy my tež herbojo, a zwar herbojo Boží a sobuherbojo Chrystusowi; jeli zo z nim sobu čerpimy, zo bychmy tež z nim sobu překrasnjeni byli.] *Gal. 4, 7. Jap. zk. 14, 22.*

Tekst na 4. njedźelu po swj. Trojicy. IV.

18. [Přetož ja mam za to, zo nětčišeho časa čerpjenje hódne njeje teje přichodneje krasnosće, kotraž so nad nami zjewić budže.

19. Přetož to tyšne wočakowanje teho stworjenja čaka na to zjewjenje tych džěci Božich.

20. Dokelž stworjenje je poddane knižomnosći, bjez swojeje wole přez

teho sameho, kiž jo poddał je, na nadžiju.

21. Přetož tež to stworjenje samo budže wumóžene wot teje skaženeje služby, k tej krasnej frejoće tych džěci Božich.

22. Přetož my wěmy, zo wšitko stworjenje sobu stona a so tyši z nami hač dotal.

23. Nic pak wone samo, ale tež my, kiž mamy teho ducha přěnshe dary, zdychujemy sami při sebi po tym džěćatstwje, a čakamy na swogeho čěla wumóženje.) *Gal. 4, 5. Luk. 21, 28.*

Epiztola na nowe lěto.

24. [Přetož my smy derje zbóžni, ale w nadžiji. Nadžija pak, kotruž widžimy, njeje nadžija; přetož kak móže so jedyn teho nadžeć, štož wón widži? *2 Kor. 5, 7.*

25. Hdyž so pak teho nadžijemy, štož njewidžimy, tuž čakamy na to ze sčerpliwosću. *2 Kor. 4, 18.*

26. Teje runosće tež tón Duch je zpomozny našej slabosći. Přetož my njewěmy, što prosyć dyrbimy, jako so zaleži; ale tón Duch sam zastupa nas z njewurjeknjenym zdychowanjom najlěpje. *Mat. 20, 22.*

27. Tón pak, kotryž do wutrobow hlada, tón wě, što teho Ducha mysl je; přetož wón prosy za swjatych, za tym, kaž so Bohu spodoba. *Ps. 7, 10.*

28. My wěmy pak, zo tym, kiž Boha lubuja, wšitke wěcy k lěpsemu služa, kotřiž po tym prjódktajenju powołani su.] *Eph. 1, 11. St. 3, 11.*

29. Přetož kotrychž wón je prjedy znał, tych je wón tež prjedy wustajil, zo bych podobni byli znamjenju jeho Syna, tak zo by tón — samy tón přeninarodženy był bjez wjele bratrami. *Kol. 1, 18.*

30. Kotrychž wón pak je prjedy wustajil, tych je wón tež powolał; kotrychž wón pak powolał je, tych je wón tež prawych činił; kotrychž pak je prawych činił, tych je tež krasnych činił.

31. Što dha chcemy dale prajić?

Tekst na njeđželu Reminiscere. IV.

[Je Bóh za nas, što móže přećiwo nam być? *4 Mójz. 14, 9.*

32. Kotryž tež sam svojeho Syna njeje přepušćil, ale je jeho za nas wšitkich podał; kaha by wón tež njechał z nim wšitko nam hnadnje dać? *1 Mójz. 22, 16. Jan. 3, 16.*

33. Što chcył na wuzwolenych Božich skoržić? Bóh je tudy, kiž prawych čini.

34. Što chce zatamać? Chrystus je tudy, kiž wumřel je, haj hišće wjazy, kiž tež zbudženy je, kotryž je na prawicy Božej a zastupuje nas. *Hiob. 34, 29.*

35. Što chce nas wotdžělic wot Chrystusoweje lubosće? žalosć? abo stysknosć? abo přesčěhanje? abo hlód? abo nahota? abo strachota? abo mječ? *Jan. 10, 28.*

36. Jako pisane steji: Twoje dla budžemy cylički džen zabići; my budžemy dđerženi jako wowcy k řezanju. *Ps. 44, 23. 1 Kor. 4, 9. 2 Kor. 4, 11.*

37. Ale we wšitkim tym přewinjemy dale bóle přez teho sameho, kiž nas lubował je. *1 Kor. 15, 57.*

38. Přetož ja sym wěsty, zo ani smjerć ani žiwjenje ani jandžel ani knje-jstwo ani móc ani nětčiše ani přichodne, *Phil. 1, 6. 2 Tim. 1, 12.*

39. Ani wysoke ani hluboke ani žane druge stworjenje njemóže nas džělic wot teje lubosće Božej, kotraž je w Chrystusu Jezusu, našim Knjezu.]

9. staw.

***Na zwonknym
prjódkčehnjenju njewisy
to wuzwolenje, ale na Božej
hnadže.***

1. Ja prawdu řěču w Chrystusu a nježžu, kotrehož mi swědčenje dawa moje swědomnje w swjatym Duchu, *St. 1, 9.*

2. So mam wulku zrudnosć a stajnu bolosć w swojej wutrobje.

3. Přetož ja sym sam požadał, zo bych poklaty był wot Chrystusa za svojich bratrow, kotřiž moji přěćeljo su po tym čěle, *2 Mójz. 32, 32.*

4. Kotřiž su Israelscy, a jim šluša džěćatstwo a krasnosć a wotkazanje a zakon a Boža služba a slubjenja; *5 Mójz. 7, 6.*

5. Kotrychž su tež ći wótcojo a z kotrychž je Chrystus po tym čěle, kiž je Bóh nade wšitkim, chwaleny do wěčnosće. Hamjeń. *Mat. 1, 1. 23. Luk. 3, 23 u.*

6. Ja pak njepraju to, zo dyrbjało Bože slovo teho dla wupadnyć. Přetož wšitcy njejsu Israelscy, kotřiž su wot Israela; 4 *Móžz. 23, 19. Jan. 8, 39. Rom. 2, 28.*

7. Tež nic wšitcy, kotřiž Abrahamowe symjo su, su teho dla tež džěci; ale we Izaaku dyrbi to symjo mjenowane być; 1 *Móžz. 21, 12. Gal. 4, 28. Hebr. 11, 18.*

8. To je, nic ci su Bože džěci, kotřiž po čěle džěci su; ale te džěci teho slubjenja budža za symjo džeržane.

9. Přetož to je slovo teho slubjenja, hdyž wón praji: Wokoło teho časa chcu ja přińć, a Sara dyrbi syna měć. 1 *Móžz. 18, 10.*

10. Nic pak jeno je to tak, ale tež jako Rebekka wot teho jeneho Izaaka, našeho wótca, čězka bu; 1 *Móžz. 25, 21.*

11. Prjedy dyžli so tej džěsci narodžištej a ani dobre ani zle njeběštej činilej, tak zo by to postajenje Bože wostało po tym wuzwolenju, bu k njej prajene,

12. Nic ze zaslužby tych skutkow, ale z hnady teho, kiž powoła, tak: Tón wjetši budže služić temu mjeńšemu. 1 *Móžz. 25, 238. 2 Sam. 8, 14.*

13. Jako tež pisane je: Jakuba sym ja lubo měł, ale Ezawa sym ja hidził. *Mal. 1, 2. 3.*

14. Što chcemy my dha tudy prajić? Je dha Bóh njeprawy? Bóh to njedaj! 5 *Móžz. 32, 4.*

15. Přetož wón praji Móžzasej: Komuž sym ja hnadny, temu sym ja hnadny; a nad kimž so ja smilu, nad tym so ja smilu. 2 *Móžz. 33, 19.*

16. A njeje tak na tym, kotryž chce,

ani na tym, kotryž běži, ale na Bosy, kotryž so smili, ležane.

17. Přetož to pismo praji Pharaonej: Na to sym ja će zbudził, zo bych ja na tebi swoju móc wopokazał, a zo by tak moje mjeno po wšej zemi připowědane było. 2 *Móžz. 9, 16. St. 14, 4. 17.*

18. Smili wón so teho dla, nad kimž wón chce, a stwjerdzi, kohož wón chce.

19. Rjeknješ ty pak ke mni: Čoho wón pak nam winu dawa? Štó móže so jeho woli přećiwić?

20. Haj, luby člowječe, štó sy ty, zo chceš z Bohom prawować? Rjeknje tež skutk k swojemu mištrej: Čoho dla wudželaš mje tak? *Hiob. 9, 12. Kn. mudr. 12, 12. Jez. 45, 9.*

21. Nima hornčer mocy na hlinje, zo by z jeneho krucha sebi wudželał sudobje, jene k česći, druhe pak k nječesći? *Jez. 18, 6. Kn. mudr. 15, 7.*

22. Teho dla, jako Bóh chcyš hñě wopokazać a swoju móc zjewić, je wón z wulkej sčerpliwošću znosyl te sudobja teho hñěwa, kotrež su k zatamanstwu zhotowane; *St. 2, 4. 2 Pětr. 2, 0.*

23. So by wón zjawne činil to bohatstwo swojeje krasnosće na sudobjach teje smilnosće, kotrež wón je přihotował k krasnosći; *Eph. 1, 4. 7. Kol. 1, 27.*

24. Kotrychž wón tež je powołał, nas, ja praju, nic jeno ze židow, ale tež z po-hanow.

25. Jako wón tež přez Hozeasa praji: Ja chcu temu swój lud rěkać, kiž njeje mój lud, a swoju lubu, kotraž luba njeběše. *Hoz. 2, 23. 1 Pětr. 2, 10.*

26. A budže so stać, zo na tym měsće, hdžež je jim rěčane: Wy njejsće mój

lud! tam dyrbjaž woni džěći teho žiweho Boha mjenowani być. *Hoz. 1, 10. Jez. 65, 1.*

27. Jezajas pak woła na Israela: Hdy by to wurachnowanje tych Israelskich džěći było jako mórski pěsk, dha wšak tón zbytk zbóžny budže; *Jez. 10, 22. 23. Rom. 11; 5.*

28. Přetož zahubjenje budže činić a to přikrótsić k prawdosći, haj to zahubjenje budže tón Knjez činić na zemi.

29. A jako Jezajas wot teho řeči: Hdy by nam tón Knjez Zebaoth symjenja njewostajił, bychmy byli jako Sodom a Gomorrje podobni. *Jez. 1, 9. 1 Mójz. 19, 24.*

30. Štoha chcemy nětk prajić? To chcemy prajić: Pohanjo, kotřiž njejsu za tej prawdosću stali, či su tu prawdosć dóstali; ja řeču pak wot teje prawdosće, kotraž z wěry přińdže. *St. 10, 20.*

31. Israel pak je stał za zakonjom teje prawdosće a njeje zakonja teje prawdosće dóstał. *St. 10, 2.*

32. Čoho dla to? Teho dla, zo woni to nic z wěry, ale ze skutkow teho zakonja pytaju. Přetož woni su so storčili wo tón kamjeń teho wobražnja,

33. Jako pisane je: Hlaj, ja kladu w Cionje kamjeń teho wobražnja a skału teho pohóršnja; a kóždy, kotryž do njeho wěri, njebudže zahanibjeny. *Jez. 8, 14. St. 28, 16. Mat. 21, 42.*

10. staw.

To, zo wěm, zo sym wuzwoleny, njenamakam w zakonju, ale we ewangeliju.

1. Lubi bratřa, mojeje wutroby požadanje je, a ja prošu tež Boha za Israel, zo bychy zbóžni byli.

2. Přetož ja dawam jim swědčenje, zo woni maju surowosć k Bohu, ale z njerozumom. *Gal. 1, 14.*

3. Přetož woni njepóznaju tu prawdosć, kotraž před Bohom plaći, a mysla sami swoju prawdosć wustajić, a njejsu tak tej prawdosći, kotraž před Bohom plaći, poddani. *St. 9, 30. 31. Ps. 69, 20.*

4. Přetož Chrystus je teho zakonja kónc; štož do njeho wěri, tón je prawy. *Mat. 5, 17. Jan. 3, 18.*

5. Mójzas derje piše wot teje prawdosće, kotraž z teho zakonja přińdže: Kotryž čłowjek te wěcy čini, tón budže w nich žiwy. *3 Mójz. 18, 5. Ez. 20, 11. Gal. 3, 12.*

6. Ale prawdosć, kotraž je z wěry, praji tak: Njerjekń w swojej wutrobje: Štó chce horje stupić do njebies (to je Chrysta z wysoka zwjesć)? *5 Mójz. 30, 12.*

7. Abo štó chce dele do hłubokosće stupić (to je Chrysta wot morwych zbudzić)?

8. Ale što praji wona?

Tekst na 1. njedźelu po swj. Trojicy. IV.

[To słowo je tebi blisko w twojim rće a w twojej wutrobje. To je to słowo teje wěry, kotraž my powědamy. 5 Mójz. 30, 14. 1 Tim. 4, 6.

9. Jeli zo ze swojim ertom wuznaješ Jezusa, zo wón tón Knjez je, a wěriš w swojej wutrobje, zo Bóh jeho wot morwých je zbudził, budžeš ty zbóžny.

10. Přetož hdyž z wutrobu wěrimy, budžemy prawi, a hdyž ze ertom wuznajemy, budžemy zbóžni. Ps. 116, 10.

11. Přetož pismo praji: Štóz do njeho wěri, tón njebudže k hanibje. Jez. 28, 16.

12. Tu njeje žane rozdzělenje bjez Židami a Grichami; přetož wšěch hromadže je jedyn Knjez, bohaty na wšěch, kiž so k njemu wołaju.] Jap. zk. 10, 34.

Tekst na swjedženj třoch kralow. IV.

13. [Přetož štóz so k temu mjenu teho Knjeza budže wołać, tón budže zbóžny. Joel. 2, 32. Jap. zk 2, 21.

14. Kaha dha dyrbja so wołać k temu, do kotrehož woni njewěrja? Kaha pak dyrbja wěrić, wot kotrehož ničo njejsu slyšeli? Kaha pak dyrbja slyšeć bjez předarja?

15. Kaha pak dyrbja předować, hdyž njejsu pósłani? Jako pisane steji: Kak krasne su te nohi tych, kotřiž měř připowědaju, kotřiž dobre wěcy připowědaju! Jez. 52, 7.

16. Ale woni njejsu wšitcy ewangeliju poslušni. Přetož Jezajas praji: Knježe, štó wěri našemu předowanju? 2 Thes. 1, 8. Jez. 53, 1. Jan. 12, 38.

17. Teho dla přińdže wěra z předowanja, předowanje pak přez Bože słowo. Jan. 17, 20.

18. Ja praju pak: Njejsu woni to slyšeli? Zawěsće jich hlós je do wšěch krajow wušoł a do kónca teho swěta jich słowa.) Ps. 19, 5. Jez. 49, 6.

19. Ja praju tak: Njeje Israel sto póznał? Tón přeni Mójzas praji: Ja chcu was k zawisći přinjesć na tym, kotryž mój lud njeje; a na hlupym ludu chcu ja was rozhněwać. 5 Mójz. 32, 21.

20. Jezajas pak wochrobli so po tym a praji: Ja sym namakany wot tych, kotřiž mje njejsu pytali, a sym so zjewił tym, kotřiž so njejsu po mni prašeli. Jez. 65, 1. Rom. 9, 30.

21. K Israelej pak praji wón: Přez cyły dzeń sym ja swojej ruce přestrěl k ludu, kotryž sebi njeda prajić a kotryž so přećiwi. Jez. 65, 2.

11. staw.

Wuzwolenje njeda so přewobroćić.

1. Praju ja teho dla: Je dha Bóh swój lud zastorčil? Bóh to njedaj! Přetož ja sym tež Israelski, ze symjenja Abrahamoweho, ze šlachty Benjaminoweje. Jer. 31, 37.

2. Bóh njeje swojeho luda zastorčil, kotryž wón je prjedy widził. Abo

njewěšće, što to pismo praji wot Eliasa? kak wón stupiwiši před Boha přećiwo Israelej praji:

3. Knježe, woni su twojich profetow skóncowali a twoje wołtarje su woni rozkopali; a ja sym sam wostał, a woni steja mi za mojim žiwjenjom. *1 Kral. 19, 10. 14.*

4. Ale što jemu praji Bože wotmołwenje? Ja sym sebi wostajił sydom tawzynt mužow, kotřiž swoje kolena njesu zhibowali před Baalom. *1 Kral. 19, 18.*

5. Tak teho dla tež w nětčišim času je, zo wšak někotři wostanu po wuzwolenju teje hnady. *St. 9, 27.*

6. Jeli zo pak z hnady, dha njeje ze zaslužby tych skutkow; hewak by hnada njebyła hnada. Jeli pak to ze zaslužby tych skutkow, dha hnada njeje nič; hewak by skutk njebył skutk.

7. Kak dha? Čzohož Israel hlada, teho wón njedóstanje; ale to wuzwolenje dóstanje jo, a druzy su stwjerdženi; *St. 9, 31.*

8. Jako pisane steji: Bóh je jim dał złoboćiweho ducha; woči, zo bychu njewidźeli, a wuši, zo bychu njeslyšeli, hač do teho džensnišeho dnja. *Luk. 8, 10.*

9. A Dapit praji: Jich blido budź jim kosydło a pasle a pohóršenje a zapłaćenje; *Ps. 69, 24. 25.*

10. Zaslep jich woči, zo njewidža, a zhibuj jich chribjet kóždy čas.

11. Praju ja dha: Su woni teho dla zawidźeli, zo bychu panuli? Bóh to njedaj! Ale z jich pada je pohanam to zbože so dostało, zo by jich do zawisće přiwjedł.

Jap. zk. 18, 46.

12. Přetož je-li jich pad teho swěta bohatstwo a jich njedostatk je pohanow bohatstwo, čím wjazy je to jich poňnosć.

13. S wami pohanami řeču ja; přetož dokelž ja pohanow japoštoł sym, chcu ja swój hamt česćić,

14. Hdy bych ja tych, kotřiž moje čěło su, móhl k zawisći zbudzić a zo bych někotrych wot nich k zbóžnosći pšiwjedě. *1 Tim. 4, 16.*

15. Přetož hdyž jich začisnjenje teho swěta zjednanje je, što by to hinak bylo, dyžli to žiwjenje wot morwych wzać?

16. Jeli rozměšk swjaty, dha je tež čěsto swjate; a jeli korjeń swjaty, su tež wěšće hałozy swjate.

17. Hač runje pak někotre tych samych hałozow su rozlamane, a ty, kiž ty płonowe drjewo běše, sy bjez nich šćěpjeny a sy runje tež dóstał teho korjenja a teje wlohi w tym wolijowym drjewje; *Jer 11, 16.*

18. Njehwal so teho dla přećiwo hałozam. Jeli zo so pak přećiwo nim chwališ, dyrbiš ty wjedzić, zo ty korjenja njenjeseš, ale korjeń njese tebe.

19. Rjeknješ ty pak: Hałozy su rozlamane, zo bych ja do nich zašćěpjeny był. *Jap. zk. 13, 46.*

20. Derje prajiš. Wone su rozlamane přez njewěru; ty stejiš pak přez tu wěru: njebudź vysoko mysleny, ale bój so! *1 Kor. 10, 12.*

21. Njeje Bóh tych přirodženych hałozow přepušćil, zo wón snadnje tebe tež njepřepušćí.

22. Teho dla wohladaj tu dobroćiwość

a surowosć Božu; tu surowosć wšak nad tymi, kotřiž su panuli, tu dobroćiwosć pak na tebi, jeli zo při dobroćiwosći wostanješ; hewak budžeš tež ty porubany.

Jan. 15, 2. 4.

23. A tež pak woni, jeli zo njewostanu w njewěrje, budža zaso zaščěpjeni; přetož Bóh móže jich derje zaso zaščěpić.

24. Přetož syli ty z wolijoweho drjewa, kotrež z přirodženja płonowe běše, wurubany a přeciwo přirodženju do dobrego wolijowca sy zaščěpjeni; čím wjazy budža ći sami, kotřiž z přiroda su, zaščěpjeni do swojeho sameho wolijowca.

Jer 11;

16.

Tekst na 10. njedźelu po swj. Trojicy. IV.

25. [Ja wam pak nochcu zamjelčeć, lubi bratřa, zo byšće njewjedźili teho potajnstwa, zo byšće sami při sebi mudri njebyli: Zaslepjenje je so někotrym Israel-skim stało, hač by ta poľnosć tych poľhanow nutř zašla,

26. A tak wšitkón Israel zbóžny był, jako pisane steji: Se Siona budže přińć, kotryž budže wumóž a wotwobroćić tu bjezbóžnosć wot Jakuba; *2 Kor. 3, 16. Jez. 59, 20. Ps. 14, 7.*

27. A to je moje wotkazanje z nimi, hdyž jich hrěch budu přeč wzać. *Jer. 31, 33.*

28. Štož dha nastupa to ewangelion, mam ja jich za njepřećelow, waše dla; ale po tym wuzwolenju lubuju ja jich tych wótcow dla.

29. Přetož Bože dary a powołanje njesu tajke, zo by jemu jich žel było.

30. Přetož runje jako tež wy něhdy njejsće wěřili do Boha, nětk pak sće wy smilnosć dóstali na jich njewěrje;

31. Tak tež woni su nětk njechali wěřić na tu smilnosć, kotraž so wam je dostała, zo bychy tež woni smilnosć dóstali.

32. Přetož Bóh je wšitkich pod njewěru zanknuł, zo by so nade wšitkimi smilił.]

Gal. 3, 22. Ps. 145, 9.

Epiztola na swjedžen swj. Trojicy.

33. [O kajka hľbokosć teho bohatstwa, woboje teje mudrosće a wědomostnosće Božeje! Kak k njedopytanju su jeho sudženja a k njewusľědženju jeho puće! *Hiob. 11, 7. Ps. 36, 7.*

34. Přetož što je teho Knjeza mysl póznał? abo što je jeho radźićeľ był? *Hiob. 15, 8. Jez. 40, 13. Jer. 23, 18. Kn mudr. 9, 13. 1 Kor 2, 16.*

35. Abo što je jemu što prjedy dał, zo by so jemu zaso zaplaćiło? *Hiob. 41, 2.*

36. Přetož wot njeho a přez njeho a w nim su wšitke wěcy. Jemu budž česć do wěčnosće. Hamjeń.]

12. staw.

*Napominanje k
křescijanskim počinkam,
wosebje k lubosći.*

*Epiztola na 1. njedželu po
třoch kralach.*

1. [Ja napominam teho dla was, lubi bratřa, přez tu smilnosť Božu, zo byšće swoje čěla podali za žiwy, swjaty a Bohu spodobny wopor, kotryž je waša rozumna Boža služba; *St. 6, 13. 1 Thes. 4, 3.*

2. A nječiníce po runym wašnju tuteho swěta, ale přeměńće so z wobnowjenjom swojeje mysle, zo byšće wy spytali, kotra je ta dobra a spodobna a dokonjana Boža wola. *Eph. 4, 28. Eph. 5, 17. 1 Thes. 4, 3.*

3. Přetož ja praju přez tu hnadu, kotraž mi data je, kóždemu bjez wami, zo by nchtó wjazy do so njedžeržał, dyžli so słuša džeržeć; ale zo by kóždy z rozumom, štož zdobne je, do so džeržał, za tym jako Bóh komu měru teje wěry je wotměřil. *Eph. 4, 7. Kor. 9, 17. St. 12, 11.*

4. Přetož kaž my w jednym čěle wjele stawow mamy, ale wšitke stawy pak nimaju jenake džělo; *1 Kor. 12, 12.*

5. Tak je nas wjele jene čělo w Chrys-tusu, ale bjez sobu je jedyn druheho staw, *1 Kor. 12, 27.*

6. A mamy wšelke dary po tej hnadze, kotraž nam data je. *1 Kor. 12, 4.*

7. Ma-li štó wěšćenje (abo dar, Bože pismo wuložić), dha njech je wěrje

podobne. Ma-li štó službu, dha njech služby hlada. Wučili štó, dha njech wučby hlada. *1 Pětr. 4, 10. 11.*

8. Štóž napomina, njech tón napominanja hlada. Štóž wudžěli, njech tón wudžěli z wutrobnej swěrnosću. Štóž prjódk stej, tón so tež staraj. Štóž smilnosť wopokaže, tón čin to z wjesolósću.] *Mat. 6, 3. 2 Kor. 8, 2.*

*Epiztola na 2. njedželu po
třoch kralach.*

9. [Lubosć njebudź falšna. Hidźće to zle a džeržće so k dobremu. *1 Tim. 1, 5. Ps. 97, 10.*

10. Bratrska lubosć bjez wami budź wutrobna. S česću so bjez sobu zachadžeje. *Eph. 4, 3.*

11. Njebudźće lěni, štož činić maće. Budźće horzy w duchu. Služće času (Knjezej). *Zjew. 3, 15. Eph. 6, 16.*

12. Budźće wjeseli w nadźiji, sčerpliwi w česnosći, wobstajni w modlitwje. *Luk. 10, 20.*

13. Bjerće so po potřebnosćach tych swjatych horje. Hospodujće radži. *1 Mójz. 18, 3. Hebr. 13, 2.*

14. Žohnujće tych, kiž was přescěhaju; žohnujće a njeswarće. *Mat. 5, 44. 1 Kor. 4, 12. Jap. zk. 7, 60.*

15. Wjeselće so z tymi, kiž so wjesela, a plačće z tymi, kiž plača.

16. Mějće bjez sobu jenaku mysl. Njemyslće na wysoke wěcy, ale džeržće so k niskim. *St. 15, 5.*

17. Njedžeržće so sami za mudrych.]

Epiztola na 3. njedźelu po třoch kralach.

[Njepłaćće nikomu zlósc ze zlóscu. Kedžbujće prjedy na to, štož česne je přede wšěmi ludźimi. *Přisl. 20, 22. 1 Thes. 5, 15. 1 Pětr. 3, 9.*

18. Jeli móžno, tak wjele hač na was je, dha dđeržće měř ze wšěmi ludźimi. *Mark. 9, 50. Hebr. 12, 14.*

19. Njewjeće so sami, moji najlubši, ale dajće město hněwu Božemu. Přetož pisane steji: Wjećenje je moje, ja chcu zaplaćić, praji tón Knjz. *3 Mójz. 19, 18. Mat. 5, 39. 1 Kor. 6, 7. — 5 Mójz. 32, 35. Ps. 94, 1. Hebr. 10, 30.*

20. Jeli teho dla twój njepřećel hlódný, nasyc jeho; chce-li so jemu pić, napowaj jeho. Přetož hdyž to činiš, budžeš ty žehliwe wuhle na jeho hłowu nahromadzić. *Přisl. 25, 21. 25. Mat. 5, 44.*

21. Njedaj so złemu přewinyć, ale přewiň ty to zle z dobrym.] *Kn. mudr. 7, 30.*

13. staw.

Kak so přećiwo wyšnosći, blišemu a sebi samym zadđeržeć mamy.

Tekst na 23. njedźelu po swj. Trojicy. IV.

1. [Kóždy budž podany tej wyšnosći, kotraž móc nad nim ma. Přetož žana wyšnosć njeje, chiba wot Boha; hdžež

pak wyšnosć je, ta je wot Boha postajena. *Tit. 3, 1. Kn. mudr. 6, 4. Jan. 19, 11.*

2. Teho dla, štož so přećiwo wyšnosći staji, tón staji so přećiwo Božemu wustajenju; či pak, kiž so přećiwnja, budža sudženje na so dostać.

3. Přetož mójnych so njetrjebaju boječ, kotřiž dobre činja, ale kotřiž zle činja. Nochceš-li so pak boječ wyšnosće, čiň dobre; dha budžeš chwalbu wot teje sameje měć. *Luk. 22, 25.*

4. Přetož wona je Boža služownica tebi k dobremu. Jeli zo pak zle činiš, bój so, přetož wona so podarmo z mječom njenosy; wona je Boža služownica a so k štrafje wjeći na tym, kiž zle čini.

5. Dha dyrbiće teho dla poddani być, nic jeno štrafy dla, ale tež swědomnja dla. *1 Pětr. 2, 13.*

6. Teho dla wy tež zlo dawaće; woni su Boži služomnicy, kotrymž přisteji na to kedžbować.

7. Dha dajće kóždemu, štož so sliša: Dawk, komuž dawk sliša; zlo, komuž zlo sliša; bojosć, komuž bojosć sliša; česć, komuž česć sliša.] *Mat. 22, 21. Mark. 12, 17.*

Epiztola na 4. njedźelu po třoch kralach.

8. [Njebudžeć nikomu nič winowaci, chiba to, zo so bjez sobu lubujeće; přetož štož druheho lubuje, tón je zakon dopjelni. *Gal. 5, 14. Kol. 3, 14. 1 Tim. 1, 5.*

9. Přetož štož prajene je: Ty njedyrbiš mandželstwo łamac, ty

njedyrbiš mordować, ty njedyrbiš kranyć, ty njedyrbiš falšnje swědčić, ty njedyrbiš požadać, a jeli zo kotra druha kazń je, ta budže w tym słowje wobzamknjena, tak: Ty dyrbiš swojeho blišeho lubować, jako sam so. ²

Mójz. 10, 13 x. 5 Mójz. 5, 17 x. 3 Mójz. 19, 18. Mark. 12, 31.

10. Lubosć k blišemu žaneje škody nječini. Je teho dla lubosć teho zakonja dopjelnjenje.] ^{1;Kor. 13, 4.}

Epiztola na 1. njedźelu adwentu.

11. [A tak, dokelž wěmy tón čas, zo štunda tu je, zo bychmy ze spanja stawali (přetož naše zbože nětk bliše je, hač hdyž my wěrychmy), *Eph. 5, 14. 1 Thes. 5, 6. 1 Kor. 15, 34. Hebr. 6, 9.*

12. Nóc je so minyła, džen pak je so přiblížil. dha wotpołożmy teho dla skutki teje čemnosće a woblečmy so brónje teho swětla. ^{1 Jan. 2, 8; Eph. 5, 11.}

13. Chodźmy pócíwje jako wodnjo, nic we wobžranstwje a wopilstwje, nic w komorach a njepócćiwosći, nic w swarjenju a zawisći; ^{Luk. 21, 34. Eph. 5, 18. Jak. 3, 14.}

14. Ale woblećće so teho Knjeza Jezom Chrysta—, a pytajće čěla tak, zo samopašne njebudže. ^{Gal. 3, 27. Kol. 3, 10.}

14. staw.

Kak so přećiwo slabym zadžeržeć mamy.

1. Po slabym we wěrje pak so horje bjerće a njezamolće te swědomnja. ^{St. 15, 1. Jap. zk. 20, 35. 1 Kor. 8, 9. Gal. 5, 10.}

2. Přetož jedyn wěri, zo móže wšitko jěsć; druhi pak, kotryž slaby je, tón jě sele. ^{1 Mójz. 1, 29. St. 9, 3.}

3. Tón, kotryž jě, njech njezaspi teho, kotryž njejě; přetož Bóh je jeho horje wzał. ^{Kol. 2, 16.}

4. Štó sy ty, zo cuzeho wotročka sudžiš? Wón wšak swojemu knjezej steji abo panje. Wón pak móže derje stajeny być; přetož Bóh móže jeho derje stajić. ^{Mat. 7, 1. Rom. 2, 1. Jak. 4, 12.}

5. Jedyn džerži sebi tón džen wyše dyžli druhi; a druhi džerži kóždy džen jenak runy. Kóždy budž w swojej mysli wěsty. ^{Gal. 4, 10.}

6. Štóz rozdželenje čini bjez dnjemi, tón čini to temu Knjezej; štóz pak nječini rozdželenje, tón to tež temu Knjezej nječini. Štóz jě, tón jě temu Knjezej, přetož wón so Bohu džakuje. A štóz njejě, tón temu Knjezej njejě a džakuje so Bohu. ^{5 Mójz. 8, 10. 1 Kor. 10, 31.}

Tekst na njedźelu po nowym lěće. IV.

7. [Přetož žadyn bjez nami njeje sam sebi žiwy a žadyn njewumrje sam sebi.

8. Hdyž pak žiwi smy, smy my temu Knjezež žiwi; wumrjemy my, dha wumrjemy my temu Knjezež. Teho dla njech my smy žiwi abo njech wumrjemy, smy my teho Knjeza. *2 Kor. 5, 15. Gal. 2, 20.*

9. Přetož k temu je tež Chrystus wumrěl a stanył a wožiwił, zo by wón na morwych a na žiwych knježil.] *2 Kor. 5, 15: Jap. zk. 10, 42.*

10. Ty pak, što sudžiš swojeho bratra? Abo ty druhi, što zaspíš ty swojeho bratra? Přetož my budžemy wšitcy postajeni před tón sudny stoł Chrystusowy; *Luk. 6, 37. Mat. 25, 31. 32. Jap. zk. 17, 31. 2 Kor. 5, 10.*

11. Jako pisane steji: Tak wěsće jako ja žiwy sym, praji tón Knjež, přede mnu dyrbja wšitke kolena so poklakować a wšitke jazyki dyrbja Boha póznać. *Jez. 45, 23. Phil. 2, 10.*

12. Budže teho dla kóždy wot nas sam za so Bohu rachnowanje dać. *Mat. 12, 36. Gal. 6, 5.*

13. Teho dla njesudźmy wjazy jedyn druhoho; ale to sudźće skerje, zo njebyšće nastorčenje ani pohóršenje bratřej kladli. *Mat. 18, 7.*

14. Ja wěm a sym wěsty w tym Knjezu Jezusu, zo ničo nječiste njeje samo na sebi; chiba štóž što dđerží za nječiste, temu je nječiste. *Mat. 15, 11.*

15. Jeli zo pak twój bratr na twojej jědźi rozrudženy budže, dha hižom njechodžiš po lubosći. Luby, njeskaž ze swojej jědźu teho, za kotrehož je Chrystus wumrěl. *1 Kor. 8, 11. 13.*

16. Hladajće so teho dla, zo by to

waše dobre hanjene njebyło. *Phil. 2, 12.*

Tekst na 15. njedźelu po swj. Trojicy. IV.

17. [Přetož to Bože kralestwo njeje jědź ani piće, ale prawdosć a měř a radosć w swjatym Duchu. *Luk. 17, 20.*

18. Přetož štóž w tym Chrystusej služi, tón je Bohu spodobny a ludžom chwalobny. *1 Thes. 2, 15.*

19. Stejmy teho dla za tym, štož k měrej služi a štož k polěpšenju bjez nami služi.] *St. 12, 18. St. 15, 2.*

20. Njeskaž wšak jědže dla tón Boži skutk. Wšitko woprawdže je čiste; ale temu njeje dobre, kotryž to jě z pohóršenjom swojeho swědomnja. *Št. 15. Mat. 15, 11. Jap. zk. 10, 15.*

21. Wjele lěpje je, zo njejěš mjaso a njepiješ wina, ani zo nječiniš teho, na čimž so twój bratr storči abo hórši abo woslabnje. *1 Kor. 3, 13.*

22. Maš ty tu wěru, měj ju sam při sebi před Bohom. Zbóžny je tón, kotryž sam sebi žaneho swědomnja nječini na tym, štož wón ma za dobre. *1 Jan. 3, 21.*

23. Ale štóž pak je njewěsty na tym a wšak jě, tón je zatamany; přetož to njepřińdže z wěry. Štož pak z wěry njepřińdže, to je hrěch. *Tit. 1, 15. Hebr. 11, 6.*

15. staw.

**Čoho dla słabi so sčerpliwje
znjesć dyrbja, a kak k
křesćijanskim žiwjenju
přińdžemy.**

1. My pak, kotřiž smy sylni, dyrbimy tych njemóznych slabosće znosyć a njeměć sami na sebi spodobanja. *St. 14, 1. 1 Kor. 9, 22. Gal. 6, 1.*

2. Kóždy bjez nami pak tak čiń, zo by wón so swojemu blišemu lubił na dobre k polěpšenju. *1 Kor. 9, 19. St. 10, 24.*

3. Přetož zo tež Chrystus sam sebi so njeje lubił, ale jako pisane steji: Jich hanjenje, kotřiž tebe hanja, je na mnje panuło. *Ps. 69, 11. Jez. 53, 4.*

Epiztola na 2. njedźelu adwentu.

4. [Štož pak prjedy pisane je, to je nam k wučbje pisane, zo bychmy přez sčerpliwosć a trošt teho pisma nadžiju měli. *St. 4, 23. 24. 1 Kor. 10, 11.*

5. Bóh pak teje sčerpliwosće a trošta daj wam, zo wy bjez sobu na jene mysliće, po Jezom Chrystu: *Phil. 3, 16.*

6. So byšće po jenej mysli z jednym ertom chwalili Boha a teho Wótca našeho Knjeza Jezom Chrysta.

7. Teho dla bjerće so jedyn po druhim horje, jako tež nas Chrystus je horje wzał k Božej chwalbje.

8. Ja praju pak, zo Jezus Chrystus je služomnik był teho wobřezanja, Božeye prawdy dla, zo by wón wobtwjerdził to

slubjenje, kotrež so wótcam stało je; *Mat. 15, 24. Jap. zk. 3, 25.*

9. So pohanjo pak Boha chwala smilnosće dla, jako pisane steji: Teho dla chcu ja će chwalić bjez pohanami a twojemu mjenu spěwać. *St. 11, 30. Ps. 18, 50. 2 Sam. 22, 50.*

10. A zaso praji wón: Wjeselće so, pohanjo, z jeho ludom. *5 Mójz. 32, 43. Ps. 67, 5.*

11. A zaso: Chwalće teho Knjeza, wšitcy pohanjo, a česće jeho, wšitcy ludžo. *Ps. 117, 1.*

12. A wospjet praji Jezajas: Budže korjeń Jesowy, a tón, kiž budže postanyć, zo by knježil na pohanach, k temu budža pohanjo nadžiju měć. *Jez. 11, 10. Zjew. 5, 5.*

13. Bóh pak teje nadžije napjelní was ze wšěm wjeselom a měrom we wěrje, zo byšće pońu nadžiju měli přez tu móc swjateho Ducha.] *St. 14, 17.*

14. Ja pak jara derje tež wo was wěm, lubi bratra, zo wy sami pońi dobroty sće, napjelnjeni ze wšelkim póznaćom, zo wy so bjez sobu móžeće napominać. *2 Pětr. 1, 12. 1 Jan. 2, 21.*

15. A wšak tola sym so trochu wochroblí, zo sym wam pisał, lubi bratra, zo bych wam jako spomnił teje hnady dla, kotraž mi je wot Boha data; *St. 1, 5. St. 12, 3.*

16. Zo ja być dyrbju služomnik Jezusowy Chrystusowy bjez pohanami, zo bych ja woprował to ewangelion Bože, tak zo bych pohanjo wopor byli, Bohu spodobny, swjećeny přez swjateho Ducha. *St. 11, 13.*

17. Teho dla móžu ja so chwalić w

Chrystusu Jezusu, zo Bohu služu;

18. Přetož ja bych tež ničo njesměl řećeć teho, hdy by to Chrystus přez mje njedokonjał, zo sym pohanow k poslušnosći přiwjedł přez słowo a přez skutk, *Mat. 10, 19. 20. Rom. 1, 5. St. 16, 26.*

19. Přez móc tych cejchow a dźiwow a přez móc teho Ducha Božeho, tak zo ja započawši wot Jerusalema a wot wokolnych krajow hač do Jlyrizkeje wšitko z tym ewangelijom Chrystusowym sym napjelnil; *Mark. 16, 17.*

20. A sym wosebnje na tym był, zo bych to ewangelion předował, hdžež tež mjenowany njeběše Chrystus, zo bych na cuzy zakład njetwaril, *2 Kor. 10, 15. 16.*

21. Ale jako pisane steji: Kotrymž njeje wot njeho připowědane, či dyrbja to widžeć; a či, kotřiž to njejsu slyšeli, či budža jo zrozumić. *Jez. 52, 15.*

22. A teho dla sym ja tež často dźeržany, zo njejsym k wam přišoł; *St. 1, 13.*

23. Nětk pak ja wjazy města nimam w tutych krajach, požadam pak wutrob-nje k wam přińć, wot wjele lět; *1 Thes. 3, 10.*

24. Hdyž ja pak póndu do Hizpanzkeje, chcu ja k wam přińć. Přetož ja so nadžiju, zo tam přez kraj počahnu a was wohladać budu a wot was tam přewodženy móžu być, tak pak, zo bych so trochu prjedy z wami wokřewil. *1 Kor. 16, 6.*

25. Nětk pak du ja do Jerusalema, zo bych tym swjatym tam služil; *Jap. zk. 18, 21.*

26. Přetož tym z Mazedonskeje a z Achajzkeje je so lubilo, zo su něšto hromadu zložili za tych chudych swjatych, kotřiž we Jerusaleme bydla. *1 Kor. 16, 1.*

27. Woni su to lubje činili a su tež jich dolžnicy. Přetož hdyž woni pohanam swoje duchowne kubla su sobu dźělili, dha tež ničo njezdobne njeje, zo bychu tež či w svojich čělnych wězach jim služili. *1 Kor9, 11.*

28. Hdyž ja teho dla to sym dokonjał a jim tajki wužitk zazyglowany podał, póndu ja přez was do Hizpanzkeje.

29. Ja wěm pak, hdyž přińć budu k wam, zo z poňnym žohnowanjom teho ewangelija Chrystusoweho přińć budu.

30. Ja napominam was pak, moji bratřa, přez našeho Knjeza Jezom Chrysta a přez tu lubosć teho Ducha, zo byšće so bjez sobu zo mnu prócowali w modlitwach pola Boha, *2 Thēs. 3, 1. 2 Kor. 1, 11. Phil. 1, 27.*

31. So bych wumóženy był wot tych njewěrných w židowskej, a zo by moja služba, kotruž ja do Jerusalema činju, spodobna była tym swjatym,

32. Tak zo bych ja z wjesołosću k wam přišoł po Božej woli a so z wami wokřewil.

33. Tón Bóh pak teho měra budź z wami wšitkimi. Hamjeň. *St. 16, 20.*

16. staw.

Wobstaranje Feby.
Postrowjenje k wobzamkn-
jenju, warnowanje a
džakowanje.

1. Ja poruču wam pak našu sotru Febu, kotraž je na službjě teje Kenchrejzkeje gmejny,

2. So byšće ju horjewzali w tym Knjezu, jako přisteji swjatym, a zo byšće při njej stali, w kotrymž skutku wona was budže potřebać; přetož wona je tež wjele ludžom pomocna byla, tež mi samemu.

3. Postrowće Prizku a Akwilu, mojeju pomocnikow w Chrystusu Jezusu, *Jap. zk. 18, 2. 26.*

4. (Kotrajž staj za moje žiwjenje swoje šije podaľaj; kotrymajž nic ja sam so džakuju, ale tež wšitke gmejny bjez pohanami).

5. Tak tež postrowće tu gmejnu we jich domje. Postrowće Epeneta, mojeho najlubšeho, kotryž je tón přěnički z Achajzkeje w Chrystusu. *1 Kor. 16, 15. 19.*

6. Postrowće tež Marju, kotraž je wjele prócy a džěla z nami měla.

7. Postrowće Andronika a Juniu, mojeju přěcelow a mojeju sobujateju, kotraž staj wosebnaj japoštoľaj a kotrajž přjedy mje staj byľaj w Chrystusu.

8. Postrowće Ampliana, mojeho lubeho w tym Knjezu.

9. Postrowće Hurbana, našeho pomocnika w Chrystusu, a Stachyna, mo-

jeho lubeho.

10. Postrowće Apellena, teho spytowaneho w Chrystusu. Postrowće tež, kotřiž su z Ariztobuloweho doma.

11. Postrowće Herodiona, mojeho přěcela. Postrowće tež tych, kotřiž su z Narzisoweho doma, w tym Knjezu.

12. Postrowće Trifenu a Trifozu, kotrejž w tym Knjezu so prócujetej. Postrowće tu Perzidu, moju lubu, kotraž so je wjele prócowała w tym Knjezu.

13. Postrowće Ruffa, teho wuzwoleneho w tym Knjezu, tež jeho a moju maćer. *Mark. 15, 21.*

14. Postrowće Azinkrita, Flegonta, Hermu, Patrobu, Hermesu a tych bratrow, kotřiž su při nich.

15. Postrowće Philologa a tu Juliu, Nerea a jeho sotru a Olympu a wšitkich swjatych při nich.

16. Postrowće so bjez sobu ze swjatym wokošenjom. Te gmejny Chrysusowe postrowja was. *1 Kor. 16, 20.*

17. Ja napominam was pak, lubi bratřa, zo byšće kedźbowali na tych, kotřiž rozdźělenje a pohóršenje činja při tej wučbje, kotruž wy sće nawukli, a wotstupće wot nich. *Mat. 7, 15. Tit. 3, 10.*

18. Přetož tajcy njeslužba našemu Knjezej Jezusej Chrystusej, ale swojemu brjučeje; a z ľahodnymi ryćemi a z pšisłodženstwom zawjedu woni te njewinojte wutroby. *Phil. 3, 19. Ez. 13, 18. Kor. 2, 17.*

19. Přetož waša poslušnosć je bjez wšitkich wušla. A teho dla ja so zwjeselu

nad wami. Ja chcu pak, zo byšće mudri byli na dobre a njewinojći k złemu. *St 1, 8.*

20. Ale tón Bóh teho měra podteptaj satana pod waše nohi bórze. Ta miłosć našeho Knjeza Jezom Chrysta budź z wami. (Hamjeń.)

21. Was postrowja Timotheus, mój pomocnik, a Luzius a Jazon a Sozipater, moji přeceljo. *Jap. zk. 16, 1. 2. Phil. 2, 19.*

22. Ja, Terzius, postrowju was w tym Knjezu, kiž ja tón list sym pisał.

23. Tež postrowi was Gajus, mój a teje cyleje gmejny hospodar. Was postrowi Graztus, teho města wobstarar, a Kwartus, tón bratr. *1 Kor. 1, 14. Jap. zk. 19, 22.*

24. Ta miłosć našeho Knjeza Jezom Chrysta budź z wami wšitkimi. Hamjeń.

25. Temu pak, kotryž was posylnić móže, po mojim ewangeliju a přédowanju wot Jezom Chrysta, přez kotrež to potajnstwo zjewjene je, kotrež wot wěčnych časow zamjelčane było je, *Eph. 3, 5. 9.*

26. Nětk pak zjewjene je, tež wědomne přez tych profetow jich pismo, na poručenje teho wěčneho Boha, zo by ta posklušnosť teje wěry postajena byla bě wšitkimi pohanami; *2 žim. 1, 10. Rom. 1, 5.*

27. Temu Bohu, kiž sam mudry je, budź česć přez Jezom Chrysta do wěčnosće. Hamjeń. *1 Tim: 1, 17. Jud. št. 25.*

K Romzkim křesćijanam list je póslany z Korintha přez Febu,

Prěni list swjateho Pawoła na Kovrinthizkich.

Prěni staw.

Napominanje k jednoće a k ponižnozći.

1. Pawoł, powołany japoštoł Jezom Chrysta přez Božu wolu, a Sozthenes, tón bratr, *Gal. 1, 1.*

2. Tej wosadže Božej w Korinthusu, tym woswjećenym w Chrystusu Jezusu, tym powołanym swjatym, jako tež wšitkim tym samym, kotřiž so wołaju k temu mjenu našeho Knjeza Jezom Khrysta na wšitkich svojich a našich městach: *St. 6, 11.*

3. Hnada budź z wami a měr wot Boha, našeho Wótca, a teho Knjeza Jezom Chrysta. *Rom. 1, 7. 2 Kor. 1, 2. Eph. 1, 2*

4. Ja džakuju so swojemu Bohu kóždy čas waše dla za tu hnadu Božu, kotraž wam data je w Chrystusu Jezusu, *Eph. 1, 15. 16*

5. So wy přez njeho we wšěm sće wobohaćeni, na wšej wučbje a na wšěm póznaću; *St. 12, 8.*

6. Jako tež to swědčenje wot Chrys-

tusa we was wobtwjerdžene je, *Rom. 1, 16. 2 Kor. 1, 21*

7. Tak zo wam njebrachuje na žanym darje a jeno čakaće na to zjewjenje našeho Knjeza Jezom Chrysta; *Ps. 34, 11. Phil. 3, 20*

8. Kotryž tež was budže wobtwjerdzić hač do kónca, zo byšće bjez poroka byli na tón dzeń našeho Knjeza Jezom Chrysta. *2 Kor. 1, 21. 1 Thes. 3, 13: St. 5, 23. Kol. 1, 22*

9. Přetož Bóh je swěrný, přez kotrehož wy powołani sće k towařstwju jeho Syna Jezom Chrysta, našeho Knjeza. *1 Thes. 5, 24. Jan. 15, 5.*

10. Ja napominam was pak, moji bratřa, přez to mjeno našeho Knjeza Jezom Chrysta, zo byšće wy wšitcy bjez sobu jenake słowo rěčeli a njedali rozdžělenje bjez wami być, ale džerželi pak twjerdže hromadže w jenej mysli a w jenakim prajenju. *Rom. 15, 5. Phil. 3, 16*

11. Přetož mi je wot was zjewjene, lubi bratřa, wot Kloesoweje čeledže, zo je zwada bjez wami.

12. Ja praju pak wot teho, zo jedyn bjez wami rjeknje: Ja sym Pawołski; druhi: ja pak Apolzi; třeći: ja pak Kephizki; šwórti pak: ja sym Chrystusowy.

St. 3, 4. Jap. zk. 18,

24

13. Kak? Je nětk Chrystus rosdžěleny? Je dha Pawoł za was kšizowany? Abo sće wy w Pawołowym mjenje křćeni?

14. Ja so Bohu džakuju, zo ja nikoho bjez wami njejsym křćil, chiba Krizpa a Gaja,

Jap. zk. 18,8

15. Tak zo by nchtó njemohł rjeknyć, jako bych ja na moje mjeno křćil.

16. Ja sym pak tež křćil Schćěpanowu čeledź; potom njewěm ja, hač sym koho drugeho křćil.

St. 16, 15. 17

17. Přetož Chrystus mje njeje pósłał, zo bych ja křćil, ale zo bych ja to ewangelion předował, nic pak z mudrymi słowami, tak zo by Chrystusowy křiž k ničemu sćinjeny njebył.

St.2, 4. 2 Pětr.

1, 16

Tekst na njedźelu Eztomihi. IV

18. [Přetož to słowo wot křiža je hluposć tym, kiž zhubjeni budža; nam pak, kiž my zbóžni budžemy, je wone Boža móc.

Rom. 1, 16

19. Přetož pisane steji: Ja chcu tu mudrosć tych mudrych knižomnu sćinić, a tón rozum tych rozumnych chcu ja začisnuć.

Jez. 29, 14

20. Hdže su ěi mudri? Hdže su ěi pismawučeni? Hdže su ěi na swětnje rozumni? Njeje Bóh tu mudrosć tudy

teho swěta do hlupozće pšewobroćil?

Hiob. 12, 17. Jez. 33, 18. Bar. 3, 28

21. Přetož dokelž tón swět přez swoju mudrosć Boha w Božej mudrosći njepózna, lubješe so Bohu, přez to tórne předowanje zbóžnych činić tych, kiž na to wěryja.

Mat. 11, 25. Luk. 10, 21

22. Dokelž židzi zejchi požadaju a Grichiscy po mudrosći prašeju; *Mat. 12, 38. St. 16, 1. Jan. 4, 48. Bar. 3, 23*

23. My pak předuujemy teho křižowaneho Chrystusa, tym Židam však pohóršenje a tym Grichiskim hluposć; *Mat. 11, 6. Jan. 6, 61. 1 Kor. 2, 14*

24. Tym pak, kotřiž su powołani, woboje židam a Grichiskim, předuujemy my Chrystusa, Božu móc a Božu mudrosć.

Rom. 1, 16. Kol. 2, 3.

25. Přetož ta hluposć Boža je mudřiša, dyžli ěi ludžo su; a ta slabosć Boža je sylniša, dyžli ěi ludžo su.]

26. Přetož wohladažće, moji bratřa, vaše powołanje: nic wjele mudrych po ěěle, nic wjele mójnych, nic wjele knježkich je powołanych; *Jan. 7, 48. Jak. 2, 5.*

27. Ale štož hlupje je před tym swětom, to je Bóh wuzwolił, zo by wón tych mudrych k hanibje přinjesł; a štož słabe je před tym swětom, to je Bóh wuzwolił, zo by wón k hanibje přinjesł to, štož sylne je;

28. A to njeknjejkze před tym swětom a to zazpíte je Bóh wuzwolił, a štož njeje, zo by wón knižomne sćinił, štož něšto je,

29. Tak zo by so před nim žane ěělo

njekhwalilo. *Rom. 3, 27. Eph. 2, 9.*

detail *Tekst na njedźelu po hodžoch. IV.*

30. [Wot kotrehož tež wy sće w Chrystusu Jezusu, kotryž nam je sčinjeny wot Boha k mudrości a k prawdosći a k swjećenju a k wumóženju,] *Jer. 23, 5. 6. Rom. 4, 25. 2 Kor. 5, 21. Jan. 17, 19.*

31. So tak (jako pisane steji) so by stało: Štóz so khwali, tón so khwal teho Knjeza. *Jer. 9, 23. 24. 2 Kor. 10, 17. Jez. 65, 16.*

2. staw.

Prawe wašnje, ewangelion přédować.

1. A ja, moji bratřa, přišedši k wam, njepšindžech z wysokimi słowami abo z wysokej mudrozću, jako wam pšipowjedach to Bože swědčenje. *St. 1, 17. 2 Pětr. 1, 16.*

2. Přetož ja so njedžeržach za teho sameho, zo bych ja něšto wědzał bjez wami, chiba jeno Jezom Chrysta, teho križowaneho, *Gal. 6, 14.*

3. A ja běch pola was ze słabozću, z bojosću a z wulkim rženjom; *Jap. zk. 18, 1. 9.*

4. A moje słowo a moje přédowanje njeběše we wabjazych ryčach člorózkeje mudrosće, ale we wopokazanju teho ducha a teje mocy; *St. 1, 17.*

5. Tak zo by waša wěra wobztała, nic na člowkej mudrości, ale na Božej mocy. *Eph. 1, 17. 19. 1 Thes. 1, 5.*

6. Wot čohož my pak rěčimy, je wšak mudrosć pola tych dopjelnyjnych; nic mudrosć teho swěta, tež nic tych wyšich teho swěta, kotřiž zahinu;

7. Ale my rěčimy wot teje potajneje pšikryteje mudrosće Božej, kotruž Bóh je prjedy wustajil před tym swětom, k našej krasnosći, *Ps. 51, 8. Rom. 16, 25.*

8. Kotruž žadyn bjez tymi wyšimi tuteho swěta njeje póznał. Přetož hdy bychy woni tu samu póznali, njebychu woni teho Knjeza teje krasnosće križowali; *Jap. zk. 3, 15.*

9. Ale my rěčimy, jako pisane steji: Štož žane woko njeje widžilo a žane wucho słyšało njeje a do žaneho člowjeka wutroby přišlo njeje, štož Bóh je přihotował tym, kotřiž jeho lubuja; *Jez. 64, 4.*

10. Nam je jo pak Bóh zjewil přez swojeho Ducha. Přetož tón Duch pšepyta wšitke wěcy, tež tu hlubokozć teho bójstwa. *Mat. 13, 11.*

11. Přetož kotry člowjek wě, što w tym člowjeku je, chiba tón duch teho člowjeka, kotryž w nim je? Tak tež nichtó njewě, što w Bosy je, chiba tón Duch Boží.

12. My pak njejsmy teho ducha teho swěta dóstali, ale teho Ducha, kiž je z Boha, zo móžemy my wjedzić, kak bohaće my wot Boha z hnadu wobdarjeni smy;

13. Kotrež my tež rěčimy, nic ze słowami, kotrež člowječna mudrosć wući, ale ze słowami, kotrež tón swjaty Duch wući, a sudžimy duchowne wěcy na duchowne wašnje. *St. 1, 17. 2 Pětr. 1, 16.*

14. Tón čelny čłowjek pak njezrozumi ničo wot teho, štož je Ducha Božeho; njemudrosć pak wone jemu je a njemóže to same póznać, přetož wone so duchomnje dyrbi rozsudzić; *Rom. 8, 7.*

15. Ale duchowny rossudži wšitko, wón pak wot nikoho njebudže sudženy. *Přisl. 28, 5.*

16. Přetož štó je teho Knjeza mysl póznať? abo štó chce jeho wučić? My pak mamy Khryztusowu mysl. *Hio. 15, 8. Jez. 40, 13. Kn. mudr. 9, 13. Rom. 11, 34. Phil. 2, 5.*

3. staw.

Wučerjo su služomnicy, rólnizy a česlojo. Knjez a založk zbóžnozće je Chrystus.

1. A ja, moji bratřa, njemóžach z wami řećeć jako z duchownymi, ale jako z čelnymi, to je jako z małymi džěćatkami w Chrystusu.

2. Mloko sym ja wam pić daľ, a nic sylnu jědź; přetož wy tu hišće njemóžeće znjesć, tež nětk hišće njemóžeće, dokelž wy hišće čelni sće. *1 Pětr. 2, 2. Hebr. 5, 12. 13.*

3. Přetož dokelž zawizć a zwada a njejednota bjez wami je, njejsće dha wy čelni a chodźíce po čłowječnym zdaću? *St. 1, 10. 11.*

4. Přetož hdyž jedyn rjeknje: Ja sym Pawolski! druhi pak: Ja sym Apolzki! njejsće dha wy čelni? *St. 1, 12.*

5. Štó dha je Pawoł? Štó pak Apollos? Sslužomnikaj wonaj wšak staj, přez kotrejuž wy sće wěřili; a to same, kaž tón Knjez kóždemu je daľ. *Jap. zk. 18, 24.*

6. Ja sym šćěpil, Apollos je wobkrjepił; Bóh pak je zrosćenje daľ. *Jak. 1, 21. 1*

7. Njejstaj teho dla něšto, ani tón, kiž šćěpi, ani tón, kiž wobliwa, ale Bóh, kiž to zrosćenje dawa.

8. Tón pak, kiž šćěpi, a tón, kiž wobkrjepi, staj jedyn, jako druhi. Kóždaj pak budžetaj swoju mzdu dostać po swojim džěle. *Ps. 62, 13. Rom. 2, 6.*

9. Přetož my smy Boži pomocnizy; wy sće Boža rola a Bože twarjenje. *2 Kor. 6, 1. Eph. 2, 20.*

10. Ja přez Božu hnadu, kotraž mi je data, sym tón grunt založil jako rozumny twarjer; druhi pak twari na njón. Kóždy pak njech hlada, kak wón na njón twari. *St. 15, 10.*

11. Přetož žadyn druhi grunt nchtó njemóže založić, chiba tón, kotryž je Jezus kiž je založeny, Chrystus.

12. A jeli zo štó na tutón grunt twari złoto, slěboro, drohe kamjenje, drjewo, syno, słomu:

13. Dha kóždoho džělo zjawne budže, tón džeň pak budže to zjewić; přetož wone přez woheň budže zjewjene, a kakje kóždoho džělo je, budže tón woheň wopokazać. *Jez. 48, 10.*

14. Budže-li něčeji skutk wostać, kotryž wón na njón je twariľ, dha budže wón mzdu dostać;

15. Budže-li so pak něčeji skutk spalić, dha wón budže škodu wzać; wón

sam pak budže schowany, ale tak, jako přez woheń.

16. Njewěšće wy, zo wy Boža cyrkej sće a tón Duch Boží bydlí we was? *St. 6, 19. 2 Kor. 6, 16. Eph. 2, 21. 22. St. 3, 17. 1 Pětr. 2, 5. Hebr. 3, 6.*

17. Budže-li štó tu cyrkej Božu skazyć, teho budže Bóh skazyć; přetož ta cyrkej Boža je swjata, kotraž wy sće.

18. Nichtó so sam njezjebaj. Kotremuž bjez wami so zda, zo je mudry na tym swěće, tón budž błažn, zo by mudry był. *Přist. 3, 5. 7. Jez. 5, 21. 16*

19. Přetož teho swěta mudrosć je njemudrosć pola Boha. Přetož pisane stejí: Tych mudrych popanje wón we jich lesnozćí; *Hiob. 5, 13.*

20. A zaso: Tón Knjez wě tych mudrych jich mysle, zo kničomne su. *Ps. 94, 11.*

21. Teho dla njekhwal so nichtó žaneho čłowjeka. Wšak je wšitko waše:

22. Njech je Pawoł abo Apollos, njech je Kephas abo tón swět, njech je žiwjenje abo ta smjerć, njech je nětčiše abo psichodne, wšitko je waše;

23. Wy sće pak Chrystusowi, a Chrystus je Boží. *St. 11, 3.*

4. staw.

Prědarjow česć, zastojnstwo a powołanje.

Epistola na 12. njedźelu po swj. Trojicy.

1. [Sa tych dźerž nas kóždy, jako za Khryztusowych služomnikow a zastojnikow na Božich potajnstwach. *Mat. 16, 19.*

2. Ničo so pak wjazy njepyta na zastojnikach, hač jeno, zo swěrní namakani budža. *Luk. 12, 42.*

3. Mi pak to je snadna wěc, zo ja wot was sudženy budu abo wot čloróžkeho dnja; tež ja so sam njesudžu.

4. Ja sebi derje ničeho njejsym wědomny, ale w tym samym njejsym ja prawy; tón Knjez pak je, kiž mje sudží. *2 Móž. 34, 7. Ps. 35, 24.*

5. Teho dla njesudžće prjedy časa, hač tón Knjez přindže, kiž tež budže na swětlo přinjesć, štož pó čmje je potajene, a wutrobow radu zjewić; a tehdy budže so kóždemu wot Boha chwalba dostać.]

6. A te ryče, moji bratřa, sym ja na so a na Apolosa w přirunanju čahnył waše dla, zo byšće wy na namaj wukli, zo by nichtó wyše do so njedźeržał, dyžli nětk je pisane, tak zo so by žadyn někoho dla přeciwo druhemu njenaduł. *Přist. 3, 7. Rom. 12, 3.*

7. Přetož štó je će wyše druhich powyšil? A što maš ty, štož ty njejsy dóstał? A jeli zo ty jo tež sy dóstał, štoha ty so chwališ, jako by ty

jo njedostał? *Jan. 3, 27. Rom. 12, 6.*

1Pětr. 4, 10. Jak. 1, 17.

8. Wy sće hižom nasyceni, wy sće so hižom wobohaćili, wy knježiće bjez nas; a Bóh daj, zo byšće knježili, zo tež my bychmy z wami knježili.

9. Ja pak mam za to, zo Bóh nas japoštołow za tych najnižšich je postažil, jako tajkich, kiž su k smjerći podaći; přetož my smy na dziwne wohladanje poztajeni temu swětu a jandželam a ludžom. *Ps. 44, 23. Rom. 8, 36. Hebr. 10, 33.*

10. My smy blazni Chrystusa dla; wy sće pak rozumni w Chrystusu. My słabi, wy pak sylni; wy krasni, my pak zazpjenj. *St. 3, 18.*

11. Hač do teje štundy ćerpimy my tež hlód a lačnosť, a smy nazy a budžemy bići a nimamy žaneho wobz-tajneho města,

12. A prózujemy so a džělamy sami ze swojimaj rukomaj. Woni nas swarja, my pak požohnujemy; woni nas pšezčěhaju, my jo znjesemy; *St. 9, 14. Jap. zk. 18, 3. St. 20, 34. 1 Thes. 2, 9. 2 Thes. 3, 8. Ps. 109, 28.*

13. Woni nas zaničuja, my pak pokornje prosmy za nich. My smy stajnje na swěće jako to, štož so wumjeće a wot-truha přede wšitkimi ludžimi.

14. Nic njepišu ja to, zo chcył wam z tym hanibu načinić, ale ja napominam was, jako moje lube džěci. *1 Thes. 2, 11.*

15. Přetož hdy byšće wy runje džesać tawzynt wučerjow měli w Chrystusu, dha wy však nimaće wjele nanow. Přetož ja sym was plódžil w Chrystusu

Jezusu přez to ewangelion.

16. Teho dla napominam was, činće po mni. *St. 11, 1.*

17. Teho dla sym ja Timotheja k wam pósłał, kotryž je mój luby a swěrný syn w tym Knjezu, zo by wón was dopomnił mojich pućow, kotrež su w Chrystusu, jako ja wšudžom w kóždej wosadže wuču.

18. Někotři so pak naduja, zo ja k wam přińc njebudu;

19. Ale ja chcu bórzy k wam přińc, budže-li teho Knjeza wola, a chcu póznać, nic to słowo tych nadutych, ale tu móc. *Jap. zk. 18, 21. Hebr. 6, 3. Jak. 4, 15.*

20. Přetož Bože kralestwo njezteji na słowach, ale na mocy. *St. 2, 4. Luk. 17, 20.*

21. Što chceće: Mam ja z prutom k wam přińc abo z lubosću a z čichim duchom?

5. staw.

***Chłostanje njekazanztwa.
Wurjedženje kisateho kwasu.
Kak a čoho dla so hrěchow
zdalować dyrbymy.***

1. Cyle wěrne je slyšeć, zo kurwarstwo je bjez wami, a tež tajke kurwarstwo, wot kotrehož tež póhanjo njewjedža prajić, zo ma jedyn žonu swjeho nana. *3 Mójz. 18, 7. 8.*

2. A wy sće nadući a njejsće radšo žarowali, zo tón, kiž tajki skutk je sćinił, by wot was přeč přišoł.

3. Ja teho dla, kiž z ćelom při was njejsym, sym pak při was z duchom, sym hižom, jako bych pola was był, na tym, kotryž to tak je sćinił, wobzanknuł: 2 Kor. 10, 1. Kol. 2, 5.

4. W mjenje našeho Knjeza Jezom Chrysta, we wašej zhromadźiznje z mojim duchom a z tej mozu našeho Knjeza Jezom Chrysta, Mat. 16, 19. St. 18, 18.

5. Tajkeho podač temu zatanej na skaženje teho ćěla, zo by jeho duša zbóžna byla na tym dnju teho Knjeza Jezusa. 1 Tim. 1, 20.

6. Waša chwalba pěčna njeje. Njewěsće wy, zo mały kuzk kwasa cyle često pšekiše? Gal. 5, 9.

7. Teho dla wurjedźće stary kwas, zo byšće nowe često byli, jako wy njekisani sće. Přetož my tež mamy jutrowne jehnjo, to je Chrystus, za nas woprowany. Jez. 53, 7. 1 Pětr. 1, 19.

8. Dha dźeržmy jutry, nic w ztarym kwasu ani w kisałym čėsće teje złósće a šibałztwa, ale w slódkim čėsće teje čiztozće a wěrnosće. 2 Móžz. 12, 3. 15. 10.

9. Ja sym wam pisał w lizće, zo byšće so njeměšeli z kurwarjemi. Mat. 18, 17. 2 Thes. 3, 14.

10. To ja pak cyle njepraju wot tych kurwarjow tuteho swěta abo wot tych lakomnych abo rubježnikow a přibójskich; hewak dyrbjeli wy so teho swěta minuć.

11. Dha tola sym ja wam nětk pisał, zo byšće so z tymi njeměšeli; jeli zo štó je, kiž so dawa bratr mjenować, a je kurwař abo lakomny abo přibójski abo hanibnik abo wopilec abo rubježnik, z

tajkim wy tež jěsć njedyrbíce. Mat. 18, 17. 2 Thes. 3, 6. Tit. 3, 10. 2 Jan. št. 10.

12. Přetož što mje ći wonkach nastupaju, zo bych ja jich sudžił? Njesudźiće wy tych, kotřiž nutrkach su? Mark. 4, 11.

13. Bóh pak budže tych, kiž wonkach su, sudzić. Teho dla wustorčće sami wot so teho, kiž zlóstnik je. 5 Móžz. 13, 5

6. staw.

Chłostanje zwady před sudom a kurwarstwa.

1. Kak smě štó bjez wami, hdyž wón prawować ma z druhim, so wadzić před tymi njeprawymi a nic před tymi swjatymi?

2. Njewěsće wy, zo ći swjeći budža swět sudzić? Hdyž teho dla swět wot was budže sudženy, njejsće dha wy dobri dosć, zo byšće wy te mjeńše wěcy sudžili? Kn. mudr. 3, 8. Mat. 19, 28. Zjew. 2, 26.

3. Njewěsće wy, zo tych jandželow budžemy sudzić? Kak dha wjele wjazy časne kubla!

4. Wy pak tola, hdyž što maće časnych kubłow dla skorzić, dha tajkich wozmjeće, kiž pola wosady su zazpjeni, a sadźiće jich za sudnikow.

5. K wašej hanibje mam ja to prajić. Njeje dha žadyn rozumny bjez wami, tež nic jedyn, kotryž by sudzić mohl bjez bratrom a bratrom?

6. Ale bratr z bratrom prawuje, k temu hišće před tymi njewěrnymi!

7. Wono je hižom woprawdže njepřistojna wěc bjez wami, zo bjez sobu prawujuće. Čoho dla wy sebi radšo njedaće křiwdu činić? Čoho dla wy radšo křiwdu nječerpiće?

Přisl. 20, 22. Mat. 5, 39. Luk. 6, 29. Rom. 12, 19. 1 Thes. 5, 15. 1 Pětr. 3, 9.

8. Ale wy činiće škodu a křiwdźiće, a to činiće wy na bratrach!

9. Njewěsće wy, zo či njeprawi Bože kralestwo njebudža dostać? Njedajće so molić; přetož ani kurwarjo ani pšibójzzy ani mandželztwołamarjo ani kiž sami ze sobu hanibu čěrja ani kiž z muzkimi, *Gal. 5, 19. 20. 21.*

10. Ani paduši ani lakomni ani wopilzy ani hanibnizy ani rubježnicy njebudža Bože kralestwo dostać.

11. A tajcy su někotři bjez wami byli; ale wy sće wotmyči, wy sće woswjećeni, wy sće prawi sćinjeni přez to mjeno teho Knjeza Jezusa a přez teho Ducha našeho Boha.

Tit. 3, 3. Hebr. 9, 14.

12. Ja mam wšitkeho móc, ale wšitko njeje wužitne. Ja mam wšitkeho móc, ale ničo mje njedyrbi jateho wzać. *St. 10, 23. Sir. 37, 31.*

13. Košt je wuztajeny brjučeje, a brjuch košteje; ale Bóh budže tón a tamny k ničemu sćinić. To ćelo tež njeje wuztajene kurwarstwu, ale temu Knjezeje a tón Knjez temu ćelu.

Mat. 15, 17. 1 Thes. 4, 3.

14. Bóh je pak teho Knjeza zbudził a budže tež nas zbudzić přez swoju móc. *Jap. zk. 3, 15.*

15. Njewěsće wy, zo waše žiwoty su stawy Chrystusowe? Dyrbjał dha teho dla ja te stawy Chrystusowe wzać a wot

nich kurwarske stawy sćinić? Bóh to njedaj!

Eph. 4, 12. 15.

16. Abo njewěsće, zo štóž při kurwje wisy, je z njej jene ćelo? Dwaj (přetož praji wón) budžetaj jene ćelo. *1 Mójz. 2, 24. Mat. 19, 5.*

17. Štóž pak při Knjezu wisy, tón je jedyn duch z nim. *Jan. 17, 21: 22. Eph. 5, 30.*

18. Sdalujće so kurwarstwa. Wšitkón hrěch, kotryž čłowjek čini, je zwonkach jeho ćela; štóž pak kurwi, tón hrěši sam na swojim ćele.

Tekst na njedźelu Septuagesima. IV.

19. [Abo njewěsće wy, zo waše ćelo je templ swjateho Ducha, kiž we was bydli, kotrehož wy maće wot Boha a njejsće sami swoji?

St. 3, 16. 2 Kor. 6, 16.

20. Přetož wy sće droho kupjeni. Dha čezćece Boha na wašim ćele a na wašim duchu, kotrajž staj Božej.] *St. 7, 23. 1 Pětr. 1, 18. 19. Phil 1, 20*

7. staw.

Wotmoŕwjenje na wšelke prašenja, wo mandželzkim, frejnym a wudowinym štanće.

1. Wot čohož wy mi pak sće pisali, na to wotmołwu ja wam tak: Derje je čłowjekej, zo wón so žaneje žony njedótknje;

2. Ale zo by kurwarstwo njehnał, měj kóždy sam swoju mandželsku a kóždy měj sama swojeho muža.

3. Tón muž wopokaž žonje tu winojtu dobroćiwosć, teje runosće tež ta žona temu muzej.

4. Ta žona njeje swojeho žiwota móčna, ale tón muž; teje runosće tež tón muž njeje swojeho žiwota mócný, ale ta žona.

5. Jedyn teho druheho so njezdžerž, chiba zo so z wobě wolu stanje na čas, zo byšće wy k požćenju a k modlenju chwilu měli; a potom zeńdźće so zaso hromadu, zo by was tón zatan njezpytał washeho njezdžerženja dla.

6. To same ja pak praju z wotpušćenja a nic z přikaznje.

7. Ja bych pak chcył, zo bych wšitcy ludžo byli, jako ja sym; ale kóždy ma sam swój dar wot Boha, jedyn tak, druhi pak hinak. *Jap. zk. 26, 29. Mat. 19, 12.*

8. Ja praju pak tym, kiž su bjez žony, a wudowam: Derje jim je, hdyž woni wostanu jako ja.

9. Jeli zo so woni pak njezdžerža, dha njech so woženja; přetož lěpje je so woženíć, dyžli wožahanje ćerpić. *1 Tim. 5, 14.*

10. Tym woženjenym pak přikažu nic ja, ale tón Knjez, zo by so žona róžno njedžělila wot muža; *1 Thes. 4, 14. Mat. 5, 32. St. 19, 9. Luk. 16, 18.*

11. Jeli zo so wona pak róžno džěli, zo by so zaso njewudała, ale so z tym mužom zjednała, a zo by muž žonu wot sebje přeč njepuščil.

12. Tym druhim pak praju ja, nic tón Knjez: Jeli zo kotry bratr ma njewěrnú

mandželsku a wona zwoli k temu, zo chce při nim bydlić, tón ju njewopušč.

13. Tak tež, ma-li hdže kotra žona njewěrneho muža a wón zwoli k temu, zo chce při njej bydlić, ta jeho njewopušč.

14. Přetož tón njewěrný muž je woswjećeny přez tu žonu, a ta njewěrna žona je woswjećena přez teho muža. Hewak bych wuše džěći nječiste byle; nětk su wone pak swjate. *Rom. 11, 16.*

15. Jeli zo so pak tón, kiž njewěrný je, róžno da, dha njech so da róžno. Tón bratr abo ta sotra w tajkich wěcach nje-jstaj jataj. Ale w měrje je nas Bóh powołał. *Eph. 2, 14. 17.*

16. Wšak ty, žona, njewěš, hač budžeš ty muža zbóžneho sćinić? A tež ty, mužo, njewěš, hač ty tu žonu budžeš zbóžnu sćinić? *1 Pětr. 3, 1.*

17. Ale kaž Bóh kóždemu je wudžělił a kaž kóždoho tón Knjez je powołał, tak njech chodži. A tak ja we wšitkich wosadach wuztaju. *Št. 20. 24.*

18. Jeli štó wobrězany powołany, tón njedaj žaneho wobrězka na sebi zrozc. A jeli štó powołany při njewobrězku, tón so njedaj wobrězać.

19. Wobrězanje ničo njeje a njewobrězk tež ničo njeje; ale te kaznje Bože džeržeć, to je něšto. *Gal. 5, 6. St. 6, 15.*

20. Kóždy wostań při tym powołanju, po kotrymž wón je powołany. *Št. 17. 24. Eph. 4, 1.*

21. Syli ty wotročk powołany, njeztaraj so wo to; ale móžeš-li pak frej być, dha wuži waj to wjele radšo.

22. Přetož štóž je wotročk powołany w tym Knjezu, tón je frejzčinjeny teho Knjeza; teje runosće, štóž je frej

powołany, tón je wotročk Chrystusowy.
Jan. 8, 36. Eph. 6, 6.

23. Wy sće droho kupjeni; njebudźće wotročcy tych čłowjekow. *St. 6, 20. 1 Pětr. 1, 18. 19.*

24. Kóždy, moji bratřa, kaž wón je powołany, tak wostań wón před Bohom. *Št. 17. 20.*

25. Wot tych holzow ja pak žaneje přikaznje teho Knjeza nimam; ja dam pak swoju mysl wot so, jako tón, kotryž wot teho Knjeza je smilnosť dóstał, zo by swěrný byl.

26. Mam teho dla za to, zo dobra wěc je nětčíšeje nuzy dla, zo dobra wěc je čłowjekej tak wostać. *Jer. 16, 2.*

27. Syli ty k žonje pšiwjazany, njehladaj roswjazanja; syli pak žonu wotbył, dha njepytaj sebi žonu.

28. Hdyž so woženiš, njezhřešiš ty; a hdyž so tež knježna wuda, njezhřeši wona; dha wšak budžetaj wonaj čelnu přeciwnosć měć. Ja bych was pak rad pšešonował.

29. To praju pak ja, moji bratřa, přetož tón čas je krótki. Dale su to moje mysle: kotřiž žony maju, zo či bychu byli, jako bychu žanych njeměli; a kotřiž płaća, jako bychu njeplakali; *Rom. 13, 11.*

30. A kotřiž so wjesela, jako bychu so njewjeselili; a kotřiž kupuja, jako bychu woni to same njewobsynuli;

31. A kotřiž teho swěta wužiwaju, zo bychu woni jeho zlě njewužiwali; přetož to wohladanje teho swěta zańdže. *1 Jan. 3 17.*

32. Ja bych pak chcył, zo byšće wy bjez ztarozće byli. Štóz je nježenjeny,

tón so wo to stara, štož temu Knjezej pšišluša, kak by so wón temu Knjezej zpodobal;

33. Ale štóz so woženi, tón so wo to stara, štož teho swěta je, kak by so žonje lubił. *Eph. 5, 20.*

34. Tak tež hinak je ze žonu a z holcu. Kotraž so njewuda, ta so wo to stara, štož Knjezowe je, zo by swjata byla na čele a na duchu; kotraž so pak wuda, ta so wo to stara, štož teho swěta je, kak by so mužej lubila.

35. To ja praju sam k vašemu dobremu; nic zo bych ja wam zwjazk na šiju čisnył, ale teho dla, zo pěkne je, a wy přistojnje a bjez zkomdženja temu Knjezej služić móhli.

36. Jeli zo so pak někomu zda, zo njepšiztojnje čini ze swojej holcu, dokelž ze svojich lět je wušla a wona hinak nochce być, dha njech čini, štož wón chce; wón njezhřeši, njech ju wuda.

37. Hdyž sebi pak štó twjerdže prjódk wozmje, hdyž teho njepotrjeba, ale ma sam swoju wolu a wobzanknje to same w swojej wutrobje, zo wón swoju holcu tak chce dać wostać, tón čini derje.

38. Teho dla, štóz swoju holcu wuda, tón čini derje; kotryž ju pak njewuda, tón čini lěpje.

39. Zona je pšiwjazana k zakonje, tak dołho hač jeje muž je žiwy; wusnje-li pak jeje muž, dha ma swoju wolu a móže sebi wzać, kajkehož chce; jeno zo so w tym Knjezu stanje. *Rom. 7, 2.*

40. Ale zbóžniša wona je, jeli zo tak wostanje, po mojej radže. Ja měnju pak, zo ja tež mam Božeho Ducha.

8. staw.

Wo pšibójskim woporje a wužiwanju křescanskeje swobody bjez pohóršenja.

1. Wot tych přibójskich woporow pak wěmy my; přetož wšitcy mamy to wjedženje. To wjedženje naduwa, ale lubošć polěpšuje. *Jap. zk. 15, 20.*

2. A jeli zo so komu zda, zo by što wědzał, tón hišće ničo njewě, tak jako wón ma wjedźić. *Gal. 6, 3. 1 Tim. 6, 4.*

3. Jeli pak štó Boha lubuje, tón je wučeny wot njeho. *Gal. 4, 9.*

4. Wěmy teho dla wot teje jědze tych přibójskich woporow, zo přibóh ničo na swěće njeje, a zo žadyn druhi bóh njeje, chiba tón jenički; *Rom. 14, 1.*

5. A hač runje su, kiž budža bohojo mjenowani, njech je w njebiesach abo na zemi (kaž wono je wjele bohow a wjele knjezow):

6. Dha wšak my mamy jeneho Boha, teho Wótca, wot kotrehož wšitke wěcy su a my w nim; a jeneho Knjeza Jezom Chrysta, přez kotrehož wšitke wěcy su a my přez njeho. *Mal. 2, 10.*

7. Njeje pak we wšitkich to wjedženje. Přetož někotři činja sebi hač dotal swědomnje na pšibohach a jědža je za pšibójske wopory; a z tym budže jich swědomnje, dokelž slabe je, wopanzane. *St. 27, 10.*

8. Ta jědž pak nas ničo lěpsich před Bohom nječini. Přetož jěmy-li my, dha my teho dla ničo lěpsi njebudžemy; njeje my-li my, dha my teho dla ničo

mjenje njebudžemy.

9. Hladajće pak, zo ta sama waša frejota njebyła pohóršenje tym slabym. *Gal. 5, 13.*

10. Přetož hdyž tebe (kiž ty to póznaće maš) štó widźi, zo ty so k blidu sydaš w pšibójskej chěži, njebudže jeho swědomnje, dokelž wón slaby je, k temu pšinjesene, zo wón jě tón přibójski wopor?

11. A budže tak na twojim póznaču tón slaby bratr kónc wzac, za kotrehož wšak Chrystus je wumrěl. *Rom. 14, 15.*

12. Hdyž wy pak tak na bratrach zhrěšiće a zrazyće jich slabe swědomnje, zhrěšiće wy na Chrystusu.

13. Jeli zo teho dla ta jědž mojeho bratra pohórši, njechał ja nihdy na nihdy mjasa jěsć, zo bych mojeho bratra njepohóršił.

9. staw.

Kak japoštoł křescanskeje swobody při swojim zaztojnztwje wužiwa.

1. Njejsym ja japoštoł? Njejsym frej? Njejsym ja našeho Knjeza Jezom Chrysta widźił? Njejsće wy mój skutk w tym Knjezu? *Jap. zk. 9, 3.*

2. Njejsym-li ja druhim japoštoł, dha wšak sym wam japoštoł; přetož tón zygel mojeho japoštołzkeho hamta sće wy w tym Knjezu.

3. Hdyž mje štó wopraša, dha ja tak wotmołwu.

4. Nimamy my móc jěsć a pić? *Luk. 10, 8.*

5. Nimamy my tež móc sobu sotru za žonu wodzić, jako ěi druzy japoštoli a Knjezowi bratřa a Kephaz? *Mat. 8, 14.*

6. Abo nimamój samaj ja a Barnabas móc, zo bychmój to samo činiłaj?

7. Štó wojuje hdy za sam swój košť? Štó płodźi winicu a njejě wot jeje płodow? Abo štó pase stadło a njejě wot mloka teho stadła?

8. Rěču ja pak to po čloróskim zdaću? Njepraji to tež zakon?

9. Přetož w Mójzasowym zakonju steji napisane: Ty njedyrbiš wolej huby zawjazać, kiž młóci. Stara so Bóh tak wo te woly? *5 Mójz. 25, 4. 1 Tim. 5, 18.*

10. Abo njepraji wón to cyle naše dla? Přetož wone je však naše dla napisane. Přetož tón, kiž worje, dyrbi na nadžiju worač, a tón, kiž młóci, dyrbi na nadžiju młócić, zo by wón po swojej nadžiji dóstał.

11. Hdyž my wam to duchowne syjemy, je dha to tajka wulka wěc, hdyž my waše čelne žnjemy? *Rom. 15, 27.*

12. Hdyž pak druzy tu móc nad wami su dóstali, čoho dla nic wjele radšo my? Ale my njejsmy tajkeje mocy wužiwali, ale my pšećeřpimy wšelke, zo bychmy temu ewangeliju Khryztusowemu žaneho komdženja nječinili. *Jap. zk. 20, 33. 2 Kor. 11, 9.*

13. Njewěsće wy, zo ěi, kiž wopruja, jědža wot teho wopora? a kotřiž při wołtarju služa, wužiwaju teho wołtarja? *4 Mójz. 18, 8. 5 Mójz. 18, 1. 2. 3.*

14. Tak je tež tón Knjez wustajił, zo, kotřiž to ewangelion připowědaju, maju

so wot epangelija žiwjeć. Ja pak njejsym teho ničeho wužiwał. *Luk. 10, 7. Jap. zk. 18, 3.*

15. Ja njepišu pak teho dla wot teho, zo by zo mnu tak dđeržane było. Přetož mi by wjele lubše było, zo bych wumrěł, dyžli zo mi štó moju chwalbu dyrbjal kničomnu sčinić.

16. Přetož zo ja to ewangelion přěduju, nimam ja so chwalić; přetož mi so zaleži, zo dyrbju to same činić. A běda mi, jeli to ewangelion njepřěduju.

17. Čžinju-li ja to rad, dha budže mi zapłaćene; jeli zo pak njerad čžinju, dha je mi však to zastojnstwo poručene. *St. 4, 1.*

18. Kak dha budže mi zapłaćene? Tak zo ja přěduju to ewangelion Chryztusowe a čžinju to same z dobrej wolu darmo, zo bych mojeje mocy njewužiwał k škodže temu ewangeliju. *St. 8, 9.*

19. Přetož hač runje frej sym wot wšitkich, sym ja so však sam wšitkim za wotročka sčinił, zo bych jich wjele dobył. *Mat. 20, 27. 28.*

20. Tým židam sym ja był jako Žid, zo bych tych židow dobył. Tým, kiž pod zakonjom su, sym ja był jako tež pod zakonjom, zo bych tych, kiž pod zakonjom su, dobył.

21. Tým, kiž bjez zakonja su, sym ja jako bjez zakonja (kiž ja však před Bohom njejsym bjez zakonja, ale sym w Chryztusowym zakonju), zo bych ja tych, kotřiž bjez zakonja su, dobył. *Gal. 2, 3.*

22. Tým slabym sym ja był jako slabý, zo bych ja tych slabych dobył. Kóždemu sym ja wšelaki był, zo bych však

wšudžom někotrych zbóžnych sćinil. 2
Kor. 11, 29. Rom. 11, 14.

23. To činju ja pak ewangelija dla, zo
bych ja to same tež dóstał.

Epistola na njedželu Septu- agezima.

24. [Njewěsće wy, zo ći, kiž wo wjetu
běža, běža wšitcy, ale jedyn wozmjje
dobyće? Dha běžće tak, zo jo dosah-
njeće.

25. Kóždy pak, kiž so bėdzi, zdźerži
so wšitkich wěcow; tamni teho dla, zo
bychu zachodnu krónu dóstali, my pak
njezachodnu. Eph. 6, 12.

26. Teho dla tak běžu, nic jako na
njewězte; ja tak bechtuju, nic jako je-
dyn, kiž do lofta ruba;

27. Ale ja pojimam swoje čělo a wozk-
ludžu jo na službu, zo bych ja, hdyž
druhim předuju, sam do poroka njeza-
panuł.] Rom. 8, 13. St. 13,
14.

10. staw.

Cžělnje zechernozće mamy so hladać.

1. Fa nochcu pak wam, bratřa, zam-
jelčec, zo naši wótcojo su wšitcy pod
mróčelu byli, a wšitcy su přez morjo šli.
2 Mójz. 13, 21. 22. St. 14, 22.

2. A su wšitcy pod Mójzasom křćeni
z tej mróčelu a z tym morjom;

3. A su wšitcy jenaku duchomnu jědž
jědli, 2 Mójz. 16, 15.

4. A su wšitcy jenake duchowne piće
pili (přetož woni pijachu z teje duchom-
neje skały, kotraž jich pšewodžese, ta
zkała pak běše Chrystus); 2 Mójz. 17, 6.

5. Ale na nich wjele njeměješe
Bóh žaneho spodobanja; přetož woni su
pobići w tej pusćinje. 4 Mójz. 26, 64. 65.

6. To pak je so nam k znamjenju
stało, zo bychmy sebi zleho njepožadali,
jako tež ći sami su požadali. 4 Mójz. 11,
4. 33.

7. Njebudźće tež pšibožni, jako
někotři bjez nimi běchu, kaž pisane steji:
Tón lud synu so dele k jědži a k piću a
stanu horje k hraću. 2 Mójz. 20, 3. St.
32, 6.

8. Nječěěmy tež kurwarstwa, jako
někotři bjez nimi kurwarstwo čěrjachu,
a padže jich na jedy n džen tři a dwacyći
tawzyntow. 4 Mójz. 25, 1. 9.

9. Njezpytujmy tež Chrystusa, jako
někotři wot nich jeho spytowachu a
buchu wot hadow zkónzowani. 4 Mójz.
21, 5. 6. Kn. mudr. 16, 5.

10. Njemorkotajće tež, jako tež
někotři wot nich morkotachu a buch
wot teho zkažerja zabići. 4 Mójz. 14, ž.
36. Hebr. 3, 17.

11. To so pak wšitko sta jim k znam-
jenju; nam pak je napisane k wučbje, na
kotrychž kónc swěta přišoł je.

Epistola na 9. njedželu po swj. Trojicy.

12. [Teho dla, komuž so zda, zo steji,
tón so hlada, zo njepanje. 5 Rom. 11,
20.

13. Zane, chiba člorózke spytowanje njeje was nadešlo; ale Bóh je swěrný, kiž was njebudže přez waše zamóženje dać spytować, ale budže činić, zo to spytowanje tak kónca dobudže, zo wy jo znjesć móžeće.]

14. Teho dla, moji najlubši, čekajće wot teje pšibóžkeje služby. 2 Mójz. 20, 3.

15. Jako z rozomnymi řeču ja; sudźće wy, štož ja řeču. St. 2, 15.

Tekst na zeleny štwórtk. IV.

16. [Tón požohnowany kelich, kotryž my požohnujemy, njeje wón dóstatk teje krwě Khryztusoweje? Tón chléb, kotryž my lamamjy, njeje wón dóstatk teho čěla Chrystusoweho? Mat. 26, 27. Jap. zk. 2, 42.

17. Přetož jedyn chléb je, dha nas wjele je jene čělo, dokelž my wšitcy wot jeneho chléba dóstali smy.] Rom. 12, 5. 1 Kor. 12, 27.

18. Pohladajće na Israela po čěle: Kotřiž te wopory jědža, njejsu tajcy w gmejnztwje teho wołtarja? 3 Mójz. 7, 15.

19. Što dyrbju ja nětk prajić? Dyrbju ja rjeknyć, zo tón přibóh něšto je? abo zo tón přibójski wopor něšto je? Ps. 96, 5. 1 Kor. 8, 4.

20. Ale ja praju, zo ći póhanjo, štož woni wopruja, to wopruja woni čertam a nic Bohu. Ja pak nochcu, zo byšće wy tych čertow towašojso byli. 3 Mójz. 17, 7. 5 Mójz. 32, 17. Ps. 106, 37. Zjew. 9, 20.

21. Wy njemóžeće jene dobo pić Knjezowy kelich a tych čertow kelich; wy

njemóžeće dostać Knjezowe blido a tež tych čertow blido. 2 Kor. 6, 15.

22. Abo chcemy my temu Knjezej trózkac? Smy my sylniši, dyžli wón? 5 Mójz. 32, 21. Hiob. 9, 19.

23. Ja mam derje wšitkeho móc, ale wono wšitko njeje wužitne; ja mam wšitkeho móc, ale wono wšitko nje-polěpsuje. St. 6, 12. Sir. 37, 31.

24. Nichtó njepytaj, štož jeho je, ale kóždy, štož teho druheho je. Št. 33. Rom. 15, 2.

25. Wšitko, štož je na pšedanje na mjasnych wikach, to móžeće wy jěsć; wo nič so njewobhońće, teho swědomnja dla; 1 Tim. 4, 4.

26. Přetož ta zemja je Knjezowa, a štož w njej je. 2 Mójz. 19, 5. Ps. 24, 1. Ps. 50, 12.

27. Jeli zo was pak štó wot tych njewěrných na hosćinu prosy a wy zechzeće k njemu hić, dha jěsće wšitko, štož wam budže prjódknošene, a njewobhońće so, teho swědomnja dla. Luk. 10, 7.

28. Dyrbjał pak štó k wam prajić: To je přibójski wopor, dha wy njejězće, teho sameho dla, kiž to wam zjewi, teho swědomnja dla. (Přetož ta zemja je Knjezowa a štož we njej je.) St. 8, 7.

29. Ja pak praju wot swědomnja, nic wot teho twojeho, ale wot teho druheho; přetož čoho dla dyrbjał ja moju frejotu dać sudzić wot cuzeho swědomnja?

30. Přetož hdyž ja to z džakowanjom wužiwam, čoho dla dyrbjał hanjeny być mojeho džakowanja dla? 1 Tim. 4, 4.

31. Teho dla njech wy jěsće abo pijeće, abo štož wy činíce wšitko Bohu k česći. *Kol. 3, 17.*

32. Činíce tak, zo byšće nikomu S pohóršenja njedawali, ani idam ani Gricham ani tej gmejnje Božej; *Rom. 14, 13.*

33. Runje jako tež ja kóždemu na wšelake so činju spodobny, a njehladam swojeho wužitka, ale štož jim wjele mohło wužitne być, zo bych zbóžni byli.

11. staw.

Wo něktotrych počinkach při modlenju a doztojnym wužiwanju Božej wječerje.

1. Činíce po mni, runje jako ja po Chrystusu.

2. Ja chwalu pak was, lubi bratřa, zo wy we wšěch wěcach na mnje zpominaće a dzeržiće to wašnje, runje jako ja wam podať sym.

3. Ja dam wam pak k wědženju, zo kóždoho muža hłowa je Chrystus, tón muž pak je teje žony hłowa; a Chrystusowa hłowa je Bóh. *Eph. 5, 23. 1 Kor. 3, 23.*

4. Kóždy muž, hdyž so k Bohu modli abo wěšći z přikrytej hłowu, tón hani swoju hłowu; *St. 12, 10. St. 14, 1.*

5. Zónska pak, hdyž so k Bohu modli abo wěšći z njeprıkrytej hłowu, ta hani swoju hłowu; přetož to je runje tak wjele, jako by wobtzihana była.

6. A jeli zo so wona přikryć nochce, dha jej tež te włosy wottzihajće. Dokelž pak hroznje steji, hdyž žónska ma wottzihane włosy abo hdyž wottruhana je, dha njech wona hłowu přikryje.

7. Muzki pak njedyrbi hłowu přikrywać, přetož wón je Bože znamjo a česć; ale žona je mužowa česć. *1 Móž. 1, 27.*

8. Přetož muž njeje wot žony, ale žona je wot muža;

9. Tež muž njeje ztworjeny žony dla, ale žona muža dla. *1 Móž. 2, 18. 23.*

10. Teho dla dyrbi žona na hłowje móc měć, tych jandželow dla.

11. Dha wšak njeje muž bjez žony, ani žona bjez muža w tym Knjezu; *Gal. 3, 28.*

12. Přetož runje jako žona je wot muža, tak tež muž přińdže přez žonu; ale wšitko wot Boha.

13. Ssudźće při was sami, hač pěknje přisteji, zo žona z njeprıkrytej hłowu so k Bohu modli. *Jap. zk. 4, 19.*

14. Abo njewuči was to přirodženje samo, zo mužej je nječezć, hdyž sebi da dolhe włosy rosć,

15. A tej žonje pak je česć, hdyž sebi da dolhe włosy rosć? Přetož włosy su jej date za přikryće.

16. Jeli pak štó bjez wami, kiž ma spodobanje na zwadže, temu damy my wjedzić, zo my tajkeho zadžerženja nimamy, ani te wosady Bože. *1 Tim. 6, 4.*

17. Hdyž ja pak to přikažu, njemóžu ja to chwalić, zo wy so nic k lěpšemu, ale k hóršemu zeńdžeće.

18. Přetož najprjedy, hdyž wy so zeńdžeće w gmejnje, słyšu ja, zo je rozdželenje bjez wami; a někotre ja wěrju. *St. 1, 10. 11. 12. St. 3, 3.*

19. Přetož tež dyrbyja kezařstwa bjez wami być, tak zo bychy ći, kotřiž prawi bjez wami su, zjawni byli. *Mat. 10, 34. 35. St. 18, 7. Luk. 17, 1. 1 Jan. 2, 19. 5 Mójz:13,3. Luk. 2, 35.*

20. Hdyž wy so teho dla hromadu zeńdžeće, njedžeržiće wy teho Knjeza wječer;

21. Přetož hdyž wy so Božemu blidu poztajiće, dha kóždy wot swojeho prjedy k sebi bjerje a pojě; a jedyn je hlódny, druhi pak je pjany.

22. Nimaće wy pak khěžow, hdžež wy jěsć a pić móžeće? Abo zazpiće wy Božu wosadu a činiće hanibu tym, kiž nimaju? Što mam ja wam prajić? Mam ja was chwalić? W tym ja was njekhwalu. *Jak. 2, 6.*

Epistola na zeleny štwórtk.

23. [Přetož ja sym to wot teho Knjeza dóstał, štož tež wam podať sym. Přetož tón Knjez Jezus w tej nocy, jako wón přeradženy bu, wza wón tón chléb, *St. 15, 3. Mat. 26, 26. Mark. 14, 22. Luk. 22, 19.*

24. A džakowaše so, łamaše jón a džeše: Wzmiće, jěsće, to je moje ćelo, kotrež za was łamane budže; to činiće k mojemu wopomnjenju.

25. Teho runja tež tón kelich po tej wječeri a džeše: Tón kelich je to nowe wotkazanje w mojej krej; to činiće, tak

husto hač pijeće, k mojemu wopomnjenju.

26. Přetož tak husto wy wot teho chléba jěsće a z teho kelicha pijeće, dyrbiće wy teho Knjeza smjerc připowědać, hač wón přindže. *Mat. 24, 50. St. 25, 13. 27. St. 26, 64. Jan. 14, 3.*

27. Štóz teho dla njedostojnje jě wot teho chléba abo pije z teho kelicha teho Knjeza, tón so pšehrěši na tym ćele a krej teho Knjeza. *St. 10, 21. Hebr. 6, 6.*

28. Njeh so pak čłowjek sam zpytuje a njeh tak jě wot teho chléba a pije z teho kelicha; *2 Kor. 13, 5. Gal. 6, 4.*

29. Přetož štóz njedostojnje jě a pije, tón jě a pije sebi sam tón sud, zo wón njerossudži to ćelo teho Knjeza.]

30. Teho dla je tež tak wjele słabych a chorych bjez wami, a wjele jich spi.

31. Přetož hdy bychmy so sami rossudžili, dha njebychmy sudženi byli. *Ps. 32, 5.*

32. Hdyž my pak sudženi budžemy, dha budžemy wot teho Knjeza roswučeni, zo bychmy ze swětom zatamani njebyli. *Kn. mudr. 12, 22.*

33. Teho dla, moji lubi bratřa, hdyž wy hromadu so zeńdžeće, zo byšće jědli, dha jedyn na druheho počakaj.

34. Jeli pak štó hlódny, tón njeh domach jě, zo byšće wy so k sudu njezešli. Te druhe wěcy pak chcju ja wuztajić, hdyž přindu.

12. staw.

Kak duchowne dary mamy wužiwać.

1. Wot tych duchownych darow pak, lubi bratřa, nochcu wam zamjelčeć. *St. 10, 1.*

2. Wy wěsće, zo sće póhanjo byli a tam šli k němym pšiboham, kaž wy wodźeni běšće. *St. 6, 11.*

3. Teho dla dam ja wam k wědźenju, zo nchtó, kiž z Božim Duchom rěči, Jezusa nježakle; a

Tekst na swjatočničku. IV.

[Nichtó njemóže Jezusej Knjez rěkać, chiba přez swjateho Ducha. *Mark. 9, 39.)*

4. Wšelke dary su, ale jedyn Duch je; *Rom. 12, 6. Eph. 4, 4. Hebr. 2, 4.*

5. A su wšelke služby, ale jedyn Knjez; *Št. 28. Eph. 4, 11.*

6. A su wšelke mocy, ale jedyn Bóh, kiž wšitko we wšitkich čini. *Eph. 1, 23.*

7. W kóždym wopokazaju so teho Ducha dary k temu, štož wužitk přinjese.] *St. 14, 26.*

8. Jenemu budže přez teho Ducha date, rěčeć wot mudrosće; druhemu pak budže date, rěčeć wot wědomnozće, po tym samym Duchu; *St. 1, 5. St. 2, 6.*

9. Někomu ta wěra w tym samym Duchu; někomu te dary teho wuztrowjenja w tym samym Duchu;

10. Někomu, zo móže dźiwy činić; někomu to wěšćenje; někomu, zo móže

duchow rozeznać; někomu wšelke ryče; někomu, zo móže te ryče wuložić. *Jap. zk. 2, 4.*

11. To pak wšitko čini tón samy jedyn lutki Duch a pšidželi kóždemu to swoje, kaž wón chce. *St. 7, 7. Rom. 12, 3. 6. Eph. 4, 7.*

12. Přetož runje jako je jene ćělo a ma pak wjele stawow; wšitke stawy pak teho jeneho ćěla, hač runje jich je wjele, su jene ćělo: tak tež Chrystus. *St. 10, 17.*

13. Přetož my smy přez jeneho Ducha wšitcy k jenemu ćělu křćení, njech smy židzi abo Grichiscy abo wotročcy abo sami swoji; a smy wšitcy k jenemu Duchu napowani.

14. Přetož tež to ćělo njeje jedyn staw, ale wjele. *Št. 20.*

15. Hdy by pak noha rjekła: Ja njejsym ruka, teho dla njejsym ja teho ćěla staw, njedyrbjała wona teho dla teho ćěla staw być?

16. A hdy by wucho rjekło: Ja njejsym woko, teho dla njejsym ja teho ćěla staw, njedyrbjała wone teho dla teho ćěla staw być?

17. Hdy by cyłe ćělo woko było, hdže by wostało to słyšenje? Hdy by wone wšitko to słyšenje było, hdže by wostało to wonjenje?

18. Nětk pak je Bóh te stawy ztajił, jedyn kóždy wosebje na tym ćěle, kaž wón je chcył. *Kol. 2, 19.*

19. Hdy bychy pak wšitke stawy jedyn byle, hdže by to ćělo było?

20. Nětk pak je tych stawow wjele, a jene je ćělo. *Št. 14.*

21. Woko pak njemóže k rucy rjeknyć:

Ja će njepotrjebam; abo tež hlowa k tymaj nohomaj: Ja waju njepotrjebam;

22. Ale wjele wjazy su teho žiwota stawy nuzniše, kotrež so najslabše zdadža być;

23. A kotrež so nam zdadža te nječesniše na čele być, na te my najwjětšu česć ložimy; a kotrež nam njepšizteja, te maju najwjětše wuhotowanje.

24. Kotrež nam pak rjenje pšizteja, te teho sameho njepotrjebaju. Ale Bóh je to čelo tak wšelke zhotował, zo wón temu nuznemu ztawej wjetšu česć dał je,

25. Tak zo by njebyło žane rozdželenje na čele, ale zo bychu te stawy so jedyn za druhi ztarale.

26. A hdyž jedyn staw ćerpi, dha wšitke stawy sobu ćerpja; a hdyž jedyn staw budže krasnje dđeržany, dha so wšitke stawy sobu wjesela.

27. Wy sće pak to čelo Chrystusowe, a stawy, kóždy sam wosebje. *Rom. 12, 5. Eph. 4, 12. St. 5, 30. Kol. 1, 24.*

28. A někotrych je Bóh postajił w tej gmejnj: najprjedy japoštołow, potom profetow, k třěćemu wučerjow, potom tych, kiž džiwy činja, potom te dary k wustrowjenju, tych pomoznikow, knjezow a wšelke ryče. *Eph. 4, 11.*

29. Ssu woni pak wšitcy japoštoli? su wšitcy profetojo? su wšitcy wučerjo? su wšitcy tajcy, kiž džiwy činja?

30. Maju woni wšitcy dar k wustrowjenju? ryča wšitcy ze wšelkimi ryčemi? móža wšitcy wukładować?

31. Stejće pak swěru za tymi lěpšimi darami. A ja chcu wam hišće krasniši

puć pokazać.

St. 14, 1.

13. staw.

Křesćanskeje lubosće krasnosć a wosebnožće.

Epistola na njedźelu Ez-tomih.

1. [Hdy bych ja z člorzkimi a z jandželzkimi jazykami rěčał a njeměł lubosće; dha bych ja był zynčazy mosas abo klinčazy zwónčk.

2. A hdy bych ja wěšćić mohl a wědźał wšitke potajnstwa a wšitko póznaće; a hdy bych měł wšitku wěru, tak zo bych hory pšeztajił, a njeměł lubosće; dha bych ničo njebył. *Mat. 7, 22. St. 17, 20.*

3. A hdy bych ja wšitke moje kubła na žiwnosć tych chudych wažil a podał moje čelo k palenju, a njeměł lubosće; dha by mi to ničo wušne njebyło. *Přist. 25, 211. Mat. 6, 1. Jan. 15, 13. Rom. 12, 8. 20. 1 Jan. 3, 17.*

4. Lubosć je zčěrpná a dobroćiwa; lubosć njeje zawisna; lubosć njeje samopašna, wona so njenaduwa;

5. Wona hroznje nječini; wona njepyta to swoje; wona so njeda roshněwać; wona na zle njemysli; *Phil. 2, 4.*

6. Wona so njezraduje na njeprawosći, ale so sobu zraduje na prawdže;

7. Wona wšo znjese, wšo wěri, wšeho so nadźije, wšo pšecerpi. *Přist. 10, 12. Rom. 15, 1. 1 Kor. 9, 12.*

8. Lubosć nihdy njewupanje, hač runje wěšćenje zahinýc a ryče pšeztać a póznaće so zhubić budže.

9. Přetož štož wěmy, je njesyle, a štož wěšćimy, je njesyle;

10. Hdyž pak to dokonjane přińc budže, tehdy změje to njesyle kónc.

11. Jako ja džěco běh, dha ryčach jako džěco a běh mudry jako džěco a mějach džěćace pomyslenje; hdyž so pak muž zčinich, wopušćich ja to džěćace wašnje.

12. My hladamy nětk přez špihel w potajnym slowje; tehdy pak wot wobliča k wobliču. Nětk ja póznaju po kruchu; tehdy pak budu dopóznać, kaž tež ja dopóznaty sym.

13. Nětk pak wostanje wěra, nadźija, lubosć, te tři; ale ta lubosć je najwjětša bjez nimi.]

14. staw.

Wo prawym wužiwanju ryčow a wěšćenja.

1. Stejće za lubosću. Požadajće wutrob-
nje tych duchownych darow, najwjacy
pak, zo byšće wy Bože pismo wuložić
móhli. *St. 12, 31. St. 11, 4. St. 12, 10.*

2. Přetož kotryž z cuzej řeču řeči,
tón ludžom njeryči, ale Bohu; přetož na
njeho nihtó njeposlucha, w duchu wón
pak řeči potajnozće.

3. Štóz pak wěšći, tón řeči ludžom k
polěpšenju a k napominanju a k troštu.

4. Štóz z cuzej řeču řeči, tón so sam
polěpšuje; štóz pak Bože słowo wuloži,

tón tu wosadu polěpšuje.

5. Ja bych pak chcył, zo byšće wy
wšitcy z jazykami řećeć móhli, ale wjele
wjazy, zo byšće wěšćili; přetož kotryž
wěšći, je wjetši dyžli tón, kiž z jazykami
řeči, chiba zo wón jo tež wuloži, zo by
ta wosada so z teho polěpšala. *4 Mójz.
11, 20.*

6. Nětk pak, lubi bratřa, hdy bych
ja k wam přišoł a řečał z jazykami, što
bych ja wam wužitny był, hdy bych ja
z wami njeryčał, ani přez zjewjenje ani
přez póznaće ani přez wěšćenje ani přez
wučbu? *St. 12, 8.*

7. Wšak so tež tak ma z tymi
wěcami, kiž žiwe njejsu, wot kotrychž
hlós wuńdže, njech je pišćel abo harfa,
jeli zo wone wosebny hlós wot sebje
njedadža, kak móže štó wjedzić, što je
pizkane abo na harfje hrate?

8. A jeli zo truba njewězty hlós dawa,
štó budže so na wójnu hotować? *4 Mójz.
10, 9.*

9. Tak tež wy, hdyž z jazykom ryčiće,
jeli zo zrozomnu ryč njewudawaće, kak
móže so wjedzić, što je řečane? Přetož
wy budžeće do wětra řećeć.

10. Tak wjele, jako my slyšimy, je
wšelki hlós na swěće, a žadyn tych
samych njeje, zo by k zrozymjenju něšto
njedawał.

11. Hdyž ja teho dla njewěm teho
hlósa móc, budu ja cuzy temu, z
kotrymž ja řeču; a tón, kiž zo mnu řeči,
budže mi cuzy.

12. Tak tež wy, dokelž swěru za
duchownymi darami stejće, budžće na
tym, zo byšće tu wosadu polěpšeli a
wšitko bohaće měli.

13. Teho dla, štož z jazykom řeči, tón so tak modl, zo by jo tež wułožil.

14. Přetož hdyž ja so z jazykom modlu, dha so mój duch modli; ale moja mysl nikomu wužitka njepřinjese.

15. Kaha dha so činićma? Ja budu so w duchu modlić a budu so tež modlić, zo mje zrozumja; ja budu kěrlušě spěwać w duchu a budu tež kěrlušě spěwać, zo mje zrozumja. *Eph. 5, 19.*

16. Jeli zo ty pak w duchu požohnuješ, kak móže tón, kiž město zyrkwineho džěsća wobsyda, na twoje džakowanje hamjeń rjec, dokelž njerozymi, što ty prajiš?

17. Přetož ty wšak derje so džakuješ, ale druhi so z teho njepolěpšuje.

18. Ja so mojemu Bohu džakuju, zo ja wjazy, dyžli wy wšitcy, z jazykami řeču.

19. Ale ja chcu w zhromadźiznje radšo pjeć slowow řečeć, hdyž moje mysle zrozumja, zo bych tež druhich roswučil, dyžli hewak džesać tawzynt slowow z jazykom, hdyž mje njezrozumja.

20. Lubi bratřa, njebudźće džěci na rozumje; ale na złózcí budźće džěci, na rozumje pak budźće dopjelnjeni. *Eph. 4, 14. Mat. 18, 3.*

21. W zakonju steji pisane: Ja chcu z druhimi jazykami a z druhimaj hubomaj řečeć k temu ludu, ale woni tež tak mje njebudža posłuchać, praji tón Knjez. *5 Mójz. 28, 49. Jez. 28. 11. 12.*

22. Teho dla su jazyki za zejch, nic wěrnym, ale njewěrnym, to wěšćenje pak nic njewěrnym, ale wěrnym.

23. Hdy by teho dla ta cyła zhromadźizna so zešla na jene město a wšitcy

z jazykami řečeli, a bychy tež nutř přišli njewučeni abo njewěrní; njebudža woni rjeknyć, zo sće njemudri?

24. Hdy bychy pak wšitcy wěšćili a nutř přišoł jedyn njewěrný abo njewučeny, tehdy by tón samy, kiž to slyši, dowjedzeny był wot wšitkich a wot wšitkich tež sudzeny był; *St. 2, 15.*

25. A by tak to potajne jeho wutroby zjawne bylo, a wón (tón njewěrný abo njewučeny) by tak padnywši na swoje wobličo k Bohu so modlił a zjawnje wołał, zo Bóh zawěrnje bjez wami je. *St. 4, 5.*

26. Što dha teho dla je, lubi bratřa? Hdyž wy so zeńdžeće, dha ma kóždy bjez wami, jedyn kěrlušě, druhi ma wučbu, třeći ma jazyki, tón ma zjewjenje, tamny ma wułoženje. Njech to wšitko so stanje k polěpsanju. *St. 11, 18. 20. St. 12, 8. 9. 10. 2 Kor. 12, 13. 19. Eph. 4, 12.*

27. Jeli zo što z jazykom řeči, njech so to stanje přez dweju abo najwjacy přez třoch, a to na přeměňenje; jedyn pak njech wułoži.

28. Jeli zo wón pak wułozić njemóže, dha njech w zhromadźiznje mjelči; njech pak sam sebi řeči a Bohu.

29. Ale wěšćomnizy njech dwaj abo tři ryča, a či druzy njech sudža.

30. Jeli zo so pak zjewjenje stanje druhemu, kiž sedži, dha njech přeni mjelči.

31. Přetož wy móžeće derje wšitcy wěšćić, jedyn po druhim, zo bychy wšitcy wukli a wšitcy napominani byli.

32. Tež su duchojo tych profetow profetam poddani. *St. 12, 10. 1 Jan. 4,*

1.

33. Přetož Bóh njeje teho změšenja, ale teho měra Bóh, jako wón to je we wšitkich zhromadźiznach tych swjatych.

34. Waše žony njech mjelča w zhromadźiznach; přetož wono jim njedyrbi přidate być, zo bychu ryčale, ale zo bychu poddane byle, jako tež zakonj praji. *1 Tim. 2, 12. 1 Mójz. 3, 16. 1 Kor. 11, 3. Eph. 5, 22. Kol. 3, 18. Tit. 2, 5.*

35. Chcedža pak wone što nawuknuć, njech domach swojich mužow woprašuju; přetož žonam hroznje přisteji, hdyž w zhromadźiznje ryča.

36. Abo je Bože słowo wot was wušło abo je k wam samym přišlo?

37. Jeli zo so komu zda, zo profeta abo duchowny je, njech póznaje te ryče, kotrež ja wam pišu, zo su teho Knjeza přikaznje. *1 Joh. 4, 6.*

38. Jeli pak štó to njewě, tón njech njewě.

39. A tak, lubi bratřa, stejće swěru za tym, zo byšće wěšćili, a hewak z jazykami řečec tež njewobarajće.

40. Njech wšitko přistojnje a po rjadu so stanje. *Kol. 2, 5.*

15. staw.

Wo horjestaću morwych.

1. Ja zpomnju pak wam, lubi bratřa, na to ewangelion, kotrež ja wam sym připowědał, kotrež wy tež sće horje wzali, w kotrymž tež stejíce, *Gal. 1, 11. 12.*

2. Přez kotrež wy tež zbóžni budžeće, z kajkim wašnjom ja wam to same sym připowědał, jeli zo jo zachowali sće; njejsće-li podarmo wěřili. *St. 21.*

3. Přetož ja sym to wam najprjedy podał, štož tež běch dóstał, zo Chrystus wumřěl je za naše hrěchi, po pismje; *Jez. 53, 9. 10.*

4. A zo wón pohrjebany je a zo je stanył na třěci džen po pismje; *Ps. 16, 10.*

5. A zo wón widženy je wot Kephasa, potom wot tych dwanaće; *Mark. 16, 14. Luk. 24, 34. Jan. 20, 19. 26.*

6. Potom je wón widženy wjazy dyžli wot pjeć stow bratrow na jene dobo, wot kotrychž hišće wjele žiwych je hač do teho džensnišeho dnja, někotři pak su wusnyli;

7. Potom je wón widženy wot Jakuba, potom wot wšitkich japoštołow; *Luk. 24, 50.*

8. Naposledk pak po wšech je wón tež wote mnje, jako wot nječasneho poroda, widženy. *Jap. zk. 9, 5.*

9. Přetož ja sym najmjeńši bjez japoštołami, kiž hódny njejsym, zo mi japoštoł rěkaju, teho dla, zo ja tu gmejnu Božu pšezcéhał sym. *Eph. 3, 8. Jap. zk. 9, 1.*

10. Ale z Božeje hnady sym ja to, štož sym, a jeho hnada na mni njeje podarmo byla; ale ja sym wjele wjazy džělał, dyžli woni wšitcy, nic pak ja, ale Boža hnada, kotraž zo mnu je.

11. Njech teho dla ja sym abo su woni; tak my přědujemy, a tak wy sće wěřili.

12. Hdyž pak Chrystus budže

prědowany, zo wón wot morwych je horje stanył; kak dha někotři bjez wami praja, zo horjestawanje tych morwych njeje?

Jap. zk. 17, 18.

13. Jeli zo pak horjestawanje wot morwych njeje, dha tež Chrystus horje stanył njeje.

14. A jeli zo Chrystus njeje horje stanył, dha je podarmo naše prědowanje, a podarmo tež je waša wěra.

15. Tak tež my bychmy byli namakani falšni swědkojo Boži, zo smy přeciwo Bohu swědčili, zo wón Chrystusa je zbudził, kotrehož wón njeje zbudził, jeli temu tak, zo morwi horje njestawaju.

Jap. zk. 3, 15.

16. Přetož jeli zo morwi horje njestawaju, dha tež Chrystus njeje horjeztanył.

Rom. 8,

11.

Tekst na 2. swjedženju jutrow. IV.

17. [Njeje-li pak Chrystus horje stanył, dha je waša wěra podarmo, a wy hišće sće we wašich hrěchach;

18. Tež teho dla či, kiž su w Chrystusu wusnyli, su zhubjeni.

19. Jeli zo my jeno w tym žiwjenju na Chrystusa nadžiju ztajimy, dha smy bjez wšitkimi ludźimi či najhubješi.

20. Nětk pak je Chrystus wot morwych horje stanył a je tón přenički był bjez tymi, kotřiž su wusnyli.] *Jap. zk. 26, 23 x.*

21. Přetož wšak přez čłowjeka přindže smjerć, a přez čłowjeka je tež přišlo to

horjestawanje tych morwych. *1 Mójz. 3, 19. Rom. 5, 12. 18. Kol. 1, 18. Zjew. 1, 5.*

22. Přetož runje jako w Hadamje wšitcy wumru, tak budža tež wšitcy w Chrystusu wožiwić.

Rom. 5, 21.

23. Ale kóždy po swojim rjadu: Chrystus jako to přeničke; potom či, kiž su Chrystusowi, hdyž wón přinć budže;

Št. 20. 1 Thes. 4, 14.

24. A potom budže kónc, hdyž wón kralestwo Bohu a Wótcu podać budže, hdyž wón budže k ničemu sćinić wšitko knjezstwo a wšitku wyšnosť a móc.

25. Wón pak dyrbi knjezić, hač budže wšitkich svojich njepřečelow pod swoje nohi položić.

Ps. 110, 1. Mat. 22, 44.

26. Posleni njepšećel pak, kiž k ničemu sćinjeny budže, je smjerć.

Zjew. 20, 14.

27. Přetož wón je jemu wšitko pod jeho nohi podať. A hdyž praji, zo wšitko jemu je poddane, je zjawne, zo tón je wuměnjeny, kiž jemu wšitko je podať.

Ps. 8. 7.

28. A hdyž jemu wšitko poddane budže, dha tež tehdy tón Syn sam budže podany temu, kiž jemu wšitko je podať, zo by Bóh był wšitko we wšitkich.

29. A što bychy hewak či činili, kotřiž křćení su nad morwymi, jeli zo morwi nihdy njebudža horjeztawać? Štoha so křćić dadža nad morwymi?

30. A što my w strachosći smy kóžde wokomiknjenje?

Rom. 8, 36.

31. Na naše khwalenje, kotrež mam w Chrystusu Jezusu, našim Knjezu, ja mru wšědnje. *1 Thes. 2, 19. 2 Kor. 4, 10. 11.*

32. Sym-li ja, ja po čłowječnym

wašnju řeču, we Ephezu z dźiwimi zwěrdžatami so bėdźił? Što mi pomha, jeli zo morwi horje njestawaju? Wjele radšo my jěsmy a pijmy; přetož jutře smy my wšak morwi. *Jez. 22, 13. St. 56, 12. Kn. mudr. 2, 6.*

33. Ale njedajće so zawjězć. Słě ryče zkaža dobre počinki. *Eph. 5, 6.*

34. Budźće wšak prawje ztrózbí a njehřešće; přetož někotři bjez wami nimaju teje znajomnoće Božej; to mam ja prajić wam k hanibje. *Rom. 13, 11.*

Tekst na njedźelu Cantate. IV.

35. [Chcył pak što rjec: Kak budža ći morwi horjestanuć? a z kajkim ćěłom budža woni přinć? *Ez. 37, 3.*

36. O hlupy! to, štož ty syješ, njebudže woziwić, jeli zonzewumrje.

37. A štož ty syješ, njeje to ćěło, kotrež so hakle sćinić budže; ale je nahe zorno, jako so trjechi, pšenične abo někajkeho drugeho žita.

38. Bóh pak da jemu ćěło, kaž chce, a kóždemu symjenju swoje wosebne ćěło. *1 Mójz. 1, 11.*

39. Wono njeje kóžde ćěło jenake ćěło; ale hinaše je čłowječne ćěło a hinaše je ćěło teho zkota, hinaše tež tych rybow a hinaše tych ptakow.

40. Tež su njebieske ćěła a zezke ćěła; ale druha krasnosť maju te njebieske a druha te zerizke.

41. Zaso hinašu krasnosť ma slónco a hinašu krasnosť ma měsaz, a hinašu krasnosť maju hwězdy; přetož jena hwězda ma wjetšu jasnosť, dyžli druha.

42. Tak so tež ma to horjestawanje tych morwych: syte budže ćěło zachodne, a budže horje stanuć njezachodne;

43. Wone budže syte w nječescí, a budže stanuć w krasnosťi; syte budže w słabozći, a budže stanuć w mocy; *Phil. 3, 20. 21.*

44. Syte budže ćělne ćěło, a budže stanuć duchowne ćěło; přetož druhe je ćělne ćěło, a druhe je duchowne ćěło.]

45. Jako tež pisane steji: Tón přěńši čłowjek, Hadam, bu sćinjeny k žiwej duši; a tón posleni Hadam, zo by duch był, kiž žiwjenje dawa. *1 Mójz. 2, 7.*

46. Dha teho dla duchowne ćěło njeje přěńše, ale to ćělne; potom pak přinďže to duchowne.

47. Tón přěni čłowjek wot zemje je zemzki; tón druhi čłowjek pak je tón Knjez z njebies. *Luk. 1, 78.*

48. Kajkiž je tón zerizki, tajcy su tež ći zemzzy; a kajkiž je tón njebieski, tajcy su tež ći njebiezzy.

49. A kaž my njesli smy znamjo teho zerizkeho, tak tež my budžemy njesć znamjo teho njebieskeho.

Tekst na njedźelu Qnazi-modogeniti. IV.

50. [To pak ja praju, lubi bratřa, zo ćěło a krej njemóžetej Božej kralestwo herbować; ani tež to zachodne njebudže herbować to njezachodne. *Mat. 16, 17. Jan. 1, 13.*

51. Hlaj, potajnoće ja wam praju: My wšitcy njebudžemy wusnyć; ale

wšitcy pak budžemy přeměneni;

Thes. 4, 15 x.

52. A to same nagle, we wokomiknjenju, na tu poslenju trubu; přetož ta budže zatrubić, a či morwi budža stanuć njezachodni, a my budžemy přeměneni.

Mat. 24, 31. 1 Thes. 4, 16.

53. Přetož to zachodne dyrbi so njezachodne woblec, a to smjertne dyrbi so njesmjertnosć woblec.

2 Kor.:5, 4.

54. Hdyž pak to zachodne so budže njezachodne woblec a to smjertne so budže njesmjertnosć woblec, tehdy budže so dopjelnić to słowo, kotrež je napisane: Smjerć je póžrjeta do dobyća;

Jez. 25, 8. Hoz. 13, 14.

55. Hdže je, smjerć, twoje žahadło? Hdže je, hela, twoje dobyće?

56. Teje smjerće žahadło pak je hrěch, a teho hrěcha móc je zakon. *Rom. 7, 13.*

57. Ale Bohu budź džak, kiž nam to dobyće dawa přez našeho Knjeza Jezom Chrysta.]

1 Jan. 5, 5.

Tekst na 26. njedźelu po swj. Trojicy. IV.

58. [Teho dla, moji lubi bratra, budžće wobstajni, njehnući a pšibjerajće stajnje w skutku teho Knjeza, dokelž wy wěsće, zo waše džělo podarmo njeje w tym Knjezu.]

2 Kron. 15,

7.

16. staw.

Wo zhromadženju pjenjezow za potrjebnych kšezćijanow we Jerusalemj.

1. Wot teho złoženja pak za tych swjatych chcyl ja spomnić, kaž tym Galatizkim gmejnam sym wustajil, tak tež wy činće. *Jap. zk. 11, 29. Rom. 12, 13.*

2. Na kóždy přěni dzeń w tydženju kóždy bjez wami wotpołoż pola so, a nahromadź po swojej dobrej woli, štož Bóh wobradži, zo by nic, hdyž ja přińdu, tehdy hakle zkładženje činjene było.

Jap. zk. 20, 7.

3. A hdyž přińdu, chcu ja tych, kotrychž wy za dobrych dźeržeć budžće, z liztami pósłać, zo bych wšaš dobroćiwosć donjesli do Jerusalema; *2 Kor. 8, 16. 19.*

4. A jeli zo by služna wěc była, zo ja tež bych tam ćahnył, móhli woni zo mnu ćahnyć.

5. K wam pak budu ja přińć, hdyž Mazedonsku pšeńdu; přetož přez Mazedonsku ja póńdu. *Jap. zk. 19,*

21.

6. Pola was pak ja budu snadnje wostać abo tež přez zymu pobyć, zo byšće wy mje pšewodžili, hdžež ja počahnu.

7. Nětk pak nimo na puću nochcu was widžeć, ale so nadžiju, zo někotry čas pola was wostać budu, budže-li tón Knjez wotpušćić. *Jap. zk. 18, 21.*

8. Ja budu pak we Ephezu wostać hač do swjatkow; *St. 15, 32.*

9. Přetož mi su wotewrjene wulke

durje a mócne, a tam mam wjele přećiwnikow. *Jap. zk. 14, 27.*

10. Budže-li Timothej přińc, hlajće, zo by bjez bojosće pola was był; přetož wón tež na džěle teho Knjeza džěla, runje jako ja.

11. Teho dla nichtó jeho njezazh. Pšewodźće jeho pak z měrom, zo by ke mni přišo; přetož ja čakam na njeho z bratrami. *1 Tim. 4, 12.*

12. Dale wot Apollosa, teho bratra, dam ja wam k wědženju, zo jeho jara sym napominał, zo by k wam přišo z tymi bratrami; ale hač cyle wolu njeměješe, zo by nětk přišo, dha budže wšak přińc, hdyž jemu prawje budže.

13. Njezpiće, stejće we wěrje; dzeržće so jako mucy a budźće sylni. *St. 15, 344. Mat. 24, 42. St. 25, 13.*

14. Wšitke waše wěcy njech so stanu z lubosću.

15. Napominam pak was, moji bratřa: Wy znajeće dom Schćěpanowy, zo či z teho sameho su to přěničke we Achajzkej, a zo woni sami k službje tym swjatym so su pšiztajili; *St. 1, 16. Rom. 18, 5.*

16. So byšće tež wy tym samym poddani byli a kóždemu, kiž sobu pomha a so prózuje. *Phil. 2, 30.*

17. Ja so pak zwjeselu, zo ke mni přišli su Schćěpan a Fortunat a Achaik; přetož waše přewoztaće su woni narunali. *2 Kor. 11, 9.*

18. Woni su pak wokšewili mojeho a waseho ducha. Póznajće teho dla, kotřiž tajcy su.

19. Te gmejny we Aziskej dadža wam wjele dobrego prajić. Jara wjele do-

brehu dataj wam prajić w tym Knjezu Akwila a Prizzila, z tej gmejnu, kotraž w jeju chěži je. *Jap. zk. 18, 2. 18. 36.*

20. Wjele dobrego wam dadža prajić wšitcy bratřa. Wjele dobrego jedyn druhemu rjekńće ze swjatym wokošenjom. *Rom. 16, 16. 2 Kor. 13, 12. 1 Pětr. 5, 14.*

21. Ja, Pawoł, wam wjele dobrego dam prajić z mojej ruku. *Kol. 4, 18. 2 Thes. 3, 17.*

22. Štóz teho Knjeza Jezom Chrysta njelubuje, tón budž zaklaty, maranatha.

23. Ta hnada teho Knjeza Jezom Chrysta budž z wami! *Rom. 16, 24.*

24. Moja lubosć budž z wami wšitkimi w Chrystusu Jezusu! Hamjeń. Prěńši list na Korintiskich, póslany z města Philippis přez Scěpana a Fortunata a Achaika a Timothea. *1 Thes. 5, 26.*

Druhi list swjateho Pawoła na Korintiskich.

Prěni staw.

Pawołowa sčerpliwosć w přezčěhanju.

1. Pawoł, japoštoł Jezom Chrysta přez Božu wolu, a Timothej, tón bratr, tej gmejnje Božej, kotraž je w Korinće, tež wšitkim swjatym, kotřiž su w cylej Achajzkej:

2. Hnada budź z wami a měr wot Boha, našeho Wótcy, a teho Knjeza Jezom Chrysta. *Rom. 1, 7: 1 Kor. 1, 3.*

3. Chwaleny budź Bóh a Wótc našeho Knjeza Jezom Chrysta, tón Wótc teje smilnosće a Bóh wšitkeho trošta, *1 Pětr. 1, 3. Rom. 15, 5.*

4. Kiž nas troštuje we wšitkej našej tyšnosći, zo tež my bychmy tróštować móhli tych, kotřiž su we wšelkej tyšnosći, z tym tróštom, z kotrymž my sami troštowani budžemy wot Boha;

5. Přetož runje jako my teho ćerpjenja Chrystusoweho wjele mamy, tak budžemy my tež bohaće troštowani

přez Chrystusa.

Ps. 34, 20.

6. Njeh mamy pak tyšnosć abo trošt, dha so to wam k lépsěmu stanje. Jeli tyšnosć, dha so wam stanje k tróštej a k zbožu, kotrež zbože so wopokaže pola was, hdyž wy ze sčerpliwosću znosyće to same ćerpjenje, štož tež my ćěrpimy. Jeli pak trošt, dha so wam tež stanje k tróštej a k zbožu.

7. A naša nadžija steji twjerdže wo was; dokelž my wěmuy, zo, runje jako wy teho ćerpjenja towaršojo sće, tak wy tež teho trošta sobu dostojni budžeće. *2 Thes. 1, 4. 7.*

8. Přetož my nochzemy, lubi bratřa, zo byšće njewjedźili wo našej tyšnosći, kotraž so nam we Aziskej je stała, hdžež my jara wulcy wobćeženi běchmy wyše mocy, tak zo my tež njewjedźichmy, hač žiwi wostać budžemy; *Jap. st. 19, 23.*

9. Ale my tež sami při sebi myslachmy, zo nam smjerc je wotsudžena. To so pak teho dla sta, zo bychmy so sami na so njezpušćeli, ale na Boha, kiž morwych zbudži,

10. Kiž tež nas wot tajkeje smjerće je wumóhł a hišće wšednje wumóže; a

mamy k njemu nadźiju, zo nas tež dale
wjazy wumóž budže, *2 Tim. 4, 18.*

11. Tež přez tu pomoz wašeje prózty
za nas, tak zo za tón dar, kotryž přez tu
próstwu wjele paršonow nam je daty, tež
přez wjele paršonow by so džak stał za
nas. *Rom. 15, 30.*

12. Přetož naša chwalba je ta, zo
mamy swědčenje našeho swědomnja, zo
my w swěrnosci a čistosci Božej, nic w
čelnej mudrosći, ale w tej Božej hnadze
na swěće smy chodžili, najwjacy pak
bjez wami. *Hebr. 13, 18. Mat. 10, 16.*

13. Přetož my wam druhe ničo
njepišemy, chiba štož wy lazujće abo
tež pónajće. Ja so pak nadźiju, wy
budžeće nas tež hač. do kónca tajkich
pónać.

14. Jako tež nas na někotrym sće
pónali, zo smy waša chwalba, runje
jako tež wy naša chwalba sće na džen
teho Knjeza Jezusa. *St. 5, 12.*

15. A z tajkej nadźiju myslach ja na-
jprjedy k wam přinć, zo byšće wy tu
druhu dobroćiwosć dóstali,

16. A zo bych přez was do Maze-
donskeje zašoł a zaso z Mazedonskeje k
wam přišoł, a wot was přewodženy był
do židowskeje (zemje). *Jap. st. 19, 21. 1
Kor. 16, 5.*

17. Sym dha teho dla njepěknje činił,
jako sebi tak pomyslach? Abo su moje
mysle čelne, hdyž na to myslu, zo by
pola mje haj haj, a ně ně bylo?

18. Ale Bóh je swěrný, dokelž naša
ryč k wam njeje haj a ně byla.

19. Přetož tón Syn Boží, Jezus
Chrystus, kiž bjez wami přez nas je
předowany, to je přez mje a přez Silvana

a přez Timothea, tón njeběše haj a ně,
ale běše haj w nim.

20. Přetož wšitke Bože sluby, kaž
wjele jich je, su za haj w nim a su za
hamjeń w nim, k Božej chwalbje přez
nas.

21. Bóh pak je tón samy, kiž nas z
wami wobtwjerdži na Chrystusu a kiž
nas je žalbowal, *1 Kor. 1, 8. 1 Pětr. 5, 10.*

22. A je nas zazyglował a dał zaw-
dawek teho Ducha do našich wutrobow.
Eph. 1, 14.

2. Staw.

Wo pšiwzaću pokutneho hrěšnika.

23. Ja pak Boha k swědkeje zawołam na
moju dušu, zo sym was pšešonował na
tym, zo zaso do Korintha njejsym přišoł.
Rom. 1, 9.

24. Nic jako bychmy knježa byli
na wašej wěrje, ale my smy pomoznizy
wašeje wjeseložće; přetož wy we wěrje
stejiće. *1 Pětr. 5, 3.*

St. 2. Scht. 1. Ja sym sebi pak to
při sebi zamyslił, zo z nowa na zrudźbu
njebych k wam přišoł. *St. 12, 21:*

2. Přetož jeli zo ja was zrudźu, štó
dha je, kiž by mje zwjeselił, chiba tón,
kotryž wote mnje zrudženy budže?

3. A to same sym wam pisał,
zo přišedši k wam bych njetrjebał
so rudzić wožtych, na kotrychž po
prawym sožmam zwjeselić, dokelž k
wam wšitkim tu nadźiju mam, zo moju

wjeselosć wšitcy za swoju wjeselosć maće. *St. 12, 21.*

4. Přetož ja pisach wam we wulkej žalosci a wutrobnej ztyzknozći z wjele sylzami, nic zo byšće zrudženi byli, ale zo byšće wy tu lubosć poznali, kotruž ja wosebnje k wam mam.

5. Jeli pak štó wam zrudźbu načinił, tón mje zrudił njeje, chiba tak, zo bych was wšitkich njewobćežil.

6. Dosć ma tajki na tym wuswarjenju, kotrež so wot jich wjele je stało;

7. Wy pak jemu wjele skerje nětk wodajće a jeho tróštujće, zo by snadź tón samy wot wulkeje zrudźby póžrjety njebył.

8. Teho dla napominam was, zo byšće tu lubosć na nim wopokazali; *1 Kor. 16, 14.*

9. Přetož teho dla tež ja wam pisach, zo bych poznal, hač wy prawje poslušni sće na wšitko.

10. Komuž pak wy něšto wodaće, temu tež ja wodam. Přetož hdyž ja někomu što wodam, komuž ja wodam, činju to waše dla před Chrystusowym wobličom,

11. So my njebychmy zrudani byli wot satana. Přetož nam njewědomne njeje, što wón w mysli ma.

12. Jako pak do Troady přindžech, zo bych předował to ewangelion Chrystusowe, a mi tež durje běchu wotewrjene w tym Knjezu, *Jap. st. 18, 8. St. 14, 27.*

13. Dha ja žaneho wotpočinka njemějach w mojim duchu, teho dla, zo Titusa, mojeho bratra, njenamakach; ale ja žohnowach so z nimi a woteńdžech do Mazedonskeje.

14. A Bohu budź džak, kiž nam stajnje dobyće dawa w Chrystusu a to wonjenje swojeho póznaća přez nas zjewi na wšěch městach. *1 Kor. 15, 57.*

15. Přetož my smy Chrystusowe dobre wonjenje Bohu, tak derje bjez tymi, kiž zbóžni budža, jako tež bjez tymi, kotřiž zhubjeni budža: *1 Kor. 1, 18.*

16. Tym smjertne wonjenje k smjerći, tamnym pak wonjenje teho žiwjenja k žiwjenju. Ale štó je k temu doztojný?

17. Přetož my njejsmy, jako ci druzy, kotřiž na jebanje změšeju Bože słowo; ale z čistosće a jako wot Boha před Bohom w Chrystusu my rěčimy.

3. Staw.

Samolwjenje ewangelzkeho předařzkeho zastožnjstwa.

1. Počinamy dha my so zaso sami chwalić? abo potřebamy my, jako někotři, chwalnych listow k wam, abo tež chwalnych listow wot was?

2. Naš list sće wy, do našich wutrowow napisany, kotryž zrozumjeny a lazowany budže wot wšitkich čłowjekow; *1 Kor. 9, 2. 3.*

3. Přetož wot was je zjawne, zo Chrystusowy list sće, přez našu předařzku službu zhotowany a wot nas napisany, nic z čornej tintu, ale z Duchom teho žiweho Boha, nic na kamjeńnych taflach, ale na mjasnych taflach teje wutroby. *Jer. 31, 33.*

4. Tajke dowěrjenje mamy my pak přez Chrysta k Bohu.

5. Nic zo bychmy dostojni byli sami wot sebje, něšto pomyslić, jako sami wot sebje; ale zo my dostojni smy, to je wot Boha;

St. 2, 16. Phil. 2, 13.

6. Kiž tež nas k doztojnym služomnikam sčinił je teho noweho wotkazanja, nic pismika, ale ducha. Přetož pismik mori, duch pak žiwych čini.

7. Jeli zo pak ta služba, kotraž přez te pismiki mori a do kamjenjow zaryta běše, krasnosť měješe, tak zo Israelske džěci njemóžachu pohladać na Mójzasowe wobličo teje krasności dla jeho wobliča, kotraž však přesta;

2

Mójz. 34, 30.

8. Kaha dha njedyrbjała wjele wjazy ta služba, kotraž teho ducha dawa, krasnosť měć?

9. Přetož hdyž ta služba, kotraž satamanstwo předuje, krasnosť ma, wjele wjazy ma ta služba, kotraž prawdosć předuje, pšměrnu krasnosť. *Rom. 1, 17. St. 3, 21.*

10. Přetož tež tamny kruch, kiž překrasnjeny běše, njemóže za překrasnjeny plăćić dla teje pšewažneje krasności.

11. Přetož hdyž to krasnosť měješe, štož přestanje, wjele wjazy změje to krasnosť, štož wostanje.

12. Hdyž teho dla tajku nadžiju mamy, dha sebi wulku chrobłosć wozmjemy;

Scht. 4. Eph. 6, 19.

20.

13. A nječini my jako Mójzas, kiž zawješk na swoje wobličo kładžeše, zo te Israelske džěci njesmědžachu hladać na kónc teho, štož přestanje;

2

35.

14. Ale jich mysle su ztwjerdnjene; přetož hač do džěnsnišeho dnja wostanje tón zawješk njewotkryty na ztarym zakonju, hdyž jón lazuja, kotryž zawješk pak w Chrystusu přestanje.

Jez. 6, 10.

15. Ale hač do džěnsnišeho dnja, praju ja, hdyž Mójzas budže lazowany, wisy tón zawješk na jich wutrobje;

16. Hdy by so pak ta (jich wutroba) wobročila k temu Knjezej, dha by zawješk prec zay był.

Rom. 11,

23.

17. Ale tón nj je tón Duch. Hdžež pak teho Knjeza Duch je, tam je frejota.

Jan. 4, 24.

18. My pak wšitcy z wotkrytym wobličom teho Knjeza krasnosť jako we jasnym špihelu widžimy, a budžemy tež pšekrasnjeni do teho sameho znamjenja z jedneje krasności do drugeje, jako wot Ducha, teho Knjeza.

1 Kor. 13, 12. Rom. 8, 29.

4. staw.

Płódnozc ewangelija we wěrjacych, kotřiž pod kšižom wojuja.

1. Teho dla, hdyž my tu službu mamy, kaž smy smilnosť dóstali, dha my njewořabimy;

1 Kor. 7,

25.

2. Ale smy so wotrjekli potajneje haniby a njekhodžimy wokoło z lesnosťu, tež njeprawje njewučimy Bože słowo; ale ze zjewjenjom teje

wěrnosće wopokažemy so sami derje přećiwo wšitkich čłowjekow swědomnju před Božim wobličom. *1 Thes. 2, 5.*

3. Jeli zo pak tež naše ewangelion je zakryte, dha je zakryte před tymi, kiž zhubjeni budža; *1 Kor. 1, 18.*

4. W kotrychž tón Bóh teho swěta te mysle je zaslepił, to je w njewěrných, zo by jim njeswěćila ta jasna swěca teje ewangelizkeje krasnosće Khryztusoweje, kiž je to znamjo Bože. *Kol. 1, 15. Hebr. 1, 3.*

5. Přetož my njepředužemy so samych, ale Jezom Chrysta, zo wón je tón Knjez, my pak waši wotročcy Jezusa dla. *St. 1, 24.*

6. Přetož Bóh, kotryž přikaza, zo by so z čěmnosće to swětlo rosswěćilo, tón je so rosswěćil w našich wutrobach, zo bychmy dóstali rosswěćenje teho póznaća teje krasnosće Božej we wobliču Jezom Chrysta. *1 Móž. 1, 3.*

Tekst na njedźelu Jubilate. IV.

7. [My mamy pak tón šaz w hlinjanych sudobjach, zo by ta přez měru krasna móc była Boža, a nic wot nas. *St. 5, 1. 1 Kor. 2, 5.*

8. My mamy wšudžom žalosć, ale my so njerudžimy; nam so ztyšće, ale my njezazwyflujemy;

9. My budžemy pšezčěhani, ale njebudžemy wopušćeni; my budžemy podtlóćeni, ale kónc njewozmjemy;

10. A nosymy kóždy čas wokoło to mrěće teho Knjeza Jezusa na našim čěle,

zo by tež to žiwjenje teho Knjeza Jezusa na našim čěle so zjewilo.

11. Přetož my, kiž my žiwi smy, budžemy stajnje na smjerc wudawani Jezusa dla, zo by tež to žiwjenje Jezusowe na našim smjertnym čěle zjewjene było.] *Ps. 44, 23. Mat. 5, 11.*

12. Dha teho dla ta smjerc swoju móc w nas wopokaže, ale we was to žiwjenje. *1 Kor. 4, 9.*

Epistola na 4. njedźelu po swj. Trojicy.

13. [Dokelž my pak teho sameho ducha teje wěry mamjy, tak jako pisane steji: Ja wěrju, teho dla rěču ja; dha my tež wěrimy, teho dla my tež rěčimy, *Ps. 116, 10.*

14. A wěmy, zo tón, kotryž je teho Knjeza Jezusa zbudził, budže tež nas přez Jezusa zbudzić a nas z wami před so podztajić. *Jap. st. 3, 15 x.*

15. Přetož wšitko so waše dla stanje, tak zo by ta přez měru wulka hnada přez jich wjele džakowanje Boha bohaće čezćila. *Rom. 5, 15.*

16. Teho dla my njewoslabnjemy, ale hač runje naš zwonkomny čłowjek so skazy, dha však tón znatskomny so wote dnja do dnja wobnowi.

17. Přetož naša žalosć, kotraž je krótka a lóžka, dokonja wěčnu a přez měru jara wulku a wažnu krasnosć, *Rom. 8, 18.*

18. Nam, kiž my njehladamy na to wědomne, ale na to njewidžomne. Přetož štož wědomne je, to je časne, a štož njewidžomne je, to je wěčne.

5. staw.

***Trošt wěrjacych přećiwo
wšelakej tyšnosći; móc
ewangelija.***

***Epistola na 25. njedźelu po
swj. Trojicy.***

1. [My wěmy pak, jeli naša zeniizka chěža teje hěty roslamana budže, zo wot Boha nowe twarjenje mamy, dom, kiž z rukomaj njeje sčinjeny a wěčny je, w njebjesach. 2 *Pětr. 1, 13. 14. Jan. 14, 12.*

2. A teho dla chce so nam tež po tym našim wobydlenju, kotrež z njebjes je, a požadamy wutrobnje, zo bychmy z tym samym pšiwoblečeni byli; *Rom. 8, 23.*

3. Tak pak, jeli zo my tež nawoblečeni a nic nazy namakani budžemy.

4. Přetož dokelž w tej hěće smy, požadamy my a smy wobćeženi; my pak radšo njechali wuslečeni, ale nawoblečeni być, zo by to smjertne pózrjete było wot žiwjenja. *Kn. mudr. 9, 15.*

5. Kiž nas pak k temu pšihotuje, to je Bóh, kiž nam tež tón zawdawk teho Ducha dał je.

6. Teho dla smy my přeco dobreje nadžije a wěmy, zo, dokelž w čěle pšebywamy, my w zuzobje chodžimy wot teho Knjeza;

7. Přetož my we wěrje chodžimy a nic we widženju;

8. My pak bolje nadžije smy a zwolimy radšo z čěla won hić a domach być pola teho Knjeza.

9. Teho dla my tež cyle za tym stejimy, njech smy domach abo w zuzbje, zo bychmy so jemu zpodobali. *Phil. 1, 23.*

10. Přetož my so wšitcy dyrbimy zjewić před sudnym stolom Chrystusowym, zo by kóždy dóstał za tym, jako je činil při čělnym žiwjenju, njech je dobre abo zle.] *Jap. st. 17, 31. Rom. 14, 10. St. 2, 6.*

11. Dokelž my teho dla wěmy, zo so teho Knjeza mamy bojeć, nawabimy my tych ludži k wěrje, ale Bohu smy my zjawni. Ja so pak nadžiju, zo my tež we wašich swědomnjach zjawni smy. *Hiob. 31, 23.*

12. Přetož my so sami zaso wam njechwalimy, ale my was k temu wodžimy, zo byšće so z nami khwalili a zo byšće měli što prajić přećiwo tym, kotřiž so po wohladanju chwała a nic po wutrobje. *St. 3, 1.*

13. Přetož činimy što wjele, dha my to Bohu činimy; činimy my pak rozumnje, dha my wam rozumnje činimy. *St. 11, 16. 17.*

Tekst na čichi pjatk. IV.

14. [Přetož ta lubosć Chrystusowa nas k temu pšinući, zo za to mamy, hdyž jedyn za wšitkich je wumrěł, dha su teho dla wšitcy wumrěli. *Hebr. 2, 9.*

15. A tón je teho dla za wšitkich wumrěł, zo bychu wšitcy, kotřiž živi su, tam dale sami sebi živi njebyli, ale temu, kiž za nich je wumrěł a horje stanył. *1 Tim. 2, 6.*

16. Tuž wot teho časa my nikoho njeznajemy po čěle; a hač my tež Chrystusa smy prjedy znali po čěle, dha však jeho nětk wjazy tak njeznajemy.

17. A tak, je-li štó w Chrystusu, tón je nowe stworjenje; to stare je so minulo, hlaj, wšitko je so nowe zčiniło. *Rom. 8, 1. 10. Jez. 43, 19. Zjew. 21, 5.*

18. To pak wšitko přindže wot Boha, kiž nas sam ze sobu je zjednał přez Jezom Chrysta, a nam tu službu dał, kotraž to zjednanje předuje. *Rom. 5, 10.*

Tekst na njedźelu Lätare. **IV.**

19. [Přetož Bóh běše w Chrystusu a zjedna tón swět sam ze sobu a njepšizpi jim jich hrěchi, a je nam poručil, zo bychmy my řečeli wot teho zjednanja. *Rom. 3, 24. 25.*

20. My smy teho dla pósłani na město Chrystusa, a je tak, zo Bóh přez nas napomina; tuž prosymy na město Chrystusa: Dajće so z Bohom zjednać. *Jez 52, 7.*

21. Přetož wón je teho, kotryž wot žaneho hrěcha ničo njewědžeše, za nas k hrěchej sćinił, zo bychmy my w nim ta prawdosć byli, kotraž před Bohom plaći.]

6. staw.

Napominanje k doztojnemu natoženju hnady Božeje.

Epistola na njedźelu Invo-cavit.

1. [My napominamy was pak, jako sobupomoznikow, zo byšće tu hnadu Božu podarmo njebrali;

2. Přetož wón praji: Ja sym će w zpodobnym času wusłyšał a sym či w tym dnju teho zboža pomhał. Hlaj, nětk je tón prawy spodobny čas; hlaj, nětk je tón dzeń teho zboža. *Jez. 49, 8.*

3. Njedajmy pak nihdže nikomu žaneho pohóršenja, zo by naš hamt hanjeny njebył;

4. Ale we wšěch wěcach dajće so nam wopokazać jako služomnicy Boži, we wulkej sćerpliwości, w žałožach, w nuzach, w ztyzknožach,

5. W pukach, w jastwach, w změškach, w prózach, wachowanju, w požćenju, *St. 11, 23—27.*

6. W čistosći, wědomnožći, we łahodnožći, w dobroćiwožći, w swjatym Duchu, w prawej lubosći, *1 Tim. 4, 12.*

7. W słowje teje wěrnosće, w Božej mocy, přez brón teje prawdosće na prawej a lěwej rucy; *1 Kor. 2, 4.*

8. Přez česć a hanibu, přez zle a dobre ryče; jako zawjednizy, ale my řečimy prawdu;

9. Jako njeznajomni a smy však znajomni; jako či, kiž mru, a hlaj, my smy žiwi; jako šwikani a však njezabići; *St. 4, 10. 11.*

10. Jako zrudni, ale přeco wjesoli; jako chudzi, ale kiž my wjele wobohaćimy; jako ci, kiž ničo nimaju, a však wšitko wobsedžimy.]

11. O wy Korinthizy, naš rt je so k wam wotewrił, naša wutroba je wjesela.

12. Naše dla wy so tyšíc njetrjebaće. So so pak tyšíce, to so stanje wot was wutrobneje lubosće dla.

13. Ja pak z wami řeču, jako ze swojimi džěćimi, zo byšće so tež tak přećiwo mi zadžerželi a tež wjesoli byli.

14. Njećeńće zpšah z njewěrnymi. Přetož kajke towaržstwo ma prawdosć z njeprawdozću? Abo što ma swětło činić z čémnozću? 5 Mójz. 7, 2. Eph. 5, 11.

15. Abo kak je Chrystus přez jene z Belialom? Abo kajki džěl ma wěrný z njewěrnym?

16. Abo kak so runa Boži templ z pšibóžkimi? Přetož wy sće templ teho žiweho Boha, tak jako Bóh praji: Ja budu w nich bydlić a so w nich pšekhodzić; ja budu jich Bóh a woni budža mój lud. 1 Kor. 3, 16. St. 6, 19. Eph. 3, 17. 3 Mójz. 26, 12.

17. Teho dla wuńdžće srjedza nich won a rosdžělcé so wot nich, praji tón Knjez, a nječisteho so njedótkajće; dha chcu ja was horje wfać, Jez. 52, 11.

18. A ja budu wam za Wótza, a wy mi budžće za synow a za džowki, praji tón wšehomózny Knjez.

7. staw.

Napominanje k swjatosći ćěła a ducha.

1. Hdyž my teho dla tajke slubjenje mamy, moji najlubši, dha chcemy so sami wot wšitkeho zmazanja teho ćěła a ducha wurjedzić a wobstajni hač do kónca wostać při woswjećenju a bohab-ojozći.

2. Pšimńće nas; my njejsmy nikomu křiwdu činili, nikoho njejsmy wobškodžili, nikoho njejsmy zjebali. St 12, 17.

3. Ja pak to njepraju, zo bych was zatamał; přetož ja sym horjekach prjedy prajił, zo wy w našich wutrobach tak sće, zo my chcyli z wami wumrjeć a žiwi być. St. 6, 11. 12. 13.

4. Ja řeču z wulkej chrobłosću k wam: ja so z wami jara chwala; ja sym napjelnjeny z tróštom; ja sym přez měru we wjeseložći, w kóždej našej žalosći. Philem. št. 8.

5. Přetož jako my do Maze-donskeje přińdžechmy, naše ćěło žaneho wotpočinka njeměješe, ale wšudžom my běchmy w žalosći; zwonkach běše wójna, znutskach strachota.

6. Ale Bóh, kiž tych hubjenych troštuje, tón je tež nas troštował přez Titusowy přichod,

7. Nic pak jeno přez jeho přichod, ale tež přez tón trošt, kotryž wón wot was je dóstał, hdyž nam připowědaše waše požadanje, waše plakanje, waše bědženje wo mnje, zo so ja tak hišće bóle zwjeselich.

8. Přetož zo ja was přez list sym zrudził, teho mi žel njeje, hač mi runje by žel bylo. Hdyž pak ja widžu, zo tón list snadź na chwilu was je zrudził,

9. Dha ja nětk so zwjeselu, nic, zo wy zrudženi sće, ale zo sće zrudženi k pokuće. Přetož wy sće po Bosy zrudženi, tak zo byšće wy wot nas na žanej wěcy škody njeměli.

10. Přetož Boža zrudoba načini k zbóžnozći želenje, wo kotrež nikomu žel njeje; zrudoba pak teho swěta přinjese smjerc.

11. Hlaj, to same, zo wy sće po Bosy zrudženi, kajku swěrnosć je wone wam načiniło! k temu tež zamołwjenje, hněw, bojosć, požadanje, bėdženje, wječenje; wy sće so na wšitkim wopokazali, zo wy čisći sće na tym skutku.

12. Teho dla, hač runje wam pisał sym, dha wšak njeje so teho sameho dla stało, kotryž njeprawje je činił, tež nic teho sameho dla, kotremuž so njeprawje je stało, ale teho dla, zo by pola was wědomna byla naša swěrnosć za was před Bohom.

13. Teho dla smy my troštowani z wašeho trošta. Ale přez měru bóle smy so my zwjeselili na Titusowej wjeseložći, zo jeho duch je wokšewjeny wot was wšitkich.

14. Přetož čohož ja so před nim z wami chwalił sym, njejsym ja k hanibje přišoł; ale runje jako wěrnó je, štož z wami smy řečeli, tak je so tež naše chwalenje pola Titusa prawje wopokazało;

15. A wón ma wutrobnje jara dobrou mysl přeciwo wam, hdyž wón zpomina

na wšitkich wašich poslušnosć a kak my z bojosću a ze rženjom jeho sće horje wzali.

16. Ja zwjeselu so teho dla, zo so k wam wšitkeho móžu nadžec.

8. staw.

Napominanje, zo bychu smilne zhromadženje pjenjow za chudych činili.

1. Ja dawam wam pak k wědženju, lubi bratřa, tu hnadu Božu, kotraž tym Mazedonzkim wosadam je data. *Rom. 15, 26.*

2. Přetož jich wjeselosć běše přez měru wulka, tehdy, jako woni přez wjele žaložcow běchu zpytani. A hač runje w najhlubšej khudobje běchu, dha su wšak bohaće dawali z wutrobnj swěrnosću.

3. Přetož po zamóženju (to ja swědču), haj wyše zamóženja su woni so hotowi wopokazali,

4. A z wulkej próstwu wot nas žadachu, zo bychmy jich dobrotu a z čimž tym swjatym hromadze služili su, k sebi wzali. *St. 9, 1. Jap. st. 11, 29.*

5. A nic jeno činjachu woni, kaž my so nadžijachmy, ale podachu so tež sami najprjedy temu Knjezej a potom nam přez Božu wolu;

6. Tak zo my dyrbjachmy Titusa napominać, zo wón, kaž prjedy běše počal, tak tež pola was tajku dobrotu by dokonjał.

7. Ale runje jako wy we wšitkich wěcach bohaći sće, na wěrje, na slowje a

na póznaću a na wšelkej swěrnosći a na wašej lubosći k nam; tak činiće, zo byšće tež na tej dobrocže bohaći byli.

8. Ja njerěču jako chcyl roskazać; ale dokelž druzy tak swěrní su, zpytam ja wašu lubosć, hač tež prawa je.

9. Přetož wy wěsće tu hnadu našeho Knjeza Jezom Chrysta, hač runje bohaty běše, bu wón wšak chudy vaše dla, zo byšće wy přez jeho khudobu bohaći byli. *Sach. 9, 9. Mat. 8, 20. Luk. 9, 58.*

10. Ja pak w tym wam swoje zdaće dawam; přetož to je wam wužitne, kiž wy zachodne lěto počeli sće, nic jeno činić, ale tež chcýć.

11. Nětk teho dla dokonjejće tež to činjenje, zo runje jako je při was byla hotowa mysl, zo sće chcyli, tak budź tež tudy to dokonjenje z teho, štož maće.

12. Přetož hdyž jedyn ma prjedy hotowu mysl, dha je wón spodobny, hdyž dawa za tym, jako ma a nic za tym, jako nima. *Přist. 3, 28. Mark. 12, 43.*

13. To pak njepraju něhdže teho dla, zo by to druhim spuścene bylo, wy pak wobćežnozć měli, ale zo by runje bylo dźeržane.

14. Dha služ teho dla waš zbytk jich potrěbnosći přez tón nětčiši (drohi) čas, zo by tež zaso jich zbytk wašej potrěbnosći služil, zo by tak runozć dźeržana byla; *St. 9, 12.*

15. Kaž pisane steji: Tón, kiž wjele nahromadzi, ničo zbytnje njeměješe; a tón, kiž mało nahromadzi, njeměješe ničo mjenje. *2 Mójz. 16, 18.*

16. Bohu pak budź džak, kiž tajke ztaranje wo was je do Titusoweje wutroby dał; *St. 9, 15. 1 Kor. 15, 57.*

17. Přetož wón wza to napominanje z lubosću horje, a dokelž tak jara zprózný bě, je wón z dobrej wolu sam k wam ćahnył.

18. My smy pak z nim bratra pósłali, kiž ma chwalbu na tym ewangeliju po wšitkich wosadach.

19. Nic jeno pak to; ale wón je tež wot tych wosadow postajeny, zo by naš towarš byl na puć teje sameje dobroty dla, kotraž přez nas wuprošena budže k česći temu Knjezeje a k chwalbje wašeje bolje mysle. *Gal. 2, 10.*

20. Tak wotwróćimy to, zo by nchtó na nas zle njeryčal tajkeho bohateho dawka dla, na kotryž my z tej našeje službu myslimy;

21. A hladamy na to, štož by zdobne bylo, nic jeno před tym Knjezom, ale tež před ludźimi.

22. Tež smy my z nimi pósłali našeho bratra, kotrehož my často we wjele wěcach swěrneho smy namakali, a nětk wjele swěrnešeho. My mamy wulke dowěrjenje k wam,

23. Njech je Titusa dla, kiž mój towarš a pomoznik bjez wami je, abo njech je našich bratrow dla, kotřiž su pósli tych wosadow a Chrystusowa česć. *St. 7, 13. St. 12, 18.*

24. Wopokažće teho dla nad nimi to wopokazanje wašeje lubosće a našeje khwalby wot was tež zjawnje před tymi wosadami. *St. 7, 14.*

9. staw.

Čoho dla ze zhromadženjom pjenjezow za chudych khwatać dyrbja.

1. Přetož wot tajkeho dawanja, kotrymž so tym swjatym služi, njetrjebam wam pisać.

2. Přetož ja znaju wasu hotowu dobru mysl, kotrejež dla was chwalu pola Mazedonzkich (a praju): Acha-jzka je hižom zachodne lěto hotowa byla. A wasa wulka dobrota je jich wjele wuzbudžiła.

3. Tych bratrow pak sym teho dla póslał, zo by naša chwalba wot was darmo njebyła, štož to nastupa; ale zo byšće wy hotowi byli, jako ja wot was prajił sym;

4. Tak zo snadź, hdy bychy Maze-donzzy zo mnu přišli a was njehotowych namakali, zo njebychmy my (ja nochcu prajić wy) k hanibje přišli z tajkim khwalenjom.

5. Teho dla sym to za nuzne dźeržał, zo tych bratrow sym napominał, zo bychy prjedy nas k wam čahnyli a přihotowali to same žohnowanje, kotrež prjedy slubili sće, zo by hotowe było, tak jako žohnowanje a nic jako lakomstwo.

6. Sa to pak dźeržu: Štóz skupje syje, tón tež budže skupje žnjeć; a štóz syje w žohnowanju, tón budže tež w žohnowanju žnjeć. *Přisl. 22, 8.*

7. Kóždy po radže swojeje wutroby, nic z njewolu abo z nuzu; přetož wjeseleho dawarja lubuje Bóh. *2 Mójz. 25,2 Sir. 35, 11.*

8. Bóh pak je mócný, zo wšelka hnada na was pšibywa, zo wy we wšěm přeco wšeho dosć maće a bohaći sće na wšěch dobrych skutkach.

9. Jako pisane steji: Wón je rozsywał a dawał chudym; jeho praw-dosć wostanje wěčnje. *Ps. 112, 9.*

10. Kotryž pak symjo dawa rossywar-jej, tón tež budže chlěb dawać k jědži a pšizporjeć was symjo a dać rosć te plody wasjeje prawdosće;

11. So wy so we wšěm wobohaćice ke wšej wutrobnej swěrnosći, kotraž Bohu přez nas dźakowanje přinjese.

12. Přetož ta služba tajkeho dobrego wopora napjelni nic jeno tych swjatych potrjebnozć, ale tež přez měru wuztupa, tak zo wjele dźakowanja so Bohu stanje,

13. Hdyž přez tu našu swěrnú službu Boha čezća za was poslušne póznaće teho ewangelija Chrystusoweho a za was dobre wudźělenje, kotrež wy nad nimi a nade wšitkimi wopokazaće.

14. Woni tež so modla za was a žadaju sebi was teje jara wulkeje hnady Božej dla, kiž we was budže namakana.

15. Bohu pak budź dźak za jeho njew-urjeknjeny dar.

10. staw.

Napominanje, zo so njedyr- bja falšnym japoštołam zaw- jezć dać.

1. Ja pak, Pawoł, sam prošu was přez tu čichoć a dobroćiwosć Chrystusowu, kiž

ja, hdyž pola was sym, bjez wami sym pokorny, hdyž pak njejsym pola was, dowěrju so wam.

2. Haj, ja prošu, wy chcyli so tak zadźeržeć, zo bych njetrjebał, hdyž pola was budu, z tym dowěrjenjom tu chroblosć sebi wzać, kotruž mi někotři pšikładža, přećiwo někotrym, kotřiž za to maju, jako bychmy my po čelnym wašnju chodźili.

3. Přetož hač my runje w čele chodźimy, dha však po čele njewojujemy.

4. Přetož te brónje našeje wójny njejso čelne, ale z Boha mócné k skaženju te hrodźišća, *Eph. 6, 13.*

5. S kotrymiž my zkazymy te rady a wšelku wysokozć, kotraž so pozběhuje přećiwo Božemu póznaću, a wozmjemy jatu wšelku myslu pod Chrystusowu poslušnosť;

6. A smy hotowi, wjećić wšelku nje-poslušnosť, hdyž so waša poslušnosť je dopjelnila.

7. Kedźbujće wy na to, štož před wočomaj je? Ma-li što tu nadźiju w sebi, zo Chrystusej přisłuša, njech tež zaso na to při sebi pomysli, zo runje jako wón Chrystusej přisłuša, tak tež my Chrystusej pšislušamy.

8. A hdy bych ja tež što wjazy so chwalił z našeje mozu, kotruž nam tón Knjez dał je, zo bychmy was polěpšeli a nic zkazyli, njechał ja k hanibje přinć. *St. 12, 6. 1 Kor. 5, 2. 4. 5.*

9. Ale wot teho řečec nochcu, zo by wam so njezdalo, jako chcył ja was přez listy naztróžeć.

10. Přetož jeho listy, rjeknu někotři,

su ćežke a sylne; ale wohladanje jeho čěla je słabe a jeho ryč je kničomna.

11. Štóz tajki je, tón njech sebi to pomysli, zo kajzy my smy ze słowami přez listy, hdyž prečkach smy, tajcy my tež móhli być ze zkutkom, hdyž tudy smy. *St. 12, 20. St. 13, 2. 10.*

12. Přetož my njesměmy so sami bjez tych stajić abo so z někotrymi přirunać, kiž so sami chwala; ale dokelž so sami na so měrja a sami ze sobu so pširunaju, njerozymja woni ničo. *St. 3, 1. St. 5, 12.*

13. My pak přez měru so njechwalimy, ale po měrje teje šnóry, z kotrejž Bóh nam je měru wuměrił, zo my tež hač k wam smy dosahnuć móhli.

14. Přetož my so njerosćahamy na měrje, jako njebychmy hač k wam dosahnuli; přetož my smy však hač k wam přišli z tym ewangelijom Chrystusowym.

15. A njechwalimy so přez měru z cuzej prózu, ale mamy nadźiju, hdyž waša wěra je we was roztła, zo my po našej šnórje chcemy dale přinć, *Rom. 15, 20.*

16. A to ewangelion tež tym předować, kotřiž tamnu stronu našeho kraja bydla, so pak z tym njechwalić, štož ći su zhotowali, kiž druhu šnóru su dóstali.

11. staw.

Pawołowe džěło a strachota při płahowanju gmejny.

17. Štóz so pak chwali, tón khwal so teho Knjeza. *Jer. 9, 23. 24. 1 Kor. 1, 31.*

18. Přetož teho dla njeje tón doztójny, kotryž so sam chwali, ale tón, kotrehož tón Knjez chwali.

St. 11. Scht. 1 Bóh daj, zo byšće chcyli mi na chwilu moju hluposć k dobroće dźeržeć; haj wy dźeržiće mi ju k dobroće.

2. Přetož ja horju so přećiwo wam z horzej Božej lubosću; přetož ja sym was slubił jenemu mužej, zo bych was jako čiztu knježnu postajił Chrystusej. *3 Mójz. 21, 13. Eph. 5, 26. 27.*

3. Boju so pak, zo by snadź, jako tón had Jěvu zawjedže ze swojej lesnosću, tak tež waše mysle so zkazyłe a wótpanule wot teje praweje čistosće w Chrystusu. *1 Mójz. 3, 4. 13.*

4. Přetož hdy by štó k wam přišoł a druheho Jezusa předował, kotrehož my njejsmy předowali; abo hdy byšće druheho ducha dóstali, kotrehož njejsće dóstali; abo druhe ewangelion, kotrež njejsće horje wzali; byšće wy jeho derje znosyli. *Gal. 1, 8. 9.*

5. Přetož ja mam za to, zo ja ničo mjenje njejsym, dyžli ći wysocy japoštoli su. *St. 12, 11. 1 Kor. 15, 10. Gal. 2, 6. 9.*

6. Sym-li runje njewustaty na řeči, dha však njewustaty njejsym na póznaću. Ale ja však sym pola was wšudźom derje znajomny. *1 Kor. 2, 1. 2.*

13. Eph. 3, 4.

7. Abo sym-li ja zhrěšił, zo so sam sym ponižił, zo byšće wy powyšeni byli? Přetož ja sym wam to Bože ewangelion darmo připowědał;

8. A sym druhe wosady wurubił a wot nich mzdu brał, zo bych wam předował.

9. A jako pola was běch a nuzu ćěrpjach, njeběch ja nikomu wobćežny; přetož štož mi trěbne běše, to ći bratřa dopjelnichu, kiž z Mazedonskeje přińdžechu; a sym so tak we wšitkim zadźeržał, zo bych wam wobćežny njebył, a chcu so hišće dale tak zadźeržeć.

10. Tak wěsće, jako ta prawda Chrysusowa w mni je, njedyrbi mi ta chwalba we Achajzkich krajach zatykana być.

11. Čoho dla to? So was njedyrbjał lubo měć? Bóh wě, zo was lubo mam. *St. 6, 11. 12. 13.*

12. Štož pak činju a činić budu, to teho dla so stanje, zo bych tym jich pomyslenje wotćał, kiž na to łakaju, zo bych w tych wěcach, z kotrymiž so chwala, tajcy byli namakani, jako my. *1 Kor. 9, 12.*

13. Přetož tajcy falšni pósli a jebařzzy džělačerjo přeměnja so do Khryztusowych pósłow. *Phil. 3, 2.*

14. A to tež žadyn džiw njeje; přetož wón sam, zatan, pšeměni so do jandžela teho swětła.

15. Teho dla tež žana wulka wěc njeje, hdyž so jeho služomnicy přeměnja do předarjow teje prawdosće; kotrychž kónc budže po jich skutkach.

16. Ja z noweho praju: zo by nichtó

mje njeměł za njemudreho; jeli zo so pak wam hinak zda, wzmiće mje za njemudreho, zo bych so ja tež trochu pokhwalil.

17. Štož nětk rěču, to njerěču ja po tym Knjezu, ale jako we hlupozći, dokelž so na chwalenje sym zkhrobil.

18. Přetož wjele so jich chwali po čele, dha tež ja so chwalić chcu. *St. 10, 13. St. 12, 9.*

19. Přetož wy radži znjeseće njemudrych, dokelž wy mudri sće. *1 Kor. 4, 10.*

20. Přetož wy znjeseće, hdyž was što na službu čeri, hdyž was što zežerje, hdyž što bjerje, hdyž so što pozběha, hdyž was što bjez woči bje.

21. To rěču ja po nječesci, jako bychmy my wosłabnuli.

Epistola na njedźelu Sek-sagezima.

[Na čož pak što chrobły je (ja praju w njemudrozci), na to sym tež ja chrobły.

22. Woni su Hebrejzzy, ja tež. Woni su Israelscy, ja tež. Woni su Abrahamowe symjo, ja tež.

23. Woni su Chrystusowi služomnicy (ja hlupje praju), ja sym derje wjazy. Ja sym so wjazy prócował, ja sym wjazy pukow ćerpił, ja sym huzćišo we jastwach, husto w smjertnych nuzach był. *1 Kor. 15, 10.*

24. Wot židow sym pjeć króc ćerpił štyrcyći pukow bjez jeneho. *5 Mójz. 25, 3.*

25. Ja sym tři króc šwikany, junu kamjenjowany, tři króc je so mi lódz na

morju roslamała, nóc a dzeń sym so we hlubinje prócował. *Jap. st. 16, 25. St. 14, 19.*

26. Ja sym často na drozy był; ja sym w strachosći był na rěkach, w strachosći bjez rubježnikami, w strachosći bjez Židami, w strachosći bjez pohanami, w strachosći w městach, w strachosći w pusćinje, w strachosći na morju, w strachosći bjez falšnymi bratrami; *Jap. st. 27, 2 x.*

27. W prócy a džele, we wjele wachowanju, we hłódze a lačnozci, we wjele počćenju, w zymje a nahoće;

28. Chiba štož so hewak stanje, zo ja všednje budu nadběhany a zo na mni leži všedna starozć za wšě cyrkwe. *Jap. st. 20, 18 x.*

29. Što je słaby, zo bych ja njewosłabnul? Što budže pohóršowany, zo bych ja so njepalil? *Rom. 15, 1.*

30. Dyrbju-li ja so chwalić, dha chcu so swojeje slabosće chwalić.

31. Bóh a tón Wótc našeho Knjeza Jezom Chrysta, kotryž budž chwaleny do wěčnosće, wě, zo ja njełžu. *Rom. 1, 25.*

32. Damazzenzki bohot krala Areta wobsadži Damazzenzke město z wachu a chcyše mje jimać; *Jap. st. 9, 24.*

33. Ale ja buch w korbje z woknom přez murju dele pušćeny a čeknych z jeho rukow. *Jap. st. 9, 25.*

12. staw.

Pawołowa chwalba a zjewjenje, hordozći jeho pšećiwnych napřećiwo stajene.***Tekst na njedźelu Seksagezima. IV.***

1. [To chwalenje pak mi žaneho wužitka njepřinjese; dha však chcu ja přińć na te widženja a zjewjenja teho Knjeza.

2. Ja znaju čłowjeka w Chrystusu před štyrnaće lěta (hač wón je w čěle był, to ja njewěm; abo hač wón je z čěla won był, to tež njewěm; Bóh wě). Tón bu torhnjeny hač do tzečich njebiesow.

3. A ja znaju teho sameho čłowjeka (hač wón je w čěle abo z čěla won był, to njewěm; Bóh wě), *St. 11, 11.*

4. So wón bu torhnjeny do paradiza (abo Božeho raja) a slyšeše njewurjeknjene słowa, kotraž žadyn čłowjek prajić njemóže.

5. Teho chcu so ja chwalić; wot so sam pak nochcu so ničeho chwalić, chiba swojeje slabosće.

6. A hdy bych so ja chwalić chcył, njebych ja teho dla njemudry był; přetož ja chcył prawdu prajić. Ja so pak teho zdžeržu, zo by niktó wjazy do mnje njedžeržał, dyžli na mni widži, abo wote mnje slyši. *St. 10, 8. St. 11, 16.*

7. A zo bych so ja tych wysokich zjewjenjow přez měru njepšezběhnuł, je mi daty koł do čěla, zatanowy jandžel, kiž by mje z pjazću bił, zo so ja njebych přez měru pozběhnuł. *Hiob. 2, 6.*

8. Sa to sym ja tři króć teho Knjeza prosył, zo by wote mnje wotstupił,

9. A wón je ke mni rjeknył: Dosć maš na mojej hnadže, přetož moja móc je w slabych móčna. Teho dla chcu so ja najradšo swojeje slabosće chwalić, zo by ta móc Chrystusowa w mni pšebywała.

10. Teho dla sym ja dobreje mysle při slabozcích, při hanibach, při nuzach, při pšezčěhanjach, při tyšnozcach, Chrystusa dla; přetož hdyž ja slaby sym, sym ja synly.]

11. Ja sym so zblaznił na khwalenju; k temu sće wy mje nućili. Přetož wot was ja dyrbjach być chwaleny, dokelž ja ničo mjenje njejsym dyžli ći wysocy japoštoli su; hač runje ničo njejsym. *St. 11, 1. 6. St. 11, 5.*

12. Přetož wone su však japoštołzke zejchi bjez wami so stałe we wšelkej sčerpliwosći, přez zejchi a džiwy a přez skutki.

13. A što je, w čimž wy byšće mjenje byli dyžli druhe wosady, chiba zo ja sam was njejsym wobćežował? Wodajće mi tón hrěch. *St. 11, 9.*

14. Hlaj, ja sym hotowy k třěcemu k wam přińć, a nochcu was wobćežić; přetož ja njepytam to waše, ale was. Přetož džěći njedyrbja tym staršim čazy hromadzić, ale starši tym džěćom.

15. Ja pak chcu rad lubje to swoje wudać, haj, sam so wudać za waše duše; hač runje was přez měru jara lubuju a pak mało lubowany budu.

16. Ale njech tak je, zo ja was njejsym wobćežil; dokelž pak lesny sym, sym ja was přez zjebanje popanuł?

17. Sym ja pak was přesadžil přez

tych někotrych, kotrychž sym k wam pósłał?

18. Titusa sym napomínał a z nim pósłał teho bratra. Je dha Titus was přesadził? Njejsmoj mój po jednym duchu khodžila? Njejsmoj mój po jenantakich stopach chodžila?

19. Zda so wam zaso, zo so před wami zamolwimy? My před Božim wobličom w Chrystusu rěčimy; ale to wšitko so stanje, moji najlubši, dla vašeho polěpšenja.

20. Přetož ja so boju, hdyž přińdu, zo was njebudu namakać, kajkichž bych chcył, a zo tež mje wy namakać njebudžeće, kajkehož byšće chcyli; zo něhdže bjez wami njebyła hadrija, zawizć, hněw, zwada, pšislodženje na druheho, šćwanje, naduwanje a přeciwnosć; *St. 10, 2. 1 Kor. 4, 6.*

21. So, hdyž přińdu, mje mój Bóh zaso by njeponižal pola was a ja tych wjele wobžarował, kiž prjedy su zhrěšili a žanu pokutu činili njejsu za nječiztozć, za kurwarstwo a za samopašnozć, kotruž woni hnali su. *St. 13, 2.*

13. staw.

Napominanje k pokuće.

1. Přińdu-lijak třěcemu k wam, dha dyrbi wo rće dweju abo třoch swědkow kóžda wěc wobstać. *Jan. 8, 17.*

2. Ja sym to wam prjedy prajił a praju wam to prjedy, jako bych pola was był, z noweho; a nětk to same, hdyž pola was njejsym, pišu tym, kotřiž su prjedy

zhrěšili, a wšitkim druhim, jeli zo zaso přińdu, dha nochcu ja přehladać.

3. Přetož wy pytaće, zo byšće zhonili, hač Chrystus w mni rěči, kiž nad wami njeje woslabnuł, ale mócny je bjez wami.

4. Přetož hač runje wón je křižowany w słabozći, dha wšak je wón žiwy z mocy Božej. A hač runje tež my z nim słabi smy, dha wšak z nim žiwi budžemy z mocy Božej bjez wami. *Phil. 2, 7. 8.*

5. Spytaće so sami, hač sće we wěrje; wobhońće so sami. Abo njepóznaće wy so sami, zo Jezus Chrystus we was je? chiba zo sće njedostojni. *1 Kor. 11, 28. Rom. 8, 9: 10. Kol. 1, 27.*

6. Nadžiju so pak, zo wy póznaće, zo my njedostojni njejsmy.

7. Ja pak prošu Boha, zo byšće wy ničo złeho nječini; nic teho dla, zo bychmy my dostojni byli widženi, ale zo byšće wy to dobre činili, a my bychmy jako njedostojni byli.

8. Přetož přeciwo prawdze nič njemóžemy, ale za prawdu.

9. Wjeselimy so pak, hdyž my słabi smy a wy sće mózni. A to my tež požadamy, zo byšće wy dokonjeni byli.

10. Teho dla to tež přeckach wot was ja pišu, zo, hdy bych při was był, ja njetrjebał wótry być, po tej mocy, kotruž mi tón Knjez dał je k polěpšenju, a nic k skaženju. *St. 2, 3. St. 10, 8.*

11. Naposledk, lubi bratra, wjeselće so, budžće dokonjeni, tróštujće so, budžće jenakeje mysle, dzeržće měř; dha budže tež Bóh lubosće a teho měra z wami. *Phil. 4, 4.*

12. Postrowće so jedyn druheho ze swjatym wokošenjom. Wšitcy swjeći

dadža wam wjele dobreho powjedzić. 1

Kor. 16, 20.

Tekst na swjedžen swj. Trojicy. IV.

13. [Ta hnada našeho Knjeza Jezom Chrysta a ta lubosć Boža a tón dóstatk teho swjateho Ducha budź z wami wšitkimi. Hamjeń.]

Druhi list, na Korintiskich napisany a pósłany z Philippa, města Mazedonzkeho, přez Tita a Lukaša.

List swjateho japoštoła Pawoła na Galatizkich.

Prěni staw.

Wo njewobztajnozći Galatizkich, a Pawołowe japoštołtke zaztojństwo.

1. Pawoł, japoštoł (nic wot ludźi ani přez čłowjeka, ale přez Jezom Chrysta a Boha teho Wótca, kiž jeho zbudził je wot morwych), *Scht. 11. 12. Jap. zk. 3, 15.*

2. A wšitcy bratřa, kotřiž při mni su: tym wosadam w Galatizkej zemi.

3. Hnada budź z wami a měř wot Boha, teho Wótca, a našeho Knjeza Jezom Chrysta, *Rom. 1, 7. 1 Kor. 1, 3. Eph. 1, 2. 1 Pětr. 1, 2. 2 Jan. št. 3.*

4. Kiž so sam za naše hrěchi je dał, zo by nas wumóhl wot tuteho nětčišeho złeho swěta po tej woli Božej a našeho Wótca, *1 Tim. 2, 6. Tu. 2, 14.*

5. Kotremuž budź česć wot wěčnosće hač do wěčnosće. (Hamjeń.)

6. Ja so dźiwam, zo wy so tak skoro daće wotwobroćić wot teho, kiž was je powołał do teje hnady Khryztusoweje, na druhe ewangelion, *St. 5, 8.*

7. Kotrež wšak žane druhe njeje: chiba zo někotři su, kotřiž was mola a chcedža to ewangelion Chrystusowe přewrócić. *Jap. zk. 15, 1. 24.*

8. Ale hdy bychmy tež runje my abo jandžel z njebjes wam ewangelion předował hinak, jako kotrež my wam předowali smy, tón budź poklaty. *1 Kor. 16, 22.*

9. Jako nětč prajili smy, tak hišće z nowa praju: jeli zo wam štó ewangelion předuje hinak, jako kotrež wy dóstali sće, tón budź poklaty.

10. Předuju dha ja nětč ludžom abo Bohu k službje? Abo steju ja za tym, zo bych so ludžom lubił? Hdy bych ja hišće ludžom so lubił, njebych ja wěsće Chrystusowy wotročk był. *1 Thes. 2, 4.*

11. K wědženju pak wam dam, lubi bratřa, zo to ewangelion, kotrež wote mnje předowane je, njeje člowječne;

12. Přetož ja to njejsym wot žaneho čłowjeka dóstał ani wuknył, ale přez zjewjenje Jezom Chrysta.

13. Přetož wy wšak derje sće slyšeli wot mojeho khodženja njedawno w židowstwje: kak ja přez měru tu wosadu

Božu přesčěhach a ju zahubich, *Jap. zk. 9, 1. St. 8, 3. St. 22, 4. St. 26, 9.*

14. A přiběrach w židowstwje bóle dyžli wjele mojeho runja w mojim narodže, a běch jara surowy na mojim wótcowskim zakonju. *Phil. 3, 6.*

15. Ale jako so Bohu lubješe, kiž mje z mojeje mačerje žiwota je wudžělił a powolał přez swoju smilnosť,

16. So by wón swjeho Syna w mni zjewił, a zo bych ja přez to ewangelion jeho připowjedził bjez pohanami: hnydom činjach ja tak a njerosryčach so wo to z ćělom a z krvju;

17. Ani njewrócih so do Jerusalema k tym, kotřiž přjedy mje japoštoli běchu, ale wóćezech do Arabizkeje a přińdžech zaso do Damazka.

18. Potom po třoch lětach přińdžech ja do Jerusalema, zo bych Pětra wohladał, a pobych pjatnaće dnjow pola njeho. *Jap. zk. 9, 26.*

19. Tych druhich japoštołow pak njejsym ja žaneho widził, chiba Jakuba, teho Knjezoweho bratra.

20. Štož ja pak wam pišu, hlaj, Bóh wě, zo nježju. *Rom. 9, 1.*

21. Potom přińdžech do tych krajow Syriskich a Zilizizkich. *Jap. zk. 9, 30.*

22. Ja pak běch njeznajomny z wobliča tym křesćijanskim wosadam w židowskej;

23. Wone běchu pak jeno słyšałe, zo tón, kotryž nas něhdy přesčěhaše, předuje nětk tu wěru, kotruž wón něhdy zahubješe; *Jap. zk. 9, 21.*

24. A chwalachu Boha nade mnu.

2. staw.

Pawołowe přirunanje z japoštołami, zwada z Pětrom, předowanje wo prawdosći wěry.

1. Potom po štyrnaće lětach ćehnjech ja zaso do Jerusalema horje z Barnabasom a wzach tež Tita k sebi. *Jap. zk. 15, 2.*

2. Ja ćehnjech pak horje ze zjewjenja a rozryčach so z nimi wo to ewangelion, kotrež ja předuju bjez pohanami, wosebje pak z tymi, kotřiž běchu w česći dźerženi, tak zo bych snadnje podarmo njeběhał abo njebych běžał.

3. Přetož ani tež Titus njebu přinućeny, zo by so dał wobřězać, kotryž zo mnu běše, hač wón runje Grichizki běše.

4. Přetož jako někotři falšni bratřa so běchu schrobili a pódlu nutř zašli, zo bychu wobhonili našu frejotu, kotruž mamy w Chrystusu Jezusu, zo bychu nas jatych wzali; *Jap. zk. 15, 24.*

5. Njewuztupichmy my tym samym tež nic na štundu, jako chcyli jim poddani być, zo by prawda teho ewangelija pola was wostała.

6. Wot tych pak, kotřiž běchu w česći dźerženi, njech su byli něhdy, kajzyž su chcyli, mje ničo njenastupa; přetož Bóh njepohlada na čłowjezku paršonu. Mje ći sami, kotřiž w česći běchu, ničo druhe njejsu nawučili; *Jap. zk. 10, 34.*

7. Ale zaso, hdyž widžichu, zo mi to ewangelion běše dowěrjene na to njewobřezanje, runje jako Pětrej to ewange-

lion na to wobřezanje, *Jap. zk. 13, 46.*

8. (Přetož tón, kotryž z Pětrom je mócny bylk japoštołzkemu hamtej bjez tymi wobřezanymi, tón je zo mnu tež mócny był bjez pohanami);

9. A tež póznachu tu hnadu, kotraž mi data běše, Jakub a Kephás a Jan, kotrychž woni za stołpy mějachu; podachu woni mi a Barnabasej prawu ruku na towarstwo, tak zo bychmój mój bjez pohanami přédowałoj, a woni bjez wobřezanymi;

10. Jenó zo bychmój chudych wopomniłaj, wo čož ja so tež swěrnje sym starał, zo bych to činił. *Jap. zk. 11, 30.*

11. Jako pak Pětr do Antiochije přińdže, pšeciwich ja so jemu bjez woči; přetož skórzba běše na njeho přišla.

12. Přetož prjedy, dyžli někotři wot Jakuba přińdžechu, jědžiše wón z pohanami; jako pak woni přińdžechu, woteńdže a wotdželi wón so, teho dla, zo so tych boješe, kotřiž běchu z wobřezanja;

13. A chodžachu z nim bładnje tež druzy Židža, tak zo tež Barnabas z nimi bu do jich bluda zawjedženy.

14. Ale jako ja widžich, zo woni prosće njekhodžachu po prawdže teho ewangelija, džach ja k Pětrej přede wšěmi zjawnje: Jeli zo ty, kiž ty Žid sy, po pohansku so zadžeržiš a nic po židowsku, čoho dla dha pohanow nučiš, zo bych po židowsku so zadžerželi? *1 Tim. 5, 20.*

15. Hač runje my z pširodženja židži, a nic hrěšnicy z pohanow smy,

16. Dha wšak wěmy, zo čłowjek přez zakonja skutk prawy činjeny njebudže, ale přez wěru do Jezom Chrysta; teho dla wěrimy my tež do Chrystusa Jezusa, tak zo bychmy prawi byli přez tu wěru do Chrysta, a nic přez teho zakonja skutk; přetož přez teho zakonja skutk njebudže žane čelo prawe. *Rom. 3, 28. St. 4, 5. St. 11, 6.*

17. Dyrbjeli my pak, kiž pytamy přez Chrysta prawi činjeni być, tež hišće sami hrěšnicy namakani być, dha by Chrystus hrěcha služomnik był. Bóh to njedaj! *Rom. 3, 24.*

18. Přetož hdyž ja to, štož sym rozłamał, zaso twarju, dha so sam přestupnik činju.

19. Ja sym pak přez zakon zakonjej wumrěł, zo bych Bohu žiwy był; ja sym z Khryztusom križowany.

20. Ja sym pak tola žiwy; nic pak ja, ale Chrystus je žiwy w mni. A štož nětk žiwy sym w čele, to sym žiwy we wěrje do teho Syna Božeho, kiž mje je lubował a so sam za mnje dał.

21. Ja nječizkam přeč tu hnadu Božu; přetož jeli zo přez zakon ta prawdóse přińdže, dha je Chrystus zawěsće podarmo wumrěł. *Rom. 4, 14.*

3. staw.

**Prawdosć wěry
wobtwjerdžena, prawe
wužiwanje zakonja pokazane.**

1. O njerozomni Galatizy, što je was wobkuzlował, zo tej prawdže njejsće poslušni? Kotrymž Chrystus před wočomaj molowany běše a nětk bjez wami je křižowany.

2. To jene bych ja rad wot was chcył nawuknyć: hač sće wy teho Ducha dóstali přez zakonja skutk abo přez to předowanje wot wěry? *Jap. zk. 2, 38.*

3. Sće wy tak njemudri? W duchu sće wy započeli, chceće dha nětk w čele jo dokonjeć?

4. Sće wy dha tak wjele podarmo ćerpili? jeli zo tež podarmo je.

5. Kotryž wam teho dla nětk teho ducha dawa a čini tajke skutki bjez wami, čini wón to přez teho zapšes nje žiwy. konja skutk abo přez předowanje wot teje wěry? *Rom. 10, 8.*

6. Runje jako Abraham je Bohu wěrił, a to je jemu přicpěte k prawdosći. *1 Móž. 15, 6. Rom. 4, 3. Jak. 2, 23.*

7. Tuž tež wy nětk póznajće, zo kotřiž teje wěry su, tajcy su Abrahamowe džěci.

8. Pismo pak, prjedy widžiwiši to, zo Bóh pohanow přez wěru prawych čini, přinjese wone Abrahamej te wjesele powěsće prjedy: We tebi dyrbja wšitcy póhanjo požohnowani być. *1 Móž. 12, 3. St. 18, 18. St. 22, 18.*

9. A teho dla budža ći, kotřiž teje wěry su, z tym wěrnym Abrahamom

požohnowani.

10. Kotřiž pak ze skutkami teho zakonja wokoło chodža, tajcy su pod poklećom. Přetož pisane steji: Poklaty je kóždy, kotryž njewostanje we wšitkim tym, štož pisane je w knihach teho zakonja, zo by wón to činił. *5 Móž. 27, 26.*

11. So pak přez zakon nchtó prawy njebudže před Bohom, je zjawne; přetož prawy budže po swojej wěry žiwy. *Hab. 2, 4. Rom. 1, 17. Hebr. 10, 38.*

12. Zakon pak njeje z teje wěry; ale čłowjek, kotryž to čini, budže přez nje žiwy. *3 Móž. 18, 5.*

13. Chrystus je nas pak wumóhl z pokleća teho zakonja, jako wón za nas pokleće bu sčinjeny (přetož pisane steji: Poklaty je kóždy, štož na drjewje wisy): *Rom. 8, 3. 5 Móž. 21, 23.*

14. Tak zo by to požohnowanje Abrahamowe bjez pohanow přišlo w Chrystusu Jezusu, a my tak teho slubjeného Ducha dóstali přez wěru. *1 Móž. 12, 3.*

15. Lubi bratřa, ja chcu po čloróskim wašnju rěčeć: Wšak nchtó čloróžke wotkazanje njezazpi, hdyž je wobtwjerdžene, a tež ničo k temu njepšiztaji. *Hebr. 9, 17.*

16. Abrahamej pak je tón slub rěčany a jeho symjenju. Wón njepraji: přez symjenja, jako přez wjele; ale jako přez jene, přez twoje symjo, kotrež je Chrystus. *1 Móž. 22, 18.*

17. Ja pak to praju, zo to wotkazanje, kotrež wot Boha je prjedy wobtwjerdžene na Chrysta, njebudže přez zakon, kiž hakle po štyrjoch stach

a třiceći lětach so spočał je, zahubjene, zo tón slub dyrbjał přestać. 2 Mójz. 12, 40.

18. Přetož hdy by to herbstwo přez zakon zaslubžene bylo, njeby wone přez slub date bylo. Bóh pak je to Abrahamej přez slub z hnady dał. Rom. 4, 13.

19. Što dha dyrbi zakon? Wón je přestupjenjow dla přistajeny, hač by to symjo přišlo, kotremuž so tón slub stał je, a je wustajeny wot jandželow přez ruku teho srědnika.

20. Srědnik pak njeje jeneho; Bóh pak je jedyn. 5 Mójz. 4, 39. St. 6, 4.

21. Kak? Je dha tón zakon přećiwo Božemu slubej? Bóh to njedaj! Hdy by pak zakon daty był, kotryž by mohl žiwych sćinić, dha by zawěsće prawdosć přišla z teho zakonja; Rom. 8, 2. 3. 4.

22. Ale pismo je wšitko pod hrěch wobzamkło, tak zo by tón slub přišoł přez wěru do Jezom Chrysta a daty był wěrjacym. Rom. 3, 9. St. 11, 32. Gal. 3, 14. 26.

Tekst na 1. njedźelu po třoch kralach. IV.

23. [Prjedy pak dyžli wěra přińdže, běchmy pod zakonjom dźerženi a zawrjeni na tu wěru, kotraž so zjewić měješe.

24. A je tak tón zakon naš pětton był na Chrysta, zo bychmy přez wěru prawi byli; Rom. 10, 4.

25. Nětko pak, hdyž wěra přišla je, njejsmy my wjazy pod pěttonom.

26. Přetož wy sće wšitcy Bože dźeći přez tu wěru w Chrystusu Jezusu; Jan. 1, 12.

1, 12.

27. Přetož kaž wjele was na Chrysta kšćenych je, či sće so Chrysta woblekli. Rom. 6, 3. Rom. 13, 14.

28. Tu njeje žadyn žid ani Gricha, tu njeje žadyn wotročk ani frejny, tu njeje žadyn muž ani žona; přetož wy sće wšitcy jedyn w Chrystusu Jezusu. 1 Kor. 12, 13.

29. Sće-li wy pak Chrystusowi, dha sće ždyn Abrahamowe symjo a po slubje herbojo.] Rom. 9, 7.

4. staw.

Wumoženje wot zakonja a dalše wułoženje prawdosće wěry.

Epistola na njedźelu po hodžoch.

1. [Ja praju pak, tak dołho, jako herba dźěćo je, njeje bjez nim a bjez wotročkom žane rozdźělenje, hač wón runje knjez wšitkich kubłow je;

2. Ale wón je pod fómindami a zastojnikami, hač na postajeny čas wot nana.

3. Tak tež my, hdyž smy dźeći byli, běchmy my pod zwonkownymi wustawkami wotročcy sćinjeni; Kol. 2, 20.

4. Jako pak tón čas bě dopjelnjeny, pósła Bóh swjeho Syna, narodženeho wěrneho čłowjeka wot žónskeje a zakonju podaneho, 1 Mójz. 49, 10.

5. So by wón tych, kotřiž pod zakonjom běchu, wumóhl, tak, zo bychmy džěćace prawo zaso dóstali. *St. 3, 13.*

6. Dokelž pak džěći sće, dha je Bóh pósłał teho Ducha swojeho Syna do wašich wutrowow, tón woła: Abba, luby Wótče!

Rom. 8, 15.

7. Nětk teho dla tudy žadyn wotročk wjazy njeje, ale lute džěći. Su-li pak džěći, dha su tež herbojo Boži přez Chrystusa.]

Rom. 8, 17.

8. Ale tehdy pak, jako wy Boha njeznaješće, služešće wy tym, kotřiž woprawdže bohoyo njejsu; *1 Kor. 12, 2.*

9. Nětk pak, hdyž sće Boha póznali, abo wjele wjazy wy wot Boha sće póznaći; kak dha wy so zaso wobroćiće k tym slabym a chudym wustawkam, kotrymž wy z nowoh' služić chceće?

10. Wy dzeržiće dny a měsacy a swjate časy a lěta.

Rom. 14, 5.

11. Ja boju so wo was, zo bych snadž podarmo bjez wami so njeprózował.

12. Budźće wšak tajcy, jako ja; přetož ja sym tež tajki, jako wy. Lubi bratřa, ja prošu was: wy mi žaneje kšiwdy njejsće činili.

13. Přetož wy wěšće, zo wam w slabosći teho čěla to ewangelion sym přédował najprjedy.

14. A moje přeciwnosće, kotrež ja čerpju na mojim čěle, njejsće wy zaccpěli ani zaničowali; ale jako jandžela Božeho wzašće wy mje horje, haj jako Chrystusa Jezusa.

Mat. 2,

7.

15. Kak běšće wy teho dla tehdy tak zbóžni! Ja wam swědču, zo, hdy budžiše

móžno było, wy budžišće swojej woči wutorhali a budžišće je mi dali.

16. Sym dha so tak waš njepšecel sčinił, hdyž wam prawdu praju? *Amos 5, 10.*

17. Woni su surowi wo was, nic pak pěknje; ale z tym woni chcedža dokonjeć, zo byšće wy wote mnje wotpanuli a jich lubowali.

18. Dobře pak je, surowy być, hdyž so jeno přeco stanje wo dobre, a nic jeno, hdyž sam při was sym.

19. Moje lube džěćatka, kotrež ja z nowoh z bolosću porodžu, hač by Chrystus we was swoje byće dóstał. *1 Kor. 4, 15.*

20. Ja pak chcyl, zo bych nětk pola was byl a zo bych swój hlós mohł přeměnić; přetož ja njewěm, kak z wami je.

21. Powěšće mi, kotřiž wy pod zakonjom chceće być: njejsće wy zakon slyšeli?

St. 3, 25.

22. Přetož pisane je, zo Abraham dweju synow měješe, jeneho wot džowki a druheho wot frejneje. *1 Móž. 16, 15.*

St. 21, 2.

23. Ale tón, kotryž wot džowki běše, je so po čěle narodził; tón pak wot frejneje je so přez slub narodził. *Jan. 8, 39. Gal. 4, 28.*

24. Te słowa maja něšto na sebi; přetož to staj taj dwaj zakonjej, jedyn z hory Sinai, kiž nas k službje porodži, a je ta Hagar;

25. Přetož Hagar je we Arabizkej ta hora Sinai a dosahnje hač do Jerusalema, kotrež w nětčišim času je, a služu ze swojimi džěćimi.

26. Ale to Jerusalem, kotrež horkach je, to je ta frejna, kiž je naša wšitkich mać.

Zjew. 3, 12. St. 21, 2. 10.

27. Přetož pisane steji: Zraduj so, ty njeplódna, kiž njeporodžiš; zjero so a wyskaj, kotraž ty samodruha njejsy; přetož ta, kiž sama lutka je, ma wjele wjazy džěci, dyžli ta, kiž muža ma.

Jez. 54, 1.

28. My pak, lubi bratřa, smy z Jzakom džěci po tym slubje.

Rom. 9, 7.

8.

29. Ale runje kaž tehdy tamny, kiž so po čele bě narodžil, přescěhaše teho, kiž so po duchu bě narodžil, tak tež nětk so stanje.

1 Mójz. 21, 9.

30. Ale što praji pismo? Wustorkaj džowku z jejnym synom; přetož džowzyny syn njedyrbi herbować ze synom teje frejneje.

1 Mójz. 21, 10. 12.

31. Teho dla, lubi bratřa, njejsmy my teje džowki džěci, ale teje frejneje.

5. staw.

Napominanje k prawemu wužiwanju křescanskeje swobody a k dobrym skutkam.

1. Stejće teho dla w tej frejoće, z kotrejž nas Chrystus je frej sćinił, a njepodawajće so z nowa do teho wotročkoweho spřaha zapřahnyć.

Jan. 8, 32.

2. Hlaj, ja, Pawoł, praju wam: Budžeće-li so dać wobřezać, dha wam Chrystus ničo wušny njeje.

Jap. zk. 15,

1.

3. A zaso wobswědču ja kóždemu čłowjekej, kiž so da wobřezać, zo tón je winojty, wšón zakon džeržeć.

4. Wy sće Chrysta zhubili, kotřiž wy přez zakon chceće prawi činjeni być; wy sće wupanuli z hnady.

St. 2, 21.

5. My pak wočakamy w duchu přez wěru teje prawdosće, kotrejež so nadžec mamy.

2 Tim. 4, 8.

6. Přetož w Chrystusu Jezusu njeplaći ani wobřezanje, ani njewobřezanje, ale ta wěra, kotraž přez lubosć je džělawa.

1 Kor. 7,

10.

7. Wy bžezće derje; što je was zatorhnył, zo byšće prawdže njeposluchali?

St. 3, 1. 1 Kor. 9,

24.

8. Tajke naryćenje njeje z teho, kiž was je powolał.

St. 1, 6.

9. Kuzk kwasa pšekiše wšitko često.

1 Kor. 5, 6.

10. Ja mam nadžiju k wam w tym Knjezu, zo wy ničo hinak myslić njebudžeće. Štóz was pak zamyli, tón ponjese swój sud, njech je, štóz chce.

Kor.

2, 3. St. 8, 22.

11. Ja pak, lubi bratřa, jeli zo to wobřezanje hišće předuju, čoho dla dha ja hišće přećiwnosć ćerpju? Dha by to pohóršenje teho křiža přestało.

1 Kor. 1, 23.

12. O zo bychy tež tajcy wukorjenjeni byli, kotřiž wam njepokoj činja!

13. Přetož wy, lubi bratřa, sće k frejoće powołani; ale hladaće so jeno, zo byšće přez frejotu temu čělu města njedali, ale přez lubosć služ jedyn druhemu.

1 Kor. 8, 9.

14. Přetož wšitkón zakon budže w jednym słowje dopjelny, to je w tym: Lubuj swjeho bližšeho jako sam so. *3 Mójs. 19, 18.*

15. Jeli zo wy so pak bjez sobu kusaće a žerjeće, tuž so hladajće, zo byšće jedyn wot druheho skaženi njebyli. *2 Kor. 12, 20.*

16. Ja praju pak: Khodźće w duchu, dha njebudžeće teho čěla žadosće dokonjeć. *Rom. 6, 12.*

17. Přetož čělo požada přeciwo duchu, a duch přeciwo čělu; taj pak staj sebi přeciwnaj, tak zo wy to nječiniće, štož chceće.

18. Jeli zo pak was tón duch wjedže, dha njejsće wy pod zakonjom.

19. Zjawne su pak skutki teho čěla, kotrež te su: Mandželztwołamanje, kurwarstwo, nječiztožć, njepózcíwožć, *1 Kor. 6, 9.*

20. Přibójstwo, kuzłowanje, njepšćelstwo, zwada, surowosć, hněwanje, poswarki, roztorki, kezařstwo,

21. Zawisć, mordowanje, wopilstwo, wobžranstwo a tym podobne wěcy, wot kotrychž ja wam prjedy praju, kaž tež wam prjedy prajił sym, zo, kotřiž tajke činja, njebudža Bože kralestwo herbować. *Luk. 21, 34. 1 Kor. 6, 9, 10.*

22. Tón plód pak teho ducha je lubosć, wjeselosć, měř, sćerpliwość, luboznožć, dobroćiwosć, wěra, *Eph. 5, 9.*

23. Čžichozć, póćiwosć. Přeciwo tajkim njeje zakon.

24. Kotřiž pak Chrystusej přislušeju, čí kšžžuja swoje čělo z tymi lóštami a

žadosćemi.

1 Kor. 15, 23.

6. staw.

Cžicha mysl a dobroćiwosć dyrbi so wopokazać.

Epistola na 15. njedželu po swj. Trojicy.

25. [Smy-li w duchu žiwi, dha khodźmy tež w duchu.

26. Njebudźmy prózdneje česće lakomni, hdžež jeno jedyn druheho wabimy a sebi bjez sobu zawidźimy. *Phil. 2, 3.*

St. 6. Scht. 1. Lubi bratřa, hdy by něhdže čłowjek wot někajkeho pada přechwatany był, dha pomhajće jemu zaso horje z čichim duchom, kiž wy duchowni sće. A pohladaj sam na so, zo by tež spytany njebył. *Mat. 18, 15.*

2. Njech jedyn njese teho druheho wobćežnosć, dha budžeće wy tak tón zakon Chrystusowy dopjelnić. *Rom. 14, 1.*

3. Jeli zo so pak někomu zda, zo wón něšto je, kiž wón wšak nič njeje, tajki zjebje so sam w svojich myslach; *Jak. 1, 26.*

4. Kóždy pak njech spyta swój skutk, a tehdy budže wón chwalbu měć sam na sebi, a nic na druhim; *1 Kor. 11, 28.*

5. Přetož kóždy budže swoje břemjo njesc.] *1 Kor. 3, 8. 2 Kor. 5, 10.*

6. Štož pak rozwučeny budže z Božim słowom, tón wudžel wšelku do-brotu temu, kiž jeho rozwučuje.

Epistola na 24. njedźelu po swj. Trojicy.

7. [Njemolće so, Bóh so njeda za směch měć. Přetož štož čłowjek syje, to budže wón tež žnjeć. *1 Kor. 6, 9.*

8. Štóz na swoje čelo syje, tón budže wot čěla skaženje žnjeć. Štóz pak na ducha syje, tón budže wot ducha žnjeć wěčne žiwjenje. *Přisl. 22, 8.*

9. Njedajće nam pak při našim dobrym činjenju wustać; přetož w swojim času budžemy tež žnjeć bjez přestaća. *2 Thes. 3, 13.*

10. Teho dla, dokelž nětk čas mamy, dha činmy dobrotu na wšitkich ludžoch, najwjacy pak nad tymi, kiž našeje wěry su.]

11. Hladajće, kak z wjele słowami sym ja wam pisał ze swojej ruku.

12. Kotřiž so chcedža spodobni činić po tym čěle, tajcy nuća was, zo byšće so wobřezali, jeno zo bychu woni Chrystusoweho křiža dla njetrjebali přescěhanje čerpić. *Phil. 3, 18.*

13. Přetož ani woni sami, kotřiž so dadža wobřezac, njezakhowaju zakon; ale chcedža, zo byšće wy byli wobřezani, tak zo bychu so woni z wašeho čěla khwalili. *Jap. zk. 15, 10.*

14. Ale njedaj, Božo, zo bych so ja něšto chwalil, chiba jeno w křižu našeho Knjeza Jezom Chrysta, přez kotrehož mi tež swět je křižowany a ja swětej. *Jer. 9, 24. 1 Kor. 1, 31.*

15. Přetož w Chrystusu Jezusu njepláči ničo ani wobřezanje ani njewobřezanje, ale nowe stworjenje.

16. A kotřiž po tutym puću chodža,

nad tymi budž měř a smilnosť a na tym Israelu Božim.

17. Tam dale nječin mi nchtó wjazy prócy; přetož ja njesu te bluzny teho Knjeza Jezom Chrysta na swojim čěle.

18. Ta hnada našeho Knjeza Jezom Chrysta budž z wašim duchom, lubi bratřa. Hamjeń. *Phil. 4, 23. 2 Tim. 4, 22.*

List na Galatizkich pisany a pósłany z Roma.

List swj. japoštoła Pawoła na Ephefizkich.

Prěni staw.

*Džakowanje za duchowne
dobroty Bože; založk hnad-
neho wuzwolenja; modlenje
wo pšizporjenje wěry.*

1. Pawoł, japoštoł Jezom Chrysta přez Božu wolu, tym swjatym we Ephezu a wěrnym w Chrystusu Jezusu: *2 Kor. 1, 1: 1 Kor. 1, 2.*

2. Hnada budź z wami a měr wot Boha, našeho Wótcy, a teho Knjeza Jezom Chrysta. *Rom. 1, 7.*

*Epistola na 5. njedźelu po
třoch kralach.*

3. [Chwaleny budź Bóh a tón Wótc našeho Knjeza Jezom Chrysta, kiž nas požohnował je ze wšěm duchomnym požohnowanjom w njebjezkich (wěcach) přez Chrystusa; *1 Pětr. 1, 3.*

4. Kaž nas wuzwolił je přez teho sameho, prjedy dyžli teho swěta grunt založeny bě, zo bychmy my swjeći byli a

bjez poroka před nim w lubosći; *Jan. 15, 16.*

5. A je nas sebi prjedy wustajil k džěcatztwu přez Jezom Chrysta, po dobrym zpodobanju swojeje wole, *Rom. 8, 1b.*

6. K chwalbje swojeje krasneje hnady, přez kotruž wón nas je zpodobnych sćinił w tym lubowanym; *Mat. 3, 17.*

7. Na kotrymž my mamy to wumóženje přez jeho krej, tych hrěchow wodaće, po tym bohatztwje jeho hnady, *Jap. zk. 20, 28.*

8. Kotraž so nam bohaće je doztała přez wšelki rozum a mudrosć;

9. A je nam k wědženju dał tu potajnozć swojeje wole po swojim dobrym zpodobanju, kotřež wón běše wustajil sam při sebi, *Kol. 1, 26.*

10. So by předomane było, jako tón čas bě dopjelnjeny, tak zo bychy wšitke wěcy na jene zhromadžene byle w Chrystusu, wšitko, štož na njebjesach a štož na zemi je, přez njeho sameho; *Gal. 4, 4.*

11. Přez kotrehož my tež k temu herbztwu smy pšipušćeni, kiž my smy pr-

jedy wuztajeni, po tym naztajeńu teho, kiž wšitke wěcy čini po radže swojeje wole,

Jap. zk. 26, 18.

12. Tak zo bychmy něšto byli k chwalbje jeho krasnosće, kiž my smy přjedy nadźiju měli w Chrystusu;

Gal. 3, 23.

25.

13. Přez kotrehož tež wy sće slyšeli to słowo teje prawdy, to je to ewangelion wot wašeje zbóžnozće; přez kotrehož wy tež, jako wy wěrješće, zazyglowani sće z tym swjatym Duchom teho slubjenja,

St. 4, 30.

14. Kiž je zawdawk našeho herbztwa na naše wumoženje, zo bychmy sami jeho byli k chwalbje jeho česće.

2 Kor. 1, 22.

Epistola na 2. swjedžen swjatkow.

15. [Teho dla tež ja, hdyž slyšał sym wot teje wěry, kotruž wy maće na teho Knjeza Jezusa a wot wašeje lubosće k wšitkim swjatym,

Kol. 1, 4.

16. Njepsęztawam so za was džakować a spominam na was w mojej modlitwje,

17. So by Bóh našeho Knjeza Jezom Chrysta, tón Wótc teje česće, wam dał ducha teho rozuma a zjewjenja, k swojemu samemu póznaću,

18. A rosswětlenej woči wašeje mysle, zo byšće wy póznali, kotra ta nadźija je wašeho powołanja, a kotre je to bohatstwo jeho krasneho herbztwa za swojich swjatych,

2 Kor. 4,

4.

19. Tež kotra je ta jeho přez měru wulka móc přeciwo nam, kiž my wěrimy, po tym dokonjenju jeho móžneje sylnozće.

1 gor. 2,

5.

Epistola na Bože spěće.

20. [Bóh je móžnu sylnozć wopokazał na Chrystusu, jako jeho je wot morwych horje zbudził a jeho sadził na swoju prawicu w njebiesach,

Jap. zk. 3, 15.

21. Wyše wšitke fěrščinztwa, krasnosće, mocy, knjejztwa a na wšitko, štož mjeno ma a mjenowane budže, nic jeno na tym swěće, ale tež w přichodnym;

22. A je wšitko pod jeho nohi podał a jeho postajił za hłowu na wšitko tej cyrkwi,

Ps. 8, 7. 8.

23. Kotraž jeho čelo je a dopjelnozć teho, kiž wšitko we wšitkich napjelni.]

Rom. 12, 5.

2. Staw.

Hubjenozć čłowjeka zwonkach Chrystusa, a zbóžne žiwjenje w Chrystusu.

1. A tež was je wón horje zbudził z Khryztusom, jako wy morwi běšće přez přestupjenje a přez hrěchi,

Kol. 2, 13.

2. W kotrychž wy něhdy sće chodžili po wašnju teho swěta a po fěršće, kotryž na wětře knježi; to je po tym duchu, kotryž nětka swoje činjenje ma w džěcoch teje njewěry,

Tit. 3, 3.

3. Bjez kotrymiž tež my wšitcy něhdy khodžachmy w žadosćach našeho čěla a činjachmy to, štož so spodobaše čělu a myslam, a běchmy z pširodženja džěci teho hněwa, runje jako tež či druzy. *Kol. 3, 7.*

Epistola na njedźelu Exaudi.

4. Ale Bóh, kiž je bohaty na smilnozći, swojeje wulkeje miłosće dla, z kotrejž wón nas je lubował, *St. 1, 7.*

5. Jako my morwi běchmy w hrěchach, je nas z Khryztusom žiwych sćinił (přeťož z hnadu sće wy zbóžni sćinjeni); *Rom. 5, 6 x.*

6. Tež je nas z nim zbudził a sobu z nim na njebjeske sadžil w Chrystusu Jezusu, *2 Kor. 4, 14.*

7. Tak zo by wón wopokazał w pšichodnych časach to přez měru wulke bohatstwo swojeje hnady, ze swojeje dobroćiwozće, kotruž wón nad nami zjewi w Chrystusu Jezusu.

8. Přeťož z hnady sće wy zbóžni sćinjeni přez wěru (a to njeje wot was: Boží dar to je); *Gal. 2, 16.*

9. Nic ze skutkow, zo by so ničtó njekhwalił.

10. Přeťož my smy jeho skutk, ztworjeni w Chrystusu Jezusu k dobrým skutkam, na kotrež Bóh nas přjedy je zhotował, zo bychmy w nich chodžili. *Ps. 100,3. Tit. 2, 11.*

11. Teho dla zpomńće na to, zo wy, kiž wy něhdy sće póhanjo byli po čěle a njewobřezk mjenowani běšće wot tych, kiž su mjenowani to wobřezanje po čěle,

kotrež so z ruku stanje, *St. 5, 8. 1 Kor. 12, 2.*

12. So wy w tamnym času sće bjez Chrystusa byli, cuzy a wotdžěleni wot Israelskeho měšćanztwa, tež cuzy wot tych zakonjow teho sluba; a njeměješće žaneje nadźije a běšće bjez Boha na swěće; *Neh. 2, 20. Rom. 9, 4.*

13. Nětk pak sće wy w Chrystusu Jezusu, kiž něhdy dalozy sće byli, blizy sćinjeni přez tu krej Chrystusowu.

14. Přeťož wón je naš měr, kiž wot wobeju je jene sćinił a je wotłamał plót, kotryž srjedža běše, a přez swoje čělo přeć wzał to njepšećelstwo, *Jez. 9, 6. Jap. zk. 10, 36.*

15. To je, wón je tón zakon tych kaznjow, kiž wosebne wučby měješe, zahubił, zo tajke wučby wjazy njeplaća; zo by tak wot dweju (wot Žida a wot póhana) jeneho noweho čłowjeka (abo křescana) sam přez so stworił a měr sćinił; *Kol. 2, 14.*

16. A zo by wón wobeju w jednym čěle z Bohom zjednał, přez tón křiž, na kotrymž wón sam přez so to njepšećelstwo je morił; *Kol. 1, 20.*

17. A je přišoł a měr připowědał přez to ewangelion tak derje wam, kiž wy daleko běšće, jako tež tym, kotřiž blisko běchu;

18. Přeťož přez njeho mój wobaj dwaj mamój w jednym duchu pšiztup k temu Wótcu. *Jan. 14, 6.*

Epistola na swjatočnicku.

19. [Dha teho dla wy nětk njejsće wjazy hozćo a podrožnizy, ale bėrgarjo z tymi

swjatymi a Boži domjacy, *Phil. 3, 20.*
Hebr. 12, 22. 23.

20. Natwarjeni na grunt tych japoštołow a profetow, hdžež Jezus Chrystus sam różkny kamjeń je,

21. Na kotrymž to cyle twarjenje hromadu zwjazane rozće k swjatemu templu w tym Knjezu, *St. 4, 16.*

22. Na kotrymž tež wy sobu ztwarjeni sće k Božemu wobydlenju w tym Duchu.] *1 Pětr. 2, 5.*

3. Staw.

Chwalba předařzkeho zastojństwa, jako pomocneje wěcy wobroćenja.

1. Teho dla ja, Pawoł, kiž sym jaty Chrystusowy Jezusowy za was po-hanow, *Jap. zk. 21, 33. Phil. 1, 7.*

2. Dokelž sće slyšeli wot teho zastojństwa teje hnady Božeje, kotrež mi waše dla date je, *Jap. zk. 9, 15.*

3. So mi přez Bože zjewjenje je k wědženju sćinjene to potajnstwo, kaž ja wam prjedy z krótkim sym pisał,

4. S kotrehož, hdyž jo lazujeće, wy zrozumić móžeće moju wědomnozc w tym Chrystusowym potajnstwje, *Kol. 4, 3.*

5. Kotrež w zachodnym času njeje zjewjene było tym čloróskim džěćom, jako nětko je zjewjene jeho swjatym japoštołam a profetam přez Ducha;

6. To je, zo póhanjo su sobuherbojo a jene čěło, tež runje dostojni jeho sluba w Chrystusu, přez to ewangelion, *Gal. 3, 28. 29.*

7. Kotrehož ja sym služomnik postajeny po darje teje hnady Božeje, kiž mi data je po zamóženju jeho mocy; *Rom. 1, 5.*

8. Mi, temu najnižšemu bjez wšitkimi swjatymi, je data ta hnada, zo bych bjez tymi pohanami připowědał to njedowuslědžene bohatstwo Chrystusowe; *1 Kor. 15, 9. 10. Jap. zk. 9, 15. Gal. 1, 16.*

9. A zo bych rosswěcił wšitkich, što to je to rune doztaće teho potajnstwa, kotrež wot spočatka teho swěta hew je potajene było w Bosy, kiž wšitke wěcy je stworil přez Jezom Chrysta, *Jap. zk. 26, 188. Rom. 16, 25.*

10. Tak zo by nětko wědomna była zćinjena tym fěrščinztwam a knjejztwam na njebiesach přez cyrkej ta wšelka mudrosć Boža, *1 Pětr. 1, 12.*

11. Po tym wěčnym poztajenju, kotrež wón je sćinil w Chrystusu Jezusu, našim Knjezu,

12. Přez kotrehož my mamy tu chroblosć a tón pšiztup z cyleje nadžije přez wěru do njeho. *Jan. 14, 6.*

13. Dha prošu ja, zo by so wam njew-oztudžilo w mojich žalozcach, kotrež ja za was čerpju, dokelž to waša česć je. *1 Thes. 3, 3.*

***Epistola na 16. njeźdelu po 4. Staw.
swj. Trojicy.***

14. [Teho dla zhibuju ja swoje kolena k Wótcu našeho Knjeza Jezom Chrysta,

15. Kiž tón prawy Wócez je nade wšitkimi, kotrymž džěci rěkaju w nje-bjesach a na zemi,

16. So by wón wam dał po tym bohatztwje swojeje krasnosće, zo byšće přez jeho Ducha na znatskym čłowjeku so z mozu posylili, *St. 6, 10.*

17. Tak zo by Chrystus přez wěru bydlil we wašich wutrobach, wy pak w lubosći zakorjenjeni a založeni byli;

18. Zo byšće zaprijeć móhli ze wšemi swjatymi, kotra je ta šerokozć a dolhozć a wysokozć a hlubokosć; *Hiob. 11, 8. 9.*

19. Tež pónali, *zo Chrystusa lubować wjele lěpje je, dyžli wšitko wjedźić, zo byšće napjelnjeni byli ze wšej Božej počezću. * (abo: Chrystusowu lubosć, kotraž však wšitke pónaće přetrjechi).

20. Temu pak, kiž přez měru činić móže pře wšitko, štož prosimy abo myslimy, po tej mocy, kotraž we nas móčna je, *Rom. 16, 25.*

21. Temu budź česć w tej zyrkwinej gmejnje, kotraž w Khryztu Jezusu je, kóždy čas, wot wěčnosće hač do wěčnosće. Hamjen.] *Rom. 186, 27.*

***Napominanje k bohaborjozći
a k jednoće, wužitneho hor-
jeztpića Chrystusoweho dla,
a zo so dyrbyja hrěchow a
zlózców hladać.***

***Epistola na 17. njeźdelu po
swj. Trojicy.***

1. [Teho dla napominam was ja jaty w tym Knjezu, zo byšće chodźili, kaž so hodži po tym powołanju, z kotrymž powołani sće, *Jap. zk. 21, 33.*

2. Se wšej ponižnozću a čichej myslu, ze zčerpnozću, a znjezće jedyn druhého w lubosći; *Kol. 3, 12.*

3. A hladaće swěru na to, zo byšće jednotu teho ducha zdžerželi, přez zwjazk teho měra;

4. Jene čelo a jedyn duch, jako wy tež powołani sće na jenu nadžiju washego powołanja; *Rom. 12, 5. Jan. 14, 23.*

5. Jedyn Knjez, jena wěra, jena křćenica; *5 Mójz. 6, 4. 1 Kor. 8, 4. 6.*

6. Jedyn Bóh a Wócez wšitkich, kiž je wyše wšitkich a přez wšitkich a we was wšitkich.] *Mal. 2, 10. 1 Kor. 12, 6.*

7. Kóždemu pak bjez nami je hnada data po tej měrje Chrystusoweho dara. *1 Kor. 12, 11.*

8. Teho dla praji wón: Wón je horjeztpił do wysokosće a je jastwo jate wjedł a ludžom dary dawał. *Ps. 68, 19.*

9. So pak je horjeztpił, što to je, chiba zo wón tež je dele stupił do najpódnišich městow teje zemje?

10. Tón, kiž je dele stupił, je tež tón samy, kiž je horjeztpił wyše wšitkich njebiesow, zo by wšitko napjelnil.

11. A wón je někotrych dał k japoštołam, někotrych pak k profetam, někotrych k ewangeliztam, někotrych pak k paztyrjam a k wučerjam, 1 Kor. 12, 28. Jap. zk. 11, 27.

12. So bychy so ći swjeći porjedźili na džěło teho hamta, přez kotryž Chrystusowe ćěło by natwarjene było;

13. Hač my wšitcy dóndžemy k jenakej wěrze a póznaću teho Syna Božeho, a dokonjany muž budžemy po tej měrje tych dopjelnjenych lětow Chrystusowych; St. 3, 18. 19.

14. So bychmy wjazy džěći njebyli a so njedali tam a sem khablać a wokoło hnać wot kóžděho wětra teje wučby, přez tych ludźi šibałstwo a lesnosť, z kotrejž na nas łakaju, zo bychy nas zawjedli. 1 Kor. 14, 20.

15. Budžmy pak prawje swěrní na lubosći a rozčmy we wšitkim na tym, kiž ta hlowa je, to je Chrystus; St. 5, 23.

16. Na kotrymž to cyłe ćěło, přistojnje zložene a zanknjene na wšěch stawach, přez jene zhibadło temu druhemu k pomocy přińdže, —z rukomaj něšto dobre, zo by dapo zamóženju, kotrež w kóždym zhibadle je po swojej měrje a čini, zo ćěło rozće a so samo twari, a to wšitko w lubosći. Rom. 12, 5. 1 Kor. 12, 12.

17. To praju ja teho dla a swědču w tym Knjezu, zo njebyšće wy wjazy tak chodźili, kaž ći druzy póhanjo chodža, po kničomnozcí swojeje mysle, Rom. 1,

21.

18. Kotrychž rozum je začmity, a su wotdžěleni wot Božeho žiwjenja přez tu njewědomnozc, kotraž w nich je, přez zaslepjenje jich wutroby; St. 2, 12. 1 Thes. 4, 5.

19. Kiž su ztwjerdnjeni a su so podali na njepózćiwozć a ćěrja wšelku nječiztozc a lakomnozc. Rom. 1, 24. 26.

20. Wy pak njejsće Chrystusa tak nawukli;

21. Jeli zo jeno wot njeho sće slyšeli a w nim sće wučeni, kak w Jezusu ta prawda je.

Epistola na 19. njedželu po swj. Trojicy.

22. [Dha wotpołożće po přěšim wašnju teho stareho čłowjeka, kiž přez jebate lóšty so skazy; Rom. 6, 6. Kol. 3, 8. 1 Pětr. 2, 1.

23. Wobnorbće so pak w duchu swojeje mysle, Rom. 12, 2. Kol. 3, 10.

24. A woblečće so teho noweho čłowjeka, kotryž po Bosy ztworjeny je we wěrnej prawdosći a swjatosći. 1 Mójz. 1, 26. 27.

25. Teho dla wotkładźće lžu a ryčće wěrność, kóždy ze swojim bližšim, dokelž my stawy smy bjez sobu. Kol. 3, 9. Rom. 12, 5.

26. Hněwaće-li wy so, dha njehršće. šim hněwje zakhadźeć. Ps. 4, 5. Jak. 1, 19.

27. Njedajće tež města temu, kiž hani. 1 Pětr. 5, 9. Jak. 4, 7.

28. Štóz kranyl je, tón njekrań wjazy; ale njech so prózuje a džěla Njedajće

slóncu na wa— wać měł potřebnemu.]

1 *Theś. 4, 11.*

29. Njedajće žanej zhnilej řeči z vašeho erta won hić, ale kotraž dobra je k polěpšenju, hdžež trjeba je, zo by lubozna była k słyšenju. *Kol. 3, 16. 17.*

30. A njezrudźće teho swjateho Božeho Ducha, z kotrymž wy sće zazygłowani na džeń teho wumoženja.

31. Wšitka hófkózć a surowosć a hněw a hawtowanje a zle ryćenje budź daloko wot was, ze wšitkej zlóscu; *Kol. 3, 8.*

32. Budźće pak jedyn přećiwo druhemu dobroćiwi, miłosćiwi, a wodajće sebi, jako tež wam Bóh w Chrystusu je wodawał. *Phil. 2, 1. Kol. 3, 12.*

5. Staw.

Napominanje k sw-jatemu žiwjenju; wučba za mandźelzkich, mužow a žony.

Epistola na njedźelu Oculi.

1. [Činće teho dla po Bosy, jako lube džěci,

2. A khodźće w lubosći, jako tež Chrystus nas je lubował a je so sam za nas podał za dar a wopor, Bohu k slódkemu wonjenju. *Mark. 12, 31.*

3. Kurwarstwo pak a wša nječiztozć abo lakomstwo njedyrbi tež bjez wami mjenowane być, jako so swjatym słuša; *Kol. 3, 5.*

4. Tež nic njehorne słowa a nablazne ryče abo žorty, kiž wam njepšizteja, ale wjele wjazy džakowanje. *St. 4, 29.*

5. Přetož to dyrbiće wy wjedzić, zo žadyn kurwař abo nječisty abo lakomny, kotryž je pšibóžnik, nima herbztwa na Chrystusowym a Božim kralestwje.

6. Njedajće so nikomu zawjezć z prózdnymi ryčemi; přetož tych wěcow dla přińdže hněw Boži na džěci teje njewěry. *Mat. 24, 4. Mark. 13, 5. Luk. 21, 8. 1Kór. 15, 33. 2 Theś. 2, 3.*

7. Teho dla njebudźće jich towařsojo.

8. Přetož wy běšće prjedy ćmność, nětk pak sće swětlość w tym Knjezu. Khodźće jako džěci teho swětła. *1 Pětr. 2, 9. Jan. 12, 36.*

9. Teho ducha plód so wopokazuje we wšej dobroće a prawdosći a wěrnosći.]

10. Tež zpytajće, što by temu Knjezež spodobne było; *Rom. 12, 2.*

11. A njemějće ničo činić z tymi njeplódnymi skutkami teje čmy, ale swařće wjele bóle na nje. *2 Kor. 6, 14. 2 Theś. 3, 14.*

12. Přetož štož so skradžu wot nich stanje, to je tež hroznje prajić.

13. To wšitko pak budže zjawne, hdyž budže wot swětła dowjedžene. Přetož wšitko, štož budže zjawne, to je swětlo.

14. Teho dla praji wón: Wozuć, kiž ty spiš, a stawaj wot morwych, dha budže će Chrystus rozswětlić. *Jez. 60, 1.*

15. Dha hladaćće, kak byšće rozumnje chodžili, nic jako ci njemudri, ale jako ci mudri; *Mat. 10, 16.*

16. A wukupće sebi sprawný čas, přetož tón čas je zły. *Rom. 12, 11. Kol. 4, 5.*

17. Teho dla njebudźće njerozomni, ale rozumni na to, što by była teho Knjeza wola.

Rom. 12, 2. 1 Thes. 4,

3.

18. A njewopijće so wina, z kotrehož njezdobne wašnje přińdže; ale budźće poľni ducha,

Luk. 21, 34.

19. A ryčće bjez sobu wot pzal-mow a wot khwalobnych a duchownych khěrlušow, zpěwajće a hrajće temu Knjezej we wašej wutrobje;

Kol. 3,

16.

20. A džakujće so kóždy čas za wšo Bohu a temu Wótcu w tym mjenje našeho Knjeza Jezom Chrysta;

Kol. 3,

17.

21. A budźće jedyn druhemu poddani w bohabojsći.

1 Pětr. 5, 5.

Tekst na 21. njedźelu po swj. Trojicy. IV.

22. Wy žony, budźće poddane swojim mužam, jako temu Knjezej.

1 Móž. 3,

16. *Kol. 3, 18. 1 Pětr. 3, 1.*

23. Přetož tón muž je teje žony hłowa, runje jako tež Chrystus je hłowa teje gmejny, a wón je swojeho ćěla zbóžnik.

1 Kor. 11, 3.

24. Ale kaž ta gmejna je Chrystusej poddana, tak tež žony swojim mužam we wšěch wěcach.

25. Wy mužojo, lubujće swoje žony, runje jako Chrystus lubował je tu gmejnju a je so sam za nju podaľ,

Kol. 3, 19.

Gal. 2, 20.

26. So by wón ju woswjećil, a je ju wučisćil přez tu kupjel w tym słowje,

Jan. 17, 17.

27. So by ju sam sebi postajil za krasnu gmejnu, kotraž njebyła zmazana abo njeměla žaneho zmorzka, ani ničeho tajkeho, ale zo by swjata a bjez poroka byla.

Ps. 45, 14.

28. Tak dyrbja tež ći mužojo swoje žony lubować jako same swoje ćěla. Štóz swoju žonu lubuje, tón lubuje sam so.

29. Přetož nchtó njeje nihdy sam swoje ćělo hidzil; ale wón je kubľa a pyta, runje jako tež tón Knjez tu gmejnju.

30. Přetož my smy stawy jeho ćěla, wot jeho mjasa a wot jeho kozćow.

Rom. 12, 5. 1 Kor. 6, 15.

31. Teho dla budźe čłowjek swojeho nana a swoju maćer wopušćić a k swojej žonje so džeržeć, a budžetaj dwaj jene ćělo.

Mat. 19, 5.

32. Ta potajnozć je wulka: ja praju pak wot Chrystusa a wot teje gmejny.

33. Dha tež wy pak; haj, kóždy měj swoju žonu tak lubo, jako sam so; ta žona pak njech so boji teho muža.]

6. Staw.

Kšezćijanška domjaza tafla, duchowne brónje.

Tekst na njedźelu Mizericordias Domini. IV.

1. [Wy džěći, budźće poslušne swojima staršimaj w tym Knjezu; přetož to je zdobne. *Kol. 3, 20.*

2. Česć swojeho nana a maćer, to je ta přěnja kazń, kotraž slubjenje ma: 2

Móž. 20, 12. 5 Móž. 5, 16.

3. "So so ci derje pónǵe a ty doľho žiwy budžeš na zemi."

4. A wy nanojo, njewabće swoje dǵěci k hněwej; ale čehněce je horje w pózcíwózci a w napominanju k temu Knjezej.]

Kol. 3,

21.

5. Wy wotročcy, posľuchajće wašich čěľnych knježich z bojósću a z tšepjetanjom, w swěrnósći wašeje wutroby, jako Chrystusej samemu; *Kol. 3, 22. Tit. 2, 9. Phil. 2, 12. 1 Pětr. 2, 18.*

6. Nic jeno ze službu přeď wočomaj, jako čľowjekam k ľubósći, ale jako wotročcy Chrystusowi, zo byšće tajku wolu Božu činili z wutrobu a z dobrej wolu.

7. A wěšće, zo wy temu Knjezej služice a nic čľowjekam;

8. A štož kóždy dobre čini, za to budže wón wot teho Knjeza mzdu dostać, njech je wotroček abo frejny. *Rom. 2, 6. 1 Kor. 3, 8.*

9. A wy knježa, činíce to same tež na nich a wostajće so wašeho hroženja; a wěšće, zo tež waš a jich samych Knjez w njebjesach je, a wón njehlada na žanu paršonu. *Jap. zk. 10, 34.*

Epistola na 21. njedǵelu po swj. Trojicy.

10. [Najposlezy, moji bratřa, posylńice so w tym Knjezu a w tej mocy jeho sylnozće. *1 Kor. 16, 13.*

11. Wobleće so cyľu brón Božu, zo byšće wy móľli wobstać přećiwo

čertowzkemu lesnemu nadběhanju.

12. Přetož my nimamy z krvju a z čěľom wojować, ale z fěřštami a z móžnymi a z knježimi teho swěta, kotřiz w tej swětnej čěmnosći knježa, z tymi zľymi duchami pod njebjesami. *Mat. 16, 17. Jan. 14, 30.*

13. Teho dla wzmiće na so cyľu brón Božu, zo byšće wy, hdyž ta zľa štunda přinǵe, móľli napřećiwo stać, wšitko derje dokonjeć a wobstać.

14. Dha stejće a wopasajće swoje ledžby z wěrnózću a wobleće so kabat teje prawdosće, *Luk. 12, 35.*

15. A wobujće so škórnje, zo byšće hotowi byli na ewangelion teho měřa.

16. Nade wšitko zapšimńice škit teje wěry, z kotrymž zahasyć móžeće wšitke žehľiwe šipy teho zľeho njepřećela; *1 Pětr. 5, 9.*

17. A wzmiće kľobuk teho zboža a mječ teho Ducha, kotryž je Bože słowo.] *Jez. 59, 17. 1 Thes. 5, 8.*

18. Tež modľce so stajnje k Bohu we wšitkej nuzy, z próřtwu a z modľitwu w Duchu, a wachujće na to ze wšej wobztaľnozću a próřtwu za wšitkich swjatych,

19. Tež za mnje, zo by mi date byľo to słowo z wjesěľym wotewrjenjom mojeho erta, zo bych wěďomne sćiniľ to potaľjnztwo teho ewangelija, *Kol. 4, 3. 2 Thes. 3, 1.*

20. Kotrehož posoľ ja sym w rječazach, zo bych wot teho sameho chroble řećaľ, kaš so zaleži.

21. So byšće pak wy tež wěďzeli, kak zo mnu steji a što činju, to budže wam wšitko k wěďzenju sćinić Tychik, mój ľuby bratr a swěrný služomnik w tym

Knjezu, *Jap. zk. 20, 4.*

22. Kotrehož teho sameho dla sym
k wam póslał, zo byšće zhonili, kak zo
mnu steji, a zo by wón waše wutroby
troštował. *Kol. 4, 7.*

23. Měr budź z tymi bratrami a lu-
bosć z wěru wot Boha Wótca a za Jezom
Chrysta.

24. Hnada budź ze wšitkimi,
kotřiž lubo maja našeho Knjeza Jezom
Chrysta wobstajnje. Hamjeń. *2 Kor.*
13, 13.

List, pisany z Roma na Ephesiskich a
pósłany přez Tychika.

List swj. japoštoła Pawoła na Philippizkich.

Prěni staw.

***Džakowanje zwjazaneho
Pawoła. Modlitwa a napom-
inanje k wobztajnemu
bědženju wěry.***

1. Pawoł a Timothej, wotročak Jezom Chrysta, wšitkim tym swjatym w Chrystusu Jezusu, kotřiž su w měsće Philippi, tež tym bizkopam a služomnikam; *1 Kor. 1, 2.*

2. Hnada budź z wami a měř wot Boha, našeho Wótca, a teho Knjeza Jezom Chrysta. *Rom. 1, 7.*

***Epistola na 22. njedźelu po
swj. Trojicy.***

3. [Ja so džakuju swojemu Bohu, tak husto jako na was spominam, *Rom. 1, 8.*

4. (Kotrež ja přeco činju w kóždej mojej próstwje za was wšitkich, a činju tu próstwu z wjeselom,)

5. Sa waše towarstwo na tym ewangeliju, wot přenjeho dnja hač sem;

6. A sym teje dobreje nadźije, zo tón samy, kiž we was tón dobry skutk je započal, jón budže dokonjeć hač do teho dnja Jezom Chrysta;

7. Jako tež mi po prawym słuša, zo ja tak wot was wšitkich dźeržu, teho dla, zo ja was w swojej wutrobje mam tu w tym swojim jastwje, hdžež ja to ewangelion zamolwjam a wobtwjerdžuju, dokelž wy wšitcy zo mnu runu hnadu sće dóstali. *Eph. 3, 1. St. 4, 1.*

8. Přetož Bóh je mój swědk, zo so mi po was wšitkich wutrobnje chce we Jezusu Chrystusu; *Rom. 1, 9.*

9. A za to prošu ja, zo by waša lubosć dale a bóle pšibywała we wšitkim póznaću a zhonjenju,

10. Tak zo byšće wy rozeznali, što by to lěpše bylo; zo byšće čisći byli bjez poroka a naztorka hač na tón dzeń Chrystusowy,

11. Napjelnjeni z plodami teje prawdosće, kotrež so přez Jezom Chrysta stanu k česći a chwalbje Božej. *Eph. 5, 9. Kol. 1, 10.*

12. Ja dam pak wam k wědženju, lubi bratřa, zo to same, štož so mi je stało,

je na wjetše pšibjeranje teho ewangelija wušło; *Eph. 6, 21. 22. Kol. 4, 7.*

13. Tak zo moje zwjazki Chrystusa dla su zjawne sčinjene w cyłej sudnej chěži a pola druhich wšitkich,

14. A zo wjele bratrow w tym Kn-jezu su z mojich zwjazkow dobru nadźiju dóstali, zo su so wjele bóle směli wažić, bjez bojosće to słowo rěć. *Eph. 3, 13.*

15. Někotři wšak přěduja Chrystusa zawisće a zwady dla, někotři pak z dobreje mysle.

16. Tamni připowědaju Chrystusa zwady dla a nic z čizteje wutroby; dokelž měnja, zo chcedža wjazy horja mojim zwjazkam pšidawać;

17. Či pak z lubosću, dokelž wjedža, zo ja na zamolwjenju teho ewangelija tudy ležu. *Scht. 7.*

18. Što pak je na tym? Hdyž jeno Chrystus pšipowjedany budže na wšelke wašnje, njech so stanje njenadźujzy abo po prawdže, dha ja so wšak w tym zwjeselu, haj chcu so hišće dale zwjeselić; *St. 2, 18*

19. Přetož ja wěm, zo mi to same k zbóžnozći wuńć budže přez wašu modlitwu a přez pomoz teho Ducha Jezom Chrysta. *2 Kor. 1, 11.*

Tekst na 24. njedźelu po swj. Trojicy. IV.

20. [Jako tež cyle dočakuju a mam nadźiju, zo w ničim k hanibje njebudu, ale zo ze wšitkej chrobłosću, runje jako hewak přeco, tak tež nětk Chrystus budže wysocy chwaleny na mojim čele,

njech so stanje přez žiwjenje abo přez smjerć.

21. Přetož Chrystus je moje žiwjenje, a wumrjeće je moje dobyće.]

22. Hač pak při čělnym žiwjenju wjazy wužitka z mojeho džěla přińć mohło? Dha wšak njewěm, kotremuž bych zwolił.

23. Přetož woboje dla so tyšu: ja sebi žadam přeč čahnyć a při Chrystusu być, kotrež by tež wjele lěpje było; *1 Kral. 19, 40. 2 Kor. 5, 8.*

24. Ale wšak dlěje w čele wostać, je nuzniše waše dla.

25. A to ja w dobrej nadźiji wěm, zo wostać a pola was wšitkich pšewoztać budu, wam k lěpšemu a k wjeselu teje wěry; *Scht. 6. St. 2, 24.*

26. So byšće wy so wulcy khwalili w Chrystusu Jezusu zo mnu, hdyž zaso k wam přińć budu.

27. Sadžeržće so jeno, jako přisteji temu ewangeliju Khryztusowemu, zo, njech ja přińdu a was wohladam, abo njech sym přečkach, ja bych wot was słyšał, zo stejiće we jednym duchu a we jenej mysli a pornjo nas so bėdźiće za tu wěru teho ewangelija,

28. A zo wy so na žane wašnje njedaće naztróžeć wot tych pšeciwnikow, kotrež je wopokazanje, zo woni zatamani, wy pak zbóžni budžeće, a to wot Boha. *St. 3, 19. Rom. 8, 17.*

29. Přetož wam je date Chrystusa dla, zo nic jeno do njeho wěriće, ale tež jeho dla čěrpiće, *Rom. 5, 3.*

30. A maće runje to same bėdženje, kajkež wy sće na mni widźili a nětk wote mnje słyšiće. *Jap. zk. 16, 22.*

2. staw.

Poniženje a powyšenje Chrystusowe dyrbi nas k jednoće, k ponižnozći . nawabić.

1. Je-li teho dla pola was napominanje w Chrystusu, je-li trošt teje lubosće, je-li dóstatk teho Ducha, je-li wutrobna lubosć a smilnosť;

2. Dha dopjelnice moju wjeselosć, zo byšće runeje mysle byli, runu lubosć a hromadže jenu wutrobu měli a so na jene zrozumili, *St. 1, 27.*

3. Tež ničo nječinili zwady abo prózdneje česće dla, ale w ponižnozći so bjez sobu jedyn druhého wyše wažili, dyžli so samych. *Gal. 5, 26.*

4. A žadyn njehladať na to swoje; ale kóždy hladať na to, štož teho druhého je.

Epistola na njedźelu Palmarum.

5. [Kóždy bjez wami budź teje mysle, jako Chrystus Jezus tež běše,

6. Kotryž, hač runje w Božim štalće bě, njedžeržeše wón za rubjenstwo, Bohu runy być; *Jan. 1, 1. 2.*

7. Ale wuprózdni so sam a wza wotročkowy šalt na so, bu podobny čłowjekam a na wašnju jako čłowjek namakany; *Jez. 42, 1.*

8. Wón ponižowaše so sam a bu poslušny hač do smjerće, haj do smjerće na křižu. *Hebr. 12, 2.*

9. Teho dla je tež Bóh jeho pře wšo powyšil a je jemu mjeno dał, kotrež pře wšitke mjena je; *Hebr. 2, 9.*

10. So bychy so w Jezusowym mjenje poklakowale wšitke kolena tych, kiž w njebjesach a na zemi a pod zemju su, *Jez. 45, 23. Rom. 14, 11.*

11. A wšitke jazyki póznaše, zo Jezus Chrystus tón Knjez je, k česći Boha teho Wótca.] *Jap. zk. 2, 36. 1 Kor. 8, 6.*

12. Teho dla, moji lubi, jako wy přeco sće poslušni byli, nic jeno, hdyž pola was sym był, ale tež nětk wjele bóle, hdyž přeckach wot was sym; činće, zo byšće wy zbóžni byli, z bojósću a ze rženjom; *1 Pětr. 1, 17.*

13. Přetož Bóh je, kiž wam móžnje dawa to, zo chceće, a to, zo činiće, po tym dobrym zpodobanju. *2 Kor. 3, 5.*

14. Činće wšitko bjez mórčenja a bjez wuryčowanja, *Jan. 6, 43.*

15. Zo byšće byli bjez poswarka a bjez winy a Bože džěci, bjez poroka srjedža złeho a pšewrótného naroba, bjez kotrymž wy so swěćiće jako swěcy na swěće, *St. 1, 10. Mat. 5, 14. Eph. 5, 8.*

16. Z tym, zo słowo teho žiwjenja znjeseće, mi k chwalbje na tym dnju Chrystusowym, zo njejsym podarmo běžał ani podarmo džělał. *2 Tim. 1, 13. 1 Kor. 9, 26.*

17. Hač pak ja runje woprowany budu na woporje a na swjatej službje wašeje wěry, dha so wšak wjeselu a so sobu wjeselu z wami wšitkimi; *2 Tim. 4, 6.*

18. Teho sameho pak maće wy so tež wjeselić a maće so zo mnu zwjeselić.

19. Nadźiju so pak w tym Knjezu

Jezusu, zo Timothea zkořo budu k wam pósłać, zo ja tež bych wokšewjeny był, hdyž zhonju, kak z wami steji. *Jap. zt. 16, 1. 1 Thes. 3, 2.*

20. Přetož ja nimam žaneho, kiž by tak po mojej mysli runy był a kiž by tak wutrobnje so za was starał;

21. Přetož wšitcy swoje wěcy pytaju, a nic štož Chrystusa Jezusa je. *1 Kor. 10, 24.*

22. Wot njeho wy pak wěšće, zo je sprawny; přetož runje jako syn nanej, je wón zo mnu služil na ewangeliju.

23. Teho sameho, kaž so nadźiju, budu ja pósłać na měsće, hdyž sym zhonil, kak zo mnu steji.

24. Nadźiju so pak w tym Knjezu, zo tež ja sam skoro přińć budu. *St. 1, 25:*

25. Ja sym pak za nuzne dđerzał, zo bych Epaphrodita, teho bratra, něk k wam pósłał, kiž mój pomoznik a towarš a waš japoštoł je, kotryž mi služi w mojej potrěbnosci; *St. 4, 18.*

26. Přetož wón tež požadaše was wšitkich widžeć, a běše so jara starał, dokelž wy běšće slyšeli, zo je chory był. *St. 1, 8.*

27. A woprawdže, wón běše na smjerc chory, ale Bóh je so nad nim smilił, nic pak jeno nad nim, ale tež nade mnu, zo bych njeměl zrudźbu na zrudźbu. *Jez. 38, 1.*

28. Jeho sym ja teho dla čím zažo pósłał, zo byšće jeho widžili a zaso so zwjeselili a ja tež teje zrudźby mjenje měl.

29. Tuž wzmiće jeho horje w tym Knjezu ze wšej wjesolósću a mějće tajkich

w česći;

Rom. 16, 2.

30. Přetož teho džěla Chrystusoweho dla bu wón k smjerci blisko a njeje swojeho žiwjenja kedźbu měl, zo by mi služil na waše město. *1 Kor. 16, 17.*

3. staw.

Wo prawdosći wěry přećiwo falšnym japoštołam.

1. Dale, moji bratřa, wjeselće so w tym Knjezu! So ja wam přeco jene pišu, mje njemjerzy, was pak to wězčisich čini. *St. 4, 4.*

2. Hladajće so tych psow, hladajće so tych złych džělaćerjow, hladajće so teho rosřezanja.

3. Přetož my smy to wobřezanje, kiž my w duchu Bohu služimy a chwalimy so w Chrystusu Jezusu a njezpušćamy so na čělo, *5 Mójz. 30, 6.*

4. Hač runje ja tež mam, zo bych so čěla chwalil. Přetož jeli zo so druhemu zda, zo čěla so chwalić móže, dha wjele wjazy ja móžu, *2 Kor. 11, 18. 22.*

5. Kiž sym wosmy džen wobřezany, z roda Israelski, z teje šlachty Benjamina, Hebrejzki z Hebrejzkich, a po zakonju Farizejski; *Jap. zk. 23, 6.*

6. Kiž ja po surowozći přescěhach tu gmejnu a po prawdosći, kotraž je ze zakonja, běch bjez poroka. *Jap. zk. 8, 3.*

7. Ale kajkiž mi dobytk z teho běše, to sym ja Chrystusa dla za škodu dđerzał. *Mat. 13, 44.*

8. Přetož woprawdže ja mam wšitko za škodu přećiwo temu jara wulkemu póznaću Chrystusa Jezusa, mojeho Knjeza, kotrehož dla ja wšitko sym za škodu dđeržał a mam jo za howno, zo bych Chrystusa dobył, Jez. 53, 11.

9. A w nim namakany był, zo nimam moju prawdosć, kotraž z teho zakonja, ale kotraž přez wěru na Chrystusa přińdže, to je teje prawdosće, kotraž wot Boha tej wěrje budže pšidžělena; Rom. 3, 21. 22. St. 9, 30.

10. So bych jeho póznał a tu móc jeho horjestawanja a tón dóstatk jeho ćěrpjenjow, hdyž jeho smjerći podobny budu. Rom. 6, 3. 4. 5.

11. Hač bych dóšoł k horjestawanju wot morwych.

Epistola na 14. njedźelu po swj. Trojicy.

12. [Nic jako bych to same hižom zapšijał abo hižom dokonjany był; ja honju pak za tym, hač bych jo zapšijał, jako tež ja wot Chrystusa Jezusa zapšijaty sym. 1 Tim. 6, 12. Jan. 6, 44. St. 12, 32.

13. Moji bratřa, ja hišće sam so njedđeržu za teho, zo bych to same zapšijał. Jene pak ja praju: Ja zapomnu, štož z posleda je, N. t. a steju swěru za tym, štož z prjódka je; Ps. 45, 11.

14. Ja honju k temu wottyknjenemu kóncu za tym darom, kotryž pokaže to njebieske powołanje Bože w Chrystusu Jezusu. 1 Kor. 9, 24. 1 Tim. 8, 12.

15. Teho dla, kak wjele nas je dokonjanych, či sebi tak myslmy; a jeli zo na

něšto hinak myslíce, dha njech to wam Bóh zjewi; 1 Kor. 2, 6.

16. Wšak pak tak daloko, zo bychmy w tym, štož smy nawukli, po jenej wučbje šli a so na jene zrozumili.] St. 1, 27. St. 2, 2. Rom. 12, 16. St. 15, 5. 1 Kor. 1, 10. 1 Pětr. 3, 8.

Epistola na 23. njedźelu po swj. Trojicy.

17. [Čińće po mni, lubi bratřa, a hladaјće na tych, kiž tak chodža, jako nas maće za hekzempel. 1 Kor. 4, 16.

18. Přetož jich wjele chodži, wot kotrychž ja wam husto prajił sym, nětk pak tež z plačom praju, či njepřećeljo teho křiža Chrystusoweho, Mat. 7, 13.

19. Kotrychž kónc je satamanstwo, kotrymž brjuch za boha je, a jich česć budže k hanibje, kotřiž sebi na zerizke wěcy mysla. 2 Kor. 11, 15. Rom. 16, 18.

20. Ale naše měščanske prawo je w njebiesach, wotsal tež na zbóžnika wočakujemy, teho Knjeza Jezom Chrysta, Hebr. 13, 14. Eph. 2, 6.

21. Kotryž naše hubjene ćěło přeměnić budže, zo podobne budže jeho krasnemu ćělu, po tej mocy, z kotrejž wón tež wšitke wěcy sebi móže podćisnuć.] 1 Kor. 15, 43. 49. 53.

4. staw.

***Wo wobstajnosći a duchom-
nym wjeselu kšezćijanow;
Philippizkich dobrota,
Pawołej wopokazana.***

1. Teho dla, moji lubi a požadani bratřa, moja wjeselosć a moja króna, wobztejće tak w tym Knjezu, wy lubi.
2 Kor. 1, 14. 1 Thes. 2, 10. 20.

2. Evodiu ja napominam a Syntichu ja napominam, zo byštej wonej w jenej mysli bylejš w tym Knjezu;

3. Haj, tež tebe ja prošu, mój swěrný towařšo, stej při nimaj, kotrejž pornjo mi na ewangeliju stej so bėdźiła z Klimanom a z tymi druhimi mojimi pomocnikami, kotrychž mjena su w knihach teho žiwjenja. *Ps. 69, 30. Zjew. 3, 5. St. 13, 8. St. 17, 8. St. 20, 12. St. 21, 27. 2 Mójz. 32, 32. Dan. 12, 1. Luk. 10, 20.*

***Epistola na 4. njedźelu ad-
wenta.***

4 [Wjeselće so w tym Knjezu kóždy čas, a zaso praju ja: wjeselće so! *St. 3, 1.*

5. Waša měrnosć budź znajomna wšitkim ludžom. Tón Knjez je blisko.

6. Njestarajće so wo nič; ale njech we wšěch wěcach waše próztwy w modlenju a žadanju z džakowanjom před Bohom zjawne budža; *Mat. 6, 25. 31. Pz. 145, 18.*

7. A tón měř Boži, kotryž wyši je dyžli wšitkón rozum, wobarnuj waše wutroby a waše mysle w Chrystusu Jezusu.]

8. Dale, lubi bratřa, štož wěrne je, štož česne, štož prawe, štož pózćiwe, štož lubozne, štož khwalobne je, je-li někajki počink, je-li někajka chwalba, na to myslće. *St. 3, 1: Rom. 12, 17.*

9. Štož wy tež sće nawukli a dóstali a slyšeli a widźili na mni, to činće: dha budže tež tón Knjez teho měra z wami.
Rom. 15, 33.

10. Ja sym so pak jara wulcy zawjeselił w tym Knjezu, zo wy so swěru zaso za mnje staraće; jako so prjedy za to ztarali sće, jeno zo sprawného časa njeměješće.

11. To pak njepraju, jako by mi nuza byla; přetož ja sym nawuknuł, pola kohož sym, sebi dać dosć być; *1 Tim. 6, 6.*

12. A móžu ponižny być, móžu tež wysoki być wšudžom; a we wšěch wěcach sym ja tak rozwučeny, zo móžu syty być a hloda tradać, zo móžu dosć měć a móžu nuzu čerpić;

13. Ja wšitko móžu přez teho, kiž mje posylni, to je přez Chrystusa.

14. Dha wšak sće wy derje činili, zo sće so po mojej tyšnosći horje brali.

15. A wy Philippizy tež wěsće, zo wot spočatka teho ewangelija, hdyž z Mazedonskeje wuńdžech, žana wosada mi nič njeje wudźěliła po rachnowanju teho wudawanja a branja, chiba wy jeno sami. *2 Kor. 11, 9.*

16. Přetož do Thesaloniki wy junu a potom zaso pósłašće, štož mi potrěbne běše;

17. Nic zo bych dara pytał; ale ja ploda pytam, zo by tón samy bohaće we waším rachnowanju był. *Luk. 13, 7. 2*

Kor. 9, 6. 12.

18. Přetož ja sym wšitko dóstał a mam bohaće dosć. Ja sym napjelnjeny, jako wot Epaphrodita doztach to, štož mi wot was běše pósłane, slódke wonjenje a Bohu spodobny wopor.

19. Mój Bóh pak napjelń wšitku wašu potřebnozc po swojim bohatztwje z krasnosću w Chrystusu Jezusu.

20. Bohu pak a našemu Wótcu budź česć wot wěčnosće hač do wěčnosće. Hamjeń. *2 Tim. 4, 18.*

21. Poztrorće wšitkich swjatych w Chrystusu Jezusu. Wam dadža wjele dobroho powjedźzić či bratřa, kotřiž při mni su. *1 Kor. 16, 20.*

22. Wjele dobroho wam dadža powjedzić wšitcy swjeći, wosebnje pak kotřiž su z khěžorzkeho doma. *2 Kor. 13, 12.*

23. Ta hnada našeho Knjeza Jezom Chrysta budź z wami wšitkimi. Hamjeń.

List, pisany z Roma a pósłany přez Epaphrodita.

List swj. japoštoła Pawoła na Kolosejzkich.

Prěni staw.

***Přez Chrysta zastužena
zbóžnosť so čłowjekam přez
słowo skići.***

1. Pawoł, japoštoł Jezom Chrysta, přez Božu wolu, a bratr Timothej, *2 Kor. 1, 1.*

2. Tym swjatym w Kolosu a wěrnym bratram w Chrystusu: Hnada budź z wami a měr wot Boha, našeho Wótca, a teho Knjeza Jezom Chrysta.

3. My so džakujemy Bohu a Wótcu našeho Knjeza Jezom Chrysta a prosimy přeco za was, *Rom. 1, 8.*

4. Dokelž smy slyšeli wot wašeje wěry do Chrystusa Jezusa a wot teje lubosće přećiwo wšitkim swjatym,

5. Teje nadźije dla, kotraž wam je wotpołożena w njebjesach, wot kotrejež sće prjedy slyšeli přez to słowo teje wěrnosće we ewangeliju, *1 Pětr. 1, 4.*

6. Kotrež k wam je přišło, jako tež do wšitkeho swěta, a je plódne, jako tež we was wot teho dnja, hdžež sće jo slyšeli a poznali tu hnadu Božu we wěrnosći;

Rom. 10, 18. Jan. 15, 16.

7. Jako wy tež sće nawukli wot Epaphra, našeho lubeho sobuwotročka, kotryž za was je swěrný služomnik Chrystusowy, *St. 4, 12.*

8. Kotryž tež nam je k wědženju sčinił wašu lubosć w duchu.

9. Teho dla tež my, wot teho dnja, jako my to slyšeli smy, njepšeztanjemy so k Bohu za was modlić a prosyć, zo byšće napjelnjeni byli z póznaćom jeho wole we wšej duchomnej mudrosći a rozumje; *Eph. 1, 15. 16.*

10. So byšće wy doztójnje chodžili temu Knjezež k wšemu zpodobanju a plody přinjesli we wšem dobrym skutku a pšibjerali na Božim póznaću, *Eph. 4, 1. 1 Thes. 2, 12. St. 4, 1. Phil. 1, 27. 1 Kor. 1, 5.*

11. A posylnjeni byli ze wšej mozu po jeho krasnej mocy, ke wšej wobstajnosći a zčeřpnozći z wjesołosću;

detail *Epistola na 3. njedželu adwenta.*

12. [A so džakowali temu Wótcu, kiž je nas hódnych činił k runemu herbtwu tych swjatych w swětle,

13. A je nas wutorhnuł wot wyšnozće

teje čěmnosće a nas přeztajił do teho kralestwa swojeho lubeho Syna, *St. 2, 15.*

14. Na kotrymž my mamy to wumóženje přez jeho krej, tych hrěchow wodaće; *Eph. 1, 7. Jap. zk. 20, 28.*

15. Kiž je znamjo teho njewidomneho Boha, tón přėninarodženy přede wšitkimi ztworjenjemi.] *Hebr. 1, 3. Kn. Mudr. 7, 26.*

16. Přetož přez njeho je wšitko ztworjene, štož na njebiesach a na zemi je, to wědomne a njewidžomne, njech su tróny abo knjejstwa abo fěrščinztwa abo wyšnozće: wšitko je přez njeho a jeho dla ztworjene; *Jan. 1, 3. 10.*

17. A wón je prjedy wšitkich wěcow, a wšitko w nim wobzteji; *Přist. 8, 25—27.*

18. A wón je hlowa teho čěla, to je teje cyrkwy, kiž je započatk a přėninarodženy wot morwych, tak zo by wón přede wšitkimi wěcami přėni był. *1 Kor. 15, 20. Zjew. 1, 5.*

19. Přetož (Wótcu) je so zpodobalo, zo by w nim wšitka poľnosť bydliła, *St. 2, 9. Jan. 1, 16. St. 3, 34.*

20. A zo by wón přez njeho wšitko ze sobu zjednał, štož je na zemi abo na njebiesach, dokelž wón měř sčini přez tu krej na swojim križu přez so sam. *Rom. 5, 10. 2 Kor. 5, 19. 1 Jan. 4, 10.*

21. A je was, kiž wy něhdy cuzy a njepřećeljo běšće přez službu w tych zlych skutkach, *Epy. 2, 2. 12.*

22. Nětk pak zjednał z čělom swojeho žiwota přez smjěrć, zo by was postajił swjatych a bjez poswarka a bjez poroka přėd swojim wobličom; *Eph. 1, 4. St. 5,*

27.

23. Jeli zo wostanjeće na wěrje založeni a twjerdži a so njedaće hnuć wot teje nadźije teho ewangelija, kotrež sće slyšeli, a je přėdowane bě wšitkimi ztworjenjemi, kiž su pod njebiesami, kotrehož služomnik ja, Pawoł, postajeny sym. *1 Kor. 15, 58.*

24. Nětk wjeselu ja so při mojim čerpjenju, kotrež za was čerpju, a narunam na mojim čěle, štož hišće je wostało wot tych přećiwnozćow Khryztusowych, za jeho čělo, kotrež ta cyrkej je, *2 Kor. 7, 4. Eph. 3, 13.*

25. Kotrejž ja sym za služomnika ztajeny po Božim zaztojnětwje, kotrež mi waše dla date je, zo by Bože słowo dopjelnjene było; *Eph. 3, 2.*

26. To je ta potajnozć, kotraž je zchowana była wot spočatka teho swěta a wot wšěch narodow hew, nětk pak je zjewjena jeho swjatym, *Rom. 16, 25.*

27. Kotrymž Bóh je chcył zjewić, kotre to krasne bohatstwo tuteho potajnstwa bjez pohanami je, to pak je Chrystus bjez wami, kiž je ta nadźija teje krasnosće; *1 Tim. 1, 1.*

28. Kotrehož my pšipowjedamy a napominamy wšitkich ludži a wučimy wšitkich ludži we wšelkej mudrosći, tak zo bychmy poztajili kóžděho čłowjeka dokonjaneho w Chrystusu Jezusu; *Jan. 1, 7. Eph. 5, 27.*

29. Wo čož so tež prózuju a wojuju po tej mocy teho, kiž mi móžnje pomha.

2. staw.

Wo čłońzkich wuztawkach, Chrystusu, swjatej kšćenizy a mocy jeho smjerće.

1. Ja pak wam k wědženju dam, kajku wulku starozć wo was mam a wo tych, kiž su w Laodizeji, a wo wšitkich, kotřiž moje wobličo w čěle njejsu widźili, *Phil. 1, 30.*

2. So bychu troštowane byle wutroby tych samych, kotřiž hromadže su w lubosći na wšitko bohatstwo teje pońeje a wězteje wědomnozće, tak zo bychu pónali to potajnstwo Bože, woboje teho Wótca a Chrystusa, *Jan. 17, 3.*

3. W kotrymž zchowane su wšitke čazy teje mudrosće a teho pónača.

4. To pak praju, zo by was nihtó njezjebał z lesnymi ryčemi;

5. Přetož hač ja runje po čěle pola was njejsym, dha wšak z duchom sym z wami a zwjeselu so, hdyž widžu waše dobre wustajenje a wašu sylnu wěru do Chrystusa. *1 Kor. 5, 3. St. 14, 40. Kol. 1, 23.*

6. Teho dla, kaž wy teho Knjeza Jezom Chrysta sće horje wzali, tak w nim khodźće;

7. Kiž wy sće zkorjenjeni a natwarjeni w nim a wobtwjerdźeni přez wěru, jako sće nawučeni; dha budźće w tej samej tak poňi, zo so z džakom pšeliće. *Eph. 3, 17. Eph. 2, 22. 1 Thes. 5, 18. Kol. 3, 15.*

8. Hladajće so, zo by was nihtó njewurubił přez swětnu mudrosć a prózdne zawjedženje po čłowječnej wučbje a po teho swěta wustajenjach, a nic po

Chrystusu.

9. Přetož w nim bydli wšitka pońosć teho bójstwa čělnje.

10. A wy sće w nim dopjelnjeni, kiž wónje hlowa wšitkich fěršćinztwow a wyšnozćow; *Jan. 1, 16. Eph. 1, 21.*

11. W kotrymž wy tež wobřezani sće z wobřezanjom bjez rukow, hdyž sće so wuslekli to hrěšne čělo na žiwocě, přez to wobřezanje Chrystusowe; 5 Mójz. 10, 16. St. 30, 6. Rom. 2, 29.

12. A sće z nim pohrjebani přez křćenicu, přez kotruž wy tež sće z nim horje ztanuli přez wěru, kotruž Bóh dawa, kiž jeho je horje zbudził wot morych; *St. 3, 1.*

13. A je was tež z nim žiwych sćinił, jako wy morwi běšće w hrěchach a wobřezku wašeho čěla, a je wam wodał wšitke hrěchi; *Eph. 2, 1. 5. Luk. 7, 12.*

14. A je wuhasnył to zapismo, kotrež přećiwo nam běše, kiž we wustajenjach wobzteješe a nam pšeciwnje běše, a je to same ze srjedža přeč sćinił a na křiž pšibił; *Eph. 2, 15.*

15. Je wurubił te fěršćinztwa a mocy, a je je zjawnje jate wjedł a nad nimi dobyće dźeržał sam přez so.

16. Njedajće so teho dla nikomu sudzić jědže abo pića dla, abo wustajenych swjatych dnjow abo noweho mėsaza abo tych sobotow dla; *Rom. 14, 2. 3.*

17. Kotrež su zčěn byle tych pšichodnych wěcow; ale čělo je Chrystusowe. *Hebr. 8, 5. St. 10, 1.*

18. Njedajće nikomu sebi tón dobyt

preč wzać, hač by wón runje po swojim zdaću we jandželzkej pokornozći a službje chodźił, kotrež nihdy njeje widźił, a je podarmo naduty w swojej čelnej mysli,

Mat. 24, 4.

19. Dokelž so njedžerži teje hlowy, z kotrež to cyłe čelo přez stawy a žily pšihotowane so hromadu džerži a narozće po Božim dorozćenju. *Eph. 4, 15. 16.*

20. Hdyž wy teho dla sće z Khryztusom wotemrěli tym swětnym wustawkam, što dha so daće wot swěta jimać, jako hišće w nim byšće žiwi byli, z tajkimi wučbami?

21. Ty njedyrbiš so teho pšimać, ty njedyrbiš teho wopytać, ty njedyrbiš so teho dótkać,

22. Kiž wšak wšitke bjez rukomaj zańdu a su čłowječne přikaznje a wučby; *Jez. 29, 13. Mat. 15, 9.*

23. Kotrež na mudrosć podobne su přez samowuzwolenu swjatozć a pokornozć, a přez to, zo čelo njebudže pšesonowane ani jemu date, štož w česći k pjelnjenju žiwota sluša. *1 Tim. 4, 3. 1 Tim. 5, 23.*

3. staw.

Swučowanje w bohaborjowót ludźi w domjazym žiwjenju.

Tekst na njedźelu Quazi-modogeniti. IV.

1. [Sće-li wy teho dla z Khryztusom ztanuli, dha pytaće, štož je horjekach, hdžež Chrystus je, kiž sedži na prawicy Božej; *St. 2, 12. Rom. 86, 5.*

2. Wuztejće so na to, štož je horjekach, nic na to, štož na zemi je.

3. Přetož wy sće wumrěli a waše žiwjenje je potajene z Khryztusom w Bosy;

4. Hdyž pak Chrystus, waše žiwjenje, so zjewić budže, tehdy budžeće tež wy z nim zjewjeni w krasnosći.] *Phil. 1, 21. 1 Kor. 15, 43.*

5. Mořće teho dla waše stawy, kotrež su na zemi, kurwarstwo, nješwarnozć, hrozne łozkotanje, zle požadanje a lakomstwo, kotrež přibójstwo je; *Eph. 5, 3.*

6. Kotrychž dla přindže hněw Boži na džěci teje njewěry; *Eph. 5, 6.*

7. W kotrychž wy tež něhdy sće chodźili, jako bjez nimi swoje žiwjenje wjedžešće.

8. Nětk pak položće to wšitko tež wot was: Hněw, surowosć, złość, zle swarjenje, nješwarne słowa z wašeho erta. *Rom. 6, 13. Eph. 4, 22. Hebr. 12, 1.*

9. Njeležće jedyn na druheho; sleće so stareho čłowjeka z jeho skutkami, *Zach. 8, 16. Eph. 4, 25.*

10. A woblecće so teho noweho, kiž so wonowi k póznaću po podobnoźi teho, kiž jeho je stworil; *Eph. 4, 23. 24. 1 Móžz. 1, 27.*

11. Hdžež njeje Grichizki ani žid, wobřezanje ani njewobřezanje, ani Němz ani Sserb, ani wotročk ani frejny; ale wšitko a wšitkich je Chrystus. *Rom. 10, 12.*

Epistola na 20. njedźelu po swj. Trojicy.

12. [Woblecće so teho dla, jako ći wuzwoleni Boži, swjeći a lubi, wutrobnu smilnosť, dobroćiwosć, ponižnosť, ćichomnosť, sćerpliwość; *Eph. 4, 24. 32.*

13. Snjesće jedyn druheho a wodajće sebi bjez sobu, hdyž štó někajku skórzbu na druheho ma; runje kaž wam Chrystus wodał je, tak tež wy. *Eph. 4, 2.*

14. Wyše wšeho pak woblecće so tu lubosć, kotraž je zwjazk teho dokonjenja.

15. A tón měr Boži wudźěl dobyće we wašich wutrobach, k kotremuž tež wy powołani sće w jednym ćele, a budźće džakomni. *Phil. 4, 7. Kol. 2, 7.*

16. Dajće temu słowu Khryztusowemu bjez wami bohaće bydlić we wšej mudrości; roswučće a napominajće so sami z pzalmami a z khwalobnymi a z duchownymi khěrľušemi, luboznje zpěwajo temu Knjezej w swojej wutrobje. *1 Kor. 1, 5. Eph. 5, 19.*

17. A wšitko, štož wy činiće ze słowami abo ze skutkami, to činiće

wšitko w mjenje teho Knjeza Jezusa a džakujće so Bohu a temu Wótcu přez njeho.] *1 Kor. 10, 31.*

18. Wy žony, budźće poddane svojim mužam, kaž so hodži, w tym Knjezu. *Eph. 5, 22. 1 Pětr. 3, 1. 6.*

19. Wy mužojo, lubujće swoje žony a njehóršće so z nimi. *Eph. 5, 25. 1 Pětr. 3, 7.*

20. Wy džěći, budźće poslušne tym staršim we wšěch wěcach; přetož to so temu Knjezej derje lubi. *Eph. 6, 1.*

21. Wy nanojo, njeroszłobće swoje džěći, zo bychy mysl a rozum njezhubiłe. *Eph. 6, 4.*

22. Wy wotročcy, budźće poslušni we wšěch wěcach svojim ćelnym knježim, nic ze službu před woćomaj, jako čłowjekam k lubosći, ale z wutrobnej swěrnosću a z bohaborjaznosť. *Eph. 6, 5. 1 Tim. 6, 1. Tit. 2, 9. 10. 1 Pětr. 2, 18.*

23. A wšitko, štož wy činiće, to činiće radzi z wutrobu, jako temu Knjezej a nic jako čłowjekam; *Eph. 6, 7.*

24. Přetož wy wěsće, zo wy wot Boha budžeće dostać mzdu teho herbztwa; přetož wy služiće temu Knjezej Chrystusej.

25. Štóz pak njeprawje čini, tón budže dostać, štož je njeprawje činił; přetož člorzke pohladanje tu njeplaći. *Jap. zk. 10, 34.*

St. 4. Št. 1. Wy knježa, štož prawe a rune je, to wopokažće wotročkam, a wěsće, zo tež wy Knjeza maće w njebjesach. *Eph. 6, 9.*

4. staw.

Wo kšezćijanow modlenju a mudrym zadžerženju.

2. Wostańće při modlitwje a wachujúce w tej samej z džakowanjom; *Luk. 18, 1 x. Rom. 12, 12. 1 Thes. 5, 17.*

3. Modlće so tež sobu za nas, zo by nam Bóh durje teho słowa wotewrił, tak zo bychmy to potajnstwo Chrystusowe řečeli, kotrehož dla tež ja zwjazany sym; *Eph. 6, 19. 2 Thes. 3, 1. Rom. 15, 30.*

4. Zo bych to same zjewił, kaž ja řečec dyrbj.

5. Khodźće mudrje přećiwo tym, kotřiž wonkach su, a wukupće sebi sprawny čas. *Eph. 5, 15. 16.*

6. Waša ryč budž přeco lubozna a ze selu začinjena, zo byšće wědzeli, kak wy jenemu kóždemu wotmołwić dyrbiće. *Mark. 9, 50.*

7. Kak zo mnu steji, budže wam wšitko k wědženju činić Tychikus, tón luby bratr a swěrný wučomnik a sobu-wotročk w tym Knjezu; *Eph. 6, 21.*

8. Kotrehož teho dla sym k wam póslał, zo by wón zhonił, kak so wam dže, a waše wutroby troštowal,

9. Z Onezimom, tym swěrnym a lubym bratrom, kiž je wot tych wašich; taj budžetaj wšitko, kak so nam tudy dže, wam zjewić. *Philem. št. 10.*

10. Wjele dobroho wam dawa prajić Ariztarchus, mój sobujaty, a Markus, Barnabasowy wuj, wot kotrehož wy někotre přikaznje sće dóstali (budže-li wón k wam přińć, dha wzmiće jeho

horje), *Jap. zk. 19, 20.*

11. A Jezus, kotremuž Juzt rěkaju, kotřiž su z wobřezanja. Či su jeno sami moji pomoznizy na Božim kralestwje, kotřiž tež mój trošt byli su. *Jap. zk. 11, 2.*

12. Was postrowi Epaphras, kiž wot tych wašich je, tón wotročk Chrystusowy, kiž so přeco za was bědzi z modlitwami, zo byšće wobztali dokonjeni a dopjelnjeni we wšej woli Božej. *St. 1, 7.*

13. Ja swědču jemu, zo wón so jara prózuje za was a za tych, kotřiž su w Laodizeji a w Hierapoli.

14. Wjele dobroho da wam powjedzić Lukaš, tón luby lékař, a Demas. *2 Tim. 4, 11.*

15. Prajće wjele dobroho tym bratram w Laodizeji a Nymphaneji a jeho domjazej zhromadźiznje. *Rom. 16, 5.*

16. A hdyž tón list pola was je pšelazowany, dha činće, zo wón tež w Laodizejzkej wosadže budže lazowany, zo tež wy tón list, kiž z Laodizeje pisany je, byšće lazowali.

17. Archippej pak rjekńće: Hladaj služby, kotruž sy dóstał w tym Knjezu, zo by ju dopjelnił. *Philem. št. 2.*

18. Postrowjenje wam dam ze swojej Pawołowej ruku. Spomńće na moje zwjazki. Hnada budž z wami. Hamjeń.

List, na Kolosejzkich napisany a póslany z Roma přez Tychika a přez Onezima.

Prěni list swj. japoštoła Pawoła na Thesalonzkich.

Prěni staw.

Napominanje k wobstajnosći w kšezćijanztwje na Thesa- lonzkich.

1. Pawoł a Silvan a Timothej tej Thesalonzkej wosadže w Bosy Wótcu a w tym Knjezu Jezusu Chrystusu: Hnada budź z wami a měř wot Boha, našeho Wótca, a teho Knjeza Jezom Chrysta! 2 Thes. 1, 1.

2. My džakujemy so Bohu přeco za was wšitkich a wopomnimy was bjez přestaća w našej modlitwje;

3. Tež zpominamy my na waš skutk we wěrje a na vaše džěło w lubosći a na wašu sčerpliwość w nadźiji, kotraž je naš Knjez Jezus Chrystus, před Bohom a našim Wótcem.

4. Přetož, lubi bratřa, wot Boha lubowani, my wěmy, zo sće wot Boha wuzwoleni;

5. A zo naše ewangelion je pola was było nic jeno w słowje, ale tež w mocy a w swjatym Duchu a we wulkej wěztosći; jako wy wěsće, kajzy my smy bjez wami

byli waše dla.

6. A wy sće po nas činili a po tym Knjezu a sće to słowo horje wzali we wšej pšeciwnozći z wjesołosću w sw-jatym Duchu; 1 Kor. 4, 16.

7. Tak zo sće wy znamjo byli wšitkim wěrnym w Mazedonzkej a we Achajzkej.

8. Přetož wot was je wušoł hlós teho Knjezoweho słowa, nic jeno přez Mazedonzki a Achajzki kraj, ale tež na wšě města je waša wěra do Boha rozešla, tak zo nam trjeba njeje, wot teho što prajić. Rom. 1, 8.

9. Woni sami wot was připowědaju, kak my so smy měli, jako k wam zańdžechmy, a kak wy so k Bohu sće wobročili wot tych pšibohow, zo byšće žiwemu a wěrnemu Bohu služili,

10. A wočakowali jeho Syna z njebyjes, kotrehož wón wot mŕtwych je zbudził, to je Jezusa, kiž nas wot pšichodneho hněwa je wumóhl. Phil. 3, 20.

2. staw.

Horcy postucharjo su swěrných wučerjow wjesele.

1. Přetož tež wy sami wěsće, lubi bratřa, wot našeho nutszańdženja k wam, zo wone njeje podarmo było;

2. Ale hač runje my přjedy smy čerpili a hanjeni byli, jako wy wěsće, w Philippi, smy so my wšak schroblili w našim Bocy, zo bychmy pola was řečeli to ewangelion Bože z wulkim bėdženjom. *Jap. zk. 16, 22. St. 17, 5. 2 Kor. 11, 25.*

3. Přetož naše napominanje njeje było k zamolenju ani k nječiztozći ani z lesnosću; *2 Kor. 7, 2.*

4. Ale jako my wot Boha zpytani smy, zo by nam to ewangelion dowěrjene było, zo bychmy to same přėdowali; tak my tež řečimy, nic jako chcyli so ludžom spodobać, ale Bohu, kiž naše wutroby spyta. *Gal. 1, 10. St. 2, 7.*

5. Přetož my so nihdy ze słowami njejsmy pšisłodžili, jako wy wěsće, ani lakomztwa hladali; Bóh je swědk.

6. My tež njejsmy česće pytali wot ludži ani wot was ani wot druhich. *Jan. 5, 41. 4.*

7. My móžachmy wam tež wobćežni być, jako Chrystusowi japoštoli; ale my smy lubozni jako mać pola was byli, runje jako dójka swoje džěci pyta.

8. Tak so nam po was chcyše a spodoba so nam derje, wam sobu džělic nic jeno to ewangelion Bože, ale tež naše žiwjenje, teho dla zo nam sće lubi byli.

9. A wy so derje wěsće dopomnić,

lubi bratřa, našeho džěla a našeje prócy; přetož w nocy a wodnjo smy my džěłali, teho dla, zo žadnemu wot was njebychmy wobćežni byli; a smy bjez wami to ewangelion Bože přėdowali. *1 Kor. 4, 12.*

10. Teho sće wy swědkojo a wosebje Bóh, kak my so swjeće a prawje a bjez poroka pola was, kiž wy wěrješće, smy zadžěrželi; *1 Tim. 3, 2.*

11. Kaž wy tež wěsće, zo my kóžděho bjez wami, jako nan swoje džěci, smy napominali a tróštowali,

12. A smy wobswědčili, zo byšće wy doztójnje chodžili přėd Bohom, kiž was je powołał k swojemu kralestwu a k swojej krasnosći. *Eph. 4, 1. Phil. 1, 27.*

13. Teho dla tež my bjez přestaća so Bohu džakujemy, zo, jako wy wot nas doztašće to słowo Božeho přėdowanja, wy to same horje wzašće, nic jako člowječne słowo, ale, kaž woprawdže je, jako Bože słowo, kotrež tež mőcne je we was, kiž wy wěríce. *St. 1, 5.*

14. Přetož wy, lubi bratřa, zadžěržiće so runje po wašnju tych wosadow Božich, kotrež su w Židowskej w Chrystusu Jezusu, zo runje to same pšěćerpili sće wot svojich blizkich přėćelow, štož woni wot Židow;

15. Kotřiž tež teho Knjeza Jezusa su morili a svojich profetow, a tež nas su pšezćěhali a njelubja so Bohu a su wšitkim ludžom pšěćiwni. *Jap. zk. 2, 22. 23. St. 3, 15.*

16. Nam woni wobaraju, zo njebychmy řečeli k tym póhanam, zo bychy zbóžni byli, z tym pak swoje hrěchi

přeco dopjelnja; přetož Boží hněw je na nich přišoł hač do kónca. *Mat. 23, 33.*

17. My pak, lubi bratřa, dokelž my wot was na chwilu smy přeč wzaći, po wobliču, nic po wutrobje, smy my čím bóle so ztarali, waše wobliča wohladać z wulkej žadozcu. *Rom. 1, 11. St. 15, 23.*

18. Teho dla smy my chcyli k wam přińć, ja Pawoł wosebje, dwójcy; ale zatan je nam wobarał.

19. Přetož štó je naša nadźija abo radosć abo króna, z kotrejž so bychmy khwalili? Njejsće tež wy to před wobličom našeho Knjeza Jezom Chrysta, na jeho přichod? *Phil. 4, 1.*

20. Wy sće wšak naša česć a radosć.

3. staw.

Pawoła starozć a modlenje za Thesalonzkich.

1. Teho dla njemóžachmy my so dlěje zdźeržec; a je so nam lubiło, zo bychmy we Athenje sami byli woztajeni;

2. A smy Timothea pósłali, našeho bratra a služomnika Božeho a našeho pomoznika na ewangeliju Chrys-tusowym, zo by was posylnił a was napominał we wašej wěrje;

3. So by so žadyn njedał přewobroćić přez te přećiwnošće; přetož wy wěsće, zo my k temu smy poztajeni. *Eph. 3, 13.*

4. A jako my pola was běchmy, džachmy my wam prjedy, zo budžemy přećiwnošće měć; jako so tež je stało, a wy wo tym wěsće. *Jap. zk. 17, 1 x.*

5. Teho dla ja tež so dlěje njemóžach zdźeržec, a sym k wam pósłal, zo bych zhonił wasu wěru, zo by was snadź njezpytował tón zpytował a naše džěło podarmo njebyło. *Phil. 2, 16.*

6. Dokelž pak njedawno Timothej wot was k nam je přišoł a nam powědał wasu wěru a lubosć, a zo wy přeco we wšitkim dobrym na nas zpominaće a žadaće, zo byšće nas widźili, jako my tež was;

7. Dha smy my teho dla, lubi bratřa, trošt dóstali nad wami we wšej našej tyšnosći a nuzy přez wasu wěru;

8. Přetož nětk smy my žiwi, dokelž wy stejiće w tym Knjezu.

9. Přetož kajki džak móžemy my Bohu zaso dać waše dla za wšitku wjeselosć, kotruž my mamy nad wami před Bohom?

10. My prosymy w nocy a wodnjo jara wulcy, zo bychmy waše wobličo widžec móhli a dopjelnili, štož dosć njeje na wašej wěrje. *Rom. 1, 10. St. 15, 23.*

11. Sam pak Bóh a naš Wótc a naš Knjez Jezus Chrystus wobradź nam do-bry puć k wam;

12. Was pak pšizporjej tón Knjez a čin was přez měru poľnych w lubosći bjez sobu a přećiwo kóždemu, jako tež my přećiwo wam smy;

13. So bychy waše wutroby po-sylnjene a bjez winy byle w swjatosći před Bohom a našim Wótcem, na tón přichod našeho Knjeza Jezom Chrysta, ze wšitkimi jeho swjatymi. *2 Thes. 2, 17. Phil. 1, 10.*

4. staw.

Napominanje k swjatemu chodženju, trošt přećiwo zrudnozći z horjestaća mor-wych.

1. Dale pak, lubi bratřa, prosymy a napominamy was w tym Knjezu Jezusu, dokelž wy wot nas dóstali sće, kak wy chodzić a so Bohu lubić dyrbiće, zo byšće dale a bóle poľniši byli; *2 Thes. 3, 12. Eph. 4, 1.*

2. Přetož wy wěsće, kajke přikaznje my wam dali smy přez teho Knjeza Jezusa.

3. Přetož to je Boža wola: waše woswjěćenje, zo byšće so wostajili kur-warstwa, *Rom. 12, 2.*

4. A kóždy bjez wami wědzał swoje sudobje zachować w swjěćenju a česći, *1 Kor. 6, 13. 15.*

5. Nic w hrěšnym požadanju, jako póhanjo, kotřiž Boha njeznaja;

6. A zo by nchtó swojeho bratra w žanej wěcy njepšekróťšil a njezjebał; přetož tón Knjez je sudnik, kiž to wšitko wjeći, jako my wam tež prjedy prajili a wobswědčili smy. *1 Kor. 6, 8.*

7. Přetož Bóh nas njeje powołał k nječiztozći, ale k swjěćenju. *2 Tim. 1, 9.*

8. Štóž teho dla zaspi, tón njezazpi čłowjeka, ale Boha, kiž tež swojeho Ducha do nas dał je.

Tekst na 17. njedźelu po swj. Trojicy. IV.

9. [Wot teje bratrowzkeje lubosće pak wy njepotrjebaće, zo bych wam pisał; přetož wy sami sće wot Boha nawučeni, zo byšće so bjez sobu lubowali; *3 Mójz. 19, 18. Jan. 13, 34.*

10. A to činiće wy tež na wšitkich bratrach, kiž w cyłej Mazedonzkej su. Napominamy pak waks, lubi bratřa, zo byšće dale a bóle poľniši byli.

11. Hladajće teje česće, zo byšće z pokojom byli a to swoje činili a ze swojimaj rukomaj džěłali, jako my wam smjy pšikazali, *2 Thes. 3, 8. 1 Thes. 2, 9.*

12. So byšće česnje wokoło šli z tymi, kiž wonkach su, a na ničim nuzu njeměli.] *Rom. 13, 13.*

13. Ja pak wam, lubi bratřa, nochcu zamjelčec wot tych, kiž wusnyli su, zo njebyšće žarowali jako či druzy, kotřiž žaneje nadźije nimaju. *1 Kor. 10, 1. Sir 22, 1.*

14. Přetož hdyž my wěrimy, zo Jezus wumřel a stanył je, dha budže tež Bóh tych, kiž wusnyli su přez Jezusa, z nim přiwjesć. *Rom. 14, 9. 1 Kor. 15, 13. 18.*

15. Přetož to my wam prajimy jako słowo teho Knjeza, zo my, kiž žiwi woztanjemy hač na Knjezowy přichod, njebudžemy tola prjedy tych přińc, kotřiž wusnyli su; *1 Kor. 15, 23. 51.*

16. Přetož wón sam, tón Knjez, budže z wołanjom a z hłosom teho wyšeho jandžela a z trubjelu Božej z njejbjes dele přińc, a či morwi w Chrystusu budža naprjedy stanuć; *Mat. 24, 31.*

17. Potom my, kiž žiwi woztanjemy, budžemy z nimi hromadže torhnjeni w mróčelach temu Knjezej napřećiwo do lófta a budžemy tak wěcnje při tym Knjezu.
Zjew. 11, 12.

18. Dha tróštujće so bjez sobu z tymi słowami.
2 Kor. 13, 11.

5. staw.

Wo sudnym dnju a pšihotowanju k njemu.

Tekst na 2. njedźelu adwentu. IV.

1. [Wot tych časow pak a štundow, lubi bratřa, njeje trjeba wam pisać; *Mat. 24, 3. 36.*

2. Přetož wy sami derje dosć wěsće, zo teho Knjeza džen tak pšineć budže jako paduch w nocy. *Luk. 12, 39. 2 Pětr. 3, 10. Zjew. 3, 3. St. 16, 15.*

3. Přetož hdyž rjeknyć budža: Měr je a pokoj, tehdy budže jich nahle skaženje nadpanuć, runje jako boložć ćežku žónsku, a njebudža čeknyć. *Jer. 6, 14. St. 8, 11.*

4. Wy pak, lubi bratřa, njejsće w ćmje, zo by was tón džen jako paduch nadpanuť.
Eph. 5, 8.

5. Wy sće wšitcy džěci teho swětla a džěci teho dnja; my njejsmy wot nocy ani wot ćmy. *Luk. 16, 8. Rom. 13, 12.*

6. Dha njezpijmy teho dla, jako ći druzy; ale wachujmy a budžmy ztrózbí.

7. Přetož kotřiž zpja, ći zpja w nocy,

a kotřiž pjeni su, ći su w nocy pjeni;
Rom. 13, 12. 13.

8. My pak, kiž my teho dnja smy, budžmy ztrózbí, nawoblekani z kabatom teje wěry a lubosće a z klobukom teje nadžije k zbóžnozći. *Rom. 13, 12. Jez. 59, 12. Eph. 6, 14-11.*

9. Přetož Bóh nas njeje k hněwu postajiť, ale k wobsynjenju teje zbóžnozće přez našeho Knjeza Jezom Chrysta,
Rom. 9, 23.

10. Kiž za nas wumřěł je, zo bychmy my, njech wachujemy abo zpimy, tež z nim žiwi byli. *Rom. 14, 8. 9.*

11. Teho dla napominajće so bjez sobu a twaće jedyn druheho, jako wy tež činiće.] *Hebr. 10, 24. 25.*

12. Prosymy pak was, lubi bratřa, zo byšće póznali tych, kiž so na was prózuja a wam prjódkzteja w tym Knjezu a was napominaju. *1 Kor. 18, 18.*

13. Čzezće a lubujće jich najbóle jich džěla dla, a džeržće měr z nimi.

14. Napominamy pak was, lubi bratřa: wučće tych njerodnych, tróštujće tych bojaznych, znošće tych słabych, budžće zčěrpní přeciwo kóždemu. *2 Thes. 3, 15.*

15. Hladajće, zo by nictó nikomu złósće za złósć nječiniť; ale kóždy čas za dobrym hońće, sami bjez sobu a tež přeciwo kóždemu. *Přisl. 20, 22. Rom. 12, 17. 1 Pětr. 3, 9.*

16. Budžće kóždy čas wjesoľi, *Luk. 10, 20.*

17. Bjez přestaća so modľće, *Luk. 18, 1. Rom. 12, 12. Kol. 4, 2.*

18. Sa wšo budžće džakomni; přetož to je Boža wola w Chrystusu Jezusu na

was. *Eph. 5, 20.*

19. Teho ducha njezdušće, *1 Kor. 14, 30.*

20. To přédowanje Božeho pisma njezazpiće;

21. Spytajće wšitko a to dobre zdžeržće; *Rom. 2, 18.*

22. Wšitkeho, štož złemu je podobne, so wostajće.

23. Ssam pak Bóh teho měra rosswjeć was čizće, a wšitkón waš duch a duša a čěło njech budža bjez poroka zdžeržane hač na přichod našeho Knjeza Jezom Chrysta. *Rom. 15, 33.*

24. Swěrný je wón, kiž was powoła, kiž tež to činić budže. *1 Kor. 1, 9. St. 10, 13. 2 Tim. 2, 13. 1 Jan. 1, 9.*

25. Lubi bratřa, prošće za nas.

26. Poztrorbće wšitkich bratrow ze swjatym wokošowanjom. *Rom. 16, 16. 1 Kor. 16, 20.*

27. Ja was zaroću při tym Knjezu, zo byšće tón list podali lazować wšitkim swjatym bratram. *Kol. 4, 16.*

28. Ta hnada našeho Knjeza Jezom Chrysta budź z wami. Hamjeń. *Phil. 4, 23.*

Tón přěnnši list na Thesalonzkich je pisany z Athena.

Druhi list swj. japoštoła Pawoła na Thesalonskich.

Prěni staw.

Napominanje k wobstajnosći w přezcéhanjach.

1. Pawoł a Silvan a Timothej tej Thesalonskej wosadže w Bosy, našim Wótcu, a Knjezu Jezusu Chrystusu:

2. Hnada budź z wami a měr wot Boha, našeho Wótcu, a teho Knjeza Jezom Chrysta! Ref((1 Kor. 1, 3. Kol. 1, 2.))

3. My smy winowáci, kóždy čas so Bohu za was džakować, lubi bratřa, jako zdobne je; přetož waša wěra rosće jara, a ta lubosć jeneho kóždeho k druhemu přibywa bjez wami wšitkimi; *St. 2, 13. 1 Thes. 1, 9.*

4. Tak zo so my sami z wami chwalimy w Božich gmejnach wašeje wobstajnosće a wěry we wšěch wašich přescéhanjach a styksnosćach, kotrež wy znjeseće; *2 Kor. 7, 14.*

5. Z tym so wopokazuje, zo Bóh prawje sudzić budže, a zo wy dostojni budžeće k Božemu kralestwu, kotrehož dla wy tež čerpiće;

6. Dokelž před Bohom prawe je, zo by ze žalosću so plaćilo tym, kiž wam žalosć nakładuja; *Jer. 51, 24. Zach. 2, 8.*

7. Wam pak, kiž wy žalosć čerpiće, so wotpočowanie z nami dostało, hdyž so tón Knjez Jezus z njebyjes zjewić budže z jandželemi swojeje mocy, *1 Thes. 4, 16. 1 Pětr. 4, 13. Mat. 25, 31.*

8. Zo by so z wohenjowym płomjenjom wječil na tych, kiž Boha njeznaja a kiž njeposlušni su temu ewangeliju našeho Knjeza Jezom Chrysta,

9. Kotřiž budža čwilu čerpić, to wěčne skaženje wot wobliča teho Knjeza a jeho krasneje mocy, *Jez. 2, 10. 19.*

10. Hdyž wón přińć budže, zo by so krasnje zjewil na swjatytech a dziwnje so wopokazał na wšitkich wěryjacych; přetož našemu swědčenju na was wot teho sameho dnja sće wy wěřili. *Kol. 3, 4.*

11. A teho dla my so tež stajnje za was modlimy, zo by naš Bóh was teho powołanja dostojnych sćinił a dopjelnil wšitko dobre spodobanje wašeje dobroćiwosće a skutk teje wěry a mocy;

12. Zo by nad wami překrasnjene bylo

to mjeno našeho Knjeza Jezom Chrysta a wy na nim, po tej hnadže našeho Boha a teho Knjeza Jezom Chrysta.

2. Staw.

Wěšćenje wo wotpanjenju a zjewjenju antichrysta před poslenim přichodom Knjeza.

1. Prosimy was pak, lubi bratřa, teho přichoda dla našeho Knjeza Jezom Chrysta a našeho zhromadženja dla k njemu, *1 Thes. 4, 16. 17.*

2. Zo byšće so hnydom hnuć njedali wot wašeje mysle ani so nastróžeć ani přez ducha ani přez słowo ani přez list, jako by wot nas pósłany był, zo tón džen Chrystusowy by blisko był.

3. Njedajće so na žane wašnje nikomu zawjesć; přetož wón njeprjindže, chiba zo prjedy to wotstupjenje so stanje a zjewjeny budže tón čłowjek tych hrěchow a to džěčo teho skaženja, *Mat. 24, 4. Eph. 5, 6. 1 Tim. 4, 1. 2 Tim. 3, 1. x. Jan. 2, 18.*

4. Kiž je přećiwnik a so pozběha wyše wšitkeho, komuž Bóh a Boža služba rěkaju, tak zo wón so sydney je do Božeho templu jako bóg a so za boha wudawa. *Dan. 11, 36.*

5. Njezpomniće wy na to, zo ja wam, jako hišće pola was běch, to same prajach? *Jan. 16, 4. Jap. zk. 17, 1.*

6. A što nětk teho sameho horje dźerži, wěsće wy, zo by wón zjewjeny był w swojim času.

7. Přetož ta njeprawosć so nětk hižom hiba potajnje, hač by jeno tón, kiž ju nětk horje dźerži, přec sčineny był.

8. A tehdy budže tón zlóstnik zjewjeny, kotrehož tón Knjez budže skóncować z Duchom swójeho erta a budže jeho zahubić přez zjewjenje swójeho přichoda, *Jez. 11, 4. Zjew. 19, 15. 20.*

9. Teho, kotrehož přichod so stanje přez zatanzke dokonjenje ze wšelkej zelhańnej mozu a ze znamjenjemi a z dźiwami, *Mat. 24, 24. Zjew. 13, 13.*

10. Tež ze wšelkim zawjedženjom k njeprawosći, bjez tymi, kiž budža zhubjeni, za to, zo tu lubosć k wěrnosći horje wzali njejsu, zo bychy zbóžni byli. *2 Kor. 2, 15.*

11. Teho dla budže jim Bóh mócně bludy pósłać, zo bychy woni tej lži wěрили; *Rom. 1, 24. 1 Tim. 4, 1.*

12. Tak zo bychy wšitcy sudženi byli, kotřiž tej prawdže wěрили njejsu, ale su na njeprawosći spodobanje měli.

13. My pak smy winowaci, kóždy čas so Bohu za was dźakować, lubi bratřa, wot teho Knjeza lubowani, zo Bóh was wot spočatka wuzwolił je k zbóžnosći přez woswjećenje teho ducha a přez wěru teje prawdy, *St. 1, 3. 4. Eph. 1, 4.*

14. Na kotrež wón was powolał je přez naše ewangelion k wobsynjenju teje krasnosće našeho Knjeza Jezom Chrysta.

15. Stejće teho dla, lubi bratřa, a dźeržće při tych wustawkach, kotrež sće nawučeni, njech je přez naše słowo abo přez naš list. *St. 3, 6.*

Tekst na 27. njedźelu po swj. Trojicy. IV.

16. Ssam pak naš Knjez Jezus Chrystus a naš Bóh a Wótc, kiž nas lubował a nam dał je wěčny trošć a dobru nadźiju w hnadže, *Jan. 3, 16.*

17. Troštuj waše wutroby a posylń was we wšej wučbje a w dobrym skutku.) *1 Thes. 3, 13.*

3. staw.

Wo přiběranje ewangelija dyrbimy prosyć, prózdneho chodženja a khrobtozće so zdalować.

1. Dale, lubi bratřa, modlće so za nas, zo by teho Knjeza słowo běžalo a khwalene było, runje jako pola was, *Eph. 6, 19. Kol. 4, 3. Mat. 9, 38.*

2. A zo my bychmy wumoženi byli wot džiwnych a zlych ludźi. Přetož wěra wšitkich njeje.

3. Ale swěrný je tón Knjez, kiž was posylńić a zachować budže před złym. *1 Kor. 1, 9. St. 10, 13. 1 Pětr. 5, 10.*

4. My pak so wot teho Knjeza nadźijemy waše dla, zo, štož my wam rozkazujemy, wy činiće a činić budžeće.

5. Tón Knjez pak přihotuj waše wutroby k Božej lubosći a k zčeřpliwemu dočakanju Chrystusowemu.

6. My rozkazujemy pak wam, lubi bratřa, w mjenje našeho Knjeza Jezom Chrysta, zo byšće wy so zminuli kóždeho bratra, kiž so njekmanje zadžerži a nic

po tej datej wučbje, kotruž wón wot nas je dóstał. *Mat. 18, 17. Rom. 16, 17. 1 Kor. 5, 11. 2 Jan. št. 10.*

7. Přetož wy sami wěšće, kak wy po nas činić maće; přetož my so njejsmy pola was njekmanje zadžerželi; *1 Kor. 4, 16. 1 Thes. 1, 6.*

8. Njejsmy tež darmo pola někoho chléb jědli, ale z prócu a w počće w nocy a wodnjo smy my džěłali, zo bychmy nikomu wot was wobćežni njebyli; *1 Kor. 4, 12 x.*

9. Nic teho dla, jako bychmy teje mocy njeměli, ale zo bychmy so sami wam za znamjo podali, zo byšće po nas činili. *Mat. 10, 10. 1 Kor. 4, 16.*

10. A tež, jako pola was běchmy, přikazachmy to wam: jeli zo šćó nochce džělać, dha tež njech njeje. *1 Móž. 3, 19.*

11. Přetož my slyšimy, zo někotři bjez wami so njerodnje zadžerža a njedžěłaju ničo, ale hladaju njepotrjebanych wěcow.

12. Tajkim my pak přikazamy a napominamy jich přez našeho Knjeza Jezom Chrysta, zo bychy woni z měrom džěłali a sami swój chléb jědli. *1 Thes. 4, 11.*

13. Wam pak, lubi bratřa, so njewostudž dobrotu činić. *Gal. s, o.*

14. Jeli zo pak šćó našemu słowu je njeposlušny, teho nam wupowěšće přez list a njeměšće so z nim, zo by so hańbował. *Scht. 6. Mat. 18, 17. Rom. 16, 17. 1 Kor. 5, 11. 2 Jan. št. 10.*

15. Jeho pak tola za njepřećela njemějće, ale napominajće jeho jako

bratra.

Mat. 18, 15.

16. Ssam pak tón Knjez teho měra
daj wam měr stajnje a na wšo wašnje!
Tón Knjez budź z wami wšitkimi! *Rom.*

15, 33. St. 16, 20.

17. Postrowjenje z mojej Pawołowej
ruku; to je znamjo we wšitkich mojich
listach, tak ja pišu.

18. Ta hnada našeho Knjeza Jezom
Chrysta budź z wami wšitkimi! Hamjeń.

1 Thes. 5, 28.

Tón druhi list na Thesalonskich
napisany z Athena.

Prěni list swj. japoštoła Pawoła na Timotheja.

Prěni staw.

Wučba zakonja a ewan- gelija, přez Pawoła heksem- pel wuložena.

1. Pawoł, japoštoł Jezom Chrysta, po přikazni Boha, teho našeho zbóžnika a teho Knjeza Jezom Chrysta, kiž je naša nadžija, *Jap. zk. 9, 15.*

2. Timotejej, mojemu sprawnemu synej we wěrje, budź hnada, smilnosť a měř wot Boha, našeho Wótca a našeho Knjeza Jezom Chrysta! *Tit. 1, 4.*

3. Kaž će napominał sym, zo by we Ephezu wostał, jako ja do Makedonskeje čehnjech, tak čini ty, zo by někotrym roskazał, zo bychu hinak njewučili,

4. Ani njekedźbowali na basnički a wopisma tych narodow, kiž so dlěja bjez kónca a wjazy prašenja činja, hač zo bychu Bože zastojństwo přez wěru porjedžile. *st. 4, 7.*

5. Kónc přikazanja pak je: Lubosć z čisteje wutroby a z dobreho swědomnja a z praweje wěry; *Prěd. 12, 13. Rom. 13,*

10.

6. Wot kotrejež někotři su wotstupili a su so wobročili k prózdnym řečam;

7. Chcedža zakonja wučerjo być a njerozumja ani to, štož praja, ani to, štož tak wěste a twjerde činja.

8. My pak wěmy, zo zakon dobry je, jeli zo jeho štó prawje wužiwa, *Rom. 7, 12.*

9. A to wě, zo prawemu zakoni njeje postajeny, ale njeprawym a nje-poslušnym, bjezbóžnym a hrěšnikam, njeswjatym a njeduchomnym, nanowym a maćernym mordarjam a tym, kiž čłowjeka zabija,

10. Kurwarjam, tym, kiž so z muskimi zlěhaju, ludźi paducham, łharjam, njeprawym přisaharjam a štož druge wjacj strowej wučbje móže napřećiwo być, *2 Mój. 21, 16.*

11. Po tym krasnym ewangeliju teho zbóžneho Boha, kotrež mi dowěrjene je.

12. A ja so džakuju našemu Knjezu Chrystusu Jezusu, kiž mje mócneho je sćinił a za swěrneho dđeržał, a na tu službu mje je přistajił,

13. Kiž ja prjedy běch hanjer a

presćěhar a zaničer; ale mi je so smilnosť dóstała, přetož ja sym to same činił z njewědžomosću w njewěrje.

14. Přibywała pak je čím bóle ta hnada našeho Knjeza z wěru a z lubosću, kotraž w Chrystusu Jezusu je.

Tekst na 1. njedźelu adwentu. IV.

15. [Přetož to je zawěsće wěro a jara dostojne słowo, zo Chrystus Jezus do swěta je přišoł, hrěšnikow zbóžnych sćinić,] bjez kotrymž ja tón přeni sym; *Mat. 9, 13. Mark. 2, 17.*

16. Ale teho dla je so mi smilnosť dóstała, zo by na mni najprjedy Jezus Chrystus wopokazał wšitku sćerpnosć k znamjenju tym, kiž do njeho wěrić budža, zo wěčne žiwjenje změja.

17. Bohu pak, temu wěčnemu kralej, temu njezachodnemu, njewidomnemu a samemu mudremu, budž česć a chwalba wot wěčnosće hač do wěčnosće! Hamjeń. *Rom. 16, 27.*

Tekst na 22. njedźelu po swj. Trojicy. IV.

18. [Tu přikaznju ći poruču, mój syno Timothejo, po tym přěńšim prophetiskim słowje wot tebe, zo by ty w tym samym dobre wojerstwo wojował,

19. A měł wěru a dobre swědomnje, kotrež někotři su wot sebje wotstorčili a su na wěrje lóž rozlamali (škodu wzali).] *St. 3, 9. St. 6, 13. 14.*

20. Wot kotrychž staj Hymen a Aleksander, kotrežu ja zatanej sym podał,

zo byštaj powučenaj byłaj a nas nje-haniłaj. *2 Tim. 2,*

17.

2. staw.

Hdy a kak so macy a žónske w gmejnje modlić dyrbjaj.

Epistola na njedźelu Rogate.

1. [Teho dla ja napominam, zo by přede wšěmi wěcami so stała próstwa, modlitwa, dobroprošenje a džakowanje za wšitkich čłowjekow,

2. Za kralow a za wšěch wjerchow, zo bychmy pokojne a čiche žiwjenje wjesć móhli we wšej bohobojaznosći a póćiwosći. *Jer. 20, 7.*

3. Přetož to je dobre a spodobne před Bohom, našim zbóžnikom,]

Tekst na 3. njedźelu adwentu. IV.

4. [Kiž chce, zo by wšitkim ludžom pomhane było a zo bychy k póznaću teje prawdy přišli. *Ez. 18, 23. 2 Pětr. 3, 9.*

5. Přetož jedyn Bóh je a jedyn srědnik bjez Bohom a čłowjekami, tón čłowjek Chrystus Jezus, *Jan. 17, 3.*

6. Kiž so sam dał je k wuplaćenju za wšitkich, a zo by to předowane było w swojim času;] *Gal. 1, 4.*

7. Na kotrež ja sym postajeny za předarja a za japoštoła (ja prawdu rěču w Chrystusu a nježu), za wučerja tych

pohanow, we wěrje a w prawdze. *2 Tim. 1, 11. Jap. zk. 9, 15: St. 13, 2.*

8. Dha chcu ja, zo bychy so mucy k Bohu modlili na kóždym měsće a swjatej rucy pozběhnuli bjez hněwa a bjez wurěčowanja;

9. Tak tež, zo bychy žónske w přistojnej drasće z hanibowanjom a z pósćiwosću so wuhotowale nic z kudžerjawymi włosami ani ze zlotom ani z parlemi ani z jara drohimi šatami, *1 Pětr. 3, 3. 4.*

10. Ale kaž přisteji žónskim, kotrež bohaborjaznosć wopokazuja přez dobre skutki. *St. 5, 10.*

11. Žónska njech wuknje w mjelčenju ze wšěm poddanstwom. *Eph. 5, 22.*

12. Žonje pak njepridam, zo by wučila ani zo by na mužy knježila, ale zo by mjelčo byla. *1 Kor. 14, 34. 1 Mójz. 3, 16.*

13. Přetož Hadam je přeni stworjeny, potom Jěwa. *1 Mójz. 1, 27. St. 2, 7. 21.*

14. A Hadam njebě zawjedženy, ale žónska bě zawjedžena a je přestupjenje přiwjedla. *1 Mójz. 3, 6.*

15. Zbóžna pak budže, hdyž džěci porodzi, jeli zo wostanje we wěrje a w lubosći, w swjećenju z pósćiwosću.

3. Staw.

Kajcy cyrkwinj sluzomnicy a ci, kiž jim pristuseju, byc dyrbja. Wo cyrkwi a potajnstwje bohaborjose.

1. To je wěste wěrne słowo: jeli zo što biskopstwo žada, tón žada krasne džělo.

Jap. zk. 20, 28.

2. Biskop pak dyrbi bjez poroka byc, jedneje žony muž, stróžby, rozumny, pósćiwy, rad hospodować, pěknje wučić; *Tit. 1, 6. 3 Mójz. 21, 17 x. 1 Pětr. 5, 3.*

3. Wón njedyrbi byc wopilec ani zwadnik ani njepřistojneje žiwnosće hladać; ale wón dyrbi zdobny, měrny a nje-lakomny byc, *3 Mójz. 10, 8 x. Tit. 1, 7.*

4. Kiž by sam swojemu domu derje prjódk stał, kiž by poslušne džěci měl ze wšej pósćiwosću; *1 Sam. 2, 12.*

5. (Přetož štož sam swojemu domu njewě prjódk stać, kak chce tajki cyrkej Božu wobstarać?)

6. Nic nowotnik, zo by so njenaduł a hanjerjej do sudženja njepadnył;

7. Wón pak tež měc dyrbi dobre wopokazanje wot tych, kiž wonkach su, zo by djablěj njepadnył do hanjenja a do kosydlu. *St. 5, 10.*

8. Teho runja sluzomnicy dyrbja byc pósćiwj, nic dwojeje ryče, ani wopilecy ani njepřistojneje žiwnosće hladać,

9. Kotřiž bychy potajnstwo teje wěry w čistym swědomnju měli. *St. 1, 19.*

10. A ci njech budža prjedy spytani; potom njech služa, jeli zo bjez poroka su.

11. Tak tež jich žony dyrbja byc pósćiwj, nic kleskawe, ale stróžbe, swěrne we wšěch wěcach. *Tit. 2, 3.*

12. Ci sluzomnicy njech su jedneje žony mužoj, kiž swojim džěcom derje prjódk steja a swojim domam.

13. Přetož kotřiž derje služa, ci sebi sami činja dobry stopjeń a wulku chroblosć we wěrje, kotraž je w Chrys-

tusu Jezusu. *Mat. 25, 21. 1 Jan. 3, 21.*

14. To ci pišu, nadźiju so pak, zo najskešo k tebi přińć budu;

15. Hdy bych so něhdže zakomdžil, zo by wědzał, kak so maš zadžeržeć w Božim domje, kiž je ta cyrkej teho žiweho Boha, stolp a twjerdžina teje prawdy. *2 Tim. 2, 20.*

Tekst na 2. swjedžeń hodow. IV.

16. A [zawěrnje wulke je to potajnstwo Božej služby: Bóh je zjewjeny w čěle, prawyčinjeny w duchu, widženy wot jandželow, přédowany póhanam, wěrjeny wot swěta, horje wzaty do krasnosće.] *Jan. 1, 14. Mark. 16, 19.*

4. Staw.

Kak my dyrbimy so hladać před zawjednikami poslenjeho časa; napominanje k zwučowanju bohobojosće.

1. Tón Duch pak zjawnje praji, zo w poslenich časach někotři budža wot wěry wotpanuć a posluchać na zawjednych duchow a na čertowske wučby, *Mat. 24, 4. 5. 2 Tim. 3, 1. 2 Pětr. 3, 3. Jud. št. 18. Dan. 7, 25. 1 Jan. 2, 18.*

2. Tych samych, kiž w přisłodženju lžě ryča a připalene znamjo na swoim swědomnju maju,

3. A zakažu so woženíć a jědže wužiwać, kotruž Bóh je stworił, zo bychy ju z džakowanjom k sebi brali ci wěrní a kiž prawdosć póznaju. *1 Móž. 9, 3.*

4. Přetož wšitko Bože stworjenje je dobre, a ničo njeje k začisnjenju, štož z džakowanjom budže wzate;

5. Přetož wone budže woswjećene přez Bože słowo a přez modlitwu. *Tit. 1, 15.*

6. Budžeš ty to tym bratram prjódk klasć, dha dobry služomnik budžeš Jezom Chrysta, kiž sy horječehnjeny při słowje teje wěry a bolje wučby, za kotrejž ty šol sy. *2 Tim. 1, 5.*

7. Ale te njeswjate a babjace basnički začisni; spytaj so pak sam w bohobojnosći. *St. 6, 20. 2 Tim. 2, 16. 23. Tit. 1, 14.*

8. Přetož čelne spytanje je mało wužitne; ta bohobojnosć pak je k wšitkim wěcam wužitna a ma slubjenje teho nětřišeho a přichodneho žiwjenja. *St. 6, 6.*

9. To je zawěsće wěrne a jara dostojne słowo. *St. 1, 15.*

10. Přetož na to so my tež prócujemy a budžemy hanjeni, zo nadźiju mamy k žiwemu Bohu, kiž je zbóžnik wšitkich čłowjekow, wosebje pak tych wěrných. *Tit 2, 11. Eph. 5, 323.*

11. To přikaž a wuč.

12. Njeh žadyn twoju młodosć njezaspí; ale budž znamjo tym wěrnym na słowje, na žiwjenju, na lubosći, na duchu, na wěrje a na pócciwosći.

13. Zadžerž so swěru při lazowanju, při napominanju, při wučanju, hač bych přišol. *Jan. 5, 39.*

14. Njezabudź teho dara, kotryž w tebi je a je tebi daty přez profetiske słowo z kładženjom rukow tych staršich na tebjě. *Jap. zk. 6, 6.*

15. Wo to so rozmysl, při tym budź, zo by twoje přiběranje pola wšitkich zjawne bylo.

16. Měj sam na so kedźbu a na tu wučbu a wostań při tym. Přetož hdyž to činiš, dha budžeš so sam zbóžneho činić a tež tych, kotřiž će słyša.

5. Staw.

Kak so předar přećiwo paršonam wšelakeho štanta a starosće zadžeržeć ma, teho runja tež přećiwo sebi samemu.

1. Stareho njeswar, ale napominaj jeho jako nana; młodych jako bratrow; *3 Mójz. 19, 32.*

2. Stare žónske jako maćerje; młode jako sotry ze wšej pósćiwosću. *Jan. 19, 27.*

3. Česć te wudowy, kotrež prawe wudowy su. *Št. 5.*

4. Ma-li pak někotra wudowa džěći abo džěćidžěći, njech te same prjedy wuknu so w swojim domje bohobojaznje zadžeržeć a tymaj staršimaj runu dobrotu činić; přetož to je česna a spodobna wěc před Bohom. *Sir. 3, 13. 14.*

5. To je pak prawa wudowa, kotraž, sama sebi wostajena, staji swoju nadžiju

na Boha a wostanje w próstwach a modlitwach w nocy a wodnjo; *Luk. 2, 37. St. 18, 1.*

6. Kotraž pak čělnych lóštow hlada, ta je žiwa morwa. *Rom. 8, 13.*

7. A to přikaž, zo by wona bjez poroka byla. *St. 4, 11.*

8. Štóz pak tych svojich, wosebje svojich domjacych, njewobstara, tón je wěru zaprěl a je hórši dyžli póhan. *Gal. 6, 10. 2 Tim. 3, 5. Tit. 1, 16.*

9. Njech wudowu wuzwola, kotraž by njeměla mjenje šěsć džesać lět a kiž je byla jeneho muža žona,

10. Kotraž swědkow ma, zo je dobre skutki sćiniła: je-li wona džěći horje čahnula, je-li rada hospodowała, je-li swjatych nohi myła, je-li tym hubjenym služiła, a je-li po wšem dobrym skutku přeco chodžiła. *1 Pětr. 4, 9.*

11. Młode wudowy pak njepřipušć; přetož hdyž wone so su chlósćiwje sćiniłe přećiwo Chrystusej, dha so chcedža wudać;

12. Wone maju swój sud, zo přenju wěru njejsu džeržale.

13. Při tym pak su wone tež rade prózdne a wuknu po chěžach wokoło běhać; haj su nic jeno prózdne, ale tež njebole; staraju so wo njepotrjebne wěcy a baja, štož so njehodži. *Přist. 7, 11.*

14. Teho dla chcu ja, zo bychy so młode wudowy wudałe, džěći porodžiłe, hospozy byle a temu přećiwnikej žaneje winy njedawałe k swarjenju; *1 Kor. 7, 9 Tit. 2, 8.*

15. Přetož wone su so hižom někotre přeč wobročile a šle za zatanom. *St. 1,*

6.

16. Ma-li pak někotry wěrný abo někotra wěrna wudowy, njech je wobstara, gmejna pak budź njewobćežena, zo by tym, kotřež prawe wudowy su, pomhane było.

17. Ći starši, kotřiž derje prjódk steja, dyrbja za dwojeje česće dostojni dźerženi być, wosebje Ći, kiž so w słowje a wučbje prócuja. *Rom. 12, 8. St. 15, 27.*

18. Přetož pismo praji: Ty njedyrbiš temu wolej, kiž młóci, huby zawjazać; a: džělaćer je swojeje mzdy hódny. *5 Mójz. 24, 14. 15. St. 25, 4. Mat. 10, 10. Luk. 10, 7.*

19. Přeciwo staršemu njewzmi žanu skóržbu horje, chiba na dweju abo na třoch swědkow. *Jan. 8, 17.*

20. Kotřiž hrěša, tych naswar přede wšitkimi, zo bychy tež druzy bojosć měli. *Eph. 5, 12. 2 Tim. 4, 2.*

21. Ja wobswědču před Bohom a před tym Knjezom Jezom Chrystom a před tymi wuzwolenymi jandželemy, zo by tuto zachował bjez přechwatanja swojich mysłow a zo by ničo nječinił přecelstwa dla. *1 Kor. 9, 9.*

22. Rucy na nikoho hnydom njekładź a hladať so cuzych hrěchow. A džerž so sam čisteho. *Jap. zt. 6, 6.*

23. Njepij wjacý wody, ale wužiwać kapku wina twojeho žołdka dla a zo husto chory sy.

24. Někotrych ludźi hrěchi su prjedy zjawne a přińdu hnydom k sudženju; někotrych pak so potom hakle wopokazuja.

25. Teje runosće tež někotrych dobre skutki su prjedy zjawne, a kiž so hinak

maju, tež so potajić njemóža.

6. staw.

Wo wotročkach, zawjednikach, bohatych a wo bědženju wěry.

1. Ći wotročcy, kotřiž pod zpšahom su, Ći dyrbja swojich knježich wšeje česće dostojnych měć, zo by Bože mjeno a ta wučba zaničowana njebyła. *Eph. 6, 5.*

2. Kiž pak wěrných knježich maju, Ći tych samých zacpěć njedyrbja, teho dla, zo bratřa su; ale dyrbja wjele wjacý jim služowni być, dokelž wěrní a lubí su a runeje dobroty Božej wužiwaju. To wuč a napominaj. *St. 4, 11. Tit. 3, 8!*

3. Jeli zo štó hinak wučí a njepřistupi do tych strowých słowow našeho Knjeza Jezom Chrysta a do teje wučby po bohobojaznosći: *Gal. 1, 6—9. 2 Tim. 1, 13.*

4. Tón je naduty a njewě ničo, ale je njestrowy na woprašěnjach a na słowach, z kotrychž přińdže zawisć, zwada, hanjenje, złe pomyslenje,

5. Njewušne wurěčowanje tych samých ludźi, kotřiž su skaženi na myslach a prawdy tradať, kotřiž sebi mysla, zo bohobojaznosć je někajke wikowanje. Wotstup wot tajkich.

Tekst na 5. njedželu po swj. Trojicy. IV.

6. [Wulki dobytk pak je, štóž bohobojazny je a dosć ma na tym, štož jemu

Bóh da.

St. 4, 8. Přist. 15, 16.

7. Přetož my ničo na swět přinjesli njejsmy, a je zjawne, zo tež ničo z njeho wunjesć njebudžemy. *Hiob. 1, 21. Prěd. 5, 14. Kn. Mudr. 7, 6.*

8. Hdyž pak žiwnosć a drastu mamy, dha njech my z pokojom smy. *1 Mójz. 28, 20. Přist. 30, 8.*

9. Kotřiž pak so chcedža wobohaćić, tajcy padnu do spytowanja a do syće a do wjele hlupych a škódných žadosćow, kiž tych čłowjekow do skaženja a do zatamanstwa ponurja. *Sir. 27, 1. Přist. 23, St. 28, 22.*

10. Přetož ta pjenježna lubosć je korejń wšitkeho zleho, kotraž někotrym so lubila je, a su so wot wěry zabłudžili a sami sebi wjele bolosćow načinili.] *2 Mójz. 23, 8.*

Tekst na 2. njedźelu po třoch kralach. IV.

11. Ale [ty, o Boži čłowječe, zmiń so teho; hoń pak za prawdosću, za bohobojaznosću, za wěru, lubosću, sćerpliwosću a za ćichosću. *2 Tim. 2, 22.*

12. Wojuj to dobre wojowanje teje wěry; zapřimń wěčne žiwjenje, na kotrež tež sy powołany a sy póznał to dobre póznaće před wjele swědkami. *1 Kor. 9, 25. 26.*

13. Ja ći přikažu před Bohom, kiž wšitke wěcy žiwe čini, a před Chrystusom Jezusom, kiž pod Ponciom Pilatom je wobswědčil dobre swědčenje, *5 Mójz. 32, 39. Jan. 18, 36. St. 19, 11.*

14. Zo by ty tu prikaznju dźeržał njezmazanu a bjez poroka, hač na to zjew-

jenje našeho Knjeza Jezom Chrysta,

15. Kotrež budže pokazać w swójim času tón zbóžny a sam mócný, tón kral wšitkich kralow a Knjěz wšitkich knježich, *Zjew. 17, 14. St. 19, 16. 5 Mójz. 10, 17.*

16. Kiž sam ma njesmjertnosć a bydli w swětle, do kotrehož ničtó stupić njemóže, kotrehož žadyn wot čłowjekow widźil njeje ani widžeć njemóže; temu budź česć a wěčne knjejstwo. Hamjeń.] *2 Mójz. 33, 22. Jan. 1, 18. 1 Jan. 4, 12.*

17. Tym bohatym w tym nětčišim swěće přikaž, zo bychu njebyli vysoko zmysleni, tež so njespušćeli na njewěste bohatstwo, ale na žiweho Boha, kiž nam bohaće dawa wšelke wěcy wužiwać; *Ps. 62, 11. Luk. 12, 15. 20. 1 Tim. 4, 10.*

18. Zo bychu dobrotu činili, bohaće byli na dobrych skutkach, radži dawali, pomocni byli, *5 Mójz. 16, 7. 10.*

19. A tak čazy schowali sebi samym k dobremu załoženju na to přichodne, zo bychu zapřijeli wěčne žiwjenje. *Mat. 6, 20.*

20. Luby Timothejo, wobarnuj to, štož ći je poručene, a wostaj so teho njeduchowneho prózdneho njeboljenja a teho, štož ta njeprawje mjenowana wědomosć přećiwo staji, *2 Tim. 1, 14. 1 Tim. 4, 7.*

21. Kotruž někotři wudawaju a wot wěry so zabłudža. Hnada budź z tobu! Hamjeń. *St. 1, 6. 2 Tim. 2, 18.*

List na Timotheja přěni, pisany z Laodizeje, kiž je wosebniše město Ph-

rigizkeje Pakazianzkeje zemje.

Druhi list swj. japoštoła Pawoła na Timoteja.

Prěni staw.

Napominanje k wobsta- jnosći na čistej wučbje w přesćěhanju.

1. Pawoł, japoštoł Jezom Chrysta přez Božu wolu, po slubje teho žiwjenja w Chrystusu Jezusu: *St. 2, 10.*

2. Mojemu lubemu synej Timotejej budź hnada, smilnosť, měř wot Boha Wótca a Chrystusa Jezusa, našeho Knjeza! *1 Kor. 7, 25.*

3. Ja so Bohu džakuju, kotremuž služu wot mojich wótcow hew w čistym swědomnju, tak zo ja njepřestanu će wopomnić w mojej modlitwje w nocy a wodnjo; *Jap. zk. 24, 16. St. 23, 1. Rom. 1, 8. 9.*

4. A žadam sebi, zo bych će wohladał, hdyž spomnju na twoje sylzy, zo bych z wjesolósću napjelnjeny był;

5. A dopomnju so teje praweje čisteje wěry w tebi, kotraž přjedy je bydlila w twojej wowi Loidže a w twojej mačeri Eunizy; sym pak wěsty, zo tež w tebi.

Jap. zt. 16, 1.

6. Teho dla će napominam, zo by tón dar Boži zbudził, kotryž w tebi je, přez nakładženje mojeju rukow. *1 Thes. 5, 19. 1 Tim. 4, 14.*

Tekst na 2. swjedžeń sw- jatkow. IV.

7. Přetož [Bóh nam dał njeje ducha teje bojosće, ale teje mocy a lubosće a stroweje mysle.] *Rom. 8, 15.*

8. Teho dla njehanibuj so teho swědčenja našeho Knjeza, ani mje, kiž jeho zwjazany sym; ale ćerp tež zo mnu na epangeliju po Božej mocy, *Rom. 1, 16.*

9. Kotryž nas zbóžnych je sćinił a powołał ze swjatym powołanjom, nic po našich skutkach, ale po swojim nastajenju a po tej hnadže, kotraž nam data je w Chrystusu Jezusu před časom teho swěta, *Eph. 1, 3. 4. Tit. 3, 5. Rom. 16, 25. Eph. 3, 9. Kol. 1, 26.*

10. Nětk pak je so zjawnje wopokazała přez to zjewjenje našeho zbóžnika Jezom Chrysta, kiž je smjerći

móc wzał, žiwjenje pak a njezachodnosť na swětło přinjesł přez to ewangelion, *Rom. 16, 25. 26. 1 Kor. 15, 55. Hebr. 2, 14. Jez. 25, 8. Hoz. 13, 14.*

11. Na kotrež ja postajeny sym za předarja a za japoštoła a za wučerja tych pochanow. Ref((1 Kor. 1, 17. 1 Tim. 2, 7.))

12. Teje wěcy dla tež tuto ćerpju; ale so ničo njehanibuju, přetož ja wěm, komu ja wěrił sym, a sym wěsty, zo wón mójcný je, mój wotkład wobarnować hač do tamneho dnja.

13. Džerž při tym napismje tych strowych słowow, kotrež wote mnje słyšał sy, wot teje wěry a lubosće w Chrystusu Jezusu; *Tit. 2, 1.*

14. Tón krasny wotkład zachowaj přez swjateho Ducha, kiž w nas bydli.

15. Ty wo tym wěš, zo su so wote mnje wobroćili wšitcy, kiž su we Aziskej, bjez kotrymiž staj Phigellus a Hermogenes.

16. Tón Knjez daj smilnosť Oneziphorowemu domu, zo mje husto je wokřewił a njeje so mojich rječazow hańbował; *St. 4, 19.*

17. Haj, jako wón w Romje běše, pytaše wón mje swěru a namaka mje.

18. Njeh jemu tón Knjez da, zo by smilnosť namakał pola teho Knjeza na tamnym dnju; tež ty najlěpje wěš, kak wjele wón mi we Ephezu je služił.

2. staw.

Timotejowa swěrnosć w zastojństwe; trošt w ćerpjenju. Někotre złošće, kotrychž so mamy zdalować.

1. Teho dla ty, mój syno, posylń so přez tu hnadu w Chrystusu Jezusu;

2. A štož wote mnje słyšał sy přez wjele swědkow, to poruč swěrnym ludžom, kotřiž bychu dostojni byli tež druhich nawučić. *St. 1, 13. 1 Tim. 3, 2.*

3. Dha přěćerp zle jako dobry wojak Jezom Chrysta. *St. 1, 8. St. 4, 5.*

4. Žadyn, kotryž za wojaka služi, njepleće so do wšelkeho džěla teje žiwnosće, zo by so temu, wot kotrehož za wojaka je horje wzaty, spodobał.

5. A hdyž so štó bědzi, dha wšak krónowany njebudže, chiba zo so prawje je bědził. *St. 4, 8*

6. Rólnik, kiž so prócuje, ma přěńše plody wužiwać.

7. Wopomi, štož ja praju! Tón Knjez pak daj ći rozum na wšitko.

8. Měj w pomjátku Jezom Chrysta, kiž je horje stanył wot morwych a je so narodził ze symjenja Dawidoweho, po mojim ewangeliju, *1 Kor. 15, 4. 20. 2 Sam. 7, 12.*

9. Při kotrymž ja zle přěćerpju hač do zwjazkow jako złoštnik; ale Bože słowo njeje zwjazane.

10. Teho dla znjesu ja wšitko tych wuzwolenych dla, zo bychu tež woni zbóžnosť dóstali w Chrystusu Jezusu z wěćnej krasnosću. *Kol. 1, 24.*

11. To je zawěsće wěrnó: Jeli zo my z nim wumrjemy, dha z nim tež žiwi budžemy; *Rom. 6, 5. St. 8, 17. 1 Pětr. 4, 13.*

12. Jeli zo my přećerpimy, dha budžemy tež z nim knježić; jeli zo my jeho zaprěmy, dha wón tež nas zaprěć budže; *Mat. 10, 33. Luk. 9, 26 x.*

13. Jeli zo my njewěrimy, dha wón wšak swěrný wostanje: Wón so sam zaprěć njemóže. *Rom. 3, 3. 4 Mójz. 23, 19.*

14. Na to jim spomín a wobswědč před Knjezowym wobličom, zo bychy so słowow dla njewadžili, kotřež k ničomnu wužitne njeje, chiba k zamylenju tych, kiž poslušaju. *Tit. 3, 9. 1 Tim. 6, 4.*

15. Prócuju so, zo sam so Bohu wopokažeš jako prawy džělačer, kiž by so njetrjebał zahanibować a kiž by derje rozdźělil to słowo teje prawdy.

16. Teho njeswjateho prózdneho baća so wostaj; přetož wone wjele pomha k bjezbóžnosći, *1 Tim. 4, 7. St. 6, 20. Tit. 1, 14.*

17. A tajkich njebolakow słowo žerje wokoło so jako rak, bjez kotrymiž staj Himen a Philet, *1 Tim. 1, 20.*

18. Kotrajž so nimo wěrnosće staj zabłudźilaj a prajitaj, zo horjestawanje so hižom je stało, a staj někotrych wěru přewróćilaj. *1 Tim. 6, 21.*

19. Ale to twjerde založenje Bože wobsteji a ma tón zygl: Tón Knjez znaje swojich; a: njech wotstupi wot njeprawdosće, štóž mjenuje to mjeno Chrystusowe. *Ps. 1, 6. Mat. 7, 23.*

20. We wulkim domje pak njejsu jeno

zlote a slěborne sudobja, ale tež drjewjane a hlinjane; a někotre su k česći, druge pak k nječesći.

21. Štóž so teho dla sam wučisći wot tajkich ludźi, tón budže sudobjo k česći swjećene a wužitne hospodarjej a k wšemu dobremu skutku přihowowane.

22. Wostaj so tež tych lósto teje młodosće; ćer pak za prawdosću, za wěru, za lubosću, za měrom z tymi, kiž so k temu Knjezej wołaju z čistej wutrobu. *1 Tim. 6, 11.*

23. Ale začisń hłupe a njekmane woprašowanja; přetož ty wěš, zo wone zwadu porodža. Ref((1 Tim. 4, 7. Tit. 3, 9. 1 Tim. 6, 4.))

24. Knjezowy wotročk pak njedyrbi zwadniwy być, ale ľahodny přećiwu kóždemu, wustaty na wučenje, sćerpny k přenošenju tych złych, *Tit. 1, 7—9.*

25. Kiž w ćichosći by tych rozwučil, kiž so přećiwja, hdy by jim něhdy Bóh chcył pokutu dać, zo bychy prawdu póznali, *St. 4, 2.*

26. A so zaso wustrózbili ze zwjazkow teho čerta, wot kotrehož woni jeći su k jeho woli.

3. Staw.

Wo surowosći poslenich časow a krasnym wužitku Božeho pisma.

1. To pak dyrbiš wjedźić, zo w poslenich dnjach budža ćežke časy nastać; *1 Tim. 4, 1.*

2. Přetož ludžo budža, kotřiž sami so lubuja, su lakomni na pjenjezy, wysokeje mysle, hordži, leztrarjo, staršim njeposlušni, njedžakomni, njeswjecí,

3. Kiž su bjez přirodženeje lubosće, njejednociwi, čertowscy, njehanibići, džiwi, njedobri,

4. Přeradnicy, nahli, nadući, kiž lóšty wjacj lubuja hdyžli Boha;

5. Kiž su na zdaće bohaborjazni, ale móc teje bohaborjosće zapru. A tych so zdaluj! *Tit. 1, 16.*

6. Přetož wot tajkich su, kiž so tam a sem do chěžow sunja a wjedu te žónki jate, kotrež z hrěchami su wobćežene a přez wšelke požadanje hnate, *Tit. 1, 11.*

7. Kotrež přeco wuknu a wšak nihdy do póznaća teje prawdy přinć njemóža. *1 Tim. 2, 4.*

8. Z runym wašnjom pak, jako Jannes a Jambres so Móžasej přeciwištaj, tak tež tajcy so přeciwijsa tej wěrnosći; su ludžo skaženeho rozuma a su njedostojni k wěrje. *2 Móž. 7, 11. 22.*

9. Ale jim so dale tak derje njepóndže; přetož jich wrótnosć budže kóždemu zjawna, jako tež tamneju bě.

10. Ty sy pak šoł po mojej wučbje, wašnju, mysli, wěrje, čichomnosći, lubosći, sčerpliwosći, *1 Tim. 4, 6.*

11. Přescěhanju a ćerpjenju, kotrež su mje trjechiłe we Antiochii, we Jkonii, w Lyztrach, kotrež přescěhanje tam přecerpich; a ze wšitkeho teho je mje tón Knjez wumóhl. *Jap. zk. 13, 50. St. 14, 2. 19. 22.*

12. A wšitcy tež, kotřiž chcedža bohaborjazne žiwjenje wjesć w Chrystusu Jezusu, dyrbjapřesaćěhanje ćerpić. *Mat. 16, 24. Jap. zk. 14, 22.*

13. Ze złymi ludžimi pak a ze zawjednikami je přeco dale hórje: zawjedu a budža zawjedzeni.

14. Ale ty wostań při tym, štož sy nawuknył a tebi je dowěrjene; přetož ty wěš, wot koho sy wuknył.

Tekst na 6. njedželu po swj. Trojicy. IV.

15. A [dokelž wot małosće swjate pismo wěš, móže to same će rozwučić k zbóžnosći, přez wěru do Chrystusa Jezusa. *Rom. 1, 16.*

16. Přetož wšitko pismo, přez Bože nadunjenje date, je wužitne k wučenju, k dowjedženju, k swarjenju, k polěpšenju w prawdosći; *2 Pětr. 1, 19—21. Rom. 15, 4.*

17. Zo by Boži čłowjek dokonjany był, k wšemu dobremu skutku hotowy.] *St. 2, 21.*

4. Staw.

W předarskim zastojństwie su dobri zastojnicy, kiž na druhich kedžbuja, nuzni. Pawoła bėdženje a króna.

1. Teho dla wobswědču ja před Bohom a před tym Knjezom Chrystusom, kiž sudzić budže žiwych a morwych, w swojim zjewjenju a w swojim kralestwje:

Jap. zk. 10, 42. 2 Thes. 1, 7. 8. St. 2, 8. Jap. zk. 17, 31. Rom. 14, 9. 2 Kor. 5, 10. Mat. 25, 31. Jan. 5, 27.

2. Prěduj to slowo, njeprěstań, njech je čas abo nječas, swar, hrož, napominaj ze wšej sćerpnosću a wučbu. *Jez. 58, 1.*

3. Přetož čas přińdže, w kotrymž strowu wučbu znjesć njebudža, ale po samych svojich žadosćach budža sami sebi wučerjow nahromadzić, za tym, hač jim wuši budžetej swjerbić;

4. A budža wuši wot prawdy wotwrócić a so k basničkam wobroćić. *1 Tim. 4, 7.*

5. Ty pak wachuj we wšěm; přecěr zle, čin džěło ewangelskeho předarja, dopjeli swoju službu swěru.

6. Přetož ja budu hižom woprowany a čas mojeho woteńdženja je blisko. *Phil. 2, 17.*

7. Ja sym so dobre bėdženje bėdžil, ja sym doběhał, ja sym wěru dźeržał. *1 Kor. 9, 24. 25.*

8. Na to je mi wotpołożena króna teje prawdosće, kotruž mi tón Knjez na tamnym dnju, tón prawy sudnik, podać budže, nic pak mi samemu, ale tež wšitkim, kiž jeho zjewjenje lubuja. *1 Pětr. 5, 4.*

9. Čin, zo by najskerje ke mni přišoł; *Št. 21.*

10. Přetož Demas je mje wopušćil a nětčiši swět lubuje, a je do Tesaloniki čahnył, Krezzens do Galatiskeje, Titus do Dalmatiskeje; *Kol. 4, 14.*

11. Lukaš je sam lutki pola mje. Marka wzmi k sebi a přiwjedź jeho sobu; přetož wón je mi jara wužitny k službj.

12. Tychika sym pak do Epheza póslał. *Jap. zk. 20, 4.*

13. Tón mantl, kotryž w Troadže pola Karpa sym wostajil, přinjes sobu, hdyž přińdžeš, a te knihi, wosebje pak tón pergament.

14. Aleksander, tón kowar, je mi wjele zleho wopokazał; njech jemu tón Knjez zaplaći po jeho skutkach. *1 Tim. 1, 20.*

15. Kotrehož so tež ty hlada; přetož wón je našim słowam so jara přeciwił.

16. W mojim přěńšim zamołwjenju žadyn při mni nješteješe, ale wšitcy mje wopušćichu. To jim njebudź přicpěte. *Jan. 16, 32.*

17. Tón Knjez pak při mni steješe a mje posylnješe, zo by přez mje to přėdowanje dopjelnjene było, tak zo bych wšitcy póhanjo posłuchali. A ja buch wutorhnjeny z klamy teho lawa. *Jap. zk. 12, 11.*

18. Tón Knjez budže mje tež wumóž ze wšeho zleho skutka a mi zbóžnje dopomhać k swojemu njebieskemu kralestwu; kotremuž budž česć wot wěčnosće k wěčnosći. Hamjeń.

19. Rjekń wjele dobreho Prizzy a Akwili a temu Oneziphorowemu domu. *St. 1, 16.*

20. Eraztus wosta w Korinće; Trophima pak wostajich choreho w Mileće.

21. Hlada, zo by do zymy ke mni přišoł. Tebi dadža wjele dobreho powjedzić Eubulus a Pudens a Linus a Klawdia a wšitcy bratra. *Št. 9.*

22. Tón Knjez Jezus Chrystus budž z twojim duchom! Hnada budž z wami!

Hamjeń.

Tit. 3, 15.

Druhi list na Timotheja, přenjeno postajeneho Efeziskeho biskopa, pisany z Roma, jako Pawoł k druhemu bu před kejžora Nerona stajeny.

List swj. japoštoła Pawoła na Tita.

Prěni staw.

Kajke paršony so k předarškemu zastojnstwu hodža, a što předarjow zastojnstwo je.

1. Pawoł, wotročk Boži, japoštoł pak Jezom Chrysta, po wěryje tych wuzwolenych Božich a po póznaću teje wěrnosće k bohobojaznosći,

2. A nadźiji teho wěčneho žiwjenja, kotrež je slubił tón Bóh, kiž njelži, před časami teho swěta, *Rom. 1, 2.*

3. Je pak zjewił w swojim čas swoje słowo přez předowanje, kotrež mi dowěrjene je, po Božej přikazni, našeho zbóžnika, *Eph. 1, 9. 10. Jap. zk. 9, 6. 15. Gal. 1, 1.*

4. Titej, mojemu prawemu synej po naju wobeju wěryje: hnada, smilnosť, měr wot Boha Wótca a teho Knjeza Jezom Chrysta, našeho zbóžnika! *1 Tim. 1, 2.*

5. Teho dla će wostajich w Kreće, zo by to, štož wosta, doropjedźił a po městach staršich postajil, jako ja či sym

přikazał;

Jap. zk. 14, 23.

6. Jeli zo štó je bjez poroka, jedneje žony muž, ma wěrne džěći, wot kotrychž skórzba njeje, zo su wopile abo njeposlušne. *1 Tim. 3, 2.*

7. Přetož biskop dyrbi bjez poroka być, jako Boži zastojnik, nic kiž by sam po swojej hłowje přeco chcył, nic hněwny, nic wopily, nic kiž so rad bije, nic kiž njepřistojneje žiwnosće hlada;

8. Ale kiž rad hozpoduje, to dobre lubuje, je pócíwy, prawy, swjaty, strózbny; *1 Tim. 3, 2.*

9. Kiž by so teho słowa dđeržal, kotrež po wučbje wěste je, zo by wón mócny był k napominanju přez tu zbóžnu wučbu a k wotwróćenju tych přeciwnikow.

10. Přetož wjele je džiwich, njewušnych njebolakow a zawjednikow, najwjacy tych, kotřiž su z wobřezanja, *1 Tim. 1, 6.*

11. Kotrymž so dyrbitej hubje zatykać, kiž cyle domy přewróća a wuča, štož so njehodži, hrozneho dobytku dla. *Mat. 22, 34. 2 Tim. 3, 6. 1 Pětr. 5, 2.*

12. Wot nich je jedyn prajil, sam

jich profeta; Kritiscy su přeco lharjo, zle zwěrhata, lěnje brjuchi.

13. To wobswědčenje je wěrne. Teje wěcy dla naswar jich chutnje, zo bychu strowi we wěrje byli, *Jan. 19, 35. 2 Tim. 4, 2.*

14. A njeměli kedźbu na židowske basnički a čłowječne prikaznje, kotrež jich wotwobroća wot prawdy. *1 Tim. 4, 7.*

15. Čistym je wšitko čiste; mazanym pak a njewěrnym njeje ničo čiste, ale zmazana je jich mysl a swědomnje. *Jap. zk. 10, 15. Rom. 14, 20. Mat. 15, 11.*

16. Woni so wudawaju, zo Boha znaja, ale ze skutkami to zapru; přetož woni su, na kotrychž Bóh hroznosć ma, a su njeposlušni a k wšitkim dobrym skutkam njekmani. *2 Tim. 3, 5.*

2. Staw.

Kak so wšelake stawy Božeje hnady dla w žiwjenju zadžeržec maju.

1. Ty pak ryč, kaž so zaleži po zbóžnej wučbje: *1 Tim. 6, 3. 2 Tim. 1, 13.*

2. Zo stari ludžo bychu strózbili byli, póćiwi, rozumni, strowi we wěrje, w lubosći, w sćerpliwošći;

3. Tak tež stare žony, njech chodža w tajkej drasće, kiž swjatym přisteji, njech wot druhich zle njeryča, njech k wjele winu so njenawuća, ale njech dobre wuća;

4. Zo bychu młode žony wučile pósciwe być, svojich mužow lubować a

z dźěćimi derje měnić,

5. Zo bychu pósciwe byle, šwarne, dobre hospozy, dobroćiwe, svojim mužam poddane, zo by jich dla słowo Bože do zleje ryče njepřišlo. *Eph. 5, 23.*

6. Teho runja młodych mužow napominaj, zo bychu póćiwi byli.

7. Wšudžom pak so sam postaj za znamjo dobrych skutkow z njezkaženej wučbu, z wobstajnej pósciwosću,

8. Ze strowym słowom, kotrež by niktó hanić njemohł, zo by so přeciwnik zahanibował a njeměł ničeho, zo by wot nas zle mohł rěčeć. *1 Tim. 5, 14.*

9. Tych wotročkow napominaj zo bychu svojim knježim poddani byli a we wšitkich wěcach so jim k spodobanju zadžerželi a nic přeciwo kusali, *Eph. 6, 5. Kol. 3, 22. 1 Tim. 6, 1. 1 Pětr. 2, 18.*

10. Ničo njewzali, ale wšitku dobru swěrnosć wopokazali, zo bychu tu Božu wučbu našeho zbóžnika česćili we wšěch wěcach. *1 Tim. 1, 1. Tit 1, 8.*

Epistola na Boži džen.

11. [Přetož ta zbóžna hnada Boža je schadźala wšitkim čłowjekam,

12. A rozwuči nas, zo my dyrbimy zapřec bjezbóžne wašnje a swětné lóšty, a pósciwe, prawe a bohobojazne žiwjenje wjesć tu na tym swěće,

13. A wočakować na tu zbóžnu nadžiju a zjewjenje teje krasnosće teho wulkeho Boha a našeho zbóžnika Jezom Chrysta, *1 Kor. 1, 7. Phil. 3, 20.*

14. Kiž so sam za nas dał je, zo by wón nas wumóhl wot wšeje njeprawdosće a sebi sam wučisćil lud, kiž by sam

jeho był a so swěru dźeržał k dobrym skutkam.] *Gal. 1, 4.*

15. To ryč a napominaj a dowjedź ze wšej chrobłosću. Njedaj so žadnemu zacpěć.

3. Staw.

Wyšnosť dyrbi so česćić, Boža dobrota so chwalić; njewužitnych prašenjow a kecarjow mamy so zdalować.

1. Spominaj jim, zo bychu wjercham a mócnym poddani a poslušni byli, zo bychu na wšón dobry skutk hotowi byli, *Rom. 13, 1—7. 1 Pětr. 2, 13. 2 Tim. 3, 17.*

2. Na nikoho zle njerěčeli, so njewadžili, so zadźerželi kaž zdobne je a wšu čichomnosć wopokazali wšitkim ludžom. *Phil. 4, 5.*

3. Přetož my běchmy tež junu hlupi, njeposlušni, bładniwi, služachmy wšelkim žadosćam a lóštam a chodźachmy w zlósci a w zawisći, škerjedni a hidźachmy so bjez sobu. *1 Kor. 6, 11. Eph. 4, 17. 18. St. 5, 8.*

Tekst na Boži dzeń. IV.

4. [Jako so pak zjewiła je ta dobroćiwosć a luboznosć Boha, našeho zbóžnika, *St. 2, 11. 1 Jan. 4, 9.*

5. Nic skutkow dla teje prawdosće, kotrež my sćinili běchmy, ale po swojej smilnosći čini wón nas zbóžnych přez tu kupjel noweho narodźenja a wonowjenja

teho swjateho Ducha, *Eph. 2, 8. 9. 2 Tim. 1, 9.*

6. Kotrehož wón bohaće na nas wulał je přez Jezom Chrysta, našeho zbóžnika, *Joel. 2, 28.*

7. Zo bychmy přez teho sameho hnadu prawi a herbojo byli wěčneho žiwjenja po tej nadźiji.] To je zawěsće wěrnó. *Rom. 8, 17.*

8. To chcu ja, zo by ty wobtwjerdźił, zo bychu ći wěryacy Boži so starali dobrym skutkam přjódkać; přetož to je krasna a wužitna wěc ludžom.

9. Tych njemudrych prašenjow pak, tych narodow wopismow, teje zakonjoweje zwady a bitwy so wostaj; přetož to su njewušne a kničomne wěcy. *1 Tim. 4, 7. 2 Tim. 2, 23.*

10. Kezarskeho čłowjeka zdaluj so, hdyž wón junu abo dwójcy je napominany, *Mat. 7, 15. Mat. 18, 15. 16.*

11. A wjedź, zo tajki je přewróćeny a hrěši, jako sam přez so zatamany. *1 Tim. 6, 5.*

12. Hdyž k tebi budu posłać Artemana abo Tychika, dha přińdź hnydom ke mni do Nikopola; přetož tam sym ja wobzanknuł přez zymu wostać. *Jap. zk. 20, 4. Eph. 6, 21.*

13. Zenana, pismawučeneho, a Apolosa swěru daj přewodźić, zo by jima na ničim nuza njebyła. *Jap. zk. 18, 24.*

14. Njeh pak tež ći naši wuknu w dobrych skutkach stać nuzneho wužitka dla, zo bychu njepłodni njebyli. *1 Tim. 6, 18.*

15. Wjele dobrego dadźa ći powjedźić

wšitcy, kiž při mni su. Rjekń wjele dobreho wšěm, kiž nas lubuja we wěrje. Hnada budź z wami wšitkimi! Hamjeń.
Gal. 5, 6.

List (na Tita, přěnjeho postajeneho biskopa Krećinzkeje cyrkwe), pisany z města Nikopola w Mazedonskej zemi.

List swj. japoštoła Pawoła na Philemona.

***Pawoł prosy za Onezima,
wobroćeneho wotročka.***

1. Pawoł, tón zwjazany Chrystusa Jezusa, a Timotej, tón bratr, Philemonej, temu lubemu a našemu pomocnikoj,

Eph. 3,

1.

2. A Apii, tej lubej, a Archippej, našemu towaršej, a tej zhromadźiznje w twojim domje:

Kol. 4, 17.

3. Hnada budź z wami a měr wot Boha, našeho Wótca, a teho Knjeza Jezom Chrysta!

Kol. 1,

2.

4. Ja so mojemu Bohu džakuju a spomnju stajnje na tebe w mojich modlitwach,

5. Dokelž słyšu wot twojeje lubosće a wěry, kotruž maš do teho Knjeza Jezom Chrysta a k wšěm swjatym,

Eph. 1, 15.

Kol. 1, 4.

6. Zo by twoja wěra, kotruž my hromadže mamy, w tebi móčna była na poznać wšitkeho teho dobrego, kiž wy maće w Chrystusu Jezusu.

7. My mamy pak wulku wjesołosc

a trošt na twojej lubosći, luby bratře, zo wutroby tych swjatych přez tebe su wokřewjene.

2 Tim. 1, 16.

8. Teho dla, hač ja runje wulku chrobłosć mam w Chrystusu, ći roskazać, štož ći zaleži,

1 Thes.2, 7.

9. Dha chcu wšak lubosće dla radšo napominać, kiž tajki sym, to je tón stary Pawoł, nětk pak tež zwjazany Jezom Chrysta.

10. Prošu će pak mojeho syna Onefima dla, kotrehož w mojich zwjazkach sym porodźił,

Kol. 4, 9.

11. Kotryž tebi něhdy njewužitny, nětk pak tebi a mi wužitny je, teho sym zaso wotesłał;

12. Ty pak chcyl jeho, to je sam moju wutrobu, horje wzać.

13. Přetož ja chcych jeho při sebi zdžeržec, zo by mi na twoje město služil w tych zwjazkach teho ewangelija;

14. Ale bjez twojeje wole nochzych ničo činić, zo by twoja dobrota njebyła jako wotnućena, ale z dobrej wolu.

15. A snadź je wón teho dla na chwilu ći wustupił, zo by jeho wěcnje zaso měl;

1 Mójz. 45, 5.

16. Nětk nic dale jako wotročka, ale jako wjazy dyžli wotročka, jako lubeho bratra, wosebnje mi, a kak wjele bóle tebi, po čěle a tež w tym Knjezu.

17. Maš-li teho dla mje za swojeho towarša, dha wzmi jeho horje jako mje sameho;

18. Je-li pak wón tebi škodu činił abo něšto tebi winowaty, to mi připiš;

19. Ja, Pawoł, sym to pisał z mojej ruku, ja chcu zapłaćić; nochcu wot teho či ničo prajić, zo tež ty sam so mi winowaty sy.

20. Haj, mój bratře, popšej mi, zo bych će tu wužiwał w tym Knjezu; wokřej moju wutrobu w tym Knjezu.

21. Ja sym z dobrej nadźiju k twojej poslušnosći či pisał; přetož ja wěm, zo ty tež wjacj činić budžeš, dyžli ja praju. *2 Kor. 7, 15. 16.*

22. Přihotuj pak sobu tež mi hospodu; přetož ja so nadźiju, zo přez wašu modlitwu z Božeje hnady wam daty budu.

23. Wjele dobreho či dadža prajić Epaphras, mój sobujaty w Chrystusu Jezusu,

24. Markus, Ariztarchus, Demas, Lukaš, moji pomocnicy. *Kol. 4, 14.*

25. Ta hnada našeho Knjeza Jezom Chrysta budź z waším duchom! Hamjeń.

List na Philemona, pisany z Roma a póslany přez wotročka Onezima.

Prěni list swj. japoštoła Pětra.

Prěni staw.

Wo Božich duchownych dobrotach a křesćijanow poslušnosći.

1. Pětr, japoštoł Jezom Chrysta, tym wuzwolenym cuzomnikam tam a sem w Pontizkej, w Galatizkej, w Kappadozizkej, we Aziskej a w Bithynizkej, *Jan. 7, 35.*

2. Po prjedywjedženju Boha teho Wótca, přez woswjećenje teho Ducha, k poslušnosći a k wobkrjepjenju teje krwě Jezom Chrysta: Bóh daj wam wjele hnady a měra! *Rom. 8, 29.*

Epistola na jutrowničku.

3. [Chwaleny budź Bóh a tón Wótc našeho Knjeza Jezom Chrysta, kiž nas po swojej wulkej smilnosći z nowa porodźił je na žiwu nadźiju přez to horjestaće Jezom Chrysta wot morwych, *2 Kor. 1, 3. Eph. 1, 3.*

4. K njezachodnemu a k njezmazanemu a k njezwjadnemu herbstwu,

kotrež wam schowane je w njebjesach, *St. 5, 4.*

5. Kiž wy z Božej mocy přez wěru wobarnowani budžeće k zbóžnosći, kotraž přihotowana je, zo so zjewić budže w poslenim času,

6. W kotrymž wy so wjeselić budžeće, kiž nětk mału chwilu (jeli zo trjeba je) so rudziće we wšelkich spytowanjach, *2 Kor. 4, 17. Rom. 5, 3.*

7. Zo by waša wěra, hdyž spytana budže, wjele krasniša so wopokazała, dyžli zachodne zloto, kotrež přez woheń spytane budže, k chwalbje, k česći a krasnosći, hdyž so Jezus Chrystus zjewić budže, *Sir. 2, 5. Přist. 17, 3.*

8. Kotrehož njejsće widźili a wšak jeho lubujeće, a nětk do njeho wěriće, hač jeho runje njewidźiće, dha budžeće so wjeselić z njewurjeknjenym a krasnym wjeselom, *Jan. 20, 29.*

9. A kónc wašeje wěry dostać, dušow zbóžnosť.] *Rom. 6, 22.*

10. Za kotrejž zbóžnosť su so pytali a slědźili profetojo, kiž wot teje hnady su wěšćili, kotraž so wam dostać je dyr-

bjała,
24.

Dan. 9, 24. Luk. 10,

11. A su so wobhonili, na kotry a na kajki čas by wułožil tón Duch Chrystusowy, kiž w nich běše a kiž prjedy je wobswědčil te ćerpjenja, kotrež na Chrystusa přiníc mějachu, a te krasnosće po tych samych;

12. Kotrymž tež je zjewjene, dokelž woni nic jeno sebi samym, ale tež nam z tym su přědowali, štož wam nětk je připowědane přez tych, kiž wam to ewangelion su připowědali přez swjateho Ducha, z njebyes dele pósłaného, kotrež tež ći jandželjo požadaju wohladać.

13. Teho dla dha wopasajće te ledźby wašeje mysle, budźće stróžbi, stajće swoju nadźiju cyle na tu hnadu, kotraž wam přinjesena je přez zjewjenje Jezom Chrysta;
Lutk. 12, 35.

14. Jako džěci teje poslušnosće nječinće tak, jako prjedy z njewědžomnosću po žadosćach činili sće;

15. Ale jako tón, kiž was je powolał a je swjaty, budźće tež wy swjeći we všem vašim wobeńdženju.

16. Přetož pisane steji: Budźće swjeći, přetož ja sym swjaty. *3 Mójz. 11, 44. St. 19, 2. St. 20, 7.*

17. A dokelž wy so k temu jako k Wótcu wołaće, kiž bjez pohladanja na paršonu sudži, po kóždeho (jeho) skutku; dha wjedźće waše žiwjenje, tak dołho hač tudy přebywać, w bojosći;
Jap. zk. 10, 34.

Epistola na ćichi pjatk.

18. [A wěsće, zo wy njejsće ze zachodnym slěborom abo złotom wukupjenim z wašeho kničomneho wobeńdženja, kotrež wot wótcow běšće nawukli; *1 Kor. 6, 20. St. 7, 23.*

19. Ale z tej drohej krwju Chrysta, jako teho njewinojtego a njezmazaneho jehnjeća; *1 Kor. 6, 20. St. 7, 23. Hebr. 9, 14. Zjew. 1, 5.*

20. Kiž prjedy wuznaty je, dyžli swět bu založeny, zjewjeny pak je w tym nětčišim poslenim času waše dla, *Rom. 16, 25. Eph. 1, 9.*

21. Kotřiž wy přez njeho wěriće do Boha, kiž jeho je zbudził wot morwych a jemu krasnosť dał, zo byšće wašu wěru a nadźiju k Bohu měli.]

Tekst na 16. njedźelu po swj. Trojicy. IV.

22. [Dha činće swoje duše pósciwe w poslušnosći teje prawdy přez teho Ducha k prawej bratrowskej lubosći; a mějće so bjez sobu z čistej wutrobu jara wulcy lubo,

23. Jako kiž wy so z nowa sće narodžili, nic ze zachodneho, ale z njezachodneho symjenja, přez to žiwe Bože słowo, kotrež wěčnje wostanje.

24. Přetož wšitko ćělo je jako trawa a wšitka čłowječna krasnosť jako trawna kwětka. Ta trawa zwjadnje a kwětka wotpanje; *Jez. 40, 6. 7. Jak. 1, 10. 11. Ps. 103, 12.*

25. Ale teho Knjeza słowo wostanje do wěčnosće. To je pak to słowo, kotrež

bjez wami jako wjesele poselstwo je připowědane.] Jez. 40, 8.

2. Staw.

Wo zastojnstwje z nowa narodženych, teho runja poddanow a wotročkow.

1. Teho dla wotpołożće wšitku zlósc a wšitke jebanje a njeprawu wudawanje a zawisć a wšo złe rěčenje; Rom. 6, 6. Eph. 4, 22. Kol. 3, 8. Hebr. 12, 1.

2. A požadajće to rozomne čiste mloko słowa Božeho jako nětk narodžene džěcatka, zo byšće wy wot njeho přiběrali; Hebr. 5, 13. Mat. 18, 3.

3. Jeli zo sće wopytali, zo tón Knjez je dobroćiwy, Ps. 34, 9.

4. K kotremuž sće přišli jako k žiwemu kamjenju, kiž wot čłowjekow začisnjeni, ale pola Boha je wuzwoleny a drohi. Ps. 118, 22.

Epistola na 7. nježdělu po swj. Trojicy.

5. [A tež wy, jako žiwe kamjenje, natwarće so, zo byšće duchomna chěža byli a swjate měšnistwo k woprowanju duchowne wopory, kotrež so bychu Bohu zpodobale přez Jezom Chrysta. Rom. 12, 1.

6. Teho dla ma so tež w pismje: Hlaj, ja kladu w Cionje wuzwoleny drohi różkny kamjeń; a štóž do njeho wěri,

njebudže k hanibje přinć. Jez. 28, 16. Rom. 9, 33.

7. Wam teho dla, kiž wěriće, je wón krasny; tym njewěrnym pak je wón kamjeń, kotryž ći čėslojo su začisli, a so różkny kamjeń je sćinił, Ps. 118, 22. Mat. 21, 42.

8. Tón kamjeń nastorka a skała pohóršenja tym, kotřiž so wo słowo storča, dokelž woni temu njewěrja, na kotrež wšak založeni su. Jez. 8, 14. Luk. 2, 34.

9. Wy pak sće tón wuzwoleny narod, to kralowske měšnistwo, swjaty narod, lud dobyća, zo byšće wy připowědali počinki teho, kotryž was je powołał z teje čmy na swoje džiwne swěto, Jez. 43, 20. 2 Móžz. 19, 6.

10. Kiž wy něhdy lud njeběšće, nětk pak sće Boži lud, a kiž wy před časom w hnadže njeběšće, nětk pak sće w hnadže.] Hoz. 2, 23. Rom. 9, 25.

Epistola na nježdělu Jubilate.

11. [Lubi bratřa, ja napominam was, jako podróžnikow a zuznikow, zdalužće so čělnych lóštow, kiž napřećiwo duši wojuja, Ps. 39, 14. Rom. 13, 13.

12. A zadžeržće so pěknje bjez pohanami, tak zo bychu ći, kiž wot was złe ryča, jako zlóstnikow, hdyž was z dobrych skutkow póznaja, Boha w tym chwalili na tón dzeń teho domapytanja. Mat. 5, 16.

13. Teho dla budžće poddani wšemu člorózkemu wustajenju, teho Knjeza dla; njech je kralej, jako temu najwyššemu, Rom. 13, 1—5. Tit. 3, 1.

14. Abo zastojnikam, jako tym, kiž

wot njeho pólani budža k wječenju na tych, kotřiž zle činja, k chwalbje pak tym, kotřiž dobre činja.

15. Přetož to je Boža wola, zo byšće z derječinenjom zatykali huby tym njemudrym a njewědomnym ludžom, *St. 3, 9.*

16. Jako ći frejni, a nic zo byšće frejotu na přikrywawje złośće měli, ale jako ći wotročy Boži. *1 Kor. 7, 23.*

17. Wopokažće česć kóždemu. Lubujće bratrow. Bójće so Boha. Česćće krala.] *Rom. 12, 10. Přisl. 24, 21.*

18. Wy wotročy, budžće poddani knježim ze wšej bojosću, nic jeno dobrym a měrnym, ale tež złym. *Tit. 2, 9.*

19. Přetož to je hnada, hdyž štó swědomnja dla přećiwo Bohu kriwdu znjese a čerpi bjez winy.

Epistola na njedželu Mizericordias Domini.

20. Přetož [kajka je to chwalba, hdyž wy złośćow dla puki čerpiće? Ale hdyž wam dobroty dla zle činja a wy to same přečerpiće, to je hnada pola Boha. *St. 4, 14. Mat. 5, 10.*

21. Přetož k temu sće wy powołani, dokelž tež Chrystus za nas čerpił je, wostajiwši nam wopismo, zo byšće slědžili za jeho stopami,

22. Kiž žaneho hrěcha njeje činił, tež so njeje žane jebanje we jeho rće namakalo; *Jez. 53, 10. Jan. 8, 46.*

23. Kiž zaso njeswarješe, hdyž swarjeny bě, a njehrožeše, hdyž čerpješe; ale wón to poručí temu, kotryž prawje sudži; *Jez. 53, 8.*

24. Kiž je naše hrěchi na svojim čěle sam woprował na drjewje, zo bychmy hrěcham wotemřeli a prawdosći žiwi byli, přez kotrehož rany wy sće zahojeni. *Jez. 53, 5. 6. 1 Jan. 3, 5.*

25. Přetož wy běšće jako zabłudžene wowcy; nětk pak sće wobroćeni k pastyrjej a biskopej wašich dušow.] *Jez. 53, 7. Jan. 10, 12.*

3. staw.

Wo zastojństwje mandźelskich, sćerpnosći a wobstajnosći, Chrystusowym k heli stupjenju, křćeńcy a powyšanju.

1. Teje runosće, wy žony, budžće poddane svojim mužam, zo bychy tež ći, kiž słowu njewěrja, přez tajke zadžerženje tych žonow bjez słowa dobyći byli, *Eph. 5, 25. Kol. 3, 18.*

2. Hdyž woni wohladaju waše pósćiwe wobeńdženje w bojosći.

3. Kotrychž wuhotowanje njedyrbi zwonkach być w zaplećenju włosow, w napowješenju złota ani we woblećenju drastow; *1 Tim. 2, 9.*

4. Ale tón potajny wutrobny čłowjek, z njezachodnym, z ćichim a z pokojnym duchom, to je krasna wěc před Bohom. *Ps. 45, 14. Rom. 2, 29.*

5. Přetož tak su so tež zastarsku te swjate žónske pyšne wuhotowale, kotrež k Bohu swoju nadžiju mějachu a svojim mužam poddane běchu;

6. Kaž Sara Abrahamej poslušna běše a rěkaše jemu knjez; kotrejež džowki wy sće, jeli zo wy derje činiće a so ničo trašić njedaće.

1 Mójz. 18, 12.

7. Teje runosće, wy mužojo, bydlće pola nich z rozomom a dajće žónskemu, jako slabšemu gratej, jeho česć, jako tež sobuherbam hnady teho žiwjenja, zo bychu waše modlitwy zatorhnjene njebyle.

Kol. 3, 19.

Epistola na 5. njedźelu po swj. Trojicy.

8. [Najposlezy pak budźće wšitcy jenakeje mysle bjez sobu, sćerpliwi, jako bratřa lubozni, z wutrobu smilni a přecelni.

Phil. 3, 16.

9. Njezaplaćće złość ze złośću abo swarjenje ze swarjenjom; ale za to požohnujće a wěsće, zo wy k temu powołani sće, zo byšće to požohnowanje herbowali.

Rom. 12, 17. 1 Thes. 5, 15.

10. Přetož štóž chce žiwjenje lubować a dobre dny widzieć, tón pojimaj swój jazyk, zo by zleho njeryčal, a swoju hubu, zo by njeludała.

Ps. 34, 13.

11. Njech wón so wobroći wot zleho a njech dobre čini; njech wón měra hlada a za nim honi.

Jez. 1, 16. 17.

12. Přetož woći teho Knjeza hladatej na prawych, a jeho wuši na jich próstwu; to wobličo pak teho Knjeza hlada na tych, kiž zle činja.

Ps. 33, 18.

13. A štó je, kiž by wam mohł zle činić, hdyž wy za dobrym stać budžeće?

14. Haj, hač wy runje byšće prawdosće dla ćerpili, dha však sće zbóžni. Njebójće so pak před jich hroženjom a

njestrachujće so; St. 2, 20. Mat. 5, 10. Rom. 8, 17.

15. Ale swjećeće Boha teho Knjeza w svojich wutrobach.] Budźće pak přeco hotowi k zamołwjenju kóždemu, kiž wot was słowo žada teje nadžije dla, kotraž we was je,

Jez. 8, 13.

16. A to činiće z ćichosću a z bojosću; a mějće dobre swědomnje, zo bychu ći, kiž zle wot was ryča, jako wot złośtnikow, k hanibje přišli, zo su hanili waše dobre chodženje w Chrystusu.

Phil. 2, 12.

17. Přetož lěpje je, jeli zo so Božej woli lubi, zo wy dobroty dla ćerpiće, dyžli złośće dla.

18. Přetož tež Chrystus je junu za naše hrěchi ćerpił, tón prawy za tych njeprawych, zo by nas Bohu woprowal; a je morjeny po čěle, ale však wožiwjeny po duchu;

Rom. 5, 6. Hebr. 9, 28.

19. W tym samym je wón tež tam šoł a přědował tym ducham we jastwjje,

St. 4, 6.

20. Kotřiž tehdy njewěrjachu, jako Boža sćerpliwosć wočakowaše w Noachowym času, hdyž kašć hotowachu, w kotrymž jich mało běše, to je wósom dušow, schowanych přez wodu;

Mat. 24, 37. 1 Mójz. 6, 18.

21. Kotraž tež nas nětk zbóžnych čini w křćenicy, na tamnu podobnej, z kotrejež so njewotmyje njerjad na čěle, ale so stanje slub dobroho swědomnja z Bohom, přez to horjestaće Jezom Chrysta,

Mark. 16, 16.

22. Kiž je na prawicy Božej po tym, jako horje stupił je do njebjes, a su jemu poddani jandželjo a wyšnosće a mocy.

Ps. 110, 1. Eph. 1, 20.

4. staw.

Wo wužitku křiža a sćerpliwości w nim a wo druhich počinkach.

1. Dokelž teho dla Chrystus w čele za nas je ćerpił, dha budźće tež wy z tej samej myslu wobronjeni; přetož štóž na čele ćerpi, tón přestanje hrěšić, *Phil. 2, 5.*

2. Zo by wón dale, štož hišće zbytneho časa je w čele, nic člorzkim lóštam, ale Božej woli žiwy był. *2 Kor. 5, 15. Gal. 2, 20.*

3. Přetož dosć je, zo wy w zachodnym času teho žiwjenja činili sće po woli tych pohanow, jako sće chodźili w njepóćiwosći, w žadosćach, w pjanosći, w žraću, we z wopilstwje a w hroznych přibójstwach. *Eph. 4, 17. Tit. 3, 3.*

4. Teho dla so jim cuza wěc zda być, zo wy z nimi sobu njeběžiće do tajkeho jich hrěšneho hrozneho njerjada, a hanja was;

5. Kotřiž pak maju wotmołwjenje dawać temu, kiž hotowy je, sudzić žiwych a morych. *2 Tim. 4, 1.*

6. Přetož teho dla je tež morwym to ewangelion připowědane, zo bychu sudženi byli po čłowjeku na čele, ale w duchu Bohu žiwi byli.

7. Blisko pak je přišoł kónc wšitkich wěcow. *1 Kor. 10, 11. 1 Jan. 2, 18.*

Tekst na 9. njedźelu po swj. Trojicy.

8. [Teho dla budźće stróžbi a wachujće k modlitwam. Přede wšitkimi wěcami pak mějće bjez sobu sylnu lubosć; přetož ta lubosć přikryje hrěchow hromadu. *Luk. 21, 36. Přisl. 10, 12.*

9. Hozpodujće so radži bjez sobu bjez morkotanja. *Rom. 12, 13. Hebr. 13, 2.*

10. Služće sebi jedyn druhemu z tym darom, kotryž kóždy dóstał je, jako či dobri zastojnicy wšelkeje hnady Božej. *Rom. 12, 7. 8.*

11. Rěči-li štó, njech rěči jako Bože słowo. Ma-li štó kajku službu, njech služi po tym zamóženju, kotrež Bóh wudžěli, zo by we wšěch wěcach Bóh chwaleny był přez Jezom Chrysta, kotremuž budź česć a móc wot wěčnosće hač do wěčnosće. Hamjeń.]

Epistola na njedźelu po nowym lěće.

12. [Wy lubi, njech so wam njezda cuza wěc być to horjo, kotrež so nad wami wopokazuje (přetož wone so wam stanje k spytowanju), jako by was něšto cuzeho nadešlo;

13. Ale kaž wy z Chrystusom ćerpiće, tak wjeselće so, zo wy tež při zjewjenju jeho krasnosće so ze zradowanjom zwjeselić budźeće. *Mat. 5, 10. Jak. 1, 2. Jap. zk. 5, 41.*

14. Zbóžni wy sće, hdyž was hanja Chrystusoweho mjena dla; přetož tón Duch, kiž Duch teje krasnosće a Boži je, wotpočuje na was. Pola nich budźe wón

hanjeny, ale pola was česćeny. *Mat. 5, 11.*

15. Njeh pak žadyn wot was nječerpi jako mordar abo paduch abo zlóstnik, abo tajki, kiž so do cuzych wěcow tyka;

16. Jeli zo wón pak ćerpi jako křesćijan, dha njeh so njehańbuje, ale njeh česći Boha, hdyž jemu to je wot-sudžene. *Jan. 21, 19.*

17. Přetož čas je, zo so sud spoćina wot Božeho doma. Hdyž pak so wot nas spoćina, kajki dha kónc budže z tymi, kiž Božemu ewangeliju njewěrja?

18. A hdyž tón prawy lědom zdžeržany budže, hdže chce so tón bjezbóžny a hrěšnik pokazać? *Přist. 11, 31.*

19. Teho dla kotřiž to ćerpja po Božej woli, či njeh jemu, jako swěrnemu stworićelej, swoje duše poruča w dobrych skutkach.]

5. staw.

Wo přistušnosći staršich, młodosće a wšěch křesćijanow zhromadnje.

1. Tych staršich, kiž bjez wami su, napominam ja, kiž sobustarši sym a swědk Chrystusowych ćerpjenjow, kiž tež tu krasnosť, kotraž so zjewić ma, sobu dostać budu: *Luk. 24, 48. Rom. 8, 17.*

2. Pasće to stadło Bože, kotrež při was je, a kedžbujće na njo, nic nućeni,

ale z dobrej wolu; nic hrozneho dobytku dla, ale z hotowej wutrobu;

3. Nic jako byšće knježili na wosadach, ale činće so znamjo teho stadla; *2 Kor. 1, 24.*

4. Dha budžeće wy (hdyž so zjewić budže tón wyši pastyr,) tu njezwjadnu krónu teje česće dostać. *Jez. 40, 11. 1 Pětr. 1, 4.*

5. Teho runja, wy młodži, budžeće poddani staršim.

Epistola na 3. njedźelu po swj. Trojicy.

]Wšitcy budžeće jedyn druhemu poddani, a wobłěkajće so ponižnosť; přetož Bóh napřećiwo steji hordym, ale ponižnym dawa wón hnadu. *Luk. 1, 51. Jak. 4, 6.*

6. Teho dla ponižujće so pod Božu mócnu ruku, zo by wón was powyšil w swojim času. *Jak. 4, 10.*

7. Wšitku wašu starosć čisńće na njeho, přetož wón so za was stara. *Ps. 55, 23. Mat. 6, 25. Luk. 12, 22. Kn. Mudr. 12, 13.*

8. Budžeće stróžbi a wachujće; přetož waš přećiwnik, tón čert, chodži wokoło jako rujacy law a pyta, kohož by pózrjeł. *Luk. 21, 36. 1 Thes. 5, 6.*

9. Temu stejće napřećiwo twjerdže we wěrje; a wěsće, zo runje te same ćerpjenja na wašich bratrach, kotřiž na swěće su, so dokonjeju. *Eph. 6, 12. 13.*

10. Tón Bóh pak wšje hnady, kiž nas powolał je k swojej wěčneje krasnosći w Chrystusu Jezusu, tón budže

was, kiž wy mału chwilu ćerpiće, dohotować, wobtwjerdzić, posylnić a založić.

St. 1, 6.

11. Temu samemu budź česć a móc wot wěčnosće hač do wěčnosće! Hamjeń.]

12. Přez vašeho swěrneho bratra Silvana (jako za to mam) sym ja wam z krótkim pisał, zo bych napominał a wobswědčil, zo to je ta prawa hnada Boža, w kotrejž wy stejiće.

13. Wam dadža wjele dobrego prajić ći, kotřiž su z wami wuzwoleni w Babylonje, a mój syn Markus.

14. Postrorće so jedyn druhého z wokošenjom teje lubosće. Měr budź z wami wšitkimi, kiž sće w Chrystusu Jezusu! Hamjeń. *1 Kor. 16, 20.*

Prěni list Pětrowy wšitkim pisany.

Druhi list swj. japoštoła Pětra.

Prěni staw.

Wo wěry płódnosći w do- brych skutkach a wo chwalbje swjateho pisma.

1. Šiman Pětr, wotročk a japoštoł Jezom Chrysta, tym, kotřiž z nami runje tu drohu wěru dóstali su po tej prawdosći, kotruž dawa naš Bóh a tón zbóžnik Jezus Chrystus; *Rom. 1, 12.*

2. Hnada a měř přisporjej so wam přez to póznaće Bože a Jezom Chrysta, našeho Knjeza! *Rom. 1, 7.*

3. Dokelž nam wot jeho Božeje mocy wšitko, štož k žiwjenju a k službje Božej słuša, date je přez to póznaće teho, kiž nas je powolał přez swoju krasnosć a móc; *1 Pětr. 2, 9.*

4. Dha nam te drohe a najwjětše sluby date su, zo byšće wy přez te same dostojni byli teho bójskeho přirodženja, jeli zo čeknjeće tym skaženym lóštam na swěće.

5. Teho dla wažće wšitku prócu na to, zo byšće přiložili k swojej wěrje počink a k počinku mudrosć,

6. A k mudrosći zdźeržliwosć, a k zdźeržliwosći sčerpliwosć, a k sčerpliwosći bohaborjaznosć,

7. A k bohaborjaznosći bratrsku lubosć, k bratrskiej lubosći pak lubosć k wšitkim čłowjekam. *1 Thes. 3, 12.*

8. Přetož hdyž to z polnej měru pola was je, njebudže wone was lěnich a njeplódných wostajić na póznaću našeho Knjeza Jezom Chrysta. *Tit. 3, 14.*

9. Štóz pak to nima, tón je slepy a masa z rukomaj a zapomni teho wučisćenja swojich starych hrěchow. *1 Jan. 2, 9. 11.*

10. Teho dla, lubi bratřa, prócujće so wjele wjac, zo byšće vaše powołanje a wuzwolenje twjerde sčinili. Přetož hdyž wy to činiće, dha njebudžeće wy so nihdy storčić; *Hebr. 3, 14.*

11. A tak budže wam bohaće po-date to nutřzańdženje do teho wěčneho kralestwa našeho Knjeza a zbóžnika Jezom Chrysta.

12. Teho dla nochcu přestać, was stajnje teho dopomnić, hač wy je runje wěsće a sće posylnjeni w tej nětčišej

prawdže.

Rom. 15, 14. 15.

13. Přetož ja mam za sprawne, tak dołho hač tudy w tej hěće sym, zo bych was zbudził z napominanjom,

14. Dokelž wěm, zo ja skoro swoju hětu wotpołožić dyrbbju, jako mi tež naš Knjez Jezus Chrystus zjewił je. *Jan. 21, 18. 19.*

15. Ja pak swěru na tym budu, zo byšće wy po mojim wuchodže stajnje měli so teho dopomnić.

Epistola na 6. njedźelu po třoch kralach.

16. [Přetož my njejsmy za lesnymi basničkami šli, jako my wam wupowjedžili smy tu móc a přichod našeho Knjeza Jezom Chrysta, ale my smy z našimaj woćomaj jeho krasnosť widžili. *1 Kor. 1, 17. St. 2, 1. 4.*

17. Přetož wón je wot Boha Wótca česć a chwalbu dóstał, přez hlós, kotryž so k njemu sta wot wulkeje krasnosće z tajkim wašnjom: To je mój luby Syn, na kotrymž ja dobre spodobanje mam. *Mat. 17, 5. Mark. 9, 7. Luk. 9, 35. Mat. 3, 17.*

18. A tón hlós smy my slyšeli, zo so z njebjes sta, jako my z nim běchmy na tej swjatej horje.]

Tekst na 20. njedźelu po swj. Trojicy. IV.

19. [A my mamy mócniše profetiske słowo, a wy na tym derje činiće, zo na njo kedźbujete, jako na swěcu, kotraž so w čěmnym kuće swěći, hač by so džeń

zaswitał a jutrna hwězda schadźala we wašich wutrobach. *Ps. 119, 105.*

20. Wy pak dyrbiće to najprjedy wjedzić, zo žane profetiske pismo so njeda po samych čloróskich myslach wuložić; *2 Tim. 3, 16. Rom. 12, 7.*

21. Přetož to profetiske słowo njeje zastarsku po čloróскеj woli wuručane, ale či swjeći Boží ludžo su rěčeli, nanućeni wot swjateho Ducha.]

2. Staw.

Wo falšnych wučerjach, jich štrafje a zawjedženju.

1. Běchu pak tež falšni profetojo bjez ludom, jako tež bjez wami budža falšni wučerjo, kotřiž budža skradžu podtykać škódné kecarstwa, dokelž zapru teho Knjeza, kiž jich wukupił je, a sami sebi přiwała nahě skaženje. *1 Tim. 4, 1.*

2. A jich wjele budže za nimi hić do skaženja; přez kotrychž šćežka teje prawdy budže hanjena. *2 Tim. 4, 3. 4.*

3. A woni budža přez lakomstwo z jebarskimi słowami wo was wikować. To satamanstwo pak, kotrež jim dawno wotsudžene je, so njekomdži a jich skaženje njedrěma. *5 Mójz. 32, 35.*

4. Přetož hdyž Bóh tych jandželow, kiž su zhrěšili, njeje přepuścił, ale je jich z rječazami teje čěmnosće do hele zastorčil a jich podať, zo bychu k sudu schowani byli; *Jud. št. 6. Jan. 8, 44.*

5. A njeje lutował přěńšeho swěta, ale schowa Noa, předarja prawdosće, sameho wosmeho, a přiwjedže lijeńcu na

swět tych bjezbóžnych; 1 Mójz. 7, 7. St. 8, 1.

6. A je te města Sodom a Gomorru k popjelej sčinił, přewrócił a wutupił a z tym znanjo postajił tym, kotřiž zle činić chcedža; 1 Mójz. 19, 24.

7. A teho podtlóčeného praweho Lota je z tych zlóstnikow jich njepóćiwého towarstwa wutorhnył;

8. Přetož dokelž tutón prawy, kiž bjez nimi bydleše, jedyn džen jako druhi jich njeprawe skutki widžec a slyšec dyrbeše, rudžeše to jeho prawu dušu. Ps. 119, 158. Ez. 9, 4.

9. Přetož tón Knjez wě bohabojaznych ze spytowanja wumóž, njeprawych pak schować k sudnemu dnju, zo bychu čwelowani byli; 1 Kor. 10, 13.

10. A najwjacy tych, kotřiž z čelom w žadosći teje nječistosće chodža a wysnosť zaspja, su chrobli, zasakli, so ničo njeboja te krasnosće hanić, Jud. št. 4. 7. 8. 10. 16.

11. Hdžež wšak či jandželjo, kiž wjetšu sylnosć a móc maju, njeznjesu přeciwo sebi to hanibne sudženje před tym Knjezom.

12. Ale tamni su jako te njerozomne skočata, kotrež su po přirodženju płódžene k łowjenju a k farězanju; tak woni to hanja, štož njerozumja, a budža w swoim hinjenju zahinýć, Jer. 12, 3. Jud. št. 10.

13. A tu mzdu teje njeprawdosće wotnosýć. Woni to dđerža za najlěpše, hdyž so džen jako džen móža kormić; ale woplusk su a haniba, dokelž so derje maju při swoim jebanju a sobu kwasuja

z wami;

Jud. št. 12.

14. Maju woči poľnej mandželstwołamanja, njedadža sebi hrěchi wobarać, wabja k sebi te njewobstajne duše, maju wutrobu wuwučenu w lakomstwje, su pokleći ludžo;

15. Wostajiwši prawu šćežku su so zabłudžili; chodža pak po puću Balaam, Bozoroweho syna, kotremuž so lubješe mzda teje njeprawdosće;

16. Bu pak dowjedženy swogeho přestupjenja; přetož ta něma wóslica, na kotrejž jězdžeše, rěčeše z čłowječnym hłosom a wobaraše teho profety tórnosći. 4 Mójz. 22, 28.

17. Woni su studnje bjez wody a mrócele, wot wichora wokoło honjene; kotrymž ta čemna čma do wěčnosće schowana je. Jud. št. 12.

18. Přetož woni ryča nadute a prózdne słowa a zawjedža w čelnych lóstach, haj w njepóćiwosći tych samych, kotřiž woprawdže čekli běchu wot tych, kiž w błudže chodža; Ps. 17, 10. Jud. št. 16.

19. A polubja jim frejotu, kiž wšak sami skaženi wotročcy su. Přetož wot kohož štó je přewinjeny, temu je wón tež za wotročka. Jan. 8, 34. Rom. 6, 6.

20. Su-li pak či, kiž wušli su z njerjada teho swěta přez to póznaće teho Knjeza a zbóžnika Jezom Chrysta, z noweho zaso w tym wjaznuli a budža přemóženi, tak zo wulězć njemóža, dha je so z nimi to poslednje hórše sčiniło, dyžli přeńše běše. Mat. 12, 45. Hebr. 6, 4—?

21. Přetož lěpje by jim bylo, zo bychu nihdy njepóznali puć teje prawdosće, dyžli zo jón póznaju a so wróća wot sw-

jateje prikaznje, kotraž jim data je. *Luk. 12, 47. 48.*

22. Stało so jim je, štož so hewak w prawym přisłowje rěči: Pos žerje zaso, štož je wublaž; a swinjo wala so po kupjeli zaso w blóće. *Přisl. 26, 11.*

3. Staw.

Wo poslenich časach, Chrystusowym přichodže a dostojnym přihotowanju na njón.

1. To je hižom druhi list, kotryž wam pišu, wy lubi, w kotrymajž ja z dopomnjenjom zbudžu wašu sprawnu mysl, *St. 1, 13.*

2. Zo byšće spominali na te słowa, kotrež wam su připowědane wot tych swjatych profetow, a na našu wučbu, kiž my smy japoštoli teho Knjeza a zbóžnika.

Epistola na 26. njedźelu po swj. Trojicy.

3. [A to wy dyrbiće najprjedy wjedzić, zo w tych poslenich dnjach přińć budža wusměwcy, kiž budža po swojich lóštach chodźić, *1 Tim. 4, 1. 2 Tim. 3, 1—5. Mat. 24, 4. Jud. št. 18.*

4. A rjeknyć: Hdže je tón slub jeho přichoda? Přetož wot teho časa, jako wótcojo wusnyli su, wostanje wšitko tak, kaž było je wot spočatka teho stworjenja. *Jez. 5, 19.*

5. Ale samopašnosće dla nochcedža wjedzić, zo te njebjesa zastarsku tež běchu, a ta zemja, kiž z wody a přez wodu je wobstała přez Bože słowo;

6. Dha však přez te same tamny swět z lijeńcu je potepjeny a skažen. *1 Móž. 7, 17.*

7. Ale nětčiše njebjesa a zemja budža přez jeho słowo wotložene a k wohenju schowane na tón dzeń teho suda a zatamanstwa bjezbóžnych ludži.

8. To jene pak nochcu, zo by wam potajene było, wy najlubši, zo jedyn dzeń před tym Knjezom je jako tawzynt lět, a tawzynt lět jako jedyn dzeń.

9. Tón Knjez so ze slubom njekomdži, jako někotři to za komdženje maju; ale wón ma čerpjenje z nami a nochce, zo by štó zhubjeny był, ale zo by so kóždy k pokuće wobroćil. *Hab. 2, 3. Ez. 18, 23.*

10. Teho Knjeza dzeń pak budže přińć jako paduch w nocy, na kotrymž njebjesa zańć budža z wulkim ropotom; helementy pak budža před hěcu so rozeškrěć, a zemja a te wěcy, kiž w njej su, budža so spalić. *Luk. 12, 39. 1 Thes. 5, 2. 3. Zjew. 3, 3. St. 16, 15. 2 Pětr. 3, 7. Luk. 31, 33.*

11. Hdyž teho dla to wšitko ma rozeńć, dha dyrbiće wy hotowi być ze swjatym žiwjenjom a z bohabojaznym wašnjom,

12. Zo byšće čakali a chwatali k přichodej teho Božeho dnja, na kotrymž njebjesa so přez woheń rozpušćić a helementy před hěcu so rozeškrěć budža.

13. My pak po jeho slubje čakamy na nowe njebjesa a na nowu zemju, w kotrychž prawdosć přebywa. *Jez. 65, 17.*

St. 66, 22. Zjew. 21, 1.

14. Teho dla, moji najlubši, dokelž wy na to čakać maće, dha budźće swěru na tym, zo byšće wy před nim njezmazani a bjez haniby namakani byli w měrje.] 1

Thes. 3, 13. 1 Kor. 1, 8.

15. A mějće tu sčerpliwosć našeho Knjeza za swoju zbóžnosć; kaž tež naš luby bratr Pawoł po tej mudrosći, kotraž jemu data je, wam je pisał, *Rom. 2, 4. 1 Pětr. 3, 20.*

16. Kaž wón tež we wšěch swojich listach wot teho rěči, w kotrychž su někotre wěcy ćežke k zrozumjenju, kotrež, jako tež te druge pisma, či njewučeni a njewobstajni přewobroća k samemu swojemu satamanstwu.

17. Wy pak, moji najlubši, dokelž to prjedy wěsće, dha hladajće so, zo byšće wy, do błuda tych njezbóžnych ludźi sobu čehnjeni, njewupanyli ze swojeje wobstajnosće. *Mark. 13, 5. 9. 33.*

18. Ale rosće w hnadze a póznaću našeho Knjeza a zbóžnika Jezom Chrysta. Temu samemu, budź česć nětk a hač do wěčneho časa. Hamjeń.

Prěni list swj. japoštoła Jana.

Prěni staw.

Wo Chrystusowej paršonje, jeho zjewjenym słowje a wěrnej pokuće.

Tekst na 4. njedźelu adwenta. IV.

1. [Štož wot spočatka bě, štož smy slyšeli, štož z našimaj wočomaj smy widželi, štož my wohladowali smy, a štož našej ružy womasałej stej, wot słowa teho žiwjenja; *Jan. 1, 1. St. 1, 14.*

2. (A to žiwjenje je so zjewiło, a my smy widželi a swědčimy a připowědamy wam tuto wěčne žiwjenje, kotrež bě pola Wótca a nam so zjewiło je;) *Jan. 1, 4. St. 1, 1.*

3. Štož smy widželi a slyšeli, to my wam připowědamy, zo byšće tež wy z nami towarstwo měli, a naše towarstwo pak bylo z Wótcom a z jeho Synom, Jezom Chrystusom;

4. A to wam pišemy, zo by waša wjeselosć polna byla.] *Jan. 15, 11.*

5. A to je to připowědanje, kotrež wot

njeho slyšeli smy a wam připowědamy, zo Bóh swětlo je a zo žana čemnosć w nim njeje. *Jan. 8, 12.*

6. Jeli zo my prajimy, zo my towarstwo z nim mamy, chodžimy pak pó čmje, dha my lžemy a nječini my prawdu.

7. Jeli zo pak w swětle chodžimy, jako wón w swětle je; dha mamy my towarstwo bjez sobu; a ta krej Jezom Chrysta, jeho Syna, wučisći nas wot wšitkeho hrěcha. *Hebr. 9, 14. Zjew. 1, 5.*

Tekst na 11. njedźelu po swj. Trojicy. IV.

8. [Jeli zo prajimy, zo žaneho hrěcha nimamy, zawjedžemy so sami a prawda w nas njeje. *Přist. 20, 9.*

9. Jeli zo my pak naše hrěchi wuznajemy, dha je wón swěrný a prawý, zo nam te hrěchi wodawa a wučisći nas wot wšitkeje njeprawdosće. *Přist. 28, 13. 1 Thes. 5, 24.*

10. Jeli zo prajimy, zo njejsmy zhrěšili, dha jeho za lžarja sćinimy, a jeho słowo w nas njeje.]

2. staw.

Wo křescijanstwa založku, na čim je póznać, w čim wobsteji, wo jeho kóncu, njepřećelach a zdžerženju.

Tekst na 3. njedželu po swj. Trojicy. IV.

1. [Moje džěcatka, to wam pišu, zo byšće njehřešili. A jeli štó by zhrěšił, dha mamy ryčnika pola Wótca, Jezom Chrysta, kiž je prawy; *Rom. 8, 34. Hebr. 7, 25. St. 9, 24.*

2. A tón samy je to zjednanje za naše hrěchi, nic jeno pak za te naše, ale tež za teho cyłego swěta. *Kol. 1, 20.*

3. A na tym wěmy, zo my jeho znajemy, jeli zo my jeho kaznje džeržimy.

4. Štóz praji: Ja jeho znaju, a njedžerži jeho kaznje, tón je lhar, a w tajkim žana wěrnosć njeje.

5. Štóz pak jeho słowo džerži, w tajkim je woprawdže ta lubosć Boža dokonjana. Na tym my póznajemy, zo my w nim smy. *Jan. 14, 21. 23:*

6. Štóz praji, zo wón w nim wostanje, tón ma tež tak chodźić, kaž wón chodźił je.] *Jan. 15, 4. 5.*

7. Moji bratřa, ja wam njepišu nowu přikaznju, ale tu staru přikaznju, kotruž wy sće wot přědka měli. Ta stara přikaznja je to słowo, kotrěž wot spočatka sće slyšeli. *2 Jan. št. 5.*

8. Zaso nowu přikaznju ja wam pišu, kotraž wěrna je pola njeho a pola was; přetož ta čma je zašla a to wěrne swětło nětk swěći. *Rom. 13, 12.*

9. Štóz praji, zo je w swětle, a hidži swojeho bratra, tón je hišće nětk w čemnosći. *St. 5, 15. St. 4, 20.*

10. Štóz swojeho bratra lubuje, tón wostanje w swětle a njeje žane pohóršenje w nim; *St. 3, 14.*

11. Štóz pak swojeho bratra hidži, tón je w čmje a chodži w čmje a njewě, hdže wón dže; přetož ta čma je jeho woči zaslepila. *St. 3, 14. 15. St. 4, 20.*

12. Lube džěcatka, ja pišu wam, zo wam te hrěchi přez jeho mjeno wodate budža. *Luk. 24, 47.*

13. Ja pišu wam wótcam; přetož wy znajeće teho, kiž wot spočatka je. Ja pišu wam młodźencam; přetož wy sće teho zlóstnika přewinyli.

14. Ja pišu wam džěcom; přetož wy teho Wótca znajeće. Ja sym wam wótcam pisał, zo byšće wy teho znali, kiž wot spočatka je. Ja sym wam młodźencam pisał, dokelž wy móćni sće a to słowo Bože pola was wostanje a teho zlóstnika sće přewinyli.

15. Njemějće lubo tón swět ani štož na swěće je. Jeli zo štó tón swět lubo ma, w tym teho Wótca lubosć njeje.

16. Přetož wšitko, štož na swěće je (jako žadosć teho čěla a žadosć tych wočow a hordosć teho žiwjenja), to njeje wot Wótca, ale je wot swěta.

17. A swět zańdže ze swojimi žadosćemi; štóz pak Božu wolu čini, tón wostanje wěcnje. *Ps. 90, 10.*

18. Džěcatka, ta poslednja štunda je, a jako sće slyšeli, zo Chrystusowy přećiwnik přińc ma a nětk wjele Chrystusowych přećiwnikow je postanulo; z teho my póznajemy, zo je poslednja

štunda.

Mat. 24, 5. 24.

19. Woni su wot nas wotešli, ale woni wot nas njeběchu; přetož hdy bychu wot nas byli, dha bychu pola nas wostali; ale woni su wot nas wotešli, zo bychu zjewjeni byli, zo wšitcy wot nas njejsu. *Jap. st. 20, 30.*

20. A wy maće to žalbowanje wot teho, kiž swjaty je a wěsće wšitko.

21. Ja wam njejsym pisał, jako byšće wy prawdu njewjedźili, ale zo wy ju wěsće a wěsće tež, zo žana lža z teje prawdy njeprjindže.

22. Štó je lhar, chiba tón, kiž zaprě, zo Jezus njeje Chrystus? Tón je tón Chrystusowy přećiwnik, kotryž zaprě Wótca a Syna. *St. 4, 3. 2 Jan. št. 7.*

23. Kóždy, kiž Syna zaprě, tón tež teho Wótca nima. *St. 4, 15.*

24. Wy teho dla, štož sće slyšeli wot spočatka, to njech wostanje při was. Jeli zo při was wostać budže, štož wy wot spočatka sće slyšeli, dha wy tež w Synje a we Wótcu wostanjeće. *Št. 7.*

25. A to je to slubjenje, kotrež wón nam slubił je, to wěčne žiwjenje.

26. To sym ja wam pisał wot tych, kotřiž was zawjedu.

27. A to žalbowanje, kotrež wy wot njeho sće dóstali, wostanje při was, a njetrjebaće, zo by was štó wučil; ale runje jako was to same žalbowanje wot wšelkich wěcow rozwuči, tak wone tež wěrnó je a njeje žana lža. A kaž was nawučilo je, tak při nim wostańće. *Št. 20. Jan. 14, 26. St. 16, 13.*

28. A nětk, džěcatka, wostańće při nim, zo bychmy my, hdyž wón so zjewić budže, chrobłosć měli a k hanibje

njepřišli před nim w jeho přichodže. *St. 3, 21.*

29. Hdyž wy wěsće, zo wón prawy je, dha tež pónajće, zo kóždy, kiž prawje čini, wot njeho so narodźil je.

3. Staw.

Wo wěrných křesćijanow krasnosći, wosebnosćach, křižu a trošće.

Tekst na nježdělu Judica. IV.

1. [Pohlejte, kajku lubosć nam tón Wótc wopokazał je, zo bychmy Bože džěci mjenowani byli. Teho dla was swět njeznaje, přetož wón jeho njeznaje. *Jan. 16, 3. St. 17, 25.*

2. Moji najlubši, my smy nětk Bože džěci; ale zjewilo so hišće njeje, što my budžemy. My pak wěmy, hdyž so zjewić budže, zo my jemu podobni budžemy; přetož my jeho widžeć budžemy tak, kaž wón je. *Jan. 1, 12. Rom. 8, 18.*

3. A kóždy, kiž tu nadźiju k njemu ma, wučisći so, runje jako wón tež čisty je. *2 Kor. 7, 1.*

4. Kóždy, kiž hrěch čini, tón tež čini přećiwo zakonju; přetož hrěch je přestupjenje zakonja.

5. A wy wěsće, zo wón so zjewil je, zo by naše hrěchi přeć wzał; a w nim žadyn hrěch njeje. *1 Pětr. 2, 24.*

6. Štóz w nim wostanje, tón njehřeši; ale štóz hrěši, tón jeho njeje widźil ani jeho pónať.] *St. 5, 18.*

7. Džěcatka, njedajće so nikomu zawjesć. Štóz prawdosć čini, je prawy, runje jako wón prawy je. *St. 2, 20.*

8. Štóz hrěch čini, je z čerta; přetož čert zhrěši wot spoćatka. Na to je so zjewił Syn Boží, zo by wón te čertowske skutki skazył. *Jan. 8, 44. 1 Mójz. 3, 15.*

9. Štóz z Boha so je narodził, nječini hrěch; přetož jeho symjo při nim wostanje, a njemóže zhrěsić, dokelž wón z Boha je narodženy.

10. Z teho je póznać, kotre su Bože džěci a čertowske džěci; štóz prawdosć nječini, njeje wot Boha; a tež, kotryž njelubuje swojeho bratra.

11. Přetož to je to poselstwo, kotrež sće slyšeli wot spoćatka, zo my so bjez sobu lubować mamy. *Jan. 13, 34. St. 15, 12.*

12. Nic jako Kain, kiž wot teho złeho běše a zabi swojeho bratra. A čoho dla wón jeho zabi? Zo jeho skutki złe běchu, a jeho bratra prawe. *1 Mójz. 4, 8.*

Epistola na 2. njedźelu po swj. Trojicy.

13. [Njedźiwajće so, moji bratra, hdyž swět was hidži. *Mat. 5, 11. Jan. 15, 18.*

14. My wěmy, zo my ze smjerće k žiwjenju přišli smy; přetož my lubujemy bratrow. Štóz bratra njelubuje, tón wostanje w smjerći. *St. 2, 11. 3 Mój. 19, 17.*

15. Štóz swojeho bratra hidži, tón je mordar; a wy wěsće, zo mordar nima wěčne žiwjenje tak, zo by při nim wostało. *St. 3, 9. 11. Mat. 5, 21. 22.*

16. Na tym smy my póznali tu lubosć, zo wón swoje žiwjenje za nas wostajił je. A my tež dyrbimy swoje žiwjenje za bratrow wostajić. *Jan. 15, 13.*

17. Hdyž pak něchtó teho swěta kubla ma a widži swojeho bratra w nuzy a zanknje swoju wutrobu před nim, kaha wostanje lubosć Boža w nim?

18. Moje džěcatka, njelubujmy ze słowami ani z jazykom, ale ze skutkom a woprawdže.] *Jak. 1, 22. St. 3, 15.*

19. A na tym my póznajemy, zo my z prawdy smy, a móžemy před nim naše wutroby spokojeć;

20. Tak jeli zo naša wutroba nas zatama, zo Bóh wjetši je dyžli naša wutroba, a pónaje wšitke wěcy.

21. Wy najlubši, jeli zo naša wutroba nas njezatama, dha mamy chroblosć k Bohu; *St. 2, 28.*

22. A štož prosymy, budžemy wot njeho wzać; přetož my dđeržimy jeho kaznje a činimy, štož před nim je spodobne. *Mark. 11, 44.*

23. A to je jeho přikaznja, zo bychmy wěрили do teho mjena jeho Syna Jezom Chrysta a so bjez sobu lubowali, jako wón nam přikaznju dał je; *Jan. 6, 29. Mark. 12, 31.*

24. A štóz jeho přikaznje dđerži, tón wostanje w nim, a wón w nim. A na tym my póznajemy, zo wón w nas wostanje, na tym Duchu, kotrehož wón nam dał je. *Jan. 14, 23. 1 Jan. 4, 13. Rom. 8, 9.*

4. Staw.

*Wo spytowanju falšnych
wučerjow a zwučowanju lu-
bosće k Bohu a k blišemu.*

*Tekst na 4. njedželu po
třoch kralach. IV.*

1. [Wy lubi, njewěrcě kóždemu duchu, ale spytajće tych duchow, haš su wot Boha; přetož wjele falšnych profetow je wušło do swěta. Jer. 14, 14. 1 Thes. 5, 21.]

2. Na tym maće wy Ducha Božeho póznać: Kóždy duch, kiž pózna je, zo Jezus Chrystus w čele přišoł je, tón je wot Boha; 1 Kor. 12, 3.

3. A kóždy duch, kiž njepózna je, zo Jezus Chrystus je w čele přišoł, tón njeje wot Boha. A to je tón duch teho Chrystusoweho přećiwika, wot kotrehož sće slyšeli, zo přińć budže a je nětk hižom na swěće. St. 2, 18. 22.

4. Džěcatka, wy sće wot Boha a sće tamnych přewinule; přetož, kiž we was je, je wjele wjetši, dyžli tón, kiž na swěće je.] 2 Kral. 6, 16.

5. Woni su ze swěta; teho dla ryča woni wot swěta, a swět jich slyši.

6. My smy wot Boha, a štóž Boha pózna je, tón nas slyši; kotryž wot Boha njeje, tón nas njeslyši. Na tym my pózna jemy ducha teje prawdy a ducha teho bluda. Jan. 8, 47.

7. Wy najlubši, lubujmy so bjez sobu; přetož ta lubosć je wot Boha, a štóž lubuje, tón je wot Boha narodzeny a zna je Boha. Jan. 8, 42.

8. Štóž njelubuje, tón njezna je Boha; přetož Bóh je lubosć.

*Tekst na 2. swjedžení hodow.
IV.*

9. [Na tym je so zjewila ta lubosć Boža k nam, zo Bóh swojeho jeničkeho narodzeneho Syna je do swěta pósłał, zo bychmy přez njeho žiwi byli. Jan. 3, 16.]

10. W tym wobsteji ta lubosć: nic zo my Boha lubowali smy, ale zo wón nas je lubował a pósłał swojeho Syna, zo by zjednanje był za naše hrěchi.

11. Wy najlubši, je nas Bóh tak lubował, dha so tež my bjez sobu lubować mamy.] Mat. 18, 33. Jan. 15, 12. 13.

*Tekst na swjedžení swj. Tro-
jicy. IV.*

12. [Nichtó nihdy njeje Boha widził. Hdyž my so pak bjez sobu lubujemy, dha wostanje Bóh w nas, a jeho lubosć je dopjelnjena w nas. Jan. 1, 18. 1 Tim. 6, 16.]

13. Na tym pózna jemy, zo my w nim wostanjemy a wón we nas, zo wón nam wot swojeho Ducha dał je.

14. A my smy widžili a swědčimy, zo tón Wótc teho Syna je pósłał, zo by wumožnik teho swěta był.

15. Štóž teho dla pózna je, zo Jezus Boží Syn je, w tym wostanje Bóh, a wón w Bosy. St. 5, 5.

16. A my smy pózna li a wěri li tu lu-
bosć, kotruž Bóh k nam ma.]

Epistola na 1. njedźelu po swj. Trojicy.

[Bóh je lubosć, a štóž w lubosći wostanje, tón wostanje w Bosy a Bóh w nim. Št. 8.

17. Na tym so ta lubosć dokonja pola nas, zo my bychmy dowěrjenje měli na sudnym dnju; přetož kaž wón je, tak tež my smy na tutym swěće. St. 2, 28. St. 3, 21.

18. Bojosć njeje w lubosći, ale dokonjana lubosć wumjeta tu bojosć won; přetož ta bojosć ma čwilu. Štóž so pak boji, tón njeje dokonjany w lubosći.

19. Lubujmy my jeho, dokelž wón nas předy je lubował. Št. 10.

20. Hdyž štó rjeknje: "Ja lubuju Boha", a hidži swojeho bratra, tón je lhar. Přetož štóž swojeho bratra njelubuje, kotrehož wón widži, kak móže tón Boha lubować, kotrehož wón njewidži? St. 2, 4. 11.

21. A tu přikaznju mamy my wot njeho, zo tón, kiž Boha lubuje, tež swojeho bratra lubować dyrbi.] Mark. 12, 31. Jan. 13, 34. St. 15, 12.

5. Staw.

Wo prawej wěrje, jeje mocy, płodu a wosebnosći.

Epistola na njedźelu Quazi-modogeniti.

1. [Kóždy, kiž wěri, zo Jezus je Chrystus, tón je so wot Boha narodžil. A kóždy, kiž teho lubuje, kiž jeho je

porodžil, tón tež teho lubuje, kiž so wot njeho je narodžil. Jan. 1, 12. 13.

2. Na tym póznajemy, zo my Bože džěci lubujemy, hdyž my Boha lubujemy a jeho kaznje dźeržimy. St. 3, 19.

3. Přetož to je lubosć k Bohu, zo my jeho kaznje dźeržimy; a jeho kaznje njesu ćežke. Jan. 14, 23. 24. Mat. 11, 30.

4. Přetož wšitko, štož so wot Boha je narodžilo, přewinje swět, a naša wěra je to dobyće, kotraž swět je přewinuła. Jan. 16, 33.

5. Štó je, kiž swět přewinje, chiba tón, kiž wěri, zo Jezus Syn Boží je? St. 4, 4. 1 Kor. 15, 57.

6. Tón je tón samy, kiž přindže z wodu a z křwju, Jezus Chrystus; nic z wodu samej, ale z wódu a z křwju. A tón Duch je, kotryž swědči, dokelž Duch wěrnosć je.] Jan. 19, 34. 35.

7. Přetož třjo su, kotřiž swědča w njebjesach: tón Wótc, to słowo a tón swjaty Duch; a či třjo su jene. Mat. 28, 19. Ps. 33, 6.

8. A tři su, kiž swědča na zemi: Duch a woda a krej; a te tři su na jene.

9. Hdyž my čłowske swědčenje horje wozmjemy, dha je Bože swědčenje wjetše; přetož Bože swědčenje je to, štož wón swědčil je wot swojeho Syna. Jan. 8, 17.

10. Štóž wěri do teho Syna Božeho, tón ma to swědčenje sam při sebi. Štóž Bohu njewěri, tón čini jeho k lharjej; přetož wón njewěri temu swědčenju, kotrež Bóh swědči wot swojeho Syna. Rom. 8, 16. Jan. 3, 36.

11. A to je to swědčenje, zo nam Bóh

wěčne žiwjenje je dał, a to same žiwjenje je w jeho Synu. *Jan. 1, 4.*

12. Štóz ma Syna Božeho, tón ma to žiwjenje; štóz nima Syna Božeho, tón nima to žiwjenje.

13. To same sym ja wam pisał, kiž wy wěriće do teho mjena teho Syna Božeho, zo byšće wědzeli, zo wěčne žiwjenje maće, a zo byšće wěрили do teho mjena teho Syna Božeho.

14. A to je ta nadźija, kotruž my k njemu mamy: jeli zo pře čo prosymy po jeho woli, zo wón nas wuslyši. *St. 3, 21. Hebr. 4, 16.*

15. A hdyž my wěmy, zo wón nas wuslyši, pře čož my prosymy, dha tež wěmy, zo my tu próstwu mamy, kotruž my wot njeho smy prosyli.

16. Štóz widži, zo jeho bratr zhrěši hrěch nic k smjerći, tón móže prosyć; dha budže wón dać to žiwjenje tym, kiž zhrěša nic k smjerći. Přetož hrěch je k smjerći; za tón njepraju ja, zo by štó prosyl. *Mat. 12, 31.*

17. Wšitka njeprawosć je hrěch; a někotry hrěch njeje k smjerći. *St. 3, 4.*

18. My wěmy, zo, štóz so wot Boha je narodził, tón njehrěši; ale štóz so wot Boha je narodził, tón so sam zachowa, a tón zły so jeho dótknyć njebudže. *St. 3, 9. 2 Thes. 3, 3.*

19. My wěmy, zo my wot Boha smy; ale tón cyły swět leži w złym.

20. My wěmy pak, zo Syn Boži je přišoł a je nam mysl dał, zo bychmy teho wěrneho póznali; a my smy we tym wěrnym, we jeho Synje Jezom Chrys-tusu. Tón samy je tón wěrný Bóh a to wěčne žiwjenje. *Rom. 9, 5. 1 Tim. 3, 16.*

Hebr. 1, 8.

21. Džěcatka, hladajće so tych přibohow. Hamjeń. *2 Mójz. 20, 3.*

Swjateho Jana přěni list, kiž wšitkim je pisany.

Druhi list swjateho Jana.

Špihel bohobojazneje žony.

1. Tón starši tej wuzwolenej knjeni a jeje džěcom, kotrychž ja prawje lubo mam, nic pak jeno ja sam, ale tež wšitcy, kiž su tu wěrnosć poznali, *3 Jan. št. 1. 1 Tim. 2, 41.*

2. Teje wěrnosće dla, kotraž w nas wostanje, a z nami budže do wěčnosće;

3. Budž z wami hnada, smilnosć a měr wot Boha teho Wótca a wot teho Knjeza Jezom Chrysta, teho Syna teho Wótca, w prawdže a lubosći. *1 Tim. 1, 2.*

4. Ja sym so jara zwjeselił, zo sym namakał bjez twójimi džěćimi někotrych, kiž po wěrnosći chodža, kaž my přikaznju wot teho Wótca smy dóstali.

5. A nětk prošu će, knjeni, a či njepišu jako nowu přikaznju, ale kotruž my smy měli wot spočatka, zo bychmy so bjez sobu lubowali. *Mark. 12, 31.*

6. A to je ta lubosć, zo my bychmy chodžili po jeho kazni. A to je ta kaznja, jako wy slyšeli sće wot spočatka, zo byšće w tej samej chodžili. *1 Jan. 5, 3.*

7. Přetož wjele zawjednikow je do swěta přišlo, kotřiž njepoznaju Jezom

Chrysta, zo wón w ćěle je přišoł. To je tón zawjednik a Chrystusowy přećiwnik. *Mat. 24, 5. 24. 1 Jan. 2, 18.*

8. Hladajće sami so, zo bychmy njeskazyli, štož smy džělali, ale poľnu mzdu dóstali. *Gal. 3, 4. Hebr. 10, 32.*

9. Štóz přestupi a njewostanje w Chrystusowej wučbje, tón žaneho Boha nima; štóz w Chrystusowej wučbje wostanje, tón ma wobeju, teho Wótca a tež teho Syna. *1 Jan. 2, 22. 23.*

10. Jeli zo što k wam přińdže a njepřinjese tu wučbu, teho njebyerće do chěže ani njeprajće jemu: Pomhaj Bóh. *2 Thes. 3, 6.*

11. Přetož štóz jemu: Pomhaj Bóh rjeknje, tón so stowaršuje z jeho złymi skutkami.

12. Ja bych wam wjele měł pisać, ale ja to z papjeru a z tintu njejsym chcył činić; nadžiju so pak k wam přińć a ze erta do erta z wami řećeć, zo by naša wjeselosć dopjelnjena byla. *3 Jan. št. 13.*

13. Te džěći twojeje sotry, teje wuzwoleneje, dadža či wjele dobrego powjedzić. Hamjeń.

Třeći list swjateho Jana.

Chwalba počinka, hdyž štó rad hospoduje.

1. Tón starši Gajej, temu lubemu, kotrehož ja prawje lubo mam.

2. Mój luby, ja popřeju tebi, zo by so či na wšitkim derje šlo a zo by strowy byl; runje jako so twojej duši derje dže.

3. Ja sym so pak jara zawjeselił, jako či bratřa přínďtechu a swědčichu wot twojeje prawdy, kak ty po prawdze chodžiš. *2 Jan. št. 4.*

4. Ja nimam žaneje wjetšeje wjesołosće, chiba tu, hdyž slyšu, zo moje džeči po prawdze chodža.

5. Mój luby, ty swěru činiš, štož ty činiš na bratrach a hosćach,

6. Kotřiž wot twojeje lubosće su swědčili před cyrkwinej gmejnu; a ty budžeš derje činić, hdyž jich tak přewodžiš, kaž so hodži před Bohom. *Tit. 3, 13.*

7. Přetož jeho mjena dla su woni wušli a njejsu wot tych pohanow ničo brali. *Mat. 10, 8.*

8. My smy teho dla winowací, jich horje wzać, zo bychmy pomocnicy teje prawdy byli.

9. Ja sym tej wosadže pisał; ale

Diotrephes, kiž chce bjez nimi najwyši być, nas horje njebjerje.

10. Teho dla, jeli zo přínđu, chcu ja jemu spomnić na jeho skutki, kotrež wón čini a w řezka na nas ze zlóstnymi słowami. Tež njeda wón sebi na tym dosć być, zo wón sam tych bratrow horje njebjerje, ale wobara tež tym, kotřiž to same chcedža činić, a wustorka jich z wosady won. *Mat. 23, 13.*

11. Mój luby, nječin ty po nim to zle, ale čin dobre. Štóž dobre čini, tón je wot Boha; štóž zle čini, tón Boha njeje widzil. *Ps. 37, 27. 1 Jan. 3, 6. 9.*

12. Demetrius ma swědčenje wot kóždého a wot teje wěrnosće sameje; a my tež swědčimy, a wy wěsće, zo naše swědčenje wěrne je. *Jan. 19, 35. St. 21, 24.*

13. Ja bych wjele pisać měł; ale ja nochcu z tintu a z pjerom tebi pisać.

14. Nadžiju so pak, zo chcu će skoro widžeć; dha chcemy my tehdy ze ertom ke ertej hromadže řećeć.

15. Měr budž z tobu! Či přećeljo dadža či wjele dobroho powjedzić. Rjeknú wjele dobroho tym přećelam z mjenom. *1 Pětr. 5, 14.*

List na Hebrejskich.

Prěni staw.

***Chrystus je Boži Syn a wyši
dyžli jandželjo a wšě stwo-
renja.***

***Epistola na 2. swjedzeń
hodow.***

1. [Jako Bóh wjele mol a ze wšelkim
wašnjom zastarsku k wótcam přez pro-
fetow rěčał je:

2. Dha je wón w tych poslenich dn-
jach k nam rěčał přez Syna, kotrehož
wón k herbej wšitkeho je postajił, přez
kotrehož tež tón swět stworił je. *Ps. 2,
8. Jan. 1, 10.*

3. Tón, dokelž wón je ta jasnosť
jeho krasnosť a ta podobnosť jeho
byća, a njese wšitke wěcy ze swojim
mócnym słowom a je to wučiscenje
našich hrěchow sčinił přez so sam, dha
je so sydnył k prawicy na stoł teje najw-
jetšeje krasnosť we wysokosći; *Kn.
mudr. 7, 26. Kol. 1, 15. 2 Kor. 4, 4. Hebr.
9, 14. 26.*

4. A je tak wjele lepši, dyžli jandželjo,
kak wjele wyše mjeno wón přez nich her-
bowal je. *Phil. 2,*

9.

5. Přetož ke kotremu jandželej je wón
hdy prajił: Ty sy mój Syn, džensa sym
ja će płodził? A pak zaso: Ja budu jeho
Wótc a wón budže mój Syn? *Ps. 2, 72.
2 Sam. 7, 14.*

6. A wospjet, jako wón teho přenjejo
narodženeho Syna do swěta nutř wjedže,
rjeknje wón: A dyrbja wšitcy Boži
jandželjo so k njemu modlić.] *Ps. 97, 7.*

7. Wot jandželow tež derje praji:
Wón čini swojich jandželow duchow
a swojich služomnikow wohenjowe
płomjenja. *Ps. 104, 4.*

8. Ale k Synej rjeknje: Twój stoł,
Božo, je wot wěčnosť hač do wěčnosť;
tón ceptar twojeho kralestwa je runy
ceptar. *Ps. 45, 7.*

9. Ty sy prawdosć lubował a njepra-
wosć hidził, teho dla je će, Božo, twój
Bóh žalbowal z wolijom teje wjesolosće,
bóle dyžli twojich towaršow. *Ps. 45, 8.
Jap. zk. 10, 38.*

10. A ty, Knježe, sy w spočatku zemju
załožil, a njejbjesa su twojich rukow
džělo. *Ps. 102, 26.*

11. Te budža zahynć, ty pak
wostanješ; a wone budža so wšě zestarić
jako drasta, *Jez. 51, 6. 2 Pětr. 3, 10.*

12. A kaž plat budžeš je zwinyć, a woni so budža přewobroćić. Ty pak sy tón samy, kiž sy, a twoje lěta njebudža přestać.

13. K kotremu jandželej pak je wón hdy prajił: Syń so k mojej prawicy, hač ja položu twojich njepřećelow za podnóžki twojich nohow? *Ps. 110, 1. Mat. 22, 44.*

14. Njejsu woni wšitcy služowni duchojo, pólani na službu tych samych dla, kiž budža zbóžnosť herbować? *Ps. 34, 8. Ps. 91, 11. 12.*

2. staw.

Wučbu wo Chrystusu mamy přiwzać.

1. Teho dla dyrbimy my čim bóle swěru kedźbować na to słowo, kotrež my slyšimy, zo bychmy nihdže njepřećekli;

2. Přetož hdyž to słowo twjerde je sćinjene, kotrež přez jandželow je řečane, a kóžde přestupjenje a njeposlušnosť swoje prawe myto je dóstała; *Jap. zk. 7, 53. Gal. 3, 19.*

3. Kak chcyli my wuńć, hdy bychmy z tajkej krasnej zbóžnosťó ničo njerodźili? kotraž najprjedy wupowjedana je přez teho Knjeza, potom pak je přez tych, kiž jeho su slyšeli, nad nami wobtwjerdžena; *St. 10, 29. St. 12, 25.*

4. Temu je Bóh přiswědčil z zejchami, z dźiwami a ze wšelkimi mócnymi skutkami a z wudźělenjom teho swjateho Ducha po swojej woli. *Mark. 16, 20. Jap. zk. 2, 4. 1 Kor. 12, 11.*

5. Přetož wón njeje jandželam podał tón přichodny swět, wot kotrehož my řečimy. *2 Pětr. 3, 13.*

6. Jedyn pak wobswědči na jednym měsće a praji: Što je čłowjek, zo na njeho spominaš, abo čloróski syn, zo jeho domapytaš? *Ps. 8, 5.*

7. Ty sy jeho mału chvilu mjenšeho sćinił, dyžli jandželow; ale z česću a z krasnosťó sy jeho krónował a sy jeho Knjeza sćinił na skutkach swojeju rukow; *Mat. 28, 18. Eph. 1, 22.*

8. Wšitko sy pod jeho nohi podał. A podawši jemu wšitko njeje wón ničo wostajił, štož by jemu poddane njebyło; nětk my pak hišće njewidźimy, zo by jemu wšitko poddane było. *1 Kor. 15, 27.*

9. Ale teho, kotryž na mału chvilu nižši był je dyžli jandželjo, widźimy my, zo je Jezus smjerće čerpjenja dla krónowany z česću a z krasnosťó, zo by wón z Božej hnadu za wšitkich smjerć woptał. *Phil. 2, 8. 9. 1 Jan. 2, 2.*

10. Přetož přistojne bě temu, kotrehož dla wšitke wěcy su a přez kotrehož wšitke wěcy su, zo by wón teho sameho, kiž je wjele džěći k tej krasnosťó přiwjedł, jako teho wodžerja jich zbóžnosťó přez čerpjenje dokonjaneho sćinił. *Jan. 1, 3. Rom. 11, 36.*

11. Přetož wšitcy su wot jeneho, tón, kiž swjeći, a či, kiž swjećeni budža. Teho dla wón so tež njehańbuje jich bratrow mjenować,

12. A praji: Ja chcu twoje mjeno připowědać svojim bratram a chcu će chwalić w zhromadźiznach. *Ps. 22, 23. Jan. 20, 17.*

13. A zaso: Ja budu so na njeho spušeć. A zaso: Hlaj, tu sym ja a te džěci, kotrež mi Bóh dał je. *Ps. 18, 2. 3. Jez. 8, 17. 16.*

14. Dokelž teho dla te džěci čělo a krej maju, je wón runje tež to same dóstał, zo by wón přez tu smjerc temu móc wzał, kiž móc smjerce měješe, to je temu čertej, *Hoz. 13, 14. 1 Kor. 15, 54. 55. 2 Tim. 1, 10.*

15. A by wupušćil tych, kotřiž smjertneje bojosće dla swoje žiwe dny k službje wotsudženi běchu. *Luk. 1, 74.*

16. Přetož wón nihdže jandželow na so njewozmjje, ale symjo Abrahamowe wón na so wozmjje.

17. Teho dla dyrbeše wón wšitkim svojim bratram podobny być, zo by smilny był a swěrný wyši měšnik před Bohom, k wučisćenju hrěchow teho luda. *St. 4, 15. Phil. 2, 7.*

18. Přetož z teho, zo wón čerpił je a je spytany, móže wón tež pomhać tym, kotřiž spytani budža. *St. 4, 15. 16.*

3. staw.

***Chrystusa, wosebneho
wučerja noweho zakonja,
mamy posłuchać.***

1. Teho dla, swjeći bratřa, kiž wy sobu powołani sće přez njebieske powołanje, kedžbujće na teho japoštoła a wyšeho měšnika, kotrehož my poznajemy, Chrystusa Jezusa, *St. 4, 14.*

2. Kiž je swěrný temu, kotryž jeho

postajił je, jako tež Mójzas je był we jeho cyłym domje. *4 mójz. 12, 7.*

3. Tón pak je wjetšeje česće dostojny, dyžli Mójzas; čim wjetšu česć tón na domje ma, kiž jón twari, dyžli dom sam.

4. Přetož kóždy dom budže wot někoho twarjeny; ale tón, kiž wšitke wěcy twari, je Bóh. *2 Kor. 5, 5. 17. 18.*

5. A Mójzas běše derje swěrný we jeho cyłym domje, jako wotročk, k wobswědčenju teho, štož potom dyrbeše być prajene;

6. Ale Chrystus je swěrný, jako Syn na svojim domje; kotrehož dom my smy, jeli zo my jeno to dowěrjenje a tu chwalbu teje nadžije hač do kónca twjerdže zachowamy. *Št. 14.*

7. Teho dla kaž tón swjaty Duch praji: Džensa, hdyž wy jeho hlós slyšiće, *Ps. 95, 8. St. 4, 7.*

8. Dha njestwjerdźće swoje wutroby, jako so sta w rozzlobjenju, na dnju teho spytowanja w pusćinje, *2 Mój. 17, 2. 7.*

9. Hdyž mje waši wótcojo spytowachu, woni mje wobhonichu a widžichu moje skutki přez štyrcyći lět;

10. Teho dla rozhněwach ja so na tón narod a džach: To su ći ludžo, kotrychž wutroba přeco bludži; a woni njechadža moje puće póznać,

11. Zo so přisahach w svojim hněwje, zo woni k mojemu wotpočinku přině njedyrbja. *4 Mójz. 14, 23. 28. 35.*

12. Tak hladajće so, lubi bratřa, zo by nihdže nchtó bjez wami zlu njewěrnú wutrobu njeměł, kotraž by wotstupila wot žiweho Boha; *5 Mójz. 29, 18.*

13. Ale napominajće so sami kóždy

dzeń, tak doľho, jako so džensa praji, zo by nictó bjez wami stwjerdnjeny njebył přez zjebanje tych hrěchow. *Mat. 18, 15. 1 Thes. 5, 11. 14.*

14. Přetož my smy Chrystusa dóstali, jeli zo my jeno tón spočatk teho založenja hač do kónca twjerdy zachowamy;

15. W tym jako prajene budže: Džensa, hdyž wy jeho hlós slyšiće, dha njestwjerdzće swoje wutroby, jako so sta w tym rozzłobjenju. *St. 4, 7.*

16. Přetož někotři, jako slyšachu, načinichu woni to rozzłobjenje; nic tola wšitcy, kiž z Egyptowskeje wuńdžechu přez Mójzasa.

17. Na kotrych wón so pak rozhněwa přez štyrcyći lět? Njeje temu tak, zo na tych, kiž zhrěšichu, kotrychž čěla w pusćinje padžechu? *4 Mójz. 14, 36.*

18. Kotrym wón so pak přisahnu, zo njedyrbja k jeho wotpočinku přinć, chiba tym njewěrnym?

19. A my widžimy, zo su njemóhli tam nutř přinć teje njewěry dla.

4. staw.

Kak k Chrystusowemu wotpočinkej přinć móžemy.

1. Bójmy so teho dla, zo bychmy tón slub, tam nutř přinć k jeho wotpočinku, njeskomdzili, a zo by žadyn wot nas z posledy njewostał.

2. Přetož nam je tež dobre powjestwo připowědane, runje jako tamnym; ale tamnym to slyšane słowo ničo

njepomhaše, dokelž njewěrjachu ći, kiž jo slyšachu.

3. Přetož my, kiž wěrimy, džemy k wotpočinku, jako wón praji: Zo ja so přisahach w swojim hněwje, woni njedyrbja k mojemu wotpočinku přinć. A wšak, jako te skutki wot založenja teho swěta běchu dokonjane, *Ps. 95, 11.*

4. Džeše wón na jednym měsće wot sedmeho dnja tak: A Bóh wotpočowaše tón sedmy dzeń wot wšitkich swojich skutkow. *1 Mójz. 2, 2.*

5. A tudy na tym měsće zaso: Woni njedyrbja přinć k mojemu wotpočinku.

6. Dokelž teho dla hišće zbytnje je, zo někotři dyrbja k temu samemu přinć, a ći, kotrymž najprjedy bě připowědane, njejsu k temu samemu přišli, teje njewěry dla;

7. Tuž postaji wón zaso jedyn dzeń, džensa, přez Dawida prajujcy, po tak doľhim času, jako hižom prajene je: Džensa, hdyž wy jeho hlós slyšiće, dha njestwjerdzće swoje wutroby. *St. 3, 7.*

8. Přetož hdy by jich Jozua k wotpočinku přiwjedł, njebudžiše wón potom wot druheho dnja prajił.

9. Teho dla je hišće druhi sabatny wotpočink wostajeny Božemu ludu.

10. Přetož štóz k jeho wotpočinku je přišoł, tón samy wotpočuje tež wot swojich skutkow, runje jako Bóh wot tych swojich. *Zjew. 14, 13.*

11. Chwatajmy teho dla za tym, zo bychmy nutř přišli k temu samemu wotpočinku, zo by něhdže něchtó njezapanuł do tamneho znamjenja teje njewěry.

12. Přetož žiwe je Bože słowo a mócne

a wótriše dyžli žadyn na woběmaj bokomaj wótry mječ, a předrje so, hač so rozdžělitaž duša a duch, tež kosće a mozy, a rozeznaže mysle a zdaće teje wutroby; *Jer. 23. 29. Prěd. 12, 11.*

13. A njeje žane stworjenje před nim njewidžomne, ale wšitko je nahe a wotkryte před jeho wočomaj, wot teho my rěčimy. *Sir. 15, 19. St. 23, 28.*

5. Staw.

Chrystus a Aaron porno sebi dđeržanaž.

Tekst na njedželu Invocavit. IV.

14. [Dokelž teho dla wulkeho wyšeho měšnika mamy, Jezusa, teho Syna Božeho, kiž je k njebjesam stpil; dha dđeržmny so teho póżnaća.

15. Přetož my nimamy tajkeho wyšeho měšnika, kiž by njemohł čerpjenje měć z našej słabosću, ale kiž spytany je we wšitkim runje jako my, ale bjez hrěcha. *St. 2, 17.*

16. Přistupmy teho dla z chrobłosću k temu stołu teje hnady, zo bychmy smilnosć dóstali a hnadu namakali na tón čas, hdyž nam pomocy trjeba budže.]

St. 5. Št. 1. Přetož kóždy wyši měšnik, kiž z čłowjekow budže wzaty, budže za čłowjekow postajeny na to, štož Bohu słuša, to je, zo by woprował dary a wopory za hrěchi;

2. Kiž by mohł přistojne čerpjenje měć z tymi, kotřiž su njewědomni a

błudža, dokelž wón sam tež wobdaty je ze słabosću. *St. 4, 15.*

3. A teje dla dyrbi wón, runje jako za lud, tak tež sam za so woprować za te hrěchi. *3 Mójz. 9, 7. St. 16, 3.*

4. A nichtó sebi sam teje česće njewozmje, ale kotryž je powołany wot Boha, runje jako tež Aaron. *2 Mójz. 28, 1.*

5. Tak tež Chrystus njeje sam sebi teje česće wzal, zo by wyši měšnik był, ale tón je jemu tu česć dał, kiž k njemu je rjekł: Ty sy mój Syn, džensa sym ja će spłodžil. *Ps. 2, 7.*

6. Jako wón tež na druhim měsće praji: Ty sy měšnik do wěčnosće, po rjadu Melchizedechowym. *Ps. 110, 4.*

Tekst na njedželu Palmarum. IV.

7. [A wón je w tych dnjach swójeho čěla modlitwu a próstwu z wulkim wołanjom a ze sylzami woprował k temu, kiž jemu wot smjerće pomhać móžeše; a je tež wuslyšany, teho dla zo wón Boha w česći měješe;

8. A hač runje Boži Syn běše, je wón wšak z teho, štož čerpješe, tu poslušnosć wuknył;

9. A jako wón dokonjany bě, je wón wšitkim, kotřiž jemu poslušni su, pomhał k wěčnej zbóžnosći;]

10. Pomjenowany wot Boha wyši měšnik, po rjadu Melchizedechowym;

11. Wot kotrehož bychmy my wjele rěčeć měli; ale čězcy so da wuložić, dokelž wy tajcy njerozumni sće.

12. A kiž wy dyrbjeli dawno wučerjo być, potrjebaće nětk zaso, zo by was što

wučil te přenje pismiki Božeho słowa, a sće tajcy, kiž potrjebaće mloko, a nic twjerdu jědź. *1 Kor. 3, 1. 2. 3.*

13. Přetož komuž so hišće dyrbi mloko dawać, tón je njewědomny w słowje teje prawdosće, dokelž džěcatko je; *Eph. 4, 14.*

14. Ale dokonjanym sluša twjerda jědź, kiž přez přiwuknjenje maju hotowe mysle k rozeznanju dobrego a zleho. *Jez. 7, 15. 16.*

6. Staw.

Napominanje, zo dyrbimy nic wotpanyć, ale wobstajni być.

1. Teho dla, wostajiwši so teje wučby wot spočatka teho křesćijanstwa, dajmy so k temu dokonjenju; a njech z nowoh' njekładzemy grunt wot pokuty tych morwych skutkow, wot wěry do Boha,

2. Wot křćeńskeje wučby, wot nakładženja teju rukow, wot horjestawanja tych morwych a wot wěčneho suda.

3. A to my budžemy činić, jeli zo Bóh wotpušći. *Jap. zk. 18, 21.*

4. Přetož njemóžna wěc je, zo či, kiž junu su rozswětleni a woptali su te njebjeske dary a dóstali su teho swjateho Ducha, *St. 10, 26. Mat. 12, 31.*

5. A su woptali to dobre słowo Bože a te mocy teho přichodneho swěta,

6. Jeli zo wotpanu (a z nowoh' sami sebi Božeho Syna křižuja a jeho k

směchu postaja), zo dyrbjeli woni zaso k pokuće wobnowjeni być.

7. Přetož zemja, kotraž tón dešć pije, kiž husto na nju přińdže, a přihodne sele přinjese tym, kiž ju džělaju, dóstanje požohnowanje wot Boha;

8. Kotraž pak černje a wóst přinjese, ta so njehodži a je k pokleću blisko; jeje kónc pak je, zo spalena budže.

9. My so pak k wam, wy lubši, něšto lépsheho, a štož tu zbóžnosć sobu njese, nadžijemy, hač runje tak rěčimy;

10. Přetož Bóh njeje njeprawy, zo by wón zapomnił wašeho skutka a teje sprózneje lubosće, kotruž sće wopokazali na jeho mjenje, jako wy tym swjatym služešće a hišće služiće. *Rom. 3, 4. Mat. 10, 42. St. 25, 40.*

11. My pak žadamy, zo by kóždy bjez wami tajku swěrnosć wopokazał, k pońemu dóstatku teje nadžije hač do kónca,

12. Zo njebyšće lěni byli, ale po tych činili, kotřiž přez wěru a sćerpnosć herbuja te sluby.

13. Přetož jako Bóh Abrahamej lubješe, dokelž na žaneho wjetšeho so přisahać njeměješe, přisahnu wón na so sam, *1 Mójz. 22, 16.*

14. A džeše: Zawěsće, ja chcu će požohnować a přisporjeć.

15. A tak dočaka wón sćerpliwje a dósta, štož jemu běše slubjene.

16. Přetož ludžo derje so na tajkeho přisahaju, kiž je wjetši, dyžli woni su; a wšitka zwada bjez nimi kónc ma, hdyž přisaha budže wobtwjerdžena.

Tekst na njedźelu Exaudi. **IV.**

17. [Ale Bóh, jako wón tym herbam teho sluba chcyše čím bóle wopokazać, zo jeho rada njehnuta wobsteji, je wón přisahu k temu činił, *1 Mójz. 22, 16.*

18. Zo bychmy přez dvě wobstajnej wěcy (přetož móžno njeje, zo by Bóh lhał) sylny trošt měli, kiž my přistupimy a so dźeržimy teje prjódkstajeneje nadźije; *Tit. 1, 2,*

19. Kotruž my mamy jako wěstu a twjerdu kótwicu našeje duše, kotraž tež zańdže do teho znutřkowneho teho zawjěška;

20. Hdžež tón ćahar prjedy za nas je zašoł, Jezus, a je so wyši měšnik sćinił na wěčne, po rjadu Melchizedechowym.] *St. 4, 14.*

7. staw.

Přirunanje Chrystusa z Melchizedekom.

1. Tutón Melchizedek pak běše kral w Salemje, měšnik Boha wjeršneho, kiž Abrahamej napřećiwo džeše, jako wón wot bitwy tych kralow zaso přińdže, a jeho žohnowaše, *1 Mójz. 14, 18.*

2. Kotremuž tež Abraham džasatk da wot wšitkeho. Najprjedy budže wón přeloženy kral prawdosće; potom je wón pak tež kral Salema, to je, kral měra,

3. Bjez nana, bjez maćerje, bjez šlachty, a nima ani spočatka tych dnjow ani kónca teho žiwjenja; wón je

pak přirunany temu Synej Božemu a wostanje měšnik do wěčnosće.

4. Hladajće pak, kak wulki je tón, kotremuž tež Abraham, tón wyši wótc, džasatk da wot teho, štož běše dobył.

5. A však ći, kotřiž su džeći Levia, jako woni to měšnistwo běchu dóstali, maju prikaznju, zo bych džasatk wot teho luda, to je, wot svojich bratrow, brali po zakonju, hač runje tež ći sami z tych bjedrow Abrahamowych su wušli; *5 Mójz. 14, 26. 29.*

6. Ale tón, kotrehož narod njebudže pomjenowany bjez nimi, bjerješe džasatk wot Abrahama a požohnowa teho, kiž tón slub měješe. *1 Mójz. 14, 19. 20.*

7. Je pak bjez wšitkeho přećiwořćenja temu tak, zo mjeńši wot wjetšeho požohnowany budže;

8. A tudy bjeru džasatk ći smjertni ludžo; ale tam tón, kiž wobswědčenje ma, zo wón žiwy je.

9. A zo ja tak rjeknu, tež sam Lewi, kiž džasatk bjerje, je we Abrahamje džasatk dał;

10. Přetož wón běše hišće we wótcowskich bjedrach, jako jemu Melchizedek napřećiwo džeše.

11. Jeli zo teho dla dokonjenje so je stało přez to Levićiske měšnistwo (přetož při tym samym je zakon ludu daty), što by dha dale trjeba było prajić, zo dyrbjał druhi měšnik přińć po rjadu Melchizedechowym a nic po rjadu Aaronowym? *Št. 18, 19. Gal. 2, 21.*

12. Přetož budže-li to měšnistwo přeměnjene, dha dyrbi tež tón zakon přeměneny być.

13. Přetož wot kotrehož to same prajene je, tón je wot druheho naroda, z kotrehož nihdy žadyn při wołtarju služil njeje.

14. Zjawne pak je, zo z Judy je zešoł naš Knjez, k kotremuž narodej Mójzas ničo rěčał njeje wot měšnistwa. *1 Mójz. 49, 10. Jez. 11, 1.*

15. A to hišće bóle je zjawniše, hdyž po tej podobnosći Melchizedechowej druhi měšnik postanje,

16. Kotryž nic po tym zakonju teje ćelneje prikaznje je postajeny, ale po tej mocy teho nihdy njezachodneho žiwjenja.

17. Přetož wón tak wobswědči: Ty sy měšnik wěcnje, po wašnju Melchizedechowym. *St. 5, 6.*

18. Přetož z tym budže tón přěńši zakon zahubjeny, teho dla, zo wón njemócný a njewužitny běše;

19. Přetož zakon njemóžeše ničo dokonjeć. Ale na jeho město je ta lěpša nadźija přišla, přez kotruž so k Bohu přibližujemy, *Jap. zk. 13, 38. 39.*

20. A čím bóle, dokelž so njestanje bjez přisahi. Přetož tamni su bjez přisahi měšnicy postajeni;

21. Tón pak z přisahu, přez teho, kiž k njemu rjeknje: Tón Knjez je so přisahał a njebudže so kač: ty sy měšnik wěcnje, po rjadu Melchizedechowym. *Ps. 110, 4.*

22. Tak je wjele lěpšeho zakonja ruki Jezus so sćinił.

23. A tamnych měšnikow je wjele bylo, teho dla, zo před smjerću wostać njemóžachu;

24. Tón pak, dokelž wěcnje wostanje, ma wón njezachodne měšnistwo.

25. Teho dla wón tež zbóžnych činić móže do wěčnosće tych, kiž přez njeho k Bohu přistupja, a je přeco žiwy, zo by za nich prosyl.

26. Přetož tajkeho wyšeho měšnika přisteješe nam měć, kiž by był swjaty, bjez winy, njewomazany, wotdžěleny wot hrěšnikow a kiž wyši je, dyžli njebjesa su;

27. Kotryž by njepotrjebał kóždy dzeń, jako tamni wyši měšnicy, najprjedy sam za swoje hrěchi wopory činić a potom za tych ludži hrěchi; přetož tuto je wón junu činił, jako wón so sameho je woprował. *3 Mójz. 16, 6 x. Rom. 6, 10.*

28. Přetož zakon postaji čłowjekow za wyšich měšnikow, kotřiž na sebi słabosć maju; ale słowo teje přisahi, kotraž po zakonju so stała je, postaji Syna (Božeho), kiž je dokonjany na wěčne. *St. 5, 1. 2.*

8. staw.

Přirunanje měšnistwa Chrystusoweho z měšnistwom Levitow.

1. To wosebniše pak, wot čohož my prajimy, je to: My tajkeho wyšeho měšnika mamy, kiž so sydneył je k prawicy na stol teje najwjětšeje krasnosće w njebjesach, *St 4, 14.*

2. A je zastojnik tych swjatych městow a teje praweje hěty, kotruž Bóh je postajił, a nic čłowjek.

3. Přetož kóždy wyši měšnik budže postajeny, zo by woprował dary a wopory. Teho dla nuzne je, zo by tež tutón měl, štož by woprował. *St. 5, 1. Eph. 5, 2.*

4. Přetož hdy by na zemi był, njeby wón měšnik był, dokelž tam měšnicy su, kotřiž po zakonju dary wopruga,

5. Kotřiž služa temu znamjenju a scěnej tych njebjeskich kublow, jako Mójzas wotmołwjenje wot Boha dósta, hdýž wón tu hětu dohotować chcyše: Hladaj, džeše wón, zo by wšitko činił po tym znamjenju, kotrež tebi na horje je pokazane. *Kol. 2, 17. 2 Mójz. 25, 40. Jap. zk. 7, 44.*

6. Nětk pak je wón čím krasniše zastojństwo dóstał, kaž lěpšeho wotkazanja wón srědnik je, kotrež tež w lěpších slubach je wobzanknjene.

7. Přetož hdy by tamne přénše bjez poroka było, dha njeby město za druhe so pytało;

8. Přetož wón na nich skorži a praji: Hlaj, dny přińdu, praji tón Knjez, zo ja z Jsraelskej chěžu a ze židowskej chěžu chcu nowe wotkazanje sčinić; *Jer. 31, 31. Hebr. 10, 16.*

9. Nic po tym wotkazanju, kotrež ja sčinił sym z jich wótcami tón džen, jako ja jich za ruku zapřijach, zo bych jich wuwjedł z Egyptowskeje zemje. Přetož woni njejsu wostali při mojim wotkazanju; dha tež ja ničo njejsym z nimi rodził, praji tón Knjez. *2 Mójz. 19, 5.*

10. To je pak to wotkazanje, kotrež ja wotkazać budu tej Jsraelskej chěži po tych dnjach, praji tón Knjez: Ja chcu

swój zakon do jich mysle dać, a do jich wutroby chcu ja jón napisać; a ja budu jich Bóh a woni budža mój lud.

11. A žadyn njebudže wučić swojeho bližšeho ani žadyn swojeho bratra a prajić: Póznať teho Knjeza. Přetož wšitcy budža mje póznać, wot jich najmjeńšeho hač do jich najwjětšeho.

12. Přetož ja budu hnadu wopokazać jich njeprawdosćam a jich hrěcham, a jich přestupjenja njebudu ja wjacj spomnić. *Jer. 31, 34. Rom. 11, 27.*

13. Z tym, zo wón praji: Nowe, sčini wón to přénše stare; štož pak stare a wot wjele lět je, to je blisko k zahinjenju.

9. staw.

Hěta zhromadženja a Levićizke wopory jako znamjo na Chrystusowe wyše měšniske zastojństwo.

1. Ta přénša hěta pak derje měješe tež te prawizny Božeje služby a tu swětnu swjatnicu.

2. Přetož tam běše natwarjeny tón prjódk teje hěty, w kotrymž běchu te swěčniki a to blido a te pokroty teho prjódkkładženja; a temu rěkaju to swjate. *2 Mójz. 25, 23.*

31.

3. Za tym druhim zawješkom pak běše ta hěta, kotrejž rěkaju to najswjećiše; *2 Mójz. 26,*

33.

4. Ta měješe tu złotu kadźenicu a křinju teho wotkazanja, kotraž běše

wšudžom ze zlotom wobkryta, w kotrejž běše ta złota dóńčka, kiž w sebi měješe to manna, a tón Aaronowy prut, kiž so zazelenił běše, a tej taflí tego wotkazanja. 2 *Móžz. 16, 33. 4 Móžz. 17, 10.*

5. Z wjercha na njej pak běchu te cherubim teje krasnosće, kotrež wobchłódkowachu tón hnadny stol; wot kotrychž wěcow nětk trjeba njeje, zo by so wot kóždeje wosebje rěčało.

6. A jako to wšitko tak přihotowane bě, džěchu do teje přenjeje hěty kóždy čas či měšnicy a dokonjachu te služby Bože. 4 *Móžz. 18, 3. 22*

7. Do teje druheje pak zańdže jeno junu za lěto sam tón wyši měšnik, nic bjez krwě, kotruž wón wopruje sam za so a za te ludźiske njewědomnosće. 2 *Móžz. 30, 10. 3 Móžz. 16, 2.*

8. Z tym tón swjaty Duch póznać dawa, zo hišće puć k swjatnicy njeje zjawny był, tak dołho hač přěńša hěta stała je, *St. 10, 19.*

9. Kotraž w tym samym času znamjo być dyrbeje, hdyž dary a wopory woprowane buchu, a wšak njemóžachu po swědomnju dokonjaneho sćinić tego, kiž Bohu služeše,

10. Hač jeno z jědžu a z pićom a ze wšelkej křćeńcu a z čelnymi prawiznami, kotrež wěcy jim hač na čas tego porjedženja nakładžene běchu.

Epistola na njedželu Judica.

11. Chrystus pak je přišoł, zo by wyši měšnik był tych přichodnych kubłow, přez wjetšu a dokonjańšu hětu, kotraž

njeje z rukomaj sćinjena, to je, kotraž njeje tak natwarjena;

12. Tež njeje wón přez kózlacu a ćelacu krej, ale wón je sam přez swoju krej junu do tego swjateho nutř šoł a wěčne wumóženje namakał.

13. Přetož jeli zo wolaca a kózłaca krej a popjeł wot jałojcy krjepjeny swjeći nječistych k ćelnej čistosći; 3 *Móžz. 16, 14. 4 Mój. 19, 9. 12. 17. 18.*

14. Kak wjele wjacj budže ta krej Chrystusowa, kiž so sam bě wšitkeho poroka přez tego wěčneho Ducha Bohu je woprował, naše swědomnje wot morych skutkow wučisćić, k služenju temu žiwemu Bohu! 1 *Pětr. 1, 19. 1 Jan. 1, 7. Zjew. 1, 5.*

15. A tego dla je wón srědnik noweho zakonja, zo bychu přez tu smjerc, kotraž so k wumóženju wot přestupjenjow pod přěńšim zakonjom stała je, či, kiž powołani su, to slubjene wěčne herbstwo dóstali. *St. 12, 24. 1 Tím. 2, 5.*

16. Přetož hdžež wotkazanje je, tam so dyrbi smjerc stać tego, kiž to wotkazanje čini.

17. Přetož tych wotkazanje je móčne, kiž su zemřeli; hewak wone njeplaći, hdyž tón hišće žiwy je, kiž je wotkazał. *Gal. 3, 15.*

18. Teho dla njebě tež to přěńše bjez krwě wobtwjerdžene.

19. Přetož jako Móžzas wšitke přikaznje po zakonju běše wupowědał wšitkemu ludu, wza wón ćelacu a kózłacu krej z wodu a z purpurskej wołmu a z izopom, a wobkrjepi te knihi a wšitkón lud,

20. A džeše: To je ta krej tego za-

konja, kotryž wam Bóh přikazał je. 2
Móž. 24, 8.

21. Tež tu hětu a wšitkón grat teje Božeye služby wobkrjepi wón teje runosće z krwju; 2 Móž. 29, 21.

22. A budže skoro wšitko z krwju wučiscene po zakonju. A bjez krwě rozleća njestanje so žane wodaće. 3 Móž. 17, 11. Eph. 1, 7.

23. Dyrbjachu teho dla znamjenja tych njebieskich wěcow z tajkim wašnjom wučiscene być; ale same, te njebieske wěcy, dyrbjachu lěpši wopor měć, dyžli tamne wopory běchu.

24. Přetož Chrystus njeje nutř zašoł do teje swjatnicy, kotraž z rukomaj sčinjena bě, a běše znamjo tych prawych, ale do samych njebiesow, zo by so nětk zjewił před tym wobličom Božim za nas. 1 Jan. 2, 1.

25. Tež nic, zo by wón so sam často woprował, runje jako wyši měšnik kóždy lěto nutř dže do teje swjatnicy z cuzej krwju; 2 Móž. 30, 10.

26. Hewak budžiše wón wjele króc dyrbjał čerpić wot spočatka teho swěta. Nětk pak při kóncu teho swěta je wón so junu zjewił přez sam swój wopor k zahubjenju hrěcha. Št. 12, 28. 1 Kor. 10, 11. Gal. 4, 4.

27. A runje jako temu člowjekej je postajene junu wumrjeć, potom pak to sudjenje; 1 Móž. 3, 19. Sir. 14, 18.

28. Tak je tež Chrystus junu woprowany, zo by jich wjele hrěchi přeč wzał. K druhemu budže wón so bjez hrěchow zjewić tym, kotřiž na njeho čakaju, k zbóžnosći. 1 Pětr. 3, 18.

10. staw.

Krasnosť wujednarskeho wopora Chrystusoweho.

1. Přetož tón zakon, dokelž ma sčěn tych přichodnych kubłow a nic to znamjo tych wěcow samo, w tych samych woporach, kiž so kóždy lěto wopruja, dha nihdy njemóže tych, kotřiž k woporu přistupaju, dokonjanych sčinić; Kol. 2, 16.

17.

2. Hewak by to woprowanje přestało, dokelž bychy či, kiž Božu službu činja, žaneho swědomnja wjacj njeměli wot tych hrěchow, hdyž junu wučisceni su;

3. Ale při tych samych stanje so dopomnjenje tych hrěchow kóždy lěto.

4. Přetož móžno njeje, zo by wolaca a kózlaca krej mohla hrěchi přeč wzać.

5. Teho dla přišedši na swět, praji wón: Wopory a dary sy ty njechał, ale čelo sy ty mi přihotował. Ps. 40, 7.

6. Zapalne wopory a hrěšne wopory su so tebi njespodobale;

7. Tuž ja džach: Hlaj, ja přiindu; w knihach steji wosebnje wote mnje pisane, zo mam činić, Božo, twoju wolu.

8. Horjekach, jako wón prajił běše: Wopory a dary, zapalne wopory a wopory za hrěch sy ty njechał, tebi so tež njespodobaju (kotrež po zakonju woprowane budža);

9. Tuž džeše wón: Hlaj, ja přiindu, zo bych činił, Božo, twoju wolu. Tu zběhnje wón přěńše přeč, zo by to druhe postajił.

10. Po kotrejž woli my smy swjećeni

přez to woprowanje teho čěla Jezom Chrysta, kotrež so junu stało je. *St. 9, 12. 28.*

11. A kóždy měšnik je postajeny, zo by dzeń wote dnja Bohu služił a často jenake wopory činił, kotrež tola nihdy njemóžachu te hrěchi přeč wzać.

12. Tón pak, jako wón jedyn wopor za hrěchi je woprował, sedži wón do wěčnosće na prawicy Božej, *Ps. 110, 1.*

13. A čaka na kónc, hač bychu jeho njepřečeljo za podnóžki jeho nohow položeni byli. *St. 2, 8. Ps. 110, 1. 1 Kor. 15, 25.*

14. Přetož z jednym woporom je wón do wěčnosće dokonjał tych, kotřiž wuswjěceni budža. *Št. 12.*

15. To nam pak tež wobswědči tón swjaty Duch. Přetož hdyž wón přjedy běše powědał:

16. To je to wotkazanje, kotrež ja z nimi činić budu po tych dnjach, praji tón Knjez: Ja chcu swój zakoń do jich wutrobow dać a do jich mysłow budu jón zapisać, *Jer. 31, 33. Hebr. 8, 8.*

17. A jich hrěchow a jich njeprawdosće njebudu ja wjacy spomnić. *Jer. 31, 34*

18. Hdžež pak tych samych wodaće je, tam njeje wjacy wopor za te hrěchi.

19. Hdyž my teho dla, lubi bratřa, mamy to wjesele dowěrjenje, zo móžemy zańć do teho swjateho přez tu krej Jezusowu, *Jan. 14, 6.*

20. Po puću, kotryž wón nam přihotował je nowy a žiwy, přez tón za-wješk, to je přez swoje čělo;

21. A mamy tež wyšeho měšnika na Božim domje; *St. 4, 14—16.*

22. Dha přistupmy tam z prawej wutrobu, w poňnym dóstatku teje wěry, wobkrjepjeni na wutrobach, zo smy bjez zleho swědomnja a wumyći na čěle z čistej wodu; *St. 4, 16.*

23. Džeržmy to pónaće teje nadžije a njemotajmy so (přetož swěrný je tón, kiž je slubił). *St. 4, 14.*

24. A kedžbujmy jedyn na druhého tak, zo bychmy so wabili k lubosći a k dobrym skutkam; *Jan. 13, 34. Mark. 12, 31.*

25. A njewopuščili sami swoje zhromadjenje, jako někotři wašnje maju; ale napominajmy so bjez sobu, a to čím bóle, hač wy widžiće, zo so tón dzeń přibližuje. *1 Kor. 10, 11.*

26. Přetož jeli zo my ze samopašnej wolu zhrěsimy, hdyž my pónaće teje prawdosće smy dóstali, dha žadyn wopor dale za hrěchi njeje zbytkny; *St. 6, 4. 5.*

27. Ale jene trašne wočakowanje teho suda a zahorjenje teho wohenja, kotryž póžrěć budže tych přećiwnikow. *Zeph. 1, 18.*

28. Štóz Mójasowy zakoń začisnje, dyrbi bjez smilnosće na dweju abo třoch swědkow wumrjeć. *5 Mójz. 17, 6. St. 19, 15. Jan. 8, 17.*

29. Što dha so wam zda, kak wjele hóršeje štrafy budže tón hódny, kiž Syna Božeho z nohomaj podtepcy a teho wotkazanja krej za nječistu džerži, přez kotruž wón je wuswjěceny a kiž ducha teje hnady hani? *St. 2, 3. St. 12, 25. 1 Kor. 11, 25. 27.*

30. Přetož my znajemy teho, kiž praji: To wječenje je moje, ja chcu zaplaćić, praji tón Knjez. A zaso: Tón Knjez budže swój lud sudzić. *5 Mójz. 32, 35. Rom. 12, 19.*

31. Trašna wěc je, zapanuć do teju rukow teho žiweho Boha.

32. Spominajće pak na te přénše dny, w kotrychž wy, rozswětleni, sće znosyli wulke bėdženje teho ćerpjenja;

33. Hdyž wy někotři sami sće přez hanjenje a tyšenje na směch postajeni; a někotři sće towaršojo byli tych samych, kotrymž so tak šlo je.

34. Přetož wam běše tež žel mojich zwjazkow, a to pobranje wašich kubłow sće wy z wjesołosću přecerpili, dokelž wy wěsće, zo při sebi maće lěpše bohatstwo, kotrež w njebiesach je a wam wostanje. *Mat. 6, 20. St. 19, 21.*

Tekst na nowe lěto. IV.

35. Teho dla [znjećisńće waše dowěrjenje přec, kotrež ma wulke zaplaćenje.

36. Sćerpliwosće je wam pak trjeba, zo byšće Božu wolu činili a to slubjenje dóstali.] *Luk. 21, 19. Jak 5, 7.*

37. Přetož po małej chwili budže tón přińć, kiž přińć ma, a njebudže so komdžić. *1 Pětr. 1, 6. Hag. 2, 7.*

Epistola na 18. njedźelu po swj. Trojicy.

38. [Prawy pak budže z wěry žiwy. Ale štož wotstupić budže, na tym moja duša

žaneho spodobanja měc njebudže. *Hab. 2, 7. Rom. 1, 17. Gal. 3, 11. Přist. 3, 32.*

39. My pak njejsmy wot tych, kiž wotstupja a zatamani budža; ale wot tych, kiž wěrja a dušu wumóža. *Tob. 2, 18.*

11. staw.

Wo zbóžnychčinjacej wěrje.

1. Ta wěra pak je twjerde založenje teho, na kotrež nadźiju stajimy, a je wěste dowjedženje teho, štož njewidźimy. *Rom. 8, 38. 1 Kor. 2, 9.*

2. Přetož přez tu samu su ći stari wobswědčenje dóstali.

3. Přez wěru póznajemy, zo tón swět přez Bože słowo je dokonjany, a zo wšitko, štož widźimy, z ničeho je sćinjene. *1 Mójz. 1, 1. Jan. 1, 10.*

4. Přez wěru je Bohu poľniši wopor woprowaľ Abel, dyžli Kain, přez kotruž so wopokazaľ je, zo je prawy, jako Bóh swědčenje da wot jeho darow, a přez tu samu wón hišće reči, hač runje wumrěľ je. *1 Mójz. 4, 4.*

5. Přez wěru bu Enoch přesadžený, zo by smjerće njewohladaľ; a njebu namakany, teho dla, zo Bóh jeho běše přesadził; přetož prjedy hač wón bu přesadžený, je wón swědčenje měľ, zo so Bohu je spodobaľ. *1 Mójz. 5, 24.*

6. Ale bjez wěry móžno njeje, Bohu so spodobać; přetož štož k Bohu chce přińć, tón ma wěrić, zo Bóh je, a zo wón tym, kotřiž jeho pytaju, myto dawa.] *Jer. 5, 3.*

7. Přez wěru je Noa (wot Boha

napominany, zo so teho boješe, štož hišće widžeć njeběše) tón kašć prihotował k zbožu swojeho doma, přez kotruž wón swět zatama; a je tu prawdosć herbowal, kiž přez wěru přińdže. 1 Mójz. 6, 8. 14. Rom. 4, 20.

Rom. 3, 22. 24.

8. Přez wěru bě Abraham poslušny, jako wón powołany bu, zo by do teho kraja wušol, kotryž za herbstwo wzać měješe; a wón wuńdže a njewědžeše, hdže by přišol. Jez. 41, 2. 1 Mójz. 12, 4.

9. Přez wěru je wón přebywał w tym slubjenym kraju, jako w cuzym, a bydleše w hětach z Izaakom a z Jakubom, kotraž tež z nim runaj herbaj teho sameho sluba běštaj. 1 Mójz. 14, 13. St. 35, 27.

10. Přetož wón čakaše na to město, kiž ma twjerdžiznu, kotrehož česla a sworićel Bóh je.

11. Přez wěru dósta tež ta Sara móc k podjeću a porodži wyše časa swojeje starosće, dokelž za wěrneho teho měješe, kiž to slubił běše. 1 Mójz. 21, 2. Luk. 1, 36.

12. Teho dla tež wot jeneho, hač runje jako wotemrjeteho, jich tak wjele so je narodziło, kak wjele je hwězdow na njebiesach a pëska na móřskim brjoze, kotryž njeje k přerachnowanju. Rom. 4, 19. 1 Mójz. 15, 5. St. 22, 17.

13. Ći sami su wšitcy po wěrje wumřeli a njejsu tón slub dostali; ale su z dala jón widžili, tež so z nim tróštowali a derje z pokojom byli a poznali, zo su hosćo a cuzomnicy na zemi.

14. Přetož kotřiž to praja, Ći dadža zjawnje zrozumić, zo wótcneho kraja py-

taju.

15. A woprawdže, hdy bychy na tamny sebi myslili, z kotrehož wušli běchu, dha su dosć časa měli so zaso wróćić.

16. Ale woni lěpšeho žadaju, to je teho njebieskeho. Teho dla Bóh so njehańbuje, jich Bóh so mjenować; přetož wón je jim město prihotował. 2 Mójz. 3, 6. Mat. 22, 32.

17. Přez wěru woprowaše Abraham teho Izaaka, jako spytany bě; a woprowaše teho jeničkeho narodzeného, jako wón tón slub hižom dóstał běše; 1 Mójz. 22, 1 x.

18. Kotremuž prajene běše: We Jzaaku budže tebi twoje symjo narjeknjene; 1 Mójz. 21, 12. Rom. 9, 7.

19. A rozpomni při sebi, zo Bóh mócný je, tež wot morwych zbudzić; na to wón jeho tež jako wot morwych zbudzeného zaso wza.

20. Přez wěru požohnowaše Jzaak na přichodne Jakuba a Ezawa. 1 Mójz. 27, 28.

21. Přez wěru požohnowaše Jakub mrějo wobeju synow Jozepha a pochili so přećiwo wjerchu jeho ceptarja. 1 Mójz. 48, 15. St. 47, 31.

22. Přez wěru spomni Jozef mrějo na wuchod tych Israelskich džěćí a přikaza wot swojich kosćow. 1 Mójz. 50, 24.

23. Přez wěru bu Mójzas, jako so narodził běše, přez tři měsacy potajeny wot swojeju staršeju, teho dla zo wonaj widžištaj, zo wón rjane džěćatko běše; a njeboještaj so před kralowskej prikaznju. 2 Mójz. 2, 2. Jap. zk. 5, 29.

24. Přez wěru nochcyše Mójzas,

jako běše wulki narostl, syn teje džowki
Pharaonoweje wjacj rěkać; 2 Mójz. 2,
11. 12.

25. A zwoli k temu radšo, zle ćerpić z
Božim ludom, dyžli na čas měc to hrěšne
wokřewjenje; Ps. 84, 11.

26. A měješe Chrystusowu hanibu za
wjětše bohatstwo, dyžli te časy Egyp-
towske; přetož wón pohlada na to
zaplaćenje.

27. Přez wěru wopuści wón Egyp-
towsku a njeboješe so kralowskeho
hněwa; přetož wón so dźeržeše teho,
kotrehož wón njewidžeše, jako by jeho
widžil. 2 Mójz. 2, 15. St. 10, 28. 29. St.
14, 1 x. Jap. zk. 7, 29.

28. Přez wěru dźeržeše wón te jutry
a to přeće teje krwě, zo by tón, kiž te
prěńše narody kóncowaše, jich njezajał.
2 Mójz. 12, 12. 18.

29. Přez wěru su woni šli přez
čerwjene morjo, jako po suchej zemi;
kotrež ěi Egyptowscy tež spytachu a so
tepichu. 2 Mójz. 14, 22.

30. Přez wěru padžechu te Jeri-
chowske murje, jako wone přez sydom
dnjow wobchodžene běchu. Joz. 6, 20.

31. Přez wěru njebu Rahab, ta kurwa,
sobu skažena z tymi njewěrnymi, dokelž
tych wobhonjerjow z měrom běše na
hospodu wzała. Joz. 2, 18. St. 6, 17. 23.
Jak. 2, 25.

32. A što mam wjacj prajić? Čas by
mi krótki był, hdy bych chcył powědać
wot Gideona a wot Baraka, wot Simsona
a Jephthy, wot Dawida a Samuela a wot
tych profetow, Kn. sudn. 6, 11. St. 4,
6. St. 15, 20. St. 11, 6. 2 Sam. 2, 4. 1 Sam. 7,
15.

33. Kotřiž su přez wěru kralestwa
přewinyli, prawdosć činili, slub dóstali,
lawam klamy zatykali, 2 Sam. 8, 1.

34. Teho wohenja móc zahasli, teho
mječa wótrosci ćekli, su so mócní sčinili
ze słabosće, su posylnjeni we wójnje, su
cuzych wójska zahnali. Dan. 3, 23. 24.
25.

35. Žónske su svojich morwych přez
horjestawanje zaso wzałe; druzy pak
su jako bubon rozčahani a njejsu žane
wuplaćenje horje wzali, zo bychu lěpše
horjestawanje dóstali.

36. Někotři pak su hanjenje a
chłostanje přecerpili, k temu tež rječazy
a jastwo;

37. Woni su byli kamjenjowani, z piłu
rozřezani, spytani, z mječom morjeni;
woni su wokoło chodžili we wowčich a
kozacych kožuchach, wopušćeni, čišćeni
a zlě zadžerženi, 1 Kral. 21, 13. 2 Kron.
24, 21. Jap. zk. 7, 59.

38. (Kotrychž wšak swět hódny
njeběše) a su so wokoło bludžili po
pusćinach, po horach, w jamach a
džěrach teje zemje. Kn. Mudr. 3, 5.

39. A ěi su wšitcy přez wěru
swědćenje měli a njejsu to slubjenje
dóstali;

40. Dokelž Bóh něšto lěpše za nas pr-
jedy běše wothladał, zo bychu woni bjez
nas dokonjeni njebyli.

12. staw.

Napominanje k sčerpilivosti a k bohobojaznosti.

Epistola na njedželu Remi- nizcere.

1. [Teho dla tež my, dokelž tajku wulku syłu swědkow wokoło sebje stejo mamy, wotpoložmy wšo brěmjo a tón hrěch, kiž so nas twjerdže dźerži, a běžmy přez wobstajnu sčerpilivosć na to bédženje, kotrež nam je prjódkstajene; *Rom. 6, 4. Eph. 4, 22. 1 Pětr. 2, 1. 1 Kor. 9, 24. Hebr. 10, 36.*

2. A pohladajmy na Jezusa, kiž je spočatk a kónc teje wěry; kiž na město sebi prjódkstajeného wjesela znosy křiž, njerodźiwši wo hanibu, a je so sydneyl k prawicy na Boží stol. *Jez. 53, 4—8. Zjew. 3, 21.*

3. Spomńće na teho, kiž tajke wšelke wurěčowanje wot hrěšnikow přećiwo sebi je přečerpił, zo byšće wy njewustawali a so wašim dušam njese zło. *Luk. 2, 34.*

4. Přetož wy hišće njejsće so hač do křwě přećiwili na bédženju přećiwo hrěchu, *1 Kor. 10, 13.*

5. A sće cyle zapomnili teho napominanja, kiž k wam, jako k dźěćom, rěči: Mój syno, njeměj za snadne to Knjezowe powučenje a njezawutl před jeho khoztanjom; *Přist. 3, 11. 12.*

6. Přetož kohož tón Knjez lubo ma, teho wón powučí; wón khosta pak kóždého, kotrehož wón za syna horje wozmjé.] *Zjew. 3, 19.*

7. Jeli zo wy to powučenje přečerpiće, dha so wam Bóh podawa jako dźěćom; přetož hdže je syn, kotrehož by nan nje-powučil?

8. A jeli wy sće bjez powučjenja, kotrež su wšitcy dóstali, dha sće kurwiske a nic mandželske dźěći.

9. Tež hdyž my našich čelnych wótcow za wučerjow smy měli a so jich bojeli, njedyrbje-li my dha wjele wjacjy poddani być temu Wótcu tych duchow, zo bychmy my živi byli?

10. A však woni su nas powučili mało dnjow, jako so jim je zdało; ale tón k našemu lěpšemu, na to zo bychmy my jeho swjećenje dóstali.

Tekst na njedželu Oculi. IV.

11. [Wšitko powučenje pak, hdyž tudy je, njezda so nam wjeselosć, ale zrudžba być; ale potom wone přinjese pokojny plód teje prawdosće tym, kiž přez to same su sptani.

12. Teho dla posylńće zaso te wisace ruki a te wustate kolena, *Jez. 35, 3.*

13. A činńće rune stopy z wašimi nohami, zo by to, štož chrome je, so nje-podsunulo, ale wjele bóle wustrowjene bylo.

14. Hońće za měrom přećiwo kóždemu a za swjećenjom, bjez kotrehož žadyn teho Knjeza wohladać njebudže. *Rom. 12, 18. Mat. 5, 8. 20.*

15. A kedžbujće na to, zo by něchto z Božeje hnady njewupanul, zo něhdže někajki hórki korjeń njeby wurostl a škodu načinił a jich wjele přez tón samy naškerjedenych bylo;] *5 Mójz. 29, 18.*

16. Zo by něhdže něchtó njebył kurwar abo bjezbóžny, jako Ezaw, kiž za jenu jědź swój přěńši narod předa. *Eph. 5, 3. 1 Mójz. 25, 33.*

17. Wěsće pak, zo wón potom, jako wón to žohnowanje chcýše herbować, je začisnjeny; přetož wón k pokuće města njenamaka, hač runje ju ze sylzami pytaše. *1 Mójz. 27, 30 x.*

18. Přetož wy njejsće přistupili k horje, kotrejež so móžeše dótknyć, a k horjacemu wohenju; ani k wichoru a k čěmnošći a k njewjedru, *2 Mójz. 19, 12.*

19., Ani k zynkej teje truby a k hlósu tych słowow, hdžež ćí, kotřiž jón slyšeli běchu, prošachu, zo by k nim wjacý řečane njebyło. *2 Mójz. 20, 19.*

20. (Dokelž woni to znjesć njemóžachu, štož by řečane bylo. Hdyž so skoćo teje hory dótknyło běše, dyrbješe wone kamjenjowane abo z kłokom zatřělene być; *2 Mójz. 19, 12. 13.*

21. A tak trašne běše to same, štož so zjewi, zo tež Mójzas džeše: Ja sym so nastróžał a ržu wšitkón);

22. Ale wy sće přistupili k tej horje Cionskej a k městu teho žiweho Boha, k temu njebieskemu Jeruzalemu a k tej zhromadžiznje wjele tawzynt jandželow, *Jez. 2, 2. Gal. 4, 26.*

23. A k tej zhromadžiznje (a cyrkwi) tych přěních narodženych, kotřiž su w njebiesach napisani, a k Bohu, temu sudnikej wšitkich, a k tym ducham tych dokonjanych prawych, *Luk. 10, 20.*

24. A k temu srědnickej teho noweho zakonja, k Jezusu, a k tej krej teho wobkrjepjenja, kotraž lěpje řeči, dyžli Abelowa. *St. 8, 6. 1 Tim. 2, 5. 1 Mójz. 4,*

10.

25. Hladajće so teho dla, zo byšće so teho njewobarali, kiž řeči. Přetož hdyž tamni njejsu čekli, kiž so wobarachu, jako wón na zemi řečeše, wjele mjenje budžemy my, jeli zo so wotwobročimy wot teho, kiž z njebies řeči, *St. 2, 7*

26. Kotrehož hlós tehdy tu zemju hnu, nětk pak lubi a praji: Hišće junu budu ja hnuć, nic jeno zemju, ale tež njebiesa. *Hag. 2, 7.*

27. Ale to hišće junu pokazuje, zo to hnute, jako sčinjene, so přesadzić dyrbi, zo by to njehnute wostało. *Ps. 102, 27.*

28. Teho dla, dokelž my dóstanjemy kralestwo, kotrež hnute njebudže, dha mamy hnadu, přez kotruž my Bohu služimy po jeho spodobanju, z pósćiwosću a z bojósću; *Phil. 2, 12.*

29. Přetož naš Bóh je póžeracy woheń. *5 Mójz. 4, 24. St. 9, 3.*

13. staw.

Napominanje k křecćijanskemu žiwjenju a k čistej wučbje.

1. Bratska lubosć njech wostanje wobstajna. *Rom. 12, 10.*

2. Njezapomńće to, zo byšće radži hospodowali; přetož přez to su někotři njewjedźiwši jandželow hospodowali. *1 Pětr. 4, 9. 1 Mójz. 18, 3. St. 19, 2. 3.*

3. Spominajće na tych zwjazanych, jako byli wy porno jim zwjazani, a na

tych, kotřiž so zle maju, jako ci, kiž wy tež hišće w čěle sće.

4. Njeh budže mandželstwo česne dđeržane pola wšitkich a mandželske ložo njewomazane; ale kurwarjow a mandželstwo-lamarjow budže Bóh sudzić. *2 Mójz. 20, 14.*

5. Waše wašnje njeh je bjez lakomstwa na pjenjezy; a dajće sebi dosć być na tym, štož maće. Přetož wón je prajil: Ja će nochcu wopuścić ani nihdy će skomdžić; *Joz. 1, 5.*

6. Tak zo so jemu dowěrić a rjeknyć móžemy: Tón Knjez je mój pomocnik, a ja nochcu so bojeć; što móže mi čłowjek činić? *Ps. 56, 5. Ps. 118, 6.*

7. Spominajće na vašich wučerjow, kiž wam Bože słowo su powědali, a kedžbujće na tón wuchod jich zadđerženja a činiće po jich wěrje. *Št. 17. 1. Kor. 4, 16. St. 11, 1.*

Tekst na 7. njedźelu po swj. Trojicy. IV.

8. [Jezus Chrystus je wčera a džensa, a tón samy, kiž wón je, budže tež do wěčnosće. *Zjew. 1, 17.*

9. Njedajće so ze wšelkimi a z cuzymi wučbami wokoło honić. Přetož krasna wěc je, hdyž wutroba budže wobtwjerdžena přez hnadu, nic přez jědže, z kotrychž žadyn wužitk nimaju, kotřiž z nimi wokoło chodža.] *Jer. 29, 8.*

10. My mamy wołtar, wot kotrehož nimaju móc jěsć, kotřiž w tej hěće Bohu služa.

11. Přetož kotrychž skoćatow krej nošena budže přez wyšeho měšnika do swjatnicy za hrěchi, tych samych mjasa budža spalene wonkach před lěhwom. *3 Mójz. 4, 5. St. 16, 27. 2 Mójz. 29, 14.*

12. Teho dla tež Jezus, zo by wón tón lud swječil přez samu swoju krej, je wón wonkach před wrotami čerpił.

13. Džimy teho dla k njemu won před lěhwo a njesmy jeho hanibu.

14. Přetož my nimamy tudy žane wobstajne město, ale to přichodne py-tamy. *Ps. 39, 13.*

14.

Tekst na 19. njedźelu po swj. Trojicy. IV.

15. [Woprujmy teho dla přez njeho Bohu přeco chwalobny wopor, to je, plód teju hubow, kotrejž jeho mjeno póznažetej. *3 Mójz. 7, 12. Ps. 50, 23.*

16. Dobrotu pak činić a wudželić njezapomńće; přetož tajke wopory spodobaju so Bohu derje.] *Sir. 40, 17. Phil. 4, 16.*

17. Posłuchajće vašich wučerjow a podćisńće so jim; přetož woni vašich dušow dla wachuja, jako ci, kiž maju rachnowanje dać za te same, zo bychu to z wjesološću činili a nic ze zdychowan-jom; přetož to za was njeje.

18. Prošće za nas. Přetož naš trošt je tón, zo dobre swědomnje mamy a smy na tym, zo bychmy so derje zadđerželi pola wšitkich.

19. Najbóle pak napominam was, zo byšće to činili, čim skeršo ja zaso k wam přińć budu.

20. Bóh teho měra pak, kiž wot morwych je wuwjedł přez tu krej teho wěčneho zakonja teho wulkeho pastyrja tych wowcow, našeho Knjeza Jezusa, *Jan. 10, 12. 1 Pětr. 2, 25.*

21. Njeh čini was hotowych we wšitkim dobrym skutku, zo byšće jeho wolu činili; a njeh dokonja we was to, štož před nim je spodobne, přez Jezom Chrysta, kotremuž budź česć wot wěčnosće hač do wěčnosće. Hamjeń.

22. Prošu was pak, lubi bratřa, znjesće sćerpliwje to słowo teho napominanja; přetož ja sym wam z krótkim pisał.

23. Dam wam tež k wědženju, zo naš bratr Timothej je wupušćeny, z kotrymž, jeli zo wón skoro příndže, ja was chcu wohladać.

24. Rjekúće wjele dobreho wšitkim wašim wučerjam a wšitkim swjatym. Wam wjele dobreho dadža powjedźić či bratřa z Walskeje.

25. Ta hnada budź z wami wšitkimi. Hamjeń. *2 Tim. 4, 22. Tit. 3, 15.*

List na Hebrejskich je pisany z Walskeje a póslany přez Timotheja.

List swj. japoštoła Jakuba.

Prěni staw.

Wo sćerpnosći w křižu a ćerpjenju.

1. Jakub, wotročk Boži a teho Knjeza Jezom Chrysta, tym dwanaće narodam, kotrež tam a sem su, wjele stowja a zboža. *Jan. 7, 35. Jap. zk. 8, 4.*

2. Za wšo wjesele mějće, moji lubi bratřa, hdyž wy do wšelkeho spytowanja padnjeće; *Jap. zk. 5, 41. Rom. 5, 3.*

3. A wěsće, zo waša wěra, jeli zo prawa je, sćerpliwość přinjese.

4. Sćerpliwość pak njech dokonjany skutk ma, zo byšće wy byli dokonjeni a syli a na ničim žaneje nuzy njeměli.

Tekst na 14. njedźelu po swj. Trojicy. IV.

5. [Jeli zo pak komu bjez wami mudrosće trjeba je, tón njech Boha prosy, kiž šćedrje dawa wšitkim a to nikomu njewumjeta; dha budže jemu ta sama data. *Mark. 11, 24.*

6. Njech prosy pak we wěrje a njebudž njewěsty; přetož štož je njewěsty, tón je runje jako mórska žołma, kotraž

wot wětra budže honjena a mjetana. *Mat. 7, 7. St. 21, 22. Mark. 11, 24. Jan. 14, 13. St. 16, 23. Sir. 7, 10.*

7. Tón samy čłowjek njepomysl sebi, zo by što wot teho Knjeza dóstał.

8. Muž dwojeje mysle je njewobstajny we wšitkich svojich pučach.]

9. Njech tón bratr, kiž ponižny je, so chwali svojeho powyšnja;

10. Ale tón bohaty njech so dopomni svojeho ponižnja; přetož jako trawowa kwětka budže wón zahynět. *Jez. 40, 6. 7. 1 Pětr. 1, 24.*

11. Jako hdyž slóncu schadza z horcosću, dha trawa zwjadnje a jeje kwětka spanje, tež jeje rjane pohladanje so skazy; tak budže tež bohaty w svojim zamóženju zwjadnuć. *Ps. 102, 12.*

Tekst na 25. njedźelu po swj. Trojicy. IV.

12. [Zbóžny je tón muž, kiž spytowanje znjese; přetož hdyž wón sprawny sćinjeny je, dóstanje wón tu krónu teho žiwjenja, kotruž tón Knjez slubił je tym, kotřiž jeho lubuja.] *Zjew. 3, 19.*

Epistola na njedźelu Kantate.

13. [Njeh žadyn, hdyž budže spytowany, njerjeknje: Ja budu wot Boha spytowany. Přetož Bóh njeje spytowar k złemu a wón nikoho njespytuje;

14. Ale kóždy budže spytowany, hdyž wón sam wot swojeho lóšta budže čehnjeny a wabjeny.

15. Potom, hdyž tón lóšt je podjał, porodži hrěch; hrěch pak, hdyž je dokonjany, porodži smjerc.

16. Njebludźće so, moji lubi bratřa.

17. Wšitkón dobry dar a wšitkón dokonjany dar přińdže z wysokosće dele wot Wótca teho swětla, pola kotrehož njeje žane wotměnenje ani wobroćenje teje swětlosće a čemnosće. *Sir. 38, 8. Mal. 3, 6.*

18. Wón je nas splodzil po swojej woli přez slovo teje wěrnosće, zo bychmy či přeńši byli jeho stworjenjow.] *Jan. 1, 13. 1 Pětr. 1, 23.*

19. Teho dla, moji lubi bratřa, njeh kóždy čłowjek je spěšny k posluhanju, njespěšny pak k ryčenju a njespěšny k hněwu. *Prěd. 7, 10.*

20. Přetož člorózki hněw nječini, štož před Bohom prawe je.

21. Teho dla wotkladźće wšitku nječistosć a přeměnu zlósc;

Tekst na 2. njedźelu po swj. Trojicy. IV.

[A wzmíče to slovo horje z čichej myslu, kotrež do was šćěpjene je a móže waše

duše zbóžne činić. *Rom. 13, 12. Kol. 3, 8. 1 Kor. 3, 6.*

22. Budźće pak činjerjo teho słowa, a nic jeno poslucharjo, z kotrymž wy so sami zjebaće. *Mat. 7, 21. Rom. 2, 13.*

23. Přetož hdyž štó je posluhar teho słowa a nic činjer, tón je podobny mužej, kotryž swoje čelne wobhlčo w špihelu wobhlada;

24. Přetož hdyž so je wobhladał, dže wón přeč a zabudže naměsće, kajki běše. *2 Pětr. 1, 9.*

25. Štóz pak nutř pohlada do teho dokonjaneho zakonja teje frejoty a w nim wostanje a njeje zapomnity posluhar, ale skutka činjer: tón budže zbóžny w swojim skutku.] *St. 2, 12. Jan. 13, 17.*

26. Jeli zo so pak zda někomu bjez wami, zo Bohu služi a swój jazyk we wuzdže njedžerži, ale zawjedže swoju wutrobu, teho Boža služba je kničomna.

27. To je čista a njezmazana Boža služba před Bohom a tym Wótcom: k syrotam a k wudowam we jich zrudobje pohladać a wot swěta so njewomazany zachować. *Hiob. 31, 16. 17.*

2. staw.

Wo hladanju na paršonu a ludanej wěrje.

1. Moji lubi bratřa, njemějće za to, zo by ta wěra našeho Knjeza Jezom Chrysta, teho Knjeza teje krasnosće, čerpila pohladanje na paršonu.

2. Přetož hdy by do wašeje

zhromadźizny přišoł muž ze zlotym pjerščenjom a w krasnej drasće, přišoł pak tež chudy w nješwarnej drasće,

3. A wy byšće hladali na teho, kiž ma krasnu drastu, a rjekli k njemu: Ty, sydní so hew na rjane město! a rjekli pak k temu chudemu: Ty, stej tam, abo sydní so tudy k mojim podnožkam;

4. Dha wy to same při sebi prawje njerozsudźiće, ale činiće so sudnicy po swojich złych myslach.

5. Posluchajće, moji lubi bratřa! Njeje Bóh wuzwolił tych chudych na tym swěće, kiž su we wěrje bohaći a herbojo teho kralestwa, kotrež wón slubił je tym, kiž jeho lubuja?

6. Wy pak sće temu chudemu nječas wopokazali. Njesu ěi bohaći ěi sami, kiž was z mocu podtłóča, a ěi, kiž was před sud ćahaju? *1 Kor. 11, 22.*

7. Njehanja woni to dobre mjeno, po kotrymž wy sće mjenowani?

8. Hdyž wy teho dla tón kralowski zakon dokonjeće po tym pismje: Lubuj swojeho bližšeho jako sam so, dha wy derje činiće. *2 Móž. 19, 18. Mark. 12, 31.*

9. Jeli zo wy pak na paršonu hladaće, činiće wy hrěch a budžeće dowjedźeni wot zakonja jako přestupnicy.

10. Přetož štóž cyły zakon dźerži, zhrěši pak na jenej přikazni, tón so sćini wšitkich winowaty. *Mat. 5, 19. 5 Móž. 27, 26.*

11. Přetož kiž to prajił je: Ty njedyrbiš mandźelstwo łamać, tón je tež prajił. Ty njedyrbiš mordować. Hdyž ty teho dla mandźelstwo njełamaš, moriš pak, sy ty so přestupnik teho zakonja sćinił. *2 Móž. 20, 13. 14.*

12. Tak rěčće a tak činće jako ěi, kotřiž po zakonju teje frejoty sudźeni być dyrbiće. *St. 1, 25.*

Tekst na 13. njedźelu po swj. Trojicy. IV.

13. [Njesmilny sud pak na teho póndže, kiž smilnosće njeje činił; ale smilnosć chwali so přećiwo sudu.

14. Što pomha, lubi bratřa, jeli zo štó by rjeknył, zo ma wěru, skutki pak by njeměl? Móže jeho tež tajka wěra zbóžneho sćinić? *Mat. 7, 26.*

15. Hdy by pak bratr abo sotra nahaj byłaj a nuzu měłaj na wšědnej žiwnosći, *Luk. 3, 11.*

16. A něchtó bjez wami by k nimaj rjeknył: Džitaj z měrom, wohrěwajtaj so a najěstaj so! wy pak jimaj ničo njebyšće dali, štož ćělu trjeba je, što by jimaj to pomhało?

17. Tak tež ta wěra, hdyž nima skutkow, je wona sama w sebi morwa.]

18. Ale mohł štó rjeknyć: Ty maš wěru a ja mam skutki. Pokaž mi twoju wěru z twojimi skutkami, a ja chcu ěi tež moju wěru pokazać z mojimi skutkami. *Gal. 5, 6.*

19. Ty wěriš, zo je jedyn Bóh; na tym derje činiš; čerći tež wěrja a ržu.

20. Chceš-li pak wjedźić, ty prózdny čłowječe, zo wěra bjez skutkow morwa je?

21. Njeje Abraham, naš wótc, ze skutkow za praweho póznaty, jako wón swojeho syna Izaaka na wołtarju woprowaše? *1 Móž. 22, 9—12.*

22. Tudy widžiš, zo ta wěra je sobu pomhała jeho skutkam, a zo ta wěra z tych skutkow so dokonjała je. *Hebr. 11, 17.*

23. A tak je so to pismo dopjelnilo, kotrež praji: Abraham je Bohu wěrił, a to je jemu k prawdosći přicpěte, a je přecel Boži mjenowany. *1 Móž. 15, 6. Rom. 4, 3. Gal. 3, 6.*

24. Widžiće teho dla, zo čłowjek ze skutkow budže za praweho póznaty, a nic jeno z wěry.

25. Teje runosće tež ta kurwa Rahab, njeje wona ze skutkow za prawu póznata, jako wona tych pósłow horje wza a tych samych po druhim puću wupušći? *Joz. 2, 1. Hebr. 11, 31.*

26. Přetož runje jako čelo bjez wodycha morwe je, tak tež je wěra bjez skutkow morwa. *Št. 17.*

3. staw.

Wo prawym a njeprawym wužiwanju jazyka.

1. Lubi bratřa, kóždy so njezwaž, zo chcył za wučerja być; a wěsće, zo my wjetše sudženje dostać budžemy.

2. Přetož my wšitcy wjele zhrěšimy. Jeli zo štó w žanym słowje so njemoli, tón je dokonjany muž a móže tež cyły život we wuzdže dźeržeć.

3. Hlajće, my konje we wuzdže dźeržimy, zo bychy wona nas poslušale, a tak my jich cyły život wokoło čerimy.

4. Hlaj, tež te lódže, hač runje tak wulke su a wot sylnych wětrow hnate

budža, dha wšak budža tam a sem wobrócene z najmjeńšim prawidłom, hdžež ta móc teho chce, kiž je hnuje.

Tekst na 12. njedźelu po swj. Trojicy. IV.

5. [Tak tež jazyk je mały staw a wšak so wulkich wěcow chwali. Hlaj, snadny woheń, kajki lěs wón zapali! *Ps. 57, 5.*

6. A jazyk je tež woheń a swět polny njeprawdosće. Tak je jazyk bjez našimi stawami postajeny, zo naškerjedži cyle čelo a rozpali koło narodženja, to je naše cyle žiwjenje, hdyž wón wot hele je zahorjeny.

7. Přetož kóždy přirodženje tych zwěrjatow, ptakow, hadow a mórskich džiwinow budže skludžene a skludžene je wot ludži;

8. Ale jazyka žadyn čłowjek skludzić njemóže, dokelž njepokojna zła wěc je, polna smjertneho jěda.

9. Přez njón chwalimy Boha a teho Wótca, a přez njón poklijemy ludži, kotřiž po podobnosći Božej su stworjeni. *1 Móž. 1, 27.*

10. Z jeneho erta wuńdže chwalenje a pokleće. To so tak stać njedyrbi, moji lubi bratřa.]

11. Žórli tež studnja z jeneho žórła slódku a hórku wodu?

12. Móže tež, moji bratřa, figowc wolijwki přinjesć abo winowy pjeńk figi? Tak njemóže tež studnja slónu a slódku wodu jene dobo dawać.

13. Štó je rozumny a mudry bjez wami? Njeh tón wopokaže ze swojim

dobrym wobeńdženjom swoje skutki w
mudrej ćichosći. *Eph. 5, 15.*

14. Ale jeli zo wy maće hórku zawisć
a zwadu we wašich wutrobach, dha so
njechwalće ani njełžiće přećiwo prawdze.
Eph. 4, 31.

15. Přetož to njeje ta mudrosć, ko-
traž z wysoka dele přińdže, ale je zeriska,
člorózka a čertowska. Ref((1 Kor. 2, 6.
7.))

16. Přetož hdžež zawisć a zwada je,
tam je njerjadnosć a wšelka zła wěc.

17. Ale mudrosć z wysoka dele
je najprjedy póćíwa, potom měrna,
sprawna, da sebi prajić, je poľna smil-
nosće a dobrych plodow, tež njeje wótra
ani jebata.

18. Plód pak teje prawdosće budže
wusyty w měrje tym, kotřiž měr dđerža.

4. staw.

Wo ćělnych lóštach.

1, Hdže přińdže hew wójna a zwada bjez
wami? Njepřińdže hew z wašich lóštow,
kiž wojuja we wašich stawach? *Rom. 7,
23.*

2. Wy požadaće a nimaće ničo; wy
hidžiće a zawidžiće a njemóžeće ničo
dobyć; wy so wadžiće a wojujeće; a wšak
ničo nimaće, dokelž wy njeprośyće;

3. A hač runje prośyće, dha wšak
ničo njedostanjeće, teho dla, zo wy złe
prośyće, zo byšće to w svojich lóštach
přečinili.

4. Wy mandželstwo-lamarjo a
mandželstwo-lamarki, njewěsće wy,

zo teho swěta přećelstwo je Bože
njejpřećelstwo? Teho dla štóž zechce
teho swěta přećel być, tón budže Boži
njejpřećel. *Jan. 15, 19. Gal. 1, 10.*

5. Abo zda so wam, zo pismo po-
darmo praji: Temu duchu, kiž we was
bydli, chce so přećiwo zawisći? *Gal. 5,
17.*

6. Wjetšu hnadu pak wón dawa.
Teho dla praji pismo: Tón Knjez
napřećiwo steji hoffartnym (hordym),
ale ponižnym dawa wón hnadu. *Eph. 2,
4. 7. 1 Pětr. 5, 5.*

7. Teho dla budžće Bohu poddani;
stejće pak čertej napřećiwo, dha ćeknje
wón wot was. *Eph. 6, 12.*

8. Přibližujće so k Bohu, dha wón
so k wam přibližuje. Wućisće rucy, wy
hrěšnicy, a čínće wutroby pósćíwe, kiž
wy sće dwojeje mysle.

9. Žalosće a žarujće a plaće; waš
směch so přewobroć na plakanje a waša
wjeseľosć na zrudobu.

10. Ponižujće so před Bohom, dha
budže wón was powysić. *1 Pětr. 5, 6.*

11. Njeryće złě jedyn na druheho,
lubi bratra; štóž złě rěči na swojeho
bratra a sudži swojeho bratra, tón rěči
přećiwo zakonju a sudži zakón. Heli zo
pak zakón sudžiš, dha njejsy činjer teho
zakonja, ale mudračk.

12. Jedyn je, kiž zakón dawa, kiž
móže zbóžnych činić a zatamać. Ale štó
sy ty, kiž druheho sudžiš? *Rom. 14, 4.
Mat. 7, 1.*

13. Tuž teho dla, kiž wy nětk
rjeknjeće: Džens abo jutře póńdžemy do
teho abo do teho města, a tam chcemy
my přez jene lěto wostać a wikować a

dobywać;

14. Kiž wy však njewěšće, što jutře budže. Přetož što je vaše žiwjenje? Para však wone je, kotraž na mału chwilu so pokazuje a potom zańdže. *Luk. 12, 20.*

15. Za to wy prajić dyrbjeli: Jeli zo tón Knjez chce a my žiwi smy, dha chcemy to abo wono činić. *Jap. zk. 18, 21.*

16. Nětk pak chwaliće wy so w swojej pyše; ale wšitka tajka chwalba je zła.

17. Přetož štož wě dobre činić a nječini, tón ma hrěch.

5. staw.

Wo knižomnosći bohatstwa, sčerpliwym čerpjenju a mócnym modlenju.

1. Nětk teho dla, wy bohaći, plačće a skiwlće na wašej hubjenosći, kotraž na was přińdže.

2. Waše bohatstwo je zhnělo, waše drasty su mole zjědly. *Mat. 6, 19.*

3. Waše złoto a slěboro je zezawělo; a jich zezaw budže k swědčenju přeciwo wam a budže vaše mjaso zežrać, jako woheń. Wy sće sebi čazy nahromadźili w poslenich dnjach.

4. Hlaj, tych dželačerjow mzda, kotřiž vaše dla su sykli, a wot was je wotlamana, woła; a to wołanje tych žnjeńcow je přišlo do wušow teho Knjeza Zebaoth. *3 Mójz. 19, 13.*

5. Wy sće so pak derje pytali na zemi a swoje požadanje měli, sće swoju wutrobu nakormili jako na džen teho zarězanja.

6. Wy sće zatamali a morili teho praweho, a wón so wam njeje přeciwił.

Tekst na nježdělu Rogate. IV.

7. [Budže teho dla sčerpliwi, lubi bratra, hač do Knjezoweho přichoda. Hlaj, rólnik wočakuje krasneho ploda teje zemje a dočaka sčerpliwje, hač by wón dóstał rańši a wječorny dešć.

8. Budže wy tež sčerpliwi a posylće vaše wutroby; přetož Knjezowy přichod so přibliža.

9. Njezdychujće jedyn na druheho, lubi bratra, zo byšće njebyli zatamani; hlajće, sudnik hižom před durjemi steji. *Mat. 24, 33.*

10. Wzmiće, moji bratra, za znamjo teho čerpjenja a teje sčerpliwosće tych profetow, kiž su k wam rěčeli w Knjezowym mjenje.] *Mat. 5, 12.*

11. Hlajće, my tych mamy za zbóžnych, kiž su přečerpili. Tu Hiobowu sčerpliwosć sće wy slyšeli a teho Knjeza kónc sće wy widźili; přetož tón Knjez je jara miłosćiwy a smilny. *Hiob. 1, 21. 22. Mat. 5, 11. Ps. 108, 8.*

12. Přede wšitkimi wěcami pak, moji bratra, njeprisahajće so ani při njebjesach ani při zemi ani ze žanej drugej přísahu; ale njech je vaše słowo haj, štož haj je, a ně, štož ně je, zo byšće wy do zatamanstwa njepanyli. *Mat. 5, 34.*

13. Čerpi štó bjez wami, njech so modli. Je štó dobreje mysle njech spěwa kěrluš. *Ps. 50, 15. Eph. 5, 19. Kol. 3, 16.*

14. Je štó bjez wami chory, njech zawoła k sebi staršich teje wosady a njech so modla za njeho a jeho žalbuja z wolijom w tym mjenje teho Knjeza. *Mark. 6, 13.*

15. A ta modlitwa teje wěry budže teho choreho wustrowić, a tón Knjez budže jeho pozběhnuć; a hač wón je hrěchi činił, budža wone jemu wodate.

16. Póznajće sebi jedyn druhemu swoje hrěchi; a prošće jedyn za druhého, zo byšće wustrowjeni byli. Přetož próstwa teho praweho wjele zamóže, hdyž sprawná je. *Ps. 145, 18.*

17. Elias běše čłowjek runje jako my; a wón sčini modlitwu, zo by dešč nješoł; a dešč njeńdžeše na zemju za tři lěta a za šěsć měsacow. *1 Kral. 17, 1. Sir. 48, 3. Luk. 4, 25.*

18. A zaso wón so modleše; a te nje-bjesa dachu dešč, a zemja přinjese swój plód. *1 Kral. 18, 42.*

19. Lubi bratřa, jeli zo so štó by bjez wami zabludźił wot prawdy a něchtó by jeho wobroćil, *Mat. 18, 15.*

20. Tón ma wjedzić, zo, štóž hrěšnika je wobroćil wot jeho bludneho puca, tón je duši wot smjerće spomohł a budže přikryć wjele hrěchow.

List swjateho japoštoła Judaša.

***Napominanje k wobsta-
jnosći w čistej wučbje a
čistym žiwjenju přećiwo za-
wjednikam.***

1. Judaš, wotročk Jezom Chrysta, ale bratr Jakubowy, tym powołanym, kiž su woswjećeni w Bohu tym Wótcu a zachowani w Jezusu Chrystusu: *Mat. 13, 55.*

2. Bóh daj wam wjele smilnosće a měra a lubosće! *2 Pětr. 1, 2.*

3. Wy lubi, dokelž ja ze wšej swěrnosću so prócowach, zo bych wam pisał wot našeje wšitkich zbóžnosće, dźeržach ja to za nuzne, was z pismom napominać, zo byšće so wo tu wěru bédžili, kotraž junu tym swjatym je podata. *Phil. 1, 27. 1 Tim. 1, 18.*

4. Přetož někotři čłowjekojo su so pódlu nutř sunuli, kotřiž dawno prjedy zapisani su k temu sudženju, zo su bjezbóžni a přewobroća tu hnadu našeho Boha na samopašnosć a zapru teho, kiž sam Bóh a Knjez je, Jezom Chrysta.

5. Ja chcu wam pak spomnić, kiž wy hižom to derje wěsće, zo tón Knjez, jako wón temu ludu z Egyptowskeje zemje spomože, je potom tych, kiž njewěřjachu, skóncował; *4 Mójz. 14, 35.*

6. Tež tych jandželow, kotřiž swoje fěrsćinstwo njezchowachu, ale wopuščichu swoje wobydlenje, je wón hač k sudu teho wulkeho dnja z wěčnymi zwjazkami w čmje schował; *2 Pětr. 2, 4.*

7. Jako tež Sodom a Gomorra a jeju wokolne města, kotrež z runym wašnjom, jako wonej, so su wukurwile a su za cuzym čělom šle, su k znamjenju postajene a čerpja teho wěčneho wohenja čwilu. *1 Mójz. 19, 24. 25.*

8. Teje runosće su tež či sonarjo, kotřiž čělo womazaju, wyšnosće pak zaspa a krasnosće hanja.

9. Ale Michał, tón wyši jandžel, jako wón z čertom prawowaše a so wuryčowaše wo Mójzasowe čělo, njezwaži so sud hanjenja na njeho njesć, ale džeše: Njeh će tón Knjez wuswari. *Dan. 12, 1. Zach. 3, 2.*

10. Či pak hanja, štož njerozumja; štož pak z přirodženja póznaju, w tym

so zkaža, runje jako njerozomne skoćata.

2 *Pětr.* 2, 12.

11. Běda jim! přetož woni na Kainowy puć wustupja a pušća so za Baamowym błudom, myta dla, a wozmu kónc w Korahskej přećiwnosći. 1 *Móž.* 4, 8. *Zjew.* 2, 14. 4 *Móž.* 25, 1 x. *St.* 22, 5. *St.* 16, 1—35.

12. Tajcy škerjednicy ćěrja žrastwo bjez bojosće wot wašich dobrych darow a pasu so samych; woni su mróče bjez wody, wot wětra wokoło honjene; zwjadne njeplódné drjewo, dwójcy zemrjete a wukorjenjene; 2 *Pětr.* 2, 17.

13. Dźiwje mórske žolmy, kiž samu swoju hanibu wumjetaju; błudne hwězdy, kotrymž čěmna čma je zachowana do wěčnosće. *Jez.* 57, 20.

14. Wot nich pak je tež wěšćił sedmy wot Hadama, Enoch, a rjeknył: Hlaj, tón Knjez dže ze swojimi wjele tawzynt swjatymi, 1 *Móž.* 5, 21.

15. Zo by sud dźeržał na wšitkich a zo by štrafował bjez nimi wšitkich bjezbóžnych, wšitkich jich bjezbóžnych skutkow dla, kotrež woni bjezbóžne su činili, a wšitkeho twjerdeho dla, štož ći bjezbóžni hrěšnicy přećiwo njemu su rěčeli. *Mat.* 25, 31. *Mat.* 12, 36.

16. Ći mórča a skorža přeco, chodža po svojich lóstach; a jich huba rěči nadute słowa, a dźiwaju so paršonom wužitka dla.

17. Wy pak, moji najlubši, dopomńće so tych slowow, kotrež su prjedy prajene wot tych japoštołow našeho Knjeza Jezom Chrysta;

18. Jako wam prajachu, zo w poslenim času budža wusměwcy, kotřiž po svojich bjezbóžnych žadosćach chodźić budža. 1 *Tim.* 4, 1. 2 *Tim.* 3, 1. 2 *Pětr.* 3, 3. *Mat.* 24, 5.

19. Woni su ći, kiž sami so wotdźěla, su ćelni a žaneho ducha nimaju.

20. Wy pak, moji najlubši, natwarće so na wašu najswjěćišu wěru přez teho swjateho Ducha a modlće so k Bohu,

21. A zachowajće so samych w Božej lubosći, čakawši na tu smilnosć našeho Knjeza Jezom Chrysta, k wěčnemu žiwjenju!

22. A rossudźće ludži tak, zo byšće so na někotrych smilili,

23. Někotrych pak z bojosću zbóžnych sćinili, a wutorhńće jich z wohenja; a hidźće tu womazanu ćelnu suknu. *Amos* 4, 11. *Zach.* 3, 2. *Rom.* 11, 14. *Jez.* 64, 6.

24. Temu pak, kiž was móže zachować před padom a čistych stajić před to wobličo swojeje krasnosće z wjesołosću,

25. Temu samemu mudremu Bohu, našemu Zbóžnikej, budž česć a krasnosć, móc a knjejstwo nětka a do wšeje wěčnosće. Hamjeń. *Rom.* 16, 27. 1 *Tim.* 1, 17.

Zjewjenje swjateho Jana, wučerja Božeho.

Prěni staw.

*Potajnstwo sydom
swěčnikow a hwězdow.*

1. To je to zjewjenje Jezom Chrysta, kotrež jemu Bóh dał je, zo by pokazał svojim wotročkam, što so w krótkim času stać budže; a je to přez znamjenja zjewił a posłał přez swjeho jandžela k swojemu wotročkej Janej, *Jan. 3, 32. Zjew. 1, 19. St. 22, 6. 7.*

2. Kotryž je wobswědčil to slovo Bože a to swědčenje Jezom Chrysta, štož wón widźil je (a štož je a štož so po tym stać dyrbi). *St. 6, 9.*

3. Zbóžny je tón, kiž lazuje a kotřiž słyša te profetiske słowa a zachowaju, štož w nich napisane je. Přetož tón čas je blisko. *St. 22, 7. 10.*

4. Jan tym sydom wosadam, kiž su we Aziskej: Hnada budž z wami a měř wot teho, kiž je a kiž běše a kiž přińć budže, a wot tych sydom duchow, kotřiž su před jeho stołom, *2 Mójz. 3, 14.*

5. A wot Jezom Chrysta, kiž je tón swěrný swědk a tón přinarodženy z mor-

wych a tón fěršta tych kralow na zemi; kiž nas lubował a nas wumóhl je wot našich hrěchow přez swoju krej, *St. 3, 14. Jap. zk. 26, 23. 1 Kor. 15, 20. Kol. 1, 18. Gal. 2, 20. Hebr. 9, 14. 1 Jan. 1, 7.*

6. A je nas kralow a měšnikow sčinił před Bohom a před svojim Wótcom; temu samemu budž česć a móc wot wěčnosće hač do wěčnosće. Hamjeń. *2 Mójz. 19, 6. 1 Pětr. 2, 5. 9.*

7. Hlaj, wón dže z tymi mróčelemi, a budža jeho widžeć wšitke woči, tež ći, kiž jeho kałali su; a budža skiwlic wšitke narody teje zemje. Haj, hamjeń.

8. Ja sym to A a to O, tón započatk a kónc, praji tón Knjez, kiž je a kiž běše a kiž přińć budže, tón wšehomócný. *Jez. 41, 4. St. 44, 6. Zjew. 21, 6. St. 22, 13.*

9. Ja, Jan, kiž tež waš bratr a waš towarš sym teje tyšnosće a kralestwa a sčerpliwosće we Jezusu Chrystusu, běch na tej inzuli (kupje), kotrež Patmos rěkaju, teho słowa Božeho dla a teho swědčenja Jezom Chrysta dla. *Rom. 8, 17.*

10. Ja běch w duchu na Knjezowym dnju a słyšach zady mje wulki hlós, jako

jedneje truby,

11. Tón džeše: Ja sym alpha a omega, tón přeni a tón posleni; a štož widžiš, to zapiš do knihow a pósćel to same tym sydom wasadam, kiž su we Aziskej, do Epheza a do Smyrny a do Pergama a do Thyatiry a do Sardesa a do Philadelphije a do Laodizeje.

12. A ja so wobročich, zo bych so po tym hłosu wohladał, kiž zo mnu rěčeše; a wobroćiwši so widžich sydom złotych swěčnikow; *2 Mójz. 25, 37.*

13. A srjedža tych sydom swěčnikow jeneho, podobneho na čłowskeho Syna, kiž běše dolhu drastu wodžety a wopasany wokoło nadrow ze złotym pasom; *St 3, 1. Ez 1, 36.*

14. Jeho hlowa pak a włosy běchu běle, jako běla wołna, jako tón sněh, a jeho woči jako wohenjowe płomjo;

15. A jeho nocy běštej podobnej mosazej, jako w pjecy horjacej, a jeho hlós jako hlós wjele wodow; *St. 14, 2.*

16. A měješe sydom hwězdow w swojej prawej ruce, a z jeho erta džěše z wobeju stronow wótry mječ, a jeho wobličo swěćeše jako jasne slónco.

17. A jako jeho widžich, padžech ja k jeho nohomaj jako morwy; a wón položi swoju prawu ruku na mnje a džeše ke mni: Njebój so, ja sym tón přeni a posleni, *Dan. 8, 18.*

18. A tón žiwy. Ja běch morwy, a hlaj, ja sym žiwy wot wěčnosće hač do wěčnosće (hamjeń), a mam kluče teje hele a teje smjerće. *Rom. 6, 9.*

19. Napiš, štož sy widžіл a štož to je a štož so potom stać budže;

20. To potajnstwo tych sydom hwězdow, kotrež sy widžіл w mojej prawej ruce, a tych sydom złotych swěčnikow. Te sydom hwězdy su jandželjo tych sydom cyrkwjow, a te sydom swěčniki, kotrež sy widžіл, su sydom wasady.

2. staw.

Štyri listy, kiž napominaju, so falšneje wučby hladać a wobstajny wostać.

1. A jandželej Epheziskeje wasady piš: To praji, kiž dźerži te sydom hwězdy w swojej prawicy, kiž chodži srjedža tych sydom złotych swěčnikow:

2. Ja wěm twoje skutki a twoju prócu a twoju sćerpliwość a zo njemóžeš złych znjesć; a sy spytał tych, kiž praja, zo su japoštoli, a njesu, a sy jich namakał, zo su lharjo;

3. A znjesěš a maš sćerpliwość a prócuješ so mojeho mjena dla a njesy wustał.

4. Ale ja mam něšto napřećiwo tebi, zo swoju přěńšu lubość sy wopuścił. *Št. 14, 20.*

5. Spomń teho dla, z čoho ty sy wupanuł, a čin pokutu a čin te přěńše skutki. Jeli zo pak nochceš, budu ja čin přinć bórzy a twój swěčnik hnuć wot swojeho města, jeli zo pokutu nječiniš. *Mat. 3, 2.*

6. Ale to ty maš, zo te skutki tych Mikławšskich hidžiš, kotrež ja tež hidžu. *Št. 15. Ps. 130, 21. 22.*

7. Štóz wuši ma, tón njech posłucha, što Duch tym wosadam praji: Temu, kiž přewinje, budu ja jěsć dać wot drjewa teho žiwjenja, kotrež je srjedža w Božim raju.

Mat. 11, 15.

8. A temu jandželej teje Smyrnjanskeje wosady piš: To praji tón přeni a tón posleni, kiž morwy běše a je wožiwił:

St. 22, 13.

9. Ja wěm twoje skutki a twoju tyšnosć a twoju chudobu (ty sy pak bohaty) a to hanjenje tych, kotřiž rjeknu, zo sami židźi su, a njejsu, ale su zatanska šula.

St. 3,

9.

10. Ničo so njebój teho, štož ćerpić maš. Hlaj, djaboł budže někotrych wot was do jastwa ćisnyć, zo byšće spytowani byli, a budžeće tyšnosć měć přez džesać dnjow. Budž swěrný hać do smjerće, dha chcu tebi krónu teho žiwjenja dać.

Mat. 10, 28. Zjew. 3, 11.

11. Štóz ma wuši, njech posłucha, što Duch tym wosadam praji: Štóz přewinje, temu so žana škoda stać njebudže wot druheje smjerće.

Št.

7.

12. A temu jandželej Pergamenskeje wosady piš: To praji, kiž ma tón z wobeju stronow wótry mječ:

St. 1, 16.

Eph. 6, 17. Hebr. 4, 12.

13. Ja wěm, što ty činiš a hdže bydliš, hdžež zatanski stoł je; a dzeržiš so mojeho mjena, a njejsy moju wěru zaprěł, tež w tych dnjach (nic), jako Antipas, mój swěrný swědk, pola was bu morjeny, hdžež zatan přebywa.

14. Ale ja mam něšto małe napřećiwo tebi, zo tam maš tych, kotřiž při Bal-

aamowej wučbje dzerža, kiž Balaka wučese pohóršenje klasć před Jsraelskimi džěćimi, jěsć přibójske wopory a kurwarstwo hnać.

4 Mójz. 25, 2. 2 Pětr. 2, 15. 16. Jud. št. 11.

15. Tak maš tež ty tych, kiž so teje wučby tych Mikławšskich dzerža; to ja hidžu.

Št. 6.

16. Čiń pokutu; a jeli zo nječiniš, budu ja či bórzy přińć a z nimi wojować z mječom mojeho erta.

St. 19, 15. 21.

17. Štóz ma wuši, njech posłucha, što Duch tym wosadam praji: Štóz přewinje, temu budu ja jěsć dać wot potajneho mana; a budu jemu dać běly kamješć a z tym kamješćom nowe mjeno napisane, kotrež nchtó njeznaje, chiba tón, kiž to same dóstanje.

18. A temu jandželej Thyatirskeje wosady piš: To praji tón Syn Boži, kiž ma swojej woći jako wohenjowe płomjo a jeho nocy stej podobnej na mosas:

19. Ja wěm twoje skutki a twoju lubosć a twoju wěru a twoju službu a twoju sćerpliwosć a zo ty dale wjacj činiš.

Št. 2. 9. 13.

20. Ale ja mam něšto małe napřećiwo tebi, zo twojej žonje Jezabeli, kiž praji, zo je profecína, wotpušćiš wučić a zawjesć mojich wotročkow, zo kurwja a jědža přibójske wopory.

Št. 4. 1 Kral. 16, 31.

21. A ja sym jej čas dał, zo by so nakazała; ale wona nochce so nakazać svojeho kurwarstwa dla.

Kn. mudr. 12, 10.

22. Hlaj, ja ćisnu ju do loža, a tych, kotřiž z njej su mandželstwo łamali, do wulkeje žalósće, jeli zo woni so wobroćić

njebudža wot swojich skutkow;

23. A jeje džěci budu ja pobić do smjerće; a budža póznać wšitke wosady, zo ja sym, kiž jěrchenje a wutroby wobhonju; a budu kóždemu bjez wami dać po wašich skutkach. *Ps. 7, 10. Jer. 11, 20.*

24. Wam pak ja praju a tym druhim, kotřiž w Thyatirje su, kiž nimaju tajkeje wučby a kiž njejsu póznali tu zatansku hłubokosć, jako woni praja: Ja nechcu na was druhu wobćežnosć pósłać.

25. Wšak pak, štož wy maće, to džeržće, hać přińdu.

26. A štóž přewinje a džerži moje skutki hać do kónca, temu budu ja móc dać na tych pohanow, *Ps. 2, 8*

27. A wón budže jich pasć ze železnym prutom, a jako hornčerske sudobje budže wón jich rozbić, *St. 12, 5.*

28. Runje jako ja tež wot mojeho Wótca sym dóstał; a budu jemu dać tu rańšu hwězdu. *Luk. 22, 29.*

29. Štóž ma wuši, njech posłucha, što Duch tym wosadam praji. *Št. 7. 11.*

3. staw.

Tři listy, kiž napominaju, so falšneje wučby, ludanja a njerodnosće hladać a wobstajny wostać.

Tekst na 25. njedźelu po swj. Trojicy. III.

1. [A temu jandželej Sardiskeje wosady piš: To praji tón, kiž tych sydom duchow Božich ma a te sydom hwězdy: Ja wěm twoje skutki; přetož ty maš to mjeno, zo sy žiwy, ale sy morwy. *St. 1, 16.*

2. Budź zbudliwy a posylń to zbytně, kotrež chce wumrjeć; přetož ja njejsym twoje skutki poľne namakał před Bohom.

3. Wopomń pak, kak sy dóstał a słyšał, a džerž to same a čin pokutu. Jeli zo teho dla wachować njebudžeš, budu ja na tebe přińć jako paduch, a njebudžeš wjedzić, kotru štundu ja na tebe přińć budu. *Luk. 12, 39. 1 Thes. 5, 2. 2 Pětr. 3, 10. Zjew. 16, 15.*

4. Ty maš tež maľo mjenow w Sardesu, kiž njejsu womazali swoje drasty; a woni budža zo mnu chodzić w běľych drastach, dokelž dostojni su.

5. Štóž přewinje, tón budže woblečeny běľu drastu, a ja njebudu jeho mjeno wumazać z tych knihow teho žiwjenja, ale chcu jeho mjeno póznać před mojim Wótcom a před jeho jandželemy. *Mat. 10, 32. Phil. 4, 3.*

6. Štóž ma wuši, njech posłucha, što Duch tym wosadam praji.]

7. A temu jandželej Philadelphiskeje wosady piš: To praji tón swjaty, tón wěrný, kiž ma tón kluč Dawidowy, kotryž tak wotanka, zo nchtó zamknýc njemóže, a tak zanka, zo nchtó wotanknuć njemóže: *Hiob. 12, 14. Jez. 22, 22.*

8. Ja wěm twoje skutki. Hlaj, ja sym před tobu dał wotewrjene durje, a žadyn njemóže je zamknýc; přetož ty maš snadnu móc a sy moje słowo zachował a njejsy moje mjeno zaprěł.

9. Hlaj, ja budu ći někotrych dać ze zatanskeje šule, kotřiž praja, zo su židzi, a njesu, ale lžu. Hlaj, ja chcu činić, zo woni přińc dyrbja a so modlić k twojimaj nohomaj a póznac, zo ja će lubował sym. *St. 2, 9.*

10. Dokelž ty sy zachował to słowo mojeje sčerpliwosće, chcu ja tež tebje zachować před tej štundu teho spytowanja, kotraž přińc budže na tón cyły šěroki swět, zo bychy spytowani byli ći, kiž bydla na zemi.

11. Hlaj, ja přińdu bórzy; dđerž, štož ty maš, zo by nchtó njewzał twoju krónu.

12. Štóz přewinje, teho budu ja sčinić za stolp w tej cyrkwi mojeho Boha, a wjacý z njeje wuńc njedyrbi; a chcu na njeho napisać to mjeno mojeho Boha a to mjeno teho noweho Jerusalema, teho města mojeho Boha, kotrež z njebjes dele přińdže wot mojeho Boha, a moje mjeno, to nowe. *St. 2, 7. 11. 17:*

13. Štóz ma wuši, njech posłucha, što Duch tym wosadam praji.

14. A temu jandželej Laodizejskeje wosady piš: To praji tón hamjeń, tón

swěrný a wěrný swědk, tón započatk Božeho stworjenja: *St. 1, 5. St. 3, 7.*

15. Ja wěm twoje skutki, zo ani zymny ani ćopły njejsy; o! hdy by zymny abo ćopły był! *St. 2, 2. 9. 18. 19.*

16. Dokelž pak liwki sy a ani zymny ani ćopły, budu ja će wuplunýc z mojeho erta.

17. Ty prajiš: Ja sym bohaty a mam do wole dosć a njepotrjebam ničeho; a njewěš, zo ty sy hubjeny a žalosny a chudy a slepy a nahi. *1 Kor. 4, 8.*

18. Ja ći radžu, zo by sebi zloto wote mnje kupił, kotrež přez woheń je wučisćene, zo by bohaty był, a běle drasty, zo by wobleženy był, a zo by so njezjewila ta haniba twojeje nahoty; a namaž swojej woći z wočasej žalbu, zo by widžil. *1 Pětr. 1, 7. Zjew. 16, 15.*

Epistola na 27. njedželu po swj. Trojicy.

19. [Kotrychž ja lubo mam, tych ja wuču a pošwikam jako džěci. Budž teho dla swěrný a čin pokutu. *Přist. 3, 12. Hebr. 12, 6. Hiob. 5, 17.*

20. Hlaj, ja steju před durjemi a klapam; jeli zo štó mój hlós budže slyšeć a te durje wotewrić, k temu budu zańc a z nim wječerjeć a wón zo mnu. *Wys. kěrl. 5, 2.*

21. Štóz přewinje, temu budu ja dać, zo by zo mnu na mojím stole sedzał; runje jako ja tež přewinuł sym a sym so sydneył z mojím Wótcom na jeho stol. *Mat. 19, 28.*

22. Štóz ma wuši, njech posłucha, što Duch tym wosadam praji.]

4. staw.

Druhe widženje wo trónje majestety a krasnosće Wótca.

1. Potom widžich, a hlaj, durje běchu wotewrjene w njebiesach; a tón přeni hlós, kotryž ja běch slyšal, zo zo mnu reči jako truba, džeše: Stup sem, ja chcu ci pokazać, što so potom stać dyrbi. *St. 1, 10.*

2. A hnydom běch ja w duchu, a hlaj, stoł běše stajeny w njebiesach, a na tym stole jedyn sedžeše.

3. A tón, kiž sedžeše, běše z wobličom podobny na kamjeń jaspis a zardis; a tučel běše wokoło teho stoła, na wohladanje podobna smaragdej. *Ez. 1, 26.*

4. A wokoło teho stoła běše štyri a dwacyći stołow; a na tych stołach widžich ja sedžacych štyri a dwacyći staršich, w bělych drastach woblečených, a mějachu na svojich hlówach złote króny. *St. 11, 16.*

5. A z teho stoła wuńdžechu błysk, hlós a hrímanje; a sydom lampy z wohenjom so horjachu před tym stołom, kotrež su te sydom duchi Bože.

6. A před tym stołom běše škleńčane morjo, podobne na krystala, a srjedža w stole a wokoło stoła štyri zwěrajata, kiž běchu poľne wočow na přědku a zady. *St. 15, 2.*

7. A to přěšnje zwěrho běše podobne na lawa, a to druhe zwěrho běše podobne na celo, a to třeće zwěrho měješe wobličo jako čłowjek, a to štwórtje zwěrho běše

rune lećacemu hodlerjej. *Ez. 1, 10.*

8. A kóždy tych štyrjoch zwěratow měješe wosebje šěsć křídłow wokoło so a běchu znutřkach poľne wočow a njemějachu žaneho wotpočinka ani wodnjo ani w nocy a džachu: Swjaty, swjaty, swjaty je Bóh, tón Knjez, tón wšehomócný, kiž běše a kiž je a kiž přińdže. *Jez. 6, 3.*

9. A hdyž te zwěrajata dawachu chwalbu a česć a džak temu, kiž na tym stole sedžeše, kiž je žiwy wot wěčnosće hač do wěčnosće;

10. Padžechu dele ci štyrjo a dwacećo starši před tym, kiž na stole sedžeše, a modlachu so před tym, kiž je žiwy wot wěčnosće hač do wěčnosće, a čisnychu swoje króny před tón stoł a džachu: *St. 5, 14.*

11. Knježe, ty sy dostojny, wzać chwalbu a česć a móc; přetož ty sy wšitke wěcy stworił a přez twoju wolu su wone a su stworjene. *St. 5, 12. St. 10, 6.*

5. staw.

Chrystus, law a jehnjo, kiž zazygłowane knihi ma, z nowym kěrlušom chwaleny.

1. A ja widžich w prawicy teho, kiž na tym stole sedžeše, knihi napisane znutřkach a zwonkach, a běchu zazygłowane ze sydom zyglemi.

2. A widžich mócného jandžela woľaceho z wulkim hlósom: Štó je dostojny, te knihi wotewrić a jich zygle

rozłamać?

St. 10, 1.

3. A niktó ani na njebjesach ani na zemi ani pod zemju njemóžeše te knihi wotewrić ani do nich pohladać.

4. A ja płakach jara, zo niktó dostojny njebě namakany, kiž by te knihi wotewrił a lazował abo do nich pohladał.

5. A jedyn wot tych staršich džeše ke mni: Njeplač. Hlaj, přewinuł je tón law, kiž je z teho roda Judowego, tón korjeń Dawidowy, zo by wotewrił te knihi a zlemił jich sydom zygle. *1 Móž. 49, 9. 10. Jez. 11, 1. 10.*

6. A ja widžich, a hlaj, srjedža stola a tych štyrjoch zwěrjatow a srjedža tych staršich steješe jehnjo, jako by zabite było, kotrež měješe sydom rohow a sydom wočow, kiž su či sydom duchojo Boži posłani na wšě zemje.

7. A wone přińdže a wza te knihi z praweje ruki teho, kiž na stole sedžeše.

8. A hdyž te knihi wza, padžechu te štyri zwěrjata a či štyrjo a dwacečo starši před to jehnjo; a měješe kóždy harfy a złote mjedžeńcy, polne wonjacych wěcow, kotrež su te modlitwy tych swjatyč; *Jez. 24, 23. Zjew. 14, 2. St. 8, 3.*

9. A spěwachu nowy kěrluš a džachu: Ty sy dostojne wzać te knihi a wotewrić jich zygle, zo sy było zabite a sy nas Bohu wukupiło přez swoju krej ze wšelkeho naroda a ryče a luda a po-
hanow; *St. 14, 3.*

10. A sy nas našemu Bohu za kralow a za měšnikow sčiniło, a my budžemy kralojo na zemi. *St. 1,6:*

11. A ja widžich a słyšach hlós wjele jandželow wokoło teho stola a tych

zwěrjatow a wokoło tych staršich; a jich běše wjele tawzynt króc tawzynt; *Dan. 7, 10.*

12. A džachu z wulkim hłosom: To jehnjo, kiž je zabite, je dostojne wzać móc a bohatstwo a mudrość a sylnosć a česć a krasnosć a chwalbu.

13. A tež wšitko stworjenje, kotrež je na njeju a na zemi a pod zemju a w morju, a wšitko, štož w nich je, słyšach ja, zo džachu k temu, kiž na tym stole sedžeše, a k temu jehnjeću: Chwalba a česć a krasnosć a móc wot wěčnosće hač do wěčnosće! *Ps. 148, 1 x. Phil. 2, 10.*

14. A te štyri zwěrjata džachu: Hamjeń. A či štyrjo a dwacečo starši padžechu dele a modlachu so k temu, kiž je žiwy wot wěčnosće hač do wěčnosće. *St. 19, 4.*

6. staw.

Wo wotewrjenju šěsć wšelakich zyglow, wo byću cyrkwyje, kiž tudy wojuje.

1. A ja widžich, zo to jehnjo wot tych zyglow jedyn wotewri, a słyšach, zo jene wot tych štyrjoch zwěrjatow džeše, jako by zahrimało: Pój a pohladaj!

2. A ja hladach, a hlaj, běly kón; a kiž na nim sedžeše, měješe třělbu, a jemu bě data króna; a wón wuńdže jako kiž dobywa a zo by dobył.

3. A jako wón tón druhi zygl wotewri, słyšach ja, zo to druhe zwěrjo džeše: Pój a pohladaj! *St. 4, 7.*

4. A druhi kón wuńdže, kiž ryzy běše;

a temu, kiž na nim sedžeše, bě date, zo by měř přeč wzał wot zemje a zo bychu so bjez sobu kóncowali; a jemu bě wulki mječ daty.

Sach. 1, 8.

5. A hdyž tón třeći zygl wotewri, slyšach ja, zo to třeće zwěrjo džeše: Pój a pohladaj! A ja hladach, a hlaj, bruny kón; a tón, kiž na nim sedžeše, měješe wahu w swojej rucy.

St. 4, 7.

6. A ja slyšach hlós srjedza tych štyrjoch zwěrjatow, kiž džeše: Měrza přenýcy za slěborny kroš, a tři měrzy ječmjena za slěborny kroš; ale woliju a winu nječin žaneje škody.

7. A hdyž tón štwórty zygl wotewri, slyšach ja hlós teho štwórteho zwěrjeća, zo džeše: Pój a wohladaj!

St. 4, 7.

8. A ja pohladach, a hlaj, pławy kón; a kiž na nim sedžeše, teho mjeno běše smjerć, a ta hela čehnješe za nim. A jimaž bě móc data, zo byštej morilej na zemi tón štwórty džěl z mječom a z hlodom a z morom a přez te zwěrjata na zemi.

St. 20, 14.

9. A hdyž tón pjaty zygl wotewri, widžich ja pod wołtarjom te duše tych ludźi, kiž běchu zabići Božeho słowa dla a teho swědčenja dla, kotrež dawachu.

10. A wone wołachu z wulkim hłosom a džachu: Knježe, ty swjaty a wěrný, kak dołho njesudžiš ty a njewječiš našu krej nad tymi, kiž na zemi bydla?

11. A jenemu kóždemu bjez nimi bě data běla drasta; a bu k nim prajene, zo bychu wotpočowali hišće mału chwilu, hač bychu tež k nim přišli jich sobu-wotročcy a jich bratřa, kiž tež hišće dyr-bja skóncowani być, runje jako woni. *St. 3, 5. St. 7, 9.*

12. A ja widžich, zo wone tón šesty zygl wotewri; a hlaj, sta so wulke zem-jerženje, a slónco sčini so čorne jako włosowy měch, a měsac bu jako krej.

13. A te njebieske hwězdy padachu na zemju, runje jako figowc swoje figi wotćisnje, hdyž wón wot sylneho wětra budže trāseny.

14. A njebiesa wotstupichu, jako zwinjene knihi; a wšitke hory a inzule (kupy) buchu ze swojich městow přeč hnute.

15. A či kralojo na zemi a wyši a bohaći a hejtmanojo a mócni a wšitcy wotročcy a wšitcy swobodni schowachu so we jamach a skałach tych horow;

16. A džachu k horam a skałam: Padajće na nas a přikryjće nas před wobličom teho, kiž na tym stole sedži, a před hněwom teho jehnjeća; *Jez. 2, 19. Hoz. 10, 8. Luk. 23, 30.*

17. Přetož přišoł je tón wulki džen teho hněwa, a štó budže móc wobstać?

7. staw.

Trošt cyrkwy we jejnym zrudnym štanće.

1. A potom widžich ja štyrjoch jandželow stejacych na tych štyrjoch kóncach teje zemje; či dđeržachu te štyri wětry teje zemje, zo by žadyn wětr njeduł na zemi ani na morju ani na žane drjewo.

2. A ja widžich drugeho jandžela, kiž horje džeše wot schadženja slónca; tón měješe zygl teho žiweho Boha a

wolaše z wulkim hłosom k tym štyrjom jandželam, kotrymž date běše, zemi a morju škodu činić,

3. A džeše: Nječiníce žaneje škody zemi ani morju ani štomam, hač my zazyglujemy tych wotročkow našeho Boha na jich čolach. *Ezech. 9, 4.*

4. A ja slyšach tu syłu tych zazyglowanych, sto a štyri a štyrcyći tawzynt, kiž běchu zazyglowani wot wšitkich narodow Israelskich džěći.

5. Z roda Judoweho běše dwanaće tawzynt zazyglowanych; z roda Rubenoweho dwanaće tawzynt zazyglowanych; z roda Gadoweho dwanaće tawzynt zazyglowanych;

6. Z roda Azeroweho dwanaće tawzynt zazyglowanych; z roda Naphthalimoweho dwanaće tawzynt zazyglowanych; z roda Manasesoweho dwanaće tawzynt zazyglowanych;

7. Z roda Simeonoweho dwanaće tawzynt zazyglowanych; z roda Levioweho dwanaće tawzynt zazyglowanych; z roda Jzašaroweho dwanaće tawzynt zazyglowanych;

8. Z roda Zabulonoweho dwanaće tawzynt zazyglowanych; z roda Jozefoweho dwanaće tawzynt zazyglowanych; z roda Benjaminoweho dwanaće tawzynt zazyglowanych.

Tekst na 26. njedźelu po swj. Trojicy. III.

9. [Potom widźich ja, a hlaj, wulki lud, kotrehož nihtó njemóžeše přerachnować, ze wšitkich pohanow a rodow a ludźi a ryčow, kiž stejachu před

tym stołom a před tym jehnjećom a běchu wobleceni do bělych drastow a mějachu palmy w swojimaj rukomaj,

10. A wołachu z wulkim hłosom a džachu: Zbožo budź našemu Bohu, kiž na tym stole sedži, a temu jehnjeću!

11. A wšitcy jandželjo stejachu wokoło stoła a wokoło tych staršich a wokoło tych štyrjoch zwěrjatow; a padžechu před tym stołom na swoje wobliča a modlachu so před Bohom, *St. 5, 11.*

12. A džachu: Hamjeń, chwalba a česć a mudrosć a džak a krasnosć a móc a sylnosć budź našemu Bohu wot wěčnosće hač do wěčnosće! Hamjeń. *St. 5, 12.*

13. A jedyn tych staršich wotmolwi a džeše ke mni: Štó su ći z bělymi drastami wobleceni? A z wotkal su woni přišli?

14. A ja džach k njemu: Knježe, ty to same wěš. A wón džeše ke mni: To su ći, kotřiž su přišli z wulkeje tyšnosće a su swoje drasty wumyli a je wubělili w tej jehnjećowej krej;

15. Teho dla su woni před tym stołom Božim a słuža jemu wodnjo a w nocy we jeho cyrkwi; a tón, kiž sedži na stole, budže wyše nich bydlić.

16. Jim so wjacy njezechce jěsć ani pić; tež njebudže na nich padnyć slóncó ani žana hěca. *Jez. 49, 10.*

17. Přetož to jehnjo, kiž je srjedža stoła, budže jich pasć a přewodźeć k žiwym žórłam wody; a Bóh budže wottrěć wšitke sylzy z jich wočow.] *St. 5, 6. Ps. 23, 2. Jez. 25, 8. Zjew. 21, 4.*

8. staw.

Třeće widženje a wotewrjenje sedmeho zygl; wo kecarjach.

1. A hdyž wone tón sedmy zygl wotewri, sta so mjelčenje na njeby, jako na pol štundy. *Jez. 32, 17.*

2. A ja widžich sydom jandželow, kotřiž před Božim wobličom stejachu; a jim buchu sydom truby date. *1 Kor. 15, 52.*

3. A druhi jandžel přińdže a stupi před wołtar a měješe zlotu kadženicu; a jemu bu wjele kadženja date, zo by je dał k modlitwam wšitkich swjatych na tón zloty wołtar, kiž běše před stołom. *St. 5, 8.*

4. A dym z teho kadženja wot modlitwow tych swjatych stupi horje z ruki teho jandžela před Boha. *Ps. 141, 2.*

5. A tón jandžel wza tu kadženicu a napjelni ju z wohenjom z wołtarja a wusypny jón na zemju; tuž sta so hlós a hrímanje a blyskanje a zemjerženje. *Jap. sk. 2, 1 x. Zjew. 4, 5.*

6. A či sydom jandželjo z tymi sydom trubami běchu so přihtowali, zo bychu trubili.

7. A tón přeni jandžel zatrubí; a přińdžechu krupy a woheń, z krwju naměšane, a padžechu na zemju; a třecina wot drjewa bu spalena, a wšitka zelena trawa bu spalena.

8. Potom zatrubí tón druhi jandžel; a jako wulka hora, z wohenjom horjaca, čisnu so do morja; a třecina teho morja bu krej,

9. A třecina žiwych stworjenjow w morju wumře a třecina lódžow bu skažena.

10. A třeci jandžel zatrubí; a wulka hwězda z njebyes padže, kotraž so horješe jako swěca a padže na třecinu tych rěkow a na tych wodow źórła. *St. 9, 1.*

11. A temu mjenu teje hwězdy rěka polon, a ta třecina tych wodow bu polon; a wjele ludži wumře wot tych wodow, zo běchu so hórke sčiniłe.

12. Potom štwórty jandžel zatrubí; a třecina teho slónca bu dyrjena a třecina teho měsaca a ta třecina tych hwězdow, tak zo so jich třecina začmi a třecina teho dnja njeswěčeše, tež ta nóc teje runosće.

13. A ja widžich a slyšach jeneho jandžela, lětaceho srjedza přez te njebyesa, kiž džeše z wulkim hłosom: Běda, běda, běda tym, kiž na zemi bydla, dla zbytknych trubinych hłosow tych třech jandželow, kotřiž hišće trubić maju. *St. 9, 12. St. 11, 14.*

9. staw.

Wo antichrystu we wječornym a rańšim kraju.

1. A pjaty jandžel zatrubí; a ja widžich, zo hwězda běše spanuła z njebyes na zemju; a jej bu kluč k studni teje hłubiny daty. *St. 8, 10. St. 17, 8.*

2. A wotewri tu studnju teje hłubiny; a pozběže so dym teje studnje, jako kad wulkeje pjecy; a začmi so slónco a lóft

wot teho dyma teje studnje. *St. 8, 12.*

3. A z teho dyma wuńdžechu skóčki na zemju, a jim bu móc data, runje jako móc maju zerkze skorpiony. *2 Móž. 10, 14.*

4. A prajene bu jim, zo bychu nješkodźile tej trawje na zemi ani žadnemu zelenemu ani žadnemu drjewu, ale jeno samym čłowjekam, kotřiž nimaju Boží zygl na svojich čolach. *St. 7, 3.*

5. A jim bu date, nic, zo bychu jich morile, ale zo bychu jich čwilowale přez pjeć měsacow; a jich čwěla běše jako čwěla wot skorpiona, hdyž čłowjeka rubnje.

6. A w tych samych dnjach budža ludžo tu smjerc pytać, ale njebudža ju namakać; a budža požadać wumrjeć, ale smjerc budže wot nich čekać. *St. 6, 16. Luk. 23, 30.*

7. A te skóčki běchu podobne na konje, kiž su k wójnje přihotowane; a na jich hłowach běchu jako złote króny, a jich wobliča běchu jako čłowječne wobliča; *Joel. 2, 4.*

8. A mějachu włosy jako žónske włosy, a jich zuby běchu jako tych lawow;

9. A mějachu kabaty jako železne kabaty; a to šumjenje jich křidłow běše jako ropot tych wozow z wjele konjemi, kiž do wójny běža; *Jer. 47, 3.*

10. A mějachu wopuše, kajkež skorpiony maju, a žahadla běchu we jich wopušach; a jich móc běše, ludžom škodzić pjeć měsacow.

11. A mějachu na sebi krala, teho jandžela teje hlubiny, kotremuž

po Hebrejskej rěkaju Abaddon, a po Grichiskej ma wón to mjeno Apollion. *Št. 1.*

12. Jene běda je so pominuło; hlaj, druge dwoje běda po tym přińdzetej.

13. A tón šesty jandžel zatrubi; a ja slyšach jedyn hlós z tych štyrjoch rohow teho złotoho wołtarja, kiž je před Bohom,

14. Tón džeše k temu šestemu jandželej, kiž tu trubu mješe: Wotwjež tych štyrjoch jandželow, kiž su zwjazani při tej wulkej řězy Euphrates.

15. A či štyrjo jandželjo buchu wotwjazani, kiž hotowi běchu na štundu a na dzeń a na měsíc a na lěto, zo bychu třecinu tych čłowjekow skóncowali.

16. A ta syła teho jězdneho wójška běše wjele tawzynt króc tawzynt; a ja slyšach, wjele jich běše.

17. A tak widžich ja te konje we widženju a tych, kotřiž na nich sedžichu, zo woni mějachu wohenjowe a hiacintowe a šwabelowe pancery; a te hlowy tych konjow běchu jako hlowy tych lawow, a z jich erta wuńdže woheń a kad a šwabel.

18. A wot teho trojeho bu skóncowana ta třecina tych čłowjekow, to je wot wohenja a wot kada a wot šwabela, kiž z jich erta won džeše.

19. Přetož jich móc běše we jich erće. A jich wopuše běchu podobne tym hadam a mějachu hlowy; a z tymi samymi činjachu woni škodu.

20. A wostachu hišće ludžo, kiž njebuchu morjeni w tutych čwělach; ale woni so njewobroćichu wot skutkow svojich rukow, zo bychu so njemodlili

před čertami a před tymi zlotymi, slěbornymi, koporowymi, kamjeńtnymi a drjewjanymi přibohami, kiž ani widzieć ani slyšeć ani chodzić njemóža; *St. 16, 11. 21. Ps. 115, 4. Ps. 135, 15.*

21. Ani tež pokutu nječinjachu za swoje mordowanje ani za swoje kuzlowanje ani za swoje kurwarstwo ani za swoje paduchstwo.

10. staw.

Jan póžrje knihi.

1. A ja widžich druheho mócneho jandžela, stupajo z njebjes dele, kiž běše z mróčelu wodžety, a tučel na jeho hłowje, a jeho wobličo běše jako to slóncó a jeho nocy jako wohenjowaj stołpaj. *St. 5, 2. St. 4, 3.*

2. A wón měješe w swojej rucy wotewrjene knižki; a staji swoju prawu nohu na morjo, lěwu pak na zemju; *St. 5, 1. Ps. 72, 8.*

3. A zawoła z wulkim hłosom, jako law ruje; a jako bě přestał wołać, řečeše sydom hrimanjow swoje hłosy.

4. Hdyž te sydom hrimanjow swoje hłosy běchu wuryčale, chcych ja to same napisać; ale wuslyšach hlós z njebja, kiž ke mni džeše: Zazygluj to, štož te sydom hrimanjow ryčale su, a njewopiš to same. *Dan. 8, 26. St. 12, 4. 9.*

5. A tón jandžel, kotrehož ja widžich stejo na morju a na zemi, pozběhnu swoju ruku k njebjesam, *1 Mójz. 14, 22.*

6. A přisahnu so při tym, kiž je žiwy wot wěčnosće hač do wěčnosće, kiž

stworil je njebjo a to, štož w nim je, a zemju a to, štož na njej je, a morjo a to, štož w nim je, zo tam dale žadyn čas wjacj njebudže; *5 Mójz. 32, 40.*

7. Ale w tych dnjach teho hłosa teho sedmeho jandžela, hdyž wón budže zatribić, budže tež dokonjane to potajnstwo Bože, jako wón přez ewangelion wučil je svojich wotročkow a profetow. *St. 11, 15. 1 Kor. 15, 51.*

8. A ja slyšach hlós z njebjes, kiž zaso zo mnu řečeše a džeše: Dži tam a wzmi te wotewrjene knižki z ruki teho jandžela, kiž na morju a na zemi steji. *Št. 2.*

9. A ja džech tam k temu jandželej a džach k njemu: Daj mi te knižki. A wón džeše ke mni: Wzmi je sebi a póžer je; a hórke ći budža w twojim brjuše, ale w twojim erće budža ći slódko jako měd. *Ez. 3, 1. 2. 3.*

10. A ja wzach te knižki z ruki teho jandžela a zjěch je; a běchu slódko w mojim erće, jako měd; a jako ja je běch zjědl, bu mi w mojim brjuše hórko.

11. A wón džeše ke mni: Ty dyrbiš pak zaso wěšćić ludam a póhanam a řečam a wjele kralam.

St. 11. 1. A sćina bu mi data, podobna na kij, a jandžel při mni steješe a džeše: Stań a měr tón templ Boží a tón wołtar a tych, kotřiž so w nim k Bohu modla.

2. Ale tón znutřkomny přitwark wučisń won a njeměr jón, přetož wón je póhanam daty; a woni to swjate město budža rozteptać dwaj a štyrcyći měsacow. *Luk. 21, 24. Zjew. 13, 5.*

11. staw.

Wo dwěmaj swědkomaj, jeju zastojństwe a byću.

3. A ja chcu mojimaj dwěmaj swědkomaj dać, zo budžetaj wěšćić tawzynt dvě sće a šěsć dżesać dnjow, woblecenaj w měchach. *St. 12, 6. 14.*

4. Taj staj dwaj wolijowcaj a dwaj swěčnikaj, kiž před Bohom teje zemje stejitaj. *Sach. 4, 3. 11. 14.*

5. A jeli zo štó jimaj chcył škodźić, dha wuńdže woheń z jeju erta a budže póžrěc jeju njeprěcelow; a jeli zo by jimaj štó chcył křiwdu činić, tón dyrbi tak skóncowany być. Ref((2 Kral. 1, 10. 12.))

6. Taj mataj móc, njebjesa zankać, zo by dešć nješoł za te dny jeju wěšćenja; a mataj móc na wodach, zo móžetaj je do krwě přewobroćić a zbić tu zemju ze wšelkej čwilu, tak často, hač wonaj chcetaj. *1 Kral. 17, 1. 2 Móž. 7, 19. 20.*

7. A hdyž staj wonaj swoje swědčenje dokonjałaj, budže to zwěrjo, kotrež z teje hlubiny wulěze, z nimaj wojować a jeju přewinyć a jeju skóncować.

8. A jeju ćěli budžetej ležeć na hasy teho wulkeho města, kotremuž rěkaju duchowne Sodom a Egypťowska, hdžež tež naš Knjez križowany je.

9. A jeju ćěli budža někotři wot tych ludow a rodow a ryčow a pohanow widzieć tři dny a poľ dnja; a njebudža jeju ćěli dać do rowa klasć.

10. A ći, kiž na zemi bydla, budža so zradować nad nimaj a so wjeselić,

a budža sebi dary jedyn druhemu slać; přetož taj dwaj profetaj čwilowaštaj tych, kiž na zemi bydlachu.

11. A po poľ štwórta dnjach přińdže do njeju duch teho žiwjenja wot Boha, a wonaj stupišťaj na swoje nohi, a wulka bojosć padže na tych, kiž jeju widźichu. *Luk. 7, 16.*

12. A wonaj słyšeštaj wulki hlós z njebjes, kotryž k nimaj džeše: Stuptaj sem horje! A wonaj stupišťaj horje do njebjes w mróćeli, a jeju njeprěceljo jeju widźichu.

13. A w tej samej štundže bu wulke zemjerženje, a tón dżesaty kruch teho města padže, a zabitych bu w tym zemjerženju sydom tawzynt mjenow čłowjekow; ći druzy pak so stróžichu a dawachu česć njebjeskemu Bohu.

14. To druhe běda je wotešlo; a hlaj, třeće běda přińdže nahle.

12. staw.

Štwórte widženje wo wójnje a dobyću cyrkwe přećiwo čertej a jeho hromadže.

15. A tón sedmy jandžel zatrubi; a stachu so wulke hłosy w njebjesach, kiž džachu: Te kralestwa teho swěta su so dostałe našemu Knjezej a jeho Chrystusej, a wón budže z kralom wot wěčnosće hač do wěčnosće.

16. A ći štyrjo a dwacećo starši, kiž před Bohom sedźichu na svojich stolach, padžechu na swoje wobliča a modlachu so k Bohu,

17. A džachu: My so ċi džakujemy, Knježe, Božo wšehomócný, kiž ty sy a kiž ty běše a kiž ty přińć maš, zo sy na so wzał tu swoju wulku móc a knježiš; *St. 1, 4. 8. St. 4, 8.*

18. A ċi póhanjo su so rozhněwali, a twój hněw je přišoł a tón čas tych mor-
wych, zo bychy sudženi byli, a zo by ty dał tu mzdu twojim wotročkam, tym profetam, a swjatym a tym, kotřiž so twojeho mjena boja, małym a wulkim, a zo by tych skazył, kotřiž zemju su skazyli. *St. 6, 16. 17.*

19. A templ Boži bu wotewrjeny w njebiesach, a ta křinja jeho zakonja bu we jeho templu widžena; a sta so błyskanje a hłosy a hrímanje a zem-
jerženje a wulke krupow zbiće. *St. 15, 5.*

St. 12. Št. 1. A wulki zejch bu widženy na njebju: žónska běše ze slóncom wobležena, a měsac běše pod jeje nohomaj, a na jeje hłowje běše króna wot dwanaće hwězdow.

2. A wona běše čěžka, wołaše a prócowaše so k porodženju a měješe wulku čwilu, zo by porodžila.

3. A druhi zejch so pokaza na njebju, a hlaj, wulki čerwjeny zmij, kiž sydom hłowow měješe a džesać rohow a na swo-
jich hłowach sydom krónow;

4. A jeho wopuš čehnješe za sobu třećinu tych njebieskich hwězdow a čisnu je na zemju. A tón zmij stupi před tu žónsku, kotraž porodžić měješe, zo by, hdyž by porodžila, jeje džěćo póžrjel. *Mat. 2, 13.*

5. A wona porodži syna, hólčatko, kotrež wšitkich pohanow dyrbješe pasć

ze železnym prutom; a jeje džěćo bu přeč torhnjene k Bohu a k jeho stołu. *Ps. 2, 8. 9.*

6. Ta žónska pak čeknu do pusćiny, hdžež ma město wot Boha přihotowane, zo by tam zežiwjena byla přez tawzynt dwě scě a šěsć džesać dnjow.

7. A wójna so zběhnu w njebie-
sach: Michał a jeho jandželjo wojowachu ze zmijom, a zmij wojowaše a jeho jandželjo; *Dan. 10, 13. 21. St. 12, 1.*

8. A njedobuchu, tež jich město njebu wjacj namakane w njebiesach.

9. A tón wulki zmij bu wučisnjeny, tón stary had, kotremuž rěkaju čert a zatan, kiž cyły swět zawjedže; a wón bu čisnjeny na zemju, a jeho jandželjo buchu z nim čisnjeni. *Luk. 10, 18. 1 Mójz. 3, 1. 4. 15.*

10. A ja slyšach wulki hlós, kiž džeše w njebiesach: Nětk je so wopokazało zbože a móc a kralestwo našeho Boha a wyšnosť jeho Chrystusa; dokelž začisnjeny je tón wobskoržowar našich bratrow, kiž jich pola našeho Boha wob-
skoržowaše wodnjo a w nocy.

11. A woni su jeho přewinyli přez teho jehnjeća krej a přez słowo swo-
jeho swědčenja, a njejsu swoje žiwjenje lubowali hać do smjerće.

12. Teho dla wjeselće so, njebiesa, a kiž w nich bydliće. Běda wam, kiž na zemi bydliće a na morju; přetož čert přińdže k wam dele a ma wulku zlobotu, dokelž wě, zo wón mało časa ma. *Ps. 96, 11.*

13. A jako zmij widžeše, zo bě začisnjeny na zemju, přescěhaše wón tu žónsku, kotraž to hólčatko porodžila

běše.

1 Mójz. 3, 15.

14. Ale tej žónskej buštej dvě křidle datej, jako wulkeho hodlerja, zo by do pusćiny lečala na swoje město, zo by tam byla zežiwjena na čas a na dwaj časaj a na položcu časa před wobličom teho hada.

Dan. 7, 25.

15. A tón had wupušći ze swojeje klamy za tej žonu wodu, jako rěku, zo by ju tepil.

16. Ale zemja spomože tej žonje a wotewri swój ert a wupi tu rěku, kotruž tón zmij ze swojeje huby wupušći.

4

Mójz. 16, 31. 32.

17. A tón zmij so rozhněwa na žónsku a woteńdže, zo by wojował z tymi zbytnymi wot jeje symjenja, kotřiž zachowaju Bože přikaznje a maju swědčenje Jezusa Chrystusa. St. 14, 12. 1 Jan. 5, 10:

13. staw.

Wo zwěrjeću hanjenja, kiž ma sydom hłowow, a zawjedženja, kiž ma dvě hłowje.

18. A ja stupich na mórski pěsk;

St. 13. Št. 1. A widźich zwěrjo, kiž z morja wulěze a měješe sydom hłowow a džesać rohow a na svojich rohach džesać krónow a na svojich hłowach mjena teho hanjenja.

St. 17, 3. 9. 12. Dan. 7, 7.

2. A to zwěrjo, kotrež ja widźich, běše podobne na pardela, a jeho nohi běchu jako mjedwjedźowe nohi a jeho klama jako lawowa klama. A tón zmij da jemu

swoju sylnosć a swój stoł a wulku móc. St. 12, 3.

3. A ja widźich jeho hłowow jenu, jako by smjertnje zranjena byla; ale jeho smjertna rana bu zahojena, a džiwaše so cyła zemja zady teho zwěrjeća.

4. A modlachu so k temu zmijej, kiž zwěrjeću móc da; a modlachu so tež k temu zwěrjeću a džachu: Štó je runy temu zwěrjeću? A štó móže z nim wojować?

5. A jemu bu daty ert, kiž rěčeše wulke wěcy a hanjenje, a bu jemu móc data wójnu načinić na dwaj a štyrcyći mėsacow.

Dan. 7, 8. 11. Zjew. 11, 2.

6. A wone wotewri swój ert k hanjenju přećiwo Bohu, lestrować jeho mjeno a jeho hětu a tych, kiž na njebyu bydla.

St. 16, 9. 11.

7. Tež bu jemu date, zo by wójnu wjedło ze swjatymi a zo by jich přewinuło; a móc bu jemu data na wšitke narody a ryče a na pohanow.

8. A wšitcy, kiž na zemi bydla, budža so k njemu modlić, kotrychž mjena njejsu napisane w tych žiwych knihach teho jehnjeća, kiž je skóncowane wot spočatka swěta.

St. 8, 13. St. 12, 12.

9. Jeli zo štó ma wuši, njech posłucha!

10. Jeli zo štó do jastwa wodži, tón do jastwa pónďže; jeli zo štó z mječom skóncuje, tón dyrbi z mječom skóncowany być. Tu je sčerpliwosć a wěra tych swjatych. 1 Mójz. 9, 6. Mat. 26, 52.

11. A ja widźich, zo druhe zwěrjo so zběže wot zemje; a měješe dwaj rohaj, podobnaj jehnječowymaj, a rěčeše jako zmij.

12. A wone wšitku móc teho přénšeho zwěrjeća dokonja před nim; a sčini, zo zemja a či, kiž na njej bydla, so modlachu před přénšim zwěrjećom, kotrehož smjertna rana běše zahojena.

13. Čini tež wulke džiwy, tak zo tež sčini, zo woheń z njebyes padže před ludźimi na zemju, *Mat. 24, 24.*

14. A zawjedže tych, kiž na zemi bydla, tych zejchow dla, kiž jemu date su, zo by je činiło před tym zwěrjećom; a kaže tym, kiž na zemi bydla, zo bych swjećo sčiniłi, podobne temu zwěrjeću, kotrež tu ranu wot mjeća měješe a zaso běše wožiwiło.

15. A jemu bu date, zo móžeše ducha dać swjećeću teho zwěrjeća, zo by to swjećo teho zwěrjeća rečalo; a wone sčini, zo či, kotřiž so k swjećeću teho zwěrjeća njemodla, bych skóncowani byli.

16. A přinući wšitkich, małych a wulkich, bohatych a chudych, zrejnych a wotročkow, zo wot njeho znamjo dostachu na swoju prawu ruku abo na swoje čolo; *St. 19, 20.*

17. Zo by žadyn njemohł kupować abo předawać, chiba tón, kiž ma znamjo abo mjeno teho zwěrjeća, abo rachnowanje, kak wjele z jeho mjena přińdže. *St. 14, 9—11.*

18. Tudy je mudrosć. Štóz rozum ma, tón njech přerachnuje, kak wjele to zwěrjo hromadže sčini; přetož to je čloróske rachnowanje a sčini hromadže šěsć stow a šěsć a šěsć džesać. *St. 17, 9. St. 15, 2.*

14. staw.

Jehnjo na horje Cion; Chrystus z tym serpom w mróčeli.

1. A ja widžich, a hlaj, jehnjo steješe na horje Cion, a z nim sto a štyri a štyrcyći tawzynt, kotřiž mějachu mjeno jeho Wótca napisane na svojich čolach. *Ps. 2, 6. Zjew. 7, 4. St. 3, 12.*

2. A ja slyšach hlós z njebja, jako hlós wjele wodow a jako hlós wulkeho hrímanja; a tón hlós, kotryž ja slyšach, běše jako citharistow, kiž na svojich citharach hraju. *St. 1, 15.*

3. A woni spěwachu nowy kěrluš před stolom a před tymi štyrimi zwěrjatami a před tymi staršimi. A žadyn njemóžeše tón kěrluš nawuknyć, chiba či sto a štyri a štyrcyći tawzynt, kiž su wot zemje wukupjeni.

4. Či to su, kotřiž ze žónskimi njejsu womazani; přetož woni su knježny a chodža za tym jehnjećom, hdžež wone chodži. Či su wukupjeni z tych čłowjekow za přenički Bohu a temu jehnjeću.

5. A we jich erće njeje žane jebanje namakane; přetož woni su bjez winy před Božim stolom. *Ps. 32, 2.*

6. A ja widžich druheho jandžela lětaceho srjedža přez te njebjesa, kiž měješe wěčne ewangelion, zo by připowědał tym, kiž na zemi bydla, a wšitkim póhanam a narodam a rečam a ludam; *St. 8, 13.*

7. Tón džeše z wulkim hlósom: Bójće so Boha a dajće jemu česć, přetož tón

čas jeho suda je prišoł, a modlće so k temu, kiž je sčinił njebjo a zemju a morjo a wodowe žórła. 5 *Mójjz. 32, 3. Ps. 146, 6. Jap. sk. 14, 15.*

8. A druhi jandžel přińdže za nim, kiž džeše: Panuło je, panuło je Babylon, to wulke město; přetož wone je z tym winom swjeho wrótného kurwarstwa napowało wšitkich pohanow. *St. 18, 2. Jez. 21, 9. Jer. 51, 8.*

9. A třeći jandžel lećeše za nimaj a džeše z wulkim hłosom: Jeli zo so štó budže před tym zwěrjećom modlić a před jeho swjećećom, a jeli zo wozmjé jeho znamjo na swoje čolo abo na swoju ruku;

10. Tón budže wot wina teho hněwa Božeho pić, kiž je nalate a lute w ke-lichu jeho hněwa; a budže čwilowany z wohenjom a ze šwabelom před swjatymi jandželemi a před tym jehnjećom. *St. 16, 19. Jez. 51, 22. 23. Ps. 60, 5. Zjew. 19, 20.*

11. A tón dym jich čwile póńdže horje wot wěčnosće hač do wěčnosće; a nimaju žaneho wotpočinka ani wodnjo ani w nocy, kiž so k temu zwěrjeću su modlili a k jeho swjećeću a jeli zo štó wzał je to znamjo jeho mjena.

12. Tudy je sčerpliwosć tych sw-jatych; tudy su ċi, kiž zachowaju Bože kaznje a tu wěru do Jezusa.

13. A ja słyšach hlós, kiž z njebja ke mni džeše: Napiš: Zbóžni su ċi morwi, kotřiž w tym Knjezu wumru, wot nětko. Haj tón Duch praji, zo woni wotpočuja wot swjeho džěla; jich skutki pak du za nimi.

14. A ja widźich, a hlaj, běła mróčel

so zjewi, a na mróčeli sedžeše podobny na čloróskeho syna, kiž měješe na swo-jej hłowje zlotu krónu a w swojej rucy wótry serp. *St. 1, 13. Ez. 1, 36.*

15. A druhi jandžel wuńdže z teho templa, zawoławši z wulkim hłosom k temu, kiž na tej mróčeli sedžeše: Založ twój serp a žni, dokelž čas je prišoł, zo by žnjał, přetož žně teje zemje su wuskle. *Joel. 3, 13. Mat. 13, 39.*

16. A tón, kiž na mróčeli sedžeše, založi swój serp na zemju; a zemja bu póznjata.

17. A druhi jandžel wuńdže z teho templa, kiž w njebjesach je, a tón tež měješe wótry serp.

18. A druhi jandžel wuńdže z wołtarja, kotryž móc měješe na wohen, a wołaše z wulkim wołanjom k temu, kiž tón wótry serp měješe, a džeše: Nastaj twój wótry serp a zbjer kity zemskeje winicy, přetož jeje jahody su zrałe.

19. A tón jandžel nastaji swój serp na zemju a zebra winowe kiće teje zemje a ċisnu je do teho wulkeho jězora Božeho hněwa.

20. A tón jězor bu wonkach před městom teptany; a wuńdže krej z jězora hač do wuzdow tych konjow, přez tawzynt a šěsć stow honow pol. *Jez. 63, 3. Zrud. kěrl. 1, 15.*

15. staw.

Pjate widženje wo sydom poslenich čwělach, a prawje wěrjacych chwalba.

1. Potom widźich druhi zejch na njebju, wulki a džiwny; sydom jandželow, či mějachu poslednje sydom čwile; přetož z tymi samymi je dokonjany Boži hněw.

St. 12, 1. 3.

2. A widźich jako škleńčane morjo z wohenjom naměšane; a tych, kiž běchu dobyli na zwěrjeću a na jeho swjećeću, na jeho znamjenju a na wjele jeho mjena, zo woni stejachu při škleńčanym morju a mějachu Bože harfy.

3. A spěwachu tón kěrluš Mójzasa, teho wotročka Božeho, a tón kěrluš teho jehněća a džachu: Wulke a džiwné su twoje skutki, Knježe, Božo všehomócný; prawe a wěrne su twoje puće, ty kralo tych swjatych. *2 Mójz. 15, 1. 5 Mójz. 32, 1.*

4. Štó by so će njechał bojeć, Knježe, a twoje mjeno česćić? Dokelž sam swjaty sy. Přetož všitcy póhanjo budža přińć a so před tobu modlić; přetož twoje prawe sudy su zjewjene. *Jer. 10, 7. Jez. 66, 23.*

5. A potom widźich, a hlaj, wotewrjeny bu templ teje hěty teho swědčenja na njebju. *St 1, 10.*

6. A wuńdžechu z njebja či sedmjo jandželjo, kiž te sydom čwile mějachu, a běchu wobleženi z čistym a z jasnym platom a wopasani wokoło wutroby ze zlotými pasami. *St. 1, 13.*

7. A jene wot tych štyrjoch zwěrjatow

poda tym sydom jandželam sydom zlotych mjedžeńcow napjelnjenych z hněwom teho žiweho Boha wot wěčnosće hač do wěčnosće.

8. A templ bu poňny kada wot Božeye krasnosće a wot jeho mocy; a nihtó njemóžeše do templa zańć, hač te sydom čwile tych sydom jandželow dokonjane buchu. *Jez. 6, 4.*

16. staw.

Mjedžeńcy Božeho hněwa wot sydom jandželow wulate.

1. A ja slyšach wulki hlós z teho templa, kiž džeše k tym sydom jandželam: Džiće a wuljće te mjedžeńcy teho hněwa Božeho na zemju! *St. 15, 7.*

2. A tón přěni woteńdže a wulinu swoju mjedžeńcu na zemju; a přińdže zły a škódný brjóđ na tych ludži, kotřiž znamjo teho zwěrjěća mějachu a kiž so k jeho swjećeću modlachu.

3. A tón druhi jandžel wulinu swoju mjedžeńcu do morja; a wone bu jako krej morweho; a kóžda žiwa duša wumře w morju. *2 Mójz. 7, 17-21.*

4. A tón třeći jandžel wulinu swoju mjedžeńcu do rěkow a do wódných žórłow; a sčini so krej.

5. A ja slyšach, zo jandžel tych wodow džeše: Knježe, ty sy prawy, kiž ty sy a kiž ty běše (a kiž ty budžeš), a sy swjaty, dokelž to sudził sy;

6. Přetož woni su tych swjatych a tych profetow krej rozleli; teho dla sy jim krej pić dał, přetož woni su teho

hódni.

Ps. 79, 3.

7. Tež slyšach ja, zo druhi jandžel z teho wołtarja džeše: Haj, Knježe, Božo všehomócný, twoje sudy su wěrne a prawe.

Ps. 9, 13.

8. A tón štwórty jandžel wulinu swoju mjedžeńcu do slónca, a jemu bu date, zo by tych ludźi z wohenjom čwilował.

9. A či ludžo buchu paleni z wulkej hěcu a hanjachu mjeno teho Boha, kiž móc ma na tych čwělach; a nječinichu pokutu, zo bychu jemu česć dali.

10. A tón pjaty jandžel wulinu swoju mjedžeńcu na stoł teho zwěrjeća; a jeho kralestwo bu z čmu wobdate; a woni žwachu swoje jazyki před bolosću,

11. A swarjachu na Boha w njebiesach svojich bolosćow dla a dla svojich brjodow; a njewobročichu so wot svojich skutkow.

St. 9,

20.

12. A tón šesty jandžel wulinu swoju mjedžeńcu na tu wulku rěku Euphrates; a jeje woda wuschnu, zo by puć přihotowany był tym kralam wot schadženja slónca.

Jez. 11, 15. 16.

13. A ja widžich, zo z teje huby teho zmija a z teje huby teho zwěrjeća a ze erta teho falšneho profety třjo nječisći duchojo wuńdžechu, kiž podobni běchu žabam;

St. 12, 9. 17.

14. A su čertowscy duchojo, kiž činja zejchi a chodža won k tym kralam na zemi a do cyłego šerokeho swěta, zo bychu jich zhromadźili na wójnu na tamny wulki dzeń teho všehomócného Boha.

15. Hlaj, ja přińdu jako paduch. Zbóžny je, kiž njespi a dzerži swoje drasty, zo by nahi njechodžil, a jeho

hanibu njewidželi. *St. 3, 3. Luk. 12, 39.*

1 Thes. 5, 2. 3. 2 Pětr. 3, 10. 2 Kor. 5, 3.

16. A wón jich zhromadźi na město, kotremuž rěkaju po Hebrejskej Harmageddon.

17. A tón sedmy jandžel wulinu swoju mjedžeńcu do lofta; a wulki hlós wuńdže z njebieskeho templa wot stoła, kiž džeše: Stało so je!

18. A stachu so hlósy a hrimanja a błyskanja; tež bu wulke zemjerženje, kajkež njeje było wot časa, hač su ludžo na zemi byli, tajke zemjerženje, tak wulke.

19. A to wulke město bu na troje rostorhane a te města tych pohanow spadžechu. A Babilona, teho wulkeho, bu spomnjene před Bohom, zo by jemu dał keluch teho wina swojeho suroweho hněwa.

St. 14, 10.

20. A wšitke mórske kupy čeknychu a žane hory njebuchu namakane. *St. 6,*

14.

21. A wulke krupy, jako centnar ćežke, padachu z njebies na ludži; a či ludžo hroznje swarjachu Boha tajkeje krupoweje čwile dla, přetož jich čwěla běše jara wulka. *2 Mójz. 9, 23. Hiob. 38,*

22. 23.

17. staw.

Šeste widženje; wopisanje antichrystskeho kralestwa ze znamjenjom wulkeje kurwy.

1. A jedyn wot tych sydom jandželow, kiž te sydom mjedžeńcy mějachu, přińdže a rěčeše zo mnu a džeše ke mni:

Pój sem, ja chcu ći pokazać, kak je wot-sudžena ta wulka kurwa, kiž na wjele wodach sedži;

Jer. 51, 13.

2. Z kotrejž su kurwili ći zemscy kralojo a wot kotrejež kurwarskeho wina so su wopili ći, kiž na zemi bydla. *St. 14, 8. Jer. 51, 7.*

3. A wón přinjese mje w duchu do pusciny. A ja widžich tu žónsku sedžo na šarlatowym čerwjonym zwěrjeću, kotrež poľne běše mjenow teho hanjenja a měješe sydom hłowow a džesać rohow. *Mat. 4, 1.*

4. A ta žónska běše nawoblečena z purpurom a ze šarlatom; a běše pozłoćena ze zlotom a z krasnymi kam-jenjemi a z parlemi; a měješe zloty keluch w swojej rucy, kotryž poľny běše hroznosće a nješwarnosće jeje kur-warstwa; *St. 18, 16. Jer. 51, 7.*

5. A na svojim čole měješe wona napisane mjeno: To potajnstwo, Baby-lon, to wulke, mać teho kurwarstwa a wšitkeje hroznosće teje zemje. *2 Thes. 2, 7. Zjew. 14, 8. St. 16, 19. St. 16, 2. 9.*

6. A ja widžich tu žónsku pjanu wot krwě tych swjatych a wot krwě tych swědkow Jezusowych; a ja, jako ju wuh-ladach, džiwach so jara. *St. 18, 24.*

7. Tuž džeše tón jandžel ke mni: Čoho dla so džiwáš? Ja chcu ći pow-jedzić to potajnstwo wot teje žónskeje a wot teho zwěrjeća, kotrež ju njese a ma sydom hłowow a džesać rohow.

8. To zwěrjo, kotrež ty widžil sy, je bylo, a njeje, a budže zaso wustupić z teje hľubokosće a pónǵe do zata-

manstwa; a budža so džiwac ći, kotřiž na zemi bydla (kotrychž mjena njejsu napisane w knihach teho žiwjenja wot spoćatka swěta), hdyž to zwěrjo widžeć budža, kotrež bylo je, a njeje, a wšak tola je. *St. 11, 7. St. 13, 3. 2 Mójz. 32, 32. Dan. 12, 1. Phil. 4, 3.*

9. Tudy je rozum, kiž mudrosć ma. Te sydom hľowy su sydom hory, na kotrychž ta žónska sedži, a tych kralow je sydom. *St. 13, 18. St. 13, 1.*

10. Pjeć je jich panuľo, a jedyn je, tón druhi hišće njeje přišoľ; a hdyž wón přiuǵǵe, dyrbi wón maľu chwilu trać.

11. To zwěrjo pak, kotrež je bylo, a wjacj njeje, to je tón wosmy, a je wot tych sydom a dže do skaženja.

12. A te džesać rohi, kotrež sy widžil, su džesaćo kralojo, kotřiž kralestwo hišće njejsu dóstali; ale budža jako kralojo móc na jenu štundu dostać z tym zwěrjećom. *St. 13, 1. Dan. 7, 20. 24.*

13. Ći sami maju jenu mysl a budža swoju móc a krasnosć temu zwěrjeću podać.

14. Ći budža z tym jehnjećom wo-jować, ale to jehnjo budže jich přewinyć (přetož wone je tón Knjez wšitkich knježich a kral wšitkich kralow) a z nim ći powołani a wuzwoleni a wěrní. *St. 17, 14. St. 19, 16. 1 Tim. 6, 15.*

15. A wón džeše ke mni: Te wody, kotrež ty widžil sy, hdžež to kurwisko sedži, su ludy a narody a póhanjo a ryče. *Jez. 8, 7. Jer. 47, 2.*

16. A te džesać rohi, kotrež ty widžil sy na zwěrjeću, ći budža tu kurwu hidzić a ju pustu a nahu sćinić a budža jeje ćeľo žrać a ju samu z wohenjom spalić. *St.*

16, 8.

17. Přetož Bóh je jim do jich wutrowow dał, zo bychu činili jeho wolu a to činili w jenej mysli a dali swoje kralestwo temu zwěrjeću, hač bychu Bože słowa dokonjane byle.

18. A ta žónska, kotruž ty widził sy, je to wulke město, kiž kralestwo ma na tych kralach na zemi. *St. 16, 19.*

18. staw.

Wo padže a štrafje antichrystskeho kralestwa.

1. A potom widžich ja druheho jandžela z njebyes přińdžo, kiž wulku móc měješe, a zemja bu rozswětlena wot jeho krasnosće;

2. A wón zawoła ze sylnym hłosom a džeše: Panuło je, panuło je Babylon, to wulke, a je k wobydlenju tych čertow sčinjene a za klódu wšitkich nječistych duchow a za klódu wšitkich nječistych a hidženych ptakow. *Jez. 21, 9. Jer. 51, 8. Zjew. 14, 8. Jez. 13, 21. Jer. 50, 3. 39. 40.*

3. Přetož wot suroweho wina jeho kurwarstwa su wšitcy póhanjo pili; a či kralojo na zemi su z nim kurwili, a kupcy teje zemje su so wobohačili wot jeho wulkeho lósta. *Jer. 51, 7. Nah. 3, 4.*

4. A ja slyšach druhi hlós z njebya, kiž džeše: Džiće won z njeho, mój ludo, zo byšće so njestowaršili z jeho hrěchami a něšto wot jeho čwilow njedostali. *Jez. 48, 20. Jer. 50, 8.*

5. Přetož jeho hrěchi dosahaju hač do njebyes, a Bóh spomina na jeho

njeprawdu. *1 Mójs. 18, 20. Jer. 51, 9.*

6. Zaplaćće jemu, kaž je wone wam zaplaćilo, a činće jemu dwójcy po jeho skutkach; a z kotrejž kanku wone wam je připilo, připijće jemu dwójcy. *Jer. 50, 15. 29.*

7. Tak wjele hač wone so same chwalilo je a je so derje a krasnje mělo, tak wjele dajće jemu čwile a ćerpjenja. Přetož wone praji w swojej wutrobje: Ja sedžu jako kralowa a njejsym žana wudowa a žarowanje widžeć njebudu. *Jer. 50, 29. Jez. 47, 7. 8.*

8. Teho dla budža jeho čwile na jedyn dzeń přińć, smjerc a žarowanje a hlód; a z wohenjom budže wone spalene. Přetož sylny je Bóh, tón Knjez, kiž jo sudzić budže. *Jez. 47, 9. Jer. 50, 31. Zjew. 17, 16.*

9. A budža pře njo plakać a jeho dla žaloscić či kralojo na zemi, kotřiž z nim su kurwili a samopašnosť hnali, hdyž woni budža wohladać tón kad jeho palenja; *St. 17, 2. St. 2, 23.*

10. A budža z daloka stać před bojosću jeho čwile a prajić: Běda, běda! to wulke město Babylon, to sylne město! dokelž we jenej štundže je twoje sudjenje přišlo. *St. 14, 8.*

11. A či kupcy na zemi budža pře njo plakać a žarować, zo jich woru žadyn wjac kupować njebudže; *Št. 18. Ez. 27, 36.*

12. Tu woru teho złota a slěbora a krasnych kamjenjow, tych parlow, teho čénkeho plata a purpura a židžaneho a šarlata a wšelke tynowe drjewo, tež wšelke sudobje wot elefantowych kosćow a wšelke sudobje wot krasneho drjewa,

wot kopora, wot železa a wot marmora;
Ez. 27, 12. 13. 22.

13. A zimmet a kadženje a žalbu a wyruch a wino a wolij a całty a přeńcu a skót a wowcy a konje a wozy a čěła a duše tych ludźi.

14. Tež tón sad, kiž sebi twoja duša požada, je wot tebjje wotešoł; a wšitko, štož tučne a krasne běše, je wot tebjje so zhubiło; a njebudžeš to same wjacy namakać.

15. Či kupcy tajkich wěcow, kiž so wot njeho su wobohačili, budža z daloka stać před bojosću jeho čwile a plakać a žarować,
Jer. 50, 13. 46.

16. A budža rjec: Běda, běda! to wulke město, kotrež běše nawoblečene ze židu a z purpuruom a ze šarlatom a pozłócane běše ze zlotom a z krasnymi kamjenjemi a z parlemi!

17. Dokelž za jenu štundu tajke wulke bohatstwo je wutupjene; tež wšitcy rozkazowarjo na lódžach a wšitkón lud, kiž so na lódžach wozy, a čí lódžnicy, kiž na morju dobytku pytaju, stejachu z daloka;
Jez. 25, 14. Ez. 27, 27.

18. A zawołachu, hdyž tón kad wot jeho spaljenja wuhladachu, a džachu: Kotre město běše rune temu wulkemu městu?
Jez. 34, 10.

19. A mjetachu proch na swoje hlowy, wołachu, plakachu a žarowachu a džachu: Běda, běda! to wulke město, w kotrymž su so wobohačili wšitcy, kiž lódže na morju mějachu, wot jeho krasnych wěcow! Přetož za jenu štundu je wone wutupjene.
Joz. 7, 6. Hiob. 2, 12.

20. Wjesel so nad nim, njebjo, a wy swjeći japoštoli a profetojo, přetož Bóh

je jo sudžił a so waše dla nad nim wječil!
Jer. 51, 48.

21. Tuž pozběhnu jedyn sylny jandžel kamjeń, wulki jako młynski kamjeń, a čisnu jón do morja a džeše: Tak budže tež jene dobo začisnjene to wulke město Babylon a njebudže wjacy namakane.
Jer. 51, 63. 64.

22. A hlós tych spěwarjow a hercow, piskarjow a trubjerjow wjacy w tebi słyšany njebudže; ani žadyn hantwjerski wšelkeho kumšta njebudže wjacy w tebi namakany; ani młynski hlós njebudže wjacy w tebi słyšany; *Jez. 24, 8. Ez. 26, 13.*

23. A to swětło wot swěcy njebudže so wjacy w tebi swěćić; ani hlós nawoženjowy a njewjesćiny njebudže wjacy w tebi słyšany, přetož twoji kupcy běchu wulcy knježa na zemi, zo přez twoje kuzlowanje su byli zawjedzeni wšitcy póhanjo. *Jer. 7, 34. Jez. 23, 8.*

24. A ta krej tych profetow a swjatych je w nim namakana, a wšitkich tych, kotřiž su na zemi skóncowani. *St. 17, 6. Mat. 23, 37.*

19. staw.

*Chwalobny kěrluš wuz-
wolenych wuwjedženja
Božeho suda dla, štož nas-
tupa wulku kurwu.*

1. Potom słyšach ja wulki hlós wulkeho luda na njebju, kiž džeše: Haleluja!

Zbožo a chwalba a česć a móc budź Bohu, našemu Knjezej! *St. 11, 15.*

2. Přetož wěrne a prawe su jeho sudy, zo wón tu wulku kurwu je sudził, kotraž tu zemju ze swojim kurwarstwom je skazyła, a je tu krej swojich wotročkow z jeje ruki wječil. *5 Mójz. 32, 43.*

3. A džachu z nowoh': Haleluja! A jeje kad wustupa do wšeje wěčneje wěčnosće. *Jez. 34, 10.*

4. A ěi štyrjo a dwacećo starši a te štyri zwěnjata padžechu dele a modlachu so k Bohu, kiž na stole sedžeše, a džachu: Hamjeń, haleluja! *St. 4, 4. 10.*

5. A hlós wuńdže ze stola, kiž džeše: Chwalće našeho Boha wšitcy jeho wotročcy a kotřiž so jeho bojiće, maši a wulcy!

6. Tež slyšach ja jako hlós wulkeje syły a jako šumjenje wjele wodow a jako hlós sylnych hrimanjow, kiž džachu: Haleluja! Přetož tón Knjez, tón wšehomócný Bóh, jako kral knježi. *St. 11, 15.*

7. Wjeselmy so a zradujmy so a dajmy jemu česć; přetož kwas teho jehnjeća je přišoł a jeho mandželska je so přiřadowała. *Mat. 22, 2. St. 25, 6. 10.*

8. A jej bu date, zo by so woblekla rjanu a čistu židu (ta žida pak je ta prawdosć tych swjatych). *Ps. 45, 14. 15.*

9. A wón džeše ke mni: Napiš: Zbóžni su, kotřiž k kwasnej wječeri teho jehnjeća su powołani. Tež džeše wón ke mni: To su wěrne słowa Bože. *Luk. 14, 16. Zjew. 21, 5.*

10. A ja padžech před nim k jeho nohomaj, zo bych so k njemu modlił; ale wón džeše ke mni: Hlada, zo by to

nječinil; ja sym twojeho runja wotročk a twojich bratrow a tych, kiž maju to swědčenje Jezusowe. Modl so k Bohu. To swědčenje Jezusowe pak je tón profetiski duch. *St. 22, 8. Jap. sk. 10, 25. 26.*

11. A ja widžich njebjesa wotewrjene, a hlaj, běły kón; a temu, kiž na nim sedžeše, rěkaju swěrný a wěrný, a kiž po prawdosći sudži a wojuje. *St. 6, 2.*

12. A jeho woči běštej jako wohenjowe płomjo, a na jeho hłowje běše wjele krónow; a měješe mjeno napisane, kotrež nchtó njewědžeše, chiba wón sam. *St. 1, 14.*

13. A běše woblečeny drastu, kiž z krwju běše wobkrjepjena; a jeho mjenu rěkaju Bože słowo. *Jez. 63, 1. Jan. 1, 1.*

14. A wójška, kiž w njebjesach su, čehnjechu za nim na bělych konjach a běchu woblečene z bělej a z čistej židu.

15. A ze erta jemu wuńdže na woběmaj bokomaj wótry mječ, zo by z tym samym tych pohanow zrubał; a wón budže na nich knježić ze železnym prutom. A wón tepce tón winowy jězor teho suroweho hněwa teho wšehomócného Boha. *Ps. 2, 9. Jez. 63, 3.*

16. A ma to mjeno na swojej drasće a na swojich ledžbach napisane: Kral kralow a Knjez knježich. *1 Tim. 6, 15. Zjew. 17, 14.*

17. A ja widžich jeneho jandžela stejo w slóncu; a wón wołaše z wulkim hłosom a džeše k wšitkim ptakam, kiž pod njebjesami lětaju: Póje a zhromadžće so k wulkej wječeri Božej,

18. Zo byšće jědli ćěla tych kralow a ćěla tych hejtmanow, te ćěla tych syl-

ných a čěla tych konjow a tych, kiž na nich sedža, a čěla wšitkich frejných a wotročkow, tych małych a wulkich. *Jez. 49, 26.*

19. A ja widžich to zwěrjo a tych kralow na zemi a jich wójška zhromadžene, zo bychy bitwu dźerželi z tym, kiž na tym konju sedžeše, a z jeho wójskom.

20. A to zwěrjo bu přijate a z nim tón falšny profeta, kiž te zejchi činješe před nim, přez kotrež wón zawjedžeše tych, kiž znamjo teho zwěrjeća wzachu a kiž so modlachu k temu swjećeću teho zwěrjeća; a wonaj wobaj buštaj žiwaj do teje wohenjoweje luže čisnjenaj, kotraž ze šwablom so horješe. *St. 13, 1. 15. St. 20, 10. Jez. 30, 33. Dan. 7, 11. 26.*

21. A či druzy buchu skóncowani z mječom teho, kiž na konju sedžeše, kotryž jemu ze erta won džěše; a wšitke ptaki buchu nasyćene wot jich mjasu.

20. staw.

Wo zwjazanym a wotwjazanym zmižu: Gogu a Magogu, a sudnym dnju.

1. A ja widžich jandžela dele přińdžo z njebjes, kiž měješe kluč k hłubinje a wulki rječaz w swojej rucy. *St. 1, 18.*

2. A wón zapřija teho zmija, teho stareho hada, kiž je čert a zatan, a zwjaza jeho na tawzynt lět; *St. 12, 9.*

3. A čisnu jeho do teje hłubiny a zankny jeho a zazygłowa z wjercha na

nim, zo by wjacj tych pohanow njezawjedł, hač było dokonjane tawzynt lět; a potom dyrbi wón rozwjazany być na mały čas.

4. A ja widžich stoły, a zesydachu so na nje, a jim bu sudženje date; a te duše tych, kotrymž hłowa běše wotčata swědčenja Jezusowego dla a Božeho dla, a tych, kotřiž so njeběchu modlili k temu zwěrjeću ani k temu swjećeću a njeběchu wzali to znamjo na swoje čolo ani na swoju ruku; a či běchu žiwi a knježachu z Chrystusom tawzynt lět. *Dan. 7, 9. 22. 27. Mat. 19, 28.*

5. Či druzy morwi pak njebuchu zaso žiwi, hač byle tawzynt lět dokonjane. To je to přenje horjestawanje. *Jez. 26, 14.*

6. Zbóžny a swjaty je tón, kiž ma džěl na tym přnim horjestawanju; přetož nad tymi ta druha smjerć žaneje mocy nima; ale woni budža měšnicy Boži a Chrystusowi a budža z nim knježić tawzynt lět. *St. 5, 10.*

7. Hdyž pak te tawzynt lěta dokonjane budža, budže zatan wupušćeny ze swjeho jastwa,

8. A budže, wuńć, zo by zawjedł tych póhanow, kiž su na tych štyrjoch kóncach teje zemje teho Goga a Magoga, zo by jich zhromadził na bitwu, kotrychž wjele je jako pěska při morju. *Ez. 38, 2. 1 Makk 11, 1.*

9. A woni wustupichu na tu šěrokość teje zemje a wobdachu koło wokoło to wójško tych swjatych a to lube město; ale woheń padže wot Boha z njebjes a póžrje jich. *Ez. 88, 22. St. 30, 6.*

10. A tón čert, kiž jich zawjedł běše, bu čisnjeny do jězora, kiž z wohenjom

a ze šwablom so pali, hdžež to zwěrjo a tón falšny profeta běštaj; a budža tam čwilowani wodnjo a w nocy do wšeje wěčneje wěčnosti. *St. 19, 20. St. 14, 10. 11.*

11. A ja widžich wulki běly stoł a teho, kiž na nim sedžeše, před kotrehož wobličom čekaše zemja a te njebjesa, a njebu žane město za nich namakane.

12. A ja widžich tych morwych, małych a wulkich před Bohom stejo, a knihi buchu wotewrjene; tež buchu knihi wotewrjene, kotrež su teho žiwjenja. A či morwi buchu sudženi po tym, jako pisane běše w tych knihach, po svojich skutkach. *St. 3, 5. Phil. 4, 3.*

13. A to morjo dawaše tych morwych, kotřiž w nim běchu; a ta smjerc a ta hela dawaštaj tych morwych, kiž w njej běchu; a woni buchu sudženi, kóždy po svojich skutkach.

14. A ta smjerc a ta hela buštej čisnjenej do teho wohenjoweho jězora. To je ta druha smjerc. *St. 6, 8. 1 Kor. 15, 26. 54. 55.*

15. A štóž njebu namakany w tych knihach teho žiwjenja napisany, tón bu čisnjeny do teho wohenjoweho jězora. *Mat. 25, 41.*

21. staw.

Sedme widženje wo nowym Jerusalemj.

1. A ja widžich nowe njebjesa a nowu zemju. Přetož te přenje njebjesa a ta přenja zemja bě zašla a to morjo wjacj

njeběše. *Jez. 65, 17. St. 66, 22. 2 Pětr. 3, 13.*

2. A ja, Jan, widžich to swjate město, to nowe Jerusalemy, kiž wot Boha z njebjes dele přińdže, tak přiřadowane jako wupyšena njewjesta swojemu mužej. *Gal. 4, 26. Hebr. 11, 10.*

3. A ja slyšach wulki hlós z njebjes, tón džeše: Hlaj, hěta Boža pola čłowjekow; a wón budže při nich bydlič, a woni budža jeho lud, a Bóh sam z nimi budže jich Bóh. *2 Kor. 6, 16. Ez. 37, 27.*

4. A Bóh budže z jich wočow wšitke sylzy zetrěć; a smjerc wjacj njebudže, ani zrudoba ani wołanje ani bolosć wjacj njebudže; přetož přenje je zašlo. *St. 7, 17. Jez. 35, 10.*

5. A tón, kiž na stole sedžeše, džeše: Hlaj, ja činju wšo nowe. A wón džeše ke mni: Piš; přetož te słowa su wěste a wérne. *2 Kor. 5, 17.*

6. Zaso džeše wón ke mni: Stalo so je. Ja sym to A a to O, tón započatk a tón kónc. Ja budu lačnemu dać z teje studnje žiweje wody darmo. *St. 1, 8.*

7. Štóz přewinje, budže wšitko herbować, a ja budu jeho Bóh a wón budže mój syn. *St. 2, 26—28. Sach. 8, 8.*

8. Tym bojaznym pak a njewěrnym a hroznym a mordarjam a kurwarjam a kuzlarjam a přibójskim a wšitkim łharjam, jich džěl budže w tej luži, kiž so z wohenjom a ze šwablom hori; kotrež je ta druha smjerc. *St. 22, 15.*

9. A jedyn wot tych sydom jandželow přińdže ke mni, kiž te sydom mjedžeńcy mějachu poňe tych poslenich sydom čwilow; a řečeše zo mnu a džeše: Pój sem, ja chcu či tu žonu pokazać, tu njew-

jestu teho jehnjeća. *St. 15, 1.6. 7. St.19, 7.*

10. A wjedžeše mje w duchu na wulku a wysoku horu a pokaza mi to wulke město, to swjate Jerusaleml, kotrež běše dele přišlo z njebyes wot Boha; *Ez. 40, 2.*

11. A měješe tu krasnosť Božu, a jeho swětło běše podobne na najkrasniši kamjeń, jako na jasny kamjeń jaspis; *Ez. 48, 35.*

12. A měješe wulke a wysoke murje, a měješe tež dwanaće wrotow a na tych wrotach dwanaće jandzelow a mjena napisane, kotrež su tych dwanaće rodow Israelskich džěci. *Ez. 48, 31.*

13. Wot ranja běchu tři wrota, wot pońcocy tři wrota, wot pońdnja tři wrota, wot wječora tři wrota.

14. A ta murja teho města měješe dwanaće gruntow a na nich te mjena tych dwanaće japoštołow teho jehnjeća. *Eph. 2, 20.*

15. A tón, kiž zo mnu rěčeše, měješe złotu sćinu za měru, zo by to město měrił a jeho wrota a jeho murje. *Ez. 40, 3.*

16. A to město běše založene na štwore rózki a jeho dołhosć tajka, kajkaž tež šěrokosć je. A wón měrješe to město z tej sćinu na dwanaće tawzynt honow pol; a dołhosć a šěrokosć a wysokosć teho města su rune.

17. A wón měrješe jeho murje, sto a štyri a štyrcyći lohców, po čloróskej měrje, kiž tež je měra jandželska.

18. A twar jeho murjow běše wot jaspisa a to město wot čisteho złota, kiž běše podobne čistej škleńcy.

19. A murjowy grunt teho města běše rjenje wuhotowany ze wšelkimi kras-

nymi kamjenjemi; tón přěni grunt běše jaspis, tón druhi zaphir, tón třěci chalzedon, tón štwórty smaragd, *2 Móž. 28, 17. Jez. 54, 11. 12.*

20. Tón pjaty zardonix, tón šesty zardius, tón sedmy chryzolith, tón wosmy berillus, tón džewjaty topazius, tón džesaty chrizopras, tón jědnaty hyacint, tón dwanaty amethizt.

21. A te dwanaće wrota běchu dwanaće parle, a kóžde tych wrotow běše wot jedneje parle; a hasy teho města běchu čiste złoto, jako jasna škleńca. *St. 22, 2.*

22. A ja njewidžich žadyn templ w nim; přetož tón Knjez, tón wšehomócný Bóh, je jeho templ a to jehnjo.

23. A to město njepotrjeba slónca ani měsaca, zo byštej w nim swěćilej; přetož ta krasnosť Boža rozswěći to same, a jeho swěca je to jehnjo. *Jez. 60, 19. Zjew. 22, 5.*

24. A či pohanjo, kiž zbóžni budža, chodža w jeho swětle; a či kralojo na zemi budža swoju krasnosť a česć do njeho přinjesć. *Jez. 60, 3. 5.*

25. A jeho wrota njebudža zamkane wodnjo, přetož tam žana nóc njebudže. *Jez. 60, 11. 20. Zjew. 22, 5.*

26. A woni budža tu krasnosť a česć tych pohanow do njeho přinjesć.

27. A njebudže ničo nječiste do njeho přinć, ani štož hroznosć čini a lžu rěči; ale kotřiž napisani su w knihach žiwjenja teho jehnjeća. *Phil. 4, 3.*

22. staw.

Wo wěstym wjeselu we wěčnym žiwjenju.

1. A wón pokaza mi čistu řeku žiweje wody, jasnu jako krystal, kiž won džeše ze stoła Božeho a teho jehnjeća. *Ez. 47, 1. Sach. 14, 8.*

2. Srjedža na jeho hasy a na woběmaj stronomaj teje řeki steješe drjewo teho žiwjenja, kiž přinjese dwanaćore plody; kóždy měsac dawa wone swój plód; a te lisće teho drjewo hodža so k wustrowjenju tych pohanow.

3. A žane pokleće w nim wjacy njebudže; ale stoł Boží a teho jehnjeća budže w nim; a jeho wotročy budža jemu služić, *Sach. 14, 11.*

4. A budža jeho wobličo widžeć, a jeho mjeno budže na jich čolach.

5. Tam tež žana nóc njebudže, a njebudža potřebać žaneje swěcy abo slónčnej swětlosće; přetož Bóh tón Knjez budže jich rozswětlić, a woni budža knjezić do wšeje wěčneje wěčnosće. *Jez. 60, 19. Ps. 36, 10. Zjew. 21, 25. St. 20, 6.*

6. A wón džeše ke mni: Te słowa su wěste a wěrne. A Bóh, tón Knjez tych swjatych profetow, je swjeho jandžela posłał, zo by swojim wotročkam zjewił, štož so bórzy stać dyrbi.

7. Hlaj, ja přińdu bórzy. Zbóžny je, kiž dzerži te profetiske słowa w tych knihach. *St. 3, 11. St. 1, 3.*

8. A ja, Jan, sym tón, kiž to widžil a slyšał je. A hdyž to slyšał a widžil běch, padžech ja dele, zo bych so modlil

k tymaj nohomaj teho jandžela, kiž mi to same pokaza. *St. 19, 10.*

9. Ale wón džeše ke mni: Hladaj, zo by to nječinil; přetož ja sym twojeho runja wotročk a twojich bratrow, tych profetow, a tych, kiž dzerža te słowa tych knihow. Modl so k Bohu!

10. Dale džeše wón ke mni: Njezazygluj te profetiske słowa w tych knihach, přetož tón čas je blisko. *Dan. 8, 26. Phil. 4, 5.*

11. Štóz zły je, njech je hišće dale zły; a štóz nječisty je, njech hišće dale je nječisty; štóz pak prawy je, njech hišće dale je prawy; a štóz swjaty je, njech je hišće dale swjaty. *2 Tim. 3, 13.*

Tekst na 27. njedźelu po swj. Trojicy. III.

12. [A hlaj, ja přińdu bórzy a moja mzda zo mnu, zo bych dał kóždemu, kakžež jeho skutki budža. *Št. 7. St. 3, 11. Rom. 2, 6. Jez. 40, 10.*

13. Ja sym to A a to O, tón spočatk a kónc, tón přeni a posleni. *Jez. 41, 4. St. 44, 6. St. 48, 12. Zjew. 1, 8. St. 21, 6.*

14. Zbóžni su, kotřiž jeho kaznje dzerža, zo bychu měli prawo k drjewu teho žiwjenja, a zo bychu woni z wrotami nutř šli do teho města. *St. 12, 17.*

15. Přetož wonkach su te psy a či kuzlarjo a či kurwarjo a či mordarjo a či přibójscy, a wšitcy, kiž lubuja a činja te lže. *St. 21, 8. 1 Kor. 6, 10.*

16. Ja, Jezus, sym posłał swjeho jandžela, zo by wam to wobswědčil w cyrkwach. Ja sym tón korjeń a narod

Dawidowy, ta jasna a jutrna hwězda. *St. 1, 1. St. 1, 2. Jez. 11, 10. Rom. 15, 12. 2 Pětr. 1, 10.*

17. A tón Duch a ta njewjesta prajitaj: Přińdź! A štož to słyši, njech rjeknje: Přińdź! A komuž so pić chce, njech přińdže; a štož chce, njech wozmjje wodu teho žiwjenja darmo.] *Jez. 55, 1. Jan 7, 37. Zjew. 21, 6.*

18. Ja wobswědču pak wšitkim, kotřiž słyša słowa teho wěšćenja tych knihow: Jeli zo što k temu něšto přistajić budže, dha budže tež Bóh jemu přistajić te čwile, kotrež w tych knihach napisane steja.

19. A jeli zo što wot tych slowow tych wěšćerskich knihow něšto budže přeč wzać, dha budže tež Bóh přeč wzać jeho džěl z tych knihow teho žiwjenja a z teho swjateho města a z teho, štož je napisane w tych knihach. *5 Mójz. 4, 2. St. 12, 32. Phil. 4, 3.*

20. Tak praji tón, kiž to swědči: Haj, ja přińdu bórzy! Hamjeń. Haj, přińdź, Knježe Jesu! Ta hnada našeho Knjeza Jezom Chrysta budź z wami wšitkimi! Hamjeń. *St. 1, 7. 2 Tim. 4, 22. Hebr. 13, 25.*

Samemu budź Bohu česć! Hamjeń.